




Teut. 5896



XI III 10.

X. c. 15.









Sciendum nobis est, quod Diuina operatio, si ratione comprehenditur, non est admirabilis, nec Fides habet meritum, cui humana ratio præbet experimentum. *D. Greg. Magn. Hom: 26. in Euang:*

Quâcunq; horâ, quâcunq; die, aliquis fidelium, cum totis præcordijs & visceribus, honorat Virginem, increpandus non est pertinaciter, ne ipsius Virginis animaduersio incurratur, quæ auxiliatrix & amatrix est omnium fidelium, suorum laudatorum; sicut illi qui tales sunt, experimento multiplici cognouerunt. *S. Bonauentura in 3. Dist: 3. Art: 1. Quæst: 1.*



NOVVS
ASSERENDÆ IMMACVLATÆ
CONCEPTIONIS
DEIPARÆ
VIRGINIS
MODVS.

Sacræ Scripturæ & Sanctis Patribus,
consentaneus. A Sanctis & Classicis
Doctoribus Ecclesiæ, insinuatus.

Ex principijs Venerabilis Serui DEI Ioannis
Duns Scoti Doctoris Subtilis, deductus.

Primò

Per A. V. P. Dominicum Coruinum KOCHANOWSKI, Polonum,
S. Theol: Lectorem Generalem Ord: Min: Obseruantium S:
Francisci, Prouinciæ Poloniæ Minoris Alumnum, compositus,
& Viennæ Austriæ, sub annum 1666. impressus.

Nunc denuò, post fata Authoris

Per A. V. P. Franciscum Coruinum Kochanowski, Fratrem vte-
rimus pie defuncti, in eadem Prouinciâ, Prædicatorem & Lecto-
rem S. Theol: Generalem, ac actualement Cracouiensem, Diffini-
torem actu, Serenissimi MICHAELIS Poloniæ Regis, Theolo-
gum, multis additionibus copiosè auctus, & quadruplici Indi-
ce, Authorum, Locorum S. Scripturæ, Rerum notabilium, ac
Conceptuum prædicabilium, sufficienter ornatus, &
iterum prælo datus.

CASIMIRIÆ ad Cracouiam

In Officina Typogr. Balthasari Smieškowic, S. R. M. Typog.
Anno à Partu Virginis M. DC. LX. IX.

*Ex Libris M. Stanisł. Jabrzycki S. R. M. Typog. Cracouiensis
Josi Wol Curati in Głogowa*

*Biblioth.
ca Collegii
Iuridici*



Pectore fort. Alasursum TVA Stemmata PRINCEPS,
 Ut plus syderibus compleat Astra TVIS;
 Lumine sicque TVO perbellè augebitur ather,
 Augebitq; TVOS gratus & ipse dies.
 Fadere sic sancto mutabitur athere terra
 TV MICHAEL nobis Sydus & Aether eris.





SERENISSIMO
ET POTENTISSIMO PRINCIPI
DOMINO

D. MICHAELI

DEI GRATIA

POLONIARVM REGI

AVGVSTISSIMO.

MAGNO DVCI LITHVANIAE,

Russiae, Prussiae, Mazouiae, Samogitiae,
Liuoniae, Smolensciae, Seueriae, Woly-
niae, Podoliae, Kiiouiae, Włodimiriae,
Podlachiae, Czerniechouiaeque.

WISNIO WIECIO DVCI

HÆREDITARIO.

Domino Domino suo Clementissimo.



*Ex Cordale M. Anglar Dobrzycki Sig. B. sumptu in
Gd. Cz. Propositi H. W. W. W.*
Am delicatâ amoris teneritudine, fertur im-
maculata Regina in Te, SERENISSI-
ME & POTENTISSIME REX,
ut quem in supremum Christianissimi huius
Regni Praesidem, iam olim à gloriosâ Triade praelectum,
nupèr in Martijs ad Varsauiam campis, à millenis Ordi-
num centurijs, prauio intra sollicitos & in varia disgregatos
Electores, tum Columba, tum Examinis Apum, confessu,
cunctis

cunctis mirè ac planè prodigiosè consentientibus, plausibili-
tèr & unanimi calculo electum, à quibusvis iniurijs, in or-
tu, tractu, & decursu gubernij, aut præservare, aut vin-
dicare, conatur, eidem Nouum hunc, illibati ortus sui asse-
rendi & defendendi modum, à quibusvis impetibus tutan-
dum & protegendum committat. Tuis ergò sub Sceptris,
Libellum hunc, immunitati suæ deditum, deponere non
erubescit FILIA PRINCIPIS, PIENTISSIME
PRINCEPS, quatenus à Magnanimo Principis militia
calestis Nomine, quod Tu primus inter Polonia Monarchas
geris, REX INCLYTE, firmissimum sumat robur, &
sub communi Tibi cum eo armaturâ, securâ quiescat. Et-
enim augustissimus Regnantium Regnorumq; Gubernator
DEVS, cum benigno almam hanc Poloniam complexus si-
nu, tanti ab æterno æstimauerit bellicosissimam Prosapiam
Tuam, ut Te de eâ, parem Sceptris presentibus designaue-
rit, & tandem Diademate, Purpurâ, cæteri q; Regni In-
signiis, ornatû, Gladio & Vexillo, munitum, Regio in Thro-
no locauerit; nutu suo monstrare voluit, Tibi eo fine habe-
nas imperij commissas, locumq; suprehi Regis, in terris con-
cessum, ut cum eo, pro eo, heroicè decertans, Sacra colere,
Sanctitati studere, Fidem promouere, Immunitati Eccle-
sia fauere, Integritatem Patriæ fouere, totum deniq; quid-
quid melius occurrerit, viuide exercere, non detrectes, sicq;
diuisum habens imperium cum eo, qui Te imperare fecit,
Tuum facias, quidquid ipsi Tecum commune censetur. Tu-
um inquam, nam amor & imperium, non patiuntur socios.

Res agitur Virginis intemerata, DEVOTISSIME
IN VIRGINEM PRINCEPS. Communis illa ha-
tenuis Cæli Terraq; Regina, Tua peculiaris esse contendit.
Hac namq; pro immaculato ortu suo, in Ecclesiâ militante,
adhuc militans, Te querit, Tuum Thronum conuenit; Tu-
um suffragium exambit. Sis rediuiuus Hercules, ut eas, si
quæ

qua in aduersum prodire tentauerint, Hydras, Tui Sceptri,
aut nutu confundas, aut motu contundas. Sis Cherubin,
ut flammæum atq; versatilem vibres gladium, pro custodi-
endâ viâ Ligni vitæ. Ferax Ligni vitæ Paradysus, M A-
R I A est Mater vera vitæ, qua CHRISTVS est. Illi
ergo adstes nouus Cherub, eamq; à quouis nociuo incurſu cu-
stodias. Velsi maioris Tui Tutelaris magis gaudere simbolo,
sume Stateram, & erige Mucronem. Pondera aquâ lan-
ce, qua pro & contra decertant, & verum à falso rescinde.
Opus hoc, crede mihi, non erit molestum litigium, sed
amanum voluptatis delictum. Cum enim Tibi, exemplo
Prædecessorum aut Sceptri aut Sanguinis, Martio astuan-
dum sit calore, has inter Conceptionis immaculata Rosas,
securus, respirabis, Bellonâq; Tua, vertetur in Floram, ut
dies Tui, aut sub hyacintinâ CHRISTI Filij umbrâ,
purpurei, aut sub candidâ MARIÆ Matris nube, flori-
di, perseuerent, nomenq; Tuum, à Parente bellicosissimo,
Auis, Proauisq; victoriosissimis, ac omnibus antiquissimæ
CORIBVTHEÆ DOMVS Heroibus, Triumphatoribus
perpetuis, Marte celeberrimum, etiam à Minervâ Deâ Sa-
pientia, MARIA inquam Matre increata Sapientia, sumere
incipiat vera culmen gloria: ut & hic, in finem sæculorum,
per longam perennet annorum seriem, & post sera fata,
perpetuam, ope Virginis Deipara, (qua suos nunquam
deserit cultores) obtineat felicitatem. Verum dùm Te REX
INCLYTE OPTIME, hac compello literâ, acrem
ipse subuereor censuram, ne temeritatis aut imperitiæ argu-
ar, quod rem Ecclesiæ, Regijs supponam Sceptris. Ast hac
minimè deterrent. Noui equidem, & Te verum Matris
Ecclesiæ pullum, sacrosanctæ dogmata eius venerari, & pro-
positam materiam, tot iam sæculis ab eâ apprehensam, non
sub arcano ventilari. Non ergo Maiestatem Tuam latere
debet, quod tot centenis annorum, celare concessum non est.

Nar-

Narrant secula. Depradicant cathedra. Ecclesia colit. Celebrant Regna. Vouent Principes. Plebs inclamat. Et (annuentibus indubiè calicis Sceptris) iam vix non vniversus, intrepidâ mente amplectitur Orbis; Virginem Matrem, purissimæ Proli, in suis concipiendæ visceribus, non impuram debuisse ministrare materiam: alioquin nec verè purus diceretur Filius, si ex veteri massâ, labe Adamicâ infectâ, traheret originem. Ergò puram. Ergò immaculatam. Ergò à communi labe immunem, Matrem DEI hominis, paritèr ac suam sanctissimam Prolem, absq; formidine de opposito, in facie Solis & Tuâ REX SERENISSIME, predicamus. Age ergò, DEVOTISSIME IN VIRGINEM PURISSIMAM PRINCEPS, ut ab Augustissimis Romanis Imperatoribus, & Serenissimis Hispaniarum Regibus, sumpto exemplo, Reginam immaculatè conceptam, eo Titulo, in Patronam Regni Tui assumas: Ortum eius illibatum, pro viribus defendas: ac pro determinandâ aliquandò materiâ hac, sub articulo Fidei, prænominatis SERENISSIMIS CONFRATRIBUS TVIS, viuidè laborantibus, Tu quoq; calculum apponas, ac eo nomine, amplissimam Maiestatem Tuam, ad Sacram Sedem interponas. Et quod ad Te mihi sit sermo iste, ò REX SERENISSIME, ignoscere dignaberis, perpensis verbis Cyrilli Alexandrini, Libris suis contra Iulianum editis, Patronum Theodosium secundum Imperatorem, quarentis, quibus audacter innixus, simulq; presumptæ audaciæ veniam, supplex expetens, sic Te compellabo. Parce ò Princeps inclyte, quod dùm Tibi alij exhibent victorias, Coronas, gratulatoriasq; voces, & alia, quibus Tua potentia iure honoratur; nostri, qui Diuino Sacerdotio fungimur, muneris est, offerre Tibi Libros, ad Diuinam potissimum gloriam. Interea gratulante sibi festiuis applausibus amplissimo hoc Regno, Te tantum in Throno Heroem. Gratulan-

5
tulantibus tribus in Dynastia Tua Prouincijs Nostris Ob-
seruantium, eximium Protectorem. Gratulabor & ego, be-
nignum Operi praesenti Patronum. Et dum omnes pro Te
Tuiq; Regni faustissimis successibus, vota votis cumulant,
illorum & ego suffragijs, addo meum. Viue Wisniowiecia Do-
mus gloria. Viue Sarmatia decus eximium. Viue inclita
Corona Polonica Praeses augustissime. Viue paupercula no-
stra Franciscana Obseruantia Macenas munificentissime.
Et post vitam hanc, in qua fortunatissime & auspiciatissime
agis Poloniarum Regem, tranquillitate Regni integrè resti-
tuta, rebusq; nostris haecenus turbidis, in optota quiete com-
positis, transeas ad praecelsum Regis saeculorum Regnum,
agasq; aeternum in Empyreo solio, Regem. Ita vouet. Ita
precatur. E Conuentu Cracouiensi ad S. Bernardi-
num in Stradom die 20 Decembris 1669.

Serenissimæ Maiestatis Tuæ

Fidelis Subditus

perpetuus Exorator

& cliens

FR. FRANCISCVS KOCHANOVSKI
Ord. Min. Obs. S. Fran &c.

APPRO-



A P P R O B A T I O N E S P R I M Æ E D I T I O N I S.

FACULTAS THEOLOGORVM ORDINIS.

Fr. Gregorius Malomfaluay Ord: Min: Strict: Obf: S. Franc: Prouinciæ S. Mariæ in Hungariâ Pater, pro tunc Guardianus Conuentus Ferropolitani.

Librum hunc, cui Titulus est. *Nouus. afferendæ Immaculatæ Conceptionis DEIPARÆ Virginis modus*, à R. Patre F. Dominico Kochanouio Polono, Ord: S. P. Francisci, SS. Theologiæ Lectore Generali &c. concinnatum, ex mandato Adm: R. Patris Didaci Babczansky, eiusdem Ord: Lectoris ac Prædicatoris Generalis, nec non Prouinciæ S. Mariæ Hungariæ Ministri Prouincialis, optimè meriti &c. cum iucunditate animi perlegi. Et quia in eo nihil quod honestati, Doctrinæ Christianæ, & Orthodoxæ fidei, obuium esset, reperi, ideò, vt seruatis seruandis prælo mandetur, & lucem videat, consultum iudico. Hoc ipsum meum iudicium, censuræ S. Matris Ecclesiæ, subiiciens. Actum Posonij, Die 9. Martij 1665.

Fr. Gregorius Malomfaluay
qui suprâ.

Ego infra scriptus, de mandato Adm: R. P. Prouincialis, opera Patris Adm: Venerandi Fr. Dominici Kochanowski SS. Theologiæ Lectoris Generalis, super Immaculatam Conceptionem DEIPARÆ semper Virginis Mariæ, accuratâ & attentâ diligentiam perlegi & rumaui. In ijs nil nisi sanctum, pium, & virtuosum, nil tale quod contra bonos mores, aut fidem esset, reperi. Quapropter dignum iudico, vt ab omnibus pietatis & virtutis studiosis, legantur, & ex ijs flores suaueolentes, ac fructus honoris ac honestatis decerpant, ad honorem eiusdem Gloriosæ Virginis DEIPARÆ. Datum Sopronij. Die 30. Martij 1665.

Fr. Felix Miskey Prouinciæ S. Mariæ Hungariæ Diffinitor & S. Theol: Lector.

Issu Adm: Reuerendi Patris Didaci Babczanski Ministri Prouincialis, eâ quâ potui diligentiam, euolui & perlegi Nouum afferendæ Immaculatæ Conceptionis DEIPARÆ Virginis modum, inuentum & compositum per A. V. P. Dominicum Kochanouium Ordinis Fratrum Minorum SSæ. Theologiæ Lectorem Generalem. In quo nihil inueni contrarium Orthodoxæ fidei, aut bonis moribus. Ideò vt opus typis mandetur, dignum iudico. Datum Posonij Die 17. Maij Anno 1665.

Fr. Paulus Semquicz Prouinciæ S. Mariæ Hungariæ Diffinitor.

FACVL-

FACULTAS A. R. P. MINISTRI
Prouincialis.

Cum iudicio & approbatione, aliquot Patrum huius Almæ Prouinciæ S. Mariæ Hungariæ, Ordinis Minorum Strictioris Observantiæ Theologorum, (quibus hoc commissimus) liber intitulus: *Novus asserendæ Immaculatæ Conceptionis DEIPARÆ Virginis modus*: diligenti labore & curâ. R. P. F. Dominici Kochanowski eiusdem instituti Sacræ Theologiæ Lectoris Generalis, compositus, ad eiusdem Gloriosissimæ Virginis DEIPARÆ honorem, multorum spirituales utilitates, concipiendamq; ampliorem ergâ eandem Immaculatissimam Conceptionem, deuotionem ac feruorem, ut publicam mereatur lucem, harum tenore, præfato R. Patri facultatem impartimur, quatenus seruatis seruandis, iam dictum librum, typis mandare valeat. Datum Posenij in Conuentu nostro Beatissimæ Virginis Annunciata, Die 27. Maij 1665.

L. S.

Fr. Didacus Babezansky Prouinciæ S. Mariæ Hungariæ Minister Prouincialis.

APPROBATIO & FACULTAS MAGNIFICI DOMINI
RECTORIS ALMÆ VNIVERSITATIS VIENNENSIS.

Imprimatur

JOANNES LVDOVICVS
Doctor pro tunc Rector.

A P P R O B A T I O N E S
S E C V N D Æ E D I T I O N I S .

FACULTAS REVERENDISSIMI PATRIS COMMISSARII
Generalis Familiæ Cismontanæ Ordinis S. Francisci, pro reuidentendo
Libro.

Concedimus facultatem Patribus, Adriano Kondratowicz Lectori S. Theologiæ Generali Diffinitori actuali, & Vincentio Kalmerski S. Theologiæ Lectori Generali Diffinitori habituali & Secretario Prouinciæ nostræ Poloniæ Minoris, reuidentendi Librum cui Titulus est, *Novus asserendæ Immaculatæ Conceptionis DEIPARÆ Virginis modus*, editum iam in lucem à Patre Fratre Dominico Kochanowski Prouinciæ Nostræ Observantium Poloniæ Minoris Theologo, & nunc ad eandem mittendum, augmentis suorum laborum, à Patre Fratre Francisco Kochanowski Sacræ Theologiæ Lectore & Prædicatore Generali Diffinitore actuali eiusdem Prouinciæ: quo perlecto, transmittant nobis attestationses, ut possit denuò Typis mandari. Data Romæ ex Arâ cæli Die 29. Junij 1669.

L. S.

Fr. Euangelista Perzzaggus Commissarius Generalis Ordinis.

TESTI-

TESTIMONIA THEOLOGORVM.

DE mandato Reuerendissimi Patris Joannis Euangelistæ Perzzaggi Cremen-
sis, Familix Cismontanæ Ordinis Minorum Commissarij Generalis & Ro-
manæ Curix, Superioris Nostri colendissimi, legi Librum cui Titulus, *Nouus
asserendæ Immaculatæ Conceptionis Deiparæ Virginis modus*, conscriptum olim, & ty-
pis Viennæ Austriæ vulgatum, per A. V. P. Dominicum Kochanowski Polo-
num, Lectorem Sacræ Theologiæ Generalem; nunc verò per A. V. P. Fran-
ciscum Kochanowski Lectorem S. Theol: & Prædicatorem Generalem, Pro-
uinciæ Poloniæ Diffinitorem actualem, nouis additionibus benè auctum, &
egregiè exornatum. In quo quidem Libro, omnia Legibus, Diuinæ, Eccle-
siasticæ, & Politicæ, sunt consona, & nihil bonis moribus aduersum. Ideò
vt reimprimatur cum suo Auctuario, dignum & vtile censeo, ac hisce fidem fa-
cio, in hoc Opere, Authoris sublimitatem ingenij, inuentionis nouitatem, &
varietatem doctrinæ, plurimum elucere. Data Cracouiæ ad S. Bernardinum
die 3. Augusti 1669.

Fr. ADRIANVS KONDRATOWICZ S. Theol:
Lector Generalis & actualis Cracouiensis,
Prouinciæ Poloniæ Diffinitor actualis.

Nouum modum asserendæ Immaculatæ Conceptionis Virginis Deiparæ,
diuisum in tres Decades, cum suis Resolutionibus, compositum per bonæ
memoriæ A. V. P. Dominicum Coruinum Kochanowski Polonum, Lecto-
rem S. Theol: Generalem, & meum tum in Philosophicis, tum in Theologi-
cis, longè dignissimum Professore, impressum Viennæ Austriæ 1666. præ-
missâ facultate A. R. P. Prouincialis, Theologorum approbatione Prouinciæ
S. Mariæ Hungariæ, Censurâ Magnifici Domini Rectoris Vniuersitatis. Ego
infra scriptus, diligentèr perlegi, ex mandato Reuerendissimi Patris & Superi-
oris Nostri colendissimi, Patris Euangelistæ Perzzaggi Cremenensis Commissarij
Curix Romanæ & Commissarij Generalis totius Cismontanæ Obseruantix.
Vnâq; cum suo auctuario nupèr facto per A. V. Præm Franciscum Coruinum
Kochanowski Vterinum piè defuncti, Lectorem S. Theol: & Prædicatorem
Generalem, Prouinciæ Poloniæ Diffinitorem actualem, dignum esse iudico,
vt reimprimatur Cracouiæ, & in publicam prodeat lucem, ad honorem Virgi-
nis gloriosissimæ, tum ad inflammanda corda fidelium, nouo amoris igne, er-
ga immaculatam conceptionem eiusdem. Authores deuotissimi habeant in
præmio, *Qui elucidant me, vitam æternam habebunt.* Data Cracouiæ ad S. Ber-
nardinum die 3. Aug: 1669.

Fr. VINCENTIVS KALMERSKI S. Theol: Lector Gene-
ralis, Prouinciæ Poloniæ Diffinitor habitualis &
Secretarius.

FACULTAS A. R. P. MINISTRI PROVINCIÆ POLONIÆ
Minoris, ad reimprimendum Opus cum Auctuario.

PRodeat in publicam lucem, *Nouus asserendæ Immaculatæ Conceptionis Deiparæ
Virginis Modus*, ad honorem eiusdem Deiparæ, concipiendamq; in cordi-
bus

bus Fidelium, erga immaculatam Conceptionem ipsius, ampliorem deuotionem ac feruorem, concinnatus non minus subtiliter quam iucundè, per A. V. P. Dominicum Kochanowski, huius nostræ Prouinciæ olim Lectorem Generalem: & reimprimatur cum suo Auctuario, elaborato per A. V. P. Franciscum Kochanowski, eiusdem Prouinciæ Lectorem Sacræ Theologiæ & Prædicatorem Generalem, Diffinitorem actualem. Maximè accedente ad hoc speciali licentiâ Reuerendissimi Patris Commissarij Generalis totius Cismontanæ Familiæ, & Theologorum nostrorum, ex mandato eiusdem Reuerendissimi, approbatione. Immaculatè concepta Virgo, zelantes suum honorè nouo modo, de plenitudine suæ hydriæ, nouo gratiarum & charismatum incremento, remuneret hic & in futuro. Datæ in Conuentu nostro Cracouiensi ad S. Bernardinum, die 3. Augusti 1669.

L. S.

Fr. STEPHANVS LENDZKI Minister Prouincialis Prouinciæ Poloniæ Minoris.

FACULTAS REVERENDISSIMI PATRIS COMMISARII

Generalis Ordinis, pro reimprimendo Opere cum Auctuario.

Nos Frater Benignus Bruni de Florentiâ Ord: Min: Regul: Obs: S. Theologiæ Lector iubilatus, ac in Cismontanâ Familiâ Obseruantium, Commissarius Generalis & Seruus

Dilecto nobis in Christo Patri Fratri Francisco Kochanowski S. Theologiæ Lectori & Prædicatori Generali, Prouinciæ nostræ Poloniæ Diffinitori actuali, salutem.

Ut Liber, cui Titulus est, *Nouus asserenda Immaculate Conceptionis Deiparæ Virginis modus*, iam à Patre Dominico Kochanowski Polono, compositus, & in lucem editus, nunc verò à Te, nouis additionibus benè auctus, & à Patribus, Adriano Kondratowicz Lectore Sacræ Theologiæ Generali Diffinitore actuali, & Vincentio Kalmerski S. Theol: Lectore Generali, Diffinitore habituali, & Secretario Prouinciæ Nostræ Poloniæ minoris, reuissus & approbatus, denuò reimprimatur, facultatem concedimus, si ijs ad quos spectat videbitur. Datæ Romæ ex Arâ cali, die 18 Octobris 1669.

L. S.

F. BENIGNVS BRUNI Comm: Gen: Ordinis.

FACULTAS ET APPROBATIO CENSORIS ORDINARIJ

Librorum, per Diæcesim Cracouiensem.

Cum hoc Opus, nouâ ratione asserens immaculatam Sanctissimæ Virginis Conceptionem, grauium Theologorum iudicio probatum, iam alias Viennæ in Austriâ impressum fuerit, permitto illud in hac quoq; Diæcesi imprimi, & in lucem edi. Anno Domini 1669. Die 4 Octobris.

HYACINTHVS LIBERIVS S. Th: Doctor, Præpositus
SS. Corporis Christi, Canonorum Regularium,
Librorum in Diæcesi Cracouiensi Censor.

Admodum Reuerendis, Religiosissimis in CHRISTO Patribus
PP. DOMINICO ET FRANCISCO
K O C H A N O V I I S

F R A T R I B V S G E R M A N I S

S. Theologiae Lectoribus & Prædicatoribus Generalibus, alteri superstiti, De-
finitori Prouinciæ Min: Pol: Reg: Obs.
Operis Authoribus.

M. Ioannes Gostumowski Philosophiæ Doctor, Collega Minor, Ordinarius Astro-
nomiæ in Alm. Acad. Crac. Professor.

Inter festiuos Gratulantium applausus, læto accinit animo.

ODE TRICOLOS TETRASTROPHOS.



*Altum Corona Pannonica decus,
Facunda magno sanguine Principum
CORVINA GENS augusta Sceptris,
Threïcia metuenda Lune,*

*Laudes ab ævo quas tulit aureo,
Interq; curas Romulidum graues,
Quas Marte felici triumphans
Dalmatij meruit trophæis;
Has Sarmatarum Climate Martio,
CORVINE Splendor, stirps KOCHANOVIA,
Olim mereris prorogata
Per Proavos, Atavosq; famâ.*

*Sed me vetulti secula temporis
Iubet Propago Vestra relinquere,
Se copiosam splendorum
Materiem generosa præbens
Præconiorum; quæ celeberrimum
Genti Polonæ Nomen, & optime
In Vniuerso prorsus orbe
Conciliant decus omne laudis;
Post fata nec non vltima, quæ sibi
Fortis Gradiui per memorabiles
Actus, ad immortalitatem
Marte viam proprio parârunt.
Hic Lechicorum qualiter efferam
Vobis propinquum sanguine, Principem
Vatum, triumphali Maronis,
Maonia similemq; Musæ.*

Cui

Cui tota lymphis se Latialibus
Romana fudit gratia, dulceq;
Ebur Pelasgum, cui sonoro
Ad cytharam dedit ire plausa.
Vos o Sacrate cara Propaginis
Amore Fratres, Leebica Pignora,
Dotes ob insignes, & altos
Ingenij, calamiq; sensus,
Septemtrionis lucida Sidera,
Vincensq; priscos Tyndaridas iubar,
Aulim per oras predicare
Sarmaticas, Aquileq; Prolem
Veram Polonæ. nam nitidissima
Pupilla vobis; quâ licet aureum
Fulgur, coruscantemq; lucis
Empyreæ faciem tueri,
Illudq; claris mentibus assequi
Secretioris dogma Scientiæ,
Arcana quod cæli profundis
Secula detinere fastis.
Vobis quis altum celsius extulit
Conceptionis Virginis inclytæ
Mysterium? quod nulla digne
Mens hominum, calamiq; nulla
Vis eruditi, tot per anhelitus,
Reclusit orbi, quod niueâ manâ
Nimbisq; digna Liliatis
Virgine pro niueâ, beato
Fecistis ausu; dum noua pandere
Inuenta magni pectoris, arduo
Labore, dulce est vindicando
Innocuam sine labe Matrem.
Sed occidit mox, qui prius aureis
Diuinâ captis ferre volumina
Hæc visus, ad summum reliquit
Herculeis superesse curis.
Ergo secundis Frater amabilis
Secunde votis splendide Phosphore
Procede felix, & coruscis
Lucis opus radijs corona.
Tu destinatis meta laboribus,
Tu vita Fratris, Tu noua gratia,
Iubarq; scriptorum perenne,
Tu Stygijs inimica Laruis

Inta-

Intaminata Virginis hostibus
Romphaea, flammis Seraphicae manus
Ignita quâ latè refulges
Vindicias animosus inter.
Carentis omni labe Viraginis
Opus quod à Te publica lux diu
Poscit sitibunda, & fauentes
Iam tibi fert animos, sinusq̃.
Succede Polluci impiger Hercules
Sublime Gentis Sarmatica decus,
FRANCISCE, Subtilis Magistri
Mens, & amor, geniūq̃ SCOTI.
Augusta Nostræ gloria Palladis,
Sidusq̃ Sacrae grande Propaginis,
Opulchra Doctorum corusco
Gemma oculos recreans nitore.
Vocalis Orphæi nectareum melos
Testudo promens eloquij Sacri,
Quo corda Diuinis calescunt,
Per Cathedras animata flammis.
Ergo beatum Te foueat diu
In Orbe, rerum Conditor Optimus,
Ecclesiae lux, & vetusta
Progenies generosa stirpis,
Flos eruditi candide germinis,
Decusq̃ Sacrae dulce Propaginis,
Flouesce DEFINITOR, almi
Delicium, Columnaq̃ Cœtus.



P Æ A N
 ASSERTÆ NOVO ARMORVM APPARATV, IMMA-
 culatæ Conceptionis Virginis Deiparæ.



T hoc nouorum, quod genus interim,
In Martiales Lechiadum plagas
Excurrit, armorum? grauesq̃
Egregia ciet arte pugnæ,
Et Literatum, prouocat ardua
Ad bella, trini pneumate classici
Ferventer orbem; comprehensas
Innocui sine cede Martis

Tollendo

Tollendo palmas? Vicinus, & bene est!
 Antaminatis primitiâ luc
 Cunabulis, est lumen ortum;
 Est columen positum, profanos
 Aduersus hostes: quos macula carens
 Lacescit vsquam, Virginis inclyte
 Conceptus; in celum renatos,
 Et malus error agit Gigantes.
 Iam nunc, vel imo de Barathro, suam
 Adsciscat audax Impietas manum!
 Labisq; primæ nescias
 Accumulans maculas, inustum
 Magnæ Parentis pergat Originem:
 Quâ lux, perennis conscia luminis,
 Terris suam deduxit augem;
 Pura minus, nisi fonte manans
 Sat vsq; puro. Quid? Furor biccine,
 Persistet vltas, ferre potentius,
 Triaria Virtutis vnquam
 Suppetias? Oculi subiectu,
 Tristi ruinâ concideret impotens
 Vis omnis: acrem strinxerit ac simul
 Contra, DECAS TRIPLEX, sarissam;
 Terga fugax dabit hostis, herbam
 Multiplicatis adiiciens manu
 Fractâ, trophæis. Heu qua Minoribus
 Virtus Palæstris! masculiq;
 Roboris ingenium! quod Orbi,
 Sacrationis diâ Scientiæ
 Arcana, pandens; non sinit improba,
 Funesta laxari Lupata
 Stultitiæ; sed ubiq; summo
 Contra stat ausu, perq; decemplices,
 Vindex sacratæ Virginis hostium,
 Ferrumpit obiectus; abunde
 Parthenios spolijs triumphos
 Ornans opimis. Hæc tua Doctor o
 Subtilis olim creuit adorea.
 Vnius: agnatum Magistri
 Ingenium, tibi dat secundam:
 Quem pulchra Virtus, nomen amabile,
 Ac expedita dos Sapientiæ,
 Magnum Minores inter, Orbis
 Iudicio probat eruditi.

*Te Laureato Vectus in effedo,
 Honos Parentis Virginis, impigrum
 Tanto suamet puritatis,
 Munere, suspiciens Achillem;
 Ibit niuatis, orbis in extimas
 Oras, quadrigis; & sine sanguine
 Late triumphatum per hostem,
 Liligeros agitabit axes.
 Sic perge, eburnâ candidior niue,
 Conceptus almae Virginis! at choros
 In quatuor distinctus Orbis,
 Occinat omnis: Io triumphe!*

D. D. C.

M. Sebastianus Piskorski Ph: D. in Almâ Vniuer.
 sitate Cracouiensi Collegij Minoris Professor.



T R I V M P H V S
SINE ORIGINALI MACVLA CONCEPTÆ MAGNÆ
 Virgini, nouâ methodo, celeberrimè adornatæ.



*O triumphe! Mariano sub pede
 Draconis infesti caput
 Gemit: canamus absq; labe condita,
 Io triumphe! VIRGINI.
 Potuit cerastes stygius insicere suo
 Primos Parentes toxico:
 Non potuit afflauisse Magnam VIRGINEM,
 Dei Parentem VIRGINEM.
 Nascuntur omnes, quotquot ex lumbis Adæ
 Nascuntur, iræ filij:
 Ex Matre natâ gratiosè nominis
 Est Nata, VIRGO Gratiæ.
 Quæ culpa totum polluit hominum genus,
 Abest abest à VIRGINE.
 Concepta naturæ ordinem contrà fuit;
 Vt ipsa concepit DEVM.
 Posterius ergò quando creditur, prius
 Cùm non sit aptum creditu?
 Hoc erudito KOCHANOVIVS libro
 Recte docet, pulchrè probat.
 Io triumphe! victus est nequam Dracò,
 Io triumphe! victus est.*

Hinc,

Ord
 T
 AV
 POT
 Abdias Ba
 Albertus M
 Alexander
 Doctor Irre
 Alvarus de
 Egidius Ro
 B. Amadæu
 S. Ambrosi
 sis L
 Ambrosius
 Ammonius
 S. Anastasi
 S. Andreas
 S. Andreas
 S. Anselmu
 arie
 S. Antonin
 Arator.
 Aristotele
 Arnoldus
 S. Athana
 S. Augusti
 sis
 Baronius.
 S. Basilus
 Basilus Se

10
*Hinc, Tu, deinceps, KOCHANOVĪ, pro pio,
Quem, preparasti VIRGINI
Magne, Triumpho, iure KOCHANOVIVS
Dicēris ipsi VIRGINI.*

Cecinit P. STANISLAVS PAPCZYŃSKI.
Ordinis Clericorum Regularium Pauperum Matris DEI Piarum Scholarum.

T A B U L A
A V T H O R V M Q V O R V M
P O T I S S I M V M V S V S I N H O C
O P E R E C E R N I T V R.

Abdias Babylonicus
Albertus Magnus.
Alexander Alensis
Doctor Irrefragabilis.
Aluarus de Palacios.
Ægidius Romanus.
B. Amadæus.
S. Ambrosius Episcopus Mediolanen-
sis Doctor Ecclesiæ.
Ambrosius Catharinus.
Ammonius.
S. Anastasius Sinaita.
S. Andreas Cretensis.
S. Andreas Ierosolymitanus.
S. Anselmus. Archiepiscopus Cantu-
ariensis.
S. Antoninus Archiepiscopus Florentiæ.
Arator.
Aristoteles.
Arnoldus Carnotensis Episcopus.
S. Athanasius.
S. Augustinus. Episcopus Hyppone-
sis Doct: Ecclesiæ.
Baronius.
S. Basilius Magnus.
Basilius Seleucensis.

Venerabilis Beda.
S. Bernardus. Abbas Clareuallensis
S. Bernardinus Senensis.
Bernardinus de Busto.
S. Birgitta.
S. Bonaventura Doctor Seraphicus
Cardinalis S. R. E.
Caietanus S. R. E. Cardinalis.
Carthagena.
Cerdanus
S. Chrysostomus. Patriarcha Con-
stantinopolitanus Doctor Ecclesiæ.
Constantius Sarnanus.
Cornelius à Lapide.
Cornelius Mussus Episc: Bitontinus.
S. Cyprianus Martyr Episcopus Car-
thaginensis.
S. Cyrillus Ierosolymitanus.
S. Dominicus Patriarcha Prædica-
torum.
S. Dionysius Arcopagita.
Dionysius Carthusianus.
Elsinus Abbas Rhemenfis.
S. Elisabeth.
S. Ephrem Diaconus Syrus.
S. Epiphanius. Episcopus Cypri
Euse.

Vene.

T A B V L A.

Eusebius Gallicanus.	cha Venetus
Faustinus Episcopus Paduensis.	Lezagna.
S. Franciscus Patriarcha minorum.	Lucas Vadingus.
Franciscus Quinnonius Cardinalis.	Lucius Dexter.
Franciscus Mayronius Doctor Illu- minatus.	Ludouicus de Torres
Franciscus de vellasco.	Lyranus.
S. Fulbertus Carnotensis. Abbas.	Marcus Maximus Episcopus Cæsar- augustanus.
S. Fulgentius. Episcopus Ruspensis.	Martinus del Rio Soc: Jesv.
Galfridus Abbas	S. Maximus.
S. Gennadius Patriarcha Constant.	S. Melchtildis.
Georgius Venetus.	S. Methodius Martyr.
Gerfon. Cancellarius Parisiensis	Michael Glycas.
Gilbertus Abbas	Nicephorus.
Granado	R. P. Nicolaus Cichonius Polonus So- cietatis Jesv.
S. Gregorius Magnus Doct: Ecclesiæ.	Oecumenius.
S. Gregorius Nyssenus.	Origenes.
S. Gregorius Nazianzenus	S. Paulus Apostolus.
Guerrius Abbas.	S. Paschasius.
Guilelmus Abbas	B. Petrus Damiani. Cardinalis S. R. E.
Rabbi Haccados.	S. Petrus Chrysologus.
Rabbi Hankelos.	Petrus Lombardus Magister senten- tiarum.
Henricus de Hassia	Petrus Abbas Cellensis.
S. Helychius. Presbyter Jerosolym.	Petrus Galatinus.
S. Hieronymus Presbyter. Doct: Ecclesiæ.	Petrus Canisius. Societatis Jesv.
Hugo de S. Victore.	Petrus Soto.
Hugo Carenfis Cardinalis S. R. E.	Philo Judæus.
Hypocrates.	Possewinus.
Jdiota	S. Prosper Episcopus Aquitanus.
S. Ignatius Martyr.	Richardus Victorinus.
S. Jdephonsus. Archiepiscopus To- letanus	Rupertus Abbas.
Innocentius tertius	Salazar-
S. Joannes Damascenus	Suares. Societatis Jesv
Joannes Baptista de Lezenâ.	Tertullianus.
Joannes Cantacuzenus.	S. Theodoretus. Episc: Cyrensis.
Venerabilis Joannes Duns Scotus Doctor Subtilis.	Theophilaetus Archiepiscopus Bulga- rensis.
S. Isidorus.	S. Thomas Doctor Angelicus.
Lactantius.	S. Thomas à villâ nouâ Archiepisco- pus Valentiz.
B. Laurentius Iustinianus. Patriar- cha	S. Vincentius Ferrerensis.

T
CON
BIL
AN

PRO FE
CONCERN



rissimæ Sol
ceptionis
Euangelic
rationis Ch
detur enim
2. in Nat: V
nihil facere
Parentum No
aut sedum
antiquo tam
Nobilitas est
Virg: gloria
rum Parent
Annæ virtut
& 183. 8.
vindicta
nectutem
Naturæ filia
fadi tali co
nisse potuit
181. 1. &
gignitur Fil
apertè doce
nop: in suc



T A B U L A

CONCEPTVVM PRÆDICA- BILIVM PRO FESTIVITATIBVS

ANNVIS B. MARIÆ V. PRIOR NVMERVS,
Paginam, posterior, Numerum Marginalem, indicat.

PRO FESTO IMMACVLATÆ
CONCEPTIONIS B. M. VIRGINIS.

1.



*L*iber Generationis IESV
CHRISTI. Matth.

2. Merito auspica-
tissimæ Solennitati Immaculatæ Con-
ceptionis B. V. ordinatur elogium
Euangelicum, in quo accurata Gene-
rationis CHRISTI textitur linea. Vi-
detur enim (ait S. Tho: à Vill: nou: Conc:
2. in Nat: Virg:) communiter sensui, non-
nihil facere ad Principis gloriam, antiqua
Parentum Nobilitas, quasi iam nihil turpe
aut sedum sperandum sit ab eo, cui ab
antiquo tam natiua & tam ingenta
Nobilitas est. Optimè sanè ad Nostræ
Virg: gloriam. Spectatâ enim Diuo-
rum Parentum suorum Ioachim &
Annæ virtute ac Nobilitate, 182. 4.
& 183. 8. 9. facile ab originali noxâ
vindicabis eorum Filiam, qui per se-
nectutem steriles, potius Gratiz, quàm
Naturæ filiam, genuerunt. Quid ergo
fædi tali conceptui talis Filia interue-
nisse potuit? quò Virgo, non tam Adæ
181. 1. & 183. 6. & seq: quàm DEI,
gignitur Filia. 193. 27. 28. Rem
apertè docet S. Germanus Constanti-
nop: in suo Mariali, fragmento 13.

Magnum

Magnum & à seculo Oraculis proditum
mysterium admirandum. Hodie in visce-
ribus Castæ Annæ concipitur MARIA
DEI Filia, preparata in habitationem
Vniuersalis Regis sæculorum, & in refor-
mationem generis nostri. Sublime satis
MARIÆ elogium. Concipitur Maria
DEI Filia. Si DEI Filia? Ergo in Gra-
tiâ: consequenter Originalis noxæ mi-
nimè rea. 181. 1. & sequ: vsq; 30.

2. Liber Generationis IESV Chri-
sti. D. Remigius in Cat: D. Thom:
Dicit autem, Liber Generationis IESV
Christi, quia nouerat scriptum esse, Liber
Generationis Adæ. & ideo sic exorsus est,
ut opponeret Librum Libro, Adam Nouum
Adæ veteri, quia Omnia per istum sunt re-
staurata, quæ per illum sunt corrupta. Gen:
5. dicitur. Hic est Liber Generationis
Adam, in die quâ creauit DEVS Hominem,
ad similitudinem DEI fecit illum. Vbi
Glos: Ordin. Adam ad similitudinem
DEI factus est, alij ad similitudinē Adæ, sed
postquam per inobedientiā, hanc similitudinē
deleuit, factus terrenus, terrenos generauit.
Librum ergo Generationis Christi, op-
ponit libro Generationis Adæ S. Matth:
quia Christus Generationem Adæ pec-
cato vitiatam & maledictam 21. 1. 2.
per suam ex VIRGINE Generatio-
nem,

T A B V L A

nem, restaurauit. 23. 6. 7. & 304. 9. 10. edocens fideles, non secundum carnalis Adæ, sed spiritualis, s. Christi Generationem, regeneratos & regenerandos. 25. 13. 14. 15. & 205. 3.

3. *Liber Generationis &c.* Opportunè ex generatione Christi, quæritur laus Immaculatæ Conceptioni Beatæ Virg: Christus enim ab æterno decretus & prædestinatus, in tempore Homo futurus, ab æterno quoq; decretam & prædestinatam supponit Matrem. Hinc illud D. Augustini Tract: 8 in Joan. *Antequàm de illâ natus esset, in prædestinatione nouerat Matrem, & antequàm ipse ipsam Deus crearet, de quâ ipse Homo crearetur, nouerat Matrem.* Simultanea igitur prædestinatio Christi & Mariæ. 2. 1. & sequ: 8. 8. & sequ: vsq; 12. immunem a peccato Origin: arguit Virginem. 141. 1. vsq; 23.

4. *Liber Generationis &c.* Glos. Ordin. *Id est Saluatoris non perditoris, quod fuit Adam.* Felicissima IESV Christi generatio, quæ non perditioni sicut Adæ, sed saluti seruit. *Liber Generationis IESV Christi.* Hæc verba (inquit Marcellinus de Pize Capuccinus Tract: de B. V. sect: 2.) possunt habere hunc sensum. *Iste liber est Generationis rerum omnium, quas genuit siue edidit D. IESVS ab initio Creature, fuit enim Christus ante Mariam ab initio, & ante secula, ut ait Paulus ad Heb: 13. IESVS Christus heri & hodie ipse & in secula.* Multa D. IESVS quâ Deus, ante sæcula edidit siue genuit, immo Omnia per ipsum facta sunt. Ioan: 1. Specialior tamen editio seu genitura eius, Homo de quâ Iacobi 1. *Voluntariè enim genuit nos verbo Veritatis, ut simus aliquod initium Creature eius.* Vbi V. Beda apud

Glos:

Glos. Ord: *Per hanc (inquit) genituram, non putemus nos esse id quod ipse est, sed quendam principatum in Creaturis, adoptione nobis concessit.* Ly: *Ut simus initium Creature.* D. Hieronym: lib: 1. contra Iovinianum, legit. *Ut simus primitiæ Creaturarum eius.* Vatablus. *Ut principatum obtineamus inter Creaturas eius.* Oëcumenius: *Ut simus primi & honoratissimi.* V. Beda *Ut simus cæteris Creaturis meliores.* Varia hæc lectio, ad vnicum V. Bedæ tendit conceptum s. Adoptionis insinuationem, hæc enim homo, inter cæteras Creaturas princeps, prior, honoratior, ac melior. Felicior tamen adoptionis huius genitura seu fors, obtigit B. Virgini. Hæc enim inter omnes adoptiuos filios Dei, ab æterno primatum obtinuit, facta cæterorum omnium adoptionis metrum, idea, ac forma. 301. 1. vsq; ad 13. Indè V. immaculatè conceptam venare.

5. *David autem Rex genuit Salomonem, ex eâ quæ fuit Vria.* Quærunť SS. PP. Cû cum aliæ mulieres, proprijs notentur nominibus, Bersabee nomen subiceatur. R. S. Remigius in Cat: D. Thom. *Quia ceteræ mulieres, quamuis reprehensibiles fuissent, tamen laudabiles erant Virtutibus, Bersabee verò, non solum conscia fuit adulterij, sed etiam homicidij Mariti sui, & ideo proprio nomine eam non nominauit in Genealogia Domini.* Idem ferè Hugo Card: *Predictæ mulieres tres nominate sunt, quia ex generationibus suis laudari meruerunt; hæc autem Bersabee non nominatur, quia peccauit ipsa cum David.* Alto sanè mysterio, in Genealogiâ Christi, quâ Virg: Gloriosa Immaculatæ Conceptioni, laus per Spiritum S. in Ecclesiâ ordinabatur, famosæ

T A B V L A

mosæ peccatricis nomen, silentio inuoluitur, nè eidem, publicæ ac generalis Originalis noxæ nota, inureretur. Hæc enim de facili Christum etiam, ex eâ natum, simili noxâ maculatum notare posset, cum non vindicatâ Matre ab hac originali maculâ, vix & Filius vindicaretur ab eâ. Matris enim ignominia, redundaret in Filium. 143. 5. & sequi: & 152. 11. & 171. 16. & 236. 8. 9. & 295. 9. & sparsim alibi.

6. De quâ Natus est IESVS. Quid Conceptioni Virg: cum Natiuitate Christi? Multum sanè. IESVS enim interpretatur Salus seu Saluator. Porro Ecclesia canit. *Hodie Concepta est B. V. M. ex progenie David, per quam Salus mundi credentibus apparuit.* Magnum reuera mysterium innuit Ecclesia, dum per Virg: Mariæ Conceptionem, salutem mundi apparuisse proficitur. Apparuit sanè hodiè, quod in æternitate latuit; ibi enim iam in Matrem DEI prædestinata, per suam prædestinationem, genus humanum æternæ damnationi obnoxium, ab eâ liberauit. 160. 18

7. De quâ Natus est IESVS &c. Opportuniùs forsan dixisset. Quæ genuit IESVM: sed dignitati Mariæ, congruentius dixisse videtur, veram & naturalem Matrem Christi, eam indigant. Christus (ait Hugo Card: in Matth.) *natus est de Patre substantialiter, de Matre materialiter, de Spiritu S. potentialiter siue virtualiter.* Benè ait. *De Matre materialiter.* Totam enim materiam corpulentæ substantiæ, de suâ purissimâ carne, Virgo præbuit Christo. Intellige hinc, Virginis carnem, incarnando DEI VERBO seruientem, absq; omni naxuo seu maculâ, intaminatissimam

in suâ Conceptione, fuisse præparandam. 160. 17. & 273. 18.

PRO EODEM FESTO, IUXTA VSVM ORDINIS MINORVM.

8. *Beatus Venter qui te portauit.* Luc:

11. *Valde mirabile* (inquit Sylueira, t: 3. l. 5. c. 23. n. 83.) *hoc mulieris preconium, corpus non beatur, nisi ex redundantia animæ beatæ. Si ergo Maria est in viâ, quomodo eius uterus beatus decantatur?* R. ibid: num. 84. *A plenitudine gratiæ create Mariæ, optimo argumento, eius uterus beatus ac gloriosus prædicatur. Accipe luculentius testimonium Odonis Episcopi Cameracen: Opusculo intitulo, Gratiâ plena. Si (inquit ille) gratiâ plena? nihil eius omnino erat vacuum gratiæ, nihil ergo eius, peccato vacabat, cuius totum gratia implebat. Igitur gloriosus venter, gloriosa viscera, gloriosum totum, qd totum gratiâ plenum.* Mira verborum emphasis. *Gloriosus venter, gloriosa viscera.* S: enim Thomas p 1 q. 26. art. 2. ait. *Esse autem gloriosum, significat esse beatum.* Iam si noueris vnde quâq; Virginem gratiâ circumfusam, quæ est inchoatio gloriæ, ventrem utiq; eius beatum non negabis, vt potè quæ sola inter omnes homines, secundum corpus, sortita est statum Corporis, in illo primæuo innocentix statu, à DEO intentum & creatum. Indè Virginem à maculâ primæuâ, liberam prædica. 195. 1. vsq; ad 18. & 235. 4.

9. *Beatus Venter qui te portauit.* Doct: Angelicus inter alia priuilegia propter quæ Virginis venter beatus dicitur, ponit etiam hæc, Serm: in Dom: 4. Quadrag. *Quia portauit eum, qui in seipso summe beatus est. Et. Quia portauit pretium redemptionis.* O eximiam Virginei vteri laudem! Si portauit in seipso

T A B V L A

seipso summè beatum, cum eoq; simul pretium redemptionis; quis arguet æqualem cæteris hominibus redemptionis sortem, ab æterno fuisse repositam in præmium Virgini? omnino sicut infinitum est discrimen Matris DEI & seruorum, ita præ illis augustior eidem debebatur redemptio, & ita potior à subleuatua & præseruatua. Huc refer dicta 248. 1. & seq: & 251. 11. vsq; ad 23. Hæc redemptio, dicitur Sanctitas & redemptio vnitiua. 252. 15. 16.

10. *Beatus Venter qui te portauit &c.* Optimè sanè & non ad insipientiam tibi optima mulier, quæ ventrem Virginis beatificas! quidni beatum dixeris? Vnde caro (inquit Guerr: Abb: Sermone 1. de Annunt:) *eburnea sumpra est Redemptoris, pretium animarum, solium summæ Maiestatis, thronusq; potestatis, cibus vite immortalis, medicina peccati, restitutio sanitatis &c.* Pensa illud. *Cibus vite immortalis;* & Eucharisticum intellige panem. Hic enim in Virginis utero excoctus, cælestis alimonie nutrimentum præbens hominibus, eodem Diuino prorsus interfert statui. 172. 17. 18. & 231. 30. & 177. 26. Cant: 3. *En lectulum Salomonis sexaginta fortis ambiunt, ex fortissimis Israël.* Ruperrus Abb: lib: 3. in Cant. *Quis enim (inquit) est lectus Salomonis, qui inter nos & Dominum, pacem composuit, nisi ille in quo Diuina natura, humanam sibi coniunxit? Et quis ille est, nisi vterus tuus, ô dilecta Dilecti, vterus Virginalis?* An igitur non beatissimum censebis vterum Virginis, in quo Natura Diuina humanæ sociata, magnum illud dissidium, primæuo primorum Parentum peccato, inter Deum & hominem ortum, Verbum

Verbum DEI composuit? Hinc B. Petrus Damianus, Thronum illum Salomonis 3. Reg: 10 v. 18. Virginis fuisse figuram asserens, hæc subinfert. Ser: 1. de Nat: Virg: *Meritò tale opus pacifico scribitur assignatum, quia venit IESVS instaurare quæ in cælis & quæ in terris, pacemq; & concordiam inter homines & Angelos, mediante Virgine, reformare.* Indè B. Virg: Reconciliatricem & Redemptricem generis humani simul cum Christo, deprædica. 12. 11. 12. consequenter ab originali noxâ liberam argue.

Pro hac Festiuitate, vide dicta infra in Festis Natiui: & Præsentationis B. Virg: pro opportunitate textus Euangelici.

P R E S T O N A T I V I T A T I S B. M. V.

1. *Liber Generationis IESV Christi.* Maijronius Doctor illum: Serm: de Nat: Virg. *Mater Domini fuit Liber, in Matris sterilis utero, Dei digito descriptus.* Notat Abulensis, Ly, *Generationem*, non solum in rigore linguæ Hebraicæ, significare primam rei existentiam, quâ de non esse exit ad esse, sed totam etiam substantiam cursumq; vitæ, prout aduertit D. Ambrosius in illud. Gen: 5. *Noe Vir iustus atq; perfectus fuit in Generationibus suis.* lib: de Noë & Arca. Idem ergo est (inquit Sylueira t. 1. l. 1. c. 3. n. 8.) *Liber Generationis IESV Christi; ac liber vite, seu operationum Christi.* Aduerte grande Mysteriorum: Nascitur Virgo, & ecce per Spiritum S. in Ecclesiâ, vitæ ac operationum Christi liber expromitur: quantum enim virtus ac operatio Diuina potuerit, per Virginem natam, mundo clarè innotuit. Si enim Deus huic mystico

T A B V L A

mystico libro exarando, (iuxta Mayron:) adhuc in utero Matris, digitum suum admouit, quomodo non omnigenâ perfectione cumulata, prodijt in lucem Virgo? Intuere Virginis Corpusculum, prorsus sine Adamicâ tenebrositate lucidissimum. 235. 4. vsq; ad 14. Intuere animam, & ecce post Christum gloriosissimam prædicabis. 288. 14. vsq; ad 18. De utroq; etiam. 230. 26. & sequen.

2. *Liber Generationis &c. D. Chrysostomus* Hom: 1. Op. Imp. *Liber est quasi Apotheca gratiarum, sicut enim in apothecâ diuitis alicuius, omnis homo quod desiderat, inuenit, sic & in isto libro, omnis anima quod necessarium habet, inuenit.* D. Gregorius Nazian. *Sola (inquit) Virgo Maria, Liber est Generationis IESV Christi.* Quomodo sola? cum Diuina Bonitas diues, in omnes copiosos suæ gratiæ dispenlet thesauros. Iacobi 1. *Dat omnibus affluenter.* Benè. *Sola.* In hac enim ditandâ immensâq; donorum opulentia munerandâ ac ornandâ, plus adlaborauit bonitas Diuina, ut potè quæ concipit totius creaturæ futura cum Christo. 172. n. 17. & sequen: ultra omnem felicitatem Angelorum, erat euehenda. 153. 11. & 252 n. 15.

Recense & illud. *Sicut in apothecâ diuitis &c.* nam benè quadrat Deiparæ, per eam enim, toti mundo coelestia à Deo charismata dispensantur. 12. 11. 12. & 180. 32.

3. *De quâ Natus est IESVS &c.* Pulcherrimus vnaq; ditissimus natus Virginis census. *Quid amplius queris* (ait S. Thom: à Vill. nou. Conc: 2. in Nat: Virg:) *Quid ultra requiris in Virgine, sufficit tibi quod Mater Dei est.* Sat compendioſo eminentem natæ Vir-

Virginis laudem collegit stylo, at simul stupendo & ad superbiam seculorum admirando prouexit encomio *Sufficit* (inquit) *quod Mater Dei est* Sufficit profecto & Virginis dignitati & totius mundi utilitati. *Proa: 8. Ab æterno ordinata sum.* Quorsum ista gloriatio? *Hoc enim* (inquit idem S. 1. h: vbi supra Conc: 13.) *omnibus non modò Sanctis sed omnibus creaturis commune est.* Quid ergo magnum dicitur de Virgine, ab æterno ordinata sum? R. ibidem. *Virgo dicitur singulariter ordinata & electa, quia electa est ad maximam & singularem dignitatem.* Vnde ad dno fuit electa. Imò ut sit Mater Dei. 2dò ut sit mundo aduocata. Vtrumq; certè magnum, & dignissimo Virginis sufficiens encomio, ex quo enim Mater DEI, infinitam participat dignitatem. 162. 2. ex quo Aduocata, immensam gratiam ac puritatem. Hinc rursus S. Thom: vbi sup. *Vnde facta est idonea, Aduocata? Idonea, quia purissima. Idonea, quia acceptissima. Idonea, quia pijsima.* Hæc enim omnia ad Aduocatam requiruntur. De puritate. 156. 13. 14. & 283. 13. 14. De Gratiâ gratum faciente (per hanc enim acceptissima) 214. 1. 2. & 215. 3 4. vsq; ad 10.

4. *Liber Generationis IESV Christi.* D. Chrysostomus Hom: 2. in Math. *Cuius verò rei gratiâ, librum ipsum Generationis Christi vocat, vbi non sola vtiq; Generatio, sed tota prorsus ipsius mysterij dispensatio, continetur?* R. statim. *Quia iotius, scilicet dispensationis, caput & radix atq; principium, omnium nobis in hoc constitit bonorum.* In quo sanè? Subinfert ibid: S. P. paucis quibusdam interiectis. *Quod Deus, Homo factus est.* O bonum, in quo & ex quo omne bonum!

T A B V L A

num! Verbi enim Diuini humanatio, glorificandæ ac beandæ naturæ humanæ gratiâ, in æterno Dei decreta confistorio. 3. 3.

5. *De quâ natus est IESVS.* Symbolum Apost: *Natus ex Mariâ Virgine.* Benè ex Virgine nascitur, ideò enim Maria Mater, quia Virgo, & ideò Virgo, quia Mater; nec enim decebat Deum incorporari aliundè, quàm de Virgine, nec Virginem concipere & parere, nisi DEVM, qui & Homo esset. Piam D. Bernardi excipe mentem, Hom: 2. supra Missus. Deum huiusmodi decebat natiuitas, quâ non nisi de Virgine nasceretur: Talis congruebat & Virgini partus, ut non pareret nisi Deum: proinde factor hominum, ut homo fieret, nasciturus de homine, talem sibi ex omnibus debuit deligere, imò condere Matrem, qualem & se decere sciebat, & sibi nouerat placituram. Voluit itaq; esse Virginem, de quâ immaculatâ, immaculatus procederet, omnium maculas purgaturus. Duplex motuum adstruit S. P. quo Deus in terris hominem acturus, non de aliâ Matre quàm de Virgine, fuit sibi prouisurus. Decentiam scilicet & debitum. Vtrumque maximè opportunum, ac peragendo Verbi incarnati mysterio, summè peridoneum. Dum enim Verbum caro factum, ad reparandum & recreandum genus humanum: hæc reparatio ac recreatio, primæ creationi erat commensuranda, ut qualis primus Adam in statu innocentie, talis secundus Adam in statu gratiæ, fieret. Porro cum ille de Virgine terrâ, formatus esset, totumq; postea genus humanum, Virgineæ, non carnali generatione, ab Adam. 2. 2. 2. vsq; 3. 4. sed ab Euâ, saluâ eius Virginitate, operâ Spiritus

S. fuerat propagandum. 3. 3. 1. vsq; 3. 0. fusè, istum pariter ex Virgine concipi & nasci oportuit. ibid: ubi supra, præsertim 3. 6. 4. 5. 6. 7. & seq: Et 3. 3. 6. & 2. 4. 8. 9. 10. &c. Huc facit dictum D. Irenæi aduersus Hæreses lib: 3. Cap: 31. *Quemadmodum protoplastus ille Adam, de rudi terrâ, & adhuc de Virgine (nondum enim pluerat DEVS, & homo non erat operatus terram) habuit substantiam, & plasmatus est manu Dei, id est Verbo Dei, omnia enim per ipsum facta sunt, & sumpsit Dominus limum à terrâ, & plasmavit hominem: ita recapitulans in se, Adam ipse, Verbum existens, ex Maria, quæ adhuc erat Virgo, rectè accipiebat generationem Adæ recapitulationis.* Et post pauca, occurrit obiectioni. *Quare igitur non iterum sumpsit limum Deus, sed ex Mariâ operatus est plasmationem fieri? Ut non alia plasmatio fieret, neq; alia esset plasmatio quæ saluaretur, sed eadem ipsa recapitularetur, seruata similitudine.* Similitudinem istâ attende, penes Virgineam eius generationem. 2. 3. 6. & exindè naturam Christi humanam quâ Redemptoris nostri, non potuisse fieri per creationem, sed de Virgine, argues. 1. 7. 0. 1. 4. 15. 16.

6. *De quâ natus est IESVS.* Porro Angelus ait ad Ioseph, Matth: 1. *Quod enim in eâ natum est, de Spiritu S. est.* Iam supra habes ex Hugone n. 7. In Festo Conc: *De Matre, materialitèr de Spiritu S. potentialitèr.* Cûr non & de Patre aut Filio, potentialitèr, cûm opera Trinitatis ad extra sint indiuisa? R. Hugo. *Non dicitur, de Patre & Filio, quia de solâ bonitate Dei fuit, quod incarnaretur. Quod attribuitur Spiritui Sancto.* Glossa item Ordin: *Spiritus S. dicitur Deus, & do-*
num

nam Dei, &
eum incarnari
sola charitas
nis, cûm si
rum præstan
summa proc
250. 9.
Huc reuoca
Concep: sup

PRO FES
NIS BE

1. Extollens
urbâ. Magn
voci Sacra
sui sexus cor
in tantâ m
videtur. B
da est, dur
homines, p
orditur pan
infortitudine
Ierusalem. Q
la nimirû, d
amica mea, su
Ierusalem. Ierusalem
cis; mysticè
nem. Ruper
ua es sicut I
ta semper su
amplissimum
Solennitatis
go in Ierusa
Templum
Hodie (in
Constantin
sent: B. V
legali Templo
maculatum &
Sacrorum Prin
Virginem E
Pacis, verius

T A B V L A

num Dei, & Charitas; & sola charitas, eum incarnari fecit. Benè sola bonitas, sola charitas, opus enim Incarnationis, cum sit omnium operum creatorum præstantissimum, 170. 14. ex summa processit gratiâ & bonitate. 250. 9.

Huc reuocare poteris dicta supra de Concep: sup: idem Euang.

PRO FESTO PRÆSENTATIONIS BEATÆ VIRGINIS.

I. Extollens vocem quedam mulier de turbâ. Magnum in hac muliere elatus vocis Sacramentum. Contra enim sui sexûs conditionem ac modestiam, in tantâ multitudine, vocem leuasse videtur. Benè tamen leuasse censenda est, dum stupendam primò inter homines, publicam, publicè, Virginis orditur panegyrim. Isai: 40. Exalta in fortitudine vocem tuam, qui euangelizas Ierusalem. Quæ est hæc Ierusalem? Illa nimirû, de quâ Cant: 6. Pulchra es amica mea, suavis & decora sicut Ierusalem. Ierusalem interpretatur, Visio pacis; mysticè per hanc intellige Virginem. Rupertus in Cant: Suavis & decora es sicut Ierusalem, in eo, quòd anima tua semper supernam videt pacem. En amplissimum præconiorum hodiernæ Solennitatis emporium. Sistitur Virgo in Ierusalem, offerturq; Templo, Templum ipsa in utero matris effecta. Hodie (inquit Sanctus Germanus Constantinop: Oratione primâ in Præsent: B. V.) trimula prodit, dicanda in legali Templo, quæ unâ templum fuit immaculatum & cellissimum, Pontificis & Sacrorum Principis Dei. Addiderim ego, Virginem Beatam Templum fuisse Pacis, verius & felicius illo olim à Romanis

manis effecto: Dùm enim in suo utero Verbum Diuinum conclusit, veram pacem intulit mundo. Per te (ait D. Epiphanius Serm: de laud: Virg.) Sancta Virgo, medius obstructionis paries inimicitias dissoluit, per te pax cœlestis donata est mundo. Huc reuoca auctoritates SS. PP. B. Virginem Collum mysticum, Mediatrix Dei & Hominum, vniuersi Reconciliatricem &c. indigentes. 12. 11. 12.

Num: 10. Canetis tubis super holocaustis et pacificis victimis, in recordatione Dei Vestri. Lyranus addit. Quod ad honorem Dei offerantur, & accepta sint coram eo. Sileant iam ô Iudæi tubæ vestræ, cessent holocausta & vestræ victimæ pacificæ, nouum en Virgo in templo Salomonis holocaustum, noua victima pacifica. Hodie (inquit S. Germanus ubi sup:) Sacrum templi Altare splendescere incipit, transit enim ad usum incruenti sacrificij. Vis huius Altaris holocaustum? Tenerriam Virginis carnem attende, totam Dei ac templi obsequijs mancipatam. Fiebat (ait S. Bonauentura Medit: vitæ Christi Cap: 3. ex D. Hieronymo) ut in vigilijs inueniretur prior, in Sapientiâ legis Dei eruditior, in humilitate humilior, in carminibus Davidicis elegantior, &c. Vis victimam pacificam? animum mentemq; Virginis contemplare. Nulla quippè in eâ rebellio, nullum dissidium, cum omnes sensus externi, rationis parent imperio. 206. 5. & 207. 7. 8. 9. 10. Præsertim cum in eius Conceptione, ablata fuerit animalitas sensualis. 204. 1. 2. & 205. 3. 4. vsq; 16. & ita Virginem in animâ suâ, (iuxta cit: Rupertum) semper supernam vidisse pacem, non dubitabis, acceperis.

T A B V L A

ceptissimamq; ex Virgine, hodiè oblatam in templo hostiam coram Deo, asseuerabis.

2. *Extollens vocem quædam mulier de turbâ, dixit. Beatus venter qui te portauit.* Exere vocem ô mulier, dilata os tuum, laxa tua labia, linguam quâ poteris virilitate extende, in laudem Sacratæ Virginis. Etenim diu magnalia (inquit S. Germanus vbi sup.) vastissimum pelagus fecit gutta illa celestis, quæ ab ipsâ manauit. Nonne tibi videtur celestem hanc intellexisse guttam, mulier hæc inclamando. *Beatus venter qui te portauit?* Terigit enim (ait noster Ioannes à Carthâg: tom: 3. de B. V. lib: 15. homil: 15.) originem ac secundam illam venam, undè omnia celestia charismata, diuina beneficia, ac portentosa privilegia, Beate Virgini diuinitus collata, ortum habuere. Originem hanc, seu venam, intellige Maternitatem Dei, quæ in tantum ampliavit magnalia Virginis, in quantum per eam eò euecta est, vt maior sub Deo creari non potuerit. 170. 14. Indè solam Virginem, tam secundum animam, quàm secundum corpus, fuisse perfectissimam imaginem Dei, iudica. 230. 26. vsq; 33. & 223. 4.

3. *Beatus venter qui te portauit.* Grande innuit mysterium hæc mulier, beatificando ventrem qui Christum portauit. Nunquid potest Virginis vterus (ait D. Chrysost: apud metaphrastem in Annunt: Virg:) Deum capere, qui comprehendere non potest? Verè mysterium magnum & mirandum. Ita sanè. Incomprehensibilem non comprehendisset vterus Virginis, nisi mentis latitudo eum ampliasset. Si attendas (ait Guericus Abb: Serm: 3. de Annunt:)

angu-

angustias vteri, locus prorsus angustus est. Si latitudinem cordis, Thronus grandis est, propter quam etiam, vterus tantæ maiestatis capax est. Diuinus propè, Diuini conceptus ingenij, sed diuiniorem attende, in S. Gregorio Nyss: Orat: de Natali Domini exclamante. *O Beatum vterum illum, qui bonitatis suæ præstantiâ, ad se traxit animi bona, in reliquis omnibus vix animus purus Spiritus S. præsentiam capit, hic autem caro fit Spiritus S. receptaculum.* Excessisse videtur in hoc vteri virginalis præconio S. Pater, in quo (si diligentius attendas) eius puritatem quâuis mentis puritate, quorumuis sub Christo Electorum, præcellere ait. Hæc profectò singularis singulari debita laus Mariæ, cuius, nedum anima, sed etiam Corpus, in purissimum Spiritum transisse censetur. Quid censum miraris? Caro Christi & Mariæ, est vna. 260. 12. & à carne Virginis, descendit puritas in carnem Christi. 295. 9. 10. Totam ergò fuisse spiritualizandam, & de facto spiritualizatam, crede. Pro hac spiritualitate carnis Virginis, recollige dicta 57. 1. vsq; 47. præsertim 3. 4. 6. 7. 8. 14. 15. vsq; 20. & ex his carnem Beatæ Virg: plenè spiritualizatam, non dubitabis. Patuit huius carnis spiritualizata virtus in Virgine, dum hodiè trima, sinè omni humanâ directione, gradus Templi Salomonis festinè transijt. 208. 14.

4. *Beatus venter qui te portauit.* Diuus Bonauentura super Lucam. *Quasi dicat, Beata mulier quæ portauit tam bonum Filium.* Recollige illud à Christo cuidam adolescenti dictum, Mar: 10. *Nemo bonus, nisi unus Deus.* Vbi Theophilus in Catenâ D. Thom: *Voluit Do-*

minus

minus per b.
cere altiore
Deum.
Christum
enim intro
tum prædic
tauit, non
& veri De
Huc refer
log: 4. de
it Maria?
nem? Nequ
nem induere
it cum ea d
lar ex ea o
Deipara est
rum myste
uine, fort
Diuinitat
voluit S. I
æterno eleg
ratione, si
fortita præ
& 8. 8. & 1
fit creatura
verborum p
us cum Hon
suam grati
enim trans
liorum Dei
ab æterno c
hoc est, In
SS. PP. pass
ministra o
cialitèr v
nes, grati
seq: vsq;
complacuit
templo hac
5. Quin
Dei. &c. D
Marth: No

T A B V L A

minus per hæc verba, mentem iuuenis facere altiore, ut ipsum cognosceret tanquam Deum. Cognouit hodierna mulier Christum tanquam Deum, altius enim introspectit naturam eius, beatum prædicando vterum quicum portauit, non puri tantum hominis, sed & veri Dei Matrem illam insinuans. Huc refertur illud D. Athanasij Dialog: 4. de Trinit. *Hominem igitur genuit Maria? Nudum & duntaxat Hominem? Nequaquam; sed Deum qui Hominem indueret. Primum enim Dominus fuit cum eâ diuinè, & tum demum infantulus ex eâ oeconomicè: quamobrem etiam Deipara est Maria. Magnum verborum mysterium, primum fuit cum eâ diuinè, fortassis per hæc, illud secretum Diuinitatis arcanum commonstrare voluit S. Pater, in quo sibi eam ab æterno elegerat Matrem; ex hac enim ratione, simultaneam cum Christo sortita prædestinationem. 2. 1. & seq: & 8. 8. & seq: vsq: 12. totam præcessit creaturam. ibid. Accipe & alium verborum prædictorum sensum. Deus cum Homine dicitur esse diuinè, per suam gratiam gratificantem, hæc enim transfert homines in sortem filiorum Dei. Virgo igitur Beata, quia ab æterno oeconomicæ verbi Diuini, hoc est, Incarnationis, (hanc enim SS. PP. passim oeconomicam vocant) ministra ordinata est, ideò primò specialitèr ultra omnes Angelos & Homines, gratiosa est effecta. 214. 1. & seq: vsq: 10. Quantum putas sibi complacuisse Deum ex præsentatâ in templo hac gratiosâ puella!*

5. Quinimò beati qui audiunt Verbum Dei. &c. D. Chrysost: hom: 45. in Matth: *Non fuit hoc responsum repudi-*
antis

antis Matrem, sed ostendentis, quòd nihil ei partus profuisset, nisi valde bona & fidelis fuisset. Et S. Augustinus lib: de S. Virginitate cap: 3. *Materna propinquitas nihil Mariæ profuisset, nisi felicius Christum corde quàm carne gestasset.* Dupliciter B. V. Deum concepit & portauit, mente scilicet & carne; mente concepit ab instanti Conceptionis suæ in vtero Matris, ventre, dum in eâ Verbum caro factum. Hinc S. Laurentius Iustin: de Connub: Verbi & Animæ cap: 9. *Quem calicem nequeunt, Maria mente concepit, concepit in ventre.* Felix vterq; conceptus ac partus, sed felicior mentis seu cordis. Per hunc enim valde bona & fidelis antè Deum reperta, conceptû & partû ventris digna iudicata est. Quis ille mentis seu cordis partus? Ille nimirum, quo se in instanti Conceptionis suæ ad Deum reflexit; & ita reflexit, ut totâ vitâ suâ sinè interruptione etiam momentaneâ, mentem suam circa Deum solum occupauerit 205. 4. & 209. 17. 18. 19. & 223. 5. & 224. 6. 7. & 286. 9. Non tibi paradoxum videatur; ab illo enim instanti, fomite & sensualibus concupiscentijs caruit Deipara. 206. 5. 6. & seq: & 280. 4. & 281. 8. Ergò meritò, tam sacrata Virgo, sacratio ac Diuino offertur templo: Vbi teste D. Hieronymo, vel quisquis alius Author libri de Ortu Virginis; *Quotidiè Virgo ab Angelis frequentabatur, quotidie Diuina Visione fruebatur &c.* Non tibi moueant bilem postrema verba, fuit enim viatrix & comprehendens. 201. 14. Habens statum medium inter statum simplicis viatoris, & statum simplicis comprehensoris. 287. 10.

Pro

T A B V L A

Pro eodem Festo, videre poteris supra in Festo CONCEPTIONIS B. V. ad idem Euangelium, à num: 8.

PRO FESTO ANNUNTIATIONIS B. VIRGINIS.

1. *Missus est Gabriel Angelus &c. ad Virginem.* D. Augustinus de Sanctâ Virginitate apud D. Th: in Cat. *Illū enim solum Virginitas decenter parere potuit, qui in suâ natiuitate parem habere non potuit. Oportebat enim caput nostrū, propter insigne miraculum, secundum corpus nasci de Virgine; quod significaret membra sua, de Virgine Ecclesiâ, secundum spiritum nascitura. En noua genitura, prior enim scilicet carnalis, ex maledicto processit.* 21. 1. 2. posterior Christi, ut potè spiritualis, omne bonum primæuo statui innocentie ordinatum, intulit. 36. 4. & seq: nouum in nobis suscitando hominem per baptismum. 135. & per quē Deiformes efficimur. 138. 9.

2. *Aue gratiâ plena.* Hugo Card: in Luc. *Huius salutationis forma tanto pretiosior est, quanto rarior. Nusquam enim in scripturis reperitur antea, nec ab alio quàm Angelo, nec alij quam Mariæ, debebatur hæc salutatio. In omni salutatione ferebat prius, aut vitæ imprecatio. Dan: 2. Rex in æternum uiuē: aut salutis. 2. Reg: 16. Salue Rex; aut benedictionis: Ruth: 2. Benedicat tibi Dominus. &c. Hæc salutatio B. Virginis ex omnibus est conflata, & ideo est dignior. Expende illud Ex omnibus est conflata, gratiæ enim plenitudo debita Mariæ quâ Matri Dei, quascunq; gratias, cæteris aliquandò collatas, in se conclusit eminentè; summa enim decebat Virginem.* 219. 16. & 282. 12. ultra quam maiorem non posset recipere. 215. 3. Vnde plus

plus gratiæ in suâ Conceptione, & in Matris utero, habuisse censenda est quàm Sancti in cælo. 214. 1. & seq. Differissimè de hac plenitudine gratiæ D. Thom: à Villâ nouâ Conc: 2. in Nat: Virg. *Quenam obsecro pulchritudo, quenam virtus, quæ perfectio, quæ gratia, quæ gloria, Matri Dei non congruit? Solue cogitationibus habenas, dilata intellectui fimbrias, & describe apud te in animo Virginem quandam &c. omni gratiâ plenam, omni sanctitate pollentem, Dei gratissimam, quantum potes, tantum auge, quantum uales, tantum adde, maior est ista Virgo, excellentior est hæc Virgo, superior est Virgo ista. Non eam Spiritus S. literis descripsit, sed tibi eam animo depingendam reliquit; ut intelligas, nihil illi gratiæ, aut perfectionis, aut gloriæ, quam animus in purâ creaturâ concipere possit, defuisse. Benè ergò ab Angelo salutatur, gratiâ plena: plenè enim eâ perfusâ est in instanti Conceptionis suæ, ita quod nihil ei totâ vitâ accesserit in esse gratiæ gratum facientis, quin illud totum, in eo obtinuerit momento.* 281. 10. & seq:

3. *Benedicta tu in mulieribus.* Græcus in catenâ D. Thomæ. *Vna scilicet præ cunctis mulieribus, ut etiam benedicantur in te mulieres, sicut mares in filio; sed magis uterq; in utrisq;, velut enim per unam feminam & unum mare, peccatum simul cum tristitiâ intrauit, sic & nunc, per unam & unum, benedictio reuocata est, & letitia, & ad singulos est profusa. Notantèr dixit Author. Uterq; in utrisq;. Et. Per unam & unum. Virgo enim Beata, Christo, Capiti hominum & Angelorum, in adiutorium simile, & quasi concaput facta est.* 12. 11. 12. & 165. 1. & seq: & 174. 21. per

T A B V L A

per quam, Vniuersum, suam accepit perfectionem ac benedictionem. vbi sup: 12. & 170. 14. & 180. 32.

4. *Ne timeas Maria, inuenisti enim gratiam apud Deum.* Glorientur ceteri sibiq; gratulentur, se, terrenorū Principum ambitioso fastu, & quæsiisse, & inuenisse gratiam; fallax hæc, naturâq; suâ, subdolo delinita fūco, quæ plerosq; cum superbo, superbe, ob Regis gratiam exultante Aman. Esther 5. v. 9. è Regum palatio, aut furæ probrosæ, ibid: 7. v. 10. aut squalo carceri, cum innocente Ioseph Gen: 39. v. 20. mancipauit, feliciores forsan futuros, si priuatâ priuatorū experissent consuetudinem, quàm magnatum fauorabile exambisissent consortium. Sufficiat gloriæ, immò & gloriationi, nostræ Virginis, ipsam, apud ipsum solumq; Deum inuenisse gratiam. Apud (inquam) Deum; qui mutari nescius, quos suo Diuino fauore honorare decreuerit, æternâ complectitur dilectione. Quis hæc felicitate felicior, ipsâ Deiparâ Virgine? quæ primogenita antè omnem creaturam. 177. 25. omnium hominum & Angelorū præcedens prædestinationem. 8. 8. prima specialissimam fortita est adoptionis gratiam. 301. 1. vsq; 13. prout vera & naturalis veri Dei genitrix futura. 169. 12. 13.

Ioan: 1. *Ei Verbum erat apud Deum.* Interlinearis. *Ut alia persona, non tamen ut alia substantia.* Præter hoc etiam (inquit Hugo Card: in Ioan:) notat, Apud, permanentiam contra motum vel transitum, notat etiam vicinitatem seu paritatem, contra superioritatem & inferioritatem, & ita notatur per præpositionem æqualitas Verbi cum Patre, & coaternitas

perma-

permanens. Compose vtrumq; ly: Apud: Angelicum scilicet. *Inuenisti gratiam apud Deum.* Et S. Ioannis. *Verbum erat apud Deum,* & indè peraugustam peraugustæ Virginis excellentiam pensa. Apud Deum Verbum, apud Deum Maria. Num quid æquali cum Verbo situ, aut æquali vicinitate seu paritate? absit; Nulla enim creatura æquiparatur Deo, vel ad eum æqualem habet vicinitatem: optimè tamen sub Deo; quatenus ei propinquior est, & talem vicinitatem, respectu Dei, supponit Angelus in Mariâ quâ Matre eius. 10. 9. Deo enim nullus vicinior, quia nullus familiarior, aut gratior, quàm Maria, quæ simul prædestinata cum Christo 2. 1. & seq: & 8. 8. & seq: vsq; 12. & rotius creaturæ cum eodem concipit effecta. 12. 11. & vbi sup: citatur num: 4. eminentem supra cælestes Spiritus, se solâ, immediatè post Deum, constituit Hierarchiam. 252. 13. 14. & 255. 21. Fauet huic asserto Albertus Magnus in suo Mariali cap: 236. *Ipsa enim inuenit gratiam propinquiorem quàm aliqua alia creatura, non tamen æqualis situs potuit esse cum Deo, impossibile est enim in situ vel in aliquo creaturam æquare Deo.* Oportet ergò se dicitur quo ad aliquid, esse apud Deum, quod hoc sit respectu aliarum creaturarum. Plus iam aude, consideratâ maternitate Dei in Virgine; ob hanc enim consubstantialis Christi. 171. 16. & 294. 6. non solum æqualitatem ad Deum, sed & identitatē habet. 12. 10. 11 & 177. 26. Hinc rursus idem Albertus Magnus. *Hæc omnia inuenisti apud Deum, apud dico, propinquissima, similitudine, dignitate, familiaritate, naturæ vicinitate.* Benè ait.

T A B V L A

ait. *Nature vicinitate*. de naturâ enim Christi & Matris eius, vniformitèr sentiendum, & loquendum. 269. 1. licet Christi natura, nobilior naturâ suæ Matris, ibid:

5. *Quomodo fiet istud, quoniam Virum non cognosco?* D. Chrysostomus in Catenâ D. Thomæ. Quinimò eò ipsò contingeret, quod est coniugis in experta: Nam si virum experta fuisses, non digna censeris hoc mysterio, non quia profanum sit coniugium, sed quia Virginitas potior. Non tu potiore censebis? quæ ipsi quoq; Diuinitati affinis, æternam æterni Patris generationem indigitat. 39. 8. Deoq; semper placita. 45. 23. quomodo non hæc sola specialitèr & ipsiusmet Christi generationi deseruiret? 40. 12. & 41. 14. 16. & seq; & 48. 29. Hinc illud D. Greg: Nyss: de Virginit: cap: 2. *Quæ Dei Verbi aduentum nuntiaret, sola castitas idonea est.* Huc refer dicta in festo. Nat: B. Virg: num: 5.

6. *Quomodo fiet istud, quoniam Virum non cognosco?* Lyranus. Id est, non cognoscere propono. D. Greg: Nyss: in Cat: D. 1 h: *Quia oblatum corpus Dei, quasi quoddam ex sacris inuiolabile reſeruari debebat, & ideo ait, quoniam virum non cognosco.* O miram pudicitie curam! (exclamat S. Thom: à Villa nou: conc: 2. de Annun: Virg:) O inæſtimabilem castitatis amorem! Mater Dei ab Angelo pronuntiatur, & pro suâ Virginitate sollicitabatur, Deum habitura est filium, & de suo pudore questionem facit, neq; tanto pigrore, puritatis damna compenſat; tanta erat in ea puritatis sanctimonieq; dilectio. Quale putas in Virgine naturæ simul & legis prodigium, Diuina ei promittitur proles, nihilominus anxie nimis, suam

suam intemeratam zelat Virginitatem. O inæſtimabilem humano sensu Virginem! Iudicum 11. Iephthe filia, postquam se, in sacrificium Deo, ex voto Patris sui, cessuram intellexit, illud solum deprecata est Patrem: *Dimitte me ut duobus mensibus circumeam montes, plangam Virginitatem meam.* Quorsum ille planctus? R. Lyranus. *Quia tunc temporis opprobrium erat mori sine prole.* Venustius D Thom: à Vill: nou: vbi sup. *Luget diutius, non quia occiditur, sed quia absq; sobole moritur innupta, acerbioſam ipsâ morte, reputans orbitatem.* Quid si huic puellæ talis tantusq; ac nostræ Virgini, fuisset reſpromissus filius, quales quantosque adauxisset planctus, mortem præmaturam deploratura? quæ adhuc nescia, num quandoq; paritura, an sterilis mansura, tantoperè insueti indoluit lamento. Cessit lex, infæcundam damnans, & natura sterilitatem verrecundans, Virgini Mariæ, quæ pietissimo quodam suæ Virginitatis zelo, filij Dei Mater effici, pietissimè contremisit. O Virginem puram (exclamat iterum D. Thomas vbi supra) Virginem unicam, Virginem singularem, & verè singularem, verè unicam, ad quam nulla est alia Virgo! Peramplâ satis emphasi, sola mortalium & vnica, Maria, adſtruitur fuisse Virgo. Recollige illud nobilissimum Ecclesiæ epithetum, quo eam dignificat, Virginem Virginum, profitendo, quasi inter omnes, Virginem eminentissimam, vel quasi Virginem per essentiam, à quâ solâ in omnes descendit virginitas. 173. 20. Hinc conijcies Deiparam magis fuisse Virginem, quam fuerit Eua in statu innocentie. 11. 10. in fine: tunc enim

enim Virginitas
fectior fuit
ca. 242. 5. I.
priuilegium,
nullâ vnqua
scentiâ, immu
tur. 246. 1.
quælibet alia
minorem de
rupta 246.

7. Ecce Ad
S. Titus Bos
glossam Oro
auctam. Ha
tio huc tendit
scripturam ex
scriba ille, q
de me Vniuer
buerit. Audi
resignatam
resignaret Di
ipse Deus in p
nis, sic se firm
quam Virgo
1. & seq;

PRO FEST
B. VIR
1. Exurgens
cum festinatione
para, cohibe
sacrata puella
vtero gestas
v. 10. Colum
uent. Vel illu
tius adgenic
rare præſer
ait Virgo. Q
rem, accelera
dilectus meus lo
amica mea C
mâ Lap: in h

T A B V L A

enim Virginitas naturæ humanæ perfectior fuit virginitate naturæ Angelicæ. 242. 5. Et exindè illi speciale illud priuilegium, quod eam aspicientes, nullâ vnquam mouerentur concupiscentiâ, immò, ad castitatem allicerentur. 246. 18. Quid mirum, cum & quælibet alia Virgo, Virgo permanens, minorem det tentationem, quam corrupta. 246. 18.

7. *Ecce Ancilla Domini, fiat mihi &c.* S. Titus Bostorum Episcopus apud glossam Ord: à Leandro Benedictino auctam. *Hec Sacratissima Virginis Oratio huc tendit. En tabula sum, quamuis scripturam excipere idonea. Scribat in me scriba ille, quodcunq; visum fuerit, faciat de me Vniuersorum Dominus, quidquid libuerit.* Audis resolutam & in pleno resignatam Virginem? quidni seipsâ resignaret Diuinæ voluntati, cum & ipse Deus in primo instanti conceptionis, sic se firmauerit in Virgine. vt nunquam Virgo ab eo auerti posset. 284. 1. & seq:

PRO FESTO VISITATIONIS
B. VIRGINIS MARIAE.

1. *Exurgens Maria, abiit in montana cum festinatione.* Siste gradum ô Dei para, cohibe hunc velocem cursum, ô sacrata puella; Verbum Diuinum in vtero gestas, ad cuius nutum Job 26. 10. *Columnæ celi contremiscunt & paueunt.* Vel illud tu quoq; reuerere, & potius adgeniculata, Diuinam eius venerare præsentiam. Quidni festinem? ait Virgo. Quidni iter meum accelerem, accelerante ipso Dei Verbo? *En dilectus meus loquitur mihi: Surge propera amica mea* Cantic: 2. 10. Cornelius à Lap: in hunc locum, tertio sensu princi-

principali. *Hiscè verbis, Surge, propera, Christus euocat Beatam Virg: vt licet grauida, surgat, & abeat in montana, cum festinatione, ad salutandum Elizabeth eig seruendum.* Quid est; Eig seruendum? Ergone Regina cælorum, creatoris Mater effecta, ancillabitur creaturæ? Aduertite mysterium; properat Virgo, quia properat Iesus. *IESVS enim* (ait Origenes hom: 7. in Luc:) *qui in vtero illius erat, festinabat adhuc in ventre Matris, Ioannem positum sanctificare.* Non seruale censeas obsequium, nec inglorium credas ancillatum, ad quæ exhibendum festinat Virgo, imò Regale officium, ac munus Diuinum iudica, vnâ cum Christo Mariam festinè cucurisse. *Superior* (inquit D. Ambrosius lib: 2. in Luc:) *venit ad inferiorem, vt inferior adiuuetur: Maria, ad Elizabeth, Christus ad Ioannem.* Hinc videre libet, rectè Beatam Virginem concupit Christi & adiutorium nuncupari. 12. 11. 12. & 165. 1. & seq: & 174. 21.

2. *Abijt in Montana, cum festinatione.* Quis in montana percito euolat cursu, & non lento pergit gressu? Et ecce tenerima Virgo, eaq; Verbo facta Diuino, festina currit in Iudææ montana. Benè maturat iter sibi vndequaq; de facili peruium, ac minimè arduum. *Isaia 19. 1. Ecce Dominus ascendet super nubem leuem.* D. Procopius nubem leuem appellat Sacram Virginem, cuius vlnis delatus in Egyptum est. *Leuem dictam* (intellige tam quoad corpus quâ quoad animam) *quod libera erat omni passione & fomite, & quod super omnes res terrenas volabat.* Energiam attende. *Leuem dictam, quod libera erat &c.* Fomesne est passio grauis? Imò onerosissi-

T A B V L A

rosissima. Corpus enim quod corrumpitur, aggrauat animam. Sap: 9. v. 15. D. Bernardus Serm: 2. in septuag. Non simpliciter corp^o, sed corpus quod corrumpitur, aggrauat animā, ut immunē ab hoc grauamine, primi Parentis animā, noueris extirpasse, donec adhuc corpus gereret incorruptum. Transijt hæc immunitas ab hoc grauamine in Beatam Virginem, quæ in utero Matris, concepta licet ex copulā maritali. 182. 4. quod necesse fuerit illam sic concipi, ibid: 5. Caro tamen eius nullam traxit grauitatem. quia spiritalis facta. 196. 6. & seq. Homo enim antè lapsum, habuit corpus spirituale & spiritum corporeum. 57. 58. & seq: & 3. 4. 5. &c.

3. *Ut audiuit salutationem Mariæ Elizabeth, exultauit infans in utero eius, & repleta est Spiritu S.* D. Ambrosius lib: 2. in Luc: Cito autem euentus Mariæ, & præsentie Dominicæ, beneficia declarantur. Et Origenes hom: 7. in Luc: loquens de Ioan: Bapt: Non autem antea repletus fuerat spiritu, donec assisteret, quæ Christum gerebat in utero; tunc autem & Spiritu erat plenus, & resultabat in parente. Cūr non antè repletur quā assistat Virgo? Tangit forsitan Origenes singulare priuilegium Virginis, quod per eam, sua Deus disposuerit dispensare beneficia. Vel fortè, non aliter sanctificare voluit Baptistam, quā ad præsentiam suæ Matris, ut ita commonstraret, sanctitatem B. Virginis in Conceptione, incomparabiliter fuisse maiorem & perfectiorem, sanctificatione quorumuis in utero sanctificatorum, consequenter & ipsius Baptistæ. 189. 1. & sequ.

4. *Benedicta tu inter mulieres.* Rectè antè hæc verba præmisit S. Lucas.

Et

Et repleta est Spiritu S. Elizabeth. Quis enim, Virginem benedictam inter mulieres, reuelasset ei, nisi Spiritus S. quod eo magis censendum, quod eadem benedictione, quā eam benedixit cælestis Paranympus, Elizabeth benedixerit Virginem. Indè Beda lib: 1. in Luc: cap: 3. Eadem autem voce ab Elizabeth, quā à Gabriele, benedicitur, quatenus & Angelis & hominibus veneranda monstreretur. Veneratio, debetur Eminentix: Virgo igitur, & Angelis & hominibus veneranda monstratur, ut potè primogenita antè omnem creaturam. 177. 25. prædefinita simul cum Christo. 141. 2. præcedens prædestinationem hominum & Angelorum. 8. 8. ac se solā ultra eos, quartam in cælis constituens Hierarchiam. 252. 13. 14. & 255. 21. Origenes ad prædicta verba in Cat: D. Thom. Dicit autem, benedicta tu inter mulieres, nulla enim unquam tanta fuit gratiæ particeps aut esse poterat. Vnius enim Diuini germinis, parens est unica. Nota Aut esse poterat. Cū enim maternitas eius sit quodammodo infinita. 162. 2. Summa ei debebatur gratia. 282. 12. quā maiorem non posset recipere. 215. 3. Pensa & illud. Vnius enim Diuini germinis &c. Christus enim prædestinatus est Filius huius Matris determinatæ. 11. 10. nec potuit præuideri sinè hâc Matre Mariâ. 143. 4. quem etiam necesse fuit nasci, de muliere tantum & non de viro. 24. 10.

5. *Et ait Maria. Magnificat anima mea Dominum.* D. Thom: à Vill: nou. conc: 2. de Visit: Virg. Sileant omnes, *Mæsa, sileant gentilium celebratæ Camænæ sileat Sybilla furens, sileat Laciniosa Pœtis,*

sis, sileat
lomena co
anumg
sonat, Deip
Magnific
de Virgo
um, nec
tum susce
Magnific
iusq; vir
nardus, S
eius. Mag
num, sed a
anima mea
enim creat
minus, sec
gnificè f
omnes a
perfectiss
Dei exitu
26. &c. &
6. M
Hugo Car
gmentando.
electos fid
piui. 302
go, eā eni
concomita
Vel quia d
Virgine, co
torum rati
vniuntur
regenerat
6. & 13
ipsimet
4. 5. &
7. Su
datus &c.
conc: 2. d
quā succin
pressit? Su
uersione Diu

T A B V L A

tes, sileat Syrena dulcis, garrula etiam Philomena contineat, sileat omnis hominum auiumq; harmonica laus: Cythara Regis sonat, Deipara Virgo canit. Quid canit? Magnificat anima mea Dominum. Attende Virgo quid dixeris: Quis enim Deum, nec augmentum nec decrementum suscipientem, magnificare potest? Magnificat profecto, bona & iusta cuiusq; vita. 124. 7. Subtilius D. Bernardus, Ser: in Cant: B. V. in personâ eius. Magnificat omnis creatura Dominum, sed amplius super omnem creaturam anima mea, Dominum magnificat. In omni enim creaturâ, nihil tam magnifice fecit Dominus, sicut animam meam. Reuerâ magnifice facta, quæ in suâ essentiâ ultra omnes animas, post animam Christi, perfectissima, perfectissime imago Dei exstitit. 223. 5. & sequ: & 230. 26. &c. & 239. 15. 16. 17.

6. *Magnificat anima mea Dominum. Hugo Card. Corpus eius mysticum augmentando. Quod illud corpus? nempe electos fideles, qui sunt filij Dei adoptiui. 302. 4. hos augmentauit Virgo, eâ enim adoptatâ, adoptati sunt concomitanter & alij electi. 303. 9. Vel quia de corpore sumpto de Matre Virgine, consistit omnium Sacramentorum ratio & finis. 173. 18. per quæ uniuntur Deo; in baptismo quidem regenerati, in nouam creaturam. 137. 6. & 134. 1. in Eucharistiâ adunati ipsimet Christo. 172. 17. 18. & 36. 4. 5. & 231. 30. & 134. 3.*

7. *Suscepit Israel puerum suum, recordatus &c. D. Thom: à Villâ nou: conc: 2. de Visit: Virg. Quam mirè, quam succinctè, Verbi Incarnationem expressit? Suscepit (inquit) non enim conuersione Diuinitatis in carnem, non substan-*

tiarum

tiarum confusione, non mixtione, aut compositione aliquâ vtriusq; naturæ, sed assumptione mirificâ humanitatis in Deum, Deus Homo factus est. Rationem quoq; huius tam admirandæ unionis, sapienter exprimit, cum ait. Recordatus misericordiæ sue. id est, non alicuius meriti, non ex operibus iustitiæ quæ fecimus nos, sed ex misericordiâ suâ, & gratiâ suâ purâ. Quis enim tantum donum unquam potuisset promereri? Certè quod Homo Deus factus, id fuit puræ gratiæ, hæc enim Incarnatio, non tam propter nostram Redemptionem prædefinita, quàm propter ipsam gloriam Dei. 5. 3. & 176. 24. licet enim Homo non peccasset, adhuc tamen steterisset ad manifestandam Trinitatem. 3. 3. quod tamen ordinatum fuit in gloriam, cessit post peccatum ex misericordiâ in Redemptionem. ibid.

PRO FESTO PURIFICATIONIS B. VIRGINIS.

1. *Postquam impleti sunt dies &c. Vide ô Virgo, ne sis tuo iniuria filio, Diuinum eius prodigendo honorem. Quid tibi cum lege purificationis, quæ ultra leges naturæ, Deum partu protulisti? Verè ô B. V. (ait D. Bernardus Ser: 3. in purif.) verè non habes causam, nec tibi opus est purificatione. Cedit tamen legi, cui etiam liberè Filium suum se in circumcisione submisisse cognouit. nec in hoc prodegit honorem Filij, dicente Spiritu S. Prou: 15. Mens iusti, meditabitur obedientiam. Hinc Richardus in illud Cant: 6. Anima mea liquefacta est, ut dilectus locutus est. ait lib: 4. Quia anima Mariæ, per incendium charitatis parata fuit instar metalli liquefacti, in omnes modos Diuine voluntatis. Huc refer dicta supra in Festo Annuntiat: n. 7.*

2. *Post-*

T A B V L A

2. *Postquam impleti sunt &c.* Purificatur Virgo, non conceptus aut partus sui maculas eluens, (nam ut ait D. Zeno Serm: 2. de Nat: Domini. *Non filius Matris aut suis est ullis sortibus delibutus, neq; enim reuera aliquid circa se habere posset immundum, qui humani generis peccata, sordes, maculas, venerat mundaturus.* Sed maiorem puritatis gradum prætendens. iuxta enim Albertum Magnum, puritas vel est per recessum ab impuro, vel per accessum ad summè purum. Secunda puritas hic enituit in Virgine. Si enim iuxta D. August. Ser: 22. in Nat: Domini. *Virgo partu nupsit, Virginitatem dum pareret duplicauit:* ita hic ex mente Sylueiræ philosophandum, quia *Virgo* (ait ille tom: 1. lib: 2. c. 5. n. 19.) *in suâ purificatione, maximè se assimilauit primæ puritatis regulæ, Christo Iesu* (explicat ibidem, quod subiens se legi ex humilitate exemplo Christi) *Ergo* (concludit tandem) *dum Virgo conformatur Filio suo, puritas ac sanctitas in eâ creuit.* Vtramq; elicies puritatem. 156. 13. 14. & 283. 13. 14.

3. *Et ut darent hostiam &c.* *Par turturum aut duos pullos &c.* V. Beda in Luc: *Hostia autem hæc, pauperum erat.* Ergo pauper Maria? ubi illa parentum suorum hæreditas ampla? ubi thesaurus planè regius à Magis oblatu? Hæreditas diuendita, & in pauperes erogata, thesaurus regius iisdem elargitus. *Totum infra paucos dies pauperibus erogauit.* ait D. Bonauentura Meditat: vitæ Christi cap: 9. Itane Virgo prodiga? imò Diuinè ac regiè liberalissima, per hanc suam liberalitatem, Reginæ ac Matris Vniuersorū executā officiū, palam faciens mundo, se

se bonorum cælestium dispensatricem constitutam. 12. 11. 12. & 180. 32.

4. *Par turturum, aut duos pullos columbarum.* D. Athanasius in Cat: D. Th: *Bina iussit offerri, quia homine consistente ex animâ & corpore, duplum à nobis poscit Deus, castitatem & mansuetudinem, non solum corporis sed etiam animæ: alioquin erit homo fictor & hypocrita, gerens integumentum occultæ malitiæ, innocentiam apparentem.* Vtrâq; castitate eminentèr claruit Deipara, secundum enim corpus, lucidissima. 238. 14. &c. ut potè digito Dei formata. 188. 19. & in carne spiritali facta. 196. 6. &c. secundum animam, gloriosissima, quia perfectissima imago Dei. 223. 5. & 230. 26. &c. Vndè in instanti suæ Conceptionis, ita fuit luminosa sicut esset Adam in puncto suæ translationis in cælum. 234. 1. &c. hinc non inconcinne à SS. Patribus Beata Virgo sola, Homo, nominatur. 195. 1. 2.

5. *Aut duos pullos columbarum.* Quærunr DD. quid præcisè obtulerit Virgo, turturesnè an columbas? Vtrumq; simul obtulisse censent alij cum Origene hom: 14. in Luc: Solas obtulisse columbas, innuit Richardus Viêt: de differentiâ Sacrificij Abrahæ & Mariæ. *Illud* (inquiens) *videtur inquisitione dignum, cur magis elegerit offerre duos pullos columbarum, quam duos pullos turturum.* Fauet Sylueira t. 1. l. 2. c. 5. n. 52. *Quia columbe, minori pretio emebantur, ideoq; communiter à pauperibus offerebantur.* Cûr igitur Maria elegit columbas?

Cantic: 1. v. 14. *Eccè tu pulchra es amica mea &c. oculi tui columbarum.* Psellus apud Theodoretum. *Columbe autem oculos memorat; ut purum Virginis obtutum significet, tam mundos enim oculos habet,*

*habet, ut p
aspiciat. Qu
Ille nimir
vtero Matris
potentias, a
lit ad Deum
7. & ita De
lubarum
psam Deo
6. Acc
da in Car:
finiet, hoc se
ad infantiam
conuersationi
infantem l
nem? è ma
mysterium
Seni porro
dum ad in
ut intelliga
naturam, c
174. 21. a
rationem, s
inuestam 2
7. Nunc
radius t. 1.
desiderio &
etum videm
didus, dulce
Iulianus Ar
c. 13. Letu
& de vicin
manus puer
Nunc dim
senis mo
ad se euo
Prou
desiderium
pletio deside
gaudij. Bar
desiderata
erat, qui au*

T A B V L A

Habet, ut puriter pulcherrimum sponsum aspiciat. Quis ille obtutus Virgineus? Ille nimirum, quo se Virgo adhuc in utero Matris, secundum omnes animæ potentias, amplius inauertibiliter retulit ad Deum. 205. 4. 223. 5. 224. 6. 7. & ita Deipara, in suâ hodiernâ columbarum hostiâ, iterum obtulit seipsam Deo.

6. *Acceptit eum in vlnas suas. V. Be-da in Cat: Acceptit senior Christum, ut infuuet, hoc seculum qualesenio iam defessum, ad infantiam & innocentiam Christianæ conuersationis rediturum. A quo putas, infantem Iesum, accepisse hunc Senem? è manibus certe Mariæ. Cerne mysterium. Christus per Mariam Seni porrectus, senio defessum mundum ad infantiam rediturum innuit, ut intelligas per B. Virginem, totam naturam, quâ natura, restauratam, 174. 21. ac per eam, nouam generationem, scilicet spiritualem, mundo inuectam. 23. 6. 7. & 304. 9. 10.*

7. *Nunc dimittis seruum &c. Bar-radius t. 1. l. 10. c. 3. Canus Simeon desiderio & expectationi suæ satis esse factum videns, imminente morte, ut Olor candidus, dulce fudit è senili ore melos. Et D. Iulianus Archiep. lib: 1. Prognosticon c. 13. Letus itaq; de morte iam proximâ, & de vicinâ accensione securus, accepit in manus puerum, & exclamauit, & dixit. Nunc dimittis &c. Quæ hæc lætitia senis mortem expectantis, imò eam ad se euocantis?*

Prou: 13. 5. 12. Lignum vitæ desiderium veniens. Lyranus. Id est, completio desiderij, est causa delectationis & gaudij. Baradius vbi supra cap: 7. Res desiderata (supple Simeoni) Christus erat, qui arbor est vitæ, arborem ille vitæ manibus

manibus tenens, mortem non timet; quæ mortem timeat, vitæ fontem habens? Al-ludit ad illam paradysiacam vitæ ar-borem, quæ vitam immortalem pro-ro-gasset hominibus. 274. 18. cum in eâ fuerit verè & realiter vita 89. 14. Hinc etiam ex Simeone patet, quare SS. appetant mortem. 277. 21.

PRO FESTO ASSUMPTIONIS B. V. MARIÆ.

1. *Intrauit Iesus in quoddam Castellum. Hugo Card: Id est in B Virginem, in quam venit Dominus ad pugnandum, vel potius ad expugnandum diabolum. De Ca-stello, idem subdit. In alto debet esse: & B. V. in alto fuit fundata, ita ut omni-nò diabolus accedere non valeret. Mira allegoria mystica castelli & Mariæ, in quâ dum Ecclesia Assumptioni Virgi-nis gloriam pendit, obfuscare potius videtur. Quomodo enim Christus hoc mysticum ingressus castellum, expu-gnauit diabolum? vel quomodo ad illud accedere non valuit, dum Virgi-nem B. morte strauit temporalis? Inui-diâ autem diaboli, mors introiit in orbem terrarum. Sap: 2. 5. 24. Sti-pendia etiam peccati, mors. Rom: 6. 5. 23. Absit hic census infamis à Deipa-râ, moritur quidem sed gloriosè. Si-cut enim mors Christi fuit alia à mor-te nostrâ: 72. 31. & 210. 21. & 272. 12. (cùm alia sit causa mortis nostræ temporalis. 207. 10. hinc Christo fuit exaltatio. 135. 4. nobis supplicium. 272. 13.) ita censendum de morte Mariæ; hæc enim in eâ non fuit pæna, sed conditio. 274. 19.*

2. *Intrauit Iesus in quoddam &c. Cornelius Mussus Episc: Bitont: Conc: deAssum: V. par: 1. Non videtur vobis quod*

T A B V L A

quod Maria castrum est singulare, cum Mater sit, & simul Virgo sit, cum Filius & Homo sit, & Deus, unicus Aeterno Patri, unicus B. Matri. Benè; Unicus Patri, unicus Matri. Christus enim Matrem non habuit in coelis, Patrem in terris, sed aeternalitèr genitus ex solo Patre, in tempore ex solâ Matre, eum enim nasci necesse fuit, de muliere tantum, & non de viro. 24. 10. Si- nê quâ etiam prouideri non potuit. 143. 4.

3. Et Mulier quaedam Martha nomine &c. & huic erat soror nomine Maria. Gloss: Ord: Per istas duas sorores, duæ significantur vitæ spirituales. Actiua scilicet & contemplatiua. Vtramq; hanc vitam, eminentèr reperies in Maria. Hinc exclamat Cornelius Mussus vbi supra. O te beatam & millies beatam Virgine, quæ duas has vitas, tam concorditer copulasti, ut nec actio turbaret contemplatione, nec contemplatio impediret actione: eras Martha sed imperturbata, eras occupata, sed quiesca, ut Martha inuabalas, ut Maria fruebaris.

Cantic: 1. 11. Dum esset Rex in accubitu suo. Hebraicè Dùm esset Rex in circulo suo. Sermo est de B. Virgine iuxta SS. PP. Maria ergo circulus Dei. Cùm circulus? R. Sylueira tom: 1. l. 1. c. 3. n. 23. Perfectus circulus, quando aliquid sui in medio tingit: nullum est in circulo punctum, quod per lineam rectam contento non respondeat. Merito ergo Beatissima Vir: dicitur circulus Christum ambiens, quia adeo extitit perfecta, ut nullum instans assignari possit, siue in Conceptione, siue in Natiuitate, vel vite decursu, seu morte, in quo in Christum non tetenderit, ac quantum fas est puræ creaturæ, Filio suo non proportionaretur. Summam hinc in Virgine contemplationem argue. 205. 4. Martha

Martha enim, licet extiterit actiuosa in ministerio Christi, extitit simul & Maria Deo intenta, ita ut nullo unquam momento mentem suam ab eo auerterit. 223. 5. 6. 7.

4. Et Mulier quaedam. Cornelius Mussus vbi sup: Non habuit Lucas vocem contractiorem ad exprimendam infinitam dignitatem & excellentiam huius mulieris, hæc voce incertâ & indefinitâ. Quedam Et infra. Quid dicam de hac magnâ Dominâ? Si eam cælum appellauero, multo est sublimior: Si stellam, infinitis modis est purior: Si Imperatricem mundi, adhuc nobilior est: Si Dominam Angelorum, habet titulos digniores: Si Matrem Dei, est quidem hic proprius honor, est eius dignitas, est eius gloria, sed in explicanda hac Maiestate, quæ quasi infinita est, quæ lingua non obmutescet? Maiestatem maternitatis in Virgine quodammodo infinitam, non dubites. 162. 2. Cùm non tantum æqualis Christo, sed & idem sit. 12. 10. & 177. 26. ac consubstantialis. 171. 16. & 166. 5.

5. Sedens secus pedes Domini. Qui antè Iesus, modò Dominus. Cùm non hic quoq; Iesus? Sylueira t. 3. lib: 5. c. 16. n. 39. Sedebat, ut ab illo multa hauriret celestia dona, & splendidum ac gloriosum Domini nomen, non tam benè aptatur, ubi dona excipiuntur, quàm potius ubi largiuntur diffusa. Quid accommodati- us ad nostræ Virginis gloriam? quæ & haurit à Deo dona celestia, & hau- sta, elargitur mundo. Forfan autem & ipsa cælis hodiè inuecta, sedet secus pedes Domini, Filij sui. Datâ enim fide Suario t. 2. in 3. p. D. Thom: Disp: 51. Sect: 1. Christi Corpus, supra conuexam superficiem cæli Empyreï quicuisse, iam Deiparæ secus eius

eius pedes immediatè à dextris, thronus assignandus. *Sedet* (ait Didacus de Yanguas in suo Promptuario lib: 3 Con: 1. de Assumpt:) *omnibus superior, & pedes illius attingens, illi soli inferior, atq; ut ita dicam, suprema creaturarum, attingit infimum Creatoris Dei.* De hoc throno Barradius tom: 1. lib: 6. Cap: 12. *O thronum altissimum, in quo Virgo supra se, sanctissimam tantummodo Trinitatem, infra se, omnes omnium Angelorum hominumq; Hierarchias, omnes choros, & omnes celos, & elementa, cernit.* Quid mirum, sic eleuatam Virginem! Angelorum enim natura, sit licet cellior, non tamen gratiâ maior. 252. 15. quorum etiam vnâ cum Christo, repatriatrix effecta est. 12. 11. *Veni electa mea, & ponâ in te thronû meû.* Ecclesia in Of: Virg: Guericus Ab: adaptat hæc B. V. Ser: 2. de Assump. *In te mihi quandam Regni sedem constituam, de te iudicia decernam, per te preces exaudiam: nec satis glorificatus videbor, donec tu glorificeris.* Quorsum putas tantum glorificandæ Virginis desiderium? Caro Christi & Mariæ est vna. 10. 9. circa fin: & 196. 4. & 200. 12. per quam illi consubstantialis. 271. 16. sic autem per naturam assumptam à Verbo, glorificatur & honoratur Deus, ut totâ annihilatâ creaturâ, adhuc per eam perfectissimè honoraretur. 176. 24. circa fin: Christus ergo inducitur desiderasse Matris suæ glorificationem, ex eâ enim Homo factus, ut pro totâ creaturâ Deum plenè glorificaret. ibid: Preme & illud. *De te iudicia decernam.* Iubilet cum tripudio mundus, talem hodiè thronum in suo Regno, statuisse Christum.

Ier: 31. v. 22. *Creauit Dominus nouum*

nouum super terram, famina circumdabit Virum. Quid si dixero, creasse hodiè & super cœlum? non nouum iudicabis, Mariam in cælis circumdedisse Christum? Septuaginta. *Quia creauit te Dominus in salutem, in plantationem nouam, undequaq; venient homines ad salutem.* Nouè plantatur Virgo in cœlo à Deo, ut per eam salutem tribuat vniuersis. Nihil enim (ait Christophorus de Vegâ in Theologiâ Marianâ n. 1168.) *gratiarum à Christo in alios derivari potest, quod non sit per Mariam; sicut ex centro nihil derivari potest extra, quod per circulum & peripheriam non pertranseat.* Bene igitur Maria Christum ambire dicitur, quia omnem illius potentiam & efficacitatem, sic undequaq; cobibet, ut omnem vim in se prius excipiat. Optime igitur dictum. *De te iudicia decernam.* puta Clementiæ: hæc enim in cælis potentissima Virgo, ut ex suo quasi arbitrio, Vniuersa, Vniuerso, à suo Filio, influat charismatum beneficia. 12. 11. 12. & 180. 32. Licet hic exclamare cum D. Germano Constantinop: Orat: 2. de Dormit: Virg. *Quis te non admiretur, spem incommutabilem, Patrocinium validissimum, salutem indeficientem; subsidium firmum &c. peccatorum Vadem, desperatorum Sequelrem, &c. & damnatorum deprecationem, maledictorum benedictionem!* O verè Diuinum Diuinæ Clementiæ Thronum, Virginem Beatam! ex quo Deus talia decernit iudicia.

6. Porro unum est necessarium. Interlinearis. Deo iugiter inherere. Lyranus. *Id est, ipse Deus qui vnus est, & præ omnibus querendus. Vel vnū, id est, unitas mentis ad Deū, istud enim respicit vitâ cōtemplatiuam, per quam mens hæret Deo, qui est simpli-*

T A B V L A

simplicitèr unus. Hæc t mens Virginis Deo, quia & ipse Deus inauertibiliter seipsum fixit in Virgine. Hinc S. Th: à villâ nou: Aquilæ comparat Virginem, ex irreuerberato Solis intuitu. *Ex quo enim* (ait ille conc: 4. de Assump:) *in clarissimum Diuinitatis iubar, hæc Aquila perspicax & sublimis, oculos suos deflexit, nunquam eos amplius ad terræna deflexit.* Hæc inauertibilitas Virginis a Deo, optimè arguit impeccabilitatem eius. 284. 1. & 285. 4. 5. 6. & seq.

7. *Maria optimam partem elegit.* S. Bonauentura in Luc: ad caput 10. *Istud autem Euangelium, consuevit legi in Assump: B. V. M. quia finis eius, Mariæ optime congruit cum dicitur, Maria optimam partem elegit. Quamuis enim hoc ad literam dictum fuerat de Mariâ Magdalene, Verius tamen est de B. V. M. elegit enim optimam partem sibi Maria, & in gratiâ, & in gloriâ.* Optimè notat S. Pater, elegisse Mariam partem: electio enim, supponit meritum. Christo enim, ex merâ liberalitate. 176. 24. & 220. 18. 19. Mariæ Virgini, ex meritis prouenit gratia. 248. 1.

PRO FESTO B. V. M. ad Niues.

1. *Beatus Venter qui te portauit.* Quid Festiuitatis hodiernæ mysterio, cum præsentî Euangelio? Templum iubente Deiparâ (vide Lect: Breuiarij) erigitur & sacratur, & venter Deiparæ, ab Ecclesiâ beatus prædicatur. Quæ connexio Ventris & Templi? Recole illud in Officio B. V. post Natiuit. *Templum Dei factus est uterus.* Hinc D. Gregorius Thaumaturgus Ser: 3. de Annunt: *Aue animatum Dei Templum.* Reuerâ Templum augustissi-

ssimum factus est Vterus Virginis, in quo Deus viuam, suimet increatam imaginem, miro artificio Spiritus S. elaboratam, collocauit, dum in eo, Verbum caro factum. Porro vt dignè locaretur hæc increata imago Dei in hoc vteri Virginei Templo, prius in eâ creatam imaginem suam, nempe animam Virginis, effinxit magnificè, creando eam in suâ essentiâ lucidissimam. 239. 15. 16. quamquam id & de eius corpore dubitare nefas, cum secundum vtramque substantiam, in instanti conceptionis suæ, tam perfectè sit illuminata, vt statim luminosa euaserit, ac euassisset Adam in puncto suæ translationis in cælum. 235. 4. &c. Et ex hoc Deiparam, tam quoad corpus, quam quoad animam, fuisse Sponsam & Templum, vti veram & perfectissimam imaginem Dei, non ambigas 230. 26. & sequ.

2. *Beatus Venter &c. & vbera &c.* Quid Virgini cum niue? Imò multum. Erat enim niue candidior, vt potè candidissimo & niueo lacte pascens Saluatorem. Hinc dicebat Rupertus Abb: Lib: 3. in Cant. *Quid negas ô stulta mundi Sapientia, partum Virgineum? Deus nascebatur: & quid item negas lac Virgineum? Deus pascebatur.* Non potuit Deus in salutem hominum corporaliter nasci, nisi partu Virgineo, nec decuit eum pasci, nisi lacte Virgineo. Nec minus habet miraculi pectus B. Virginis lactescens, quem Venter partu grandescens. Propterea Filio Virginis, non tantum dictum est, *Beatus Venter qui te portauit, sed & adiunctum est. Et vbera quæ suxisti.* Expende Verba Catholicâ censurâ digna: *Non potuit &c. quis eius coarctauit potentiam? ipsa nimirum ratio*

tio seu m
nz. 170.
Huc refer
n. 5. & i
3. Be
X. in Orat
ta vbera qu
num. Vere
Vbera, ex
Diuina in
membra, s
mus. Ex
lacte enut
ce redimer
guine purp
D. Athana
num illud la
prio latere
lac, nisi sa
indè, B. V
stram, ac
non tamen
nega, prima
redemption
16. 17. 18.
Virginis, di
plus obligab
dum Virgine
homines. 1
4. Be
Beata, quæ s
& Mariam
& lesura in
tem. Opp
uarinus in
Gaudio sum
lactans, gau
quod præbe
quem in ge
tempore Fili
quia sciebat

T A B V L A

tio seu modus Redemptionis humanæ. 170. 14. 15. 16. & 253. 17. Huc refer dicta in Festo Natiuit: B. V. n. 5. & in Fest: Annunt: n. 1.

3. *Beata Vbera, quæ suxisti.* Leo X. in Orat: post Diuinum Offic: *Beata Vbera quæ lactauerunt Christum Dominum.* Verè centies ac millies beata Vbera, ex quorum purissimo fructu, Diuina in Christo Homine coaluere membra, sanguisq; concreuit sacratissimus. Ex his enim vberibus, Christus, lacte enutritus est Virgineo, vt in Cruce redimeret genus humanum, sanguine purpureo. *Suxit mammam* (ait D. Athanasius de Christo) *vt Diuinum illud lac nobis scaturiret, quod ex proprio latere profudit: nihil enim aliud est lac, nisi sanguis albus.* Non dubites proinde, B. Virginem Redemptricem nostram, ac passam pro nobis. 14. 12. non tamen eidem redemptionem denega, prima enim fructum salutis seu redemptionis hausit ex pignore. 253. 16. 17. 18. (hanc tu redemptionem Virginis, dic Vnitiuam. 252. 15.) quia plus obligabatur Christus ad redimendum Virginem Matrem, quam cæteros homines. 166. 13. 15.

4. *Beata Vbera quæ suxisti.* Prorsus Beata, quæ summâ perfundebat lætitiâ, & Mariam Matrem lac præbentem, & Iesum infantem ex eis lac sugentem. Opportunè ait Aloysius Nouarinus in Vmbrâ Virg: num: 430. *Gaudio summo perfundebatur Virgo, Filium lactans, gaudiumq; augebat considerans, lac quod præbebat, in sanguinem vertendum, quem in generis humani salutem, esset suo tempore Filius effusus; gaudium augebat, quia sciebat Virgo illud, lac quod Filius su-*

gebat, purarum animarum delicias futurum: nam in Filij corpore, in carnem sanguinemq; erat vertendum, qui in Eucharistie Sacramento, animarum cibus potusq; fieri debebat. Vides vtrumque deferre Virgineis Vberibus, seu potius lacti Virgineo, Nouarinum, & Redemptionis pretium, & Eucharisticum epulum. De pretio tactum supra, num: 3. præc: de Epulo Eucharistico. 172. 17. 18. & 231. 30.

5. *Beatus Venter &c.* Richardus à S. Laur: lib: 2. de Laud: Virg: parte 5. *Beatus Venter, & beata Vbera, quia ex eorum representatione Christo in precibus, impetrat nobis beata hæc Mater absolutionem à culpâ, & benedictionem in gratiâ, & glorificationem in Patriâ.* Quid amplius expectas à Virgine? Absoluti à culpâ, benedici in gratiâ, glorificari in Patriâ, supremum humanæ beatitudinis fastigium. Totum hoc per Mariam recipis, cuius vbera sibi olim dulcissimum cibum ministrantia, intuitus Filius, nihil suæ petitioni abnuere potest. Pientissimus in Virginem Suarius t. 2. in 3. p. D. Th: Disp: 23. lect: 2. ait. *Existimo, à B. Virgine in hac potestate & efficaciâ, non solum sanctos singulos, sed omnem etiam cælestem curiam, superari.* Hinc iam non miraberis, totum etiam mundum, amore huius Virginis, post culpam primorum Parentum, ab interitu fuisse præseruatum, cum ab æterno in mundi salutem fuerit prædestinata. 160. 18. per quam Deus Vniuersa dispensaret beneficia. 180. 32.

Pro hæc Festiuitate recurre ad Festum Conceptionis B. V. à num: 8. & ad Festum Præsentationis, per totum.

F I N I S.

AD BENE-

AD BENEVOLVM LECTOREM.



Iraberis forsā Lector Candide, quod tam arduum, ut potē nouitatem redolens, opus aggre- diamur: Opus inquam, natiuis mortaliū viribus insuperabile. Intellectui creato imperscrutabile. Opus eleuatis mentibus im- peruium. Opus profundissimis mysterijs immersum. Illis mysterijs, quæ (Teste Aurei Oris oraculo) omni sermone in- effabilia, omni Intelligentiæ producta, ignota fuere, quæ nec primum illud Angelorum decus, Lucifer, valuit penetrare. Fauebis tamen, memor Instituti nostri, cuius partium est, à primo sui exordio, animos alumnorum suorum, ad promo- uenda huiusmodi negotia, pro modulo inclinare. Pro officio igitur nostro, pariter & pro Tua gratia, optime Lector, illa mysteria scrutanda aggredimur, quæ abditissimis immersa difficultatibus, ad altiora semper mentem nostram mouent, stimulant, impellunt. Illa, illa arcanorum sacraria, enoda- re contendimus, quæ indissolubili sacratorum dogmatū nodo colligata, profusis deifica dextera liberalitatibus transplan- tata, Animas beant, animos recreant, corda nutriunt, spiri- tum dirigunt, integrum deniq; hominem, quantus qualisq; est, instaurant, roborant, perficiunt. Æstuabat tot enigma- tibus hætenus delusa mortalium ratio, ad limen sacrarij huius, allidere sterilis ignorantia æstum, dum natiuis relictis viribus, Terram & terrestria prensare nouerat, Cælum & celestia penetrare non poterat. Nunc iam superno adiuta lumine, rumpit sigillata suprema symmetriæ anigmata, ac effractis importuna desidia repagulis, connectit Parentem cum Prole, quadam de magnâ Matre, quadam de præcelso Filio, quadam deniq; de amplissimâ restaurati sæculi gloriâ.

gloriâ

gloriâ VERBI in Carne, gloriâ MARIÆ in ortu, in-
dagare contendens. Nouit etenim, plenitudinem fontis re-
dundare in canales, nec tamen proprium deferere alueum.
Audet proinde, puritatem Filij transfundere in Matrem,
ut dum totum Corpus, de plenitudine Corporis participare
fatetur, Matrem huius Capitis, derelictam esse aliquando,
aut modicè de plenissimo gratiarum fonte accepisse, nequa-
quam profiteatur. Nam quo pacto ipse CHRISTVS,
omnigenam Adamica infectionis notam, euasisse proclama-
retur, si ex Matre, labe originis aliquando infectâ, & non
aliter ac quilibet nostrum, à tali labe releuatâ, concipere-
tur; cum eadem formaliter insit enormitas, instantanea ac
temporali macula? Quo pacto MARIA, caput vene-
nosi serpentis contriuisse diceretur, si aequè ac quispian nostrum,
sub ortu ipso, in potestatem eius caderet, & ab eo,
labe mortiferâ inficeretur? Quo pacto, summâ sub DEO
puritate nitere persuaderetur, si a communi toti Adamica
propagini maculâ, non eximeretur? Quo pacto, infinita-
tem quandam praeellentem omnes creaturas, assecuta decla-
raretur, si nec Angelica creatura, imò nec primis Paren-
tibus, adequaretur? Haccine esset victoria palma, de hoste
prostrato reportata: Cadere sub potestatem eius, & ab illo
aliquando prosterni: Haccine esset summa puritas sub
DEO: non plus depurari, quàm quilibet infans, etiam
Hebraus à fonte sacro leuatus? Haccine esset infinitas prae-
cellens: Adequare solummodò ordinariam innocentiam,
cuiusuis Beati, quorum nullus ianuam cœli ingreditur, nisi
à peccato originali & actuali depuretur: nec tamen asse-
qui puritatem Angelicam, vel saltè primorum Paren-
tum, qui concreatam iustitiam originalem habuere? Non
esset certè, quo Mater CHRISTI de infernali dracone,
repromissa spolia reportasse depradicaretur, si ipsa ab eo, pri-
mauâ innocentia stolâ, spoliaretur. Non esset, quo ceteris su-
peremi-

pereminens creaturis decantaretur, si vel Angelica prero-
 gativa subyiceretur. Satius ergo iudicat subtilium schola,
 restitutam natura lapsa, primam innocentia palmam, in
 VIRGINE purissima encomiare, quam institutam, cum
 ornamento Iustitia Originalis & gratia sanctificantis, de-
 mirari, vel certe eandem, per horrendum peccati mon-
 strum, aequè in Matre Dei, ac in quolibet nostrum, destitutam,
 uberrime deplorare. Suspende igitur mentem Benevole
 Lector. Sub ipso namq; sacrata sententia splendore laboran-
 tibus, sublimior affulget oculus. Desige potius religiosa lu-
 mina, in hoc prodigioso natura aut veriùs Gratia monu-
 mento. Contemplare vim immensam dextera Excelsi, in
 hoc opere relucentem. Admirare plenitudinem donorum in
 à CHRISTO FILIO in MATREM VIRGI-
 NEM, descendentem. Vis ista, virtus est, virtus eximens,
 non perimens. Gratia, vita est, vita sanctificans, nun-
 quam satians. Hac Tu, quisquis es, illuminatus à mon-
 tibus aternis, exere palatum fidei, dilata fauces spei, viscera
 pietatis extende, non alia de hoc inculto licet & inconcinno
 opere, reportaturus pignora, nisi sacratissimi huius mysterij
 cultum, Ecclesia militantis decus, Fidelium robur, Animi
 oblectamentum, Veritatis infallibile documentum.



IN NO-

IN NOVVM,
ASSERENDÆ IMMACULATÆ
CONCEPTIONIS
DEIPARÆ
VIRGINIS
MODVM.

PROLOQVVM.

Cum Ordo Fratrum Minorum, in ipso sui exordio, cultui Immaculatæ Conceptionis DEIPARÆ Virginis MARIÆ, à suo Seraphico Institutore Beato FRANCISCO, mancipatus, ad hoc inter cætera institutus esse videatur, ut eius alumni, ortui Immaculato tantæ VIRGINIS deuoti, suum omne studium, omnemque operam, in eo elucidando & exornando, impenderent; audeo, & dico: hoc esse Ordinis nostri Seraphici, qui sua cunabula, deuotione in immaculatam VIRGINEM consecrauit, peculiare munus, VIRGINEM hanc in suâ Conceptione Immaculatam, declarare, ortumque eius, immunem à labe Originalis noxæ, deuotissimè asserere. Testatur enim noster Lucas Vadingus, Annalium Ordinis Minorum Tomo primo, Anno Domini 1219, & Religionis Seraphicæ duodecimo, Sanctum Patrem & Beatissimum Patriarcham nostrum FRANCISCVM, primum Generale Capitulum, in quo quinque millia Fratrum qui conuenerant, censa, & quingenti intra Ordinem recepti sunt, Assisij celebrasse, ibidemque ipso Seraphico Patre, in præsentia Cardinalis

dinalis Hugolini, Ordinis tunc Protectoris, postea Papæ GREGORII IX, sic ordinante, primum pro toto Ordine statutum publicatum fuisse, ut omni Sabbatho, de Immaculatâ Conceptione VIRGINIS Gloriosæ, solemniter Sacrosanctum Missæ Sacrificium celebraretur. Observavit hoc Ordo totus, & usque nunc observat inviolabiliter. Et cum contradictores, quibus nova hæc in ortum Immaculatum VIRGINIS pietas displicebat, non desissent, eis à principio in faciem restitit, Zelo planè invicto: quem in dies, licet in summâ illâ primævâ Ordinis simplicitate, magis magisque crescentem, proles immaculata immaculatæ Matris VIRGINIS, CHRISTVS IESVS, vnâ cum eadem, absque originali labe conceptâ, Sanctissimâ Genitrice suâ, promovisse visus est, dùm circa Annum ab Incarnatione 1300, dignatus est eum jungere scientiæ, quam miserat in animam purissimam IOANNIS DVNS SCOTI Doctoris Subtilis, cui & porrexit medium efficacissimum, quo à peccato originali immunem prorsus fuisse VIRGINEM DEIPARAM, toti Ecclesiæ, tunc adhuc in re tanti momenti ambiguae, persuaderet; imò posuit solidissimum illud, quod ab æterno DEVS posuerat in suo Divino intellectu, etiam in mente eius, dono Numinis subtilissimâ, fundamentum, videlicet ipsummet CHRISTVM, quatenus primogenitum omnis creaturæ, omniumque Prædestinatorum caput, qui adhuc per Incarnationem fuisset, quamvis Adam non peccasset, super quod hanc doctrinâ, & efficaciter ordiretur, & feliciter perficeret, subtilissimus subtilium Scholæ antesignanus, & scholasticæ Theologiæ Princeps. Ex hoc enim facilè, imò efficacissimè deducitur VIRGINEM tanti FILII Matrem, primò antè omnes alios à CHRISTO, à DEO electam; vimq; meritum CHRISTI, in eam primò antè omnes Angelos & Homines, directam, descendisse: Sicq; esse Præelectam

ut

ut Petrus
ut Ioann
næ salut
onis CH
suâ Har
gnore, v
ancilla
tum, &
lis Docto
rendæ
modum,
Gazophi
etissimo
deuotiss
pretium
immer
uix: sed
vix ante
tatem ta
GINIS
um, exhi
quod est
SVS, fe
ficavit fi
dedeside
NIS co
tum el
à me n
jus trad
rea illa
hac in r
Sanctis
psit; qu

vt Petrus Damiani Serm: de Annunciatione; Prærigatam
vt Ioannes Damascenus Orat. 1. de Dormit. Virg. Humanae salutis præuiam, vt Chrisologus Serm. 146. Redemptionis CHRISTI primiceriam, vt Georgius Venetus in suâ Harm: cant. 2. Primam quæ fructum salutis hausit ex pignore, vt D. Ambrosius super Lucæ cap. 1. in illud, Ecce ancilla Domini, asseruerunt. Suprà hoc igitur fundamentum, & ego, vt potè indignus S. Francisci Filius, ac Subtilis Doctoris Scoti qualiscunq; Discipulus, nouum hunc asserendæ Immaculatæ conceptionis DEIPARÆ VIRGINIS modum, fundandum decreui, vt aliquid de penuriâ meâ, in Gazophilacium honoris tantæ VIRGINIS, post tot doctissimorum virorum, eam in suâ conceptione purissimâ, deuotissimè celebrantium, acumina, mittam. Nec operæ pretium duxi, longas disputationes texere, cum iamfermè in immensum excreuerint, & passim in Authoribus sint obuiæ: sed solum resolutiones aliquas planè nouas, & fermè vix antè hoc, quod nunc viuimus, sæculum, auditas, dignitatem tamen naturæ humanæ, & maximè Deiparæ VIRGINIS, apprimè concernentes, oculis & ingenijs legentium, exhibere satago: vtq; nouum hoc suprà fundamentum, quod est secundum Apostolum, Homo CHRISTVS IESVS, feliciter confurgat ædificium, in laudem eius, qui ædificauit sicut Vnicornis Sanctificium suum in terrâ, toto corde desidero: idq; assequuturum me, ope tantæ VIRGINIS confido. Paucis tamen pium Lectorem præmonitum esse volo, vt cum aliqua difficilia Sacræ Scripturæ loca, à me novo interpretandi genere, referata, & intento huius tractatus accommodata, legerit, revocet in mentem aurea illa D. Augustini pronunciata, lib. 12. Confessionum, hæc in re mihi fauentia. *Cum quis (ait ille) in Scripturis Sanctis id conatur sentire, quod in eis sensit ille qui scripsit; quid mali est si hoc sentiat, quod tulit omnium veridi-*


veridicarum mentium ostendis? Et rursus. Cum alius dixerit; hoc sensit Moyses quod ego, & alius, imò illud quod ego: religiosius me arbitror dicere; Cùm non utrumque potius, si utrumque verum est? & si quid tertium, & si quid quartum, & si quid omninò aliud verum, quispiam in his verbis videt, cùm non illa omnia vidisse credatur, per quem DEVS vnus, Sacras Literas, vera & diversa visuris, multorum sensibus temperavit? Et iterum. Sensit Moyses omninò in his verbis. In principio creavit DEVS cælum & terram &c. atque cogitavit cùm ea scriberet, quidquid hîc veri potuimus invenire, & quidquid nos non potuimus, aut nondùm possumus, & tamè in eis inueniri potest. Hæc Diuus Augustinus. Quæ si lucido quis & benigno mentis intuitu pensauerit, & interpretationibus, si quas novas reperiet, favebit, & interpretantem accommodè, in ordine ad elucidanda dogmata fidei, benevolo prosequi fauore non dedignabitur. Quem ego favorem cò studiosius à pio Lectore ambio, quò renunciando Ethnicorum, licet passim receptis sententijs, consultius esse duxi, sacræ Scripturæ & Doctoribus Ecclesiæ, in conscribendo hoc Opusculo, inhærere: à quibus vnusquisque doctus fidelis, dummodò velit, Spiritum & vitam haurire perquàm abundè potest: Spiritum inquam veritatis, dummodò eum cum Ethnicorum dogmatibus non confundat. Ita enim jam usu receptum, magno veritatis dispendio, cernimus, quòd Sacræ Scripturæ & SS. Patrum eloquia, ad Philosophorum antiquorum argutias (vtinam non falsitates) accommodamus, & variè, ne dicam miserè, ea torquendo, in tantum ut vera acceptamus, in quantum Ethnicæ doctrinæ velint nolint, per nos conformentur. Per nos inquam: Per se enim, totalitèr & è diametro, sunt Ethnicorum sententijs opposita; quæ sententiæ nihil certè aliud sunt, nisi Sapientia hujus mundi, inimica D E O, quam

quam tandem DEVS perdendam promisit, prout scriptum esse dicit Apostolus. I. ad Corint. I. *Perdam Sapi-
entiam Sapientium, & prudentiam prudentium reprobabo.* Scio equidem, hoc meum Scriptum, in honorem VIR-
GINIS immaculatè conceptæ, & in dignitatem Na-
turæ humanæ, hætenus inter Animalia ab Ethnicis com-
putatæ, directum, apud Mundanâ & Ethnicâ Sapientiâ
turgidos, stultum fore; Sed hæc non curo, dummodò id
quod scripturus sum, sit quoque Stultum DEI: Si enim
stultum DEI fuerit, sapientius hominibus erit, quia stul-
ta elegit, vt confundat Sapientes, Fons Sapientiæ, Ver-
bum DEI in excelsis. Interim immensum vsque vene-
ror providentiam DEI, circâ columnam veritatis Eccle-
siam; quam quia in Gentibus, reprobata jam Synagogâ,
constituit, etiam de gentium dogmatibus, hætenus tutan-
dam & propugnandam, curavit: Hinc enim factum esse
puto, vt cum Gentilitas, post plurimos à CHRISTI in-
carnatione revolutos annos, in suorum Philosophorum
argutijs, contra Ecclesiam erigeretur, Avicennâ Macho-
metano, Averròe, alijsque pro Aristotele certantibus, ac
simul Ecclesiæ fidem oppugnantibus; etiam Spiritus San-
ctus, suscitauerit ex adverso Scholasticos Doctores, qui ex
ipsismet istorum principijs, licet non vndequaue veris (vt
in processu istius tractatûs, aliquâ ex parte patebit) fidei
mysteria tutarentur, & suismet armis, Ethnicam profliga-
rent perfidiam. Verè Magni Heròes, qui non dubitaue-
runt subtrahere Herculi, Paganicæ Philosophiæ clavam, Io-
vi que Aristotelico fulmen, ac Mineruæ Lycææ lanceam,
vt hæc tela in hostes ipsos Ecclesiæ, retorquerent; palamq;
facerent orbi, quòd Fides nostra, quæ sperandarum Sub-
stantia rerum, & argumentum est non apparentium, ha-
beat etiam testimonium ab his qui foris sunt, (nisi sibi ipsis
velint contradicere, non consentiendo) Sapientibus huius
mundi.

mundi. Captiuatis itaque jam in Fidei obsequium Ethni-
corum dogmatibus, non deest Ecclesiæ alius modus, elu-
cidandi sibi credita & reuelata à DEO mysteria, qui in
Sacra Scripturâ à Spiritu Sancto, Patribus dictatâ, recon-
ditus est. Cui ego pro posse inhærere dum cupio, non po-
stremum hoc Fidei nostræ mysterium, de VIRGINIS
DEIPARÆ immaculatâ Conceptione, quod naturam
humanam conditam, lapsam, restauratamque, in VIRGI-
NE, & FILIO VIRGINIS, apprimè concernit; e-
lucidare aggredior. Currere verò, per tritam viam Præ-
ventionis VIRGINIS DEIPARÆ, per Gratia præ-
feruantis, in Animam eius, simul ac condebatur, & cor-
pori organico vniebatur, infusionem, (quod hætenus pro
vnico Asylo in hac enodandâ difficultate, à Doctoribus
Scholasticis habitum est) nolo; cum jam alij feliciter hanc
viâ processerint, VIRGINEM que à labe originariâ,
hoc medio sufficienter vindicaverint. Quibus & ego fa-
cile subscribo, nec reprobare, aut in controuersiam, tam pia
asserta reuocare, præsumo. Certus sum enim, viam hanc,
ab aliquot jam centenis annorum, à columnâ veritatis, com-
muni nostrâ Matre Ecclesiâ, apprehensam, suo in robore
hucusq; inuiolabiliter permanere, & permansuram in æuum,
firmiter credo: nimirum Animam purissimam VIRGI-
NIS Beatæ, in primo instanti suæ creationis, & in corpus
infusionis, fuisse ab omni labe Adamicâ depuratam, & præ-
ueniente Spiritus Sancti operatione, in virtute Passionis
CHRISTI Filij sui futuri præuisæ, præredemptam, ac
omni gratiâ repletam, ita vt infectio venenosi serpentis,
nunquam in eâ locum habuerit, vt potè quam decens erat
sic præparari & adaptari in mundum Verbi incarnandi ha-
bitaculum, & per eam caput infernalis Draconis feliciter
conteri: Iuxta verbum Omnipotentis Creatoris. *Ipsa con-*
teret caput tuum. Huic ergò tam piæ sententiæ, & tam
effica-

efficaci medio, quod diuinitus esse reuelatum, nostro piens-
tissimo Doctore & subtilissimo Magistro Ioanni Dvns
Scoto, non dubito, vti defensori & vindici mirifico illi-
bati ortus Virginei, facile subscribo. Et eo fortius stringor
ad inhærendum huic medio, quò validius ei inhære Ec-
clesiam Sanctam intueor. Nam in omnibus planè Bullis &
Decretis ipsius, in fauorem piæ sententiæ nostræ, & festi,
ac cultus, super eam exhibiti vel exhibendi, hoc medium
præfertur; vti videre est in tenore omnium. Teneo igitur
communem hanc, non tam Scholæ nostræ, quam vix non
jam totius Ecclesiæ, sententiam, nec contra eam quidpiam
afferre intendo. Tamen saluâ hac, dicam aliquid (verba
sunt Sancti Ildephonsi, proponentis quidpiam magnum de
DEIPARA dicere.) *Dicam (inquam) aliquid, plus si au-
deo, dicam fideli præsumptione, dicam pia temeritate, vt sa-
cratiore tegmine velata, gratiosius luceant, cum potuerint
reuelari.* Perpulit me in hunc ausum, D. Hieronymi Lib. 2.
Apolog. contra Rufinum quærela, & indignatio contra eos,
qui à nouis è Scripturâ eruendis sensibus ac mysterijs,
consultò abstinent, & veteri explicatu contenti, torpent
desides. Quos ibi ita carpit. *Cum (inquit) nouas sem-
per expetant voluptates, & gula eorum vicina maria non
sufficiant, cur in solo studio scripturarum, veteri sapore
contenti sunt?* Nouandum ergò mihi novale; juxta Ver-
bum Domini, Ierem: 4. & veritas in Scripturâ non ex-
pressa, latens tamen, eruenda. *Tantòq;* (ex monito D.
Augustini Tom. 9. Hom: de Assump. B. M. V.) *quæ magna
existunt, cautiùs tractanda, quantò specialibus Testimonijs,
non possunt ad liquidum roborari.* Nec sum nescius, *Novi-
tatem* (vt monuit D. Bernard: Ep. 174.) *Matrem esse teme-
ritatis, sororem superstitionis, filiam leuitatis;* Eumque à
D. Augustino Lib: de Vtilit: credendi, inter hæreticos cen-
seri, qui alicuius temporalis commodi, & maximè gloriæ,
princi-

principatusq; sui gratiâ, novas Opiniones vel gignit, vel sequitur. Proindè renuntio omni commodo, omniq; gloriæ; solumq; honorem Matris VIRGINIS, & FILII eius, præ oculis habeo. Nihilque aliud intendo, nisi ut intelligatur me exponente illustrius, quod antea obscurius credebatur. Profectò valeant novitates ex levitate vel arrogantia natæ. Mihi ego depono sedium DEI assistricem Sapientiam, ut Virginis DEIPARÆ favore, mecum sit, & mecum laboret; quâ aspirante, etsi dicam novè, non tamen nova; ut ita de thesauro veritatis, proferam simul nova & vetera. Interim, ne titulum novitatis aspernetur devotus in Deiparam Lector, humiliter rogo. Si enim solâ antiquitate Doctrinæ niteretur veritas, nova nulla, quæ tamen diuersis sæculis in Ecclesiâ inuenta, receptaque sunt, imò nec hanc ipsam de Immaculatâ Conceptione Deiparæ VIRGINIS, quæ antè annum 1219. nova fuit, habemus doctrinam. Ast non omninò nouum hoc dixeris, quod à sanctis Patribus & Ecclesiæ Doctoribus, vt præfert titulus Opusculo huic præfixus, insinuatum est; prout in sequentibus apparebit. Quæ ego, cum omni quâ par est submissione, pedibus sanctæ Romanæ Ecclesiæ, columnæ veritatis, quæ errare non potest, libenter vnâ mecum, subiicio, & alacri animo isti operi accingor.



D



rueret
cium,
aut sub
temer
infund
ræ des
quens
trader
GIN
dò Par
tionib

DECAS

PRIMA.



Novitas quam docere
intendo in sequētib;
Resolutionibus, novi-
tatem omninò requi-
rit in Principiis: aliàs

rueret totum de nouo structum ædifi-
cium, si illi solidum non præmitteretur
aut substerneretur fundamentum. Par-
tem ergò hanc primam huius Opusculi,
in fundamentum totius futuræ structu-
ræ destinandam censui; cui deindè se-
quens doctrina, parte secundâ & tertiâ
tradenda, Deo dante, & Matre VIR-
GINE fauente, superædificetur. Mo-
dò Pars hæc constabit decem Resolu-
tionibus.

A

RE-



RESOLVTIO PRIMÆ. CHRISTVS ET VIRGO MARIA Mater eius, in Prævisione & Prædesti- natione Dei, Primi & Simultanei.

I. **R**emitto hinc verba Diui Pauli Apostoli, ad Collossenses Primo posita, vbi loquens de PATRE ÆTERNO, sic habet. *Translulit nos in Regnum Filij dilectionis sue, in quo habemus redemptionem & remissionem peccatorum. Qui est Imago DEI inuisibilis, Primogenitus omnis creaturæ, quoniam in ipso condita sunt vniuersa in cœlis & in terrâ, visibilia & inuisibilia, siue Throni, siue Dominationes, siue Principatus, siue Potestates, omnia per ipsum & in ipso creata sunt, & ipse est ante omnes, & omnia in ipso constant: & ipse est caput Corporis Ecclesiæ, qui est Principium, Primogenitus ex mortuis, ut sit in omnibus ipse primatum tenens; Quia in ipso complacuit omnem plenitudinem Diuinitatis inhabitare, & per eum reconciliari omnia: in ipso pacificans per sanguinem crucis eius, siue quæ in cælis, siue quæ in terris sunt. Hæc Apostolus.*

2. In quibus verbis, fundatam audiamus de CHRISTO & Incarnatione eius, Venerabilis Serui DEI IOANNIS DVNS SCOTI DOCTORIS SVBTILIS Sententiam, in 3. Dist: 19. Quæst: vnicâ, Art. 1. §. Quantum ad Primum, &c. Dico: quod Incarnatio CHRISTI, non fuit occasionaliter præuisa, sed sicut finis immediatè præuidebatur à DEO ab æterno, ita CHRISTVS in naturâ humanâ, cum sit propinquior fini, ceteris prius prædestinabatur, loquendo de his qui prædestinantur. Tunc iste fuit ordo in præuisione Diuinâ. Primò enim DEVS intellexit se sub ratione summi boni. In secundo signo, intellexit omnes alias creaturas. In tertio signo, prædestinavit hos ad gloriam & gratiam, & circa alios habuit actum negatiuum, non prædestinando. In quarto, præuidit illos casuros in Adam. In quinto, præordinauit siue prouidit de remedio, quo redimerentur per Passionem Filij, ita quod CHRISTVS in carne, sicut & omnes electi, prius præuidebatur & prædestinabatur ad gratiam & gloriam, quàm præuideretur Passio CHRISTI, ut medicina contra lapsum; Sicut medicus prius vult sanitatem hominis, quàm ordinet de medicinâ ad sanandum. Sicut autem prius prædestinantur Electi, quàm passio CHRISTI præuideatur ut remedium contra lapsum eorum, ita tota TRINITAS præuidit CHRISTI Passionem, tanquam medicinam acceptandam pro Electis cadentibus in Adam, prius prædestinatis ad Gloriam finalem. Et sicut VERBUM præuidit Passionem PATRI offerendam pro Prædestinatis & Electis: sic eam efficaciter obtulit in effectum, & tota TRINITAS pro eis Passionem efficaciter acceptauit, & pro nullis alijs fuit efficaciter oblata, nec ab æterno acceptata: Et meruit eis primam gratiam, ordinantem ad Gloriam con-

summa-

summatam
ea sic
præuision
quit ergo
& voluit
& ipsa E
gno, inte
gentiæ, r
titiâ Vifi
ficax Diu
libiliter na
Doctrinâ
sibiles, an
naturâ.
ter quos
circa alio
buit circâ
to, præde
bus infalli
buit actum
ergo duob
vel de poen
sed fuit tan
riam. In
sexto, de r
met CHR
am summa
tisfaceret,
electis, qu
tia, sed e
peccatuos
addixit.
3.
De o p
ctu, quan
stoli præst
omnis cre
non verò
guit Conci
ad omnes
ne, ly verò
vocetur V
lentium i

R E S O L V T I O P R I M A.

3

summatam. Hæc Doctor Subtilis. Quæ verba eius vt clarius percipiantur, ea sic de mente omnium Scotistarum expono; præcipue quoad ordinem præuisionis & prædestinationis Diuinæ, quem hic assignauit Doctor. Inquit ergo ille. Quod DEVS primò intellexit se sub ratione Summi Boni, & voluit atq; dilexit Essentiam suam amore infinito, & necessario: sicut & ipsa Essentia est amore infinito amabilis, & necessario. In secundo signo, intellexit omnes alias creaturas, notitiâ naturali, seu simplicis intelligentiæ, non verò liberâ, seu Visionis. Quia si in isto signo intellexisset notitiâ Visionis & liberâ ipsas creaturas, cum hæc præsupponat Decretum efficax Diuinæ Voluntatis, iam Esau & Saul, & reliqui reprobis, forent infallibiliter nati, etiam durante Statu Innocentiæ, quod tamen est falsum in Doctrinâ nostrâ. Intellexit ergo in secundo signo omnes creaturas vt possibiles, antè actum Diuinæ Voluntatis determinantis illas ad esse in rerum naturâ. In tertio signo, efficaciter elegit quos voluit ad Beatitudinem; inter quos CHRISTVS cum Beatâ VIRGINE fuit principaliter electus, circa alios verò nullum habuit actum positium, sed merè negatiuè se habuit circâ illos, non eligendo ad Gloriam, nec respuendo ab illâ. In quarto, prædestinatos ad Gloriam, prædestinauit ad gratiam, & ad merita, quibus infallibiliter vitam æternam assequantur, circa alios verò nullum habuit actum positium, dandi vel non dandi gratiam & merita. In istis ergo duobus signis, scilicet tertio & quarto, nulla fuit præuisio de peccato vel de poenâ, nam in istis nullum habuit actum positium circâ reprobos, sed fuit tantum præuisio & electio Gloriæ, & eorum qui ordinabantur ad Gloriam. In quinto signo, voluit permittere Adam casurum in peccatum. In sexto, de remedio prouidit quo redimerentur electi, scilicet voluit eundemmet CHRISTVM, quem iam efficaciter in tertio signo elegerat ad Gloriam summam, venire in carne passibili & mortali, qui pro hominibus satisfaceret, & offerret Passionem suam, efficaciter tamen, non nisi pro solis electis, quos voluit perducere ad vitam æternam, non solum per sufficientia, sed etiam per efficacia auxilia: reliquos verò præuidit finaliter peccaturos, & vt tales actu suæ Voluntatis reprobauit, & poenæ æternæ addixit. Hæc est series sententiæ Doctoris Subtilis.

3. Ex quâ Infero primò. Incarnationem CHRISTI, per se esse à DEO præuisam, & non occasione peccati Adæ; ita quod fuisset in effectu, quamuis Adam non peccasset. Conuincunt hoc manifestè verba Apostoli præsupposita, & maximè cum CHRISTVM vocat Primogenitum omnis creaturæ. Procedunt enim hæc verba de CHRISTO vt Homine, non verò de CHRISTO vt DEO; prout aliqui intellexerunt, quos redarguit Concilium Ephesinum Tract. 1. Cap. 4. & 5. Et Sardicense Epist. ad omnes Episcopos; vbi ly Primogenitum, exponit de CHRISTO Homine, ly verò Unigenitum, de Christo DEO, ita quod Christus quâ DEVS, vocetur Unigenitus, & quâ Homo, Primogenitus. Sed & Concilium Tridentinum id ipsum innuit, dum de Iustificatione tractans Sess. 6. Cap. 7.

ait. *Huius Iustificationis causa sunt; Finalis quidem, gloria Dei & Christi, ac vita æterna; Efficiens verò, Misericors Deus, qui gratuito abluir & sanctificat.* Vbi apertè pro nobis stare videtur Concilium, dum finem iustificationis nostræ, in gloriam DEI & Christi refundit, clarè innuens, Christum non solum Redemptorem nostrum, sed etiam Glorificatorem extitisse, quorum duorum cum non sit connexio essentialis, nam potuit homo glorificari absq; omni lapsu, consequenter absq; indigentia redemptionis, ideò vnum sinè altero fieri potuit, igitur Christus, stante Innocentiæ statu, adhuc fuisset incarnatus vt Glorificator. Conuincunt hoc etiam multa Sacræ Scripturæ & SS. Patrum loca. Nam Luc: 1. dicit Zacharias. *Benedictus Dominus Deus Israel, quia visitauit & fecit redemptionem plebis suæ.* Vbi prius dicitur, *Visitauit*, posterius, *Fecit redemptionem*. Similiter 1mâ ad Corinth: 4. *Ex ipso autem vos estis in Christo IESU, qui factus est nobis Sapientia à Deo, & Iustificatio, & Sanctificatio, & Redemptio.* Vbi etiam Redemptio, vltimum locum tenet, primum verò, Sapientia, Iustificatio, & Sanctificatio. Et ibidem cap: 2. *Loquimur Sapientiam, quæ in mysterio abscondita est, quam prædestinauit Deus antè secula in gloriam nostram.* Vbi finis Incarnationis, ponitur absolutè, Glorificatio nostra. Et in Symbolo tum Nicænæ, tum Constantinopolitanæ Synodus, quod in facie vniuersalis Ecclesiæ decantari consuevit, dicitur. *Qui propter nos homines, & propter nostram salutem descendit de cælis.* Vbi etiam canitur prius, *Propter nos*, deindè, *Propter nostram salutem*, vt manifestetur per prius intentam fuisse Incarnationem Verbi in gloriam & beatitudinem nostram, per posterius verò, in redemptionem. Hoc etiam ipse Christus in carne aperuit nobis, dum alloquens Patrem æternum, aiebat Ioan: 7. *Ego te clarificaui, opus consummaui, quod dedisti mihi vt faciam.* Cuius quidem clarificationis Paternæ, & operis consummati modum explicans, subdidit. *Manifestaui nomen tuum hominibus, quos dedisti mihi de mundo.* Ex quo constat, Incarnationem Christi principalius fuisse intentam ad manifestandam Trinitatem Personarum, & Attributiona Diuina, quam ad delenda peccata. Cuius quidem stante inuariabili decreto, quantum ad essentiam, variatus est modus, labente homine in peccatum, ita quod illa eadem Incarnatio Verbi, quæ ordinabatur in gloriam nostram, pro statu Innocentiæ, facta est in redemptionem hominis peccatoris, pro statu peccati. Si autem aliquæ authoritates in oppositum adducantur; Illæ omnes vnico fundamentalis resoluuntur medio. Quia nimirum procedunt de Incarnatione Christi in carne passibili, & supponendo lapsum Adæ, qualiter de facto incarnatum est Verbum, nos verò loquimur de Incarnatione Christi in carne gloriosâ, & supponendo Innocentiæ statum, qualiter incarnari debebat Verbum, stante Iustitiâ Originali, ita quod modo, Peccatum sit quidem motiuum principale & totale redemptionis, non verò Incarnationis, quæ antè præuisionem peccati, fuerat intenta in gloriam nostram, quantum ad Essentiam suam. Idem conuincunt rationes Doctoris Subtilis, Dist: 7. Lib: 3. Quæst: 3. & aliis pluribus in locis. Tum quia Prædestinatio electorum ad gloriam, quantum

rum est ex
mnationis,
vult finem
Verbo, per
& merita
bonum, quæ
redemptione
Tum quia
test dici qu
ctius; Nam
Ergo etiam
bonum imp
sti, quæ est
magis ordin
riam suam.
deret in pr
à peccato
stinatus ad
rum caput;
gratuita De
steret, quod
gnam occasi
occasionem
nis Verbi, à
aliæ, quam
ribus explar
apud ipsos
4 Infe
Adam non
destinatis Ar
Vi sit in om
nitus in multi
ctorum cap
put nostrum
SS. Patres
rum Salua
Idem quippe
Angeli ab in
sti Resurre
ctis Doctor
5. In
stantiorem
quam Angel

R E S O L V T I O P R I M A.

5

tum est ex parte obiecti, naturaliter præcessit præscientiam peccati, vel damnationis, sicut & meriti vel salutis æternæ. Nam ordinatè volens, prius vult finem, deinde media ordinata ad finem; Ergò natura assumenda à Verbo, per prius fuit prædestinata ad gloriam, quam ad peccatum, gratiam, & merita. Tum quia gloria Animarum redemptarum, non est tantum bonum, quantum est gloria Animæ Christi; Ergò non tam propter nostram redemptionem, quam propter suam gloriam, Verbum incarnari debebat. Tum quia sicut se habet Ens ad Ens, ita bonum ad bonum, Sed non potest dici quod Ens creatum perfectius, sit creatum propter Ens imperfectius; Nam durum est dicere, Hominem esse creatum propter mulcam; Ergò etiam non potest dici, quod bonum perfectius, ordinatum sit propter bonum imperfectius; consequenter, non potest dici, gloriam Animæ Christi, quæ est bonum incomparabiliter excedens gloriam omnium electorum, magis ordinatam esse propter gloriam nostram, quam potius propter gloriam suam. Tum quia stante opposito huius, iam Voluntas Diuina dependeret in prædestinatione Animæ Christi, & omnium electorum ad gloriam, à peccato Adæ; si enim Adam non peccasset, Christus non fuisset prædestinatus ad gloriam, quia nec incarnaretur, & sic nec esset prædestinatorum caput; consequenter tota ratio prædestinationis rueret, quia non in gratuitâ Dei præordinatione, sed in releuatione hominis à peccato consisteret, quod est inconueniens. Tum deniq; quia peccatum Adæ daret magnam occasionem gaudii Animæ Christi, ex quo non per se, sed solum per occasionem peccati, creata, & glorificata esset, cum tota ratio Incarnationis Verbi, à peccato Adamico dependeat, ex hyppothesi. Non desunt & aliæ, quam plurimæ rationes validissimæ, quas à Scotistis alijs me doctioribus explanatas, & ab Aduersariorum telis vindicatas, videat pius lector apud ipsos in Commentarijs super præfata loca.

4. Infero secundò. Quod Incarnatio Christi, ideò adhuc fuisset quamuis Adam non peccasset, vt, CHRISTVS præiret tanquam caput omnibus Prædestinatis Angelis & hominibus. Hoc manifestè docet Apostolus illis verbis. *Vt sit in omnibus ipse primatum tenens.* Et ad Rom. 8. *Vt sit ipse primogenitus in multis fratribus.* Docet etiam & D. Augustinus Lib. de Prædest. Sanctorum cap. 15. inquiens. *Sicut Prædestinatus est ille vnus CHRISTVS, vt caput nostrum, ita multi Prædestinati sumus, vt membra eius essemus.* Hoc & alij SS. Patres asserunt, dùm CHRISTVM, nedùm Hominum sed & Angelorum Saluatorem prædicant. Inter quos D. Bernard. Serm. 1. de Circumcis. *Idem quippe (ait) & Angeli Saluator & hominis, sed hominis ab Incarnatione, Angeli ab initio creature.* D. etiam Gregorius Homil. 21. in Evang: CHRISTI Resurrectionem etiam ad Angelos spectare asserit. Et multi alij ex Sanctis Doctoribus.

5. Infero tertio. Prædestinationem Humanitatis CHRISTI, esse præstantiorem & priorem prædestinatione omnium Sanctorum, tam Hominum, quam Angelorum; ita quòd Natura Humana CHRISTI, præcedat in Præ-

B

desti-

destinatione DEI omnes prædestinatos dignitate & prioritate. Hoc vult Apostolus cum ait. *Ipse est ante omnes, & omnia in ipso constant.* D. etiam Augustinus lib. de Prædest. SS. cap. 15. idem innuit inquit. *Prædestinata est natura humana, & tam excelsâ euectione eleuata, ut quo collocaretur ulterius non haberet.* Concilium etiam Hispalense cap. 13. ita resoluit. *Sic religiosè dicendum est, & reuerentè audiendum, quod propter hunc Hominem, scilicet CHRISTVM, gloriâ & honore coronandum, DEVS creauit omnia, & propter quendam Hominem, Angelos fuisse creatos.* Idem sentit Rupertus lib. 3. in Matthæum, de gloriâ & honore Filij hominis; & lib. de Gloriâ Trinitatis, & Spiritûs Sancti, cap. 19. 20. & 21. Imò, ad Hebræos 1. Apostolus hoc asserit, dùm CHRISTVM præfert Angelis, illis verbis. *Tantò melior Angelis effectus, quantò differentiùs præ illis nomen hereditauit.* Quæ verba ne intelligas de Diuinitate CHRISTI, prohibet Verbum ly EFFECTVS, prout Glossa ordinaria in hunc locum adnotauit, dicens. *De eo ergò (id est de CHRISTO) sermo versatur secundum humanam naturam, secundum quam, & minor fuit Angelis passioe, & maior & melior etiam gratia plenitudine, de qua & ipsi Angeli ad mensuram accipiunt.* Hoc & S. Athanasius lib. de Salutari Adventu CHRISTI docet, inquit. *Neutiquam creator ille Angelorum, qui Verbum Dei est, præstantior factus est, quasi qui inferior fuisset, sed ut formam serui in se receptam, præstantiorem Angelis, & omnibus rebus creatis ostenderet.* Hoc tandem & Ipse DOCTOR SVBTILIS clarè vult, dum in 3. Distin. 7. Quæst. 3. Dub. 1. docet. *Gloriam & Beatitudinem Animæ CHRISTI, esse maius bonum quàm sit beatitudo aliarum omnium Animarum redimendarum.* Verba ipsius afferro. *Non propter solam istam causam, (scilicet propter Redemptionem Generis humani) videtur DEVS prædestinasse illam Animam ad tantam gloriam, cum ista redemptio siue Gloria animæ redimende, non sit tantum bonum, quantum est ista gloria Animæ CHRISTI.* Quod & de gloriâ Angelorum comparatâ ad Gloriam Animæ CHRISTI, idem videtur sensisse, ob paritatem hinc indè. Ergò prædestinatio Animæ CHRISTI est præstantior, dignior, & prior prædestinatione aliorum quorumcunque, Angelorum & Hominum.

6. INFERO QVARTO. Quod quia CHRISTVS primus inter Prædestinatos oblatu est DEO prædestinanti, idè est causa nostræ prædestinationis, Exemplaris, Finalis, & Efficiens. DECLARANTVR SINGVLA. Est causa Exemplaris. Quia cùm primum in vnoquoque genere, sit metrum & mensura aliorum illius generis, & CHRISTVS sit tale primum in Prædestinatione, utique est metrum, & consequentè Exemplar prædestinationis, tam hominum, quàm Angelorum. Est causa Finalis. Quia in eius gloriam omnes alij prædestinabantur, ut ita sit ipse primogenitus in multis fratribus, sitque ante omnes, & omnia in ipso constant. Est denique causa Efficiens, intellige moralis seu meritoria. Quia merita CHRISTI, ut intellectui Diuino obijciebantur ab æterno, possunt considerari duobus modis. Vel quatenus procedere debuerunt à CHRISTO

RESOLVTIO PRIMA.

7

si venisset Adamo non peccante: Qualia merita fuissent actus Virtutum variarum. Vel quatenus procedere debuerunt, prout & defacto processerunt ab eo, in quantum ordinatus est ad restaurandum lapsum Adæ, venturus in carne passibili. Priora itaque merita fuisse causam Efficientem nostræ prædestinationis, multi Theologi sustinent, imò & Apostolus innuit, ad Eph. i. dicens. *Elegit nos in ipso, ante mundi constitutionem, ut essemus sancti.* Posteriora verò non; Quia prædestinatio nostra sicut & Angelorum, independentèr fuit ab Adæ lapsu, & consequentèr à meritis CHRISTI, subleuantibus Adamum. Explicantur ista clariùs. Quia DEVS, (vt constat ex ordine signorum à Doct. Subtili assignatorum,) primò omnium & omninò antè præuisionem peccati, voluit Gloriam CHRISTI, & ad hanc ordinauit vnionem Verbi cum naturâ humanâ, idque ob suam gloriam & bonitatem manifestandam. Deindè ex amore vitæ excellentis CHRISTI, qualem præuidit & voluit futuram, motus est ad creandum Angelos & homines, vbi primam post CHRISTVM voluit VIRGINEM MATREM CHRISTI, ita quòd vnio Verbi in intentione DEI, antecessit etiam ipsum naturale esse Angelorum & Hominum, & consequentèr prædestinationem illorum in mente DEI. Sicque CHRISTVS in illo priori, est causa Prædestinationis omnium, Exemplaris, Finalis, & Efficiens. Quòd est propositum. At postquam præuidit Genus humanum astu dæmonis in Adam casurum, tunc eodem illo amore, quo CHRISTVM dilexit, permotus ad restaurandum genus humanum corruptum, statuit eandem Incarnationem tali iam modo in executione futuram, quo Diabolus euerteretur, & homo lapsus erigeretur; in quo sanè habuit DEVS respectum (vt jam dixi) ad vitam excellentem CHRISTI, & merita eius, ita quòd voluerit saluare homines prædestinatos efficacitèr per CHRISTVM, tanquam per medium. Atque ita CHRISTVS est causa prædestinationis nostræ, per merita consequentia præuisionem Incarnationis, non verò per merita consequentia prædestinationem electorum.

7. INFERO QUINTO. Ex vi suæ prædestinationis, CHRISTVS est finis omnium creaturarum, & Caput omnium prædestinatorum, etiam si illæ & isti præcisè in ordine naturali considerentur. Vrgent hoc verba Apostoli. *Quoniam in ipso condita sunt vniuersa, in calis, & in terra.* Audeo enim ex illis inferre. Quòd non essent res creatæ, quæ modo extant, nisi CHRISTVS prædestinatus fuisset. Aduerte tamen pie Lector, hoc illatum non ita esse intelligendum, quasi requireretur CHRISTI existentia actualis, per executionem Incarnationis, ad hoc vt esset finis Creaturarum, & Caput prædestinatorum. Hoc enim est falsum. Sed benè requirebatur præsentia illius vt Incarnandi, in mente DEI, quia hæc sola sufficebat ad hoc, vt CHRISTVS vt sic, esset verum caput Angelorum & hominum, ac finis creaturarum; nam vita eius excellens, & virtus meritorum, quatenus à Deo præuisa, influebat tunc in Angelos & Homines, ac cuncta creabilia, quæ sufficebat ad hoc, vt à CHRISTO omnia dependerent tam in ordine na-

turali, quàm in ordine supernaturali. Sic declarata ista doctrina, non la-
tuit etiam Judæos antè aduentum CHRISTI in carnem, viuentes. Citat
enim Salazar Tract: de Immaculatâ Conceptione B. M. V. Rabbi Hacca-
dos, qui antè Incarnationem aliquot sæculis floruit, in illa verba Hieremiæ
33. *Si irritum fieri potest pactum meum cum die, &c.* sic inquentem. *Nisi
pactum meum esset, id est, si amore mei, IESV & MARIÆ, diem & noctem,
leges celo & terra non posuissem, id est, mundum minimè creassem.* Et Rabbi
Hankelos in Glosâ Chaldaicâ, supèr illud: Gen. 1. *In principio creauit, &c.*
sic scribentem. *Creauit Deus hunc mundum amore Messie Filij sui, cui in Di-
uinis Sapientia tribuitur.* Et si hoc Rabbinis Judæorum constitit; non video
cûr Catholici negare debeant. Præsertim cûm Apostolus 1. ad Cor. 3.
eiusdem videatur esse sententiæ, cûm inquit. *Omnia vestra sunt, vos autem
CHRISTI, CHRISTVS autem DEI.* Ex quibus verbis, colligunt Theo-
logi; DEVM totius Vniuersi Creationem & Gubernationem ordinasse, in glo-
riam electorum, ita quòd & produxerit Vniuersum ad esse, & stare illud
ordinauerit in se, tam diu quousque numerus electorum impleatur; quo
implete, mundus dissoluatur; Ergò cûm omnes electi sint CHRISTI, si
propter electos omnia sunt volita, multò magis propter CHRISTVM, qui
est caput electorum. Vt iste sit sensus verborum Apostoli. Prius DEVS
intellexit & voluit gloriam CHRISTI, & Incarnationem Verbi, & propter
CHRISTVM voluit gloriam electorum, & esse eorum, vt potè membro-
rum CHRISTI, & tum demùm voluit creationem & gubernationem Vni-
uersi: cûm finis ad quem ordinantur alia, primò intendatur ab agente, quàm
omnia alia, qualitercunq; deseruiencia ad obtinendum finem. Quod &
Ethnicum Philosophum Aristotelem non latuit aliquâ ex parte, qui sub fi-
nem 2. Phys: dixit. *Nos esse quodammodo finem omnium creaturarum.* Ergò à
fortiori, cûm nos simus CHRISTI, CHRISTVS est finis & nostri, & o-
mnium creaturarum. Præterea. Ecclesia fuisset, etiamsi Adam non pec-
casset, Ergò habuisset caput idemmet quod modò habet; membra enim si-
nè capite esse non congruit; Sed non aliud nisi CHRISTVM, Ergò CHRIS-
TVS ex vi prædestinationis, caput est Ecclesiæ, ac consequentèr omnium
prædestinatorum. Hæc de CHRISTO.

8. Nunc ad Beatam MARIAM VIRGINEM eius Genitricem ac-
cedendo, ex his quæ de Christo resoluta sunt.

Infero Primò. VIRGINEM Deiparam, etiam antè omnes crea-
turas esse præuisam, & antè omnes Prædestinatos Angelos & Homines, esse
prædestinatam. Docet hanc Thesin ipsa Sacra Scriptura. Dicitur enim
Eccl: 24. de Virgine, quòd sit *Primogenita autè omnem creaturam.* Quia li-
cet hæc verba de Sapientiâ increatâ ibi enuncientur, Ecclesia tamen, &
SS. Patres, ea Virgini passim accomodant; Sicut & illa ibidem. *Ab initio
& antè secula creata sum.* Et illa. *Prior omnium creata est Sapientia.* Eccl: 1.
Rabbi quoque Hankelos citatus à Salazar, vbi suprà, intelligit Virginem
Matrem Messie, dum ly *In principio creauit DEVS celum & terram,* sic
exscri-

RESOLVTIO PRIMA.

9

exscribit. Propter sapientiam, hoc est amore intemerata Virginis, quae est mundi sapientia, creauit DEVS hunc mundum. Docent & SS. Patres. Quorum primus S. Ioannes Damascenus, Orat. 1. de Nat. B. M. V. Per Mariam, naturam omnem Creator interiecta humanitatis beneficio commutauit, & innouauit. Et paucis interiectis, dat dicti sui rationem, inquiens. Propterea enim omnes omnium creaturarum perfectiones, in unam illam collegit, ut ab illa humanitatem assumens, in qua erat omnium creaturarum compendium, omnes sibi DEVS arctissime sociaret, & cum omnibus cognationem contraheret, ut ea ratione omnes nobilitaret, & pristinae dignitati restitueret. Secundus est Petrus Damiani, sic de Virgine fatus. In ipsa, & cum ipsa, & per ipsam, totum faciendum decernitur. Tertius est S. Ephrem Syrus. Nulla (inquit) compensatione omnibus superis exercitiis est gloriosior. Quartus est S. Chrysostomus. Attende (ait) Seraphim, & videbis, quidquid maius est, minus VIRGINE est, incomprehensibiliter enim gloriosior est, quam Seraphim. Quintus est S. Anselmus, lib. de Conceptu Virg. cap. 18. Nihil tibi Domina est aequale, nihil comparabile, omne enim quod est, aut supra te est, aut infra te est; Quod supra te est, solus DEVS est; quod infra te est, omne quod DEVS non est. Sextus est Andreas Cretensis, inquiens. Excepto solo DEO, est omnibus altior. Septimus est D. Bernardus Serm. 3. super Salve Regina. De hac, & ob hanc, & propter hanc, Scriptura facta est, propter hanc totus mundus factus est. Octavus est Andreas Hierosolymitanus Serm. 2. de Annunciatione. VIRGO (inquit) est prima natura, proxime accedens ad DEVM opificem omnium generationum. Ex quibus omnibus habetur; Quod cum B. VIRGO excellentia & dignitate omnia creata excedat, etiam praevisionis & praedestinatio eius, praevisionem & praedestinationem omnium electorum, Angelorum & Hominum antecessit. Et si vis clariora pro hoc testimonia Sanctorum, ea libenter do tibi. Primum est D. Petri Chrysologi Serm. 146. ubi alludens ad Mariam sororem Moysis praecedentem populum DEI cum Cantico, sic inquit. Et ut semper MARIA humanae praevia sit salutis, populum quem unda regeneratrix emisit in lucem, ipsa iure praecessit in Cantico. Secundum est S. Ildesonsi, Serm. 1. de Assumpt. Maria una est ex numero prudentium, prima omnium inter primos, quae vadit post Agnum proxima, quocumque ierit. Tertium D. Damasceni Orat. 1. de dormit. Virg. Pater eam praedestinavit, Spiritus praerigavit, Filius demum in ea commoratus est. Quartum, Idiotz in contemplatione Virg. ubi sic exclamat! O benedicta, prabenedicta, & post benedicta. Quintum, D. Petri Damiani Serm. de Annunciatione. A Deo electam & praelectam, totam rapuit sibi Spiritus Sanctus. Et Serm. de Natiuit. B. M. Hae beatissima VIRGO, ante constitutionem mundi, in consilio aeternae sapientiae electa & praelecta. Sextum, D. Bernardini Senensis, Serm. 51. cap. 1. sic VIRGINEM alloquentis: Tu ante omnem creaturam in mente DEI praedestinata fuisti, ut DEVM ipsum hominem procreares. Septimum D. Gregorii Magni in caput secundum l. 1. Reg. Mons fuit MARIA, quae omnem electae creaturae dignitatem transcendit. Octauum D. Gregorii

gorii Nysseni in illud Psalm. 44. *Omnis gloria eius Filia Regis ab intus. Vbi ly ab intus, vertit in ly cogitationum; vt sit sensus. Filia Regis cogitationum. Tunc ego quæro. Quæ sunt istæ Regis cogitationes, quarum VIRGO est Filia? nonne decreta & prædefinitiones DEI, quas DEVS ab æterno tulit, pro Sanctis ad gratiam & gloriam prædestinandis? Harum ergo cogitationum Regis æterni, est Filia primogenita VIRGO DEI Genitrix, prout ipsa gloriatur, Prouerb. 8. dicens. Dominus possedit me in initio viarum suarum, vel vt LXX. legunt. Dominus creauit me initium viarum suarum ad opera sua. Nonum tandem est, Scholasticorum Theologorum, præcipue Subtilissimi Magistri & primi propugnatoris Immaculatæ Conceptionis Virginæ in 3. dist. 7. q. 3. Dub. 1. sic concludentis. *Sine præiudicio dici potest, quod cum prædestinatio cuiuscunq; ad gloriam, præcedat ex parte Obiecti naturaliter præscientiam peccati vel damnationis cuiuscunq; (secundum Opinionem ultimam dictam Dist: 41. Primi libri) multo magis est verum de prædestinatione illius anime quæ prædestinabatur ad summam gloriam. Vniuersaliter autem, ordinatè volens prius videtur velle hoc quod est fini propinquius, & ita sicut vult prius gloriam alicui quam gratiam, ita etiam inter prædestinatos quibus vult gloriam ordinatè, prius videtur velle gloriam illi quem vult esse proximum fini, & ita huic anime CHRISTI vult gloriam prius quam alicui alteri velit gloriam, & prius cuilibet alteri vult gratiam & gloriam, quam præuideat opposita istorum habituum, scilicet gratiæ & gloriæ, nimirum peccatum & damnationem. Ergo à primo, prius vult Animæ CHRISTI gloriam, quam præuideat Adam casurum. Et in Reportatis Parisiensibus Lib. 3. Dist. 7. Quæst: 4. §. Tertio declarandum, &c. Hæc ponit verba. Dico tamen, quod lapsus non fuit causa prædestinationis CHRISTI, imò si nec fuisset Angelus lapsus nec homo, adhuc fuisset CHRISTVS sic prædestinatus, imò si non fuissent creandi alij quam solus CHRISTVS. Illud probo. Quia omnis ordinatè volens, primò vult finem, deinde immediatius illa, quæ sunt fini immediatiora. Idem sentiunt, noster Doctor Seraphicus Diuus Bonaventura in Speculo Mariali. Alexander Alensis 3: par: Q: 2: Art: 13. Suares 3: p: Quæst: 27. Disp: 1. Sect: 3. Salazar Tractat: de Immaculatâ Conceptione Virginis MARIÆ Cap: 3: Num: 14 & 15. ac alij, id ipsum ex mente Doct: Subtilis tanquam ex limpidissimo fonte haurientes. Ex quibus omnibus euidentissima, & satis conuincens ratio pro nostrâ doctrinâ afferri potest. Sitq; hæc.**

9. Ideò CHRISTVS est primus inter omnes creaturas, & etiam inter omnes prædestinatos, quia est propinquior fini, scilicet DEITATI, in ordine ad quem finem omnia præuidebantur, & prædestinanda prædestinabantur: Sed etiam Gloriosissima VIRGO inter omnes creaturas est propinquior DEO; quia proxima CHRISTO, Ergo & ipsa immediatè post CHRISTVM antè omnes alias creaturas primò præuisa, & antè omnes prædestinatos tam Angelos quàm homines, vnico CHRISTO excepto, est prædestinata, ita quod eo signo, quo CHRISTVS est præuisus ad carnem

nem, &
eius, est
10
ritur, M
præuisus
nerabile
docet, C
carnem
ratione
nâ carne
vetur, qu
uisus sit
terminat
tenus C
in reme
nem pa
quam.
nisset,
secundum
lem debu
minis, de
tius ipsi
Homines
telligebat
intelligeb
etiam præ
iunctim,
terea. H
Ergo hoc
viam Ho
Filius, &
licet ante
STVM
am, no
ne ad h
omni re
Verbi, t
STVS,
tura hum
ciens har
quâ ordin
licet enim
uinam,

RESOLVTIO PRIMA.

11

nem, & prædestinatus ad Gloriam, etiam ipsa VIRGO, vt potè Mater eius, est præuisa ad futuritionem, & prædestinata ad Gloriam.

10. Habetur ergò quòd nullum inconueniens admittitur, dùm asseritur, MARIAE præuisionem eo ipso signo fuisse, quo CHRISTVS est præuisus ad carnem, scilicet antè omnem creaturam: Quia secundum Venerabilem Bedam lib: 4. cap: 49. in Lucæ 11. vbi secundum Apostolum, docet, CHRISTVM factum ex muliere, tenendum est, CHRISTVM carnem non de nihilo, non aliundè, sed maternâ traxisse ex carne. Et rationem ibi subdit, ob quam CHRISTVS omninò debuit ex maternâ carne sumere carnem, dum inquit. *Alioquin nec verè filius hominis diceretur, qui originem non haberet ex homine.* Ergò cum CHRISTVS præuisus sit ad carnem, omninò præuideri simul debuit & hæc Mater eius determinatè. Nec Dicas: quod Venerabilis Beda loquatur de facto, quatenus CHRISTVS in quinto signo ordinatus est ad carnem passibilem, in remedium peccati Adæ, quia tunc debuit esse Filius hominis, & carnem passibilem debuit sumere de MARIA, aliàs non. Non dicas inquam. Quia etiam si Adam non peccasset, CHRISTVS, adhuc venisset, vt Primogenitus in multis fratribus, Ergò debuit esse frater noster secundum carnem, & consequenter etiam carnem quamuis non passibilem debuerat sumere de Matre VIRGINE, & ità debuit esse filius hominis, de quo infra. Homo ergò ille cuius Filius esse debuit, immediatius ipsi appropinquauit in prædestinatione DEI, quàm omnes alij electi, Homines & Angeli; Et ità in eodem signo, scilicet in secundo, quo intelligebatur CHRISTVS antè omnes Creaturas, etiam statim cum CHRISTO intelligebatur & VIRGO, & in tertio, quo prædestinabatur CHRISTVS, etiam prædestinabatur & VIRGO, intellige tamen in eodem signo diiunctim, non coniunctim, seu quod idem est, distinctè, non confusè. Præterea. Relatiua & maximè intrinsecus aduenientia, simul sunt naturâ, Ergò hoc signo quo DEVS præuidit, CHRISTVM fore Filium Hominis, etiam præuidit & illum hominem, cuius futurus erat Filius, & ità simul Matrem cum Filio determinatè pro eodem signo, scilicet antè omnes prædestinatos, quod est propositum. Si dicas; CHRISTVM vt CHRISTVM tantum, tunc prædestinatum esse ad gloriam, non verò vt Filium huius vel illius hominis, & ita non sub relatione ad hanc Matrem, quia in illo priori, CHRISTVS abstrahabat ab omni respectu. Respondeo, quod quâ CHRISTVS, dicit suppositum Verbi, terminans dependentiam naturæ humanæ, non poterat CHRISTVS, quatenus CHRISTVS prædestinari ad Gloriam, nisi simul natura humana in ipso suppositanda prædestinaretur, & ità quatenus respiciens hanc Matrem in ratione Filiationis, idq; stante ordinatione DEI, quâ ordinabatur ab æterno, cum hac Matre VIRGINE generandum, licet enim peccatum Adæ, generationem humanam commutauerit in beluinam, vt infra ostendam, & propterea confuderit ordinem generationis,

num, nequāquam tamen generationem CHRISTI de VIRGINE Matre, hāc scilicet & non alterā, testante D. Mathæo cap: 1. *CHRISTI autem generatio sic erat*: Vbi, ly sic, idem valet ac inuariabiliter, & iuxta æternam DEI ordinationem. In Formā igitur. Nego assumptum; Quia CHRISTVS cum prædestinabatur vt CHRISTVS, etiam prædestinabatur vt Homo, taliter & taliter futuritionem respiciens, nempe in Naturā Virgineā de Matre VIRGINE sumendā. Confirmatur hæc Doctrina ex DOCTORE Subtili, in 3. Dist: 8: q: Vnicā in Responsione ad Vltimum Principale. Vbi concedit CHRISTVM fuisse æqualem Matri VIRGINI secundum naturam humanam; & subdit rationem sub ipsum finem Quæstionis. *Quia (inquit) in naturā humanā in CHRISTO, est unitas realis minor unitate numerali, & similiter unitas eiusmodi realis est in MARIA, quæ unitas est fundamentum mutue æqualitatis naturæ in CHRISTO, & in MARIA.* Vndè & Arnoldus Carnotensis Lib: de Laud: VIRGINIS, nedum æqualitatem istam agnoscit, sed & identitatem inter CHRISTVM & MARIAM, dum ait. *Vna est MARIÆ & CHRISTI caro, vnus Spiritus, vna Charitas, unitas ergo diuisionem non recipit, nec iecatur in partes; Et licet ex duobus factum sit vnum, illud tamen ultra scindi non potest, & Filij gloriam cum Matre non tam communem iudico, quā eandem.* Ex quò sequitur. Quòd si CHRISTVS & MARIA sunt æquales in naturā humanā secundum DOCTOREM Subtilem, & fermè idem Spiritus, vna caro, secundum Arnoldum, iam nec in prædestinatione DEI poterant ab inuicem separari, ita quod non potuit præuideri hic homo dependens personalitèr ad Verbum, quin simul præuideretur hæc Mater VIRGO dans illi naturā humanam Virgineam; Nullus enim alius homo ita fuit æqualis in naturā Virgineā CHRISTO, sicut fuit MARIA, ita quòd nec EVA Virgo in statu innocentie par fuerit MARIÆ in naturā Virginea, quæ utiq; est metrum & mensura Virgineæ naturæ in EVA, modò inter Mensuram & mensuratum sufficit quòd intercedat proportio, estò non sit omnimoda æqualitas. Sed de hoc Resol: 2. Dec: 2.

II. INFERO SEQVENDO. VIRGO Mater ideò antè omnes creaturas præuisa, & antè omnes prædestinatos prædestinata est, vt esset quodammodò concaput vnā cum CHRISTO, respectu reliquorum post CHRISTVM & ipsam prædestinatorum, hominum scilicet & Angelorum. Hoc sequitur ex dictis. Quia si CHRISTVS omninò præuisus est fore frater noster Primogenitus, carnem maternā tracturus ex carne, sequitur, quòd Mater alio specialiori modo ad eum pertineat, quā omnes alij prædestinati, atq; ita non solum sicut membrum sub capite, sed sicut aliquid specialitèr pertinens ad caput, & quasi concaput respectu nostri. Proindè à SS. Patribus dicitur Collum, quod iungit caput cum cæteris membris, prout & ipsum medium est inter caput & membra, participans de vtroq; extremo, per quod Collum à Capite CHRISTO, in subiecta membra

RESOLVTIO PRIMA.

13

bra deriuantur fluentia gratiarum, & tota influentia Capitis in reliquum corpus Ecclesiæ, per hoc Collum quod est **MARIA**, defertur & transit. Huc faciunt testimonia SS. Patrum id clarè asserentium. D. enim Hieronymus serm: de Assumpt: ait. *VIRGO prædicatur gratiâ plena, per quam largo Spiritus Sancti imbre superfusa est omnis creatura.* D. item Augustinus in illud Canticorum 7. *Venter tuus sicut aceruus tritici,* &c. clariùs id exhibet, dum inquit. **MARIA** fuit Mater Spiritu, non tam capitis nostri, quod est **CHRISTVS** ipse Saluator, à quo illa magis Spiritualitèr nata est, sed planè Mater membrorum eius, qui nos sumus, quia cooperata est charitate suâ, ut omnes fideles in Ecclesiâ nascerentur, qui illius capitis membra sunt; corpore verò mater est ipsius capitis. D. etiam Bernardus Serm: de Aquæ ductu, sic habet. **DEVS** totius boni plenitudinem posuit in **MARIA**, ut proinde si quid spei nobis est, si quid gratiæ, si quid salutis, ab eâ nouerimus redundare, quia sic voluntas eius est, qui totum nos habere voluit per **MARIAM**. Item idem Serm: 198. ita alloquitur **VIRGINEM**. In te, & per te, & de te, ô **VIRGO**, quidquid benigna manus Omnipotentis creauit, recreauit. Sanctus quoq; Ephrem Oratione ad **VIRG**: Per te (inquit) reconciliati sumus **CHRISTO DEO** meo, Filio tuo, Tu captiuorum redemptio, & omnium salus. Aue Mediatrix gloriosissima, aue vniuersi terrarum Orbis conciliatrix. Adstipulatur & D. Damascenus Orat: 2. de Assumpt: inquires. Oportebat **DEI** Matrem, ea quæ Filij erant possidere. Hoc docet & S. Bonauentura in Speculo, super illa verba, Dominus tecum, &c. Iste, (id est, **CHRISTVS**,) est specialis noster Dominus, Dominus Iudex noster, Dominus legifer noster, Dominus Rex noster. Iste ergo Dominus sic cum **MARIA** fuit, quod etiam illam, specialem nostram Dominam in his omnibus fecit. Et ibidem Lect: 3. sic ait. Domina eius **MARIA** innititur Angelicæ Famulæ, tanquam plenissima, se cum suâ plenitudine Angelis communicando. Et alludit ibi ad Hester, quæ sustentabatur à duabus famulis; Sic secundum eum **MARIA** à duabus naturis, Angelicâ & humanâ, quibus est superior. Hoc & Richardus Victorinus in Cant: loquens de naturâ humanâ & Angelicâ, innuit, dicens. *Virg, creaturâ MARIA potentior iudicatur, quia utraq; per ipsam reparatur.* Et tandem Arnoldus Carnotensis, de Laud: Virg: sic concludit. **CHRISTVS** Dominus, **MARIA** Domina, constituta super omnem creaturam, & quicunq; **IESV** curuat genu, **Matri** quoq; pronus supplicat. Quod hausisse videtur Author iste, ex D. Augustino Serm: de Assumpt: Virg: inquitente. In Nomine **MARIÆ**, omne genu flectatur, cœlestium, terrestrium, & infernorum.

12. Ex quibus omnibus sic ad propositum argumentari licet. Fluenta perfectionum, imber gratiarum & charismatum, influit secundum SS. Patres citatos, in Angelos, homines, & alias omnes creaturas à **MARIA**, istis omnibus excellentiore, & omnium Reginâ; Ergo omnes gratiæ, charismata, & perfectiones illis collatæ, aliquâ ratione pendent à **MARIA**; Sed non aliâ sanè nisi per merita eius, & impetrationem, quatenus menti Diuinæ obiecta in æternitate, & ex amore excellentis vitæ **MARIÆ**,

D

RIZ,


RIÆ, quā post vitam *CHRISTI*, nulla vita erat excellentior Angeli aut Hominis, ad hoc à Deo directā, vt ab illā influat omnis gratia in electos, Angelos & Homines, Ergò ratione talis influxus, *VIRGO* Mater est aliquomodo caput seu concaput vnā cum *CHRISTO*, respectu cæterorum Prædestinatorum. Confirmatur hoc: Quia nihil illi Theologi dissonum fidei tenent, qui docent, omnia illa, quæ *CHRISTVS* suis meritis de condigno obtinuit Angelis & hominibus prædestinatis, etiam *VIRGINEM DEIPARAM* suis meritis de congruo impetrasse, non quidem positis in effectu, sed ab æterno in mente *DEI* relucetibus, Ergò cum isti euehant *VIRGINEM* in concaput respectu *CHRISTI* Capitis, roborant nostram Thesim. Accedit, quòd Sancti Patres omnia quæ *CHRISTO* vt Capiti tribuuntur, etiam tribuunt *B. VIRGINI*, videlicet, quòd sit mediatrix *DEI* & Hominum, quòd sit Vniuersi reconciliatrix, quòd sit nostra Redemptrix, quòd sit passā pro nobis vnā cum *CHRISTO*. Accipe de hoc dicta Sanctorum. Et imprimis *S. Ambrosium* in illud; *Stabat iuxta crucem IESV Mater eius*; Rationem istius consistentiæ hanc afferentem. Quia (inquit ille) existimabat se Diuino muneri aliquid addituram. Tunc ego. Sed non falsò existimabat, aliàs præsumeret de se, Ergò verè. Et ita addidit tunc verè aliquid Diuino muneri, & sic concurrat ad nostram redemptionem vt concaput quodammodo cum *CHRISTO*. Sanctus quoque *Augustinus* vocat carnem *CHRISTI* carnem *MARIÆ*. Imò omnes SS. (& est hoc de fide contrā *Eutychen* determinatum) *MARIAM* ministrasse carnis suæ materiam pro carne *CHRISTO*, vt verbis venerabilis *Bedæ* utar, docent. Ex quā doctrinā sequitur; quòd si *Christus* nos magno pretio redemit, prodigendo carnem suam, quæ etiam caro *MARIÆ* est & erat; iuxta illud *Apostoli* *1. ad Cor: 6. Empti enim estis pretio magno*, (cuius prodigitionis carnis *Christi*, quæ in similitudinem carnis peccati fuit, causam alibi afferemus) etiam *MARIA* concurrebat ad Redemptionem nostram cum *Christo*. *S. etiam Gregorius Magnus* in *Moralibus* ait. *IESV dolente, dolet & Mater, CHRISTO CRUCIFIXO, crucifigitur & Mater.* *D. item Anselmus* de *Excellentia Virg:* cap: 10. inquit. *Sicut DEVS suā potentiā, parando cuncta, pater est ac Dominus omnium, ita Beata DEIGENITRIX suis meritis cuncta reparando, Mater est ac Domina rerum.* Idem tenet *D. Damascenus* *Orat: 1. de Assumpt.* *Hæc omni profuit creaturæ, quam veluti cõemptam à seruitute, in libertatem asseruit.* Idem asserit *B. Bernardus* in illud *Cant: 6. Vna est columba mea &c. Per te* (inquit) *VIRGO DEVS factus est homo, DEVS humilis, & homo sublimis, per te homo est redemptus.* Idem & *Albertus Magnus* super missus est cap: de *Nomine MARIÆ. Adiutrix* (ait) *facta est Redemptionis, consors passionis, Mater & generationis.* Legatur de hoc *Arnoldus Carnotensis* lib: de *Laud: Virg:* vbi inter cætera hæc habet. *CHRISTVS* carnem, *MARIA* animam immolabat, ita optabat illa ad sanguinem, anima & carnis suæ adolere sanguinem, & erat omnino vnā *CHRISTI & MARIÆ* voluntas, ambo pariter offerebant *DEO*, hæc in sanguine

RESOLVTIO PRIMA.

guine cordis, hic in sanguine carnis. Accipiamus ad idem, textum **S: Euan-**
gelij. Inueniemus magnum dicti documentum **Lucæ 1. Vbi MARIA abi-**
is in montana cum festinatione in Ciuitatem Iuda. Tunc exultauit infans Ioan-
 nes in vtero Elisabeth. Quòd explicantes **SS: Patres,** de coöperatione **MA-**
RIAE ad nostram salutem intelligunt. Iuxta illud **D: Ambr: in Luc: Cap: 1:**
Vocem prior Elisabeth audiuit, sed Ioannes prior gratiam sensit. Quasi non prius
DEVS voluerit sanctificare Ioannem, quam ad hoc concurreret **VIRGO**
 beata. Ergò, vt vno verbo concludam, sicut **CHRISTVS** est causa no-
 stræ prædestinationis Exemplaris, Finalis & Efficiens, & consequenter ca-
 put omnium prædestinatorum, ita & **VIRGO** Mater eius, est concausa &
 concaput; cum hoc tamen discrimine, quòd **CHRISTVS** est caput primò
 & principalitèr, Virgo autem Mater eius, secundariò & quasi auxiliariè,
 & de congruo; ita quòd vt iam dixi, nihil **CHRISTVS** Dominus
 meritis suis, Angelis, Hominibus, & ipsi Virgini ex condigno
 præstitit, quòd non etiam ipsa Virgo ex congruo


Angelis & Hominibus impetrauerit.

Hæc de prima Resolutione.



R E S O L V T I O S E C V N D A.

In eo signo, in quo cæteri omnes Homines Prædestinati, præuisi sunt casuri in Adam, sola VIRGO Mater CHRISTI, præuisa est immunis à casu.

1.  Elatorum honoris DEIPARÆ VIRGINIS, non possum demirari stupendam industriam, dum in medijs tenebris, facem præferre ingenijs in VIRGINEM deuotis tentauerunt, vt eam à peccati Originalis noxâ immunem ostenderent. Longus essem, si omnes modos doctissimos, quos Viri isti pleni sapientiâ, & perfecti decore pietatis, scriptis euulgarunt, hîc recenserem, quibus ostendere conati sunt, DEIPARAM immunem à casu in Adam. Non nullos tamen breui compendio perstringam, vt in stabiliendâ sententiâ meâ, planior esse valeam.

2. Quidam igitur dicunt. Modum præseruandi Virginem Beatam à debito peccati, constituisse in puncto pacti initi cum Adam, & fæderis confirmati, quo determinauerat DEVS, peccante Adamo, totam posteritatem eius lapsuram in peccatum, & amissuram Iustitiæ Originalis amplissimum donum. Nulla enim est implicantia, ob quam DEVS in illo signo, non potuerit per Gratiam præuentionis excipere Matrem suam futuram, à debito satisfaciendi pacto conuento, ita quod licet tota natura ex lapsu Adæ contaminata esset, tamen Mater eius non contaminaretur, sed sit libera à pacto, peccato, & debito incurrendi illud, proximo & remoto. Sicut per oppositum, nulla est implicantia, ob quam persistente Adamo & totâ posteritate eius in Iustitiâ Originali, non potuerit DEVS nolle aliquem descendente ex illo, habere talem Iustitiâ, cum Iustitiâ Originalis sit donum supernaturale, non ex debito nostro, sed ex merâ liberalitate Diuinâ procedens. Et sic Beata VIRGO, potuerat non contraxisse debitum peccati Originalis, ob impedimentum talis exemptionis à pacto, quod tamen contraxisset, nisi tale impedimentum obstitisset. Sicut lapis, ex vi intrinsecâ, infallibiliter deorsum descenderet, nisi à trabe impediretur.

3. Alij verò asserunt, modum eximendi Virginem Beatam à debito peccati Originalis, potuisse consistere in numero certo & determinato generandorum ex Adam. Quia enim DEVS potuit determinare numerum generandorum ex Adam, limitando illum ad aliquot centena millia, ideo non videtur implicantia, ob quam non potuerit velle generari Virginem Beatam extra talem numerum, & sic non esse filiam Adæ naturalem vel moralem.

4. Alii

R E S O L V T I O S E C U N D A, 17

4. Alij autem sentiunt, talem modum processisse ex prædestinatione virginis. Dicunt enim, ipsam esse prædestinatam immediate post CHRIS-
TUM ad summum gradum gloriæ antè omnem creaturam, & antè mun-
di constitutionem, idq; ratione Maternitatis, ad quam debebat assumi, &
ratione gratiæ, quæ illi debebat conferri ex titulo Maternitatis. Quia igitur
ista prædestinatio potuit fieri in priori signo quam erat præuisus lapsus
Adæ futurus, ideo non erat necesse, Virginem MARIAM subijcere debi-
to contrahendi peccatum Adæ.

5. Alij etiam putant, Modum eximendi Virginem BEATAM à pec-
cato Adæ, fuisse hunc. Quia Virgo ex occasione CHRISTI vt Redem-
ptoris nasci debuit, ideoq; pura præsignabatur ob puritatem Filij. Quod
suum assertum stabiliendo, docent. Prædestinationem & Aduentum CHRIS-
TI, non nisi ex occasione peccati Adamici effluxisse, ita quod nisi Adæ
peccatum præuisum fuisset, nec CHRISTVS nec Mater eius, vnquam in
actuali existentiâ fuissent: Nam (secundum illos) in primo signo, DEVS
decreuit creare homines distinctè. In secundo, decreuit facere Adam tan-
quam vnum caput Physicum & morale omnium hominum, cum quo pa-
ctum de transferendâ iustitiâ ad posteros, inuit. In tertio; Vidit lapsum
Adæ. In Quarto; præuidit CHRISTVM Redemptorem. In quinto deniq;
signo; Prouidit Matrem CHRISTO non quidem ex fæminis post pecca-
tum Adæ futuris, quia illæ omnes videbantur infectæ peccato, sed aliam
de nouo, vltra illas omnes, propter CHRISTI merita, producere voluit,
Sanctam, pulchram, & vndiq; immaculatam, quæ cum cæteris pactum
non intrauerat, quia in priori signo præuisa non fuerat, in illo nimirum quo
Adam & Posterius eius videbantur casuri, sed in signo posteriori, quo iam
prouidebatur de remedio Adæ & Posteris eius, proindeq; illa prior, vigo-
re talis remedij, præuidebatur immunis ab omni labe. Quia enim CHRIS-
TVS Filius eius futurus, ordinabatur in remedium peccati, ideo passio,
Mors, & omnia merita CHRISTI, ad eundem colimabant redemptionis
terminum, ex quorum meritorum CHRISTI præuisione, Virgo Beata
non modo prædestinata siue electa fuit ad gratiam & gloriam, verum eti-
am erat decreta ad esse existentia, vt nimirum Mater DEI esset, nec vn-
quam nisi CHRISTO existente, existeret. Quare Virgo Beata, nec ad pec-
catum Adæ, nec ad debitum eius tenebatur, quia in pacto Adæ non in-
cludebatur, sed ex occasione CHRISTI vt Redemptoris nasci designaba-
tur, per cuius merita præuisa, sicut esse, ita omnem Sanctitatem habebat.

6. Alij asserunt. Modum eximendi Virginem Beatam à peccato Adæ,
sumi debere ab ipso Adamo. Quia enim Adam, in duplici statu erat, nam
primò fuit in statu Innocentiæ, quo erat amicus DEI, postea verò in sta-
tu peccati, quo factus est inimicus DEI, ideo Virgo Beata est Filia Adæ
innocentis, non peccatoris.

7. Alij recurrunt ad scientiam conditionatam DEI, putantes, DE-
VM præuidisse Virginem Filiam Adæ, sub conditione, ita quod si non pec-
casset,

casset, talem filiam generasset, sed quia peccauit, ideo à serie propagandorum ab eo, vnâq; à peccato & debito eius, exempta est.

8. Inter hos tamen, excelluere Scotistæ, qui sumpto fundamento ex Textu Doctoris Subtilis in 3tio Distinct: 3: Quæst: 1: §. Si autem tenetur pars negatiua, &c. Num: 14: firmiter tenent. Modum quo Virgo Beata potuit excipi à peccato Originali & debito eius, talem posse assignari. Quod licet CHRISTVS prius sit prædestinatus quoad gloriam & vnionem hypostaticam cum naturâ humanâ, quam præuideretur lapsus Adæ, ex eâ vel maximè ratione, ne dicamus, tantum beneficium DEI, tantam gratiam, tantumq; bonum, nimirum Incarnationem Verbi in vtero Virginis, esse Ens occasionatum ex peccato, & non per se volitum à DEO: Et licet tunc iam Beata Virgo fuisset præordinata ad Maternitatem CHRISTO incarnando vt glorificatori, simulq; prædestinata ad plenitudinem gratiæ & gloriæ, antè præuisionem lapsus Adæ, tamen pro tempore existentis suæ, debuit nasci vera filia Adæ, & quantum est de se, debuit contrahere debitum aut iustitiæ aut Peccati Originalis, iustitiæ quidem, si eam Adam pro se & posteris conseruasset, Peccati verò in quod lapsus est. Proinde amissâ iustitiâ ab Adam, & stante lapsu eius, Virgo Beata, sub tali lapsu nata, de facto debitum peccati Originalis contraxisset, nisi in illo instanti quo instituebatur in esse Personæ & filiæ Adæ per animationem, præuenta fuisset infusione gratiæ, & consequenter, virtute Diuinâ, non tantum à peccato Originali, sed etiam à debito actuali eius, præseruata esset. Tota igitur ratio præseruationis eius, est Velle Diuinum, quo DEVS determinauerat quemlibet propagatum ab Adam, teneri ad iustitiam habendam, vel amissâ illâ, ad peccatum Originale ex pacto; tamen ex suâ libertate & liberalitate, potuit DEVS præuenire tam debitum peccati quam carentiam iustitiæ Originalis, infundendo scilicet animæ Gratiâ æquivalentem iustitiæ tali, in illo statim instanti quo vnitur corpori propagato ab Adam, & constituit Personam in lineâ Posterorum Adæ, ita vt in illo priori, sit plenè excepta Persona talis à peccato in Adam. Et sic immaculata Virgo fuit vera filia Adæ, & quantum est de se, fuisset obnoxia peccato eius, nisi à tanto malo eximeretur per succursum specialis gratiæ Diuinæ, cui totum subest quidquid voluerit posse. Iuxta illud D. August: Tom: 2: Epist: 3: ad Volus: *Demus DEVM aliquid posse, quod nos fateamur inuestigare non posse, in talibus rebus, tota ratio facti, Omnipotentia facientis.* Et illud S. Ildesonsi Archiepiscopi Toletani Libro contra eos qui disputant de Virginitate & parturitione B. Mariæ, dicentis. *Non ex naturâ rerum Diuinæ leges pendent, sed ex Diuinis legibus, natura rerum & leges manare probantur.*

9. Pientissima hæc sunt fateor, & Virginis immunitatem egregiè declarant, tenendo, quod Adam ex intentione DEI, & ex vi primæ institutionis naturæ humanæ, ordinatus sit in Patrem generationis humanæ. Sed quia oppositum ostendere est animus, iam istud pactum, & ex ipso consurgens debitum, siue sit remotum, siue proximum, stare nequit, præ-

fertim

RESOLVTIO SECVNDA.

19


ferim cum nullibi istius pacti expressè meminit Sacra Scriptura, nec mentionem eius faciunt Concilia, nec clarè loquuntur de illo Sancti Patres, quos viderim. Assignari ergò debet alius modus, quo omnes peccauimus in Adam originalitèr, sinè isto pacto, quod luculentèr pro modulo tenuis ingenij mei, in sequentibus resolutionibus præstare conabor. Modò autem, vt proposita Resolutio tam quoad rem, quàm quoad causam, pateat, obitèr pro nunc.

10 Dico. Quòd ideò Virgo Mater CHRISTI immunis præuisa est à casu in Adam, quia ipsa sola inter homines puros præuisa est talis homo futura & perseueratura, quales homines ab æterno intendit & in Paradiso fecit DEVS. Et quia CHRISTO DEO & Homini, ordinato à DEO in caput omnium Prædestinatorum Angelorum & Hominum, ipsa data est in concaput, seu in adiutorium simile. His enim duabus causis stantibus, quæ fusè in sequentibus declarabuntur, & maximè prima, in quâ est tota vis, iam Virgo Mater præscindere debuit ab omni dependentiâ ab Adam, nec potuit esse homo Adamicus, quem Scriptura vocat Veterem hominem, & Apostolus Carnem peccati, & SS. Patres, Carnem concupiscibiliter seminatum. Declaratur hoc dictum verbis Doctoris Subtilis, in 3. dist: 19. quæst: Vnicâ, loco Resolutione præcedenti citato. Vbi hæc habet. *Ita quòd CHRISTVS in Carne, sicut & omnes electi, prius præuidebatur & prædestinabatur ad gratiam & gloriam, quàm prævideretur passio CHRISTI vt medicina contra lapsum.* Hæc Doct: Subt: Vbi non frustra præmittit primò CHRISTVM in carne, & postmodum vtitur verbo, *ly sicut, comparatiuo, licet de vniuerso instanti, seu potius signo secundo, à se vbi supra assignato, loquatur: Hoc enim est ac si diceret. CHRISTVS in secundo signo, primò præuisus est ad Carnem vt caput, & omnes electi vt membra, simul quidem caput cum membris præuisum est, quia secundum Apostolum, omnia in ipso constant, & in ipso condita sunt vniuersa, sed tamen ipse dignitate prior, quàm cæteri, quia subdit Apostolus. Vt sit in omnibus ipse primatum tenens, & sit primogenitus omnis creatura.* Tunc subsumo. Ast in eodem signo non potuit prævideri sinè Matre, stante hoc supposito, quod debuit esse Filius hominis, & Frater noster primogenitus, vt in præcedenti Resolutione deduxi ex Venerabili Bedâ, & alijs SS. Patribus, Ergò cum eo simul in eodem signo antecedentèr ad omnes electos, præuisa est Mater sua: Caro enim Filij non potuit prævideri sinè carne Matris, & consequentèr Filius hic sinè Matre hâc; nulla quippè est in DEO cognitio confusa & indeterminata: Quid quid hic dicat Salazar, tract: de Immaculatâ Conceptione B. M. V. Tunc vltra. Sed CHRISTVS tunc præuisus est homo talis, qualem ab æterno præuidit, & voluit, & postmodum creando Adamum fecit in Paradiso DEVS, Ergò & Virgo Mater eius talis homo præuisa est futura, & consequentèr ab Adamo prorsus independens, nec cum eo in gratiâ aut culpâ participans: quod est propositum. Confirmatur hoc. Quia decuit CHRISTVM habere talem Matrem, quæ esset purus homo correspondens intentioni DEI,

Ergo talis fuit; Sed talis nullatenus dependet ab Adam, qui est homo corruptus & totius naturæ humanæ degenerator, & conspurcator, Ergo nec Virgo; Imò potius Adam ab ipsa & à CHRISTO dependet, innuente id Apostolo 1. ad Cor: 12. *Vos estis Corpus CHRISTI.*

11. Ex hac declaratione, facile est videre, quantum intersit inter CHRISTVM & Virginem Matrem eius ex vnâ, & alios electos, ex alterâ parte, in hoc secundo Doctoris Subtilis signo: nimirum; quia Virgo Mater pertinet ad caput, cæteri electi, membra sunt; Ac proinde licet in eodem signo omnes cum CHRISTO & Matre suâ præuisi sint, & in tertio signo prædestinati, tamen CHRISTVS cum Matre Virgine vt caput, & ita prius prioritate dignitatis, alij verò vt membra, & ita posterius: ita quod magna sit disparitas inter CHRISTVM & Matrem eius, ac cæteros prædestinatos, ob quam disparitatem Mater CHRISTI non debuit cadere in Adam, cæteri verò ceciderunt; ea scilicet, quæ est inter caput & membra; Capite enim cadente, cadunt omnia membra irreparabiliter, sed capite sano & superstito, possunt membra restitui ad sanitatem; oportuit ergo caput & quidquid immediatè ac proximè ad illud spectat, non cadere, vt deinde quidquid in quarto signo cecidisset, posset virtute capitis restaurari; vt ita iuxta Apostolum, omnia in ipso constarent: Atqui Virgo proximè & immediatè pertinet ad caput, scilicet CHRISTVM, cui CHRISTVS debet carnem suam, iuxta Phrasim S. Methodij Martyris serm: de Purificatione. B. M. sic exclamantis. *Euge, quæ debitorem habes DEVM, qui omnibus mutuatur, DEO enim vniuersi debemus, TIBI autem etiam ille debet.* Nec secundum Arnoldum Carnotensem lib: de laud Virg. *A Dominatione vel potentiâ Filij, Mater potest esse seiuncta.* & præsertim illa Mater, quæ vt D. Gregorius Magnus in 1. cap: 1. Reg: loquitur. *Meritorum verticem, vsq; ad solium Diuinitatis erexit.* Et quæ, vt D. Dionysius Areopagita Epistolâ ad Paulum habet. *DEI forma est.* Ergo &c. Liceat ergo concludere cum D. Damasceno serm: de Dormit: Virg. *DEI Matris & seruorum DEI, infinitum est discrimen.*

12. Ast hæc clarius Decad: 2: exponentur. Sed cum hæc Resolutio pendeat ab vltioribus, nec possit benè intelligi, nisi ostendatur intentio DEI circa hominem & eius propagationem; quam Adam peruertit, & naturam totam peccando conspurcavit, & degenerauit. Ideò sequens Resolutio tertia, proponitur per viam negationis. Et sit.



RESO.

RESOLVTIO TERTIA.

Non erat intentio Creatoris, vt Adam
esset Pater carnalis, respectu Generis hu-
mani propagandi.

Adduco hunc Scripturæ Sacræ textum, Sap: 12. Vbi de Deo
parcente improbis hominibus, dicit Sapiens. *Dabas locum pe-
nitentiæ, non ignorans, quoniam nequam est natio illorum, & natu-
ralis malitia ipsorum, & quoniam non poterat mutari cogitatio illo-
rum in perpetuum, semen enim illorum erat maledictum ab initio.* Quæ verba ex-
plicans D. Augustinus, lib: 2. de Nuptijs & Concupiscentiâ, cap: 8. ita in-
quit. *De quibuscunq; ista dicit, de hominibus dicit. Quomodo est ergo cuiuslibet
hominis malitia naturalis, & semen maledictum ab initio, nisi ad illud respiciatur,
quod per unum hominem peccatum intrauit in mundum, & per peccatum mors, &
itâ in omnes homines mors pertransiit, in quo omnes peccauerunt? Cuius autem ho-
minis mala cogitatio non potest in perpetuum mutari, nisi quia per se ipsum non po-
test, sed si gratia Diuina subueniat? quâ non subueniente, quid sunt homines, nisi
quod ait Apostolus Petrus, 2. Pet: 2. velut muta animalia, procreata naturaliter in
captiuitatem, & interitum? Et paucis interiectis, itâ quærit. Quid est ergo
malitia naturalis hominis, & semen maledictum ab initio, & procreati naturaliter in
captiuitatem, & interitum, & naturâ filij iræ? Nunquid in Adam natura ista sic
condita est? Et respondet. Absit: sed quia in illo vitata, sic per omnes iam na-
turaliter cucurrit, & currit. Tunc sic pro Resolutione nostrâ liceat arguere.
Homines quatenus ab Adamo propagati carnaliter, dicuntur à Sapiente &
verè, Nequam natio, naturali malitiâ infecti: Semen etiâ ex quo orti
sunt, dicitur fuisse maledictum ab initio, id est, vt primùm exortum est in
ipso Adamo, in ordine ad generandum primum reprobum filium Cain, pro-
pagatione carnali ortum; quod semen transfusum in propagatione naturæ,
transfudit in totam naturam, peccatum & mortem, fecitq; & facit huc
vsquē, imò & faciet in finem sæculi, omnes ex tali transfusione seminis
genitos, peccatores, naturaliter procreatos in captiuitatem & interitum, &
naturâ filios iræ, Adamo taliter naturam totam, mediante tali transfusio-
ne seminis, vitante in sui radice, seu propagatione carnali, pomo come-
sto contra expressam prohibitionem DEI, sic naturam humanam in Adam
infectam; vt postea docebo; Ergo cum ex Sententiâ D. Augustini, non erat
natura ista sic condita, vt itâ propagaretur, sequitur, quod non erat in-
tentio*

tentio Creatoris, vt Adam esset Pater carnalis respectu generis humani propagandi.

2. Hoc confirmatur ab eodem D. Augustino Lib: eodem secundò, cap: 17. dicente. *Homines in quantum homines sunt, bonum est naturæ, cuius author est DEVS; in quantum autem cum peccato nascuntur, perituri si non renascantur, ad semen pertinet, maledictum ab initio, illius antiquæ inobedientiæ vitio.* Tunc sic. Si semen Adæ maledictum fuit ab initio, illius antiquæ inobedientiæ vitio, & ex eò propterea nascuntur homines cum peccato, & perituri si non renascantur in CHRISTO; Ergò non erat intentio DEI, vt Adam, mediante transfusione talis maledicti Seminis in vterum Euxæ, generaret carnaliter Filios. Quod est propositum nostræ Resolutionis.

3. Si hic obtrudas eundem D. Augustinum, in eisdem duobus Libris sæpissimè repetentem, futuram fuisse in illo statu innocentie commixtionem Sexuum carnalem inter marem & fæminam, in ordine ad propagationem naturæ humanæ, tamen finè omni libidine, & æstu concupiscentiæ carnis, sed solum ex imperio Voluntatis, intendenti meritorie prolem, & imperantis genitalibus motum. Respondeo. Hoc D. Augustinum resolutione ibi non asserere, sed solum ad Hominem, scilicet ad Hæreticos Pelagianos, qui docebant; DEVM in Paradyso creantem Masculum & fæminam in naturâ humanâ, etiam istam (vt illi vocabant) membrorum potentiam (non enim voluerunt appellare motum genitalium nomine libidinis aut concupiscentiæ carnis) vt eos ibi redarguit D. Augustinus, vel naturalem affectum ad cognoscendam fæminam in masculo, & è contra, ad cognoscendum virum in fæmina, creasse. Quod tamen refutans D. Augustinus, sic contra eos pugnat, vt etiam si concedatur, DEVM creasse masculum & fæminam in ordine ad commixtionem Sexuum, quæ etiam stante statu innocentie in Paradyso fuisset, adhuc libido in commixtione, & ista concupiscentia, (de quâ ibi agit ex professo D. August: vt eam tanquam malam & ex vitio ortam, à Matrimonio quod est bonum, & à DEO institutum, seiungat) non fuisset tunc, & hoc sufficeret ad hoc, vt Sancti filij de Sanctis parentibus tunc generarentur; Sicut è contra, modò, propter eam, non à DEO, sed ex vitio tali actui, licet inter coniugatos meritorio, adiunctam, ex bonis parentibus generantur filij peccato originali obnoxij. Et hoc solum in illis duobus libris ipse D. Augustinus expressè dicit aliquoties, se velle ostendere contra Pelagianos, paruulos ex fidelibus generatos, à peccato originali immunes pronunciantes: Quod & feliciter obtinuit. Hoc autem est ad Hominem dixisse, non ex proprio sensu.

4. Proindè audiamus eundem D. Augustinum, lib: 3. de Genesi ad literam cap: 21. suam promentem absolutè sententiam. *Illud quod dictum est: (Verba sunt genuina D. Augustini,) Crescite & multiplicamini, & replete terram, Gen: 1. quanquam nisi per concubitum maris & fæminæ fieri non posse videatur; unde hinc quoque mortalium corporum existit indicium; Potest tamen dici: Alium modum esse potuisse in corporibus immortalibus, vt solo piæ charitatis affectu*

RESOLVTIO TERTIA.

23

affectu, nullâ corruptionis concupiscentiâ, filij nascerentur, nec mortuis parentibus successuri, nec ipsi morituri, donec terra immortalibus hominibus impleatur, ac sic instituto iusto & Sancto populo, qualem post resurrectionem futurum credimus, nascendi etiam modus fieret. Hæc sunt verba D. Augustini, vbi suprâ. In quibus ille se quasi obfirmando, ibidem subdit. *Potest quidem dici, & quomodo dicatur, alia consideratio est.* Quia ergo hanc aliam considerationem ibi D. Augustinus non protulit, voluit nos circa hoc desudare, vt hunc alium modum generationis humanæ inuestigemus, qui fuisset Adamo non peccante, & tamen non per concubitum maris & foeminæ.

5. Et quamuis, hoc mens humana assequi non valeat exactè, porrigit tamen viam inuestigandi tantum mysterium, ille ipse qui verus homo existens, aliter tamen de facto conceptus & natus est: qui etiam restringit hunc præsentem generationis Filiorum modum, ad hunc statum poenalem, Luc: 20. dicens. *Filij huius seculi, generant, & generantur.* Volens ostendere, quod in statu innocentiae, homines etsi generarentur, non tamen carnaliter generarent; quod postea declarabo fusè. Nunc autem solum ex sententiâ D. Augustini loquor, qui dicit in loco citato; Tunc talem futurum fuisse populum iustum & sanctum, qualem post resurrectionem (quæ etiam idè à CHRISTO regeneratio sæpè dicitur) futurum credimus; Sed iste talis populus per generationem carnalem & Adamicam fieri nequit; Quia secundum Apostolum seminatur (supple, modò, id est, per propagationem carnalem) corpus animale, quod ibi non erit, quia surget spirituale; Ergo generationis nostræ à DEO intentæ, Adam nequiuisset esse parens carnalis, quatenus propagatio nostra à DEO intenta est. Quod est nostræ resolutionis punctum. Proindè D. Augustinus, distinguit inter nuptias illius felicitis innocentiae status, & nuptias istius infelicitis status, dicens lib: 1. de Nupt: & Concupisc: cap: 16. sub finem. *Quia igitur (inquit) tales nuptiae non possunt esse, quales priorum hominum, si peccatum non præcessisset: Sine tales, quales Sanctorum Patriarcharum; vt pudendæ carnis concupiscentia, quæ in Paradyso, nec antè peccatum, nec post peccatum, esse permissa est, (quia necesse est in corpore mortis huius vt sit,) non ei seruiatur, sed ipsa potius non nisi ad propagandam prolem seruire cogatur.* Ecce quanta disparitas nuptiarum Paradyfi, & nuptiarum huius seculi! ex illis nasci debuit Sanctus & iustus populus, qualem post resurrectionem futurum credimus, ex istis modò nascimur obnoxij peccato, iniusti, & filij iræ DEI, quia per commixtionem Sexuum generamur.

6. Persuadet istam Resolutionem ipse CHRISTVS verus DEVS & verus homo, aliter tamen (vt iam dixi) conceptus & natus. Quam conceptionis & natiuitatis normam, etiam ad alios homines extendi potuisse, concedunt, imò pro certissimo supponunt pientissimi & doctissimi Theologi. D. enim Anselmus lib: de conceptu Virginali cap: 13. & sequentibus, docet. *Christum etsi non esset DEVS, sed purus homo, ex ipsâ vi suæ originis, taliter necessario fuisse concipiendum, qualiter iustus Adam conditus est.* Sed non

intelligit D. Anselmus nisi hoc, quod sicut Adam de terrâ Virgine, ita & CHRISTVS quâ homo, de purâ Virgine; Ergo purum hominem, quâ homo, non repugnauit in Paradyso sic concipi, qualiter CHRISTVS conceptus est; Ergo sic fuisset, quod est propositum.

7. Item Albertus Magnus in suo Mariâli super Missus est &c. clarius de hoc loquitur, reddens rationem, quare Gabriël missus est ad Virginem? *Notandum*, (inquit) *quod initium peccati est à muliere, ratione mulieris: Eua enim in quantum Virgo non peccauit, (supple) originaliter, quia peccauerat actualiter mortaliter, peccato inobedientiæ, & multis alijs, ut postea probabo, quæ tamen peccata non erant originalia, sed personalia, piabilia per penitentiam, sicut & modò similia expiantur) sed in quantum coniuncta viro, cum quo copulata generauit: Quia sicut dicit Augustinus, peccatum originale nascitur ex concupiscente vulnere, concupiscentia autem annexa est cum commixtione seminum: quod in Mariâ minime fuit, cum vulnere subiacere non debuit, quæ ut vulnus curaret, venit. Propterea (ô pulchram ad propositum rationem!) generatio temporalis, Imago est generationis æternæ; unde sicut æterna est de uno manente incorrupto & indiuiso, ita temporalis generatio, debuit esse de unâ incorruptâ, hoc est de Virgine. Et sic patet quod Origini perditionis, congruebat ratio mulieris, & Origini Saluationis, ratio Virginis. Quibus verbis quid quæso clarius afferri potest ad propositum Resolutionis nostræ?*

8. Audiamus etiam D. Thomam, solem Ecclesiæ; qui quæst: 4. de malo, Art: 7. ad 6. postpositis alijs rationibus, quæ concludebant, CHRISTVM liberum esse debuisse à peccato originali, hanc solam sufficere dixit, quod sit conceptus ex Virgine: Ergo si secundum D. Thomam concipi de Virgine, est præcisa causa conceptus prolis sinè peccato originali, sequitur, quod si proles in statu innocentie nasci debuit sinè peccato originali, debuit concipi de Virgine, & non de defloratâ muliere, per Adæ stuprum. Quod est nostræ Resolutionis intentum.

9. Idem D. Thomas 3. p. q. 15. A. 1. ad 2. q. 31. hoc ipsum docet, scilicet; *Ab ordinario humane propagationis modo, inseparabile esse peccatum originale. Et q. 28. A. 1. concludit. Etiam CHRISTVM, non potuisse concipi sinè peccato originali, si fuisset conceptus ex non Virgine.* Quibus dictis, quid quæso aliud innuit tantus Ecclesiæ Doctor, nisi hoc, quod si DEVS intendit generis humani propagationem sinè peccato, etiam intenderit eam futuram sinè Eux stupro?

10. Succedat Seraphicus Doctor D. Bonauentura S. Thomæ. Ipse enim in 3. Dist: 12. A. 3. q. 2. cum sibi proposuisset quæstionem: *Vtrum CHRISTVS magis debuerit carnem assumere de Viro simul & muliere, quàm de muliere tantum?* Respondet: quod licet potuisset de viro & muliere, non tamen congruebat, nisi de solâ muliere, ob rationes quas ibi assignat. Et soluens argumentum primum in contrarium, dicit hæc verba. *Nos per talem modum nascendi, scilicet de viro & fœminâ, contrahimus morbum, sed CHRISTVS bonus medicus, immunis à morbo debuit esse; hinc est, quod in*

quod in tali
gò D. Bona
sam peccati
sam nascen
Quare Adæ
Seraphici.

11. A.

20. 6. Con
Vnus purus

10, sicut pot
STVS. E

pi operatione

conceptio in

est pro Reso

12. A.

Serm: 2. p

taffe in om

D. Thomas

gis DEVS;

habet idem S

vs agens opt

hanc de non

tentione prin

13. H

bet, instruens

natus fuerit de

si quis renatus

Vbi diligenter

nuò vel rur

colemo, dice

sic arguo. Si

Spiritu Sancto

tum maris &

que ille conc

modò, siue si

sequenter est

ad salutem æ

cto: Quod A

belluinam.

14. Cor

atum est ex ca

ditum; iuxta

ne metes corrupt

RESOLVTIO TERTIA.

25

quod in tali modo nascendi non debuit nobis assimilari, nec nobiscum conuenire. Ergo D. Bonauentura supponit nasci ex muliere & viro, esse præcisam causam peccati originalis; & è contrà, nasci de Virgine, esse causam præcisam nascendi sine peccato originali, quod sanè in statu innocentie fuisset. Quare Adam non debuit esse Pater noster carnalis, de mente Doctoris Seraphici.

11. Aduoco & Doctorem subtilem Ioannem Scotum, sic in 3. Dist: 20. §. Contra illud quod dicit &c. Contra D. Anselmum disputantem. *Vnus purus homo, potuisset satisfacere pro omnibus, si fuisset conceptus sine peccato, sicut potuisset fieri, operatione Spiritus Sancti & Matris; sicut fuit CHRISTVS.* Ecce Doctor subtilis coniungit, concipi sine peccato, cum concipi operatione Spiritus Sancti & Matris, sicut fuit Christus. Cùm igitur hæc conceptio in statu innocentie esse non debuisset? Verè non video. Quod est pro Resolutione nostrâ.

12. Accedit & Bernardinus de Busto, in suo Mariali, parte 12. Serm: 2. probans: *DEVM* potuisse ordinem concipiendi de Viro ita mutasse in omnibus Matribus, sicut in Beatâ Virgine: Ergo cùm (vt docet D. Thomas. 1. p. q. 47. Ad: 3.) *natura faciat quod melius est & multo magis DEVS; Et, Optimi agentis sit, producere totum effectum suum optimum, vt habet idem Sanctus Doctor ibidem A. 2. ad primum; sequitur, quod DEVS agens optimum, intendebat propagationem naturæ optimam, & non hanc de non Virgine, proinde Adam non debuit esse Pater noster ex intentione primæuâ DEI.*

13. Huc facit; Quod *CHRISTVS* nos & denuò & aliter nasci iubet, instruens de hoc Nicodemum, Ioannis cap: 3. illis verbis. *Nisi quis renatus fuerit denuò, non potest videre Regnum DEI.* Et. *Amen amen dico tibi, nisi quis renatus fuerit ex aquâ & Spiritu sancto, non potest introire in Regnum DEI.* Vbi diligenter pensandum est Verbum *CHRISTI*, ly Renatus, quasi denuò vel rursus natus, prout ipse *CHRISTVS* infrâ ibidem explicauit Nicodemo, dicens. *Ne mireris, quia dixi tibi, oportet vos nasci denuò.* Tunc sic arguo. Si ex mandato *CHRISTI*, oportet nos nasci denuò ex aquâ & Spiritu Sancto, ad hoc vt saluemur; Ergo prior generatio, per concubitus maris & fæminæ carnalem, non est nobis ad salutem, quomodocunque ille concubitus seu commixtio Sexuum sumatur, siue cum libidine, vt modò, siue sine eâ, vt putatur futurum fuisse in Statu innocentie; & consequenter est præter intentionem *DEI*, qui vult omnes saluos fieri, id est, ad salutem æternam nasci: quod nequit fieri, nisi nascamur ex Spiritu Sancto: Quod Adam peruertit, commutando propagationem humanam in belluinam.

14. Corroboratur hoc ab ipsomet *CHRISTO*, ibidem dicente. *Quod natum est ex carne, caro est, quod natum est de Spiritu, Spiritus est.* Hoc est dictum; iuxta sensum Apostoli, ad Galat: 6. *Qui seminat in carne, de carne metet corruptionem, qui autem seminat in Spiritu, de Spiritu metet vitam æternam.*

nam. Ergò cum per generationem carnalem, tantum producaturo caro de carne; sequitur eam esse incapacem Regni DEI, nisi renascatur ex Spiritu Sancto & aquâ: sicut & ex intentione primæua DEI, debebat nasci ex Spiritu Sancto & Virgine.

15. Corroboratur idem & ab Apostolo, 2. ad Cor: 15. *Caro & sanguis, regnum DEI non possidebunt*, supple, nisi renascantur ex Spiritu Sancto. Hæc enim verba, nedum sunt intelligenda de vitâ, iuxta desideria carnis institutâ, sed etiam de ipsâ carne Adamicâ; quam vita carnalis ad sui esse præsupponit, tanquàm actus secundus, primum.

16. Ad idem faciunt principia Doctoris Subtilis 2. Sent: dist: 20. q. 2. ubi sic habet. *Dico, quod soli nunc electi fuissent in statu innocentie nati. Ratio huius est. Quia omnis ordinatè volens, post volitionem finis, immediatè vult illud, quod est immediatius, vel proximius fini; DEVS est volens ordinatè; Ergò primò vult seipsum, vel bonitatem suam tanquam finem, secundò vult bonum creature rationali ordinatum, & ipsi ultimatè, quod est communicatio creature, siue communicatio beatifica sue bonitatis creature tali; & postea vult gratiam quæ ordinatur ad beatitudinem huius, vel ad fruitionem eius, & posterius vult istum beatum vel beatificabilem esse nasciturum à tali vel tali parente.* Hic ego à pari addo. Tali vel tali modo. Et hoc infero ex verbis immediatè appositis à Doctore Subtili, quæ sunt. *Si ergò (ut dictum est) prius sunt beatitudini determinati, quàm quòd nascentur à talibus parentibus, per quoscunq; parentes nascentur, ex quo habent rationem posterioris huiusmodi parentes, non poterunt variare determinatos beatificandos à voluntate Diuinâ, quin ijdem in numero nascentur.* Tunc ego infero. Sed etiam modus nascendi prædestinatorum, est quid posterius ipsis; Ergò non potest variare illorum identitatem in numero; Atq; ita, siue illi sunt carnalitèr modò propagati ab Adamo, siue fuissent de Spiritu Sancto & Matre Virgine in Paradyso, ijdem sunt in numero: Sed modò, quia carnalitèr geniti, nascuntur iniusti, & filij iræ, nisi rursus nascentur ex Spiritu Sancto, & aquâ; Ergò debuerunt in Paradyso nasci de Spiritu Sancto, & Virgine Matre: & ita non de Adamo; quod est propositum.

17. Confirmatur. Quia ex hâc Doctoris nostri verissimâ doctrinâ, habetur, saltem Prædestinatos non dependere ab Adamo tanquàm à patre, & multominus tanquàm à capite. Abel enim iustus potuit esse filius Abrahamæ, sicut fuit Adæ: & ut ipse Doctor Subtilis ibidem in Responsione ad instantiam subdit. *Ex quocunq; illorum duorum fuisset, idem in numero fuisset.* Ergò Adam saltem respectu prædestinatorum non est absolutè ordinatus in Patrem: Nec etiam potuit absolutè ordinari, ut per carnalem commixtionem sexuum generaret prædestinatos, quia ut D. Thomas 3. p. q. 28. A. 1. ad 4. docet: *Virtus Diuina cum sit infinita, ut non est determinata ad unum effectum; ita non est determinata ad modum producendi quemcunq; effectum.* Ergò (infert ibi D. Thomas propositum) ut virtute Diuinâ fieri potuit, ut primus homo de limo terre formaretur, ita fieri potuit ut CHRISTVS de VIR-

GINE nasceretur. Tunc ego subinfero: Sed si caput Prædestinatorum sic & non aliter, cūr non similiter & cæteri prædestinati? si Adam DEI intentionem non peruertisset: præsertim cū D. Augustinus lib: 3. de lib: arbitr: cap: 5. dicat: *Quidquid tibi verā ratione melius occurrit, hoc scias fecisse DEVM, tanquam bonorum omnium conditorem.* Sed talis modus propagandorum Prædestinatorum melior verā ratione occurrit: Ergo cum voluit ab æterno DEVS, & non istum carnalem. Quod est propositum. Hic obiter infero.

18. Corollariè. Quod solus CHRISTVS est caput omnium Prædestinatorum: Adam verò solum est caput Generis humani, vt propagati per copulam carnalem præter intentionem DEI. Et hoc adhuc cum distinctione debet intelligi. Quia respectu Prædestinatorum, stante casu Adæ, de muliere & ipso conceptorum, est caput per accidens; respectu verò reproborum, circa quos DEVS in tertio signo Doctoris subtilis nullum actum habuit positivum, est caput per se: Ita quod Cain ab eo descendat tanquam à capite per se, quia nunquam fuisset, si Adam non peccasset: Abel verò descendit ab eo, vt à capite per accidens; Quia adhuc fuisset aliunde, quamvis Adam non cecidisset. Sed prosequamur nostram resolutionem.

19. Docet illam pulcherrimè, licet paulò difficilibus verbis, S. Cyrillus Alexandrinus lib: 3. de Trinitate, exponens illud Gen: 2. *Faciamus hominem ad Imaginem & similitudinem nostram.* Sic ergo ille ait. *Ad unam quandam summam pulchritudinem simul currunt, (& loquitur de tribus Personis Deitatis) ad quam & nos configuramur, secundum Scripturas; obfirmamur autem per Filium ad filiationem in Spiritu; Sic enim Imago Filij quidem Filiatio, Patris autem Paternitas: Vnde Filij per Filium, imago autem DEI & Similitudo; manifestum autem, quod nos ad totam principio formati naturam, nempe ad summam.* Hæc D. Cyrillus. Tunc ego subinfero. Sed Adam nos generans, nequivit nobis conferre illam unam summam pulchritudinem, ad quam simul currebant Personæ Divinæ, producentes hominem, nequivit etiam nos obfirmare ad Filiationem DEI in Spiritu, nequivit etiam nobis conferre imaginem DEI, & similitudinem; non enim per Adamum Filij, sed per Filium, & consequenter imago DEI & similitudo; vt loquitur S. Cyrillus: Ergo non Adam debuit esse Pater noster, sed Filius DEI per Spiritum Sanctum nos formans Filios DEI, in utero Eux Virginis.

20. Confirmatur hoc, & simul declaratur Minor à nobis subillata, imò. Imago vera alicuius, quatenus imago eius est, nequit fieri nisi ab illo qui exactè cognoscit eum, cuius imaginem formare vel producere intendit; Sed homo creatus fuit in veram & essentialiter subsistentem imaginem DEI & similitudinem; Ergo ab eo solo debuit produci, qui DEVM perfectè cognoscebat; Sed nemo novit quæ sunt DEI, nisi Spiritus DEI; Ad Cor: 2. Ergo etiam non alius, & ab initio produxit, & deinceps producere debuit hominem, in veram imaginem DEI, nisi ipsemet Spiritus DEI; Atqui Adam etiam in statu innocentie & multominus post lapsum, nequivit in-

uit intuitiue, & perfecte cognoscere DEVM; Ergò nequiuit esse factor proprius imaginis Diuinæ veræ, quæ est homo; & consequenter, nequiuit esse propagator hominum, quâ homines sunt.

21. Confirmatur secundò Physice. Ita est comparatum in naturâ, (secundum doctrinam Principis Medicorum Hyppocratis,) quod in semine ad generandum deciso, sit aura seu Spiritus ibi latens, tanquam in si-liquâ nucleus, rei generandæ de materiâ seminis productiuus, continens in se ideam rei à se producendæ impressam à generantibus, quæ idea est causa mouens Spiritum; ad efformandam similitudinem specificam generantium in genito. Spiritum hunc appellat Hyppocrates, πνεῦμα τὸ ἐνόνιον, quod sonat latinè. *Spiritus impetum faciens*; hic enim solus si benè se habet, & non inuenit obicem, benè nos regit, & sanos conseruat; sin minus, ægros facit, suoque furore & impetu Oeconomiam vitæ nostræ pessundat totam, & seipsum furibundus in exitium præcipitat, vnde mors rerum, & nostra: Sed Adam, cum fuerit DEI immediata ac vera imago, & non constabat hoc sibi, propter ignorantiam prototypi, nisi ad summum coniecturaliter ex cognitione sui ipsius, non potuit in auram sui seminis imprimere ideam imaginis Diuinæ, sed ad summum impressit imaginem sui ipsius, seu sui corporis organizati digito DEI; Ergò ad summum Adam generauit sui imaginem, non verò Imaginem DEI. Et hoc expressè docet scriptura. Gen. 5. *Hic est (inquit) liber generationis Adam. Et paucis interiectis, subiungit. Vixit autem Adam 130. annis, & genuit Filium, ad imaginem & similitudinem suam, & vocauit nomen eius Seth. Vbi noster Lyræus. Genuit Filium ad imaginem & similitudinem suam, id est, destitutum originali iustitiâ, & per consequens peccatorem, & mortalem, qualis iam erat Adam. Atqui hoc est inconueniens, & contra dignitatem humanæ naturæ, scilicet homines genitos ab Adam solum, esse imagines imaginis DEI; Ergò hoc DEVS nunquam intendit, aut voluit futurum, vt Adam mediante semine, nos propagaret.*

22. Præterea. De fide est, Animam intellectuam, non oriri in nobis viâ generationis, sed infundi à DEO per creationem in corpus organicum; Ergò non Adam, sed DEVS ipse vel digitus DEI, qui est Spiritus Sanctus, propagator hominis, quâ homo est, esse debuit. Consequentia probatur. Quia cum forma constituat rem in esse rei, & formam hanc, videlicet Animam intellectuam, immortalem, constituentem hominem in esse hominis, Adamica generatio, mediante semine, attingere nequeat, sequitur quod totus homo, à Spiritu DEI esse debuit, ex Virgineâ maternâ carne secundum corpus, & per creationem, & infusionem mentis à DEO, secundum animam immortalem.

23. Si instetur. Etiam animas sensitiuas brutorum esse desuper à DEO, & tamen bruta generare, Ergò similiter dicendum de hominibus. Respondeo. Magnam esse disparitatem inter bruta & homines quoad generationem: quia Bruta, cum acceperint ex dono suæ Creationis animas sensiti-

sensitiuas, sp
liter in ipfis
tionem ad G
arum habet
merent idea
te seminum
speciei, in v
mendand: e
suam specie
lum accepit
dispositione
arboris scie
creationis v
mine ex do
potest prop
& præter n

24.

stitutione
tris, vel al
tem in illo
nerationis r
idem, doce
etiam sunt
quit esse ab
at esse ord
falsum est;
culo Matre
le, & in p
manaret,
quit etiam
mola, quæ
Siquidem h
si esset per
esse ab an
positum in
neitati ani
certo affir
que minus
& maximè
Creatoris in
imaginem
25. I
designatur,

sensitiuas, specificè iuxta diuersitatem specierum distinctas, & substantia-
liter in ipsis existentes, etiam simul arripuerunt semen vel saltem disposi-
tionem ad semen in se producendum vi animæ sensitivæ, ex alimentis her-
barum habentium in se semina, in quo semine deindè ipsa bruta impri-
merent ideam dispositiuam, & formatiuam organorum, ex materiali par-
te seminum, in ordine ad animam sensitiuam, conuenientem unicuique
speciei, in ultimo puncto perfectæ organizationis corporis, à DEO impri-
mendam: erant enim à DEO creata cum potentiâ propagandi carnaliter
suam speciem. At Homo, qui supra bruta constitutus fuit Dominus, nul-
lum accepit semen, nec dispositionem ad illud, cum crearetur: imò à tali
dispositione, ne in se oriretur, prohibitus fuit per interdictum esum fructus
arboris scientiæ boni & mali; quod postea docebo: bruta ergò ex dono
creationis verè generant, quia mediante semine; Homo verò carens se-
mine ex dono creationis, nequaquam potuit generare. Sicut nec modò
potest propagare naturam humanam quæ talis, sed aliquid aliud caducum,
& præter naturam suam: quod postea explanabo.

24. Præterea. Si Adam debuit propagare prolem humanam ex in-
stitutione DEI, tunc anima prolis propagatæ, vel debuit esse ab animâ Pa-
tris, vel ab animâ Matris, vel ab animabus amborum simul, ita quòd sal-
tem in illo statu innocentia, Animæ parentum immortales, essent Quo ge-
nerationis nostræ ad immortalitatem. Sed hæc præterquam sint contra
fidem, docentem animam immortalem nequaquam generari, sed creari;
etiam sunt contra rationem naturalem; secundum quam Anima prolis ne-
quit esse ab animâ Patris; cum enim progressus naturæ in omnibus debe-
at esse ordinarius, & vniformis, etiam sic esset in Brutis; Quod tamen
falsum est; vt ostendo exemplo fætus procedentis ex Glire Patre, & Cuni-
culo Matre, qui est totus Cuniculus, exceptâ caudâ Glirinâ, idque & in pel-
le, & in pilis, & intus, & extrâ Si tamen à patre anima istius fætus
manaret, necessariò deberet esse productum, Glis & non Cuniculus. Ne-
quit etiam secundum eandem esse ab Animâ Matris, quia aliàs non fieret
mola, quæ tamen ordinariè contingit propter effatam vim feminis maris;
Siquidem hac non obstante, adhuc Anima Matris suppleret defectum hunc,
si esset præcisa causa animæ in prole; Nequit item, secundum eandem
esse ab animabus amborum; quia alias ex duabus animabus, quoddam com-
positum lumen formale animatum profiliret, quod simplicitati & homoge-
neitati animæ geniti repugnat Et hinc est, quod Christiana Philosophia
certò affirmat, ne quidem in brutis desumi à Parentibus animas, tanto-
que minùs in homine; Ergò Animæ omnes immediatè creantur à DEO
& maximè mens immortalis: Et consequenter hinc sequitur, quòd prima
Creatoris intentio non fuerit, vt vir se commisceret foeminæ in generando
imaginem DEI, sed hæc à solâ manu Creatoris prodiret.

25. Præterea. DEVS voluit à nobis appellari Pater noster; Ergò
designatur, quod pro homine non debuit esse paternitas, nisi in solo DEO,

ita quòd hominis primordialis generatio, ac propagatio, penes solum DEVM Creatorem fuerit referuata, prout de facto & modò est, respectu animæ & vnionis eius ad corpus.

26. Præterea. Translatio viri in Paradysum, aliam viuendi fortem, quàm bulluinam præsignabat & requirebat. Et similiter formatio Eux in Paradyso, de costâ lateris eiusdem viri, congressum Brutis similem, inter eos vetabat: Quia hic, præter stuprum, etiam incæstum continebat; quod & ipse Adam in statu innocentiz cognouit, cum dixit. *Hoc nunc os ex ossibus meis, & caro de carne meâ, hæc vocabitur virago, quia de viro sumpta est.* Viraginem ergò vocandam fore pronunciauit Adam, ob consanguinitatem & concorporeitatem, quia (inquit) de viro sumpta est. Sed nota benè, quòd non frustra præmisit; ly. Nunc, quasi diceret: nunc, scilicet in hoc statu innocentiz. Quia quod postea subdidit, cum fuerit Propheta, & non ipse, sed DEVS in illo loqueretur, locutus est subintelligendo statum naturæ lapsæ; Ergò hæc fuit intentio creatoris in transferendo Adam de terrâ in Paradysum, & in educendâ Euâ de eius latere ibidem in Paradyso, vt nedum à copulâ carnis abstinere, sed ne etiam copulam carnalem inter bruta viderent.

27. Præterea. Nati more Adamico, per commixtionem sexuum, à D. Ioanne cap: 1. dicuntur nati ex sanguinibus, & ex voluntate carnis, & ex voluntate viri. Ergò nasci ex sanguinibus commixtis, & ex voluntate carnis, & ex voluntate viri, non est nasci, ex voluntate seu intentione DEI.

28. Præterea. Lex vetus eos pro impuris habendos censuit, quotquot coniugalitè cognouissent suas Vxores, ita quòd si non seriò abluti essent, arcebantur à templo; Mulier etiam quæ pepererat suscepto semine, immunda erat; concepti verò, & nati ex eis, in iniquitatibus & peccatis, etiam in nouâ lege, concepti & nati dicuntur: Et ideò sunt Filij iræ, & rei mortis æternæ, nec vnquam capaces Regni DEI, nisi renascantur; Ergò congressus etiam coniugalis, esto iam sit stante lapsu permissus à Deo, & in nouâ lege, ad confusionem Diaboli, quoad præcedentem consensum ad excellentiam Sacramenti eleuatus, & similiter ex tali congressu sequens conceptio, erat præter primam intentionem DEI.

29. Præterea. Gen: 17. Masculus iubetur circumcidi die Octauâ, quæ est Symbolum æternæ vitæ, in quâ die & Eua ipsa condita erat, vt Virgo Virginem naturam, æternum victuram, de Spiritu Sancto generaret, vt ostendam Resolutione sequenti. Verba sunt textus sacri. *Masculus qui non circumcidetur carne præputij sui octauo die, peribit anima eius de populo meo.* Et additur causa quare? *Quia testamentum meum dissipauit.* Vbi D. Augustinus lib: 2. de nuptijs & Conc: cap: 11. sic quærit. *Quomodo puer iste testamentum Domini dissipauit, octo dierum, quantum ad ipsum propriè attinet innocens infans? Et tamen nullo modo DEVS, vel Scriptura Sancta id mendaciter dicit.* Et Respondet. *Tunc ergò dissipauit testamentum DEI, non hoc de impu-*

RESOLVTIO TERTIA.

31

ratâ circumcissione, sed illud de ligni prohibitionem, quando per unum hominem peccatum intravit in mundum, & per peccatum mors, & ita in omnes homines pertransiit, in quo omnes peccaverunt, & hoc in illo significabatur expiari, circumcissione octavi diei; hoc est Sacramento Mediatoris in carne venturi, & morituri pro nobis, & tertio die, qui post septimum Sabbathi fuerat futurus octavus, resurrecturi, per cuius fidem etiam iusti saluabantur antiqui: Traditus est enim propter delicta nostra, & resurrexit propter iustificationem nostram. Hæc D. Augustinus. Tunc liceat inferre. Sed testamentum DEI non est aliud, nisi illa ipsius prima intentio, quâ volebat humanam naturam, in solos prædestinatos æternum victuros, de Virgine Euâ & de Spiritu Sancto propagari, quod tunc Adam dissipavit, pro se & omnibus posteris suis; Christus autem illud restituit in suâ virgineâ carne, & virgineo sanguine, dicens, ut refert Ecclesia in Canonæ missæ, dum pro consecratione Calicis hanc usurpat formam. *Bibite ex eo omnes; Hic est enim calix sanguinis mei, novi & æterni testamenti, mysterium fidei.* Ergo hæc fuit DEI circa naturam nostram intentio, ut virgo semper esset; & consequenter, nunquam intendebat DEVS commixtionem sexuum in naturâ humanâ, nec Adam esse Patrem respectu illius propagandæ; ideoque sic propagatum infantem masculum, castigatum die octavâ in carne præputij, in gratiam recipiebat, & vitæ æternæ, cuius octavus dies symbolum est, ex tunc idoneum reddebat.

30. Præterea. Pudor ille nuditatis, mox ab eso pomo prohibito, primos parentes afficiens, roborat nostrum propositum. Si enim utrumque parentem primum, mox ab eso pomo puduit, & quidem pudore de nuditate pudendorum in eos prorumpente, ut & S. Aug: lib: 2. de nupt: & conc: cap: 30. advertit: iam pudor iste accusabat illos delicti per illa membra patrati, contra intentionem Creatoris adversus propriam suam virgineam naturam, ita stimulante isto pomo comesto vetito, in quo erat incentivum luxuriæ. Quod postea probabo.

31. Præterea. Quomodocunque explicetur, membra genitalia obediunt fuisse ad nutum primis parentibus in paradyso, tamen in ipsâ commixtione nequit vitari turpitudine, & defloratio Euæ Virginis: Ergo præter intentionem DEI, qui est amicus Virginitatis, talis commixtio in naturâ humanâ esset etiam in Paradyso, ob solam turpitudinem, & perditionem Virginitatis.

32. Præterea. D. Thomas in 3. p. q. 28. & q. 15. & q. 31. passim usurpat hanc maximam. *Quicunq; procedit ab Adam, ut à principio activo; ille est conceptus in peccato originali;* à quo nec CHRISTVM audent eximere, si ita conceptus fuisset, non de Virgine, sed de muliere, & Adamo ut principio activo: Ergo Adam nullo modo debuit esse principium activum respectu prolis humanæ, etiam in Paradyso, sine concupiscentiâ vllâ; alias induceret etiam in statu innocentie originalem noxam, & turpitudinem in prolem. Et ita commixtio etiam sine vllâ concupiscentiâ, tollit statum

lit statum innocentiaē ē diametro, de mente D. Thomæ; & consequenter, nec in Paradyso ex intentione DEI esse potuit.

33. Insuper. Idem euincunt pœnæ, à Creatore post esum pomum vetitum, primis parentibus impositæ, quæ omnes, cum sint in brutis, arguunt ideò hominem ad pœnas istas Brutis vernaculas damnatum, imò & ad peiores; quia brutaliter propagare naturam humanam, æstu libidinis, à pomo vetito comesto exortæ percitus, vnâ cum pruriente eadem concupiscentiâ, foeminam aggressus est. Hinc vir damnatus ad quærendum victum de terrâ, proptèr eius peccatum maledictâ, cum sudore & laboribus; Mulier, ad dolores partus, Menstrua, quæ Bruta non patiuntur, subiectionem respectu viri, qui aliquando indiscretus, vel Zelotypus, tyrannidem in eam exercet; & ambo denique ad tribulos & spinas, id est, morbos pungentes naturam, & tandem ad mortem. Quæ omnia illis euenisse præter intentionem DEI, qui illos felices & æternum victuros creauerat, ideò, quia & ipsi intentionem DEI peruerterunt, commiscendo se carnaliter, nemo, vt credo, dubitabit. Hinc infero corollarie

34. Quòd licet D. August: lib: 9. de Gen: ad literam Cap: 4. videatur sentire, quòd primi parentes in Paradyso non coierint: *Quia* (inquit) *debuerunt expectare Diuinam auctoritatem, ubi concupiscentia non angebat: Tamen colligitur ex textu S. Scripturæ Gen: 3. quòd vrgente concupiscentiâ, ex manso pomò vetito, quòd fuit inebriatium luxuriæ, & ideò eis prohibitum, ortâ, foeditatem stupri, & turpitudinem copulæ compleuerint, in Paradyso. Tum quia, adhuc in Paradyso Adam mutauit nomen vxoris; quam enim ab initio creationis vocauerat Viraginem, iam post foeditatem vocauit Euam, id est, Matrem cunctorum viuientium, non videtur autem cur debuerit mutari in nomine, si non fuisset mutata in naturâ virgineâ. Tum quia, consuerunt folia ficus, & fecerunt sibi perizomata, ne scilicet apparerent in eis signa corruptæ virginitatis. Nec huic coniecturæ, ille textus est contrarius, qui dicit: quòd post eiectionem è Paradyso, Adam vxorem suam cognouit. Quia castissimus textus S. Scripturæ, à Spiritu Sancto Moyfi dictatus, noluit meminisse stupri in Paradyso quod vetuerat, & solum meminit actus matrimonialis iam permissi, in quo post lapsum dispensauerat, in ordine ad generandam prolem, corruptam quidem, sed tandem per Mediatorem CHRISTVM reparandam: vndè & subditur de Euâ tunc cognitâ matrimonialiter, & licite: *Quæ concepit & peperit Cain.* Ille autem coitus nefarius, nequiuit habere comitem conceptum, ob rationes infra dandas. Hæc de Adamo, præter intentionem Creatoris facto patre nostro. Restat resoluendum & de Euâ, qualiter & ipsa præter intentionem DEI facta est Mater nostra, admittendo coitum Brutalem, quod fieri noluit optimus Creator. Vndè demonstrandum est, qualiter Eua Mater fuisset sinè tali coitu. Et Obiectiones contra resolutionem vtramque militantes, tunc demum soluentur. Sit igitur sub tali titulo per viam affirmationis.*

RESO.

R E S O L V T I O Q V A R T A.

Sola Eua Virgo, intenta fuit à DEO
in primam Matrem Generis Humani, accepti
pro solis Prædestinatis, quos ipsa concipere debuit de
Spiritu Sancto, saluâ virginitate, si de pomo vetito
non edisset: & idem de aliis Virginibus prædesti-
natis sit iudicium.

Cum Omnipotens Creator, post omnia sex dierum opera, &
etiam post ipsum hominem creatum extra Paradysum, Euam
in Paradyso, de costâ ex latere Viri translata in Paradysum
sumptâ, in Paradyso non formauerit, sed ædificauerit: subli-
me quoddam mysterium in Euâ, & per Euam gerendum, innuere voluit,
& non aliud certè, nisi hoc, quod præfert Resolutio nostra: Vt scilicet es-
set hominum æternaliter viuentium prima Mater, saluâ Virginitate suâ con-
cipiendo prolem, ex obumbratione Spiritus Sancti, eandemque per nouem
mensium tempus in vtero suo vsque ad iustam infantis maturitatem, ex
vtero tandem, potius ad vitam æternam sinè dolore & apertione vteri
omniò clausi funderet pariendo, quàm eniteretur parturiendo. Suadet
hoc difficilis ille locus Sacræ Scripturæ, Genesi. 2. circa quem enodandum
desudat D. August: lib: 6. de Gen: ad literam cap: 4. 5. & 6. Vbi tex-
tus sacer hæc habet genuina verba. **COMPLEVITQVE DEVS** Die se-
ptimo opus suum quod fecerat, & requieuit die septimo ab vniuerso opere, quod
pararat; benedixitq; diei septimo, & sanctificauit illum, quia in ipso cessauerat ab
omni opere suo, quod creauit **DEVS** ut faceret. Tunc quæro. Quid hoc si-
bi vult? Compleuit **DEVS** opus suum, requieuit ab vniuerso opere, cessa-
uit ab omni opere, quod creauit, & tamen subiungitur verbum, ut face-
ret. Si compleuit, si requieuit, si cessauit, quid rursus post requiem face-
ret? D. August: vbi supra cap: 5. dubitatiuè quidem, sed tamen resoluit
istud verbum ly ut faceret, de die septimo intelligendum esse. Verba eius
sunt. *Aut non creauit DEVS septimum diem; aut aliquid creauit post illos sex
dies, id est, ipsum diem septimum?* Sit ita. Quia ut ibidem D. August: do-
cet. *Et iste quoque dies creatus est, cum habuerit mane, licet non habuerit ve-
spere: Non enim censendum est quod DEVS nihil egerit die septimo, sed quod
aliquid egerit, & postea quieuit, quia adhuc ita creauerat, ut faceret. Fecit er-
go di-*

gō diem septimum, diem quietis suæ. Hæc D. August. Sed pace saluâ tanti Doctoris, ista expositio non videtur euacuare punctum difficultatis, latens in hoc Verbo; Cessauit ab omni opere, quod creauit *DEVS*, vt faceret. Licet enim fecerit diem septimum, diem quietis suæ, tamen non antè factum diem septimum cessauit, vt faceret, sed post factum illum diem, quia apertè dicit Scriptura. Requieuit die septimo, nempe facto ipso die septimo, & tamen ita quieuit, vt adhuc faceret. Manet igitur in integro quæstio; Quid adhuc *DEVS* post diem istum septimum suæ quieti factum & destinatum, faceret? Cogit me nimium audere Imaginis Diuinæ iam sexto die factæ dignitas, quæ Imago *DEI* subsistens, homo erat sexto die de terrâ conditus: Et dicere; Quod nihil aliud restabat faciendum supremo Creatori, post diem septimum suæ quietis factum, nisi dies octauus, symbolizans æternitatem, seu æternam quietem & felicitatem Imaginis Diuinæ, quo ex Euâ Virgine, eo ipso die octauo conditâ, nasci debuimus per obumbrationem Spiritus Sancti ad vitam immortalem. Decebat enim, vt dici quietis Diuinæ, qui vltimus est dierum, non habens Vesperam, succederet dies quietis Imaginis *DEI* iam creatæ, quæ respectu diei Diuinæ octaua esset, respectu verò Imaginis *DEI* creatæ, prima, sed ex munificentia Creatoris, se Imagini suæ, æternum communicare disponentis, nunquam sequentem habitura; quæ si succederet, vicissitudinis & temporaneitatis potius esset Symbolum, quàm æternitatis. Hinc igitur hac ipsâ octauâ die disposuerat *DEVS* vt Euam faceret, ex quâ æternum victuri nasceremur, idque ex costâ lateris *ADÆ*, soporati per immissum à *DEO* soporem, qui sopor secundum Glossam in 2. Genes. fuit extasis, ad hoc à *DEO* immissa, vt mens *ADÆ*, intrans Sanctuarium *DEI*, nouissima intelligeret, particeps Angelicæ curiæ. Non alia certè nouissima, (vt ego suppono) nisi æternitatem, vt ita de Adamo æternitatem speculante, in extasi illâ æternâ, Eua æternitati prolem humanam paritura, educeretur. Hoc igitur est quod *DEVS* post requiem suam decreuerat facere, de quo & facer textus, nullâ diei alicuius ex septem præmissis factâ mentione, subiunxit hæc sequentia, Gen: 2. *Adæ verò non inueniebatur adiutor similis eius, immisitq; Dominus DEVS soporem in Adam, tulit vnâ de costis eius, & repleuit carnem pro eâ, & edificauit costam, quam tulerat de Adam in Mulierem.* Quod totum clarè constat factum esse non sexto die, nec septimo certè, qui dies quietis esse supponitur; atquè ita ad diem quietis Diuinæ, quasi accedente & adiunctâ octauâ die, quæ respectu nostri prima dierum est, nempe nostræ æternitati dans principium, per Eux Virginis, æternum victuræ prolis æternæ Matris, ædificationem.

2. Vndè pro meliori claritate hætenus dictorum, hunc accipe ordinem. In sexto die, formauit *DEVS* Adamum de terra, in campo Damasceno, vt plurimorum SS. Patrum vult autoritas. In septimo, requieuit, eâ tamen lege, vt adhuc faceret. In octauo, transtulit Adamum de terrâ in Paradysum, in figuram translationis humanæ naturæ postea futura per

ra per C
riam,
similiter
sumptâ co
mentum
prædestina
Sancti, f
stea, cum
humanum
carnalem,
ginis Mar
serpentis in
gineam E
obumbrati
humanæ p
Diuinitati
quod (vt
cem) pro
quæ est Im
sentiente,
brielem est
propterea
exercitio, &
Patrum sen
cordis Eux
ctam à Spi
guam, quæ
que in initia
ctiue; vbi
sanguinis E
post nouem
Virginitate
DEVS in
na Spiritus
3. E
duum, quo
gloriam, cu
quasi iterum
erexit, & re
sepulchro pro
pendentes
Virginali.
culis in die S

RESOLVTIO QVARTA,

53

re per CHRISTVM glorificatorem, de Paradyso terrestri in celestem gloriam, Vtque electi alij ab Adamo nascerentur, postea per CHRISTVM similiter in coelum transferendi, eodem octauo die de latere extatici Adæ sumptâ costâ, ædificauit eam in mulierem, quam destinauit fore fundamentum noui ædificij ciuitatis supernæ Hierusalem, per propagationem prædestinatorum, intercedente imprægnatione per obumbrationem Spiritus Sancti, saluâ Virginitate concipientis & parientis Eux. Sicut enim postea, cum venit plenitudo temporis, quo DEVS reparare proposuit genus humanum collapsum per alienam ab intentione Creatoris propagationem carnalem, Spiritus Sanctus suscitauit humanitatem Christi, in utero Virginis Mariæ, de sanguine eius purissimo; ita ab initio statim, si callidum serpentis infernalis, de manducando pomo vetito, luxuriæ in naturam Virgineam Eux inductiuo, consilium spreuisset, idem Spiritus Sanctus suâ obumbratione, in sanguine arteriali purissimo Virginis Eux, conceptionem humanæ proles causasset, erigendo in istâ prole sic conceptâ simulachrum Diuinitatis, cum omnibus suis charismatibus, stante illâ Virginitate, ita quod (vt aliquantulum clarius hunc modum quo Eua tunc concepisset explicem) produceret Spiritus Sanctus simulachrum Diuinitatis, siue Mentem, quæ est Imago DEI, in sanguine arteriali cordis Eux, ipsâ nedum consentiente, (ideò enim & à Beatâ VIRGINE consensus per Angelum Gabrielem est postulatus) sed etiam ardentem cum summâ deuotione (forte propterea sexui isti ex dono creationis superadditâ, in cuius actu & pio exercitio, & ipsa B. VIRGO ab Angelo salutata est, iuxta omnium SS. Patrum sententiam) id desiderante: Mens autem sic in sanguine arteriali cordis Eux concepta, eodem instanti temporis sigillaret materiam collectam à Spiritu Sancto, efformando in eâ speciem humanam, licet exiguum, quæ mox penetrando dimensiones, à corde transiret in vterum, sicque in instanti conceptio proles humanæ in utero Eux compleretur perfectiue; vbi incrementum & maturitatem, ab Archeo humano, in massâ sanguinis Eux collecti, in corde simul cum mente concreato, sumeret, & post nouem menses, tandem clauso utero, sine omni dolore, & saluâ Virginitate matris, nasceretur: sicut postea de facto conceptus est homo DEVS in corde Virginis inchoatiue, & simul (nescit enim tarda mollimina Spiritus Sancti operatio) in utero completiue.

3. Et confirmat hanc de Eux formatione die octauo sententiam, triduum, quod CHRISTVS obseruauit in nostrâ reparatione ad æternam gloriam, cum resurrexit æternum victurus. Sexto enim die, Hominem quasi iterum creauit, dum eum intercedente passione suâ & morte, à lapsu erexit, & reparauit: Septimo die, quieuit. Octauo tandem die, clauso sepulchro prodijt ad vitam, verus & iam æternum victurus homo. Quod perpendentes SS. Patres, Sepulchrum CHRISTI comparant cum utero Virginali. Pro quo accipe Sanctum Bernardum Serm: de Septem signaculis in die S. Pæschæ, sic inquentem. *Constat proinde, clauso exisse tumulo redi-*

lo redituum corpus, quod clauso utero VIRGINIS, natum processit in vitam. Ex quo sanè datur intelligi, quòd si non comedissent illi primi homines pomum incentiuum luxuriæ, ex Eua utero, quæ est opus octauæ dici, ita prodijssimus ad vitam æternam, per diem octauam symbolizatam, sicut, CHRISTVS nos reparans prodijt, die octauo ex sepulchro clauso, tanquam ex utero Virgineo mystico, æternum iam victurus, nec amplius moriturus. Accinit & D. Ambrosius, cuius pulcherrimum conceptum do ad propositum Serm: 56. *Corpus Domini custodiuit Iosephi tumulus incorruptum, sicut seruauit MARIE VIRGINIS uterus illibatum: Hic enim viri pollutione non tangitur, ibi mortis corruptione non leditur; Vbiq; beato corpori defertur Sanctitas, ubiq; Virginitas, nouus illud venter concipit, nouus tumulus includit. Dominica ergò & Virgo vulua, & Virgo est sepultura. Quin potius ipsam sepulturam vuluam dixerim; est enim similitudo non parua. Sicut enim Dominus de matris vuluâ viuus exiit, ita & de Iosephi sepulturâ viuus surrexit.* Hæc D. Ambrosius.

4. Præbet etiam nobis ad hanc Resolutionem tutò & piè amplectendam viam, Humanitas CHRISTI, de VIRGINE MARIA & de Spiritu Sancto concepta, ita tamen quòd Spiritus Sanctus nullo modo sit Pater humanitatis CHRISTI, cum CHRISTVS quatenus homo careat Patre, cò quòd materialis conceptio illius, ex solâ Matre Virgine sumpta sit. Quarè si CHRISTI veri hominis generatio temporalis processit absque Patre de solâ Virgine Matre, cùr nobis piè contemplari non liceat, eodem prorsus Diuino modo obumbrationis Spiritus Sancti, de Eua Virgine, nostram generationem, qui DEI imago vera sumus, stabiliendam fuisse ex destinatione DEI, nisi eam Adam peruertisset? Cùm enim CHRISTVS reparator & restaurator nostræ naturæ corruptæ, eam de facto tali conceptu suo reparauerit, & (quod magis vrget) carnem hanc quam de Virgine per obumbrationem Spiritus Sancti accepit, in cibum, & sanguinem in potum, Eucharistiam instituendo, nobis dederit, & sub comminatione terribili perditionis æternæ illis verbis Ioan: 6. *Nisi manducaueritis carnem Filij hominis, & biberitis eius sanguinem, non habebitis vitam in vobis,* manducanda bibendaque hæc mysteria præceperit, manifestè sequitur, quòd hoc nobis CHRISTVS secundus Adam, restituerit, quòd primus ille Adam abstulerat, scilicet carnem Virgineam; vt ita virginæ eius carni communicantes, Adamicum & belluinum, coelo & salutis æternæ penitus ineptum, exuamus hominem, & induamus IESVM CHRISTVM, florem omnis Virginitatis, de Virgine conceptum; secundum quòd igitur fuit naturæ humanæ corruptio, secundum idem facta est & reparatio, quia vt dicit Albertus Magnus super missus est, q. 1. *DEVS modo perditionis, modo liberationis directè obuiavit, & quod prima Eua abstulit, hoc VIRGO MARIA almo germine reddidit, vt canit Ecclesia.* Atqui Eua secunda, conceptam prolem de Spiritu Sancto, illibatâ cum Virginitate protulit pro mundi vitâ, dicente CHRISTO Ioan. 6. *Caro mea est pro mundi vitâ;* Ergò & prima

Eua

Eua talem
curam libidi

5. I
ctos redem
gregem populi
statim, quo
eius est, &
Virgines? Q
ni Cap: 21
charistia Eco
ciarum, &
bonum salutis
scit, (hoc v
clesia sordet
est, vt doce
quia membra
nâ & conc
traria inte
& rugâ, ta
Virginitas ge
ab isto, Virg
idem caput
ni, multipli
dicas. Ita
Quia decem
per incarna
ligatur hæc
6. Q
143. quæ
Et respond
que facta su
primi homin
initium vita
vt natura
rum. Et
grauius def
rore, gemit
hoc sibi acc
Hinc est, q
partus, inui
gressu ambul
liter addicta
rei puritatem

Eua talem ex destinatione DEI proferre debuerat, si à pomo vetito naturam libidinosè fermentante abstinuisset.

5. Huc spectat dictum Prophetæ de CHRISTO tunc futuro, & electos redempturo, Zachariæ 9. *Et saluabit eos DEVS eorum in die illâ, ut gregem populi sui, quasi lapides sancti eleuabuntur super terram eius.* Et subdit statim, quomodo saluabit, & per quid eleuabuntur, dicens. *Quid enim bonum eius est, & quid pulchrum eius, nisi frumentum electorum, & vinum germinans Virgines?* Quæ verba explicans S. Paschasius lib: de corp: & sang: Domini Cap: 21. *Magnum (inquit) bonum & summe benedictionis arcanum in Eucharistiâ Ecclesiæ CHRISTI preparatur, ubi CHRISTVS est conuiuia deliciarum, & conuiuium. Vbi notandum, quod non nisi electorum est cibus, ex quo bonum salutis Ecclesiæ, & pulchritudo decoris præstatur, quia etsi quotidie sordescit, (hoc verbum pondera pie Lector, non enim videtur, quod tota Ecclesia sordescat quotidie coram DEO, quasi continuo peccans, Sancta enim est, ut docet articulus fidei, sed solum sordescere dicitur coram DEO, quia membra eius in hoc sæculo generant & generantur, mediante belluina & concupiscente propagatione, quæ sordet coram DEO, ut potè contraria intentioni eius) exinde reparatur, ut sponsa CHRISTI, sine maculâ & rugâ, talibus inueniatur respersa muneribus. Felix fructus ubertatis, ex quo Virginitas germinatur; Nam in hoc nostri germinis vino, castitas corrumpitur, & ab isto, Virgines procreantur. Quid pulchrius? Hoc & noster Lyranus in idem caput Zachariæ tradidit, dicens. *Sanguis CHRISTI, sub specie vini, multiplicat Virgines in Ecclesia, sequentes in vestigia CHRISTI.* Neque dicas. Ita moraliter vel allegoricè à SS Patribus dici. Non dicas inquam. Quia decens est Diuinæ misericordiæ, in nostrâ restauratione manifestatæ per incarnationem CHRISTI de VIRGINE, ut etiam literaliter intelligatur hæc Prophetia, modo iam declarato.*

6. Confirmatur etiam ista doctrina à D. Chrysologo, qui Sermone 143. quærit. *Quæ nascendi necessitas DEO, cui suppetat faciendi potestas? Quæ?* Et respondet. *Ut ipsam naturam nascendo resciceret, quam fecerat operando, quia quæ facta fuerat ut generaret ad vitam, ipsa generabat ad mortem. Per peccatum primi hominis natura lethale vulnus accepit, & capit esse origo mortis, quæ erat initium vite; hoc est ergo negotium natiuitatis, quod nasci compulit CHRISTVM, ut naturæ curam natiuitas daret authoris, & naturæ curatio, esset viuificatio filiorum.* Et Serm: 87. *Pascebatur (inquit) sterilitate natura, ne ipsâ fecunditate grauius desæuaret, fletus potius editura, quam pignora, quæ utiq; lachrymis, mœrore, gemitu, tanto tempore suum quærebat & interpellabat authorem, intelligens hoc sibi accidisse per culpam, non esse ab authore piissimo institutum cum crearetur. Hinc est, quod Dominus conditor ipse naturæ, viam Virginei conceptus, Virginei partus, inuisibili vestigio & ignoto calle pertransit, & iter humani ortus Diuino gressu ambulat non humano, ut nascendo ipsam naturam à seruitute mortis, cui taliter addicta fuerat primitus, liberaret, & fonte purgato, supernam viuulis redderet puritatem.* Quæ sanè D. Chrysologi dicta, palam testantur, quod CHRI.

STVS sumens carnem de Virgine, nostram originem corruptam reformavit, & nos in carne belluinâ, bestiali modo conceptos & natos, carne suâ virgineâ nobis in cibum datâ, in Virgines, per communionem Eucharisticam cum suâ carne, transformavit participatiuè in eandem carnem, prout ab initio secundum intentum **DEI** esse debuerat. Si namquè Adam per stuprum **Eux** ad propagationem prolis humanæ se non immiscuisset, sola **Eua** Virgo prima mater nostra eo modo fuisset, quo **B. V. MARIA** Mater humanitatis **CHRISTI** extitit. Nec opponas. Quòd nasci de Virgine, solius **CHRISTI** fuerit priuilegium, qui cum **DEVS** simul & homo fuerit, non decuit eius Humanitatem concipi, nisi de substantiâ Virginis, & de Spiritu Sancto. Non opponas inquam. Quia **CHRISTVS** non quâ **DEVS** præcisè conceptus est de Virgine, sed quâ homo verus. Placuit autem **SS. Trinitati**, vt hominis istius sic concepti dependentia, terminaretur ad personam Verbi, vt simul esset **DEVS** homo, quia ei placuit, nedum restaurare hominem in pristinam excellentiam, sed & simul euehere ad consortium Diuinæ naturæ, sicut adhuc fuisset, quamuis Adam non peccasset. Quod simul dignatus est facere **DEVS**, in maiorem apostatæ Angeli confusionem. Licet igitur modò stante ruinâ naturæ, solius **DEI** hominis sit de facto istud priuilegium speciale, quòd sit conceptus de Virgine; tamen in illo statu innocentie, hoc fuisset omnibus electis commune, & **CHRISTVS** tunc incarnatus, nihil ex hac parte speciale habuisset: Ex aliâ tamen parte, scilicet ex vnione hypostaticâ cum naturâ humanâ de Virgine conceptâ, haberet maximam inter omnes electos specialitatem, quia hac vnione hypostaticâ cum nostrâ naturâ, esset omnium prædestinatorum glorificator, quod nulli alteri in illo statu, nisi soli **CHRISTO** vt capiti, competere potuit.

7. Præterea. Adduco pro istâ Resolutione, **D. Augustini** acumen, **Serm: 16. de Tempore**, ita in Natali Domini differentis. Grande nobis mysterium Diuina maiestas in **Adæ** figurâ præmisit. Sicut enim **DEVS** noster cum primum **Adam** facere vellet, non ex coniunctione viri ac mulieris hominem vt esset, effecit, sed accipiens terram, inde hominem Diuinâ quâdam arte formauit; ita sine viri coniunctione, **DEVM** in **VIRGINALI** aluo incorporari dispensauit. Tunc licebit sic inferre. Si digitus **DEI**, id est, Spiritus Sanctus, **Adamum** de terrâ Virgine formauit; cùm de sanguine arteriali purissimo Virginis **Eux**, filios in humanâ naturâ formare non debuit, absque coniunctione viri cum ea? & maximè cùm id naturæ humanæ in illo felici statu conuenientius, & imaginî Diuinæ, quæ homo est, necessarium fuerit, vt Resolutione præcedenti aliquatitè ostensum est. Sed prosequamur acumen **D. Augustini**, cuius hæc est illatio. Ergò si tunc licuit hominem sine homine nasci, cur non licuit hominem sine homine per **MARIAM VIRGINEM** (ego à paritate omnimodâ addo) per **Euam Virginem**, procreari? Et paucis interiectis subdit. Ibi tunc flatus **DEI** de terrâ, viuum hominem surgere fecit ad vitam; hîc mundum Spiritus Sanctus de **MARIA VIRGINE CHRISTVM** hominem
figura-

RESOLVTIO QVARTA.

39

figurauit, in quo *DEVS* ad reparationem hominis habitaret: Adam enim ibi tunc nascitur, hic renouatur, & resuscitatur in *CHRISTO*. Et concludit. Fuit similis reparatio, quomodò fuit & hominis creatio. Tunc ego sic pauca appono. Homo est creatus de terrâ Virgine, reparatus de *MARIA VIRGINE*; Ergò & propagandus fuit ex Euâ Virgine, si debeat respondere reparatio hominis, corruptioni eiusdem Originali; nisi enim originaliter corruptus fuisset, reparatione ex Virgine non indiguisset, sed solum glorificatione.

8. Præterea. Inter omnes Creaturas quibus benedixit *DEVS* illis verbis Gen: 1. *Crescite & multiplicamini &c.* Homo est dignissima creatura propagabilis per generationem; Ergò propagatio eius debuit esse nobilissimus effectus generationis post Diuinam generationem nobilissimæ; Sed post generationem Diuinam non videtur esse alia nobilior istâ, de quâ loquitur Resolutio præsens; quia est symbolum expressissimum generationis æternæ, ex quo est vnus de vnâ Matre, sicut illa est vnus de vno Patre; Ergò talis esse debuit, si Adam non peruertisset eam.

9. Præterea. Ex Patre se solo in creatis, nequit haberi effectus propagationis. Tum quia (secundum Aristotelem) *Masculus est, qui generat in alio.* Tum quia, non esset ratio, quare potius diceretur Pater quàm Mater, si generaret prolem, propagando eam in seipso. Tum quia, in Viro nec est locus conceptionis, nec formationis, nec nutritionis prolis, nec etiam potest fieri, vt vir subito in se formet prolem, quæ nullibi sit recepta, quia ad hoc requiritur virtus infinita generandi, sicut est de facto in Patre coelesti, quæ in nullâ creaturâ est possibilis, etiam per *DEI* potentiam absolutam. Ast è contra, bene potest esse ex solâ matre. Tum quia de facto talis propagationis nobilissimæ, est iam effectus nobilissimus *CHRISTVS* Dominus, docente id fide, in illo Articulo; Natus ex *MARIA VIRGINE*; Tum quia secundum Doctorem Subtilem in 3. Dist: 4. q. Vnicâ s. Sed hic est dubium &c. etiam modò in isto statu pœnali, Matres immediatè agunt ad terminum generationis prolis humanæ, quia (verbis Doct: Subtilis vtat) *posito semine, quomodocunq; alterato in ordine ad generationem, si DEVS per suam potentiam absolutam illud poneret extra matrem, non fieret generatio, ob defectum actionis matris.* Ex quo infert. Quòd non videtur multum inconueniens, attribuire totam actionem matri respectu prolis. Et dat rationem, quòd hoc non sit inconueniens *Quia* (inquit) *factâ decisione seminis Patris, tota sequens formatio usq; ad partum, videtur principalitèr sequi conditiones Matris.* Ergò cum penes solam Matrem sit immediata actio respectu prolis producendæ, etiam modò post lapsum, secundum Doctorem Subtilem; & possibile sit solam Matrem generare, non verò solum Patrem Creatum; Cùm Virgo Eua nequiuert esse Mater nostra prima in statu innocentie, stante illæsa Virginitate, concipiendo imaginem *DEI* de Spiritu Sancto? non video.

10. Præterea. Ad perfectissimam generationem secundum naturam,

K 2

scilicet

scilicet passiuam, sequitur perfectissima generatio secundum naturam, scilicet actiua. Patet hoc. Quia si effectus generationis est perfectissimus in naturâ, etiam & generatio eius perfecta est: Sed perfectior est generatio naturalis, vnius de vno, quam vnius de duobus, Ergo in istâ generatione humanâ perfectissimâ inter creatas generationes, debuit esse vnius de vno, Sed non de Patre absque matre, vt ostensum est, Ergo de solâ Matre; Sed perfectior & nobilior est maternitas cum incorruptione, quam cum corruptione, quod est ad propositum nostræ Resolutionis, Ergo sic debuit generari homo, secundum primæuam intentionem DEI. Confirmatur ex D. Thoma 3. p. q. 31. A. 5. ad 1. & q. 28. A. 2. in quibus locis vult S. Doctor, CHRISTVM qui venerat corrupta reparare & purgare, nullam debuisse Matri suæ corruptionem inferre, ac proindè de Virgine Matre eum nasci oportuisse; Sed etiam electos in illâ innocentiz incorruptione, non decuit nasci cum Matrum suarum corruptione, Ergo ex intentione DEI, nati fuissent in illo statu de Matribus incorruptis, in Virginitate concipientibus, & parientibus. Sanctus etiam Chrysostomus Tom. 6. hom. de Ieiun. & Eleem. accinit dicens. *In Paradyso erat virginitas, & à Dracone corrupta est; propterea medijs temporibus non apparebat: Cum autem venit is qui ex virgine natus est IESVS CHRISTVS DEI Filius, tunc rursus apparuit.*

12. Præterea. Albertus Magnus super Missus est, loquens de B. Virgine, & declarans quod sit Mater & Virgo, sic discurret. *Quidquid est in arte exemplari Diuinâ, totum debet esse declaratum & exemplatum, in exemplo creato, Ergo & generatio Diuina aliquod debet habere exemplum in naturâ: Sed in Diuinâ generatione vnus de vno est, sine corruptione & commixtione, Ergo & in generatione B. MARIÆ respectu CHRISTI, vnus de vnâ esse debuit, sine corruptione & commixtione.* Sed eadem ratio pro naturâ nostrâ innocente & pro quolibet electo quadrat, Ergo hæc in statu illo innocentiz de Matre Virgine propagari debuerat, vt sola talis imaginis DEI generatio, inter omnes aliarum creaturarum generationes, Diuinam exemplaret generationem. Addit Albertus quasi pro confirmatione suæ rationis. *Quod prima dignitas in Diuinis est, à quo alius per generationem.* Et dicit; *Quod hæc dignitas est communicabilis creaturis.* Sed (ego infero) nulli commodius & congruentius quam Imagini DEI, Ergo sicut solus Pater in Diuinis est à quo alius, ita sola Mater Virgo in humanis esse debuit à quo alius, cum Pater in creatis à quo solo sit alius, esse non possit.

13. Præterea. Sententia est Theologorum & præsertim D. Thomæ 3. p. q. 1. A. 3. ad 3. *Quod capacitas humanæ nature, secundum ordinem potentie naturalis, à DEO semper impletur.* Sed natura humana, quatenus à DEO in innocentia instituta, capax fuit istius perfectionis, vt ita propagaretur in illo statu, sicut fuit propagata à Virgine Matre in CHRISTO; Ergo in quolibet electo ordinariè DEVS hanc eius capacitatem similiter impleuisset, vt propagata foret à solâ Matre Virgine.

RESOLVTIO QVARTA.

41

14. Præterea. Ex doctrinâ præclarissimorum in Ecclesiâ Theologorum, sequitur nostrum propositum, qui docent. Quod CHRISTO concepto de Spiritu Sancto ex MARIA VIRGINE, iure ipso naturalis conceptionis, quatenus Spiritus Sancti virtute ex Virgine genitus est, compete-
bat, adeo ab omni culpâ immunem ac liberum esse, ut si per impossibile unio hypostatica non redderet eum ab omni culpâ liberum, adhuc ipsa conceptionis eius ratio, redderet eum talem. Sed DEVS quemlibet electum voluit ab æterno concipi & nasci, tali conceptionis modo, qui eum faceret ab omni culpâ immunem; & iste modus conceptionis non videtur esse alius, nisi iste de Virgine & Spiritu Sancto; Ergo iste est modus nostræ propagationis intentus à DEO, quem Adam, cum Euâ peruerterunt.

15. Adde. Quod si CHRISTVS quatenus purus homo, etiam ut præscindens ab hypostaticâ ynione, eo ipso quod ex Virgine natus est, ab omni culpâ immunis fuit; prout D. Thomas in varijs locis suæ doctrinæ determinat, sed præsertim 3. p. q. 34. A. 1. ad 2. dicens. Ille solus natus est veraciter Sanctus, qui ex commitione copule carnalis conceptus non est. Ergo cum in illo felici statu innocentie, soli electi nati fuissent, secundum Doctorem Subtilem in 2. Dist. 20. q. 2. oportuit eos nasci ad hoc, ut Sancti & iusti nascerentur, ex Virgine Matre, cum ista sit causa præcisâ, quod quis nascatur iustus & Sanctus.

16. Præterea. D. Thomas 3. p. q. 31. A. 4. ad 3. sic arguit. A CHRISTO omnis debuit abesse immunditia, Ergo non debuit concipi de femina concipiente cum carnis libidine. Et q. 28. A. 1. Non fuit (inquit) conueniens, CHRISTVM Matris honorem nascendo diminueret. Et eadem quæst. A. 3. Læso Virginitatis DEIPARÆ post partum, & derogat dignitati CHRISTI, quem decuit esse unigenitum Matris, tanquam perfectissimum germen eius, & iniuriam facit Spiritui Sancto, cuius sacrarium fuit vterus Virginalis. Sed ista S. Thomæ dicta, æquè militant pro electis in statu innocentie generandis, ac pro CHRISTO ipsorum capite, quia homo est; quia etiam ab unoquoque electo, ceu à verâ & subsistente imagine DEI, debuit abesse omnis immunditia, nec erat conueniens eos honorem Matrum suarum nascendo diminueret, transferendo eas de statu Virgineo in non Virgineum; Et ita læsio ista Virginitatis in Matribus post partum, derogaret dignitati electorum, quia si nati fuissent ex non Virginibus Matribus, ipso facto non fuissent innocentes & iusti, sed noxii Matribus & iniusti: Sicut derogasset & ipsius CHRISTI dignitati, qui (ex Sententia D. Thomæ) si fuisset natus de muliere, non fuisset iustus; Ergo oportebat omnino unumquemque electum, nasci ex Virgine Matre, & Spiritu Sancto, ad hoc, ut nasceretur iustus, & ad intentionem DEI, qui omnes electos, iustos nasci voluit ad vitam immortalem.

17. Præterea. Sap: 6. dicitur. Incorruptio facit esse proximum DEO; Sed homo inter omnes creaturas generabiles seu propagabiles, est proximus DEO, ratione DEI, quæ est ipsi intima ex dono creationis, Ergo

L

salua

14. Pra

saluâ incorruptione Matris, propagari debuit, si DEO proximum ob incorruptionem nasci cum oportuit. Aliàs si Mater concipiens & pariens Filium, fieret corrupta, etiam natura Filij, procedens ex Matre, esset corrupta, & ita non proxima DEO, cum nemo dat quod non habet, iuxta vulgò receptum prouerbum.

18. Insuper, ex parte Spiritus Sancti id videtur posse probari sic. Gen: 2. dicitur. *Formauit igitur Dominus DEVS hominem de limo terræ, & inspirauit in faciem eius Spiraculum vitæ, & factus est homo in animam uiuentem.* Et Eccl: 18. *Qui uiuit in eternum, creauit omnia simul.* Tunc ex his duobus Scripturæ locis, sic ad propositum argumentari licebit. Si præmonuero prius, Lectorem, quòd ly simul, hic non accipitur collectivè quasi vnico instanti omnia sex dierum opera Deus creauerit; aliàs Sapiens contradiceret Moyfi; sed distributivè, pro generibus singulorum, vt sit sensus: Vnamquamque rem in specie, quam creauit DEVS, creauit eam simul; id est non procedendo ab imperfecto ad perfectum, sed statim in primo instanti, suum quodlibet opus faciendo perfectissimum. Iuxta illud Moyfi, Deut: 32. *DEI perfecta sunt opera.* Ita igitur arguo. Ad hoc vt homo esset creatura & opus DEI, omninò debuit creari simul, id est, statim in primo instanti sui esse, totus & perfectus, Ergò qui inspirauit in eum Spiraculum vitæ, idem cum formauit, & in animam uiuentem fecit, ita quòd in vnico instanti formatus & uiuificatus est, si DEI perfecta sunt opera: Sed uiuificatus est primus homo per Spiraculum vitæ; Spiraculum autem vitæ à nullâ ex personis Diuinis ita appropriatè videtur processisse, sicut à Spiritu Sancto, quem Ecclesia in Symbolo Nicæno appropriatè vocat, Dominum uiuificantem, Ergò idem Spiritus Sanctus hominem primum simul uiuificauit, & simul formauit, ita quòd formans uiuificauit, & uiuificans formauit: Sed si primus homo sic simul, cùm non deinceps alij, maximè cum Spiritus Sanctus nesciat ubique tarda molimina? non videtur ratio; nisi quia homo ille primus sic simul formatus, ad se rapuit & sibi vsurpauit deinceps propagationem sui generis, (persuasus ab illo qui rapinam arbitratus est esse se æqualem DEO, vt & ille rapinam arbitraretur esse se æqualem Spiritui Sancto Domino & uiuificanti) per quod propagationem nostram simultaneam, commutauit in temporaneam, cuius terminus ens imperfectum, caducum, & mortale; tritum est enim illud Aristotelis. *Embryo prius uiuit vitâ plantæ, deindè vitâ animalis, & tandem vitâ hominis.* Et illud Apostoli. *Non prius spiritale, sed prius animale, deindè spiritale;* ita quòd ordinariè quadraginta dies intercedant, inter nostram seminationem Adamicam, comitem conceptum habentem, & plenam animationem, Ergò si ista variatio propagationis nostræ, per hanc Adæ rapinam Spiritui Sancto irrogatam, non fuisset, solus Spiritus Sanctus noster uiuicator & formator simultaneus fuisset; Sed non iam de terrâ; quia alias iam non esset naturæ humanæ propagatio, sed potius creatio, quòd est contra Verbum DEI expressum, propagationem huma-

na natu-

RESOLVTIO QVARTA,

43

nae naturae intendentis, illo textu Gen: 1. *Crescite & multiplicamini &c.* Ergo de Euâ Virgine, ad hoc ex costâ Adæ productâ; quod est propositum nostrae Resolutionis.

19. Quod autem ad Spiritum Sanctum magis appropriatè pertineat formatio & viuificatio hominis simultanea, id est tota simul & perfecta, quàm ad alias duas Personas Diuinas; in quo solo est vis tota istius discursus, probo multipliciter. Tum quia, homo ad hoc creatus est, secundum doctrinam omnium Theologorum, ut Deo vniretur, & quidem duplici vnione, scilicet vnione naturae atomae, absque propriâ personalitate, ad personam Diuinam Verbi; & vnione naturae, suâ personalitate personatae, in vnoquoque electo ad essentiam Diuinam, mediante vnione beatificâ; Ergo Spiritui Sancto, qui est vnio Trinitatis, & nexus personarum Diuinarum, Patris scilicet & Filij, subsistens, appropriari debuit productio hominis cuiuslibet, tandem Deo hypostaticè in personâ CHRISTI, & beatificè, in Personis singulorum electorum vniendi. Tum quia, creatio Primi hominis, & eius propagatio, in hunc finem, ut Deo hac duplici vnione vniretur, destinata erat ex motiuo infinitae bonitatis, & charitatis Diuinae, eratque donum istud homini gratuitè collatum, maximum super omnia dona; Ergo in executione homo formandus & viuificandus relictus est Spiritui Sancto, appropriatè loquendo, qui solus inter personas Diuinas appropriatè est charitas, bonitas, & donum. Tum quia, Imaginem DEI, Deo simillimam nullus potuit efformare aptius & appropriatius, quàm ille, qui nouit exactè omnia quae sunt DEI; Sed solus Spiritus Sanctus hæc omnia exactè nouit; iuxta illud Apostoli, *Nemo nouit quae sunt DEI, nisi Spiritus DEI.* 1. Cor: 2. Ergo solus Spiritus Sanctus hominem, qui est vel saltem esse debuit, pura & exacta Imago DEI, ex vi suae productionis, producere semper debuit, loquendo appropriatè.

20. Tum tandem, ex doctrinâ Doctoris Subtilis in secundo, Dist: 1. q. 1. A. 2. id potest probari, vbi assignat duos ordines naturae in Diuinis, scilicet vnum instans naturae, in quo originantur Personae Diuinae secundum se: alterum instans naturae, in quo eadem Personae Diuinae originantur secundum quid, id est, secundum esse creaturarum à se producibilium, tam in esse secundum quid, quàm in esse simpliciter; ita quod prius naturâ intelliguntur Personae Diuinae simpliciter originatae, ita quod Pater sit à se, Filius à Patre, Spiritus Sanctus ab vtroque, quàm intelligantur, intelligere, velle, & creare creaturam aliquam cum eodem ordine, scilicet quod Pater intelligat, & velit, & creet à se, Filius à Patre, & Spiritus Sanctus ab vtroque. Verba Doct: Subtilis sunt ibi s. Quantum ad hoc igitur. *Et dico simpliciter, in Diuinis ordo naturae primus est; ita quod simpliciter procedendo, in primo instanti naturae, debet assignari totus primus ordo originis, & si in secundo instanti naturae assignetur ordo originis, non est primus ordo originis, sed secundus.* Ex quo vult habere Subtilis Doctor, quod non prius intelligitur in Deo respectus aliquis ad Creaturas, quàm praeintelligatur

DEVS in personis Trinus, vt ibi latè per totum secundum articulum probat. Tunc sic ad propositum. Secundum illud instans naturæ, immediate sequitur spirationem passiuam Spiritus Sancti, quia non prius intelligitur creatura à totâ Trinitate, quàm intelligatur in primo instanti naturæ, & tertio originis, originatus Spiritus Sanctus; Ergò quidquid originatur circa creaturas in Trinitate, originatur immediate post Spirationem Spiritus Sancti, Sed quod immediate intelligitur post originationem Spiritus Sancti, illud videtur magis appropriatè pertinere ad Spiritum Sanctum, quàm ad alias Personas, Ergò primum opus Trinitatis ad extra, scilicet CHRISTI Incarnatio, & cœtera omnia in CHRISTI Incarnandi gloriam ordinata, & maximè Homo, magis immediate & appropriatè pertinet ad Spiritum Sanctum, quàm ad alias Personas. Et sic intelligendum & explicandum censeo illud Sap. 1. *Spiritus Domini repleuit orbem terrarum.* Et. *Spiritus Domini ornauit cœlos;* Job. 26. Et. *Spiritu oris eius omnis virtus eorum;* Psal: 32. & multa talia. Quia ad Spiritum Sanctum ex eo capite ista appropriatè pertinere videntur, cum non prius intelligantur, quàm Spiritus Sanctus perficiat Spiratione sui passiuâ, tertium signum originis, primi instantis naturæ, siquidem tertium seu vltimum signum originis simpliciter, videtur esse primum originationis secundum quid, & ita quasi simultaneum, aut saltem immediate intellectum cum signo originationis Spiritus Sancti. Confirmatur hoc ex eodem Doctore in primo, Dist: 12. vbi docet, prout & hac dist: primâ secundi, q. primâ, in Solut: tertij Principalis; repetit. Quod illud (verba sunt eius) *quod est principium actuum ordinatorum, non intelligitur esse in potentiâ proximâ ad actum remotum, nisi vt est sub actu priori: Sicut anima nunquam esse intelligitur in potentiâ proximâ ad actum volendi, nisi vt est in actu intelligens, quia quando est in potentiâ proximâ volendi aliquid, actu intelligit illud, quia nihil est volitum nisi cognitum.* Ex quo vult habere Doctor Subtilis in 1. dist: 17. quod licet Pater sit spirator voluntate fecundâ, non tamen spirat Spiritum Sanctum nisi prius per memoriam fecundam generet Filium. Et hîc in secundo Dist: 1. q. 1. vult habere, quod Pater & Filius, licet sint omnipotentes & creatiui creaturarum, non tamen de facto creant aliquid, nisi prius ambo spirent Spiritum Sanctum, Ergò cum non prius potentia creandi exeat in actum à Patre & Filio, quàm compleatur Trinitas per Spiritum Sanctum; sequitur, quod creatio rerum omnium, & maximè Hominum, appropriatè spectat ad Spiritum Sanctum. Et hoc innuit Doctor Subtilis loco citato dicens. *Licet quodlibet essenziale ad se, precedat aliquomodo notionale, tamen non oportet omne essenziale, sub omni respectu ad extra, posse precedere quodcunq; notionale.* Hoc est dictum. Licet Pater in Diuinis sit omnipotens, & Filius similiter omnipotens, & Spiritus Sanctus etiam omnipotens, quia omnes tres habent unicam essentiam indiuisam omnipotentem, tamen nisi notio Spiritus Sancti, scilicet spiratio passiuâ antecedit, complens quasi intrinsecè Trinitatem, nihil fit circâ creaturas, ita quod nec actu intelliguntur, nec intenduntur à

DEO

DEO, nisi
setur appro
uiuificatio

21.

ritu Sancto
tre, vnâ ci
gò Spiritui
hoc exprin
tur super a
Fouebat a
rerum sem
de ipsâ, ta
tra Manich
rebatu spiri
paulò infrâ
berbe, &
hanc focu
Virgine E
Verbo D
Adæ, non
ritus Sanct
A.M. Et ha
minis ceu
mana crea
diuiduo, D
Spiritus S

22.

&c. docet
manitatis C
ualis, quâ
Aliâ VIR
Ex quo ibi
STI, quâ
CHRIST
Euâ VIR
cum om
exiret sim
cto: ob o

23.

enim natu
remias. In
trâ verò,
quo scilicet

RESOLVTIO QVARTA,

45

DEO, nisi post istam notionem. Merito ergo ad Spiritum Sanctum censetur appropriatè pertinere creaturarum, & maximè hominis formatio, & viuificatio.

21. Tum deniquè, quia fecunditas non videtur excludenda à Spiritu Sancto; Nam DEVS Pater generat Filium, & Filius genitus à Patre, vnà cum eo per voluntatem fecundam spirat Spiritum Sanctum, Ergo Spiritui Sancto competit fecundare creaturas, quasi immediatè. Et hoc exprimitur non obscure Genesi. 1. illis verbis. *Spiritus Domini ferebatur super aquas.* Vbi alia versio habet. Spiritus Domini incubabat. & alia. *Fouebat aquas;* dabat enim statim ab initio, aquæ vim concipiendi in se rerum semina, in ordine ad propagationem eorum; quæ creanda erant de ipsâ, tanquam de materiâ, iuxta sententiam D. Augustini de Gen: contra Manicheos lib: 1. cap: 7. *Materia informis dicta est aqua, super quam ferebatur Spiritus Domini, sicut superfertur fabricandis rebus voluntas artificis.* Et paulò infra. *Quia omnia quæ in terrâ nascuntur, siue animalia, siue arbores, vel herbe, & similia, ab humore incipiunt formari, atque nutriri.* Sed præcipuè hanc fecunditatem exercere debuit Spiritus Sanctus in naturâ humanâ de Virgine Euâ propagandâ, vt tandem sic propagata, vniretur in atomo Verbo DEI, & glorificaretur. Quorum primum, licet peruerterit lapsus Adæ, non tamen secundum; licet & primum saltè in CHRISTO, Spiritus Sanctus deduxerit ad executionem, imprægnando Virginem MARIAM. Et hanc causam, audeo dicere, fuisse creationis mundi, & in eo Hominis ceu Domini, & ipsius lapsi reparationis; scilicet: quia natura humana creata erat tandem operatione Spiritus Sancti, saltè in vnico indiuiduo, DEO hypostaticè vnienda, mediante fecundatione Virginis per Spiritum Sanctum: quod obiter insinuassee sufficiat.

22. Præterea. Doctor Subtilis in 3. Dist: 4. q. vnicâ s. contra ista &c. docet. Quod ad hoc, vt B. VIRGO actiuè se haberet in conceptione humanitatis CHRISTI, non fuit necesse, vt illi daretur aliqua Virtus supernaturalis, quâ mediante, posset cooperari Spiritui Sancto illam conceptionem operanti. Alias VIRGO gloriosa esset solum per accidens Mater CHRISTI, non per se. Ex quo ibi concludit, quod VIRGO fuit vera & naturalis Mater CHRISTI, quâ veri hominis; Sed si sic erat in VIRGINE MARIA, respectu CHRISTI, saluâ Virginitate generandi, sequitur quod etiam sic fuit in Euâ VIRGINE, respectu alicuius electi gignendi, Ergo etiam Virgo Euâ cum omnibus ad gignendum, saluâ Virginitate requisitis creata erat, vt exiret similiter in actum generationis, superueniente in eam Spiritu Sancto: ob omnimodam paritatem hinc indè.

23. Præterea. DEO semper Virginitas & castitas placuit. In statu enim naturæ, Abel Martyr & Virgo fuit. In statu legis, Elias & Hieremias. In statu gratiæ, Virgines omnibus alijs electis præferuntur. Econtrâ verò, coniugium, iuxta Apostolum, est secundum Indulgentiam, ex quo scilicet iam corruptâ naturâ originaliter per Adam, nequit esse aliter

M

propaga-

DEO

propagatio prolis humanæ, nisi per copulam maris & foeminæ. Vocanturque actus conjugales à castissimo textu Sacræ Scripturæ, nomine turpitudinis, & sordis, iuxta illud Apoc: 14. *Hi sunt qui cum mulieribus non sunt coinquinati.* Ergò si in naturâ lapsâ, in omni statu eius, DEO placet Virginitas, placuitque & placebit, certè multò magis in illo statu innocentie, maximè cum alius modus propagandæ prolis humanæ composibilis cum Virginitate Euz fuerit, qui & modò ad effectum deductus est à Spiritu Sancto in Virgine MARIA.

24. Præterea. CHRISTVS amator castitatis, & apex Virginitatis, in hoc & in futuro sæculo discernit electos per castitatem, ita quod Virgines dicit afferre fructum centesimum, continentes post amissam Virginitatem, sexagesimum, castos in coniugio & thoro immaculato contentos, tricesimum, prout Sancti Patres illam parabolam CHRISTI de semine Luc: 8. exponunt; inter hos tamen, solis Virginibus confert Aureollam martyrio adæquatam, iuxta illud Isai: 56. *Non dicat Eunuchus, Ecce ego lignum aridum: quia hæc dicit Dominus Eunuchis: (& certè non alijs, nisi quos in Euangelio asseruit dicens; sunt Eunuchi qui seipsos castrauerunt propter regnum cælorum; Matth: 9.) Qui custodierint Sabbatha mea, & elegerint quæ ego volui, (id est castitatem in naturâ humanâ, quam DEVS intendebat semper) & tenuerint fœdus meum; Dabo eis in domo meâ & in muris meis locum, & nomen melius à filijs & filiabus, nomen sempiternum dabo eis, quod non peribit.* Ergò si DEVS semper intendit quod melius & naturæ humanæ à se perfectè creatæ conuenientius est, sequitur, quòd nunquam intendebat ablationem Virginitatis ab Euâ, in ordine ad propagationem generis humani. Imò potius in Euâ Virgine omnes nos desponsabat sibi, vni viro Virginem castam exhibere CHRISTO suo, quem vt glorificatorem in naturam humanam, mediante vnione Hyppostaticâ, mittere decreuerat. Atque ita ex intentione DEI, Eua Virgo generare debuit Imaginem DEI, nisi inobedientia cum esu pomi vetiti iuncta, naturam & originem nostram, præter intentionem DEI, corrupisset.

25. Præterea à contrario; Eua post transgressionem, abiecta est vt pareret, & in doloribus pareret. (vt verbis Tertulliani vtar, lib: de carne CHRISTI cap: 17.) Ergò certum esse debet, quòd antè transgressionem, sinè dolore peperisset; Sed non videtur conuenientior huius ratio, nisi quia etiam clauso vtero & saluâ Virginitate concepisset, & non alio modo, nisi eo qui nobis manifestatus est in Virgine MARIA concipiente Filium suum, Ergò &c. Et confirmatur. Quid enim commune habet dolor partus cum esu pomi? maximè apud illum, qui iustus iudex & vindex peccatorum decernit, vt quantum quis glorificauit se & in delicijs fuit, tantum detur ei tormentorum & luctus. Apoc: 18. nisi vetitum pomum comestum, operatum fuisset concupiscentiam carnis, & congressum cum viro, per pruritum carnis in vtroque, concitasset? Ergò iustè plectuntur genitalia mulieris, & vterus, qui edendo insons est, reus verò in concipiendo de viro, dolore partus

RESOLVTIO QVARTA.

47

tus affligitur, quia contra intentionem DEI, propagationi prolis humanæ, cum corruptione Virginitatis indulsit, seu incubuit. Ita vt vel hinc appareat, Euam nunquam in tales conceptus prolium fuisse à DEO destinatam, sed in talem, qualem præfert Resolutio nostra.

26. Præterea. D. Augustinus lib: 14. de Ciuitate DEI, cap: 16. sic ait. *Quis autem amicus sapientiæ, Sanctorumq; gaudiorum conjugalem agens vitam, & sicut Apostolus monuit, sciens vas suum possidere in Sanctificatione & honore, non in morbo desiderij, sicut & gentes, quæ ignorant DEVM, non mallet se possideri, sine hac libidine filios procreare?* Et lib: 5. contra Iulianum cap: 12. *Si proles aliter quàm per copulam carnalem generari posset, actus matrimonialis esset illicitus.* Sed in illo statu naturæ institutæ, sinè istâ libidine proles haberi potuit, & aliter quàm per actum matrimonialem; Ergò sic fuisset, si Adam non peruertisset, scilicet de Euâ Virgine.

27. Præterea. In statu innocentie, antè esum pomum, inter illos duos Adamum & Euam, matrimonio rato coniunctos, actus matrimonialis, aut erat licitus? aut illicitus? si illicitus? Habeo propositum, quod Eua debuit esse Virgo, & tamen propagatio prolis humanæ fuisset in Paradyso, secundum verbum DEI, Crescite & multiplicamini: si licitus? Ergò eos pudere non debuit, sed decere, sicut amicos sapientiæ & Sanctorum gaudiorum; Sed positâ quâcunque modificatione circa actum conjugalem, adhuc ille nequit esse sinè pudore, vt latè D. August: lib: 14. de Ciuit: DEI Cap: 18. deducit, Ergò prorsus nullo modo iste actus ibi fuisset.

28. Præterea. Gen: 2. Mulieri dixit DEVS. *Multiplicabo arumnas tuas, & conceptus tuos in dolore paries Filios, & sub viri potestate eris, & ipse dominabitur tui.* Quòd de facto ita est. Multiplicatæ sunt enim mulieris arumnæ; quia modò mulier quæuis, siuè Virgo, siuè maritata, siuè vidua, omnem morbum bis patitur; irruit enim in eas morbus quiuus, & ex corruptione naturæ deprauatæ, sicut irruit & in viros, & ex vteri furore, quicùm non sit destinatus ad concipiendum de viro ex dono primæ creationis, & tamen sentit se esse obnoxium, & vi pomi comesti dispositum ad recipiendum semen virile, furit & furendo affligit miserum sexum omni genere morborum; non esse autem vterum muliebrem destinatum ad concipiendum de viro, præter iam dicta, probat ipsa sexus muliebris deuotio, ita vt foemina per anthonomasiam ab Ecclesiâ appellentur, Deuotus sexus, & certè non nisi ratione vteri, regimen in totam mulierem habentis, & eam à viro discriminantis: pudor enim & deuotio singularis in DEVM, videntur esse ratione vteri foeminis indita, vt quæ debuerant concipere de Spiritu Sancto, essent verecundæ, & cultui Diuino magis addictæ. Multiplicati sunt quoque conceptus, quia stante statu innocentie, soli prædestinati de Spiritu Sancto & Virgine Matre gignerentur, & fortè vna vnum prædestinatum peperisset: Modò verò abiectæ sunt Matres etiam ad partus reproborum, imò prima Mater corrupta, primogenitum genuit reprobum; In dolore quoque pariunt foemina, vt potè quæ apertionem claustris

virginalis licet dolorificam, libenter sustinent. Sub viri potestate constituntur, & ita sub eius potestate sunt, ut aliqui mariti Tyrannidem in eas exercent; quia se viro stuprandas in primâ Matre Euâ submiserunt. Sileo hic nauscas & inquietudines, quibus à conceptu de viro, mox circumagitur mulier, quas non patiuntur bruta; sileo menstrua, quæ sola mulier patitur, licet cæteræ animalium fæmellæ illis careant. Atqui ista omnia arguunt non debuisse Virginem Euam concipere de viro seminaliter, Ergo tales conceptus sunt præter intentum Creatoris, & destinationem Virginis Euæ, quæ in conceptum de Spiritu Sancto Imaginis DEI destinata fuit, in primâ sui creatione.

29. Insuper. Bonitas infinita proprio complacentiæ motu, ab æterno tanto hominem dilexit amore, quod statuerit suam Diuinitatem illi connectere, in vnitæte suppositi Filij DEI. Sed Filius DEI potuit suâ Personâ terminare dependentiam naturæ humanæ ad suppositum, etiam conceptæ de viro, & tamen id non fecit, sed defacto terminauit dependentiam naturæ humanæ virginæ conceptæ de Virgine sinè viro, Ergo natura humana ad tantum fastigium destinata, Virgo esse debuit, stante virginitate & propagari: maximè cum secundum D. Nazianzenum, Poëmate de Laud: Virgin. *Prima Trias Virgo sit.* Cûr igitur & Imago Trinitatis, non Virgo? cûm Trinitati cum illâ tantum commercium, mediante Personâ Filij DEI futurum erat?

30. Denique addo pro coronide congruentiam. Siquidem proli Regiæ, & Dominatrici omnium animalium, qualis est proles humana, congruebat aliter concipi & suscitari ad vitam immortalem, quàm prolificabant ista, quæ pedibus eius subiecit omnipotens Creator, aliàs etiam in illo statu innocentie, conueniret cum brutis in origine suâ, si per copulam maris & fœminæ, licet sinè pruritu concupiscentiæ gigneretur: Sed non est assignabilis alius conuenientior modus, quàm is, quem præfert Resolutio nostra, Ergo iste fuit.

31. Sed contra doctrinam in his duabus Resolutionibus positam argues. DEVS antè lapsum, instituit Matrimonium, dicente Scripturâ Gen: 1. *Masculum & fœminam creauit eos, benedixitq; eis DEVS, & ait: Crescite, & multiplicamini & replete terram.* CHRISTVS etiam Matth: 19. ad illam Phariseorum interrogationem: An liceat homini dimittere vxorem suam, quâcunque ex causâ? Respondit. *Non legistis, quia qui fecit hominem ab initio, masculum & fœminam fecit eos; & dixit: Propter hoc dimittet homo Patrem & Matrem, & adhaerebit vxori suæ, & erunt duo in carne vnâ: Itaq; iam non sunt duo, sed vna caro: Quod ergo DEVS coniunxit, homo non separet.* Apostolus quoque ad Eph: 5. inquit. *Sacramentum hoc magnum est, ego autem dico in CHRISTO & in Ecclesiâ.* Ecclesia autem fuisset & CHRISTVM sponsum habuisset, quamuis Adam non peccasset, & consequenter istud Sacramentum fuisset. Accedit Authoritas Ecclesiæ, quæ in Paradiso antè lapsum, Matrimonium institutum agnoscit; quod & omnes Sancti

Patres

RESOLVTIO QVARTA.

49

Patres vnanimiter fatentur: Ergò intendit DEVS propagationem Generis humani, per Patrem Adamum & Matrem Euam, intercedente copulâ carnali.

32. Respondeo non peruiaciter, sed sicut congruit & decet loqui Filium S. Francisci, qui totum ordinem suum specialiter obligauit ad obedientiam Sanctæ Sedi Romanæ, & subiecit pedibus Sanctæ Romanæ Ecclesiæ. Quòd DEVS antè lapsum instituit matrimonium ratum, nunquam tamen consummandum, atque ita instituit verum matrimonium, in sui perfectione, demptâ & seclusâ ab eo omni imperfectione. Ratio huius dari potest. Quia cùm Matrimonium non habeat honestatem ratione suæ consummationis nisi ex intentione proles, quam consummantes intendunt, sequitur, quod si alio modo DEVS in Paradyso propagationem hominum fore disposuerat, iam conuictum maris & foeminæ solum in adiutorium instituit, non verò in consummationem carnalis copulæ, causâ procreandæ proles. Vnde Gen: 2. dicitur. *Adæ verò non inueniebatur adiutor similis eius, & dixit DEVS; non est bonum hominem esse solum, faciamus ei adiutorium simile sibi.* Et licet S. Augustinus in plerisque locis suæ doctrinæ, istud adiutorium ratione copulæ, in ordine ad prolem procreandam explicet, hoc tamen ideò, quia respexit ad hunc statum poenalem, in quo affligeretur foemina in adiutorium viro non datur, nisi isto fine: quod tamen in illo statu innocentie aliter potuisset fieri, non negat, vt patuit ex alijs hinc dictis eius. Poterat ergò in Paradyso fuisse consensus mutuus maris & foeminæ in conuictum, sic ordinante DEO, imò de facto sic fuit; sicque coniuncti consensu mutuo, quoties ambo desiderarent, & peterent prolem à DEO, DEVS per superuentionem Spiritûs Sancti in Virginem Henus 9. de Gene: ad litteram cap: 3. *Poterant in Paradyso eis esse nuptie honorabiles, & thorus immaculatus.* Et vt Resolutione tertiâ eum adduxi, *solo pietatis affectu, nullâ corruptionis concupiscentiâ, haberentur Filij.* Si enim, secundum omnes Theologos, oblationes & preces parentum, in lege naturæ iam lapsæ, purgabant prolem natam à peccato originali, & conferebant gratiam gratum facientem eidem; à fortiori id poterant coniuges in naturalis, istud verò semper est ordinis supernaturalis: Et maximè in hoc impetrando Eux Virginis preces, vota, desideria, & efficax consensus, haberent robur, cui DEVS ad hoc à DEO postulandum, maiorem præ viro, cum verecundiâ iunctam deuotionem, ex dono creationis indiderat. Accedit (vt & supra dixi) Quòd quomodocunque accipiamus, primos homines antè peccatum genitalibus membris ad procreationem proles imperare potuisse, sicut cæteris in quouis opere sine voluptatis pruritu: tamen semper esset in congressu illo turpitudine: Imò ob rationes præ resolutionibus istis datas, nullus istius congressus esset effectus, vt infra clarè probabo. Quæcunque igitur Ecclesiæ decreta de matrimonio consummato, censenda sunt

da sunt procedere pro statu isto, stante scilicet impossibilitate humanæ propagationis sine copulâ maris & foeminæ, loquendo ordinariè: corruptâ enim Virginitate in naturâ, præclusa est eo ipso via castissimo Spiritui Sancto, ne operaretur in non Virgine conceptum Imaginis DEI immediatè; licet adhuc mediatè, scilicet postquam generatio carnalis, quod suum est animale perfecit, quod sit intra quadraginta dies à conceptu, ex infinitâ bonitate suâ, infundat animam immortalem. Istam igitur copulam, iam ex hac causâ permissam, quia DEVS ut potè præter intentionem suam exortam, & ex se inhonestam, honestate voluit varijs circumstantijs; etiam Ecclesia optima Diuinæ voluntatis interpres, & veritatis columna, legibus Diuinis inhærendo, tot decretis cohonestauit. Et quod assistentiam Spiritus Sancti respectu Ecclesiæ Romanæ in ipsius decretis arguit, à ministris proximè corpus CHRISTI Virgineum, de Virgine sumptum respicientibus, quales sunt Subdiaconi, Diaconi, & Presbyteri, capacitatem Matrimonij, à Spiritu Sancto edocta, omninò exclusit, ut saltem illi abstinerent ab isto contractu seruii, & difficili, per cuius vsum caro prodit Adamica; de quorum casto ministerio prodit vel prodire debet immaculata & Virginea CHRISTI caro, pro mundi vitâ à CHRISTO suæ Ecclesiæ datâ, in Sacramento Eucharistiæ. His præmissis.

33. Respondeo ad singula. Cùm dicis. *Masculum & feminam creauit eos*, Et ex hoc vis habere, quod ita fecit in ordine ad consummandam copulam; nihil obtines. Quia scrutaris occulta DEI; Et est ac si quæres. Cùm DEVS Adamum permisit tentari? Vel cùm DEVS Adamo & Euz dedit organa generationis? Dico ergò tibi, quod ideò: Quia voluit DEVS, ut in hoc confisteret vis primæ tentationis illorum; propterea ergò. *Masculum & feminam creauit eos*. Et quia Euam ordinauerat in conceptum Virgineum humanæ proles, dedit quoque illi organa generationis, scilicet vterum. Et quia præsciebat in hac tentatione succubituros, præmonuit & venter, ut sibi à fructu arboris scientiæ boni & mali, in quo latuit fermentum luxuriæ, cauerent; cùm hoc tamen, in casum succubitionis, quam certò prænouerat futuram, masculum & foeminam fecit eos, etiam notas sexuales ab extra illis affingendo, arboremque illam vetitam ad hoc in medio Paradysi creando, ut esset ambobus occasio tentationis. Aliàs si DEVS organa generationis, & notas sexuales ambobus antè casum non dedisset, non fuisset in eis ex pleno tentatio; & demùm exortâ concupiscentiâ in eis per comestum pomum, debuisset DEVS, aut illis post lapsum superaddere organa generationis, & notam sexuum, aut genus humanum, illis deletis, delere funditus; de quo tamen aliter disposuerat, etiam permissio lapsu: Quod repugnat sapientiæ DEI æternæ, disponenti omnia suauitè. Quare autem sic fecit? Dico tibi, quod voluntatis diuinæ non est quærenda ratio à priori. Congruentia tamen ad hoc affertur à D. Augustino lib. II. de Gen: ad literam cap: 4. dicente. *Non esset laudabile homini, si bene viuere posset, quia nemo malè suaderet viuere, cùm in naturâ posse, & in potestate*

R
state haberes vel
fecit Deus ut
cumberent te
pienti paruiffen
lum & foemin
dam copulam
scite & multipli
propagationem
pagationem n
ceret; Cresci
gruit multiplic
hoc, si perfeu
do multiplicat
tium, quæ est
vos casuros,
mini, & rep
ro & multie
candi. Qu
dem benedic
cap: 9. DE
ut auferret bo
animi & corp
etiam facit oia
& quidquid
qui non libera
34. Q
hominibus,
sexualem m
do illatum.
naturæ per
vicum per
exigentiam,
perseuerasse
voluerit; si
tiplicanda
& similem
commixtio
candas reli
phorumque
ner contra
& simili me
pagante, &
35. A
state

RESOLVTIO QVARTA,

51

state haberet velle non consentire, DEO iuuante. Quare dico tibi, quod hoc ideo fecit Deus vt Adam & Eua haberent in naturâ posse, in casum quo succumberent tentationi, quamuis si voluissent, & DEO monenti & præcipienti paruissent, vitare casum potuissent. Quapropter non frustra Masculum & foeminam creauit eos DEVS, licet non in ordine ad consummandam copulam carnalem, de necessitate propagationis naturæ. Ad illud. *Crescite & multiplicamini &c.* Dico, quod nec ex hoc sequitur necessaria ad propagationem matrimonij consummatio. DEVS enim hic intendit propagationem naturæ humanæ, modo perfectiori saluâ Virginitate: quasi diceret; Crescite & multiplicamini secundum intentionem meam, sicut congruit multiplicari Imaginem DEI, scilicet de Virgine & Spiritu Sancto, & hoc, si perseueraueritis in statu innocentie; replebitisque terram, eo modo multiplicati, non hanc morientium extra Paradysum, sed istam viuentium, quæ est in Paradiso; Quod si cecideritis, prout præuidi & certò scio vos casuros, & Virginitatem amissuros, etiam sic crescite, & multiplicamini, & replete terram morientium, vt electi à me intenti, etiam de Viro & muliere nascantur, per CHRISTVM meum redimendi, & glorificandi. Quomodo post diluuium etiam Noë benedixit cum filiis eius, eadem benedictione. Quia vt ait D. Augustinus lib: 2. de Nuptijs & concup: cap: 9. *DEVS nec ab ipsâ vitiatâ depravatâq; naturâ suam abstulit bonitatem, vt auferret hominum fecunditatem, viuacitatem, sanitatem, ipsamq; substantiam animi & corporis, sensus, atq; rationem, alimenta, nutrimenta, incrementa: quæ etiam facit oriri solem suum super bonos & malos, & pluit super iustos & iniustos, & quicquid boni est naturæ humanæ à DEO bono, etiam in illis hominibus est, qui non liberabuntur à malo.*

34. Quod si istes. DEVS simili benedictione benedixit bestiis & hominibus, Ergò tam illæ, quam hi eodem modo, scilicet per congressum sexualem multiplicari debuerunt, ex ordinatione DEI. Respondeo negando illatum. Quia licet DEVS omnibus hac eadem phrasi propagationem naturæ per indiuidua iniunxerit, tamen modum propagationis, ad hunc vnicum per sexualem congressum non restrinxit, sed iuxta speciei cuiusque exigentiam, propagationem fieri voluit: ita quod humanam naturam, si perseuerasset in statu innocentie in Virginitate, Virgineam propagandam voluerit; sic cecidisset, iam brutali modo, qui inter quadrupedia viget, multiplicandam decreuerit, vt potè quadrupedibus & iumentis jam comparatam, & similem illis factam. Anguillas item modo suæ naturæ conuenienti, sinè commixtione sexuali, (quod omnes Philosophi docent) in aquis multiplicandas reliquit; sicut & apes in aëre, & constanti Historicorum Philosophorumque traditione, Phœnicem Arabiæ; Ergò instantia ista nihil obtinet contra nos, nisi quatenus iam assimilati sumus iumentis insipientibus & simili modo multiplicamur, etiam sic corruptam naturam nostram propagante, & multiplicante DEO.

35. Ad CHRISTI ad Phariseos responsum. Dico, quod procedat

pro hoc statu poenali, in quo DEVS ordinauit culpam primorum parentum per poenam, scilicet per contractum matrimonialem difficilem, ut cum vocat Doctor Subtilis in 4. dist: 26. q. vnicā, ideò. *Quia ex eo nascitur obligatio valde difficilis, scilicet indissolubilitas, cuius tamen obligationis ratio est honestas*, ita quod etsi hæc indissolubilitas est valde difficilis, seruilis, & poenalis, tamen ut coniunctio viri & foeminae matrimonialis, maxime per actum copulae maritalis, sit honesta, hæc indissolubilitate honestauit illam DEVS. Quam quia Moyses propter duritiam cordis Iudæorum, in lege veteri, ne grauiora incommoda sequerentur in duræ ceruicis populo, relaxauerat; CHRISTVS in suâ lege Euangelicâ, reuocauit, & inuiolabiter tenendam decreuit, exceptâ causâ fornicationis. Et quod pro statu hoc poenali loquatur CHRISTVS, dicens; *Propter quod relinquet homo Patrem & Matrem, & adhaerebit uxori, & erunt duo in carne una*; pensa verba eius, quæ statim subiunxit; *Itaq; iam non sunt duo, sed una caro*; *Quod ergo DEVS coniunxit, homo non separet*. Hoc est dictum. DEVS dixerat ab initio. Erunt duo in vnâ carne, id est, erunt duo matrimonio ratò iuncti in vnâ prole, ad illorum pia vota Spiritu Sancto imprægnante semel quamlibet conjugem; tunc enim casti & virgines parentes ipsi prædestinati, vnicam prolem prædestinatam peperissent. Sed quia homo corripit in se & in primâ foeminâ Virginitatem, ipso facto verba ista DEI, *Erunt duo in vnâ carne* peruertit; quia facto stupro, per commixtionem sexualem, qui debuerunt esse duo in vnâ carne prolis, dicit CHRISTVS, quod iam non sunt duo, sed vna caro; quare? Quia commiscuerunt carnem ad inuicem per copulam, & consequenter, quia per semetipsos & culpam suam, ex duobus facti sunt vnum, iusto DEI iudicio, debent iam post completum actum copulae matrimonialis, indissolubiter manere: Quod si non consummassent copulam, sicut vna caro non fuissent, ita consequenter, nec ista seruilis & poenalis indissolubilitas inter eos, ex lege DEI intercessisset.

36. Roborat hanc interpretationem Verborum CHRISTI, ipsa veridica CHRISTI interpret Ecclesia, dum permittit separari coniuges Matrimonio ratò & non consummato coniunctos, & liberum relinquit vni illorum, inuito altero, statum perfectiorem, scilicet Sacerdotij vel Religionis arripere. Quare? Quia adhuc sunt duo. At in Matrimonio consummato id nunquam præsumit, nisi in causâ adulterij. Quare? quia iam coniuges non sunt duo. Quod si contingat alterutrum conjugem diuidere carnem per adulterium, iam innocens coniux, ipso CHRISTO permittente, potest si vult, à noxio separari. Quare? quia iterum ille peccando factus est duo, diuidendo carnem cum altero à proprio coniuge; Quo facto, coniux innocens soluitur ab obligatione indissolubilitatis. Et hoc est, quod CHRISTVS concludendo subtexuit; *Quod ergo DEVS coniunxit, homo non separet*; Loquitur enim de statu poenali naturæ iam lapsæ, in quo plerumque matrimonium ratum, consequitur eius consummatio, quâ completâ, DEVS eos lege indissolubilitatis coniunxit, quàm legem nullus à DEO, ita quod

RESOLVTIO QVARTA.

53

quod nec ipsa Ecclesia, potest immutare, exceptâ causâ fornicationis. Potius ergo hæc CHRISTI ad Phariseos responsio est pro nostris Resolutionibus, quàm contra eas. Aliàs si ista verba à CHRISTO hic citata, DEVS per os Adæ protulit, etiam pro statu innocentiz; sequeretur quod lex Evangelica, in quâ CHRISTVS suadet Virginitatem, & eam præfert Matrimonio, esset contraria statui innocentiz.

37. Ad verba Apostoli dico. Quod DEVS habuisset Ecclesiam, etiam si nunquam copula carnalis fuisset inter marem & foeminam, in naturâ humanâ, hoc stante solo matrimonio rato, & nequaquam consummato; imò adhuc verius tunc repræsentaretur casta coniunctio CHRISTI cum Ecclesiâ quàm modò, ut ex se patet. Voluit tamen DEVS, etiam post casum Adæ habere Ecclesiam, ex filiis concupiscibiliter & cum rugâ istius foeditatis genitis, quia permisit eos sic nasci, quos ordinavit per lauacrum regenerationis mundandos, & in membra CHRISTI coaptandos fore. Imò ex amoris sui superabundanti bonitate, ipsum consensum maris & foeminae in matrimonialem copulam gratiâ prolis, post natiuitatem regenerandæ, in excellentiam Sacramenti, denotantis vnionem CHRISTI cum Ecclesiâ indissolubilem, euexit, ad maiorem confusionem Diaboli deceptoris, idquæ non antè fecit, nisi postquam mundauit Ecclesiam suo sanguine in cruce, & eam secum coniunxit, mediante vnione hypostaticâ, & ad se traxit magnâ ex parte, per exhibitam passionem, liberando Sanctos Patres ex limbo, & per apertam ianuam Regni Cælestis, in thalamum gloriæ suæ introducendo eos.

38. Ad Authoritatem Ecclesiæ & SS. Patrum, dici potest, quod ipsa & illi, si agnoscunt omninò Matrimonium in Paradyso antè lapsum, solum de Matrimonio rato loquuntur, nequaquam verò de consummato; & hoc vel indè patet; quod SS. Patres & Doctores Ecclesiæ palam testantur, potuisse esse alium modum in Paradyso propagandæ naturæ humanæ, quàm istum per consummationem Matrimonij; Vt liquet ex allatis locis ipsorum, in his duabus Resolutionibus.

39. Et pro confirmatione totius istius Responsionis de matrimonio solum rato, nunquam tamen consummando in illo statu felici innocentiz, placet proponere omnium oculis matrimonium secundæ Eux, videlicet MARIE Virginis, cum suo sponso castissimo Iosepho, de quo fuscè D. Augustinus ostendens eius veritatem differit. lib. 1. de Nuptijs & concupiscentiâ, & tamen ibi consummatio eius nunquam intendebatur ex parte amborum; quod tamen matrimonium præfert ibi D. Augustinus omnibus quorumcunque sanctissimorum coniugum matrimonijs. Cùm igitur non similiter futurum fuisset in statu innocentiz? non videtur cùm negare debeamus? Legatur attentè D. Augustinus loco citato, non enim ob discursus eius ibi prolixitatem, censui eius verba huc transferenda esse, sufficiet mihi breuius eius testimonium pro me citare, quod in simili materiâ scripsit, Epistolâ 199. ad Editiam, in matrimonio Virginem; vbi dicit. Sanctius & perfectius

fectius esse tale coniugium, quod est inter coniuges finè vllò respectu ad copulam: Verba eius ibi sunt hæc. *Non quia pariter temperabatis à commixtione carnali, ideò maritus tuus esse destiterat; imò verò tantò sanctius coniuges manebatis, quanto sanctioris vitæ concorditer placita seruabatis.*

40. Argui potest secundò in contrarium sic. Carnis copula inter coniugatos propter propagationem prolis, est cum magno coniugum eo fine se copulantium merito; Sed si inter coniugatos non fuisset ab initio de intentione Creatoris, saltem esset indifferens, & non meritoria, Ergò fuit de intentione eius, etiam in Paradyso. Respondeo; quod postquam stante lapsu Adæ, impossibile est iam aliter posse procreari prolem, nisi per copulam, cum iam ablata sit omnis spes mulieri corruptæ, concipiendi de castissimo Spiritu Sancto, & consequenter toti naturæ, iam ex hac corruptione primæ Virginis corruptæ, & deprauatæ ortæ; iam actus coniugalis permissus est à DEO, sed tamen ordinatus & honestatus multis circumstantijs: vnde si secundum illas circumstantias fiat, est meritorius; non ex se, quia sic sumptus, est inter coniugatos indifferens, sed per conformitatem ad rectitudinem, à DEO per circumstantias finis & aliarum similium, illi adnexam. Quare argumentum hoc, nihil contra me concludit, vt patet.

41. Argui potest tertio sic. Si solus sexus foemineus destinatus est ad generationem humanæ prolis in illo innocentia statu, Ergò tunc sexus virilis esset frustra, nec erat tunc necesse vt viri nascerentur. Respondeo primò distinguendo consequens; Ergò &c. esset frustra; comparatus ad generationem humanæ prolis, concedo; Comparatus ad alia cultum DEI concernentia, nego. Probabile est enim dicere, quòd foemina Virgo destinata fuerit ex intentione primæ DEI, in generationem Imaginis DEI de Spiritu Sancto; Vir autem destinatus sit, ex eadem primæ intentione DEI, in Sacerdotium DEI summi, vnde & modò in hoc statu pœnali, soli masculi sunt capaces characterum Ordinis, foemina nequaquam. Et vt ita sentiam, mouor ex pluribus locis Sacre Scripturæ, in quibus viros saluatos, textus sacer vocat Sacerdotes, quasi vnus quisque vir id recuperet in regeneratione, quod amisit in carnali generatione sui, nec vllis viribus suis id possit acquirere in hoc pœnali statu, nisi acceptando Sacramentum Ordinis, per quod CHRISTVS id naturæ restituit, quod ei per carnalem generationem est ablatum. Hinc dum Isaias cap: 61. CHRISTVM introducit vt vnctum & Sacerdotem, statim & de nobis addit. *Vos autem Sacerdotes Domini, vocabimini Ministri DEI nostri.* Et cap: 66. dum loquitur de reuocatione nostrâ ex gentibus ad domum Domini, quod fiet in introitu ad gloriam æternam, statim subdit. *Et adducent omnes fratres vestros de cunctis gentibus donum Domino, in equis, & in quadrigis, & in lecticis, & in mulis, & in carrucis, ad montem Sanctum meum Hierusalem, dicit Dominus: Et assumam ex eis in Sacerdotes & Leuitas, dicit Dominus DEVS, sic stabit semen vestrum, & nomen vestrum.* Sed clarissimè id testatum habemus in Apocalypsi

pocalypsi, vt
CHRISTVM
& linguâ,
& res
dotes, & re
Beatus & Sa
habet potestat
Apostolus P
peradificamin
autem genus
rutes annuncie
colligitur &
dotem DEI
exurgit alius
cundum virt
eternum secu
nobis. Re
inutilitatem,
per quam pro
tum melioris
lius testame
CHRISTO
tij. Et san
si perseuerat
la contendit
sexu foemine
pax, Ergò
rentur, quâ
pro Sacerdo
foemellas, q
pisatorum,
uertere pot
42.
Quòd diue
secundum
secundum
diuersa, si
tamen non
mineâ, quæ
vel muliebre
interiori diff
extrinsecis;
tationem;
finè exteriori

RESOLVTIO QVARTA.


55

pocalypsi, vbi cap: 5. Seniores viginti quatuor procidentes, glorificant CHRISTVM his verbis. *Redemisti nos DEO in sanguine tuo, ex omni tribu, & lingua, & populo, & natione, & fecisti nos DEO nostro Regnum, & Sacerdotes, & regnabimus super terram.* Et cap: 20. *Hec est resurrectio prima; Beatus & Sanctus qui habet partem in resurrectione primâ; in his secunda mors non habet potestatem, sed erunt Sacerdotes DEI & CHRISTI.* Hoc innuit & Apostolus Petrus Epist: 1. cap: 2. *Et ipsi (inquit) tanquam lapides vivi superædificamini, domus spiritualis in Sacerdotium Sanctum.* Et ibidem infra. *Vos autem genus electum, regale Sacerdotium, gens sancta, populus acquisitionis, ut virtutes annuncietis eius, qui de tenebris vos vocavit in admirabile lumen suum.* Hoc colligitur & ex Apostolo Paulo ad Heb: 7. vbi inducit CHRISTVM Sacerdotem DEI summi, & sic discurret. *Secundum similitudinem Melchisedech exurgit alius Sacerdos, qui non secundum legem mandati carnalis factus est, sed secundum virtutem vite insubilis; contestatur enim; Quoniam tu es Sacerdos in æternum secundum ordinem Melchisedech.* Hæc de CHRISTO. Et mox de nobis. *Reprobatio quidem fit præcedentis mandati propter infirmitatem eius & inutilitatem, nihil enim ad perfectum adduxit lex: introductio verò melioris spei per quam proximamus ad DEVM.* Et quantum est non sine iure iurando, in tantum melioris testamenti Sponsor factus est IESVS. Tunc ergo; Sed istud melius testamentum non est nisi nos, qui sumus Regale Sacerdotium, Ergo CHRISTO summo Sacerdote existente, nos sponsonem accepimus sacerdotij. Et sanè non de est ratio pro hoc. Si enim in illo statu innocentie, si perseverasset, adhuc fuisset instituta Eucharistia, ut tota subtilium Schola contendit, consequens est, ut & Sacerdotes essent instituti, Sed non in sexu foemineo, qui ex vi creationis ob aliam sui destinationem, est incapax, Ergo in sexu virili. Et fortè tunc multò pauciores masculi generarentur, quàm foemellæ, & fortè tot tantum quot sufficerent in illo statu pro Sacerdotio; quia & modo curiosiores obseruarent, duplò plures nasci foemellas, quàm masculos; quod vnusquisque inspiciendo Cathalogum Baptifatorum, per annos singulos in Parochialibus Ecclesijs seruari solitum, aduertere potest.

42. Sed si hæc Responsio minus placet: tunc Respondeo secundò. Quòd diuersitas sexus in viro & foeminâ, potest considerari dupliciter; aut secundum rem & interiorem dispositionem tum animi tum corporis, aut secundum signum sexuale per notam sexalem expressam: Ista enim sunt diuersa; siquidem contingit aliquandò nasci prolem sine notâ sexuali, & tamen non sine interiori dispositione tum animi tum corporis virili aut foemineâ, quæ postmodum se manifestant per inclinationem ad actus viriles, vel muliebres talium: DEVS igitur creauit primos homines, nedum cum interiori dispositione sexuum diuerforum, sed etiam cum notis sexualibus extrinsecis; quia ut iam supra, in eo consistere voluit primam ipforum tentationem; sed si vicissent, deinceps fortè proles prodijisset ex Euâ Virgine sine exteriori notâ sexuali; ut potè in illo statu, post superatam primam

tentationem circa propagationem naturæ, & inutilem, & superfluam. Sicut enim modò post restaurationem naturæ nostræ, dum iam natura nostra inseritur in CHRISTVM per Baptismum, non est masculus neque foemina in CHRISTO; teste Apostolo ad Galat 3. ita tunc futurum fuisse conijcere licet. In rei tamen veritate, fuisset tunc sexus vterque, inter-nus tamen, & hic deputaretur Sacerdotio, scilicet virilis, ille generationi, scilicet foemineus, superatâ tamen primâ illâ tentatione; Quam quia DEVS prævidit non fore superandam à Protoplastis, hinc notas sexuales extrinsecas illis efformauit. Postquam autem succubuerunt illi tentationi, & pomum prohibitum ederunt, iam suscitât in eis animâ seminali per fermentum concupiscentiæ, vi eiusdem fermenti, appingitur semper foetui, nota sexualis in corpore mortis huius, vsque in finem sæculi. Patet ergò, quòd sexus virilis sumptus pro internâ dispositione, esset in Paradiso, & non frustra, licet fortè perseuerante illo statu, non esset nota sexualis, quæ est effectus seminalis auræ, disponentis ad formam animalitatis in nobis, totam massam naturæ humanæ corruptæ: vt infra Resolutione Septimâ apparebit.

43. Cætera quæ contra Resolutiones istas militare possent, consultò prætereo; cum hæc quæ videbantur maximè vrgere in contrarium, ostenderim, nihil contra nos militare, imò potius pro nobis esse. Post hæc ergò aliquantulò stabilita, restat videre: Qualis homo in illo statu innocentie, ex tali matrimonio solum nato, & ex Euâ Virgine natus fuisset.
Pro quo sit.



RESO.

RESOLV T I O Q V I N T A.

Homo, sicut digito DEI de terrâ Virgine formatus est in Spiritum concretum carni spiritualizatæ, per inspiratum Spiraculum vitæ; Ita consequenter de VIRGINE Euâ & Spiritu Sancto propagatus, totus fuisset Spiritualis, spiritualizatâ carne, simili Spiraculo vitæ.

HÆc Resolutio ex prædictis omninò sequitur. Si enim, vt fate-
tur Scriptura, fecit DEVS hominem (videlicet primum) re-
ctum, si primus homo rectus à DEO creatus est, spiraculum-
que vitæ in faciem eius non alio fine inspiratum, nisi vt Spi-
ritus sit in carne, cûr non & reliqui? & maximè cûm idem digitus DEI,
qui (vt ostensum est) formauerat hominem de terrâ Virgine, etiam for-
maturus erat alios de Euâ Virgine. Quare si formator digitus DEI, vi-
delicet Spiritus Sanctus, certè spirituales & illi qui ab eo sic formati fuis-
sent: atque ita (vt D. Augustinus supra relatus ex libro 3. de Gen: ad lit:
cap: 21. loquitur; *Institueretur Sanctus & iustus populus, qualem post resurre-
ctionem futurum credimus*) nihil prorsus animalitatis, quam modò Adamicè
in naturâ iam corruptâ propagati contrahimus, habens, sed totus spiritua-
lis, perfectissimis naturalibus donis, ad omnimodam perfectionem naturæ
humanæ requisitis, in primo statim instanti conceptionis donatus, & cum
hoc adhuc ista dona superuestita gratiâ diuinâ, prout D. Bonauentura 2.
p. Breuiloquij cap: 11, sub ipsum finem loquitur, possidens: Si quidem tantus
Artifex, nihil de largiendâ perfectione ad melius esse sui plasmatis requi-
sitâ, omisisset, ac condens naturam, largitus simul fuisset & gratiam.

2. Verùm enim verò quia Ethnicæ Philosophiæ implicatorius & im-
possibilis hætenus visus est Spiritus concretus; quæ solos abstractos, qua-
les sunt intelligentiæ separata, agnoscit; Hominemque propterea inter ani-
malia, quæ sunt secundum eam corpora animata & sensitiua, recenset.
Idcirco vel imprimis corpus spirituale, & è conuerso Spiritum corporeum
in naturâ, nedum non implicare, sed de facto esse, solidè demonstnan-
dum est.

3. Et sanè Apostolus in hoc puncto doctrinæ, est pro nobis, dum sic
loquitur 1. ad Cor: 15. *Seminatur corpus animale, surget spirituale.* Igitur
cum fide credamus, in eadem carne demptâ animalitate, & eam consequen-
tibus

tibus imperfectionibus; animam aggrauantibus, seclusis, nos resurrecturos, nos inquam eosdem per omnia qui nunc sumus, cū statim ab initio & primo instanti nostræ conceptionis, corpus spirituale nequiuimus habere, præsertim concepti de Spiritu Sancto & Virgine? Quod CHRISTVS clarè insinuauit Joānis 3. dicens. *Quod natum est de carne, caro est, quod natum est de Spiritu, Spiritus est.* Quid enim aliud ex hoc sequitur, nisi eum hominem, qui modò carnaliter in degeneratione naturæ in suâ origine constituitur in carnem, & fit totus belluinus & animalis, exceptâ mente, futurum fuisse totum Spiritualem, si à Spiritu Sancto in utero Virginis formatus fuisset?

4. Hanc spiritualitatem hominis tam ex parte corporis quam ex parte animæ, agnoscit D. Augustinus fuisse in primo homine, cum lib: 6. de Gen: ad lit: cap: 26. citans Apostolum ad Eph: 4. sic discurret. *Sicut est veritas in IESV, deponere nos secundum priorem conuersionem hominem veterem, eum qui corrumpitur secundum concupiscentias deceptionis; Hoc est factus Adam vetus per peccatum.* Vide ergò quid sequitur. *Renouamini autem Spiritu mentis vestre, & induite nouum hominem, qui secundum DEVM creatus est, in iustitiâ & sanctitate veritatis: Ecce quod perdidit Adam per peccatum. In hoc ergò renouamur secundum id quod amisit Adam, id est, secundum Spiritum mentis nostræ.* Hæc D. Augustinus. Tunc licet inferre. Sed Adam non amisit Spiritum mentis in se, sed solum Spiritum carnis, seu potius impediuit redundantiam Spiritus in carnem, quâ spiritualizabatur caro eius; Ergò Adam fuit corpus spirituale, & Spiritus corporeus, ad quod & nos oportet modò renouari, inducendo scilicet spiritualitatem in carnem, eam edomando, & Spiritui subijciendo; de quo in processu Resolutionis plura.

5. Et vt euident sit doctrina Resolutionis istius, adduco pro ea Doctorem subtilem in 4. Dist: 49. q. 14. in quâ querit. Vtrum corpora Beatorum erunt agilia? Et respondendo ad Questionem §. Respondeo &c. Duplicem motum in compositis, præsertim animatis esse asserit, scilicet, vnum ex parte elementi prædominantis: alium ratione Animæ; quæ distinctio & differentia istorum motuum, videantur in textu ipso Doctoris. Tunc his præmissis, definit agilitatem tam in communi, quàm in speciali §. secundo videnda est ratio nominis, &c. sic: *Agilitas est habilitas in aliquo, ad promptè mouendum se eo motu, cuius principium est anima.* Et loquitur de agilitate in communi. Mox verò de agilitate in speciali, scilicet de agilitate corporum beatorum, subdit. *Et quia (inquit) habilitas non potest esse in aliquo toto ad faciliter mouendum se, nisi concurrente virtute motiua, & mobili: ideo ad rationem agilitatis in speciali, requiritur perfectio virtutis motiue in animâ, & perfecta dispositio non repugnans isti motui, ex parte corporis; ergò est in speciali agilitas, habilitas in aliquo toto ad promptè mouendum se secundum locum, ex perfectione virtutis motiue anime, & congruâ dispositione corporis.* Et mox immediatè § sequenti, Tertiò videndum, &c. Cū multis rationibus stabiluisset, & concludisset quod in anima sit virtus alia ad mouendum alio modo quàm organicè ipsum corpus;

RESOLVTIO QVINTA.

59

corpus; quod tamen dixerat non esse ita manifestum, nec in homine, nec in alijs animalibus, sicut est manifestum de virtute animæ motrice corporis organici, subiungit dubium ibi: Sed est ne vna &c. in quo quærit. Est ne in animâ vna & eadem virtus motiua organicè, cum virtute motiua inorganicè? Et resoluit affirmatiuè, concludendo, quod sit vna, illis verbis. *Non videtur mihi ponendum, eam esse aliam virtutem à virtute motiua organicè, quia nunquam est ponenda pluralitas sine necessitate; sed non est necesse ponere duplicem virtutem motiuam in animâ respectu corporis sui mouendi, potest enim vterq; motus saluari, ponendo eandem virtutem motiuam in animâ; ergo, &c.* Et declarat quomodo id saluari possit. Sed videatur textus ejus: cuius sufficiat hic sensum ponere, qui hoc sibi vult; quod virtus motiua in animâ, si ponatur cum omnimodâ dispositione, & sine vllò impedimento, poterit mouere immediatè & inorganicè corpus. Et mox subdit hæc Verba. *Inconueniens enim est, quod homo careat nunc aliquâ perfectione secundum totam suam Speciem, quæ sibi naturaliter congruit; Et cum illa virtus quâ Anima post resurrectionem mouebit corpus, sit sibi naturalis, quia nulla potentia animæ tunc dabitur noua, sequitur quod nunc habet illam potentiam, & quod illa virtus, siue potentia, nunc in vitâ mortali non impeditur à suo effectu, sed tantum in modò causandi effectum suum.* Quæso quid clarius dici potuit ex parte animæ? Ex parte autem corporis, an debeat dari in resurrectione qualitas aliqua disponens corpus, & quasi proportionans animæ, vt illud agilitèr moueat? Respondet Doctor Subtilis itidem negatiuè. Verba eius sunt. *Dico quod proportionata agilitas, quæ requiritur ad motum beati, potest esse sine naturali quocunque addito corpori, vel animæ.* Ecce quia excludit vtrumque, satis solidè multa afferendo pro nostrâ Resolutione apprimè militantiâ, ignoscat benignus Lector, si cum hic de verbo ad verbum licet longiusculè posuero. Primò ergo ostendit propositum ex parte animæ sic. *Non oportet (inquit) ex parte animæ, nisi quod virtus motiua fiat perfectior, & quod resistentia accidentaliter ex parte corporis tollatur; & vtrumque potest fieri sine supernaturali addito: Quia quod modò in animâ virtus non est sufficiens ad motuum, hoc est, vel quia est impedita à corpore, vel quia in se est diminuta; Et cum est separata, aut unita corpori glorioso, intenditur, &c.* Ex parte autem corporis mobilis, subdit D. S. *Quod amouebitur duplex impedimentum, vnum ex parte organorum virtutis motiue, quod est in iuncturis & nervis, quo impedimento remoto, fit trahibilitas, & applicabilitas maior in eis; & amotio istius impedimenti maxime requiritur ad agilitatem in motu progressiuo, ad quem mouetur potentia motiua organicè. Aliud impedimentum est in toto corpore, quod est repletum humoribus grossis, & spiritibus, & caput fumositatibus, & multis talibus, quæ reddunt hominem pigrum, & quæ non pertinent ad veritatem humane nature: Hæc autem amouebuntur, & Spiritus boni, & subtiles dabuntur corporibus gloriosis, per quæ reddetur corpus multum agile ad motum.* Ex quibus tandem omnibus, resoluit quæstionem quam proposuit, dicens, S. quinto ex dictis, &c. *Ex dictis patet responsio ad quæstionem, quod beatus habens suum corpus gloriosum, habebit agilitatem, promptitudinem ad mouendum, quæ agilitas non*

tas non est per aliquam qualitatem supernaturalem corpori superaddita, defluente ab animâ, Sed est propter intensiorem virtutis motiuæ ex parte animæ, & propter amotionem duplicis impedimenti ex parte corporis, & collectione bonorum spirituum, & subtilium in corpore. Hæc Doct: Subtilis. Tunc ex his omnibus ad propositum, ex ratione hîc à Doct: Subtili descriptæ agilitatis, tam in communi, quàm in particulari, & ex his quæ hic dicit Doct: Subtilis, arguo breuiter sic. Ratio agilitatis in communi est, quòd agilitas est habilitas in aliquo ad promptè mouendum se eo motu, cuius principium est animâ; & hæc agilitas fit specialis eo ipso, quòd virtus motiuæ in animâ est perfecta, & in corpore est etiam perfecta dispositio, non repugnans illi virtuti motiuæ, & eius actui, id est ipsi tali motioni; Sed ista virtus perfecta in animâ est vnica & eadem in homine in viâ, & in patriâ ex parte animæ: ex parte etiam corporis illa virtus non impeditur absolute, nunc in vitâ mortali à suo effectû, sed tantum in modo causandi effectum suum, eò quòd totum corpus humanum sit modò in statu viæ spiritibus grossis, & alijs similibus, quæ reddunt hominem pigrum, & non pertinent ad veritatem humanæ naturæ, repletum; quibus anima impeditur, non quidem simpliciter ad mouendum agilitèr corpus, sed solum secundum quid, scilicet quia non subest ei ordinariè modus id faciendi, ob talia impedimenta in corpore, vel etiam in se; Quia nunc, vt dicit Doctor Subtilis, est diminuta in se, (non intellige tamen hanc diminutionem quoad substantiam animæ, sed solum quoad actionem eius in corpore, quæ emanaret aliàs à substantiâ & potentijs eius, si haberet omnimodè proportionatum corpus, nam & anima debet esse aliquid in se, antequam sit principium agendi, & ab illo quod est antequam sit principium agendi, non dicitur hic à Doctore Subtili anima in se, sed ab eo, quo est principium agendi in corpore, quia hoc potest diminui & augeri, vt hîc supponit Doctor Subtilis, animam in se diminutam; ista enim est vna Aristotelis stultitia, quòd sicut definiens naturam, solum eam dixerit esse principium motus & quietis, non expresserit verò quòd sit illud principium; Ita & definiens animam, pronunciauerit eam esse actum corporis organici &c. non tamen edisseruerit, quid sit illud quod est actus Corporis, quod hic obiter insinuassee doctis sufficiat) Ergo secundum doctrinam eius, anima potest simpliciter habere agilitatem in hac vitâ, dum modò se ita intendat, vt discutiat tenebras carnis, quas per peccatum Adæ natura humana contraxit, quas Doctor hîc indigitat nomine spirituum grossorum, & fumositatum non pertinentium ad esse naturæ humanæ. Sic sic subtile Doctoris huius ingenium dignificat naturam humanam, etiam in principijs Ethnicorum, qui eam iam lapsam (nunquam enim agnouerunt puritatem & ortum naturæ institutæ, sed æternam & semper sic defectuosam fuisse crediderunt) inter animalia brutis non absimilia computarunt. Tunc subinfero. Sed defactò est hoc, quod virtus animæ etiam modò in viâ, potens est vincere tenebras carnis Adamicæ, & spiritus grossos corporis, quod regit, discutere; Ergò

Ergo iam co-
stanti vel ter-
ubi intense
comitanter
veritate, cor-
sic spirituale
tur corpus ani-
diuinitus ex

6. No-
ritualium v-
prâ originali-
dum eos est
minis intern-
non referret
Internus fac-
cēt sit etia
uâ intentio
naturam, v-
tum luxuria
tū istorum,
extra homine

7. No-
imò & vnū
sui ipsius im-
mē, proprijs
sermō loquer-
à mysticis T-
per verbum
tem, licet a-
ram imagin-
que d'v s
alijs vrbis,
chrum, ac
testatem a-
dum inten-
autem de
litudinem
scriptura.
nus, spiritu
hoc.

8. No-
considerato,
mata est, in

RESOLVTIO QVINTA.

61

Ergo iam corpus humanum habet in viâ talem agilitatem, quod in instanti vel tempore breuissimo, anima sua potest facere illud præsens ibi, vbi intensè ipsamet anima vult vt sit præsens in se, & corpus quod regit concomitantè. Atque ita in sententiâ Doctoris Subtilis, imò & in ipsâ rei veritate, corpus humanum potest spiritualizari per animam, & vno verbo, sic spirituale fieri, quale post resurrectionem credimus, iuxta illud: *Seminatur corpus animale, surget spirituale.* Et vt hæc virtus animæ nostræ & nobis diuinitus ex dono creationis data, clariùs pateat.

6. Notandum est primò. Quod Theologia mystica, ex omnium spiritualium vitorum consensu, diuidit hominem quatenus in naturâ corruptâ originalitèr viuit in viâ, in Internum, & Externum: Internus secundum eos est, ipsissima DEI imago. Externus verò, est solum imago hominis interni. Internus est purè spiritualis, quia purè intellectualis, aliàs non referret imaginem DEI; Externus verò est, solum homo animalis. Internus factus est à solo DEO ex primâuâ DEI intentione: Externus licet sit etiam factus à DEO vt cooperatore naturæ, non tamen ex primâuâ intentione, sed occasione mulieris fermentantis azyman & Virgineam naturam, vi pomi comesti contra prohibitionem DEI, in quo fuit fermentum luxuriæ, vt postea declarabo Resolutione sequenti. In vtroque igitur istorum, est præfacta virtus animæ, licet ordinariè solum intrâ & non extra hominem; vt mox patebit. Pro quo.

7. Notandum est secundò. Quod cum DEVS hominem primum, imò & vnumquemque nostrum, qui similiter homines sumus, in veram sui ipsius imaginem creauerit, ita quod in vnoquoque nostrum elegantissimè, propriissimè, & proximè expressum sit Deitatis simulachrum, & præsertim loquendo de homine secundum DEI intentionem, qui modò iam à mysticis Theologis dicitur Internus; oportebat, quod sicut DEVS agit per verbum & nutum voluntatis suæ, ita etiam homo ageret aliqua saltem, licet non quæcunque, solo nutu voluntatis, vt & in hoc referret veram imaginem DEI, & quidem non otiosam, nec sterilem, cum ipse quoque DEVS sterilis in se non sit, iuxta illud Isa. 66. *Ego qui generationem aliis tribuo, sterilis ero?* Quapropter ne homo esset otiosum DEI simulachrum, atque saltem in hoc à prototypo difforme, contulit ei DEVS potestatem agendi per nutum, eâ saltem parte, quâ homo internus & secundum intentionem DEI est. Et loquor hic de homine vt est totum, non autem de solâ animâ; Hominem enim fecit DEVS ad imaginem & similitudinem suam, non autem animam hominis tantum, vt clarè testatur scriptura. Sed hic statim insurgent Aristotelici: Quomodo homo internus, spiritualis, cum quatenus homo est, constet animâ & corpore? Pro hoc.

8. Notandum est tertio. Quod etiam homini secundum carnem considerato, quatenus caro eius de limo terræ, manu & digito DEI formata est, indiderit DEVS spiritum, ita vt homo à DEO tunc formatus,

Q

ex tri-

Ergo

ex tribus constaret, puta, animâ, spiritu, & carne, & consequenter omnis deinceps homo, à digito DEI formandus in vtero Virgineo. Dicit enim scriptura, quòd homo de limo terræ formatus sit. At pauci hunc limum terræ benè intellexerunt. Limus ergò hic terræ, nihil aliud sonat, nisi extractum totius mundi, ex quo DEVS condidit hominem, vt esset secundum corpus microcosmus, scilicet ex omnibus creatis compactus, & extractus in compendium totius mundi; Sicut autem scriptura non facit mentionem, nisi duorum in mundo, verè ex nihilo prorsus creatorum, scilicet cœli, & terræ dicens. *In principio creauit DEVS Cœlum & Terram*, Vbi D. Basilus Hom: 1. Exam: dicit. *Ex duobus extremis, vniuersi sanè totius innuit ortum, cœlo quidem primis ortus redditus partibus, terræ verò secundis, quid quid autem istorum medium est, id vnâ cum ipsis omninò finibus exortum esse, consentaneum est rationi &c.* Ità etiam homo secundum corpus, ex duobus his primò creatis, seu ex illorum (vt ita dicam) quintâ essentiâ, plasmatus est; Ex cœlo quidem (secundum D. Basilij sententiam) quoad nobiliorem corporis partem: Cœlo enim DEVS, (teste D. Basilio) primas ortus partes reddidit; Ex terrâ verò, secundum visibilem partem corporis, cui (teste eodem) secundas reliquit, creator; Quæ est autem ista nobilior & inuisibilis prout & cœlum inuisibile est, pars humani corporis? Pro hoc:

non 9. Notandum est quarto. Quòd DEVS formans Corpus humanum de Extracto cœli & terræ, ità illud formauit, vt esset spirituale, seu astrale, atque sydereum, vtque à potiori esset eius essentia, plùs scilicet de cœlo participans, quam de terrâ: ita videlicet hoc intelligendo, vt de terrâ sit filiqua, de cœlo nucleus corporis humani. Corpus ergò humanum, secundum quòd non filiqua sed nucleus est, est defacto Spiritus. Qualis spiritus? Ex quintâ Essentiâ cœli acceptus: propter quem (vt obseruauerunt meliores Galeno medici) cœlum intus gerimus, ideòque & præsertim corruptâ nostrâ naturâ iam ægri, rythmum cœli astrorumque & Planetarum sequimur, vnde & Spiritus iste, nomen Astralis seu syderei obtinuit. Iste tamen spiritus ad instar auræ inuisibilis, imò aura nostri corporis vitalis, corpus est, ast inuisibile & Spirituale, ad instar venti. Nec sanè latuit antiquiores Aristotele Sophos, qui eum diuersimodis indigitauerunt appellationibus, vocantes eum Hominis genium; (bonum vel malum, prout cernebant sic vel sic affectum hominem). Penatem, quòd penes nos sit semper; Larem domesticum; hominem vmbratilem; Spectrum; Euestrum; Lumen naturæ, quòd videlicet cum cœli lumine similem habeat cursum. Imò docuerunt istum Spiritum Sydereum, ex astris homini inditum, Magnetem esse naturæ humanæ, eò quòd ipse cum astris symbolizans, etià ad se astrorum vires trahat, vt videre est in Lunaticis; & mirabiles operationes suprâ humanum captum proferat: vt patet in Matribus grauidis, cerasum, in fœtu, rythmum cœli in flore, generatione, progressu, & maturitate imitans, vi istius Spiritus vehementi imaginatione & appetitu comoti, producentibus. Istum Spiritum corpus Spiritualizantem, iam vnanimè

mitèr

RESOLVTIO QVINTA.

63

mitèr medici melioris notæ, vocauerunt Archeum. Et hic est pars humani corporis nobilior, & inuisibilis, seu Spiritualis, à quo, si à potiori fieri debeat denominatio, & totum corpus humanum dici debet Spirituale. Itaque iam patet, qualiter homo internus, tam quoad Animam, de quo non est dubium, quam quoad corpus, quod Philosophi Ethnici non concedunt, spiritualis est. Nunc ad virtutem animæ nostræ in corpore, reuertamur.

10. Porro iam dictum est, homini datam esse à Deo potestatem agendi aliquid solo nutu voluntatis, vt & in hoc referret imaginem Creatoris. Et licet robur istud Spirituale, in mente primario collocatum fuerit à Deo, ex dono creationis; gliscit tamen hoc suo modo & ad Spiritum astralem corporeum, atque hinc in totum hominem, vt sic in totum hominem ista virtus dispergatur ordinariè: ita tamen vt in mente vegetior & viuacior, in Spiritu verò isto sydereo, & in carne ac sanguine, longè demissior, & viribus inferior sit. Et quod Anima deriuat à se in externum hominem, hoc robur Spirituale, probari potest à posteriori. Quo enim pacto obediret Spiritus ille Astralis iussui mentis, nisi iussus iste Spiritum, & Spiritus deinceps corpus moueret? Et si sic ad intrâ propagat se robur istud Spirituale, in Spiritum astralem & carnem, idque ordinariè, ex dono creationis, etiã in naturâ corruptâ; Cûr non interdum & vltra se propagabit extra ordinariè, sicut potuisset semper in incorruptâ? maximè cûm secundum Doctorem Subtilem, eadem & vnica sit Animæ virtus in omni naturæ statu. Quare autem non semper se propagat extrâ in hoc Statu naturæ lapsæ? vt hoc intelligas, obiter hîc intimabo; siquidem de hoc quod nunc Animam in hoc impedit, tota erit sequens Resolutio. Igitur.

11. Notandum est quinto. Vim istam naturalem Animæ nostræ, quæ ab aliquibus vulgò dicitur, Virtus Magica naturalis, (excludo enim hic magiam superstitiosam, quæ toto coelo distat à naturali) mansisse in Adamo promptam ad operandum extrâ se, quousque abstinuit à pomo verito Scientiæ boni & mali; sed superueniente in naturam corruptione, per fermentum luxuriæ, vi pomi introductum in naturam, iam virtus hæc spiritualis, estò mansit in Adamo, impedita tamen & quasi ligata à carne peccati, ita vt vix modò se idque oscitanter ad hominem externum propaget; si enim hæc vis est solius mentis, & illi immediatè subiecti Archei; postquam medium inter ista duo subintravit per esum pomi, scilicet vita Animalis per Animam sensitivam, quæ Archeum humanum pessundedit, & mentem se à regimine sic conspurcati corporis retrahere compulit, iam virtus hæc, à mente vix intrâ corpus sic corruptum, ad Archæum alteratum pertingit, satisq; habet se ordinariè in hac vitâ mortali carni & sanguini communicare: Vbi sic communicata, per offusas carnis corruptæ nebulas, quasi in nocte tenebrarum inuoluta, dormit, vltioris ad extrâ propagationis incuria, nisi exciterur aliquâ forti impressione, quâ tenebras se impedi-

impedientes discutiat, & incipiat extrâ se agere; Tenebras inquam scientiæ boni & mali ex pomo vetito hauitæ. Hinc enim experimur in somnis, quandò Scientiæ hæc consopitur tantisper, nos quandoq; habere somnia prophetica, & multa intelligere, quæ aliàs in vigiliâ intelligere nequiuissimus: nimirum potestate Animæ Magicæ per scientiam pomi tunc non interpollatâ, sese liberiùs exerente in intelligendo. Imò si se etiam ista vis ab Animâ in inferiores potestates demerserit; eas somno durante mouet, & tutò eò ducit, quò vigiles scandere non possent: vt patet in Lunaticis, in quorum Spiritum astralem, anima vim hanc spargens, viuaciùs eum excitat, vt illi astro, scilicet Lunæ, cuius rythmum & syzygiam obtinet, nedum se ipsum, sed & carnem in quâ latet vt in filiquâ, mediantibus Organis, cum Lunâ copulet. Hæc vis Animæ, sicut mansit in Adamo superstes à peccato, ita etiam in vno quoque nostrum est; sed vt dixi, soporata, & dormiens, & ne extrâ se profiliat, impedita est. Si tamen excitetur, verè etiam extrâ operatur, discussis impedimentis. Potest autem excitari, vel per Spiritum Sanctum specialitèr illuminantem hominem interiorem, & hoc frequenter contingit in viris Sanctis, qui se ad hanc excitationem disponunt quantum possunt, tollendo in se obicem scientiæ pomi, causantis somnolentiam, per continuatas orationes, vigiliâs, contemplationes, ieiunia, & mortificationes. Assequunturque quod cupiunt vehementissimè, ita vt hæc Animæ potestas magica per Spiritum Sanctum illuminata, & viuacitèr in carnem & sanguinem illorum deriuata, eam in aerem sursum eleuet; Et si quid eis DEVS reuelet in illâ illuminatione, ad quod illi summo desiderio & charitate intensâ anhelant, statim vi istius desiderij conceitus Spiritus illorum Astralis, qui est verè corporceus, & Symetriad memborum externorum continens, ibi fit in momento, vbi esse desiderat. Hinc legimus D. Ambrosium visibiliter adfuisse exequijs D. Martini, licet alibi etiam simul esset; Et D. Antonium de Paduâ, simul fuisse in choro cum Fratribus, & Paduæ prædicasse populo, quod certè fieri non potuit, nisi vi Magicæ animæ, quæ extra propulit Spiritum Exterioris hominis visibilem, à se tamen informatum, ipsa verò remansit & hîc penes corpus, & ibi simul fuit penes Spiritum astralem corporis, vi magicæ eius sic se extra propagante.

12. Imò hæc virtus, potest excitari & à Sathanâ, sed non iam in homine interiori, solius enim Spiritus Sancti est, in interiori animæ fundo, vbi est Regnum DEI, hanc excitationem facere, cum illuc Diabolo sit præclusus aditus; sed præcisè in homine exteriori scilicet carne & Sanguine, & eorum Spirituali, idque in suis mancipijs, sibi cum animâ & corpore deuotis, semperque ob malum finem, vt scilicet mediante tali potestate magicâ, sic de sopore solito excitatâ in vnâ sagâ, in quam tunc inducit Catochum seu Soporem vigilantem, ne id aduertat esse sibi naturale, feriat & interdum occidat hominem vel iumentum, diradiando in eum à suo Spiritu per Sathanam conceitato, radium sigillatum ideâ odij, vel ar-

dentis

dentis desiderij ei nocendi, non secus quam si in Spiritum eius quem sic ferit, enssem aut romphæam abdidisset. Non quod tunc totus Spiritus Sagæ, abierit in eum quem sic ferijt, sed solum quod radius deriuatus sit, adhuc in sagâ remanente toto lumine Spiritus astralis. Est enim vniuoca sicut lucis ita & Spiritus cuiusuis participatio & diffusio, manente adhuc integro Spiritu in priori subiecto, vt patet in irradiatione seminum in actu generationis, quæ fit Archeo quasi alienato à se, & totaliter ad semen sigillandum, & lumine suo ibi sigillato fœcundandum, conuerso. In semine enim quod V. G. parentes decidunt ad generationem proles quâlibet vice, totius hominis generantis Spiritus, etiam ad multos fœtus sufficiens propagatur, manente tamen integro in propagante, suo Spiritu; ita enim voluit creator lumina seminalia propagari, sicut propagatur lumen V. G. candelæ in mille & plus myriades Luminum, manente tamen prioris luminis in candelâ, omnes alias accendente, integritate. Quod autem de Sagis dixi, hoc probatum est ad oculum non semel, & vnusquisque in casu occisi V. G. iumenti à sagâ, probare potest. Si enim cor mortui animalis, adhuc calidum natiuo quod habuit dum viueret calore, exemeris, & clauo transfixum ferreo per totum, ardentibus prunis inieceris, aut in veru ad ignem assaueris, iam eo clauo vel veru detentum Spiritum Sagæ in illo corde, domicilio vitalis Spiritus animalis mortui, vbi se Spiritus Sagæ cum Spiritu vitali animalis copulauerat hostiliter (ob idæam odij, quam Saga feriens in illo sigillauerat) transiges cor Sagæ, & affirmo tibi pro certò, quod ita totus Spiritus per Magnetismum torquetur in Sagâ, etiamsi illa mille hinc distet leucis, sicut hic torquetur in corde iumenti, detentus Spiritus eius.

13 Ex quo experimento disces imprimis, Spiritum talem per se primò pati morbos, carnem verò non nisi per Spiritum. Quia non nisi Spiritu patiente corpus patitur, Spiritus autem ipse, etiam non patiente corpore, potest benè pati, vt in rigore & calore febrili cernere est. Disces etiam, Spirituum cum Spiritibus esse hostilitatem, vt in exemplo citato Sagæ & Animalis occisi videre est, & melius in omnibus venenis, quorum Spiritus humano Spiritui aduersantur, vt patet in peste & alijs venenis. Esse etiam & amicitiam, per quam amicabiliter connectuntur, & quasi per ligamen indissolubile in vnum transeunt, vt de Dauide & Jonathâ, & glutino inter animas illorum, testatur Scriptura. Et patet per Sympathias rerum. Disces denique, Vnum Spiritum prædominari alteri, vt hic Spiritus Sagæ Spiritui Animalis. Humanum verò Spiritum, suâ Magiâ de facto prædominari, quantum est in eo, omnibus Magijs sibi subiectarum rerum & Spirituum, *Omnia enim* (vt dicitur Psal. 8.) *Subiecisti sub pedibus eius*, licet quatenus iam Magia eius soporata est per tenebras Scientiæ potius, debilior sit, quàm vt sibi exoticas Magias in se potentèr exertas vincat, quarum certè actio in hominem, sunt illi tribuli & spinæ. Gen. 3. pun- gentes & subigentes Spiritum hominis, & tandem eum suffocantes, vt ex-

tinguatur instar Luminis candelæ, quo extincto anima & vita abeunt, sicque venit amara amarè separans mors. Ad extremum disces; quam stupidè ne dicam impiè, aliqui Doctores, Ethnicæ doctrinæ nimium inhærentes, quæ corpora Physica solum secundum Mathesim & trinam dimensionem aspiciunt, non verò secundum Spiritum, hanc virtutem Magicam à DEO corporibus naturalibus spiritualitèr inditam, & mirabilia seu potius extraordinaria operantem, in Diabolum & pactum cum eo explicitum vel implicitum referant. Cum ista sit verè naturalis virtus, à DEO creaturis indita. Aperiant ergò isti oculos, & definant id, quod cedit in gloriam solius Creatoris, attribuerè Sathanæ, qui in tantâ ignorantia nostrâ, iam satis gloriatus est. His ita pro nunc de virtute Magicâ Hominis obiter constitutis, quatenus scilicet hîc nobis postea inseruiet pro declarandâ immaculatâ Conceptione DEIPARÆ Virginis, quæ nos ad se rapit; ad propositum istius Resolutionis.

14. Dico. Quod sicut primus homo, totus formatus fuit de terrâ Virgine à Spiritu Sancto, in Spiritum, nedum quoad animam, sed etiam quoad Spiritum corporeum astralem, corpus pro nobiliori eius parte Spiritualizantem; ita & quilibet deinceps propagatus de Spiritu Sancto & Virgine, esset similiter totus Spiritualis, quoad animam & Carnem. Hoc patet. Si enim modò in statu naturæ corruptæ, remansit illi ista Spiritualitas carnis, licet obfuscata & soporata, ut in Notandis demonstraui; Quis poterit negare, eam in illo felici naturæ statu, si perseuerasset nostra propagatio absq; corruptione Virgineæ naturæ, futuram fuisse? Et quod modò sit de facto, ultra dicta iam, adhuc probatur multipliciter, ex Sacrà Scripturâ, & alijs medijs.

15. Et inprimis ad hoc est Locus ille D. Joannis Epistolâ 1. cap: 8. *Tres sunt qui testimonium dant in terrâ, Spiritus, Aqua, & Sanguis; & hi tres unum sunt; Vbi loquitur de humanitate CHRISTI ex his omnibus constante, scilicet ex Aquâ, videlicet ex limo illo extracto è corde Virginis, quâ fuit materia corporis CHRISTI; ex sanguine, & ex Spiritu, quæ tria unum sunt in humanitate CHRISTI, quia omnia sunt Spiritus, qui Spiritus, & Aquæ & sanguini confert Spiritualitatem, ideoque & præponitur à D. Joanne Aquæ, & sanguini, tanquàm illas uniens in se & Spiritualizans. Sed & nos si de Virgine concepti fuissetus, parem humanitatem ex Spiritu, Aquâ, & sanguine, unitis in Spiritu, habuissetus; Ergò fuissetus purè Spirituales, absq; omni admixto, prout etiam modò sumus, sed cum admixto fermento luxuriæ, & consequentibus illud, Spiritualitatem nostram obfuscantibus.*

16. Deindè, idem D. Joannes, Euangelij sui cap: 1. agnoscit voluntatem carnis, distinctam contra voluntatem viri, & contra voluntatem DEI, dicens de illis quibus dedit DEVS potestatem Filios DEI fieri. *Qui non ex sanguinibus, neq; ex voluntate carnis, neq; ex voluntate viri, sed ex DEO nati sunt.* Ergò si in nobis alia est voluntas carnis, & alia voluntas viri,

iam

iam sequitur, ita carnem sicut & ipsum virum, habere in se Spiritualitatem. Consequentia est euidens. Quia voluntas ubicunq; sit non potest esse non Spiritualis, & consequenter illud in quo est, denominat Spirituale.

17. Præterea. Scriptura frequentèr testatur, Animam & vitam esse in sanguine, eo quod insint sanguini vires quædam vitales, & mumiales, distinctæ à vitâ viri, ac si per se animatæ essent; Vndè vox sanguinis Abel dicitur clamare ad DEVM vindictam in Cainum fratricidam Gen: 4. Imò & ad iudices terrenos eadem vox sanguinis frequentèr clamat vindictam in homicidam, quando præsentè homicidâ sanguis cadaueris, aliàs iam mortuo cæso congelatus in venis, tamen repente ebullit, & foras contrâ homicidam, quasi clamans vindictam, erumpit; Ergò sanguis humanus est Spiritus viuens, sentiens, & volens vindictam suâ voluntate, distinctâ iam à voluntate viri, quæ cæso illo periit. Et hæc est fortè causa, quare vtrâque scripturæ pagina, tam scilicet veteris quam noui Testamenti, prohibet vesci sanguine, quod sit in eo sua vita, & sua voluntas, etiam in Brutis, pro conditione naturæ illorum: Quia enim V.G. Taurus, & in vitâ & in morte est excellentèr vindex, & cum nimio appetitu vindictæ moritur, ideò & sanguis eius suâ voluntate est quoque vindex, ita quod, si quis comederet vel biberet ex illo etiam cocto, strangularet eum. Et contrâ verò, quia lepuseulus est plebs inualida, mitis, mansuetusque; sanguis eius venatione occisi, etiam in linceo Siccatus & igneis apostematibus, V. G. Erijsypelati appositus, sanat eum. Sed hæc vix faciunt ad nostrum propositum, ideò Medicis relinquuntur, & reuertamur vndè digressi sumus.

18. Ipse CHRISTVS Matth: 16. distinxit in Petro duas reuelationes, tenentes se ex parte Petri, quâ homo erat pro hoc statu poenali viuens. Caro (inquit) & sanguis non reuelauit tibi, sed Pater meus. Atqui hoc esse non potest, nisi in carne & sanguine supposuerit CHRISTVS esse Spirituales potestates, scilicet Imaginationem, Voluntatem, & alia ad reuelationem actiuam respectu Petri requisita; Ergò ipse CHRISTVS agnoscit in carne & sanguine sensum, cogitationes, notitias, reuelationes actiuas, quæ sunt vtiq; spiritualia. Et si hoc in isto statu; à fortiori certè in statu innocentis id fuisset.

19. Præterea; huc adduco dictum CHRISTI Matth: 6. *Vbi est thesaurus tuus, ibi est & cor tuum.* Non enim hîc mystica vel allegorica explicatio sufficit, quasi CHRISTVS hîc per cor intelligat, Cogitationem, vel amorem, seu voluntatem viri; Friuolum enim sermo CHRISTI contineret, quod homo semper cogitationem & amorem fixum teneret in thesauro, cum multa interim diuersa cogitet & amet. Sed hîc loquitur CHRISTVS de isto Spiritu hominis externi, scilicet carnis & sanguinis, quem intelligit per Cor, qui frequentèr, (vt non rara probat experientia) etiam localitèr circâ thesaurum defossum comparet, etiam post mortem illius, qui thesaurum illum defoderat. Imò potuit semel saltem iste Spiritus sydereus,

etiam cor materiale avari secum ad thesaurum rapere, prout toti suo auditorio B. Antonius de Paduâ explicans hæc verba CHRISTI in concione funebri, suprà cadauer cuiusdam avari habitâ, ad oculum monstrauit, asserens cor illius hominis non in cadauere, sed circa pecuniam mortui eos inventuros. Quod ita contigit. Et huc spectant Lemures, seu isti Astrales Spiritus, oberrantes præsertim tempore Pestis, vel in castris tempore obsidionum, & bellorum.

20. Præterea. Compertum est etiam, Externum & Animalem hominem, propter intensam imaginationem, pati tales extases, vt voluntas carnis excitata vehementi desiderio, illum momentaneè propellat ad desideratum. Sic sagæ, carnali illarum voluptate per Dæmonem excitatâ, imperantem illis vehemens desiderium, & accendentem intensè imaginationem, in ictu oculi ad locum longè distitum se translocatas reperiunt, putantque falsò se à Dæmone deferri, imò naturalitèr id posse fieri sinè vllâ ope Dæmonis, testis est Martinus del Rio Societatis JESU Theologus, in suis disquisitionibus magicis: vbi pro certò affirmat: Puerum quendam in Ciuitate Insulensi, tam violentâ cogitatione, ductum fuisse, quòd cum flagrantissimum desiderium cum imaginatione intensâ iunxisset, videndi Matrem multis miliaribus ab illâ ciuitate tunc distantem, statim per vim Magicam seu extaticam, in sanguine & carne antea soporatam, & tunc ardenti desiderio excitatam, eam inuiserit, & ad se rediens, omnium quæ viderat memor fuerit, & apud matrem veræ suæ præsentis manifesta signa reliquerit; Sed hoc arguit clarè Spiritualitatem hominis, etiam quoad carnem & sanguinem; Ergò, &c.

21. Præterea. Illi qui in somno ambulant, vereque & realitèr eunt, redeunt, scandunt tecta, & fastigia, nunquam id facerent, nisi ductorem Spiritum in carne & sanguine latentem, & illa Spiritualizantem, & pro libitu commouentem, haberent; Ergò, &c.

22. Præterea. Res omnes vulgò dictæ Inanimatæ, sunt à Deo cui omnia viuunt, & qui totus vita est; Ergò nulla è manu eius prodit creatura mortua, sed viua, sensata, phantasiata, vt sic in vnâquâque re, Deus qui vita est, clarè elucescat; Sed homo qui super omnia creata constitutus est, tam secundum corpus, quam secundum Animam, è manu DEI prodijt, & deinceps prodire semper debuit, Ergò totus viuus, sentiens, & Spiritu vitæ dotatus, esse debuit. Maior patet, per Exemplum vel vnus Magnetis; qui manifestè ostendit, quòd in se habeat naturalem sensationem, sympathiæ & Antipathiæ omnis in eo auctricem: Si namque magnes se ad polum dirigat, oportet vt illum noscat, si in directione sui ad eum errare non debeat, quomodò autem noscet, si non sentiet vbi sit? similiter si ad ferrum eminus positum, se neglecto polo torqueat, iam necesse est vt ferrum sentiat, & ex hac sensatione amorem in ferrum concipiat maiorem, quàm in polum: qui amor nequit in eo esse sinè præsuppositâ phantasiâ eius; Ergò magnes ad diuersa diuersè dirigitur; Alia enim

Phanta.

Phantasiâ di
num duntaxa
interuallum
abortum pro
propellit, alia
minutulo frag
que candidu
runt, puta si
tualitèr indi
ad pulsus sep
sum, virus
nis, marini
Basilisci, solo
nullaque agen
is magicæ; q
gnitis, rudicè
tò agat in o
non temerè
quàm sentie
idealem enti
pediam. Cu
terius rei spi
dum &c.
eius rei donu
igitur in istis
tio, & diuer
scilicet carni
23. Co
Magnale ma
uet, & mag
lam, ad distan
benè extens
similis in ali
eam subfili
Ergò spiritu
lator. Qui ip
sophos; jux
diffusa per ar
bus eius par
tem corporis
stinctæ, sequi
multò magis
fascatus, qui

RESOLVTIO QVINTA.

69

Phantasiâ dirigitur in polum, & aliâ in ferrum; quia ad ferrum, per vicinum duntaxat spatium, virtutem suam spargit, ad polum verò, per ingens interuallum: aliâ etiam phantasiâ in vtero minitante abortum, prohibet abortum prolis, aliâ catharos de naturâ Matris, aliâ intestinum in Herniâ, propellit, aliâ è vitro candenti in fornace, in massam vitri igne resolutam, minutulo fragmento iniectus, maculas virides & luteas ab eo extrahit, sicque candidum vitrum efficit. Sed & plura exempla similium rerum occurrunt, puta succini, quod non nisi propter Phantasiam sibi à Deo spiritualiter inditam, aliter paleas & festucas trahit, aliter virus pestilentielle ad pulsus septem Planetarios affixum, exsugit, aliter gummatibus immixtum, virus & plumbum è vulnere si emplastretur educit. Item Torpedinis, marini piscis, torporem in manum remotam piscatoris eiulantis. Basilisci, solo visu interficientis. Denique nulla est actio in totâ naturâ, nullaque agendi potentia, quæ non procedat à formis & illarum Phantasijs magicè; quod hactenus proprietatibus occultis, hoc est nescitis & incognitis, ruditer & rusticè adscriptum stetit; cum tamen omne agens, pro tanto agat in obiectum proprium, pro quanto illud præsentit, atque ita suam non temerè, sed in obiectum duntaxat spargit actiuitatem, videlicet postquam sensit obiectum, commouendo Phantasiam suam ad dispergendum idealem entitatem, & ad copulandum eam obiecto. Et vt verbo me expediam. Cuiuscunque rei phantasia, validum obtinuit appetitum, ad alterius rei spiritum, loco mouendum, trahendum, expellendum, propulsandum &c. Ibi & non alibi magnetismus totus spiritualis, velut naturale eius rei donum Magicum, à Deo illi implantatum, agnoscendus est. Si igitur in istis, de quibus minus videtur, & tamen inest Phantasia, sensatio, & diuersæ illarum impressiones spirituales; certè & cui magis videtur, scilicet carni & sanguini hominis, est concedenda spiritualitas.

23. Confirmatur hoc. Quia in toto Vniuerso latet spiritus, quem Magnale magnum vocant, qui Sympathias & Antipathias inter res promouet, & magnetismos istos rerum, per se, tanquam per quoddam vehiculum, ad distantia obiecta defert; vt patet in chordis distantium testudinum bene extensis, quarum percussâ vnâ in hac V. G. testudine, subsiliit alia similis in aliâ distante testudine; non enim nudus tonus alterius testudinis eam subsilire facit, alias quilibet tonus id efficeret, etiam dissimilis chordæ; Ergo spiritus in medio habitans, actionum & Sympathiarum executor, & delator. Qui spiritus Vniuersi, non latuit etiam antiquos melioris notæ Philosophos; juxta illud Poëtæ; *Solem Titaniaq; astra, Spiritus intus alit, totamq; diffusa per artus, mens agitat molem*; Ergo cum & in toto mundo, & in omnibus eius partibus sint isti spiritus, seu auræ vitales, solum contra crassiorum corporis compaginem, non verò contra ens Physicum corporeum distinctæ, sequitur, quod quodlibet corpus, habet sibi concreatum spiritum, & multò magis corpus humanum spirituale est, licet modò iste spiritus sit obfuscat, qui in statu innocentie fuisset viuus.

S

24. Con-

24. Confirmatur idem per varias morborum classes, per prægnantium stultos appetitus, per Virginum cretam, lanam, argillam, vorantium, digestionem, quæ sanè non fiunt naturâ humanâ id poscente, sed ex extaticâ humorum & excrementorum in illis stabulantium phantasiâ, impetrante; Vndè excrementis istis cum illorum phantasij naturam impellentibus, expulsis, subsequitur mox sanatio.

25. Idem confirmat generositas nobilium, quia enim phantasia carnis & sanguinis in primo familiæ parente excitauerat eum ad exercendos actus heroicos, quibus meruit benè de patriâ, & ob hoc nobilitate est donatus, iam illa phantasia sanguinis tradux in semine, etiam in posthumo, mores Patris, Aui, Proauique, & gestus, ac conditiones, emicare facit, quod certissimum est propagatæ in nepotibus nobilitatis signum. Nonne etiam innata Lupi cum Ouibus eaque naturalis inimicitia, etiam in eorum pellibus remanet, ita quod nedum phantasia istorum animalium impressa est peruicaciter in cruorem, sed etiam & in pelles & cutem eorum? sicut & in Sueciâ Animal gulosum ob hoc Gulo incolis dictum est: è cuius pelle stragulis factis, si homo contactus dormiat, somnare cogitur continuò de epulis, voracitate, & insidiosâ animalium venatione, pro indole scilicet illius viuentis animalis, adeò vt solo tegmine externo cutis Gulonis, traducatur phantasia animantis in cute hospitata, in hominem subtus dormientem.

26. Præterea. CHRISTVS dixit Joan: 12. *Nisi granum frumenti cadens in terram mortuum fuerit; ipsum solum manet &c.* Per quod dictum, docet Saluator, quod oportet granum emori, vt in eo vis seminalis latens sub siliquâ erumpat, & prolificet. Cuius ratio est. Quia cum essentia rerum, & earum Spiritus vitales, putrescere nesciant, ob sui spiritualitatem, alligatam tamen siliquæ exteriori, iam factâ per putredinem, vel per aliquam aliam digestionem, dissolutione illius corporeæ extrâ apparentis compaginis, in cuius harmoniâ latent ipsi Spiritus sospites, liberi, & expediti, emergunt, & in actum deducuntur. Hinc felices sunt illi ægri, qui nacti sunt medicum scientem educere ex herbis & metallis has sospites virtutes, easque nostro Spiritui enormitico accommodare, sic enim compendiosa & certa ac secunda sequitur sanatio. Igitur si in herbis, metallis, granisque seminalibus, sunt tales spiritus, qui sunt rerum quidditas & essentia, sequitur quod multò magis erunt & sunt in corpore humano, etiam modò, & à fortiori fuissent in Statu Originalis iustitiæ, minimè obfuscari.

27. Ad extremum, hoc medium probans nostram Resolutionem ex potentiâ Magicâ naturali Animæ redundantis in corpus intrâ, & in alia extrâ, roboro verbis Doctoris Subtilis in 4to Dist: 10. q. 8. § Adeo &c. Sub ipsum finem. Vbi de ipsâ sub nomine potentiæ inorganicæ, sic loquitur. *Hanc potentiam motiuam non organicam, suppono fuisse in Animâ CHRISTI, quia etiam erit in Animâ cuiuslibet beati, non tantum quantum ad habitum, sed quantum ad*

tum ad actum
do aliquod
usus est C
rum, qui
eum præcipi
rusalem; E
tiâ, &c.

STVS, qu
næ, quia
lis, & vi
conceptus
gicæ, sibi

28.

semper sp
per aliquem
rem habu
um man
summo M
charistian
nunc eode
tur difficul
semel in pl
rum circa
subtexui, q
am magica
hæc ex me
dijs. Itaque

29.

beatificabil
verbis Doct
Ad aliud d
ta, non rep
mox infra
tudo corpor
vel propter
nem corpor
addi corpo
gro agile,
sed in istis
DEI ea co
modò illud
ri possunt in
vita, non re

zum ad actum, vel vsus possibilitatem, hâc etenim poterit uti, immediate mouendo aliquod corpus secundum se totum, sicut Angelus potest mouere: hâc etiam forte vsus est CHRISTVS in vitâ istâ, ut quando dilapsus est de manibus Iudeorum, qui ducentes eum ad montem, super quem erat ciuitas eorum sita, voluerunt eum precipitare, quando etiam elapsus est de manibus parentum, & mansit in Hierusalem; Ergo anima CHRISTI in Eucharistia existens, poterit uti istâ potentia, &c. Ex quibus verbis sic arguo. In hâc vitâ fuit talis homo CHRISTVS, qualis intentus est à DEO ex vi primæquæ creationis naturæ humanæ, quia de Spiritu Sancto & Virgine conceptus, & ideo totus spiritualis, & vi animæ suæ magicâ pro libitu vtens; Ergo & quilibet homo sic conceptus, fuisset totus spiritualis, vernaculum vsus habens potentix magicæ, sibi ex dono creationis, naturalis.

28. Imò Corollarie infero. Quod quia corpus CHRISTI totum erat semper spirituale, & nunquam impeditum ab vsu suæ Magiæ naturalis, per aliquem Adamicæ carnis obicem, cuius ille solum similitudinem non rem habuit, sequitur quod si intensissima Charitas & vehemens desiderium manendi nobiscum, imò in nobis, accessit in CHRISTO, eleuans in summo Magiam Corporis eius viui, eo ipso & tunc quando instituit Eucharistiam, translocavit suum spirituale viuens corpus in plurima loca, & nunc eodem desiderio translocat, sicque per Magiam istam melius saluantur difficultates occurrentes circa existentiam corporis CHRISTI simul & semel in pluribus locis Sacramentaliter, quam per tot varietates sententiarum circa hoc existentium. Quod occasione verborum Doctoris Subtilis subtexui, quibus concedit, CHRISTO vt in Eucharistiâ existenti potentiam magicam, sub nomine Potentiæ inorganicæ. Sic probatâ Resolutione hâc ex medio virtutis magicæ Spiritualis, restat vt probetur ex alijs medijs. Itaque.

29. Ex ratione immortalitatis, quæ Beato corpori quatenus corpus beatificabile est, omnino datur, sic ad propositum Resolutionis arguo, ex verbis Doctoris Subtilis in 4. Dist: 49. q. 12. §. Ad argumenta &c. Ibi, Ad aliud de vitâ &c. Quæ sunt hæc. Concedo, quod vita ista in quantum vita, non repugnat beatitudini; Sed hoc est solum, in quantum est mortalis. Et mox infra ibi, Ex hoc sequitur corollarium &c. dicit. Consistit ergo beatitudo corporis in esse primò, vt est perfectibile ab animâ beatâ, & hoc propter duo, vel propter maiorem perfectionem animæ in operando, vel propter maiorem perfectionem corporis ab animâ. Et Quæst: 13. & sequentibus docet assertiuè; Nihil addi corpori aut animæ ad hoc vt corpus fiat de passibili impassibile, de pigro agile, de grosso subtile, de tenebroso lucidum, de mortali immortalis; sed in istis beato corpori tribuendis dotibus, partim recurrit ad voluntatem DEI ea conseruantis, partim ad amotionem impedimentorum in corpore, modò illud aggrauantium & corrumpentium. Tunc his positis, quæ videri possunt in textu Doctoris istius, ita procedo. Si vita ista, in quantum vita, non repugnat beatitudini nisi in quantum est mortalis, Ergo vita ista

immortalis multò minùs repugnabit beatitudini; Sed vita ista in suâ beatitudine inuoluit corpus, ita quòd nedum insit beatitudo secundum animam, sed etiam secundum corpus, prout corpori potest beatitudo competere, Ergò corpori viuo in vitâ istâ, non repugnat beatitudo illi consentanea; Sed per nihil superadditum sibi, corpus viuens iam immortale, est beatificabile; Ergò est beatificabile quatenus est corpus immortale & nihil plus; Sed præcisa ratio, quare corpus factum est mortale, est transitus seu transmigrationis corporis nostri in carnem, & per consequens spiritualitatis in carnalitatem, seu animalitatem superadditam corpori nostro vi pomi; Ergò illâ demptâ, corpus nostrum non est caro, sed spiritus, capax sibi competentis beatitudinis, & immortalitatis; Atqui in statu innocentie, vbi generaremur de Spiritu Sancto & Virgine, non subintraret in nos carnalitas; Ergò essemus Spirituales secundum corpus, sicut erimus & post resurrectionem. Vel succinctius arguo. Præcisa causa quare homo qui à Deo factus fuit immortalis de facto, & beatificabilis etiam secundum corpus, factus sit mortalis de facto, & non prius beatificabilis quàm moriatur, est ens positium, exortum in eius corpore ex pomo prohibito, præter intentionem Creatoris, quod ens est concupiscentia carnis, quæ corpus infecit, & in carnale degenerauit, vt Resolutione sequenti declarabo; Sed ablata causâ istâ præcisâ carnalitatis in corpore, quæ utique est ens positium, carnalizans corpus hominis spirituale, aufertur & carnalitas; Ergò vbi non est ista causa carnalizans, ibi est spiritualitas in carne; Sed stante statu innocentie, & virginieâ propagatione naturæ, non fuisset ista causa carnalizans; Ergò nec corporis nostri carnalitas, atque ita fuisset spirituales secundum corpus.

30. Confirmatur. Quia secundum Doctorem Subtilem, nihil additur corpori ad hoc vt sit beatificabile, immortale, impassibile, agile &c. Ergò vt non sit beatificabile, debet illi aliquid addi, iuxta illam regulam: *Non fit transitus de contradictorio in contradictorium, nisi ratione alicuius entitatis noue intercedentis.* Sed istud aliquid, quo addito sibi, corpus nostrum transijt de immortali, impassibili, agili, beatificabili, in mortale, passibile, pigrum, non beatificabile, non est aliud nisi eius carnalitas, & animalitas introducta vi pomi; Ergò hâc ablata, corpus nostrum in se est spirituale; Sed hæc exultauit à conceptu nostro de Virgine; Ergò ei opposita spiritualitas infuit; quod est propositum. Et hæc est causa, quare vita ista quæ mortalis, repugnet beatitudini, & cùm teneatur modò quilibet prius mori, quàm beatificetur, saltem quoad corpus.

31. Excipio tamen CHRISTVM & B. VIRGINEM, qui licet carnalitate hâc caruerunt, & mori non tenebantur, tamen mortui sunt, ob alias rationes postea afferendas, morte tamen spontaneâ, non verò necessitatâ, sicut nos morimur, ita quòd mors istorum duorum, verè est alia à morte nostrâ, qui caro sumus.

32. Ex ratione etiam penetrabilitatis seu possibilitatis essendi cum alio

alio corpore
habuit pos
RIA VIRG
uit corpora
nascetur,
spirituale;
retur, fuit q
nascebatur
morte tali
nem illi, qu
carnem spiri
habuit. Ne
da miracula
raliter com
perfectio n
grauantis a
vt eadem o
corpus huma
pedimentum
exire. Dixi
in naturâ hu
bis nescientib
niale fecit pij
tu habere, h
33. Pe
tratiuitatem
præsertim h
que sic. De
lium integro
pus, per viar
tem longè in
naturâ huma
netratiuitas
tum à Mart
thoribus, tum
gno stupore
los, Serratura
quæ sagæ con
let dicere, qu
sathanæ & oc
dò ista manu
busones, verè
A. D. 1631.

RESOLVTIO QVINTA.

73

alio corpore simul, probari potest sic. CHRISTVS idem omnino corpus habuit post resurrectionem, quod & antè, dum viueret, & dum ex MARIA VIRGINE nasceretur; Sed tam nascendo quam resurgendo penetrauit corpora, faciendo se simul cum eis; Ergò corpus CHRISTI tam cum nasceretur, quam cum resurgeret, æquè fuit idem; Sed cum resurgeret fuit spirituale; iuxta illud Apostoli; *Resurget spirituale*; Ergò & cum nasceretur, fuit quoque spirituale, eo solum modico intercedente discrimine, quod nascebatur velatum similitudine carnis peccati, resurgebat verò abiectâ in morte tali similitudine; Sed CHRISTVS habuit per omnia similem carnem illi, quam habuit Adam antè peccatum; Ergò CHRISTVS habuit carnem spiritualement etiam dum nasceretur ex Virgine, qualem & Adam habuit. Neq; hic recurras ad potentiam Diuinam; Quia non sunt ponenda miracula in naturâ aliquâ, ad hoc vt perficiatur perfectione sibi naturalitèr competente; Sed naturæ humanæ in omnibus electis competit ista perfectio naturalitèr, quod demptâ imperfectione & grauedine molis aggrauantis animam, penetrabit alia corpora post resurrectionem, & quidem vt eadem omnino est secundum corpus, Ergò id ex dono creationis habet corpus humanum, quoad actum primum, licet ad actum secundum, ob impedimentum naturæ carnalizatæ per scientiam pomi, nequeat pro libitu exire. Dixi pro libitu. Quia multa experimenta conuincunt, verè dari in naturâ humanâ penetrationem corporum naturalem, quam tamen nobis nescientibus natura facit, cui hoc in ipso creationis eius principio, geniale fecit pijsimus in hominem Creator; Si tamen homo id velit pro libitu habere, hoc ipsi non contingit. Vndè.

33. Penetrabilitatem corporis humani ab alijs corporibus, & penetratiuitatem respectu aliorum à se corporum, volo probare esse naturæ & præsertim humanæ ex dono creationis geniale, & naturale. Probo itaque sic. De facto datur in homine viuo, insensibilis corporum materialium integrorum iniectio, penetrantium insensibilitèr solidum hominis corpus, per viam aut nullam, aut pori magnitudinem non excedentem, saltem longè imò inproportionabilitèr corpore iniecto angustiozem; Ergò iam naturæ humanæ secundum corpus, competit de facto penetrabilitas, & penetratiuitas naturalitèr. Antecedens patet per experientias multas, relatas tum à Martino del Rio in suis Disquisitionibus magicis, tum ab alijs Authoribus, tum ab Exorcistis, qui talia iniecta per vomitum eiecta, cum magno stupore non semel spectauerunt; nempe Spicula, Spinas, Aciculas, Pilos, Serraturas, Insectas, Lintea, Artificum instrumenta, Ranas viuas, &c. quæ sagæ conuictæ, consentunt se in homines inieciisse. Hic enim non valet dicere, quod hæc non fuerunt intrò admissa, sed solum per ludibrium sathanæ & oculorum effascinationes, modò reiecta videantur. Quia aliquandò ista manu extrahuntur è faucibus, & si fuerint ligna, ardent, si fuerint bufones, verè viuunt & gradiuntur, sicut experimento compertum fuit A. D. 1631. Mechliniæ, vbi Virgo quædam quisquilias ligneas, dolobra

T

lauigan-

lauigando derasas, cum multâ mucilagine vomuit, ad duorum pugnorum magnitudinem; & Lyræ, vbi pueri aliqui equuleum, id est Scamnum quadripes, suâ rotâ atque funiculis instructum, per vomitum reijcientes, iuuabantur per manus adstantium, & extrahentium illud, qui equuleus ligneus arsit verè, nec fuit phantasma, sed verum lignum. Nec iuuat dicere cum Martino del Rio (qui etiam priorem Responſionem solidè enervat, ostendendo reuerâ eiusmodi res materiales intro inferri in suâ quam habent entitate, & reiectas per vomitum, tales apparere quales de facto sunt) illas res prius comminui à Diabolo in tenuissimum puluerem, & postmodum intus in corpore ad pristinam integritatem, figuram, & conditiones, reduci, dumque foras prodeunt, iterum ab eodem Diabolo teri in puluerem, & in instanti egressus, statim penes angustias faucium iterum coagulari in pristinum ens. Hoc enim est prorsus potentix creatæ Dæmonis impossibile: nempe facere rem iam destructam & priuatam vitâ, iterum viuam, & integram, totiesque à priuatione ad habitum immediatè transitum rebus dare, quod sanè deberet iuxta hanc responſionem fieri, si bis ligna, acus, bufones, viua animalia, comminuerentur in puluerem, & bis rursus ad priorem habitum integritatis, vel vitæ, reuerterentur. Nec enim Sathanas est suprâ sed intrâ naturam, vnde eius opera intrâ naturam, non suprâ sunt. Nec rursus iuuat dicere; Diabolum occultè inferre semen rerum, vel applicare intrâ hominem actiua passiuus, vt ista in eo generentur: quia licet de bufonibus reiectis per vomitum, & alijs insectis hoc possit admitti (licet multa obſtent ne hoc concedatur, quæ lubens prætereo) tamen in rebus quæ per artem factæ supponuntur, vt sunt Acus conglomeratæ, lintea, organa artificum, equuleus ligneus cum suâ rotâ & funibus, & multa similia, non valet responſio. Conſequentia est euident; Ergo &c.

34. Sed præſcindendo à Sathanâ, & eius si quod ad hoc præſtat auxilio, & operâ, probo, finè vllâ operatione Sathanæ dari in naturâ humanâ penetrationem corporum de facto. Sunt enim fide digni authores, qui sincerè texentes historias, ea narrant, quæ re ipsâ verè & realitèr euenerunt, in quibus leguntur multi finè vllò vulnere reddidiſſe corpora solida per omentum, intestina, stomachum, naſum, abdomen, vesicam, vterum, ita vt foetus quinque vel ſex menſium in vtero mortuus, & quoad carnem conſumptus, ſua oſſa non ſemel dimiſiſſe compertus ſit trans vterum clauſum, & quod mirere magis, per vmbilicum maternum. Fernellius etiam inſignis medicus ſcribit, ſtudioſum quendam, ariſtam deglutitam per coſtas dediſſe. De Sacerdote, qui arancam incidentem in calicem bibit, & per naſum ſternutando integram reddidit, nota eſt hiſtoria. Cornelius Gemma de cosmocriticis ſcribit, ſe vidiſſe Virginem, quæ in globum tormenti bellici, literis & characteribus notatum, ponderis trium librarum, per annum excreuerat, nec tamen antea quidquam ſenſit vbi delituerunt illæ libræ tres æris, nec fuit in eâ inteſtinum tam amplum, vbi tot menſibus tanta moles ænea contineretur. In prægnantibus id frequen-

tër contingere solet, cum ductæ inordinato appetitu aliquid manducant, vel auidè inspiciunt, ità vt quædam, dum conchiliorum cum summo appetitu testas crudas bis tantum vel ter, dentibus concisas deglutisset, peperit infra horam, foetum viuum vulneratum in abdomine ab illis testis, quæ intrà corpus infantis sese demerserant, transeuntes sine vulnere aliquo per membranam vteri, & stomachi, aliorumque intermediorum intestinorum, & infantis abdomen lædentes duntaxat. Quædam spectans auidè tredecim principum tempore Ducis Albani Antuerpiæ decapitationem, mox inuadente eam dolore partus, enixa fuit infantem maturum, absque capite, & cum collo cruento, cuius caput nusquam comparuit, aut ex vtero prodijt postea; Ergò clauso vtero ablatum fuit caput illius infantis insensibiliter per corpus mulieris. Multa talia occurrunt, in quibus enodandis non suppetit alia ratio, nisi concedatur, humanam naturam, ex dono creationis, admittere penetrationem dimensionum, sine vulnere vllò, præsertim si ardenti desiderio aut tædio vel appetitu insigni, commoueatur. Existimo etenim, quod sicut desiderium, terror, odium, tædium, cum sunt intensissima, translocant naturam humanam in ictu oculi ad desideratum, vt iam docuimus; ità & penetrabilem ab alijs corporibus, & actu penetratiuam aliorum, eam faciunt; nec enim puer ille Insulensis, Matrem inuisere tam longè distantem potuit subito, nisi simul tot corpora intermedia, etiam solida, penetrauerit suum corpus, cuius spiritus Astralis vehementissimo tædio & desiderio matris accensus, corpori eius vtrumque, tam scilicet subitanæ translocationem, quam penetrationem dimensionum, actu contulerit, amouendo impedimenta, quæ sunt & prohibent in carne peccati ista fieri ordinariè.

35. Præterea. Eua (teste Sacrà Scripturâ) nisi originaliter conspurcasset naturam humanam per copulam carnalem, sine dolore peperisset corpus nostrum, & fuissent tunc infantes illius magnitudinis, in quâ CHRISTVS ex vtero Virginis prodijt. Quia enim modò in dolore parit, hoc patitur in poenam peccati, quod scilicet belluinam carnem more belluino concipit, cum amissione Virginitatis & stupro; Ergò hoc ordinariè fuisset in naturâ, si non præcessisset peccatum originale; Sed quod est ordinarium naturæ ex dono creationis, illud est ei naturale; Ergò talis partus in statu innocentie fuit Eux naturalis, & consequenter non miraculosus; Sed talis partus fieri non potuit, nisi admittamus penetrationem dimensionum corporis infantis, & corporis Virginei Eux; Ergò in naturâ humanâ geniale fuit à creatione, dimensiones se inuicem penetrare, quod arguit hominem esse spiritum, licet concretum, quàmuis corruptâ iam naturâ & brurali carne infectâ, perierit ista autoritas spiritus in carnem, & non se exerat in actum ista penetratio, nisi discussis impedimentis per vehementem aliquem affectum humanum; tunc enim Archeus noster, scilicet spiritus ille astralis, corpora in se absorbet, vt fiant quasi spiritus, eo ferme modo (licet id non omnimodè quadret, quia omnis similitudo claudicat)

dicat) quo aqua fortis, vulgò dicta Aqua Regis, aurum, æs, argentum, ferrum, in spiritum tenuem conuertit, manente integrâ formâ essentiali auri & aliorum, in quam rursus facillè reducuntur, fiuntque rursus corpora, & visibiles.

36. Huc facit doctrina Hyppocratis, qui totum corpus humanum conspirabile & exspirabile dictauit, eò quòd vnius visceris in aliud, imò in vniuersum corpus sit plena potestas, autoritas, & facultas; V. G. Vteri in thoracem, pulmonem, caput; stomachi similiter in alia membra, & sic de cæteris; quod sanè in corpore arguit spiritualitatem, etiam Ethnicis cognitam; Ergò &c.

37. Imò dicam liberè, nedum naturæ humanæ hoc priuilegium datum esse ex vi creationis, sed & alijs naturis, imò ordinariè est hoc vernaculum rerum seminibus, & spiritibus in eis latentibus, facere penetrationem corporum, vt de semine & Archeo auri omnes fatentur; cum enim multa sint corpora pluries ponderosa quàm materia vndè constanter, & inter ista aurum suâ materiâ, siuè illa sit aqua, siue terra (de hoc non disputo modò, scio enim esse aquam rerum omnium materiam, secundum D. Augustinum suprâ relatum) decies & plus sit ponderosius, iam necesse est, naturalitèr concidere in vnum decem partes aquæ, vt aurum indè fiat, æquè cum illis decem partibus ponderans: atque ita sequitur, quòd cum pondus non sit ex nihilo, sed ex aliquo, iam aqua naturalitèr toties penetrauit se ipsam, quoties aurum aquæ præponderat. Hoc idem conuincit & de alijs seminibus ipsorum quotidianus progressus in generationibus; generata enim ex seminibus aliter non fiunt, nisi corpus seminis intimè penetretur, per condensationem. Hocque agunt semina vi spiritus in se inclusi, qui spiritus tametsi ipsemet corporeus, actionem tamen habet spiritualem; quâ mediante, materiam sibi accommodatam in se absorbet, & sic profert foetum solidum, densum, ob præfatam penetrationem. Tunc ad propositum. Si penetratio ista conceditur alijs ab homine in naturâ, ob spiritualitatem Archei in agendo, multò magis ab homine remoueri nequit, qui à DEO in spiritum licet concretum formatus est; Sic igitur non videtur absolum perfectioni nostræ naturæ, tribuere illi corpus spirituale, quale erit post resurrectionem, si conspurcata per degenerationem belluinam non fuisset, prout & S. Augustinus lib: 3. de Gen: ad literam, relatus à nobis supra sensit: *Quod tunc fuisset Sanctus & iustus populus, qualem post resurrectionem futurum credimus.* Jam quo ad Animam, qualis tunc fuisset homo genitus de Spiritu Sancto & Virgine, videndum est. Pro quo.

38. Præmitto vnum ex doctrinâ Aristotelis, qui id videtur ab antiquioribus se accepisse Philosophis; *Aliquos videlicet homines esse melius dispositos, quàm si essent scientes.* Hoc enim planè verificabatur in illo primo homine in statu innocentie viuente, qui profectò melius fuit dispositus, quàm si esset sciens; imò prohibitus fuit à DEO ne fieret sciens, qui ei fructum arbo-

arboris scientie factus
pari vni
scientia intr
resoluam.

ut & omne
niti essemus

39. L
râ Virgine
eodem Spir
Probat.

viuens in
ginem DE
derari neque
timus an
homo sic
batione, q

40.

nec in Ser
sint imagin
cundum an
tamen ita
militudinis
Tis in quo
in esse eius
seu animat
culum lucis

41. I
sunt Faun
milia, quæ
sunt simila
& discursu
parebit.

42.

immortale
homine v
rationem.
ex dono cr
hominem
indiguit ho
auxilio om
sunt illi ad
tissimo aff

arboris scientiæ boni & mali interdixit ideo; & postquam esô pomo scientiæ factus est sciens, condoluit ei DEVS illis verbis prolatis: *Ecce Adam quasi vnus ex nobis factus est, sciens bonum & malum.* Maledicta siquidem scientia introiuit in hominem ex pomo, non ex creationis dono, vt postea resoluam. Melius igitur ille fuit homo dispositus, quam si esset sciens, prout & omnes fuissetus, si de Spiritu Sancto & Virgine, sinè peccato geniti essemus, in illo innocentia statu.

39. Dico itaq; etiam secundum animam; sicut primus homo de terrâ Virgine à Spiritu Sancto formatus fuit purè spiritualis; ita & nos de eodem Spiritu Sancto & foeminâ Virgine geniti, purè spirituales fuissetus. Probatur. Quia homo solus inter omnia creata factus est creatura DEI, viuens in corpore per solam animam immortalem intellectuam, ad imaginem DEI efformatam, ita quod anima eius sinè imagine DEI considerari nequeat, dum regnum DEI cum omnibus suis charismatibus sit intimius animæ, quam ipsamet sibi est intima; Ergò secundum animam, homo sic conceptus esset purè spiritualis. Antecedens non tam indiget probatione, quam declaratione.

40. Cum ergò dico, homo solus; excludo primò Angelos, de quibus nec in Scripturâ nec in Sanctis Patribus habemus clarè Resolutum, quòd sint imagines DEI subsistentes, sicut est homo totus, maximè tamen secundum animam. Vndè licet Angelus censeatur esse Imago DEI, non tamen ita verè & propriè, sicut est anima, quia potius est signaculum similitudinis DEI, seu (vt aliqui SS. Patres loquuntur) speculum DEITATIS in quo lux illa Deitatis reflectitur, & constituit sic reflexa, Angelum in esse eius creato: Tanta est ergò differentia inter Angelum & hominem, seu animam hominis, quanta inter Imaginem DEI subsistentem, & Speculum lucis increatæ.

41. Excludo & alia quæcunq; creata, ad instar hominis facta, vt sunt Fauni, Satyri, Nymphæ, Pygmæi, Homines marini, & si quæ sunt similia, quæ cum homine videntur conuenire in naturâ. Quia ista solum sunt simulachra nostri, & pura animalia, sensitiuâ animâ, sagaci tamen & discursiuâ, prædita, nequaquam verò sunt imagines DEI, vt postea patebit.

42. Cum rursus dico. Quod homo viuât in corpore per animam immortalem intellectuam, & ad imaginem DEI efformatam; excludo ab homine vt tali, animam sensitiuam, cum suâ scientiâ per discursum & rationem. Hæc enim cum non sint in DEO, nec in eius imagine verâ, ex dono creationis habuerunt locum, sed vi pomi comesti surrexerunt, & hominem de intelligente scientem fecerunt: Antè esum enim pomum, non indiguit homo Ratione, nec habuit eam, sed fuit purè intellectualis, sinè auxilio omni extrinseco rationis, & sensuum externorum, qui solum dati sunt illi ad perficiendum accidentalitèr, & ornandum corpus eius, perfectissimo astrali Archeo donatum, quam ad adminiculum in intelligendo:

ratio autem ab eo prorsus exulauit. Sicut & modò Sancti & amici DEI, dum stant sub actu intellectus, contemplando vel seipso, vel DEVM, vel mysterium aliquod fidei, filet in eis ratio, & quicquid sensus, ac si nunquam inesset eis; prout suum amicum Timotheum, D. Dyonisius Lib: 1. de Diuinis nominibus instruit, paulò post principium dicens: *Tu verò amice Timothee, intensissimo circa mystica Spectacula studio, lingue sensus, intellectualesque actiones*, (id est rationales, quia intellectus noster non est actiuus, sed tantum passiuus, quidquid dicat Aristoteles, qui deceptus à Ratione actiuâ, eam putauit esse intellectum agentem,) *& sensibilia & intelligibilia omnia, & que sunt, & que non sunt, atq. ut ipsi iungaris, quod omni essentiâ & cognitione superius est teipsum intende pro viribus, quasi cognitione vocantem; Solâ enim extensione quâdam tum à teipso, tum omnibus expeditâ, ad ipsum Diuinâ caliginis radium, essentiâ (supple creatâ) sublimiorem, sublatâ omnibus, & absolutus ex omnibus, euolabis.*

43. Ut autem pateat, quòd intellectus, si est DEI imago, non debeat esse agens, sed tantum patiens; declaro hoc: Quia alias intellectus quâ talis, non referret in se DEI vnitatem & simplicitatem, posito, quòd esset diuisus in luctas agentis & patientis; merè ergò est vnicus, simplicissimus, & cum hoc passiuus tantum; Cum enim intelligendo transmittit semper in formam rei intellectâ, iam eo ipso perficitur, absque tardio & molestiâ: Lucetque in ipso eius lumine, Lumen veritatis intellectâ; Quod utique fit patiando, non agendo, iuxta ipsummet Aristotelem, qui docet *Intellectum esse, quo omnia fieri*; Et Doctorem Subtilem q. 1. Prologi: Vbi refellit Philosophos, per intellectum agentem, omnem noticiam posse fieri, probantes, & soluit eorum rationes, concluditque, nos ad veritatis cognitionem perungere non posse, nisi per reuelationem, seu fidem: quod utique arguit, intellectum nostrum passiuum, non actiuum esse, eoque plus perfici, quò maior & nobilior eius facta est illuminatio.

44. E contra verò, ratio seu discursus, qui apud Aristotelem nomen intellectus agentis obtinuit, tantum res extrinsecè aspiciat earumque in se format imagines, curritque cum omni labore circa eas in circulum, ad nucleum autem & essentiam nunquam pertingit, quia nec res in eum, nec ipse in res subintrat, se transformando in rem intellectam, contentus esse formare speciem rei, conformem suo de re illâ placito, in quo ferme semper cespitat, & errat.

45. Quòd autem nequeat anima sine imagine DEI considerari, est data causa: quòd regnum DEI sit ipsi magis intimum, quam ipsa si bi. Et hoc ex verbis CHRISTI Domini declarari potest, qui nos orare docens, iubet petere, ut nobis adueniat regnum DEI. Quod ita intelligo. Siquidem notitia intellectualis nihil est aliud, nisi transformatio intellectus in rem intellectam, & è conuerso; prout & ipse Aristoteles coactus est tandem fateri, dicens: *Principia essentia, & principia intellectus, esse prorsus eadem*: Quod est dictum: Veritatem essentia, & veritatem intellectualem.

RESOLVTIO QVINTA.


79

intellectualis cognitionis eiusdem, esse vnum & idem; iam sequitur, quod etiam regnum DEI nobis adueniat, atque innascatur quando in fide DEVM verum, bonum, summum, intellectu degustamus, tunc enim in DEVM intellectus intrat; & in eum vicissim DEVS intrat, & fit per talem intellectus nostri transmigrationem, Regnum DEI, & hæ sunt DEO deliciae, sic esse cum Filijs hominum, quod Sancti in extasibus abundè experiuntur. Quia ergo iam successit illi statui innocenti, alius corruptæ & obfuscatæ tenebris rationis naturæ status, in quo plerumq; mens nostra cum suo intellectu velut incarcerata à Scientia pomi, vix se exerit, & sine DEI speciali excitatione nunquam, ideo CHRISTVS præscribit nobis, vt istud auxilium petamus, dicentes; Adueniat regnum tuum. Licet enim anima ipsa cum suo intellectu sit ipsummet Regnum DEI, tamen iam quasi remota est ab eo, ob rationis nebulas, nisi DEVS suâ gratiâ excitet eam. Sic Adam spiritualis fuit ex partæ animæ, quia intellectualis, non Rationalis, vt vulgò hætenus putatum est. Hinc sequitur.

46. Corollarium. Non bene hominem definiri per animal rationale: vtrumq; enim istius definitionis membrum, est homini, quatenus homo est, exoticum. Attenderunt enim Philosophi, sic definientes hominem, ad statum præsentem hominis, quem habet in naturâ corruptâ, in quâ viuit assimilatus iumentis insipientibus; & non respexerunt ad statum naturæ institutæ, quem penitus ignorarunt. Nunquam enim DEVS, condens Hominem in Imaginem suam subsistentem, in vitâ & substantiâ immortalis, intendebat vt esset animal, aut propagaretur, nasceretur, viueret, ac moreretur vt Animal, sed hoc ipse sibi homo fecit, vt infra patebit. Quâ proptèr ly animal, quod in Definitione Hominis positum est pro Genere, hoc coram DEO est Degeneratio, corruptioq; naturæ nostræ, & destructio intentionis DEI de Homine. Tantum ergo distat homo in suâ integritate & perfectione primæuâ naturæ consideratus, ab Animalis, quantum immortale à mortali, & DEiforme à Bruto. Rationale etiam pro differentia essentiali hominis, vt homo in naturâ incorruptâ sumitur, insulse ponitur; Cum Ratio sit ipsissima illa Scientia boni & mali, per esum pomi vetiti in hominem introducta, & non ex dono primæuæ creationis illi collata, vt palam faciam mox, nisi Rationale explicetur per intellectuale. Hæc enim duo nequâquam coincidunt in vnâ significationem, cum aliud sit significatum ly Rationis, & aliud ly Intellectus, licet ista pro vno & eodem hætenus usurpata sint à plerisque; absit ergo hominem inter animalia collocare, etiam cum additâ differentiâ Rationalitatis, quæ non deest etiam brutis. Quia licet homo alienas & quidem animales proprietates induerit ex vitio, & assuetudine, quâ iam in naturâ corruptâ & belluino more propagati, actibus animalibus à puero assueuimus, adhuc tamen in suâ naturâ intellectuali, licet constrictâ & incarceratâ pro statu isto, spirituales perseueramus. Quod ideo occasionalitèr attingi, vt melius appareat qualis Homo fuerit, & qualis futurus esset in statu innocentie,

si perseverasset, utque natura humana dignificetur, quæ nunc cum Animalibus, quæ DEVS subiecit sub pedibus eius, sicut computata est suâ culpâ, ita & eorundem definitione est definita, suâ ignorantia.

47. Et ut iam concludam istam Resolutionem, ad ipsius CHRISTI Domini naturam humanam recurro, quæ in eo certè nequaquam animalis fuit, sed spiritualis quoad animam & corpus, licet velata, ne id appareret, sub formâ serui, quæ prætendebat carnem Adamicam, tamen absque peccato. Sic Glossa ordinaria sentit, dum loquitur de eius transfiguratione, dicens. *CHRISTVS ibi ostendit speciem, qualem habuit per naturam.* Sic & Albertus magnus super missus est, ait. *Hic annuntiatur ille, qui primitias massæ nostræ accepit, cum solutione penæ, & immunitate culpæ, & sic in primâ puritate, & claritate.* Sed CHRISTVS eam naturam habuit, qualis fuit in Adam antè peccatum, & qualis fuisset in vnoquoque electo concepto sine peccato; Ergò talis natura fuisset in omnibus electis, in statu innocentie sine peccato genitis, qualem ostendit CHRISTVS in suâ transfiguratione. Nunc iam qualiter homo à suâ spiritualitate degeneravit, & per quid Animal factus est, licet in interiori homine adhuc permanferit Spiritus concreatus, ostendendum est. Et sit.






R E S O L V T I O

S E X T A.

Adam & Eua comedentes de fructu
Arboris Scientiæ boni & mali, contrà prohi-
bitionem DEI, vi fructus illius, conceperunt fermen-
tum concupiscentiæ, sicq; degenerauerunt Na-
turam.

I.  **H**RISTVS hanc doctrinam (ni fallor) insinuauit Matt: 13. dùm inter alia quibus assimilauit Regnum Cœlorum parabolice, etiam *Simile illud esse dixit fermento, quod accipiens Mulier, abscondit in farinæ satis tribus, donec fermentatum est totum: Te-* ste enim Lyrano in illum locum; *Fermentum in Scripturâ, ut plurimum, accipitur pro malo, eò quod est corruptiuum.* Tria autem sata farinæ, secundum Glossam ordinariam inibi, sunt Spiritus, Anima, & Corpus. Regnum autem cœlorum, hîc videtur significare naturam humanam, vel cœtum Electorum omnium, eò quod homini & maximè iusto adueniat Regnum DEI, modo iam suprâ declarato: Imò quilibet homo ex dono creationis, imago est Regni DEI, saltèm in interiori homine. Mulier est Eua. Ex quibus non inconuenienter elicitur iste huius Parabolæ sensus. Natura humana, quæ fuit à DEO instituta, electa, virginea, & azyma, in Paradyso, inclusaque in istis tribus satis, scilicet spiritu, Animâ, & Corpore, ex quibus constat, per Euam decerpentem pomum vetitum, in quo erat fermentum luxuriæ, & abscondentem in his tribus satis per comestionem, vnâ cum Adamo, fermentata est tota isto fermento, & degenerata in beluinam propagationem, illi ex intentione Creatoris non conuenientem.

2. Hanc (vt mihi videtur) huius Parabolæ intelligentiam obtulit Ecclesiæ Apostolus 1. ad Cor: 5. dùm commemoratâ fornicatione qualis nec inter gentes, propter quam & illum qui sic fecit, Sathanæ tradere iussit, & illos quod hætenus non eiecerunt eum, increpauit dicens: *Non est bona gloriatio vestra, subtexuit hæc verba. Nescitis, quia modicum fermentum totam massam corrumpit? Expurgate vetus fermentum, ut sitis noua conspersio, sicut estis azymi, etenim Pascha nostrum immolatus est CHRISTVS. Itaq; epulemur non in fermento veteri, neq; in fermento malitiæ & nequitia, sed in azymis sinceritatis & veritatis.* Nam quid est quæso aliud dicere: *Nescitis quia modicum fermentum totam massam corrumpit? nisi idem quod dixit CHRISTVS; Donec fermentatum est totum? Et quid est? Expurgate vetus fermentum? nisi illud quo*

quo homo vetus, totam naturam conspurcavit: quod non fuit aliud nisi concupiscentia, quæ æstu suo effecit, ut nec nouerca parceretur. Hoc ergo est fermentum à prima muliere in satis tribus naturam humanam constituentibus, absconditum; ista ista de pomo exorta in natura concupiscentia carnis, in cuius saltè oppositionem & minutionem, Pascha nostrum CHRISTVS, instituto nobis epulo carnis VIRGINE Æ in Eucharistia, ut epulemur in azymis, immolatus est. Hinc & in figurâ huius, in lege veteri vetitum in Phase fermentum, magno sanè mysterio. Sed his immorari non expedit, ubi ad declarandum Resolutionis nostræ punctum properandum est. Quod quia exacte fieri nequit, nisi rerum naturalium principia, & causas, generationisquæ modum, Sacræ Scripturæ & Sanctorum Patrum sententijs conformem, assignemus. Ideo pro hoc.

3. Notandum est primò. Quòd licet Aristoteles benè distinxerit inter rerum naturalium principia, & earundem causas: (siquidem alia est ratio principij, & alia causæ, cum illud in Diuinis ad intrâ sit, hæc nequaquam, ut tota semper agnouit Theologia.) vtrumquæ; tamen in naturâ, soli lumini naturali innixus, videtur non benè assignasse, ut vel ipsa priuatio, quæ est non ens, & tamen inter principia prima entis positiui ab eo recensita, innuit. Melius moderni, ad duo solum reuocant res naturales generabiles & corruptibiles sub sole principia, scilicet ad materiam, quæ est aqua, & fermentum, quo omnia rerum causantur semina. Sicut & causas, ad duas solum reducant, videlicet ad Materiam, & Efficiens, & quidem internum, non externum. Ista enim duo, scilicet Materia & Efficiens internum, sufficiunt abundè ad constitutionem cuiuslibet rei naturalis non animatæ; continent enim totam rei cuiusuis sublunaris non animatæ compaginem, ordinem, ortum, notiones sigillares, proprietates, & quidquid deniq; ad talis rei constitutionem requiritur. Efficiens namquæ; seminale, id est, in semine latens tanquàm in materiâ, continet in se rei agendæ typum, figuram, motum, respectus, inclinationes, aptitudines, adæquationes, proportionem, alienationem, defectum, ac quidquid deinceps incidit tam in generationis quàm regiminis negotio; Imò & fines, tanquam rerum à se agendarum instructiones: eò quòd unicuique causæ efficienti internæ naturali, sua à Deo naturalitèr sit infusa finium & habitudinum scientia, ut ita Creator omnipotens, unicuique efficienti interno, hæc omnia conferens ex merâ liberalitate suâ, in vnaquaque re eluceat, & pro tantò res omnes veriùs dicantur creaturæ DEI, quàm ratione materiæ solius. Res ergo singulæ sublunares non animatæ, his duabus causis internis constant, & has duas non plures ad sui constitutionem requirunt, scilicet, succum aliquem genericum pro materiâ, ac seminale efficiens, dispositiuum ac directiuum tam generationis quam ipsius geniti. Dixi autem ly Rei naturalis non animatæ. Quia in animatis nequaquam ista duo dant vitam, licet productum in esse constituunt, capax vitæ: hæc enim nequit in naturâ haberi, vi naturæ, sed à solo fonte vitæ Deo superadditur, cum anima

RESOLVTIO SEXTA.

83

animâ viuente, ceû cum lumine quodam descendente à Patre luminum, & rem à naturâ ad hoc vltimatè dispositam, irradiante & viuificante. Jàm de fermento.

4. Notandum est secundò. Quod fermentum potest accipi dupliciter: aut genericè, aut specificè. Genericè acceptum, est ens creatum formale, seu quod idem est, est forma creata, quam DEVS condidit à mundi principio, tum in condo elementorum, tum in tribus monarchijs rerum sublunarium disparatis, quæ sunt, vegetabilia, animalia, mineralia, eo fine, vt præcedendo semina, illa paret, principiet, & excitet. Specificè verò accipiendo fermenta, illa per indiuidua specierum dispersa manent; suntque dona ac radices à Creatore stabilitæ, vsque in consummationem sæculi durabiles, per continuam propagationem faciendo semina speciei propria, & illa excitando. Illa fermenta vocentur, distinctionis gratiâ, Localia: hæc verò, Seminalia. Localia siuè communia fermenta, implantata sunt terræ, tanquam communi omnium rerum Matrîci, & etiam aquæ expressæ; quandò dixit DEVS. Gen: 1. *Germinet terra, &c. Producant aquæ, &c.* Tunc enim terræ, quæ creata est inanis & vacua, totò implantauit DEVS fermenta, quòt fructus potest de se producere. Vnde videmus, quòd etiam sinè semine præcedentis plantæ, terra fermentata per aquam, profert seu prolificat nouam plantam, nec tamen, vt ait Poëta: Omnis fert omnia tellus; sed illa solum, ad quæ diuinitus est in illo loco implantata ratio quædam, & radix immutabilis, producendi statutos effectus, tam respectu vegetabilium, quam mineralium, imò & insectarum. Ideoque manifestè videmus diuersitatem fundorum in terrâ & proprietatum illos fundos consequentium, quæ diuersitas nulli alteri causæ tribuenda videtur, nisi diuersitati fermentorum localium inibi creatorum, ob quam etiam diuersi fructus in diuersis pullulant sponte locis, quorum semina aliò translata, aut non proueniunt, aut valdè imbecillitèr. Hæc eadem localia fermenta data sunt & Aquæ, respectu entium ex eâ generabilium seminalitèr. Imò & Aëri; licet de Aëre expressè id non habeatur in Scripturâ: vel exindè tamen apparet, quòd in aliquibus Prouincijs benigniori aurâ præditis, spontanea & abundans est incussorum seminum profusio, quæ tamen alibi, quamuis in meliorem glebam translata, pereunt. Cuius ratio nequit dari, nisi ex parte aëris, tali ratione fermentali hic carentis, qualem ibi habet. Hæc fermenta localia in elementorum sinibus condita, immutabilia perseverant. Iam pro fermentis seminalibus, quæ non iam in elementis sed in rebus sunt.

5. Notandum est tertio. Quòd hoc fermentum, rebus iam constitutis à Creatore datum, est dispersum per indiuidua, & consequentèr cum illis interit; oriturque interdum etiam, vi fermenti localis originalis; hoc autem fermentum dicitur seminale, quia vi suâ fermentali, in rebus facit semina, quibus res successiue prolificant in locis, vel sinibus, ad hoc aptis natis. Quod facillè patet in mineralibus & herbis, in certis locis, vi semel

hausti fermenti spontè prouenientibus. At quia in animalibus, & alijs successuâ feminis fecunditate generantibus, non ita clarè elucescit vis ista fermenti semel hausti, ideò pro hoc.

6. Notandum est quartò. Quòd etiam in istis quæ successuâ feminis fecunditate generant, vel mutuo congressu sexuali prolificant, eadem est ratio fermenti in principiando: ita enim sapientia æterna, quæ attingit à fine usque in finem fortitèr, & disponit omnia suauitèr, fermenta plantauit, quòd quædam fecit stabilia in Elementis, & hæc sunt Originalia: Quædam per rerum indiuidua, & species ac si essent loca, dispersit, & hæc sunt feminalia; iterum hæc feminalia, alicubi stabilia pro naturâ corporum ad quæ ordinata sunt, fecit, vt fermenta mineralium &c. Alibi verò vt quasi de manu in manum transirent, ad faciendam scilicet rerum caducarum propagationem, & eâ mediante continuationem, ordinauit; vt fermenta Plantarum, Herbarum, Animalium. Hæc tamen fermenta feminalia, siuè stabilia, siuè labilia, verè originantur à fermentis originalibus, elementum aquæ tam in se quàm in terrâ & aëre imprægnantibus, quæ deindè sic originata, traduntur quasi per manus inter propagandum, & quasi transfunduntur in materiam præparatam duntaxat; quæ est materia feminis; & in semine deinceps sedent, causamque internam, in illo semine velut nucleum in siliquâ feminis inditam, in sectant, vt deindè producendo rem suæ speciei, ita eam fermentet, sicut ipsa est primitus affecta à fermento, sicque iam habetur rursus duplex fermentum in naturâ: vnum Archeale, quod scilicet iam continet auram fluxibilem, seu Archeum feminalem, suo fluxu in Animam viuentem aspirantem; quale fermentum V. G. est in embrione antè animationem: alterum Initiale respectu feminis, quod scilicet nondum habet in se talem auram, sed solum continet initium generationis rei, quam principiat. Sed quomodò tale fermentum acquirit vel producit in se semen cum suo Archeo? vt hoc intelligas.

7. Notandum est quinto. Quod istud fermentum initiale, quod potest dici initium generationis rei, acquirit inprimis, vel potius fit vapor, aut odor, aut fraciditas quædam, quam fermenta tam localia quam materialia externis fomentis suscitant, donec tandem ille vapor se suumque sensim hospitium incipiat transmutare, aptare, adaugere, tam diu, quousque requisita omnia ad esse materiale feminis adipiscatur; quibus adeptis, nondum quiescit, sed vltra disponit omnia ad proportionem auræ seu Archei, ad quem ille vapor seu odor fermentalis tendit. Quibus ritè peractis, postquam iam substrata auræ isti massa, iuxta fermenti concepti scopum directâ est, consurgit semen perfectum, seu completum; cum cuius primo esse, & simul fomes aliqualis luminis, & cum fomite, fit arreptio luminis, vel à vicino viuente, vel alias: de hoc enim modò non disputo; quod lumen arreptum, est iam aura vitalis in semine, quæ sumpto mox temerario ausu, etiam in animam viuentem non rarò aspirat, vt contin-

git in

git in generatione Cimicum, Pulicum, Lumbucorum, Pediculorum &c. quorum Archei, nobis fermentum & fœtum dantibus, accenduntur, & lumen cum Animâ viuente, à DEO impetrant; ita quod à nobis tantum insufflatur odor fermenti, qui ritè coaptatus materiæ, ex eâ Insectam proflire facit, licet solum dispositiue, quia à DEO viuificante effectiue. Iam verò in illis quæ mutuo congressu prolificant, & transfundunt semina vitalia cum Archeis illorum, generans inter generandum inspirat, seu sigillat in semine sui similitudinem, per idæam imaginatæ fortiter libidinis, quæ semen fermentatum fit fœcundum, illudque sic fœcundatum transmittit in locum conuenientem, in quo cætera iam per se Archeus sic sigillatus perficiat, iuxta typum idææ similitudinis generantium, ab ipsis generantibus per imaginationem intensam libidinis sibi impressæ. Sicque animalium congressu sexuali prolificantium, fit conceptio. Quia autem dixi, quod fermentum sit odor: hoc vt euidenter sit.

8. Notandum est sexto. Quod odor, siue sentiatur, siue non, est ipsummet initiale fermentum, & totius seminariæ transmutationis continet & complet energiam, saltem virtualiter, & dispositiue. Vnde videmus plantas, herbas, insectas, sæpè prodire sine semine præuio, ex solo odore fermenti, quod ibi inspiratur, & succum, seu aquam disponit ad concipiendum semen talis herbæ, vel plantæ, tam diu, donec de facto concipiat semen. Vnde absolutè concludo, etiam omnium animalium semina esse, ex suæ Speciei specificis odoribus, quibus excitatis ab aliquo ambiente, causante talem odorem, etiam semina excitantur cum suis Archeis, ad faciendas materiæ illis subiectæ adaptationes, in ordine ad formam talis speciei. Neque satis habet odor excitare semen cum suo Archeo, sed etiam afficit ipsam materiam ex quâ fit semen, & in clientelam suam siue volens siue nolens sit, abducit, vnde postmodum in Animalibus genitis, diuersæ intrâ eandem speciem inclinationes, impressiones, prosecutiones, auersiones, robora, debilitates, & vitæ alicates, oriuntur. Tanti in natura æstimantur, & tantum valent odores. Nec mirum; cum enim natura etiam in corporibus, spiritualis sit maiori ex parte, vt potè ab eo qui Spiritus est, producta, sequitur, eam secundum Spiritum delectari odore, eò quod odor Spiritus immediatè attingat & penetret per modum lucis, nihilque aliud sint rerum Archei in vnoquoque semine, nisi spiritus & auræ vitales. Vnde obseruauerunt sagaciores Philosophi, tot esse fracedinum rancidos odores, quot sunt rerum sapes proprii; eò quod odores nedum sapes demonstrant, sed & pariunt, ita ergò initiantur res per fermentales odores, vt patuit, producendo & afficiendo semina in naturâ, cum eorum Archeis. De quibus Archeis, siue causis efficientibus internis, & eorum actiuitate internâ, seriò aliqua addenda sunt. Vnde.

9. Notandum est septimò. Quod in totâ rerum naturalium generabilium serie, de nouo nihil surgit, quod non è semine orium ducat, nihilque sit, quod non è seminalis Archei actione internâ, de necessitate fiat,

nisi adsit impedimentum, eius actionem aut auertens, aut interrompens, aut tollens, & destruens. Imò & ipsa rerum desitio seu mors naturalis, nihil est aliud, nisi fatiscantis post exantlatas vires Archei defectus, seu periodus. Est enim iste Archeus latens in semine, cuiusque rei efficienter & potenter efficiens, & ob hanc magnam efficientiam, essentialiter est à materiâ distinctus; quam efficientiam promouent in eo etiam alia dispositiue concurrentia, qualia sunt hospitia cum fermentis externis, materia in alteritatem transmigrationis dispositiuis, circumstantiæ, fomenta; sine quibus vel nihil, vel non ita bene operatur Archeus, alias dato semine, statim res proueniret infallibiliter, quæ tamen non prouenit, nisi ista concurrant. Porro iste Archeus est tantæ actiuitatis, quod non requirit materiam dispositam, sed ipse valet sibi materiam disponere, ad scopos sibi cognitos, & destinatos, quod ipsa experientia conuincit. Nam ex vnico terræ succo, in vno horto diffuso subtus superficiem terræ, quadringentæ plantæ crescunt & fructificant, quod tamen non fieret, si dispositio in materiâ deberet aliundè parari, quàm ab Archeis herbarum & plantarum. Saltem perindè est Archeo, siue inueniat dispositionem amicam in materiâ, siue non; quia sufficit illum esse in semine, & excitari ab aliquo dispositiue concurrente, tunc enim statim perget in sui destinationem, siue dispositam habeat materiam, siue indispositam inueniat; eam enim per seipsum disponet. Neque dicas, per fermentum initiale, esse dispositam materiam; quia hoc fermentum non disponit materiam, nisi pro ipso semine, & eius Archeo, quo peracto, dum iam Archeus seminalis obtentus est, cessat fermenti initialis dispositio, & tota relinquitur Archeo deinceps prosequenda, qui agit intrinsecè quantum est in eo, ad formam perfectam rei inanimatæ, & si eam suis viribus obtinere nequit, DEVS supplet eius causalitatem, dando eam formam, quam tota natura dare non potest, scilicet vitam, vel lumen vitale. Sed iam de generatione viuentium vitâ verâ, & se propagantium per semen, dicamus. Itaque.

10. Notandum est octauò. Quod propagantia nunquam attingunt formam essentialem propagati, sed ad summum semen producant, vi fermenti originalis à DEO ipsis vel locis in quibus propagantur, implantati; quo fermento fermentatus ipsorum quoque Archeus primitus surrexerat, qui & modò semen eodem & cum eodem fermento communicato produxit, quod semen deindè à generante, in ordine ad generationem sequentis V. G. Plantæ, deciditur, sed quasi soporatum, vbi autem ille obdormiens Archeus excitatur à sopore, vt fit quando terræ concreditur, & haurit eius fracedinem, iam siliquam seminis in quo latet, statim turgidam efficit, situm ampliat, & fermentum suum specificum, seu odorem profert, qui statim in semine illo causat saporem itidem specificum, ita vt in singulo semine singulæ speciei, singularis quoque fiat alteratio, vnicuique speciei propria, quâ alteratione massa seminis iam iam disponitur ad sui transformationem, & resolutionem siliquæ; quâ factâ ob turgescientiam humidi

sperma.

sperma
è putre
turque
dum ac
fertim
conspic
que vit
medita
sam se
num in
quod se
gidum,
tiò incip
exhalati
tulo, se
iam Ar
octauò
oberran
nes ad f
entiam f
quæ supe
ris. Inte
pijissim
actualiter
aliquantul
licet iam
ad illum
est forma
aliquid est
naturæ ex
fit, aut ad
toris, gra
fici quidd
hit omnia
rem, calo
ad hoc &
largiretur,
mam dege
ud simile:
tibus, defici
specificam,
putredinem
Actuum 17

RESOLVTIO SEXTA.

87

spermatici à fracedine ortam, simul vapor quidam & mox exhalatio (quæ è putrentibus, teste experienciâ, sensim ascendere cernitur) concitatur, ori-
turque ex illis ambobus, sub istâ qualicunq̃ putredine, calor, qualis inter-
dum ad tactum manus sentitur in rebus sub terrâ fracescentibus, & præ-
sertim lignis, quæ etiam propterea fugosam de se illicò extrudere fuliginem
conspiciuntur, caloris & corporis dissoluti indicem. Hoc facto, aura quo-
que vitalis, licet profundius aliquandò sit conclusa in massâ seminis, tamen
meditatur eruptionem, & incipit intus vagari, oberrando per totam mas-
sam seminis liquidam; & tali processu naturæ, non semel, madidum foc-
num in aceruo compressum, ædium excitauit incendia. Habemus ergò,
quòd semen plantæ vel herbæ, creditum terræ, vi fracedinis, sit primò tur-
gidum, deindè fracidum, simulque odorosum, & saporosum specificè, ter-
tiò incipit meditari suæ massæ resolutionem, quartò concitat vaporem &
exhalationem, quintò producit putredinem suæ massæ cum calore aliquan-
tulo, sextò calor iste heterogenea separando, extrudit fuliginem, septimò
iam Archeus tentat erumpere, vt sui perfectionem meditatam promoueat,
octauò tandem incipit oberrare per massam seminis, & nonò eam inter
oberrandum disponit, seu potius prouocat & vrget, vt suscipiat dispositio-
nes ad formam organicam, vltimò tandem incipit disponere secundum sci-
entiam finium, quam habet sibi inditam vel à formâ generantis plantæ,
quæ super eum dando illi fecunditatem splenduerat, vel ex dono creato-
ris. Interim verò in tanto auræ illius Archealis conatu, *DEVS* naturæ
pijsimus parens, non deest anhelanti auræ illi, sed eam tenui, splendido, in
actualitèr calidis, vel nitido, in actualitèr frigidis, accendit lumine, quo
aliquantulum & quasi inchoatiuè vitalis fit, non tamen animata per hoc,
licet iam iam immediatè euadat animanda, imò animetur de facto, *DEO*
ad illum nitorem vel splendorem lumen clarius infundente, quod lumen
est forma essentialis, seu quidditas rei genitæ, quâ determinatur res ad hoc
aliquid essentialè; adeò sanè, vt quamuis splendor ille vel nitor, vi solius
naturæ excitetur inchoatiuè, modo prædeclarato, nunquàm tamen vitalis
fit, aut ad hoc aliquid essentialè determinatur, nisi per munificentiam Crea-
toris, graduantis illud lumen, seu potius perficientis, formâ luminis speci-
fici quidditatiuâ superadditâ: quæ forma superueniens, per se sola iam tra-
hit omnia præcedentia in sui vnitatem, scilicet fracedinem, odorem, sapo-
rem, calorem, splendorem vel nitorem, omnesque proprietates contrahit
ad hoc & non ad aliud in specie. Quam formam & vitam nisi Creator
largiretur, supplendo defectum naturæ, iam omnia præcedentia hanc for-
mam degenerarent in molam, monstrum, vel putredinem, aut aliquid ali-
ud simile: omnibus siquidem alijs præsentibus, & quantum est in illis agen-
tibus, deficiente isto lumine formali, omnia illa trahente sub vnitatem
specificam, proles nequaquam confurgeret, sed mox aut in deterius aut in
putredinem abiret. Huc spectat illud Apostoli de *DEO* pronunciatum,
Actuum 17. Nec longè est ab unoquoq̃ nostrum, nam in ipso viuimus, mouemur,

Et summa. Totus iste processus quotidie constat ipsâ experientiâ in semini-
 nibus vegetabilium, sed apertius in ovis volatiliū, & apertissimè in semi-
 nibus quadrupedum iam decisis in matricem foemellarum. In quorum
 propagationem quia homo impegit, per conceptum in naturâ suâ Virgineâ,
 fermentum luxuriæ brutalis, ideò de eorum propagatione adhuc vnum ad-
 dendum est, maioris claritatis gratiâ. Igitur.

II. Notandum est nonò. Quòd nec animalia quadrupedia dum
 generant, attingunt formam geniti, sed solum semen in se producant vi
 fermenti originalis, quo primitus ipsa fermentata fuerunt, quod semen dum
 cum ipsius Archeo iam eodem fermento affecto, decidunt inter generan-
 dum, tunc ipso animâ sensitiva, quæ forti & intensâ imaginatione li-
 bidinis, quasi à seipsâ alienata, abit per quandam extasim voluntatis car-
 nis, in quâ extasi sigillat suâ luce seu potius fulgore, auram seminis ar-
 chealem, splendendo super illam, & sigillum umbratile sui splendoris in il-
 lam imprimendo, quo hæc aura fit foecunda, dum sic sigillata in matri-
 cem vtrinque decidunt. Vbi aura illa, quia foecunda decisa est, per im-
 pressum sibi splendoris sigillum, fit mox avida ulterioris splendoris, ideò
 que intendit omni viâ sibi possibili, massam sibi subiectam disponere ad
 receptionem clarioris luminis; quorsum desiderando anhelans, se ipsam
 magis magisque accendit, & discurret solertissimè obambulando & scrutan-
 do latebras seminis, ut illud faciat susceptivum illius veri luminis, quod
 supra illam splenduerat ab animâ sensitivâ generantium, inter generandi
 actum, quod lumen dum tota natura illi largiri nequeat, piissimus luminum
 vitalium Pater, tunc cum iam Archeus ultra progredi, peractâ completâ
 organizatione massæ, non valet, & iam iam sistitur plane functus suis mu-
 nijs, confert ei liberalitèr, & ita fit catulus, vitulus, &c. adueniente lumi-
 ne essentiali & specifico, determinante massam seminis ad hoc aliquid in
 specie. Hæc autem determinatio per formam essentialem viventem, non
 provenit in rebus ita, sicut censuit Aristoteles, quasi Deus cogatur dare
 formam, ubi natura nequit in eam, hoc enim repugnat fidei: sed quia ex
 summâ bonitate & liberalitate, obligavit se toti naturæ, quam creavit, &
 cum quâ ipse principalitèr operatur, ut quoties rerum semina ad iustam
 maturitatem, & ad metam perfectionis suâ activitate obtinendæ, in ordi-
 ne ad multiplicationem speciei suæ cuius sunt, pervenerint, & destinatio-
 ni suæ exactè, quantum est in eis, satisfecerint, ubi ultra procedere ne-
 quirent, ipse clementèr largiretur, pro exigentiâ varietatis dispositionum,
 lumen vitæ specificum, determinans essentialitèr rem.

12. Sed quæres. Quod fuit illud originale fermentum, quo bruta
 fermentata conceperunt in se semen, ut eius transfusione libidinosâ per co-
 pulam maris & foeminæ propagarentur, quodlibet intrâ suam speciem?
 Respondeo, esse animam sensitivam brutalem, cum suis phantasij &
 concupiscentijs. Non enim frustra à Spiritu Sancto in varijs locis Sacrae
 Scripturæ, vocatur per Antonomasiâ, Animalis, eò quòd solis animali-

bus

bus brutis ex-
 seit; & cū
 singulis indi-
 onem, mul-
 nis Creator
 formalem &
 tanta est co-
 semper infi-
 sensitivâ ta-
 scientia est
 scientia acq-
 creationis e

13.

quia est diu-
 tiz est in o-
 mentum a
 Ad prima-
 tem, quâ
 in ratione
 Bouina, L
 cis; & ideò
 ita & idem
 nobis, quâ
 sitiva non
 id est min-
 suppono e
 concupisce
 de nuptijs
 (inquit)
 dam malæ
 spectetur
 mortis, i
 tim eua
 manæ ex
 mur. H
 scientia,
 Animâ, &

14.

tam in lo-
 varias pro
 vna vitam
 fructu edi-
 nesturus

bus brutis ex dono creationis obtigit, in quorum etiam carne & sanguine gliscit; & cum mortalis & caduca sit, vt resarciat damnum ruinæ, quod subit in singulis indiuiduis per mortem, sollicita est id restaurare per sexuum commixtionem, multiplicando se intra speciem, quo fine ei æstrum concupiscentiæ carnis Creator addidit, non quasi quid distinctum realiter à tali animâ, sed vt eius formalem & primam proprietatem, vt est in Brutis. Et hoc colligo ex eo, quod tanta est connexio concupiscentiæ cum animâ sensitivâ, vt cum eâ omnino & semper insit, & solis illis insit, saltem quo ad actum primum, qui vivunt animâ sensitivâ tali. Vnde quia talis ordo à Creatore præscriptus est, vt ubi concupiscentia est, ibi & anima sensitiva sit; sequitur, quod qui fermentum concupiscentiæ acquireret, eo ipso acquireret animam sensitivam, quamvis ex dono creationis eâ careret, de quo postea.

13. Et si insites. Animam sensitivam non posse esse fermentum. tum quia est diuersæ speciei in diuersis brutis; istud autem fermentum concupiscentiæ est in omnibus animalibus idem & vniiforme. tum quia est substantia; fermentum autem istud, videtur esse accidens. Respondeo, & nego assumptum. Ad primam probationem dico. Quod anima ista, non secundum illam realitatem, quâ distinguit hanc speciem ab alijs, essentialiter, est fermentum tale, sed in ratione genericâ animæ sensitivæ brutalis vt sic, ita quod non fermentat quâ Bouina, Leonina, Canina &c. sed quâ brutalis & animalis animâ sensitivâ præcisè; & ideo sicut anima sensitiva est in omnibus brutis eadem secundum genus, ita & idem fermentum dat omnibus, & omnino vniiforme, quod potius est pro nobis, quàm contra nos. Ad secundam probationem dico. Quod anima sensitiva non est substantia, sed est medium quid inter substantiam & accidens, id est minus quàm substantia, & plus quam accidens; sicut Ignis, aut lux; suppono enim dari tales formas medias, quod probabo alibi. Proinde & concupiscentia sequitur tenorem eius, iuxta placitum D. Augustini Lib. 1. de nuptijs & concupiscentia Cap. 25. Vbi sic de illâ loquitur. *Non enim (inquit) substantialiter manet, sicut aliquod corpus, aut spiritus, sed affectio est quedam malæ qualitatis, sicut languor.* Verè languor carnalis concupiscentia, siue spectetur vt est in brutis, siue vt introiuit in hominem vi pomi, est enim radix mortis, ita quod quidquid per eam fermentatum prodit, eo ipso mortale statim euadit, & languidum, atque morbidum, vt malo suo, & totius naturæ humanæ expertus est Homo in Paradyso, ad quem his præmissis jam conuertamur. Et videamus, qualiter, & quâ viâ, mulier illud fermentum concupiscentiæ, in istius farinæ, id est, naturæ humanæ satis tribus, scilicet Spiritu, Animâ, & Corpore, abscondit, donec fermentatum est totum. Pro quo.

14. Notandum est decimò. DEVM dum crearet fermenta originalia, tam in locis, quàm in rebus, distribuendo scilicet dona & radices suis creaturis varias pro varietate earum, etiam creasse duas arbores in Paradyso, quarum vna vitam pro dote natiuâ accepit transplantandam in hominem, si de illius fructu edisset; altera scientiam boni & mali, si ad illam, idem homo, comesturus fructum, recurrisset. Non metaphoricè autem sed verè & realiter

fuit in istis arboribus vita in vnâ, & scientia boni & mali in alterâ, & vtrūq; in ordine ad hominem Paradyfi incolam, ita vt vtrâque potens erat suam dotem in hominem transplantare, ita scilicet, vt si Adam de ligno vitæ sibi permissio sumeret, vitam æternam (cæteris paribus) vi illius fructus haberet, sin autem neglecto ligno vitæ & fructu eius, se conuerteret ad arborem scientiæ prohibitam, ac voluntatem malo consensu obfirmatam, in executionem, mediante manu mitteret, decerptumque pomum deglutiret, acquisiturus esset talem scientiam, quæ cum mortalem factura erat. Verè igitur illa arbor & realissimè habuit in se scientiam, & quidem satis multam, ita quòd dùm cam Protoplasti cum pomo esitarunt, & intus conceperunt, omnes posteros eadem ad nauscam saturarunt. Paradoxum hoc, scio quòd ridebunt isti, qui ipsimet hanc scientiâ nimis saturi languent, sed audiant, vel legant sequentia, & mox melius habebunt. Itaq;

15. Notandum est vndecimò. Quòd DEVS in vnamquamq; rem, contulit ex dono creationis phantasiam illi rei propriam, vt iam supra dictum est; sic etenim aliqua simplicia amentiam, nonnulla insaniam, nonnulla furorem, inducunt homini, non quòd cerebrum destruant, aut spiritus dissipent, (hoc enim facere non possent, nisi prosternendo statim vires furiosi, quæ tamen experienciâ teste, in illis sunt validissimæ) sed quia introducunt suam phantasiam exoticam humanæ naturæ in nos, quæ victrix, nostrum spiritum astralem, & carnis sanguinisque voluntatem, in nobis subigit in suam clientelam, aut pro aliquo tempore, vt in delirio, vel phrænesi; aut perpetuò, vt in vesania. Arbori igitur illi, quæ Anthonomasticè vocatur à Spiritu Sancto, Arbor scientiæ boni & mali, donauerat DEVS ob fines sibi cognitos, & in gloriam suæ Maiestatis vergentes, ex vi creationis, talem phantasiam, vt quicumque ederet ex eius fructu, statim etiam transplantaretur in eam phantasia illius arboris, directè opposita vitæ, non aliter, quàm modò transplantatur phantasia Hyosciami V. G. in eum, qui semen seu fructus eius edit, & facit edentem insanire: vel qualiter canum rabies, in homines, vel leuiter à cane rabido sauciato, transit, phantasia videlicet furoris maniacæ in saluam caninam transplantata de cane, quæ si tetigerit sanguinem alicuius, vel tenuiter apertâ cute, victrix euadit, subigitque per dies consequentes vim magicam sanguinis humani, & infra quadraginta dies, plenè spiritum astralem totum caninum efficit, adeò, vt quod probatum est, si homo sic affectum habens spiritum carnis & sanguinis, generaret, iam geniti, (non obstante quòd haberent Symetriad membrorum humanam) verè cum canino spiritu & phantasiâ nascerentur, non flentes, sed ciulantes more canum, & latrantes; sic & punctura serpentum, sanguinem humanum in flavum commutat, totumque hominem mox ictericum reddit: Sic Tarantulæ morsus, tripudiantem in immensum mox efficit. Sic tauri cruor, potantem strangulat: & vno verbo, venenata omnia, sic iam in naturâ nostrâ corruptâ, subigunt sibi suis phantasij vitam nostram, quamuis id præstare nequiuissent antè peccatum, ob nostri super omnia creata dominium, animâ scilicet immortalì immediatè

& per se

RESOLVTIO SEXTA.

91

& per se regente economiam corporis nostri, roburque suum spirituale ita ei communicante, ut vinceret omnes inferiorum magias, & phantasias.

16. Soli tamen arbori scientiæ boni & mali, dedit Creator ex dono creationis tantam scientiam, seu phantasiam, ut etiam in statu innocentie robur hominis Magicum superare & prostrernere posset, idque in penam peccati, si ex ea contra prohibitionem comederet, ut statim penam in ea inueniret, idoque non frustra eam excepit ex omnibus alijs arboribus, quas dederat homini in escam, & adiecit monitum, paternamque prohibitionem, prædicens morturos, si de eius fructu comedissent; non quod DEVS immisurus in eos fuisset mortem; *DEVS enim mortem non fecit* (scilicet pro homine) *Sap. 1.* sed quia hausta scientia pomi, infallibiliter mors secutura erat, sic vi fermentali pomi illius scientifici, naturam humanam fermentante, & pessundante. Et procul dubio cauisset sibi homo à tam perniciosâ arbore, nisi ille, qui iam sicut fulgur de celo ceciderat, totaliter corruptam habens voluntatem, inuidisset homini tantam felicitatem. Hinc scriptum est. *Inuidiâ Diaboli, mors intrauit in Orbem terrarum. Sap. 2.* Non quod ille fecerit mortem, sed quod persuaserit homini, ut sibi causam mortis fermentalem applicaret, quæ in eo mox causauit mortalitatem. Ille ergo serpens antiquus, qui & propterea vocatur à CHRISTO Domino, *Joan. 8. Homicida ab initio*; iam ipse factus obstinatus in malo, (ut loquitur D. Bonauentura. 2. p. Breuiloquij cap. 7.) & per hoc excæcatus à vero, & deordinatus in operatione, & infirmatus in virtute: ille inquam, cuius voluntas jam erat impia, actio auersa à DEO, & conuersa ad hominis odium, & inuidiam; Cuius perspicacitas intellectus à vero lumine excæcata, conuersa est ad deceptiones, & officiositas in ministrando, à verò ministerio amota, conuersa est ad tentamenta, & virtuositas immutata, & coarctata, quantum permittitur, permittente DEO, ut postea ex homine etiam quoad carnem corrupto, maiora bona in gloriam suam faceret, induxit hominem ad spernendum mandatum, & præcautionem pietissimi Creatoris, effecitque ut illa prior, quæ virgo creata & in generationem humanæ proles salvâ Virginitate destinata fuerat, manum arbori admoueret, fructum tolleret, comederet, viroque comedendum offerret; non quod debiliorem eam viro sciret, sed quod in ea totum rei cardinem volui agnosceret, circa propagationem naturæ nostræ virginæ, eam enim corruptâ, sciebat aut nullam propagationem futuram generis humani, aut conditiones vteri secuturum partum. Quod & præstitit malignus impostor; ut perhibet scriptura *Gen. 3.* Postquam autem comederunt pomum scientiæ primi Parentes, ut operationem illius pomi eos fermentantis, cognoscamus.

17. Notandum est duodecimò. Quod sicut omnium fermentorum originalium vnicus scopus est, producere semen vi suâ fermentali, iuxta iam dicta supra; ita & pomum illud arboris scientiæ, quod fuit fermentum respectu concupiscentiæ, & aliorum ad mortem disponentium & necessitantium, admissum intro in hominem, vi suâ fermentali produxit in eo semen, vi originalis fermenti faciendo seminale fermentum, & ei pro aurâ

vitāli inspergendo suam phantasiā, sicq; subigendo magicā & robur spirituale hominis, in carnem & sanguinem à mente deriuatum, adeo, ut mens iam se à carne retraheret, ob talem obicem carni inspersum, non valens ordinariè influere in eam vim & regimen suum. Quia autem semen cum suo seminali fermento, si inuenit adiumenta se excitantia & promouentia, non est otiosum, sed statim expergefatto Archeo seu aurā in eo dormiente, properat in dispositiones illius formæ ad quam est semen, ideo & semen inspersum ab arbore scientiæ in hominem, ex quo nactum erat locum conuenientem, scilicet carnem & sanguinem hominis, statim properauit ista disponere in ordine ad formam, quæ apta nata erat per tales dispositiones præuias introduci. Cumque omnia exactè fermentasset in corporibus Protoplastorum, & carnem sanguinemque ita affecisset, ut brutali carni per omnia facta esset similis; non posset autem suā actione ad formam animæ brutalis attingere, quæ sola ad carnem brutalem iam desiderabatur, ob generalem defectum totius naturæ, non potentis dare animam & vitam suis productis; DEVS obligatione illā antiquā, quā se obligauerat rerum seminibus, quod ubi illa fecerint quantum in illis est in ordine ad formam viuentem, ipse dabit formam; in ultimo instanti perfectæ dispositionis, dedit formam seu animam homini talem, qualem exigebat corpus eius omnimodè fermentatum, & dispositum ad brutalitatem, animam scilicet brutalem, discursiuam, rationalem, cuius appulsu homo acquisiuit sibi & suæ naturæ exoticas facultates, nempe scientiam, id est, rationem procedentem à notis ad ignota, & miserè currentem seu discurrentem circa res, & nunquam illarum essentiam intrantem, concupiscentiam stimulantem se in coitum brutalem, mortalitatem concupiscentiæ prolem, ita ut iuxta verbum Domini, exortā in homine concupiscentiā, eodem die mors in eum introiuerit, suscitata à causis suis, jam in hominem introductis, scilicet animā sensitiuā, brutali, caducā, & mortali, cum suis concupiscentijs, discursibus, ideis, & phantasijis. Quæ mentem immortalem à clauo immediati regiminis corporis amouerunt, incarcerationunt, imò potentes erant & e corpore penitus abigere sponte cedentem præ horrore sic conspurcatæ carnis, nisi DEVS eam detinuisset; desidem tamen deinceps, & minimè se exerentem suā sponte, nisi gratiā DEI excitante, & præueniente extimuletur, vel nisi phantasiā animæ sensitiuæ totalitèr pessundet, ut contingit in furiosis, qui idcirco longè robustiores seipsis sanis euadunt, & atrocissimā hyeme in pauimento lapideo nudi dormientes, vel in aquas frigidas se immergentes, non frigent, quia mens immortalis compatiens sic deserto & neglecto à furente animā vicariā homini, dimittit suum radium in corpus, quo illud ab externis saltem tutatur iniurijs. His ita constitutis.

18. Dico. A fermento originali latente in arbore scientiæ boni & mali, sibi applicato suāsu Diaboli, homo fermentatus est totus, ex azymo & virgineo tam in se quàm in posteris, fermento arboris illius inducente in eum animam sensitiuam, rationalem, cum omni suā proprietate, quæ nihil aliud

est nisi

est nisi scientiam
ratem, iuxta
est Homo
fermentatum

19.

sic discurre
sibi mortis
dicius prælevi
putauerit ab
is propria:
flaret. Ne
Vbi arbore
nec noxiam
ponas inqu
noxia, imo
eam creauit
uis Adam
nendum est
nem mala
Ecclesia ei
xiale, eo sc
Si igitur Ec
homini, &
vi sui ferm
unt conside
se habente
mum com

20.

nec est me
ctu solius h
minem jan
per quam
dono crea
desiderijs.
gnum in
re essentia
& mortale
tis sibi app
licet, cum
animam b
eius.

21.

causas possi

est nisi scientia pomi, transplantata in hominem, & ab eo in totam posteritatem, iuxta verbum CHRISTI Matth. 13. *Simile est regnum celorum (id est Homo) fermento, quod accipiens mulier, abscondit in farinæ satis tribus, donec fermentatum est totum.*

19. Aduoco huc D. Ambrosium Lib: de Paradyso cap: 7. pro nobis sic discurrentem. *Ni fallor, mortis causa inobedientia fuit, & ideo homo ipse sibi mortis est causa, non habens DEVM suæ mortis authorem; neq; enim si medicus præscripserit egrotanti à quibus videatur cauendum, atq; ille ab interdictis non putauerit abstinendum, causa ei mortis est medicus, sed utiq; ipse sibi reus est mortis propria: Itaq; DEVS quasi bonus medicus, prohibuit ne Adam nocitura gustaret.* Neq; opponat D. Amb. D. Augustinum 14. de Ciuit: DEI: cap: 12.

Vbi arborem scientiæ boni & mali, & escam ex eâ, putat fuisse nec malam, nec noxiam in se, sed ideo malam & noxiam, quia prohibitam. Non opponas inquam; quia certum est, quod illa arbor non fuit in se mala nec noxia, imò bona, & necessaria, in ordine ad fines à DEO præuisos, ad quos eam creauit, & in quos certissime deducta fuisset, & fortè deducta est, quamuis Adam ex illâ non gustasset: sicut & de alterâ arbore vitæ omninò tenendum est, licet homo ex eâ non gustauerit; fuit tamen in ordine ad hominem mala & noxia, & ideo non sine causâ homini prohibita; Vnde & Ecclesia eius fructum appellat in Hymno Dominicæ Passionis, Pomum noxiale, eo scilicet modo fermentans azymam naturam, quo declaratum est. Si igitur Ecclesia & SS. Patres tenent, arborem illam scientiæ, fuisse noxiam homini, & non videtur quomodo, nisi introducendo & transplantando in eum vi sui fermenti originalis, scientiam, rationem, desideria brutalia, quæ nequeunt consistere sine animâ sensitiuâ brutali, aut saltè per modum brutalis se habente in nobis, & nos brutalizante; sequitur, quod istius arboris pomum comestum, degenerauit primos homines talitèr, vt dictum est.

20. Roboratur hoc ex illo loco Sap. 1. *DEVS mortem non fecit, nec est medicamentum exterminij, nec inferorum regnum in terrâ.* Quod respectu solius hominis protulit Salomon: quia alioqui Brutis antè creatum hominem jam mors destinata erat naturalitèr, & quidem ex eadem radice, per quam etiam mors in hominem introiuit, scilicet per collatam eis ex dono creationis animam sensitiuam mortalem, cum suis concupiscentijs & desiderijs. Sathanas etiam mortem non fecit; Quia non est inferorum regnum in terrâ, & multominus in Paradyso fuit; nec Sathan potest mutare essentias, quæ institutæ sunt à Creatore mortis expertes, eas inuertendo, & mortales efficiendo; Ergò ipse homo sibi fecit mortem, quia causas mortis sibi applicuit, vnde mortalis euasit, morsque illi naturalis facta est, scilicet, cum comedit fermentum originale in pomo vetito latens, disponens ad animam brutalem mortalem, & scientias, ac phantasias, & proprietates eius.

21. Si dicas. Mors est priuatio, & non ens; Ergò non potest habere causas positivas. Respondeo, negando assumptum; alias scriptura dicens,

quod *DEVS* mortem non fecit, scilicet pro homine, vel in homine, committeret negationem; quia horum verborum iste esset sensus: *DEVS* non fecit non ens, quod mors dicitur; sicut enim *ly* fecit, habet pro termino ens positivum, ita & *ly* non fecit, habet pro termino idem ens positivum, non tamen factum. Est igitur de facto mors in brutis ens positivum, sicut & prodromus eius morbus, stabulatque ibi, & vitam afficit intrinsecè, quia in brutis causæ mortis sunt in actu, scilicet anima sensitiva caduca, cum cateruâ suarum imperfectionum: Vbi autem est causa in actu, ibi est & effectus in actu. Ast in homine non fecit *DEVS* causas mortis, ideò nec in eo fecit mortem, sed eo ipso die, quo Adam & Eva comederunt pomum scientiæ, deuorauerunt simul & causas mortis, quas pomum illud introduxit, sicque homo sibi imputet, non *DEO*, quod mors in eo actu stabulet, & euaserit illi naturalis, atque vitam eius affectet positivè, donec & perimat.

22. Præterea. Homo à *DEO* creatus est immortalis secundum animam, & potens non mori secundum corpus: cuius causa convenientior dari non potest, nisi ex ratione mentis immortalis, informantis corpus humanum: quia enim mens immortalis cuncta munia in corpore humano immediatè præstabat, ideò dabat ei vitam de se immortalem; cum, quale esse habet forma, tale det & ei quod accepit esse per eam: quia igitur anima intellectiva est interitus nescia, nec rerum caducarum importunitatibus subiecta, oportuit, ipsâ immediatè œconomiam corporis regente, parem quodammodo immortalitatem corpori communicari, saltem quoad præstantiam potestatum rectricium; unde etiam & modò post lapsum, mens impassibilis est à rebus caducis, eò quod deest illis symbolum, per quod mentem immediatè attingant aut penetrent; corpus etenim solum, homo sortitus erat ex dono creationis potens mori, non autem animam; Ergò non potuit homo immortalis transire in mortalem actu, sine aliquo medio positiuo: Sed hoc non videtur convenientius assignari posse, quam ponendo in homine eandem animam quæ in brutis, subortam ex pomo, quæ mentem à clauo regiminis immediati corporis humani depulit, sibi que illum vsurpauit; Ergò per appulsum istius animæ nouæ, & homini exoticæ, totus homo euasit degeneratus, & mortalis. Quod est propositum.

23. Præterea. Nisi teneamus, ex fructu arboris vetitæ comesto, mortem prodijisse in hominem naturaliter, sequetur *DEVM* fecisse mortem in homine. Sequella patet; quia qui hominem fecit cum animâ caducâ & mortali, quam quotidie videmus deficere & extinguere in brutis, ille censetur hominem ex vi creationis fecisse caducum & mortalem; Ergò ne hoc cogamur dicere, tenendum est, animam caducam ex eso pomo, in nobis suscitam. Confirmatur. Quia brutorum mors, eiusdem est generis cum morte nostrâ, quia ex eadem radice consurgit, scilicet ex anima caducâ, quæ in morte brutorum perit, & in nihilum abit, sicut lumen candelæ dum extinguitur; Ergò similiter est & in morte nostrâ, atque ita anima

anima ca
cum ea

24.

minis seru

nostrum

anima ca

carne,

à tyrann

tens Cre

mini ex

enim rec

rat; nec

gò ipse h

se dispos

25.

nem ob

tà illud

peccatum

stolum c

cata con

non fuit

ista enim

tritionis,

runt pluri

putata no

nali est se

fermenta

ex contra

in nobis

mortes n

quod D

præceptu

seruanda

transgre

peccatur

rò ex po

nerante.

cto, atqu

quia mal

nem; An

post mult

per come

26.

anima caduca, quæ in morte nostrâ perit, introducta est vi pomi in nos, & cum eâ mors, quod est propositum.

24. Præterea. CHRISTVS dixit Math. 6. *Nemo potest duobus Dominis seruire.* Sed modò nos sumus in tali statu post lapsum, quod corpus nostrum duobus Dominis seruit, iuxta illud Apostoli ad Gal 5. *Caro (id est anima carnalis & animalis) concupiscit aduersus spiritum & spiritus aduersus carnem, & in hac luctâ semper sumus dum viuimus.* Ergò ex dono creationis, à tyrannide animæ animalis omninò liberi fuimus: nam ad quid præpòtens Creator, talem Tyrannum qualis est nobis anima sensitiua, daret homini ex dono creationis, quem sic dilexit vt delicias suas appellauerit? non enim requirebatur ad propagationem naturæ, quæ aliter propagari debuerat; nec posset tali carnali propagationis modò, produci imago DEI; Ergò ipse homo corpus suum & se totum isti Tyranno subiecit, ponendo in se dispositiones ad hanc animam. Sed

25. Instabis hic. SS. Patres docent; mortem introiuisse in hominem ob peccatum inobedientiæ, non verò ob materiale pomi esum; iuxta illud Apostoli ad Rom: 5. *Per unum hominem intrauit peccatum, & per peccatum mors, & ita in omnes pertransiit.* Respondeo; SS. Patres & Apostolum de originali peccato, quod nihil aliud est nisi talis vt iam est explicata conspurcatio naturæ per scientiam pomi, loqui: quod sanè peccatum non fuit simplex inobedientia, vel legis Diuinæ de non edendo transgressio; ista enim solum fuerunt Adæ peccata personalia, & piabilia per actum contritionis, ac poenitentia virtutis. De facto enim primi parentes peccauerunt pluribus peccatis antè pomum deglutitum, quæ tamen toti naturæ imputata non sunt, quia nec eam vitare potuerunt: de peccato ergò originali est sermo, quod consistebat in pomi noxialis manducatione, cuius vi fermentali, natura tota conspurcata & mortalis facta est. Si enim mors ex contrauentione legis seu prohibitionis esset, & non ex pomo generante in nobis scientiam, sequeretur vnum ex duobus: vel quòd totidem essent mortes nouæ quotidie, quot sunt nouæ præuæricationes legis Diuinæ; vel quòd DEVS non tanti faciat suæ decalogi præcepta, quanti fecerat illud præceptum de non edendo fructu arboris scientiæ; non enim æquè seriò obseruandas leges vult ille legislator, qui non æquo supplicio vult castigare transgressores aliarum suarum legum: quod absit de DEO sentire. Ergò peccatum originale, occasionalitèr solum est ex inobedientiâ, effectiue verò ex pomo applicato per comestionem in naturam, & vi suâ eam degenerante. Imò si mors ex peccato esset præcisè, vtique esset ex maledictio, atque ita contigisset eodem momento quo commissum est peccatum, quia maledictio non indiget duratione, vt operetur in maledictum hominem; Atqui mors non statim operata est desitionem vitæ in Adam, sed post multa sæcula, Ergò per causas naturales in pomo latentes applicatas per comestionem homini, mors surrexit in eo.

26. Instabis iterum ex D. Augustino Lib: de Ecclesiasticis dogma-

ribus cap: 15. ita loquente. *Nec duas animas esse in homine dicimus, unam animalem, quæ animetur corpus, & immista sit sanguini: alteram spiritualem, quæ rationi ministret. Sed dicimus, unam & eandem esse animam in homine, quæ corpus suâ societate viuificet, & semetipsam suâ ratione disponat.* Idem docet Lib: de Spiritu & Animâ cap: 9. Et lib: de fide & symbolo, atque alijs in locis. Item D. Damascenus Lib: de fide Orthodoxâ cap: 12. Et expressè determinatum est 8. Synodo generali actione 10. Canon: 11. his verbis. *Apparet quosdam id temporis in tantum impietatis venisse, ut duas in homine animas impudenter dogmatizent, quos omnes & similia sentientes, cum vetus & nouum Testamentum, & omnes Ecclesiæ Patres, unam animam rationalem in homine asseuerent, sancta & vniuersalis synodus anathematizat.* Ergo pomum comestum non introduxit in hominem animam aliam, & oppositum asserere, est contra fidem. Respondeo. Quod isti citati SS. Patres & Concilium, loquuntur contrâ eos, qui ponebant duas animas in homine subsistentes, & constituentes speciem, sicut ponebant Manichæi, ut refert D. Augustinus 10. super Gen: ad literam cap: 14. & Philo Judæus: prout mentionem illius ex quodam nomine Dydymo facit idem ibidem cap: 12. Et contrâ hos sunt ista quæ dicunt SS. Patres, & 8. Synodus. Ast contra me nihil obtines ex his; quia sic pono animam istam caducam & homini aduentitiam in homine, quod potius ex sententiâ D. Augustini suprâ allati, languorem eam esse puto naturæ nostræ, quam animam. Et licet aduenierit in hominem ista anima vi pomi, nullam tamen speciem constituit cum corpore humano. Tum quia iam homini constituto in esse completo hominis, per accidens aduenit; tum quia nequit villo modo per se esse superstes in homine, nisi mutuetur à mente sustentationem sui, quæ mens cum non inueniat in corpore mortis huius aliquid sibi proportionalius istâ animâ, in eâ se quodammodo demersit, ita ut se suâ sponte non valeat separare ab eâ, & à corpore peccati, nisi cum ista anima perit in vitæ nostræ periodo ultimâ; tum quia, nullam à Deo determinationem accipit, ut potè quæ præter intentum Creatoris in naturâ humanâ surrexit: quod patet in monstris, quando scilicet prægnans repentino percussa pauore, mutat fatum humanum in monstrum, ubi mens abit, & sola anima sensitiva remanet, solum ab ideâ prægnantis quousque est in utero habens esse; à quâ si parturiendo separatur, mox deficit, non ob aliam causam, nisi quia per se nullam habet subsistentiam, & determinationem. Vna ergo est in homine anima Intellectualis dans esse homini, quâ homo est ex intentione DEI, hæc verò altera anima, nec dat homini esse specificum animalis alicuius, nec in eo per se subsistit, nec est ex intentione DEI, sed solum sicut languor quidam, superueniens naturæ ex degeneratione secundum corpus. Proinde distingo consequens. Ergo pomum &c. non introduxit aliam animam per se subsistentem & determinatam ad certam speciem, concedo: non subsistentem nec determinatam, sed solum per modum languoris appulsam ex pomo, nego.

27. Si vrgeas quærendo; Aut ista anima est substantia, aut accidens; Sed non accidens, cum sit merè forma essentialis, Ergò substantia: Si substantia; Ergò ubique, tam in Brutis quàm in homine, habebit subsistentiam. Respondeo: quod ista diuisio entium naturalium in substantiam & accidens, est insufficiens: Dantur enim mediæ res in naturâ, quæ nec sunt substantiæ nec accidentia, & tamen sunt aliquid, & ens actu: & tales sunt omnes formæ substantiales, exceptâ solâ animâ intellectuâ. Item ignis, Lux, Vita, &c. quæ plus sunt quàm accidentia, minus tamen quam substantiæ, ac proindè sunt entia neutra, realia tamen, quod de Igne & luce facile est ad oculum demonstrare. Lux enim solis, transiens per vitrum sic paratum, vt omnes radios solares transmittat in punctum coni collectos, est tantum lumen, in cono verò aëris, idemmet lumen est iam Ignis, ex solâ vnitione seu connexionione in illo cono radiorum resultans, ita quod in puncto coni est verus ignis, cum omnibus suis proprietatibus, parum autem supra conum, lumen solum est, nec amplius comburens ignis: Atqui cum eadem res nequeat esse vno in loco substantia, in altero verò accidens, & iam habeamus idem lumen supra conum & in cono; sequitur lucem & ignem esse talia entia, quæ nec sunt substantia nec accidens. Et quia formæ rerum & maximè viuientium, sunt lumina descendente à Patre luminum, ideò tale sit de eis ac de ipso lumine iudicium, quod scilicet nec sint substantiæ, nec accidentia, (excipio tamen semper animam intellectualem, quæ est substantia formalis) sed entia neutra.

28. Et vt ista entia neutra in naturâ agnoscas esse de facto, considera hæc sequentia, quæ iam subnecto de igne, in hoc enim vt potè notiori inter entia neutra, placet illa declarare. Ignis ergò ita vnitur cum carbone ignito, vt appareat esse cum eo quasi eius forma substantialis, & tamen potius est destructor; Sed omnis forma substantialis alia ab igne, est in materiâ suâ vt perficiens eam; Ergò Ignis non est substantialis. Item forma substantialis semel separata à materiâ, non redit amplius in eam, nisi post multas intermedias transmutationes; juxta illud Philosophi; *A priuatione ad habitum non datur regressus immediatè.* Ast ignis extinctus totaliter millies in Lychno candelæ, millies iterum mox redibit immediatè. Item forma superueniens, substantialis scilicet, expellit aliam formam substantialem à subiecto; Ignis superueniens in ferrum, quod candens se ipsos efficit, compatitur adhuc secum formam totalem ferri. Item omnis forma substantialis, habet determinatam materiam, si illam debeat informare, aliàs non informabit eam; ast ignis non petit sic determinatam materiam, quia in tot subiectis potest esse receptus, quot sunt res ignibiles. Item formæ substantiales non suscipiunt gradus intensiōis, ignis suscipit, vt folles demonstrant; Ignis ergò non est substantia. Non est etiam accidens, quia accidens, & præsertim absolutum, (quale videtur esse ignis, si eum inter accidentia collocare deceat.) nequit esse ordinariè sine subiecto, ignis autem in aëre; per collectionem radiorum per vitrum in cono

productus, verè est sine omni subiecto: quia tunc solum est in loco. Quod patet; quia in illo puncto coni, aer exsufflatur, igne tamen in loco manente. Si autem ignis esset receptus in aere ut in subiecto, deberet una cum aere abire ex loco coni. Sed hæc cum non sint huius loci, ex professo alibi examinabuntur in physicis.

29. Quod si omnino quis proteruiat, & nolit agnoscere ista entia neutra in naturâ. Respondeo illi ad quæstionem: quod duplex sit substantia, quædam res realis: quædam non res, sed solum realitas in realiâ; & sic ista anima sensitiva in homine, surrexit vi pomi ut realitas quædam afficiens naturam, non tamen ut res subsistens, & habens specicum determinatum esse, & ita quasi est ens medium inter substantiam & accidens, quia maius quam accidens, & minus quam substantia subsistens, quod sufficit ad præsens, ne dicta SS. Patrum & determinatio 8. Synodi, nostræ Resolutioni officiant. Patet ergo dari in homine animam sensitivam, non ex dono creationis, sed ex pomo scientiæ comesto. Quia autem dixi hanc animam ex pomo suscitaram esse rationalem, cum quæ ratio & discursus hominibus illis primis aduenit, quem ex vi primæ creationis à Deo non acceperant, hoc paulò amplius declarandum, & probandum est. Itaque.

30. DICO secundò. Ab eodem fructu arboris vetitæ, & eius fermento sibi applicato, ortum habet in naturâ humanâ scientia per discursum, seu Ratio, quæ tam mentem, quam corpus hominis in deterius commutavit, ita ut quidquid incommodi patitur mens & corpus, totum hoc in totum hominem deriuatum est à ratione & scientiâ pomi. Hoc sequitur ex dictis. Quia semel introductâ animâ sensitivâ seminalitèr in hominem, iam homo capit vivere vitâ mediâ inter mentem & corpus, & ita desijt immediatè ac intuitivè intelligere, solumquè per discursum & scientificè capit de rebus ratiocinari, non quod tunc penitus amiserit cognitionem intellectivam, quam antè pomum comestum habuit, sed quod solum obscuraverit eam, & in exercitium eius non liceat ei deinceps prohibitu exire; ita ut non nisi per reminiscentiam, & caliginoso ac misero animæ sensitivæ discursu mediante, iam res cognoscere cogatur.

31. Ostenditur hoc clarius sic. Intellectus nunquam est falsi, sed tantum veri entis, est enim intellectus totius entis, falsum autem non est ens, nullaque eius est essentia, in quam se intellectus adæquando transmutet. Sed discursus seu Ratio plerumque est falsi; nam pensemus quæso, unde tot circa unicam quæstionem sententiæ Doctorum, quorum quilibet aliter & aliter, ex alijs & alijs rationibus & motibus, procedit ad eam resoluendam. Nonne videtur culpa omnis tantæ diuersitatis in sentiendo, transferenda in scientiam boni & mali, vi comesti pomi suscitaram, unâ cum animâ sensitivâ? Ergo hæc scientia impediens homines ab assecutione veri, est utique Ratio, seu discursus; atque ita manifestum est, rationem non procedere à mente immortalis, nec cum eâ nobis esse indi-

tam

tam ex dono creationis, sed ex eso pomo irruisse in hominem, ceu hospitem peregrinam, ab esse mentis totaliter distinctam, labilem, & flexibilem pro omni parte, quæque mentem tædio afficit, & totum hominem miserè iactatum & fatigatum, nudum prorsus, & cognitionis expertem, relinquit.

32. Experiuntur hoc viri spirituales contemplationi vacantes, cum summo suo tædio, quando hæc scientia pomi seu Ratio, inuitam mentem, dum in silentio intrà seipsam sibi, Deo, & orationi, vacat, vt umbra corpus, continuò comitatur, & iniussa in mentis concilium aduenit, præsertim si mens nondum est accuratè exercitata in contemplando, vel non sat se clausit intrà se: qui certè rationis importunus in conclaue mentis insultus, est ipsi onerosissimus, tristissimus, tædiosissimus, & si mens, est sic turbata, adhuc tamen in contemplatione perseueret, est ei ad magnum meritum. Quòd si contingat mentem illius imposturis assensum præbere, mox experitur, cum in se redierit, se nudam, & in tenebris ac incertitudine cespitantem, & vt asinum sub sarcinâ gementem. Ex quo sanè habetur, rationem esse prorsus extra mentem, toti homini ex pomo & eius fermento aduentitiam, ac peregrinam.

33. Præterea. Quilibet nostrum experitur, se circa vnum & idem obiectum, eodem tempore simul elicere actum nolitionis, & actum volitionis; vt cum V. G. Adolescens aliquis perditè deperit puellam, & tamen ob respectum aliquem optat solui ab illo amore, iste simul & semel vult contradictoria circa idem, iuxta illud Salomonis, Prou: 13. *Piger vult & non vult.* Sed hæc in eodem subiecto simul & semel nequeunt hospitari secundum idem, ad idem, & eodem tempore; Ergò sunt à diuersis animabus, nimirum quod placet, ab animali & carnali, quod verò honestatem inducit, est à mente.

34. Huc faciunt verba Apostoli ad Gal: 5. Vbi enumerat opera carnis, quæ primâ facie videntur esse spiritualia, vt contentiones, æmulationes, iræ, rixæ, inuidiæ &c. Et tamen Apostolus illa esse dicit opera carnalia, ideò videlicet, quia sunt operationes animæ sensitivæ, & rationis eius, ac voluntatis carnis & sanguinis, quæ feminalitè in carne nostrâ ex pomo surrexerunt, sicut & in Brutis ex eadem animâ sunt de facto ista opera. Ergò ista arguunt scientiam hanc æmulandi, rixandi, inuidendi, &c. non ex dono creationis, sed ex pomi dispositionibus in nos venisse, esseque nobisum brutis communem: hoc solum paruo intercedente discrimine, quòd in nobis irradiatur aliqualitè secundum magis & minus à mente, vt fiat clarior & distinctior; in Brutis verò non item, quæ proinde in discurrendo intra se magis errant, & citius decipiuntur quàm homines. Quàmuis & hominem non rarò inuenias Bruto stolidiorem. Imò etiam viri exercitati in discurrendo, frequentèr experiuntur, se vi rationum diuersarum nunc huc nunc illuc iactari fluctuando, sic eos dementante ratione miserâ, vt interdum abducantur in inconueniens, nec scientes nec ad-

uertentes. Ratio igitur est illa scientia pomi, quæ nos à vero lucidoque intellectu abstraxit, mentem obscurando, ne possit cernere verum.

35. Præterea. Anima seu mens, intelligit in pace & quiete, & nequaquam inducendo sibi ambiguo extortæ rationis ductu, cæcas veri imagines, intricas fallacias, ac veri persuasiones, plerinquè infastas & erroneas, non etiam in cognoscendo res excurrit ad similia, vel proportionalia, siue contraria illi rei, vt verum sit illud Aristotelis: *Anima sedendo & quiescendo, fit prudens.* Quod apparet in viris spiritualibus illiteratis, qui sapiunt supra Theologos, eò quòd in pace & quiete creaturas in Creatore, & Creatorem in creaturis, non per discursum, sed purâ intelligentiâ conspiciunt. Ergò Ratio cognoscens cum motu & discursu per imagines, proportionales, similitudines, contrarietates, &c. est distincta à mente, & non est ex dono creationis primæ indita homini, sed surrexit aliundè.

36. Præterea. Non percipimus nos aliquid intelligere per rationem & discursum, nisi ex sensuum limitibus obiectorum species seu imagines in nos traducantur. Juxta illud Philosophi. *Nihil est in intellectu, quod non præfuerit in sensu.* Quod verum esse concedo, de cognitione per rationem. Sed etiam percipimus nos aliquid intelligere per intellectum, quàmuis sensus iudicet oppositum; Ergò hoc est ab intellectu puro, illud verò à ratione; Sed vnius rei homogeneus & vnicus est agendi modus; Ergò ista diuersitas intellectus seu cognitionis in nobis post lapsum exorta, arguit nos accepisse istum imperfectum cognoscendi modum, quo per discursum procedit ratio. Quod est propositum.

37. Præterea. Gen: 2. appellauit Adam nominibus suis cuncta animantia, & vniuersa volatilia coeli, & omnes bestias terræ; Atqui tunc non procedebat Adam per discursum, inuestigando proprietates animantium, sed simpliciter & intuitiue introspeciendo essentias eorum; Ergò solo intellectu id tunc præstitit, non impedito à ratione, quod postmodum nec Salomon præstare potuit, nisi discurrendo, prout scriptum est. 3. Reg: 4. *Disputauit à cedro Libani usque ad hyssopum quæ egreditur de pariete.* Ergò tunc Adam rationem non habuit onerantem & impediendam actum intelligendi in eo, sed postea ex pomo illi aduenit.

38. Imò nec in resurrectione futurâ habebit in nobis locum ista ratio; mens enim post mortem habet omnem suam cognitionem simul, plenam, nudam, non successiuam, non vi præmissarum extortam, non discursu expugnatam, non disputabilem, aut dubiam, nec faciet amplius demonstrationes vt vnum ex altero concludat, trahat, deducat, cogatque, vt sic rem concipiat, iuxta illud D. Augustini 15. de Trin: capi: 17. verissimum, licet ab ipso dubiè, & ob humilitatem, quâ tantus Doctor semper vsus est in proferendis suis sententijs, cum formidine prolaturum proloquium. *Fortassis non erunt ibi volubiles cogitationes nostræ, sed scientiam nostram v-nico intuitu habebimus.* Ergò cum ratio nec in statu innocentie antè peccatum in Adamo, nec in statu animæ separatæ à corpore, nec in statu

rege-

regenerationis per resurrectionem, habeat locum; sequitur, animam nostram pro hoc statu viæ, in ipso lapsu Adæ, esse aduentu istius rationis stigmatizatam, in casus sui memoriam, quod scilicet consenserit in esum pomi scientiæ: sequitur etiam, rationem hanc cum morte in naturam aduenisse, & in morte perire.

39. Præterea. Quis poterit enumerare incommoda, quæ mens nostra & consequenter nos ipsi patimur, ab hac, quæ est ipsissima scientia pomi, ratione? hæc centum rimas & sectiones in fide, (vt hinc incipiam) suâ peperit, & adhuc in dies parit, flexili imposturâ, quælibet autem Secta, suam habet sophismatis rationalem inductionem. Hæc tot hominum myriades, specië pietatis, veritatis, & religionis, sub multiplicitate errandi, vafre fallit callida seductrix. Hæc quoties eam mens in afflorem vel Judicem deligit, nedum in fallaciam, & sui ipsius suæque sensualitatis obsequium, fingit suadelas, verum etiam dat se in seruitutem desiderijs hominum, rationes scilicet inueniendo, fingendo, & substernendo, iuxta placita eorum, quos coniecit sic optare & velle. Hæc suâ importunitate, mentem tædio afficit, ita vt nauseam sæpè super eam concipiat, & ab eâ auertatur, vt constat experientiâ. Angit enim eam multipliciter inani complacentiâ in bonis, & ridiculâ disquisitione virtutum, & friuolâ promissione mundanæ gloriæ, intellectum cogit, vt suo discursui præbeat assensum, voluntatem propellit ad consensum, memoriam onerat superfluis quisquilijs obiectorum, adeo vt mens cogatur eam in Viris spiritualibus, sedulo super custodiam suam stantibus, magno conatu proscribere, quæ tamen millies proscripta, millies rursus redit, tecta fallaciter, & cum pugnâ & imposturis adoritur mentem, & non raro prosternit. Vnde S. Paulus, & multi alij Sancti, nullum sibi in naturâ subleuamen à tam molesto & tædioso hospite aduertentes, optauerunt dissolui, ne tandem succumberent, prout multis Sanctissimis viris tandem contigisse, in comperto est. Ergo ista ratio non est pars mentis, sed potius aliundè in hominem irruit.

40. Præterea. Salomon vocat Prou: 20. spiritum hominis, id est mentem, *Lucernam DEI*, eò quod occultæ rerum scientiæ à Patre lumen infunduntur in nos, medio huius lucernæ, Sed ratio non est apta esse talis lucernæ DEI, quæ potius à rebus discurrendo circa illas, & earum apparentes proprietates, haurit putationem, quàm scientiam: Ergo Ratio non est spiritus ille hominis, sed aliquid aliud homini & menti exoticum. Neque dicas, quod Ratio sit lumen istius lucernæ. Quia habet ista lucerna suum lumen, cuius vigore penetrat scibile sibi permissum, non iam syllogisticè, sed solâ visione intellectuali, longè nobiliori & certiori, quàm ipsa rationis apex, Demonstratio. Hinc enim certior est cognitio quam habemus per fidem de rebus creatis, quàm si eandem haberemus per demonstrationem, vt omnes SS. Patres & Doctores Ecclesiæ fatentur. Videtur ergo mihi, quod ratio ista, quàm tantoperè æstimamus, nihil est aliud, nisi medium quid inter sensus externos, & intellectum; scilicet Im-

ginatio, seu animalis intellectus, vel intellectus agens Aristotelicus, in nos per scientiam pomi deriuatus, cuius proprium est, condere Syllogismum, & discursum quemlibet.

41. Præterea. Ipsimet illi, qui tantoperè æstimant rationis discursus & illationes, fatentur, scientiam præmissarum & principiorum esse nobiliorem, & notioem scientiâ conclusionis, eò quod sint tales scientiæ Principiorum ex primò veris, & menti ex se, antè omnem discursum & rationem, notis. Ergò quidquid modò scitur per rationem, totum est præcognitum ab intellectu, atque ità intellectus solus sufficebat naturæ humanæ; ad quid ergò & vnde ratio?

42. Ad idem. Vbicunq̃ue nullus est discursus, & nullæ præmissæ, ibi quoq̃ue nulla reperitur conclusio, seu consecutio, & consequenter nulla ratio; Sed in mente nullus est discursus, quandò cognoscit V. G. conuenientiam & disconuenientiam terminorum, quia hanc notitiam mens habet ex eo, quòd scit, & penetrauit rerum his terminis significatarum, essentiam. Ergò mens est alia à ratione, à quâ scilicet mente, veritas Principiorum manat, vt à lucernâ D E I.

43. Imò discursus rationis, si accipiat hæc principia in suum examen, potius extenuat, obumbrat, præpedit, & suffocat claritatem intellectus in eis, quàm promouet; quia instar Vespertilionis, ad lucem veritatis caligat, præ suâ exilitate, respectiue ad lumen intellectus. Hinc si interrogetur quis de re notissimâ, V. G. quare lux luceat? vel aqua sit humida? vel ignis vrat? & cogatur respondere per rationem; cogitur fateri, quòd quantò res est clarior, tantò eius ratio est stupidior; Ergò ratio prorsus manet extrà lumen veritatis, & extra quidditatem mentis.

44. Ad idem. Experientia docet, quod cùm homo optat scire per rationis venationem, rem aliquam sibi hætenus ignoram, vt plurimum amplectitur media falsa, quæ tamen putat esse vera, prout apparet ex tot Doctoribus, se inuicem oppugnantibus, & sibi mutuò falsitatem obijcientibus. Et hoc non ob aliam causam contingit, nisi quia à ratione decepta mens, aspicit mendacium, fucum, fraudem, putationem, loco veritatis, per diurnam assuetudinem cum istâ ratione, iam pronâ in eius operationes acceptandas effectâ, vt nihil de eius imposturis ambigat; & quia non potest simul sequi duo lumina tam diuersa; Ergò ratio potius est contrà mentem; Et sic ex conspurcatione nostrâ per pomum, adorsâ est nostram naturam.

45. Præterea. In intellectu est immediatè veritas, cùm veritas intellecta, nihil sit aliud nisi adæquatio intellectus ad res ipsas, quas cognoscit prout sunt, ità quòd, sicut esse rerum de se est semper verum, & essentia illarum est ipsamet veritas, ita & intellectus qui super eas fertur, semper directè est verus; Sed ratio est modus cognoscendi obliquus, procedens per illationes, non autem per adæquationis transformationem; Ergò in eâ non est veritas; vel si est, tunc nonnisi participatiue ab intellectu

RESOLVTIO SEXTA.

103

tu irradiante. Hinc audeo dicere; quòd ratio & veritas, sunt disparata in suis radicibus: veritas enim est ens reale verum, ratio autem est ens mentale apparens, & vt plurimum falsa pro veris amplectens, & vera pro falsis ridens. Item, bonum, rectum, vnum, verum, semper vno & eodem modo se habent in intellectu, quia stant in puncto adæquationis: è contrà verò, malum, curuum, obliquum, falsum, multiplex, fiunt pluribus modis per rationem, Ergò ratio ab intellectu toto cœlo distat, & est vera scientia pomi.

46. Præterea. Bruta habent rationem & discursum, vt patet in annosâ vulpe, quæ callidior est iuniore, & nonnisi ob discursum rationalem, experientiæ reminiscentiâ confirmatum. Apes etiam numerant sua aluearia, quæta sint in numero, dùm ex eis egrediuntur. Serpens quoque Gen: 3. dicitur fuisse callidior cunctis animantibus &c. Faunus quoque, legitur in vitâ D. Antonij à D. Hieronymo descriptâ, Animal rationale loquens, DEVM naturæ & Christianorum cognoscens, & supplicans D. Antonio vt pro se atque suis, DEVM oraret: & tamen, hic Faunus non fuit homo, tum ob monstrosam figuram, tum ob testimonium ipsiusmet D. Antonij: Nec etiam Dæmon, quia hic propter superbiam non se commendaret precibus D. Antonij. Satyrus etiam olim visus est viuus, & cùm mortuus esset, sale conditus pro ære per Agyptum, Phrygiam, & Græciam, ostentabatur. Item in Scotiâ, & Zelandiâ, alijsque locis maritimis, piscata sunt monstra, humanam figuram maiori ex parte referentia, quæ nedùm ratione utebantur, sed etiam artes mechanicas exercuerunt, edocta. Ergò ratio potius est belluinus intellectus, nobis iam degenerantibus, ex esu pomi in naturam belluinam, adueniens. Hæc pro Resolutione nostrâ attuli ex incommodis, quæ patitur homo ex parte mentis, à scientiâ pomi.

47. Iam ex ijs quæ patimur ex parte corporis, ostendere volo, eandem scientiam pomi, nobis esse contra naturam nostram, ex dono creationis immortalem. Quia pomum scientiæ boni & mali, non potuit sinè suo effectû, seu potius fermento, quo natum erat causare suum effectum, in naturam nostram traduci; Ergò traductum in nos, produxit in nobis semen, & dispositiones respectu animæ brutalis, cum suis concupiscentijs; Sed vbi est introducta concupiscentia, ibi est introducta & caro peccati, & vbi caro peccati, ibi mortalitas & morbus; Ergò mors, morbus, & quidquid patimur in carne peccati, totum prouenit ex scientiâ pomi.

48. Confirmatur. Quia omnes classes ægritudinum, radicatae sunt in concupiscentiâ carnis, quæ est directè opposita vitæ immortalis; nihil enim, etiam secundum Ethnicos Philosophos, ita diffiat vitam, sicut nimis vsus Veneris. Cuius ratio est, quia anima nostra, concupiscentiâ animæ sensitiuæ, ortæ ex pomo, stimulata, elicit consensum, & ipso facto producit ideam plausibilitatis, quæ idea est imago semen fecundans, estque hæc idea ens verum reale, iam naturam nostram conspurcans, contrà intentionem

tionem DEI, nolentis ex semine concipi hominem; Ergò cum Adam istam ideam per se formauerit suo consensu, cum voluptate concupiscibili, quando scilicet concupiuit (sic eum disponente iam pessundatâ per ideam naturâ) nudam virginem, iustum erat ut eadem ideâ, Archeus carnis peccati afficeretur, atque sic affectus, deinceps imagines seu ideas entium morbosorum sibi cuderet, ex concupiscibilis voluptatibus, ex procellis irascibilis, & interdum ex semetipso, ut ita homo staret subiectus ei malo, quod ipsemet fabricaret sibi. Dictum est enim supra, quòd quidquid nascitur aut fit, id totum alicuius seminis necessitate fit, semen autem accipit fecunditatem ab ideâ, suo spiritui inditâ. Sed morbus de facto fit in nobis; Ergò ex semine fit, & ab ideâ in eius spiritum inditâ, scilicet vel ab ipso homine concipiente aliquid, vel ab ipso Archeo solo, ut fit plerumque in peste. Constat autem per experientiam, oriri in nobis imagines seu ideas veras reales & actuales ex perturbationibus, non secus ac prægnantis cogitata fortia, ens reale quantumcunque peregrinum atque exoticum, eudunt in prole, ut murem, cerasum, pyrum, morum &c. Ergò istæ ideæ sunt in nobis causæ morbificæ & mortiferæ, penetrando scilicet, & inficiendo spiritum nostrum sydereum, eumque alienando, & ad peregrinos perturbationum scopos impellendo. Sic sic scientia pomi seu ratio, etiam nostro incommodat corpori, dum vivimus. Quod claritatis gratiâ, volo per inductionem patefacere amplius.

49. Impingat aliquis homo per rationem in præsumptionem fidei, ita ut stet in explicatione Sacræ Scripturæ à se inuentâ, iuxta proprium placitum, sicque se obfirmet: Jam per scientiam pomi, habet ideam incuriæ vel contemptus religionis, & sic labitur in Atheismum.

Tribuat aliquis multam actiuitatem Dæmonibus in seipsum, & sit credulus, eo ipso habebit ideam, quæ eum ita afficiet, quòd existimabit se esse incantatum; sicque prostratis viribus emaciabitur, pallescetque demens, esto in re ipsâ non sit incantatus. Urgeat aliquem indiscreta scrupulositas, iam habebit ideam anxiam timore inferni turbidam, vnde mox morbus, scilicet, vita horrida, omnium conuersatio formidolosa, &c. Et vno verbo, fatuitas.

Consideret aliquis in se plus iusto virtutes, Ingenium, doctrinam, genus, formam, robur, &c. mox sibi cudit ideam vanæ præsumptionis, quæ nihil est aliud nisi vana dementia, finè quâ ideâ præsumptionis de seipso vix est aliquis; vnde de talibus benè scriptum est. *Stultorum infinitus est numerus.* Et hinc morbus, scilicet ridenda stupiditas. Quis nescit zelotypiæ ideam duram esse sicut Infernum, & in plures ærumnas, hominem qui eam suscitauit in se, præcipitare? quis non videt fornicationis & libidinis ideas, præter dementias, etiam complures ægri tudines excitare? Nonne repentinus terror, mœror, & subitum gaudium, suis ideis subito aliquos extinxere, vel saltem morbum comitalem aut syncopen, in eis produxere? Mœror lentus, per aliquantum solatium sæpè interruptus, ideam

cudit


RESOLVTIO SEXTA.

105

cudit melancholiz hypocondryacæ, & si hæc idea cum desperatione connectatur, Paralyfin patrat. Ira subita, cudit ideam asthmaticam, quæ in hydropem definit. Violentus terror, ideam Epilepticam, quæ in vitam perennat. Odium & auaritia cum suis ideis, producant maciem, & atrophiam; Et multa similia, cum suis ideis morbofis, quæ pro nunc prætereo, clarissimè probant, scientiæ pomi cum ijs quas cudit ideis, in vitam nostram conscribendo exercitum ex eis, malignitatem; Ergò &c.

50. Patet igitur, qualiter mulier, & quale fermentum accepit, & abscondit in farinæ satis tribus, donec fermentatum est totum; id est tota natura humana, quoad animam, acquirendo scientiam, & vi fermentali pomi comesti, alteram animam seminalem, mentem à regimine immediato corporis humani excludentem; quoad spiritum sydereum, eius vim magicam, fortiori phantasiâ pomi comesti soporantem; & quoad corpus, ei semina fermentalia respectu omnium morborum inspergentem. Et quia sic fermentati primi homines, iam DEO eis permittente animalem copulam, facti sunt nostri parentes, opus est videre, quid illi generant in nobis, quandòquidem Imaginem DEI producere nequeunt?

Et pro hoc sit.



Dd

RE

R E S O L V T I O S E P T I M A.

Adam & Eua facti primi Parentes nostri, generando prolem, non genuerunt Imaginem DEI, sed solum Imaginem sui, & prorsus quidquid est in nobis animale. Et idem sit de ceteris parentibus, in naturâ humanâ iam corruptâ prolificantibus, iudicium.

I.



Vandòquidem iam suasu & arte malignâ Sathanæ, humanâ natura Virgo, ex pomo prohibito comesto, acquisiuit fermentum seminale, cum eius aurâ omnium dispositionum in corpore productrice, in ordine ad animam seminalem, cum eius concupiscentijs & desiderijs brutalibus, naturæ humanæ virginæ repugnantibus; consequens erat, si DEVS melius iudicauit de homine sic iam deprauato bona facere, quàm cum statim mori permittere, vt sic in Adamo & Euâ corrupta humanitas, in alios deinceps propagaretur, mediante transfusione seminis maledicti ab initio, Sap: 12. cum concupiscentiâ brutali illud sigillante.

2. Orditur ergò S. Scripturâ hanc naturæ propagationem cum singulari emphasi Gen: 5. sic. *Hic est liber generationis Adam.* Quia autem hæc generatio Adamica aliquid aliud productura erat, quàm id quod creando hominem produxit omnipotens Creator, statim subdit textus sacer: *In die quâ creauit DEVS hominem, ad similitudinem DEI fecit illum.* Quâ interpositione innuere voluit Spiritus Sanctus, quòd generatio Adamica non peruenit ad similitudinem DEI, ad quam DEVS creauit hominem, in die quo creauit eum, sed ad aliquid aliud. Ad quid ergò? Ecce mox subiunxit, dicens: *Vixit Adam centum triginta annis, & genuit Filium ad imaginem & similitudinem suam,* id est, corruptum in naturâ, carnalem, & animale, qualis iam factus fuerat per peccatum ipsemet Adam; ita vt hîc manifestè insinuet scriptura, nostram Resolutionem, opponendo effectum creationis, cum quo productus fuerat homo per creationem, scilicet similitudinem DEI, effectui generationis Adamicæ, cum quo deinceps producit homo per generationem belluinam, scilicet similitudinem Adæ. Nam cum in naturâ omnis Spiritus generantis seminis comprehendatur, quia continet ideam rei generandæ; & homo sit DEI immediata ac vera imago; sequitur quòd Adam generans, nequiuisset vlllo modo in suum semen

trans-

transfundere Diuinam imaginem, quam in se & extrà se planè ignorabat. Restat igitur vt solum generaret sibi simile, imprimendo scilicet in semen suum ideam sui ipsius, quasi quoddam Sigillum, siue vmbra sui.

3. Imò neque mens Adæ id potuit: quia menti quâ talis est, deest sua cognitio intuitiua, quâ sibi seipsam repræsentet, quamdiu est in corpore, etiam in statu innocentia: & hoc ob rationem imaginis DEI, quæ tam in se quàm respectu typi quem refert, est propemodum viatori intelligendo impossibilis, atque sic mens carens sui propriâ specie imaginis Diuinæ, nequit se ipsam transformare intellectualitèr in seipsam, nisi in lumine eius, cuius est Imago, quod ordinariè non contingit, nisi in patriâ. Si ergo mens nequit habere cognitionem sui, multò minùs potest habere facultatem, depingendi sui signatam similitudinem in semine, in ordine ad propagationem imaginis DEI. Sicque Adam & Eua, nullo modo poterunt in prole signare imaginem DEI, sed solum imaginem sui: vt & suprâ Resolutione tertiâ & quartâ declaratum est. A fermentatis ergo Parentibus, etiam fermentata proles prodire debuit. Pro quo intelligendo.

4. Obserua. Alitèr in prole Adamicâ suscitari animalitatem, quam in ipso Adamo & Euâ, suscitata est. Illi enim, scilicet Adam & Eua, comederunt pomum, in quo fuit fermentum originale respectu seminis, & consequentium; ac proindè pasto pomo, mox conceperunt ex naturali pomi proprietate, libidinem luxuriandi, atque indè factum est in eis semen animale, quod in animæ sensitiuæ dispositiones præuias properans, legemque aliarum causarum subiens, se reflexit in vitalem spiritum ipsorum, qui ideirco statim auram seminis, seu latronem domesticum, suscipiens, potestatem propagandi seminis animalis & caduci, desinentis tamen in vitam, concepit; cuius demum vitæ appulsu, mens immortalis vitæ atque corporei gubernaculi habenas exuens, eas sensitiuæ à DEO infusæ dimisit; & quæ antè horas aliquot, omnia in omnibus membris agebat, eratque ipsamet vita immortalis in toto, quia sola & tota in toto immortalis, iam istâ naturæ pulchritudine, in Protoplastis vitiatâ, locomota descendit, vt sui sigillum imprimeret in semen vetitum, etiam antè natam sensitiuam animam, reddiditque eo ipso semen dispositum ad recipiendam & requirendam à Creatore animam seminalem; cuius appulsu cessit in intima mens immortalis, siue de mandato Creatoris, siue proprio motu, scilicet ob impuritatis iam contractæ in naturam tædium, sic vt sub Iudice adhuc lis sit, vbi nam principalem sedem elegerit. Etsi intrâ animam sensitiuam, qua nihil sibi proportionalius in corpore mortis huius inuenit, non improbabilitèr sese recepisse, eamque suis aliqualitèr illuminare radijs, possit sustineri. Vnde & in propagatione humanâ, transfusum semen sigillat; sinè quâ sigillatione, semen esset sterile. Ità ergo Adam & Eua fermentati sunt totalitèr à pomo, quod postquam mansum est, (vt rursus ob claritatis maioris gratiam repetam) disposuit sanguinem ad semen, atque

que inde in animam sensitivam, idque paucis horis completum est, iuxta verbum DEI, eo die scilicet, quo comederunt pomum. Nam qui ipso creationis puncto, in Virum & foeminam formati fuerunt, & non in pueros, breui quoque spatio in maturitatem seminum, & causarum mortem necessitantium, promoti sunt.

5. Ast in prole ab eis descendente, aliter est. Non enim proles gustat pomum cum inibi latente originali fermento; nec consequenter illud originale fermentum, operatur in eâ concupiscentiam & semen, atque dispositiones ad animam feminalem, sed proles humana provenit à fermento seminali, id est semine à parentibus libidinose deciso, & forti ideâ plausibilitatis sigillato, quam mens parentum in auram seminis impressit. Quâ ideâ semen iam foecundum, & fomento materni vteri excitatum, prope- rat in dispositiones corporis organicas, donec tandem DEVS infundat animam sensitivam, eamque mente superueniente, à specificâ Bruti determinatione præueniat. Et hoc est, quod per copulam brutalem produxerunt Adam & Eva: sicut & deinceps quicumque parentes modò producant. Nihil enim plus ad generationem hominis contribuunt, nisi fermentum seminale, seu semen foecundum, cuius aura deinceps efficienter operatur corporis organizationem, & dispositivè animam feminalem sensitivam.

6. Ad quod penitus inspicendum, operæ pretium censeo, aliquid de conceptione humanæ proles, quatenus modò communiter fit, hic adnectere, ut agnoscat Catholicus Lector, DEVM esse etiam modò generationis humanæ præsidem, ut potè quæ videtur superare naturam, nisi acquisito propagationis iure, vi illius verbi DEI, etiam post lapsum prolati ad Noë: *Crescite & multiplicamini &c.* Et vigore dispensationis, quâ DEVS iam permisit legitimam copulam, in naturam esset recepta.

7. Sciendum ergò. Quod vteri muliebris diductio, in congressibus sexualibus ut ut libidinosis, non fit nisi à digito DEI, qui illos diducit loculos, in ipso conceptionis instanti: in quâ diductione causatur succus, & attractio seminum in vterum, ratione vacui. Sicquæ concipit mulier, nisi postea irritet istam conceptionem aliquod impedimentum. Hoc scriptura in multis locis aperte docet. Tum de Sarâ vxore Abrahæ, cuius DEVS aperuit vterum, Gen: 21. dicente textu sacro. *Visitavit autem Dominus Saram, sicut promiserat, concepitque & peperit filium in senectute suâ.* Tum de Annâ vxore Elcanæ, matre Samuelis Prophetæ, Reg: 1. *Dominus concluderat vulvam eius.* Tum de Elizabeth vxore Zachariæ, matre Joannis Baptistæ, Lucæ 1. *Sic fecit mihi Dominus, in diebus quibus respexit auferre opprobrium meum inter homines &c.* Factâ ergò tali vteri diductione, & seminum attractione, iam in concauo vteri, semina commiscuntur, ostio vteri exactè clauso, simulque per mutuam syngamiam se vniunt per biduum, manentque interim turbida & opaca. Post hoc porro biduum, transparentis albuminis similitudinem assumunt, & sic diaphana manent, per dies quatuor; Post quos, nempe sex dies à seminum commixtione,

apparet

RESOLVTIO SEPTIMA.

109

apparet in eis vapor quidam nubilus, qui est aura vitalis seminum: quæ aura, postea decimo tertio die à conceptu, acquirit hominis figuram vmbrailem, cum aliquâ suæ spissitudinis clarificatione, & liquoris alimentarij ad se aggregatione, ita vt tùm iam decimâ sui parte accreuisse videatur; sexualis tamen nota nondum hoc decimo tertio die apparet, licet aura seminum figuram hominis iam repræsentet. Circâ diem dein decimum septimum, hæc aura figurata, sese demergit intra albumen, ac quasi dormit toto triduo, & horis circiter duodecem; & interim in semine rursus fit quoddam chaos opacum; quo intervallo sibi secundinam visibilem obducit, eamque duram membranâ, quam in materiâ non reperiebat, per suam vim formatiuam & transmutatiuam efficit; quæ vis est talis naturæ & efficaciz, quod dum format & sculpit corpus, iuxta ideam sibi à generantibus impressam, non vitur separatione, nec opus habet materiæ diuersitate, sed eam sibi parat pro libitu, quousque iuxta propositum sibi typum, organa corporis perficiat. Vigesimo tandem & primo die, exæto scilicet illo triduo, & horis duodecem, illamet figura humana in aurâ seminis delineata, iam acquirit sexum, & continuo, sinè labore tamen & tædio, organizationem partium absoluit, & maiorem distinctionem illarum explicat, ac consequenter totius accretionem facit, ex materno eoque puriori sanguine, humidum radicale, solidarum partium constitutum, sibi adsciscendo, simulque à materni sanguinis spiritu vitali, fomentum & incrementum hauriendo, & illud sibi vnione perfectissimâ assimilando, donec tandem iste influxus spiritus vitalis à matre haustus, trigesimo secundo die à conceptu, in embrionem traducatur, tenuis quidem & vmbrailis per immediatè sequentes dies nouem, sed quadragesimo primo die, lucem seu potius splendorem vitalem adipiscitur, & simul staturam exhibet humanam, sed deformem, ob capitis disproportionatam magnitudinem, & conglobatam. Et tunc accedit ei fulgor seu lux, quasi ardentis aquæ vitæ, quæ lux est anima seminalis, iam à Creatore data, quæ quia in homine non facit speciem, imò nec diu sola potest subsistere, cum sit naturæ humanæ exotica, ideò mox post aliquot momenta, aduenit à Deo creata anima intellectiua, quâ lux illa animæ sensitiuæ illuminatur perfecte, & fit seipsa lucidior. Talis est ergo processus generationis Adamicæ, in quâ aura seminum format corpus, anima sensitiua informat auram, vnâ cum corpore iam organizato ab ea, & ipsa tandem mox informatur à mente, seu ab animâ intellectiua desuper adueniente. Atque ita id quod verè generat Adam cum Euâ per copulam, nihil est aliud, nisi ens seminale, per libidinem brutalem occasionatum, quod nunquam in homine fuisset, si Adam generationem nostram non peruertisset, sicque omnes quot ex congressu maris & foeminæ nascimur, concipimur veri Filij Adæ, secundum esse seminale, seu animale; iuxta Apostolum I. ad Cor: 15.

Seminatur corpus animale.

8. Quod animale, etiam ipsam mentem immortalem, incommodatibus

E e

dicatibus

ditatibus & passionibus afficit. Quia enim eodem thoro & vnico vnitate vinculo, mens cum istâ seminali animâ est combinata in homine, fit vt anima ista mortalis participet vitam animæ immortalis, cuius vitæ participatæ ergò, quidquid patitur sensitua, hoc redundat & in mentem; non quod caduca ista quæ offendunt sensum, vim habeant supra animam immortalem sibi supereminentem, sed quia vita mentis est recepta in animâ sensitua, & consequenter per modum recipientis euasit passibilis in connexo, fitque tandem, vt dum lumen connexi, id est animæ seminalis, ita diffatur vt extinguatur, etiam mens immortalis vna cum suo lumine recedat, vt potè priuata iam suo connexo; Et sic ingruit mors. Quamdiu autem manet anima sensitua in homine, tam diu manet & nexus mentis cum eâ, & ita manet & vita mortalis.

9. Frustrâ igitur quæritur; vbi anima immortalis residet in homine? Quia cum sit lux æterna, & substantialis, etiam in lucido isto, & quali quali, vitali tamen diuersorio animæ sensitux, siue seipsam demersit, non inueniens in corpore mortis huius aliquid aliud sibi proportionalius, siue diuinitus alligata est, in poenam originalis peccati.

10. Et hinc est, quod ista anima mortalis, quæ vi feminis Adami ci dispositiue in nobis suscitatur, mentem obtenebrat, & obuoluit, ac quasi soporata, atque desidem detinet, vt nedum feriari cogatur à regimine corporis, sed in amentijs, delirijs, erroribus, &c. videtur esse totaliter absens potius quam præsens, cum nihil prorsus agere queat, quatenus sic carcerata, seminali animâ in se transfundente, per indebitam assuetudinem, omnem mentis energiam, adeo vt si mens velit interdum spirare radium suæ intelligentiæ, tamen ita debilitè id præstare cogitur, vt videatur solum pro libitu animæ istius caducæ facere, cui inseruit facultatibus suis; iamque ordinariè isti nexui assueta, assensum præbet omnibus, quæcunque anima ista amplitudine suæ libertatis, & consuetudinis licentiâ, patrat. In delirijs autem, rabie, cardialgiâ, Apoplexiâ, Epilepsiâ, mainâ lienariâ &c. non valet prorsus vti suo intellectu, eò quod anima sensitua id tunc non possit ab eâ; Vt verissimè dixerit Apostolus 2. ad Cor: 3. *Non possumus aliquid boni cogitare ex nobis, quasi ex nobis, sed sufficientia nostra, ex DEO est.*

11. Hinc etiam est, quod licet nascamur illius parentis Filij, qui plenus sapientiâ creatus, habuit cognitionem intuitiuam omnium rerum sibi subiectarum, tamen nos mediante semine geniti, nascimur tabula rasa: Quia omnis cognitio, tam scilicet intellectiua, quæ fuit antè peccatum, quam sensitua, scilicet scientia pomi seu Ratio, obliterantur in semine, ac proindè homo indè natus, est vt dixi, tabula rasa, & inanis. Ecce quid genuit Adam cum Eux stupro, præsumens propagare Imaginem DEI; nempe induxit in naturam humanam, animalitatem æternæ vitæ incapacem, mentis obicem, & carcerem.

12. Imò audacter dico. Quod neque hoc generare potuisset, cum sic

RESOLVTIO SEPTIMA.

III

sic generando, niteretur contrā intentionem DEI, qui non direxit ab initio hominem in feminis & carnis propagationem; atque ita, homo sic genitus, nequiret vllō modo subsistere, sed fuscitatā in eo animā istā seminali, præter intentionem primam Creatoris, & destinationem naturæ humanæ, mox perire deberet, mente se à gubernio corporis sic defœdatis retrahente, & animam istam seminalem sigillare renuente, nisi DEVS Matrimonium consummandum iam permittens, mentem infunderet citò in prolem sic genitam, eamque ibi detineret. Quod Eua primam prolem enixa ipsamet liberè confessā est, dū eam vocauit Cain, dicens. *Possedi hominem per DEVM.* Gen: 4. Verè enim nisi DEVS detinuisset mentem à se infusam, in impuram illam & seminali animā contaminatam carnem Caini, prolem hanc Eua non possedisset. Quod certè benè nota, vt scias, etiam modò generationem nostram passuam, totalitèr DEO tribuendam esse, qui sicut post lapsum primorum parentum, promiserat se multiplicaturum conceptus Eux, dicens Gen: 3. *Multiplicabo conceptus tuos,* ita solus ex infinitā bonitate id præstat, largiendo conceptibus istis seminalibus subsistentiam, alioquin illis impossibilem, si sibi dimitterentur. Sic enim placuit pietissimo Creatori eludere Sathanam, qui eo fine induxerat Euam ad esum pomi, vt genus humanum per mortem à DEO comminatam deleteret. Vndè pro coronide istius Resolutionis infero.

13. Corollarium. Quòd sicut Diabolus fuit author primus tantæ conspurationis nostræ naturæ virginæ, ita deinceps non destitit suis artibus naturam iam corruptam magis magisque conspurcare, vt tandem deleteretur. Dū enim cerneret, præter spem suam non obstante stupro virginis Eux, hominem nedum de medio non tolli, iuxta illam DEI comminationem; *Quacūq; die comederis, morte morieris;* sed etiam approbatā à DEO matrimonij consummatione, multiplicari, coniecit sagax impostor, aliquid insoliti boni DEVM circa hominem facturum. Omnem itaque mouit lapidem, vt posset stirpem è matrimonio surgentem, ita contaminare carnalitate, quatenus omnis DEI circa hominem intentio, redderetur irrita. Hinc primum hominem ex matrimonio genitum, stimulauit odio in fratrem innocentem, adeò vt tandem fraticida euaserit. Fortè etiam eius instinctu, Adam centum integris annis ab vxore abstinuit, vt dicunt Hæbræi, vt ita genus humanum in suo capite deficeret. Sed cum DEO vsum matrimonij præcipienti rursus obediuit, & Sethum genuit, sathanas se elusum videns, seriò meditatus est, quo pacto mentem immortalem è stirpe posterā expugnaret. Suscitauit ergò concubitus nefarios, ex quibus feralia monstra prodierunt. Nec enim frustra authores prisce meminere Centaurorum, Minotauri &c. Quæ spectra non alitèr suscitata sunt, nisi per congressum hominum reproborum cum belluis. Induxit quoque in mundum Sodomiam, omnibus bestiis exosam, & eam suis Atheis plausibilem fecit, eo fine ne sequatur aliqua proles. Tentauit etiam aliquantisper, fatum semen virile commiscere cum semine suarum sagarum,

in vtero ipsarum, cum adiunctis talibus dispositionibus, quæ prorsus mentem immortalem excluderent à conceptu sic producto; vnde prodijt generatio Faunorum, Satyrorum, Nympharum, Dryadum, Nereidum, aliorumque similium, iuxta variam dispositionem, quam semen virile subibat. Quæ deinde generarunt inter se suas proles, harumque posterii, iterum inter se suos concubitus contraxerunt. Ac tandem ipso instigante, Nymphæ quæ cæteris pulchritudine & venustate faciei præstabant, cum viris connubia instituerunt, ex quibus proles secuta est, carens animâ immortali, & solâ viuens seminali, quæ etiam Diabolo sic disponente semina, in portentosam Giganteam molem excreuerant, vel è contra, in pigmeicam exilitatem restricta sunt.

14. Cumque iam indistinctim & passim Filij DEI, id est, homines veri, Filias hominum, id est Nymphas prædictas, duxissent in vxores, & illæ generantes, talibus monstris terram repleuissent; DEVS tactus dolore cordis intrinsecus, coactus fuit delere per aquas diluuij, totam hanc malignam & monstrosam progeniem. Exceptis illis solis, qui se à tali nefario matrimonio subtrahentes, iusti erant in generationibus suis: Qualis erat Noë, cum filiis suis, de quo dicitur Gen: 6. *Noë vir iustus atq; perfectus fuit, in generationibus suis, cum DEO ambulauit, & genuit tres filios, Sem, Cham, & Iaphet.* De reliquis autem omnibus, subditur. *Corrupta est autem terra coram DEO, & repleta est iniquitate.* Et mox explicatur ista corruptio, dum intra parentheses subiungitur. *Omnis quippe caro, corruerat viam suam, super terram.* Non videtur autem quomodo aliter corruerat, nisi per concubitus cum istis monstris, nedum monstrositatem inducendo in figurâ, staturâ, & symmetriâ membrorum corporis humani, sed etiam ponendo, vi alteratorum per varias dispositiones seminum, animam sensitiuam, quam non comitabatur mens immortalis. Ideoque talis progenies non fuit humana, sed determinatæ speciei animalium, ratione & discursu vtentium, quam DEVS deleuit cathaclysmate, præcauens in futurum, vt ait scriptura, ne per talem & taliter continuatam generationem, incarnationi Filij DEI & restaurationi generis humani, per eam, obex poneretur. Hoc totum Tertullianus Lib: de animâ cap: 16. ponderans illud Apostoli ad Ephes. 2. *Eramus naturâ filij ire, sicut & ceteri &c.* ita confirmat. Cum (inquit ille) dicit Apostolus, *fui- mus aliquando naturâ Filij ire*; Irrationale indignituum sugillat, quod non sit ex naturâ quæ à DEO est, sed ab illâ, quam Diabolus induxit: Dominus & ipse dictus sui Ordinis, Matth: 6. *Nemo potest duobus Dominis seruire*; Pater & ipse cognominatus, Ioan. 8. *Vos ex Patre Diabolo estis.* Ne timeas & illi proprietatem naturæ alterius adscribere posterioris & adulteræ, quem legis Matth: 13. *Auenarum* (seu vt nostra vulgata legit, *Zyzaniorum*) *superfeminatorem, & frumentariæ segetis nocturnum interpollatorem.* Et ibidem cap: 46. clarius se explicans, dicit. *Malum igitur anime, præter quod ex obuentu spiritus nequam superstruitur, & originis vitio antecedit naturale quodam modo: nam vt diximus, naturæ corruptio, alia natura est habens suum DEVM & Patrem, ipsum scilicet corruptionis auctorem.* Hæc Tertullianus. Quæ satis aptæ nostræ consonant Resolutioni.

R E.



RESOLVTIO

OCTAVA.

Iustitia originalis, fuit vita hominis per solam animam intellectiuam, regentem immediatè & irradiantem suâ luce Spiritum & corpus; à semine & animâ seminali, ac concupiscentiis eius, omninò immunis, subiecta DEO per obedientiam, & tamdiù subigens tenebras, donec totus homo absorbtuè luce animæ clarificatus, in Beatitudinem transferretur.

I.



Ominem à DEO conditum ut esset spiritus concretus, non verò corpus animatum sensibile, suprâ Resolutione quintâ pro modulo nostro declarauimus; vbi etiam patuit; qualis ille fuerit ex vi primæ creationis suæ, & quomodo mens sola habuit plenum & immediatum regimen corporis illius, cui & suam immortalitatem impertiebatur, absque vllò vicariatu sensitiuæ seminalis animæ, ideòque sub mentis felici imperio, exulabant ab homine morbi, ætatum declinationes, & mortis necessitas, quia exulabat & seminalis animalisque vita, & anima cum suis concupiscentiis & desiderijs. Hinc iam facile est conijcere, quæ & qualis fuerit iustitia originalis in primis illis hominibus, antequam degenerarunt naturam, contra prohibitionem DEI comedendo pomum, incentiuum luxuriæ: quod nempe non alia esse debuit, nisi ista, quam descripsimus in titulo istius Resolutionis.

2. Et sanè fauet isti descriptioni ipsa sacra scriptura, Gen: 2. in fine, dicens. *Erat autem uterque nudus, Adam scilicet & uxor eius, & non erubescabant.* Quomodo enim erubescerent, quibus deerat prorsus causa erubescentiæ, in naturâ spiritali viuentibus per solam mentem, plenè possidentem corpus, & illud luce suâ irradiantem? Plus enim distabant tunc primi parentes à semine, & illud consequente animâ seminali, cum suis concupiscentiis, quam Puer recens natus, qui tamen vulgò vocatur innocens, eò quòd sit tunc remotus ab omni actu libidinis, licet in se iam formalitèr habeat fermentum concupiscentiæ cum animâ seminali. Ideò ergò non erubescabant illi primi homines suam nuditatem, quia erant prorsus

Ff

sus

sus immunes à semine, & animâ seminali, ac consequenter à concupiscentiâ carnis: & hoc ideo, quia creati erant cum solâ animâ intellectuali, immediatè regente corpus ipsorum, & illud suâ luce spiritualizante, & irradiante; in quo sanè sita erat ipsorum innocentia, & hæc de quâ loquimur originalis iustitia.

3. Confirmat hunc intellectum textus istius, CHRISTVS Dominus, qui Matth: 18. dùm ab eo quærent discipuli: *Quis maior esset in regno cœlorum?* Aduocans paruulum, statuit eum in medio eorum, & dixit. *Amen dico vobis, nisi conuersi fueritis, & efficiamini sicut paruuli, non intrabitis in regnum cœlorum.* Quo loco CHRISTVS, in saluandis exigit statum paruulorum, sub indictione exclusionis à regno DEI. Attendendum est ergò seriò, quid peculiare sibi habent paruuli, quod & in adultis necesse sit inueniri, si velint intrare in regnum cœlorum: non videtur autem quòd aliquid peculiare habeant, præter solam immunitatem à concupiscentiâ carnis, ob quam dicuntur tunc innocentes; alioquin enim multa vitia reperiuntur in paruulis, V. G. subita, indiscreta, frequens ira, mendacia, inconstantia, despectus aliorum, vindictæ appetentia, oculorum concupiscentia, & his similia; Ergò & Adæ ac Eux innocentia, & ista iustitia originalis, consistebat in immunitate à semine, & animâ seminali, quæ immunitas excludebat tunc sicut concupiscentiam carnis, ita & erubescentiam de ipsâ. Sicut è contrâ, quandò esitato pomo, istorum omnium inductiuo, acquisuerunt semen, & animam seminalem cum concupiscentiâ, tantus eos inuasit pudor, qui expressus est à Spiritu Sancto, illis verbis Gen: 3. *Et aperti sunt oculi eorum, & cognouerunt se esse nudos:* Vt parum absuerit, quin in dementiam ruerent; quod ex ipsorum gestis, & ad DEVM inconcinnis responsis, facillè quiuis potest colligere. Et hinc factum esse censeo, quòd se non conuerterunt ad poenitentiam de transgressione mandati, quia irreparabilem iacturam se subiisse cernentes, & in tantam turpitudinem se deuolutos considerantes, præ pudoris confusione, & naturæ tam enormi conspurcatione, sui compotes esse nequiuerunt. Si igitur & CHRISTVS Dominus exigit in saluandis innocentiam paruulorum, sitam in immunitate concupiscentiæ; & scriptura erubescentiam primorum parentum, in eandem coniicit concupiscentiæ pruriginem, sicut non erubescentiam, in eiusdem carentiam: sequitur quòd iustitia originalis nihil aliud fuit, nisi immunitas naturæ humanæ, tum à concupiscentiâ carnis, tum à semine & animâ animali, à quâ ista profilit, & emanat, vt à causâ adæquatâ & præcisâ.

4. Porro Theologi Scholastici docent, istam iustitiam originalem fuisse quoddam donum, superadditum naturæ humanæ diuinitus, vt eo tanquam fræno moderaretur sensitua. Quod videntur hausisse à D. Anselmo, qui lib: de conceptu Virginali cap: 27. explicans hanc iustitiam, vtitur exemplo fræni & Equi: quasi iustitia originalis fuisset aliquid supernaturale, per modum fræni, refrænans appetitum sensituum, nè rebellaret

aduer-

RESOLVTIO OCTAVA.

115

aduersus superiorem partem animæ, seu mentem. At mihi sub humi-
li correctione aliorum, videtur hæc iustitiæ originalis explicatio minus ido-
nea. Tùm quia non sunt multiplicanda entia sine necessitate, præser-
tim in eâ naturâ, quæ facta est à DEO de se agilis, subtilis, penetrans
absque aliquo superaddito; vt Resolutione quintâ deduximus ex Doct:
Subtili; & præsertim tenendo, tunc hominem cum solâ animâ intellecti-
uâ creatum. Tùm quia admissâ gratis animâ sensitiuâ in primo homi-
ne antè peccatum, quæro: aut frænnum hoc moderabatur sensitiuam con-
sentientem? & ita videtur fuisse superfluum; aut reluctantem? & ita cum
radio sensitiuæ? quod in statu illo felici non habuit locum. Tùm deni-
que, quia secundum S. Bonauenturam, in 2. dist: 30. & ipsam verita-
tem. *DEVS non creauit hominem miserum, neq; humanam naturam corruptam;*
quod nedùm intelligi debet de actu secundo, sed etiam de primo; Atqui
si homini ex vi primæ eius creationis, concreasset animam sensitiuam,
& ei istud frænnum superaddidisset, quo refrænarentur passiones eius, cre-
asset iam humanam naturam miseram, & corruptam quoad actum pri-
mum, licet ista miseria & corruptella ob frænnum impositum, nunquam
existeret in actum secundum; Ergo iustitia originalis non benè explicatur
per frænnum, seu donum superadditum naturæ humanæ, & deindè per de-
meritum Adæ, ab eo & à totâ eius posteritate ablatum.

5. Quia tamen deferendum est aliquid authoritati tantorum & tot
Theologorum, concedo & ego, quod iustitia originalis in primis homini-
bus fuerit donum per constructionem transitiuam; vt sit sensus: data est
primis parentibus natura virginea, spiritalis, ex merâ gratiâ seu munifi-
centiâ Creatoris; non tamen fuit donum per constructionem intransiti-
uam, quasi quid extra naturam virginæ illorum, desuper ipsis adiectum;
quia hoc nego.

6. Vel aliter ex doctrinâ Doctoris Subtilis in secundo, dist: 6. q. 2.
A. 1. vbi explicans D. Anselmum, Lib: de casu Diaboli cap: 13. & 14.
docentem, quod Angelus in primo instanti suæ creationis non accepit iu-
stitiam, habet hæc verba. *Dico igitur, quod iustitia ista, ratione cuius debi-
tor est homo, vel Angelus, non est nisi potentia naturalis voluntatis, moderandi
inclinationem naturalem, quæ est contra iustitiam infundendam, & illud est liber-
tas, quæ non est aliquid superadditum voluntati, imò est de per se ratione eius.*
Hæc ipse. Ità & ego de iustitiâ istâ originali dico; quod fuit homini na-
turalis, & de per se ratione eius, quatenus homo primus in naturâ vir-
gineâ, cum solâ mente regente corpus, creatus est; & ità donum natu-
rale eius, non verò supernaturale, diuinitus naturæ humanæ superaddi-
tum, vt frænnum.

7. Vt igitur exactiùs & clariùs explicem vitam primorum paren-
tum in statu innocentie, per solam mentem viuificantem & irradiantem
suâ luce corpus eorum, in quali vitâ sitam fuisse hanc, de quâ loquimur
Iustitiam originalem iam asserui. Obseruandum est primo, de mente D.

Augustini, & aliorum SS. Patrum. Formas rerum & maximè animatarum, esse lumina descendunt à Patre luminum; qui solus omnibus dat vitam, & maximè hominibus; iuxta illud Joannis primo. *Erat lux vera, quæ illuminat omnem hominem venientem in hunc mundum.* Non enim finè mysterio, ut sapienter considerat Magister sententiarum. Lib: 2. dist: 13. *Prima distinctionis rerum operatio fuit, lucis formatio.* Sicut ostendit Sacer textus Gen: 1. ubi commemoratà rerum informitate, earum dispositionem & perfectionem à luce inchoatam asserit, dicens. *Dixit DEVS, fiat lux, & facta est lux.* Quia ut ait venerabilis Beda, in Exameron, citatus à Glossa ordinariâ in 1. caput Genesis. *Creata omnia, priusquam in lucem venirent, non erat, unde formam haberent.* Quod & D. August: de Gen: ad literam Lib: 1. cap: 17. super illa verba Gen: 1. *Et diuisit lucem à tenebris;* clarè docuit, inquiens. *Discretio lucis à tenebris, distinctio est inter perfectum cuiusq; rei statum, & quem habet ex se defectum; diem quippe in specie rei conditæ intelligimus, noctem verò in eius rei priuatione vel defectu, quæ rebus temporaliter conditis ex se inest, etiam si desit effectus, scilicet corruptionis.* Vbi vides formas & species rerum, dici luces, lumina, & dies.

8. Vnde inferre licet ad propositum. Vnamquamque creaturam, præsertim sublunarem, constare luce & tenebris, quæ ambo in vnâquaq; re sunt diuisa, & disparata. Nam ut inquit D. Basiliius Hom: 2. in Gen. *Naturam istorum talem Deus efficit, ut misceri non possint.* Vnde & modò, in vnâquaque re manent ista duo impermixta, ordinata tamen: quia ut ait D. Augustinus Lib: de Gen: ad literam imperfecto; *DEVS species & naturas rerum facit & ordinat; priuationes autem specierum defectusq; naturarum, non facit, sed ordinat tantum; ideo non dixit, fiant tenebræ.* Ex quo sequitur, quòd etiam in Adamo ordinauerat DEVS tenebras, ut essent infra lucem, & ab eâ penetrarentur, & subigerentur. Non enim est dubitandum, quòd si Pater luminum DEVS, qui lux est, & tenebræ in eo non sunt ullæ, iuxta D. Joannem, formauit cunctas res creatas per lucem, dando illis ex se tenebrosis, formam, quæ lumen est, hominem neglexerit: Imò fatendum est, quòd homini dederit nobilissimum lumen, scilicet mentem, quæ respectu aliorum creatorum esset Sol, in quo posuit DEVS tabernaculum suum, iuxta Psal: 18. utque spiritum, & carnem eius, quæ tenebrosa erant, perlucet, tenebrasque eius subigeret, in tantum, quòd tandem absorberentur à lumine. Et ut exactius intelligatur, quòd formæ rerum & præsertim viuientium sint lumina.

9. Obseruandum est secundò, ex iam supra dictis. Nihil generari sub sole nisi ex semine. Vnde in vnoquoque semine latet aura seu Archeus dispositor, & efficiens internum, in quem generantis forma & vita seu anima parum splenduit, & umbratile sui fulgoris sigillum, sufficienter impressit, ob quod aura illa seminis, facta auida amplioris splendoris, semel & umbratilitèr in se impressi, intendit omni viâ sibi possibili se disponere per organizationem, ad receptionem maioris luminis: quorsum

deside-

desiderans
querit, &
helat, lo
tendo acc
Patre lum
progredi v
tura possib
surrum est
vel inuito
ex quadam
vitam om
nos Christi
tam, & r
pereffentia
quòd om
quoddam
rere possu
mina de
minis, se
malibus d
Non enim
aliquid pri
eius specifi
st inguitur

10.
gularem &
sertim sen
qui vsque
in minutu
sit vnicum
tiale lumen
quidem ge
in indiuid
ipsa spec
uiduis, id
tinuato fo
nario, in
quod lumen
prum lumen

11.
omnia men
explico per
nobis deest

desiderando anhelans, se ipsam magis magisque accendit & quasi petit, quærit, & pulsat ad DEVM, vt sibi det formam, & vitam, quam anhelat, loquendo præsertim de generatione animatorum: quam tandem petendo accipit, quærendo inuenit, & pulsando obtinet, non aliundè, sed à Patre luminum; idque tum cum non potest iam illa aura feminis ultra progredi viribus suis, vt potè quia iam est functa suis munijis, sibi in naturâ possibilibus. *Omne igitur datum optimum, & omne donum perfectum, de sursum est, descendens à Patre luminum.* Jacobi, 1. Etiam ipso Aristotele id vel inuito concedente, dum docuit; omnem materiam secundam, fluere ex quadam vniuersali materiâ primâ; Ergò à fortiori, si ille agnouisset vitam omnino primam, & actum omnino primum & purissimum, prout nos Christiani agnoscimus esse DEVM, certè omnem ille formam & vitam, & rei cuiusque perfectionem essentialem, ab hac vitâ primâ & superessentiali deriuari, & immediatè procedere, concessisset. Patet ergò, quòd omnis forma creata est à DEO in propriâ specie, estque lumen quoddam, in corporibus illustrans corpora. Ideoque non incongruè asserere possumus, tot esse luminum species in naturâ, quot rerum: quia lumina descendunt à Patre luminum, nedum inter se differunt gradu luminis, sed & totâ specie; cum à DEO procedant, in suis rationibus formalibus distincta, & hoc ipso sunt distinctiua rerum, in essentijs specificis. Non enim natura potest à se ipsâ habere distinctionem suiipsius, sed per aliquid prius se, saltem prioritate naturæ, actum formalem distinctionis eius specificæ continens, scilicet, per lumen formale desuper adueniens, distinguitur in varias species. Proinde ulterius.

10. Obseruandum est tertio. Quòd omnipotens Creator, solem singularem & vnicum creauerit, vt significaret, in singulis viuientium & præsertim sensitiuorum speciebus, se produxisse vnicum & singularem solem, qui vsque in finem mundi sufficiat, & sese per indiuidua propaget, ita vt in minutulis luminum specificorum minutis, formale & specificum lumen sit vnicum, restrictum virtute & ordinatione Diuinâ, ad proprium & essentialè lumen, isti & non alteri speciei debitum; ita vt istud lumen, maneat quidem generale ex parte solis, indiuiduetur tamen ex ordinatione DEI, in indiuiduis illiusmet speciei. Proinde sol iste specierum, non secus atque ipsæ species, durabit in finem sæculi. Quia tamen non subsistit nisi in indiuiduis, ideò est in dies, imò per singula momenta labilis in illis, nisi continuato fomento alatur, estque propterea in indiuiduis magis similis igni culinario, in hoc, quòd requirit continuò fomentum spirituum vitalium, per quod lumen istud propagetur in membra; licet vt dixi, in se specificè sumptum lumen istud, sit sol.

11. Et ad hoc certè vt lumen istud specificum in indiuiduo, per omnia membra propagetur, datus est viuientibus sensitiuis pulsus. Quod explico per similitudinem valdè accommodam. Sicut enim si contingat nobis deesse ignem, & velimus illum habere, cupimusque vt inflamma-

bile accendatur, quod est ad manum præsens, excutimus ignem de silice & chalybe in fomitum, & inde eum accensum propagamus, per alia inflammabilia. Vel sicut aquæ thermarum, sub terrâ accenduntur, & aquas calidas fursum dant, ob salem & sulfur, ambo volatilia, ignem de se per mutuam actionem excitantia; ut patet in calce viua, in aquam proiectâ: Ita etiam in omnibus ferme viventibus sensitivis, ut propagaret **DEVS** per individua sua specifica lumina, contulit eis duos spiritus, scilicet spiritum salis salum & volatilem, & spiritum sanguinis arterialis, partim salum, partim pinguem ac sulfureum, quibus duobus excitatur in nobis pulsus, per concussionem istorum duorum spirituum, ex quâ concussionem, elicitur ex sanguine pinguedo, seu sulfur, eo modo, quo butyrum ex lacte fit per concussionem, & cum continuatur ista concussio, iam in spiritu volatili sulfureo sanguinis, istud lumen concipitur, & propagatur in alia membra à corde, tanquam lumen de lumine, donec per totum accendatur lumen specificum formale, in spiritu vitali, à lumine solari specifico, tunc viventi intimè insito, ex dono creationis. Vnde hunc ordinem accipe, in accensione luminis alicuius specifici, in Equo V. G. qui generatur in vtero matris suæ. Primò enim generantes eum, tribuunt semen, & illud inter transfundendum in matricem Equæ, idea imaginatæ fortiter libidinis figillant, ut sit fecundum in ordine ad producendum simile in naturâ ipsis generantibus; secundò, semen sic decisum, cum illâ ideâ impressâ à splendente super eam vitâ parentum generantium, habet iam in se aliquod, licet umbratile, fulgoris sigillum, & exitum à fomento matricis Equæ, fit iam audum vterioris splendoris, & incipit se disponere per organizationem corporis, ad receptionem eius, & nihil non facit sibi possibile, ut illo lumine potiatur: tunc tertio, absoluit organizationem, producendo scilicet embrionem Equum, nondum vivum; in quo quarto, consurgit iste pulsus ab initio valde exilis, ob illos duos volatiles spiritus, quos Archeus concitat, ut se mutuo confricent in thecâ cordis, donec tandem quinto desinat in lumen formale specificum Equi, quod tunc intimè inserit dator luminum **DEVS**. Et quod dixi de Equo genito, hoc dico & de nobis hominibus, iam in statu naturæ lapsæ genitis; quia iam per omnia similiter propagatur in nobis lumen animale, licet nobis non specificum; eò quod semen nostrum deciditur sigillatum ideâ similitudinis humanæ, & quia sensitiva in nobis est præter intentionem Creatoris, ideò ab ipso licet infundatur, non tamen specificè determinatur; alias constitueret hominem sub aliquâ specie bruti, quod abhorrens piissimus nostræ naturæ parens, determinat eam per lumen æternum, & subsistens mentis, quam ultimò infundit per creationem. Ità ergò est in nobis, assimilatis iam per omnia iumentis insipientibus.

12. Sed in Adamo & Euâ, in die quâ creati sunt manu DEI, aliter fuit, prout & in quolibet nostrum aliter fuisset, si status innocentie perseverasset. Nec enim Adam, nec nos, de semine processissemus, ac proinde,

proindè, sicut DEVS Adamo de limo terræ formato, mox mentem, id est, solem istum in quo posuit tabernaculum suum, inspirauit, vt irradiaret super spiritum eius sydereum, & carnem, aliquantispèr propterea tenebrosam, ita & nobis in vtero Virginis, de Sanguine eiusdem arteriali conceptis, eandem semper mentem indidisset, translucentem spiritum & carnem nostram, fuissetque adhuc in vtero matrum intelligentes, instar viri perfecti; & fortè ex vtero nati, statim tantum roboris habuissemus, vt motum progressuum, & alias functiones vitæ, per se exercere potuissemus. Patet ergo, quomodo in illo statu Innocentiæ, vita per solam mentem, spiritum, & corpus nostrum, immediatè regentem, & irradiantem illà suâ luce, fuisset. Et hæc fuit de facto Iustitia originalis, quam amisimus in Adam, & per Adam, qui potius adauxit in naturâ tenebras, quàm promouit lucem. Vt autem istud pateat.

13. Obseruandum est quarto. Quod tenebræ nequeunt esse pura priuatio lucis, licet sic placuerit hætenus Philosophiæ Ethnicæ, & eius sequacibus. Scriptum est enim. *Tenebræ erant super faciem abyssi, & diuisit DEVS lucem à tenebris.* Quæ dicta Moysis Gen: 1. manifestè conuincunt, tenebras esse aliquod ens, non autem puram priuationem, & non ens. Vndè sicut abyssus significat hic intermediâs creaturas inter cælum & terram, quæ sunt Aqua & Aër, etiâ secundum D. Basilium in Hexameron, simul creata cum cælo & terrâ; ita & tenebræ super faciem abyssi, significant aliquod isti abyssu concreatum, quod DEVS ipse Job: 38. vocat nubem, & caliginem, dicens. *Cum ponerem nubem vestimentum eius, (id est maris, de quo ibi Job loquitur) & caligine illud quasi pannis infantie obuoluerem.* Addo. Quod non ens, palpari non potest. Exodi verò cap: 10. *Dixit Dominus ad Moysen. Extende manum tuam in cælum, & sint tenebræ super terram Egypti iam dense, vt palpari queant.* Quod & factum esse perhibet sacer textus, ibidem subdens. *Et factæ sunt tenebræ horribiles in vniuersâ terrâ Egypti, tribus diebus.* Quod & per actionem tenebrarum in lucem, ad oculum probari potest. Ponamus enim vas aliquod conclusum, mucosum, & extremè tenebrosum, in quod si iniiciatur accensa candela, sinè dubio mox extinguatur, tenebris illis eam suffocantibus, quas illa suâ luce penetrare nequit; Ergò manifestum est, quod tenebræ sese exerant in res alias à se, eas caliginosas efficiendo, & quod reali actione oppugnent lucem, & vicissim ab eâ subigantur, & quod sunt stabiliores & densiores, eò magis lucem suffocent. Atque ita iam constat, quod sicut lux creata extra se, illustrat res, modò propius, modò remotius, iuxta suam stabilitatem & connexionem, ita quoque tenebræ, extrâ se radios diffundunt in res varias, iuxta suæ densitatis & stabilitatis varietatem. Vndè suprâ docuimus; mortem non esse meram priuationem, sed ens reale, quod inhabitat iam in puncto vitæ nostræ, suis causis, quas homo sibi applicauit, in nobis exortum. Proindè cum sit facta mors à DEO in brutis, (textus enim ille Sap: 1. *DEVS mortem non fecit; præcisè intelligitur pro homine*) etiam ad tenebras pertinet, sicut & morbi. G g 2

14. Applicando igitur hæc ad propositum. Eo ipso quod DEVS Adæ tale corpus dedit, quod ex se fuerat potens mori, iam corpus illud fuit aliquantispër tenebrosum: ex alterâ tamen parte, quia data est Adæ lux, incomparabiliter excedens istas tenebras carnis, scilicet mens seu anima intellectiua immortalis, irradians has tenebras, cum hisce carnis suæ tenebris, omnino pugnare tenebatur mentis luce, donec tandem eas expugnaret, & perfectè transluceret. Et hoc erat Adamo in statu innocentie iugiter agendum, in hocque consistebat meritum eius, si de pomo vetito non edisset. Cumque lux mentis Adæ, tenebras istas perfectè subegisset, & vicisset; euassisset Adam deinceps in hominem quodammodo D E I fectum, huc redactus necessariâ illâ luctâ lucis suæ cum tenebris, fuissetque corpus eius ita lucidum, sicut fuit corpus CHRISTI in transfiguratione, vel resurrectione; adeo, quod sicut CHRISTVS fuit de facto Sol Justitiæ, ita Adam fieret per illam luctam continuatam, Sol Justitiæ: & tunc in sole humano posuisset DEVS tabernaculum suum, glorificando Adamum. Atque ita in hoc constitisset eius translatio in beatitudinem, quam supponunt futuram fuisse in illo statu, Theologi. Hæc ergo fuit illa Justitia originalis, ex dono primæ creationis, naturæ humanæ data transitiuè, scilicet per solam mentem, immediatè regentem & translucemem istas tenebras carnis.

15. Sed eheu, adauxit Adam miser in se tenebras, quas satis exiguas acceperat, ut eò facilius expugnare posset, dum scilicet sibi fructum arboris vetitæ applicuit, in quo fermentum fuit concupiscentiæ, & consequenter mortis, quo fermentauit, ac caligine tenebrosâ conspurcavit naturam totam; & qui solum factus erat secundum corpus potens mori, potentiâ valde remotâ, seipsum fecit actu mortuum; quia in suum vitale lumen introduxit lethales & obscuras ideas, tantum à lumine formali distantes, quantum color ater à luce. Solus autem id Adam sibi fecit; nam quamuis DEVS solus creet omnes omnium rerum formas essentielles, & vitales, non tamen pro homine fecit entia ista lethalia, scilicet morbos & mortem, quæ directè lumini vitali opponuntur: sed reliquit in manu Adæ potestatem hæc sibi applicandi, & in suâ naturâ producendi. Itaque homo manet mortis suæ & suorum morborum opifex, ita quod ubi DEVS fecerat lumina vitalia, ille introduxerit ideas lethales. Ex concupiscentiâ siquidem introductâ per pomum in naturam, orta est caro peccati, ideoque & mortalis Archeus in illâ, qui in quantum ipse mortalis, agit iam in carne peccati omnem actum formalem nocuum, atque lethalem, quem DEVS recusavit facere in homine, permisit tamen, & in manu hominis libero arbitrio dotati posuit, ut posset sibi fabricare mortem, & morbum; quod & fecit. Possuntque iam post lapsum, istæ tenebræ ita in homine excrecere, ut etiam mentem totaliter tenebrosam efficiant, non quidem pessundando eam in se, sed saltem vndèquaque penetrando. Sicut patet in finaliter inpenitentibus, & damnatis.

16. In viatoribus autem, vix contingit tanta tenebrarum penetratio, loquendo de fidelibus, & præsertim electis, quia DEVS ex bonitate suâ, aliundè istas tenebras discutit, scilicet, charitatis & gratiæ lumine supernaturali, opportunè subministrato: quâ charitate mens corroborata, reassumit luctam cum tenebris, & obtinet suprâ eas victoriam. Complacuit enim Patri nostro Deo, qui de malis scit & vult bona facere, infirmitatem istam nostram, ex potestate in nos tenebrarum ortam, altius & in maiorem dignitatem erigere. Cum minima amoris DEI morula, longè nobilior sit in nobis, quàm tota vita in illo statu innocenti. Dùm enim electi, præuenti & aspirati diuiniùs, conantur aduersus has tenebras, quantum ex talento gratiæ illis dato, est possibile, & per actus amorosos, se ad abstracta DEI-tatis per fidem attollunt, iam per assiduitatem spiritualis exercitij, cò cum adiutorio DEI perueniunt, vt mens ipsorum sentiat superfundì sibi lumen istud supernaturale, quo erecta, quàmuis vt supra dixi, cedens istis tenebris carnis, retraxerit se, ne connubio illarum deturpetur, tamen cunctis actibus humanis rursus incipit præsidere, & assidere, totaque toti animæ sensitiuæ inhæret, & iam clariori modo cum eâ incipit operari, quam antea operabatur. In quo sanè consistit initium vitæ spiritualis; quo posito, scandit anima vterius per charitatem, in nudæ veritatis, fidei spiritu, ad DEVM, eumque in spiritu & veritate adorat, quales Patrem coelestem adoratores querere docet CHRISTVS Joan: 4. In hoc autem ascensu, intellectus magis magisque illustratur, etiam nobis nec aduertentibus, nec intendentibus, donec tandem mens in tenebroso hoc carcere conclusa solvatur, seseque intellectualitèr aspiciat, & deinceps sinè difficultate, imò cum summo gaudio, contempletur se, & DEVM ac Deitatis abstractissimam, sicque quasi sponsam, ad osculum DEI sui sponsi, etiam in hac vitâ miserâ, deducatur; quantoque magis se in hoc exerceat, tantò maiorem sapientiam in intellectu obtinet, Diuinam claritatem degustando, quousque ad tantum fastigium perueniat, vt illi nihil desit ad beatitudinem, præter redundantiam eius in corpus. Ergò occasione istarum tenebrarum adauctarum in nobis per Adamum, prædestinati, per DEI gratiam & suum conatum, altius eriguntur, quam si in illo statu innocentie vixissent; quia hoc graduum merito, qui gradus antè lapsum nunquam fuissent, surrexerunt quoque gradus in gloria, & coronæ de magis pretioso lapide, quas DEVS imponit electis, legitimè contra has tenebras decertantibus.

17. Hoc consonat doctrinæ Doctoris Subtilis in 3. Dist: 7. quæ 3. docentis. *Quod merita cadunt sub prædestinatione, sine quibus non ordinaretur quis de congruo ad tantam gloriam, sicut cum eis.* Ex hoc enim sequitur, quod gloria in certis ac determinatis gradibus, respicit merita (loquendo de congruo) in certis ac determinatis gradibus; at quia merita in illo statu nunquam in tantum gradum surrexissent, ob carentiam difficultatis, sicut nunc surgunt, ideo modo maior illis responderet gradus gloriæ.

Hh

18. Idem

18. Idem Doctor ibidem loquens de prædestinatione CHRISTI, docet. Humanitatem CHRISTI fuisse primò prædestinatam ad gloriam, secundò ad vnionem cum personâ Verbi, in ordine ad tantam gloriam, quia non tanta gloria sibi fuisset conferenda, si non esset vnita, sicut modò collata est, dum est vnita. Ergò à pari, licet electi essent ordinati ad gloriam, non tamen ad tantam gloriam, sinè connotatione meritorum difficilium de congruo. Vnusquisque enim electus, prædestinatus ad proportionatum gradum gloriæ est, cum connotatione suæ dignitatis, officij, laboris &c. Nam Apostoli ad gloriam Apostolatus, Martyres ad gloriam Martyrum, Virgines ad gloriam Virginum; &c. Sed ista non sic fuissent in statu innocentix; Ergò & tanta gloria istis iam correspondens, non fuisset, de congruo loquendo. Confirmant hanc doctrinam aureolæ Doctorum, Martyrum, Virginum, quæ modò habentur, in statu autem innocentix, non fuissent datæ translatis in beatitudinem, quia nec Doctores ibi fuissent, quia eorum nulla esset necessitas, & multò minùs Martyres, virgines autem fuissent omnes electi, sinè vllâ pugnâ cum sensualitate; vnde nec virtus eorum in infirmitate perficeretur, & sic aureolam non mererentur.


19. Sed quæres. Habueruntne primi homines in illo statu innocentix, gratiam gratum facientem, sibi diuinitus superadditam? Respondeo affirmatiuè: fuerunt enim in primo instanti creationis sancti, & D E O grati. Quòd clarè insinuauit Concilium Tridentinum Session: 5. Decreto de peccato originali, cum in Adamo fuisse sanctitatem, & iustitiam determinat, quorum vtrumque dicit, eum peccando amisisse.

20. Dubitabis hîc de homine miraculosè productò, V. G. per transubstantiationem lapidis in eum, & de illis qui mortui resurrexerunt, vt Lazarus, & S. Christina mirabilis; videtur enim, quòd isti homines deberent formari, vel resurgere à morte sinè animâ sensitiuâ. Sed facillè resolvitur dubium, inprimis de homine miraculosè formato, quòd hæc eius formatio esset ad placitum Diuinæ voluntatis; si enim D E V S vellet illum formare cum animâ intellectiuâ tantum, omninò esset talis; si verò superadderet ei & animam sensitiuam, sicut ordinariè dat eam nobis, vi fermenti seminalis, eam in naturâ iam corruptâ exigente, etiam esset talis. Neque id illi esset pœna antè omnem culpam, perindè ac est in nobis, quia iuxta doctrinam Theologorum, etiam si D E V S statim formaret hominem in pœnâ inferni, sicut non esset iniustus, ita nec homo sic constitutus, esset in pœnâ formalitèr, sed solum materialitèr, ita quòd potius id haberet pro conditione naturæ, quam pro pœnâ. De Lazaro verò, & similibus mortuis, qui resurrexerunt, dico: quòd quia adhuc isti qui hætenùs resurrexerunt, in carne corruptâ resurrexerunt, & aliqui vt viatores, capaces meriti & demeriti, vt constat de La-

RESOLVTIO OCTAVA.

123

zaro, ideò ad tale corpus, opus habuerunt animà sensitiuà, quam DEVS eos resuscitans, eandem numero, & animam immortalem ita obuoluentem & carcerantem, vt prius antè mortem, reproduxit in eis, non aliter ac facit in resuscitatione bruti mortui. Secus autem erit in illà resurrectione generali, quando omnes resurgent, tunc enim, quia electi immutabuntur, etiam corpus eorum surget spirituale, & immediatè per solam animam intellectiuam possidebitur, & irradiabitur, absque interuentu sensitiuæ. De S. vero Christianà potest dici, quòd resurrexit sine sensitiuà animà, ob miranda quæ egit & passa est.



RE

RESOLVTIO NONA.

Peccatum originale, est conspurcatio virginæ propagationis naturæ humanæ, per applicatum illi ab Adamo pomum, incentiuum luxuriæ, contrā prohibitionem & intentionem DEI, commutans totam naturam in deterius, redensque incapacem regni DEI, nisi renascatur in CHRISTO.

I.



Quoniam Resolutione præcedenti diximus, Iustitiam originalem sitam fuisse in vitâ spiritali, per solam mentem immediatè regentem & irradiantem corpus, à semine & animâ seminali eiusque desiderijs, immuni, DEOQUE per obedientiam subiectâ, idè à contrario, peccatum originale illud esse hîc dicimus, per quod vita talis in homine pessundata est, & mens ab immediato regimine corporis, tenebris inualescentibus exclusa, quod certè non est aliud, nisi ista, de quâ modò est nobis sermo, & quàm iam in præcedentibus fusè explicuimus, conspurcatio virginæ naturæ humanæ, in eius origine & propagatione, per scientiam pomi introductam in naturam, contrā prohibitionem DEI, per quam carnalis propagatio intentioni DEI de homine è diametro opposita, introducta est, per Eux virginis stuprum, durabitque vsque in mundi finem, ex quâ quidquid nascitur, iam caro est incapax regni DEI, nisi renascatur spiritalitèr in CHRISTO.

2. Et sanè hæc peccati originalis descriptio, clarè referat, quidquid hætenus latuit sub nomine priuationis vel carentiæ iustitiæ originalis debiti inesse. Non enim est priuatio vel carentia iustitiæ originalis acceptæ pro dono supernaturali superaddito Adæ diuinitus; hoc enim videtur superfluum fuisse naturæ humanæ, quousque illa fuit purè spiritalis & virginea, vt iam suprà deduxi; sed est conspurcatio illius vitæ spiritalis per solam mentem, in quâ homines primi creati erant, & eius per introductum fermentum luxuriæ, ex vetito pomo ortum, in belluinam & carnalem commutatio, sicque commutatæ & conspurcatæ, carnalis & seminalis propagatio in posteros omnes, cò ipso Filios iræ, & regni DEI incapaces,

paces, quia sic carnaliter & animaliter cum anima carnali & seminali, ex vi talis propagationis in se introducta, progeniti sunt.

3. Hoc sub nomine peccati intellexit Sanctus Apostolus Paulus in multis locis, sed maxime ad Romanos cap: 5. *Sicut per unum hominem peccatum in hunc mundum intrauit, & per peccatum mors, & in omnes homines mors pertransiit, in quo omnes peccauerunt.* Et prosequens hanc doctrinam Capite 6. explicat quid intelligat per peccatum, cum dicit. *Vetus homo noster simul crucifixus est, ut destruat corpus peccati, ut ultra non seruiamus peccato.* Et infra expressè. *Non regnet peccatum in vestro mortali corpore, ut obediat concupiscentiis eius, sed neque exhibeat membra vestra arma iniquitatis peccato.* Et cap: 7. in seipso exemplificans, declarat de quo peccato loquatur, dum ait. *Scimus quod lex spiritualis est, ego autem carnalis sum, venundatus sub peccato.* Et mox. *Nunc autem iam non operor illud, sed quod habitat in me peccatum: scio enim quod non habitat in me, hoc est in carne mea, bonum.* Et rursus. *Si quod nolo illud facio, iam non ego operor illud, sed quod habitat in me, peccatum.* Quæ certè loca, non procedunt de illo Adæ peccato, quo ille peccauit per inobedientiam; hoc enim nequit dici propriè & rigorosè in mundum intrasse, & mortem induxisse, & corpus peccati fabricasse, & in mortali nostro corpore regnare, & habitare; nec nos possumus dici ab hoc peccato carnales, aut venundati sub illo, quasi serui; Ergo procedunt de aliquo alio peccato, nempe de ista conspurcatione virginæ naturæ, per introductam in eam generationem belluinam, uti pomi comesti. Vnde à Doctoribus Scholasticis vocatur peccatum naturæ; seu ut D. Thomas I. 2. q. 82. A. 1. loquitur, *est inordinata dispositio ipsius naturæ.* Et in 2. dist: 30. q. 1. A. 2. ad primum, dicit idem. *Per se loquendo, non est peccatum Persona, nisi per accidens, secundum quod dispositio naturæ, redundat in Personam.* Et q. 4. de malo A. 6. ad 9. clariùs explicat, dicens. *Quia à Personâ primi parentis, omnes qui ab eo seminaliter descendunt, accipiunt naturam humanam, quam ille primò habitam peccando infecit, ideo talis corruptio naturæ deriuatur ad omnes, seminaliter ab Adam descendentes, ut si aqua corrumpetur in fonte, corruptio eius, deriuaretur ad omnes riuos, ex fonte deriuatos.*

4. Hoc & D. Anselmus in Lib: de conceptu virginali docuit, varijs in locis: quod scilicet originale peccatum sit peccatum naturæ, non ita intelligendo, (ut ibi se explicat) quasi istud peccatum sit de essentiâ naturæ, sed quod propter eius corruptionem, cum eâ assumatur. Et addit inquiens. *Tota natura humana, in primis parentibus, extra quos non erat, infirmata & corrupta est; corpus quidem, quia post peccatum factum est simile corpori brutorum, corruptioni & carnalibus appetitionibus subiacens: anima verò, quia ex corruptione corporis eiusque appetitibus, ipsa quoque carnalibus est infecta affectibus.* Hæc eadem mens est Doctoris Seraphici D. Bonauenturæ in 2. Dist: 30. & omnium fermè Scholasticorum, cum Magistro sententiarum in 2. dist: 30. & 31. & 32. &c.

5. Sed quod maximè vrget, hoc idem decreuit concilium Tridentinum Sess. 5. Decreto de peccato originali, sic decernens. *Si quis non confiteretur, primum hominem Adam, cum mandatum DEI in Paradyso fuisset transgressus, statim sanctitatem & iustitiam in quâ constitutus fuerat, amisisse, incurvisseque per offensam præuicationis huiusmodi, iram & indignationem DEI, atque ideo mortem, quam antea illi comminatus fuerat DEVS, & cum morte captiuitatem sub eius potestate, qui mortis deinde habuit imperium, hoc est, Diaboli, totumque Adam per illam præuicationis offensam, secundum corpus & animam, in deterius commutatum fuisse, anathema sit.* Licet enim primo intuitu, videatur Concilium totam rationem peccati originalis, in inobedientiâ seu transgressionem mandati DEI ponere, penitiùs tamen introspectanti, hoc non apparet; non enim in Spiritu Sancto legitimè ibi congregata Ecclesia, ponit hæc verba in recto, ita dicens; si quis non confiteretur, primum hominem Adam, cum mandatum DEI in paradyso fuisset transgressus, statim Sanctitatem & iustitiam amisisse: sed loquitur in obliquo, & suppositiuè de illâ transgressionem mandati, quæ ad rationem peccati originalis, conspurcantis totam naturam, habuit se vt præuia, & per modum conditionis finè quâ non: ita vt Concilium declarans peccati originalis rationem, eam sic declaret. Primò, præmittit conditionem finè quâ non, quæ antecessit peccatum originale naturâ, & etiam tempore, scilicet transgressionem mandati DEI, vt ex vi verborum istorum in præterito positorum, liquidò constat; Adam, cum mandatum DEI in Paradyso fuisset transgressus. Deinde ipsam rationem peccati originalis subnectit, dicens. *Adam statim sanctitatem & iustitiam in quâ constitutus fuerat amisit, incurvisseque per offensam præuicationis huiusmodi (supplè, personalitèr) iram & indignationem DEI, &c.* Totusque Adam per illam præuicationis offensam, (intellige, vt conditionis finè quâ non) secundum corpus & animam, in deterius est commutatus. Vt secundum hanc intelligentiam istius decreti, peccatum originale in recto, sit amissio sanctitatis & iustitiæ, in quâ constitutus fuerat Adam, & incurisio iræ ac indignationis DEI, atque mortis & captiuitatis Diaboli, totiusque Adami secundum corpus & animam, in deterius commutatio. Vbi in ly totus Adam, intelligit Concilium totam naturam, quæ tunc extrâ Protoplastos non fuit, prout se mox declarat subiungens. *Si quis Adæ præuicationem, sibi soli & non eius propagini, asserit nocuisse, & acceptam à DEO sanctitatem & iustitiam quam perdidit, sibi soli & non nobis etiam eum perdidisse, aut inquinatum illum per inobedientiæ peccatum, mortem & penas corporis tantum, in omne genus humanum transfudisse, non autem & peccatum quod mors est animæ, anathema sit.* Ex quibus omnibus non habetur, quod peccatum originale in recto, sit mandati transgressio: quia hanc posuit Concilium in obliquo, & vt conditionem, finè quâ non fuisset originalis conspurcatio totius naturæ.

6. Confirmatur hæc doctrina per sequentiâ, quæ ibidem subdidit Concilium, dicens. *Adæ peccatum, origine vnum est, & propagatione, non imitatione*

ratione
baptizan
mittere
regenerati
gressio,
propria;
modò il
hatur, v
est itud
cta mor
nostræ n
cto, quò
inobedi
ginale,

7.
fo pecc
grauiori
tuto, tu
dolum
suadenti
spueru
inuidere
titudine
originali
imputat
dentiam
hominu
runt erg
expiabili
conspure
sâ verâ
his præm

8.
us pos
lasticis
clesiâ v
stros p
explicat
ptionis a
inprimis
nale: qu
mum to
tur etiam

RESOLVTIO NONA.

127

ratione transfusum, omnibus inest, unicuique proprium. Et de paruulis omnino baptizandis loquens, ait. *Paruuli, qui nihil peccatorum in semetipsis adhuc committere potuerunt, ideo in remissionem peccatorum veraciter baptizantur, ut in eis regeneratione mundetur, quod generatione contraxerunt.* Atqui illa mandati transgressio, nequit transfundi in omnes propagatione, ad hoc vt sit unicuique propria; quia fuit solius Adæ personale delictum: nec videtur facile, quomodo ista mandati transgressio quâ talis, generatione à paruulis contrahatur, vt postmodum regeneratione mundetur, nisi in rebus serijs, quale est istud dogma fidei, de contractione à paruulis peccati originalis, ad pacta moralia Adami cum DEO, & ad moralem huius realis corruptionis nostræ naturæ explicationem recurratur; Ergo Concilium non dicit in recto, quod peccatum originale sit mandati transgressio, seu quod idem est, inobedientia, sed solum, quod fuerit aliquid præexigitum ad peccatum originale, vt conditio finè quâ non.

7. Vnde & ego libenter concedo, quod primi parentes in Paradiso peccauerunt per inobedientiam, imò plus audeo & dico, quod & alijs grauioribus peccatis quam fuit ista inobedientia de non edendo pomo vetito, tunc peccauerunt, scilicet diffidentia ad DEVM, dum suspicati sunt dolum & fallaciam in eo, ideoque potius crediderunt serpenti oppositum suadenti, quam DEO amorosè noxia prohibenti. Contemptu DEI; dum spreuerunt eius interdictum. Attributione inuidiæ bonitati DEI; dum eum inuidere sibi illam felicitatem Deificationis ex pomo, crediderunt. Ingratitudine, atque similibus: quæ tamen delicta ipsorum nequaquam fuerunt originalia, ita quod DEVS ea toti naturæ imputauerit, quia nec modò imputat similia peccata posteris. Alias plus puniret inobedientiam, diffidentiam, contemptum, ingratitudinem Adæ, erga se, quam ceterorum hominum similiter peccantium; quod videtur repugnare iustitiæ DEI. Fuerunt ergo solum peccata personalia mortalia, per poenitentiam virtutem expiabilia, ad conspurcationem naturæ totius ex eso pomo præuia, quæ conspurcatio ex eso pomo in naturam prodijt, quia in eo tanquam in causâ verâ & reali latuit, vt supra iam abundè declaratum est. Atque ita ex his præmissis fundamentis, quoad quod quid est peccati originalis.

8. Dico. Descriptionem peccati originalis in titulo Resolutionis istius positam, esse Ecclesiæ, scripturæ, sanctis Patribus, & Doctoribus scholasticis, consentaneam. Confitetur enim totum id, quod hætenus in Ecclesiâ vnanimiter creditum est, & cum hoc clarè explicat, realem in posteros peccati originalis transfusionem; quod hætenus non nisi moralitè explicatum fuerat. Quod obiter declaro per applicationem istius descriptionis ad Decretum Concilij Tridentini, vbi supra positum. Confitetur inprimis, transgressionem mandati in obliquo, antecessisse peccatum originale: quando dicit, pomum incentiuum luxuriæ, applicatum fuisse per Adamum toti naturæ, contra prohibitionem & intentionem DEI. Confitetur etiam, statim Adamum sanctitatem seu gratiam, in quâ constitutus fuerat,

fuerat, amisisse: dum supponit, Adamum contrauenientem mandato Creatoris, mortaliter peccasse, & sic sanctitatem, id est gratiam gratum facientem, in quâ conditus erat, perdidisse, iramque & indignationem DEI incurrisset, per hoc peccatum inobedientiæ personale, originali præuium. Iustitiam verò, per subsequentem conspurcationem naturæ virginæ totius, ex pomo illi applicato, in quo fuit incentiuum luxuriæ, ortam, ex quo secuta est commutatio virginæ propagationis in belluinam, corrupisse: id intelligendo de Iustitiâ innatâ, id est, de vitâ per solam animam intellectuam, quam tunc eo ipso Adam amisit, quia naturam totam sic conspurcauit. Quod totum nostra Resolutio fatetur, dum dicit: peccatum originale esse conspurcationem virginæ propagationis naturæ humanæ, ob applicatum illi ab Adamo pomum incentiuum luxuriæ. Confiteatur etiam, mortem ex amissione iustitiæ originalis eum incurrisset, eamque & corporalem & spiritualem, per captiuitatem diaboli à Concilio expressam, dum dicit de morte spirituali, hanc conspurcationem reddidisse naturam incapacem Regni DEI; de morte autem corporali, per hanc conspurcationem, introductam mortem in naturam, ut antea satis patuit; Ergo per omnia, Decreto Sacri Concilij Tridentini est conformis ista nostra Resolutio, & ita est consentanea Ecclesiæ.

9. Est etiam consentanea scripturæ dicenti Ioa: 3. *Nisi quis renatus fuerit denuò, non potest videre Regnum DEI.* Et. *Nisi quis renatus fuerit ex aquâ & Spiritu Sancto, non potest introire in Regnum DEI;* Et. *Quod natum est carne, caro est, quod natum est ex spiritu, spiritus est.* His enim verbis aperte docet CHRISTVS, nos genitos carnaliter, & conspurcatos propagatione concupiscenciali, ac in carnem de carne degeneratos, contra intentionem DEI, volentis nos propagari de Spiritu Sancto & Virgine Matre, non posse videre secundum animam, antè mortem & resurrectionem, & secundum corpus, introire in Regnum DEI post resurrectionem, nisi rursus nascamur de Spiritu Sancto & aquâ, quod fit in Baptismo. Ergo CHRISTVS ipse, peccatum originale in conspurcatione & degeneratione nostræ propagationis virginæ in belluinam, & carnalem, eiusque tam actiuæ quam passiuæ, collocat.

10. Quod & Propheta Dauid Psal: 50. antè aduentum CHRISTI docuit, dicens. *Ecce enim in iniquitatibus conceptus sum.* Id est in iniquitate ex parte Patris, & iniquitate ex parte matris, generantium me carnaliter cum libidine, contra intentionem DEI, quod sanè in generantibus est iniquitas, quia contra primæuam intentionem DEI, licet iam post peccatum non imputeretur, idèò, quod corruptâ ab Adamo Eux virginitate, iam nulla spes est relicta, mulieri descendenti ab Adamo, concipiendi de Spiritu Sancto, sitque permissus deinceps conceptus de viro. Et in peccatis concepit me Mater mea; Supple, passiuè, quia conspurcatum carnali animâ, & secundum mentem ac corpus incapacem Regni DEI, redditum. Undè mox præuidens in spiritu hanc futuram regenerationem, de quâ

CHRI-

CHRISTVS
dum cor
mea in me
me à facie
am salutaris

11.

(spiritus vitæ
quod impos
mittens in
iustificatio
eundum spir
itudinem
sibus Apost
conspurcat
carnalem
sumpsit,
tur, secun

12.

gistrum se
rò sit con
to, & alijs
tulus nostr

13.

his, etiam
itâ conspur
uerunt, du
pomum, n
quâ conti
virgo nat
mines pro
fermentat
tionem D

14.

cupiscenci
est peccat
ti, eò qu
gnantèr d
tionis nat
catione, d
ista, stat
originale
tum, cau
lem, quan

R E S O L V T I O N O N A .

129

CHRISTVS loquitur Nicodemo, Joan: 3. optat se innouari tam secundum corpus, quam secundum animam per illam, dicens. *Cor mundum crea in me DEVS, & spiritum rectum innoua in visceribus meis; Ne proijcias me a facie tua & spiritum Sanctum tuum ne auferas a me; Redde mihi letitiam salutaris tui, & spiritu principali confirma me.*

11. Hoc & Apostolus ad Rom: 8. clarè fatetur illis verbis. *Lex spiritus vitæ in CHRISTO IESV liberauit me a lege peccati & mortis: Nam quod impossibile erat legi, in quo infirmabatur per carnem, DEVS Filium suum mittens in similitudinem carnis peccati, de peccato damnauit peccatum in carne, ut iustificatio legis impleretur in nobis, qui non secundum carnem ambulamus, sed secundum spiritum.* Vbi benè nota, ly infirmabatur per carnem; ly in similitudinem carnis peccati, ly damnauit peccatum in carne: his enim phrasibus Apostolus innuit, peccatum originale nihil aliud esse in nobis, nisi conspurcationem & degenerationem naturæ humanæ virginæ, in animale, carnalem, atque belluinam, cuius **CHRISTVS** externam similitudinem assumpsit, ut eam in se destrueret, & nouam generationem nobis largiretur, secundum spiritum.

12. Est etiam consentanea SS. Patribus. Quod patet legenti Magistrum sententiarum in 2. Dist: 30. 31. & 32. ubi eos citat. Quod verò sit conformis Doctoribus Scholasticis, patuit supra ex D. Thomâ relato, & alijs. Et sic patet, quod quid est peccati originalis. Quod est titulus nostræ Resolutionis. Vnde pro clariori illius explicatione, addo.

13. Corollarium. Quod etiam si **DEVS** non prohibuisset Protoplastis, esum pomi arboris scientiæ boni & mali, adhuc illi edentes de illo, ita conspurcassent naturam humanam virginæ, sicut modò conspurcauerunt, dum stante amorosâ **DEI** prohibitione, illud esitarunt: quia illud pomum, non quâ prohibitum, fuit nocuum naturæ virginæ humanæ, sed quâ continens necessariam causam seminis & fermenti luxuriæ, per quam virgo natura pessundata est, & suspensum intentum Creatoris, volentis homines propagari de Spiritu Sancto & Matre Virgine. Vnde & tunc sic fermentata proles, fuisset nata in peccatis, ut pote suscitata præter intentionem **DEI**, licet inobedientia non præcessisset.

14. Et aduerte. Quod non explicauit peccatum originale, per concupiscentiam introductam in naturam; scio enim, quod concupiscentia non est peccatum originale, licet dicatur plerumque in scripturâ nomine peccati, eò quod sit ex peccato, ut explicat Concilium Tridentinum. Sed signanter dixi, peccatum originale esse conspurcationem virginæ propagationis naturæ, contra intentionem & prohibitionem **DEI**, ex quâ conspurcatione, orta est concupiscentia tanquam effectus eius: conspurcatio enim ista, stat præcisè in introductione seminalis fermenti ex pomo, quod fuit originale fermentum, quod deindè feminale fermentum in nos introductum, causauit necessariò dispositiones ad animam animale seu seminalem, quam demum ut proprietatem eius, concupiscentia consecuta est, ut su-

prà deduxi, non aliter ac modò, salua rabidi, conspurcat totum spiritum sydereum & animam feminalem hominis, adeò, quod cum verè in canem quasi commutat, vt si tunc generaret prolem, illa esset tota canina, cum omni canis proprietate. Sed de his abundè suprà.

15. Nunc restat, vt quæstiones quas de peccato originali disputant Scholastici, secundùm hanc viam resoluamus breuiter. Et quidem primo loco se offert videndum, quomodò ista conspurcatio, in omnes communiter propagatos transfertur? Et quia hoc iam declarauimus suprà, Resolutione septimâ hîc, videatur ibi.

16. Secundò se offert resoluendum. Quomodò mens immortalis, adueniens desuper per viam creationis, ad hominem sic belluinâ propagatione conspurcatum, secundùm spiritum & carnem, & ipsa conspurcatur peccato originali? Ad quod respondeo. Quod hoc ideò contingit, quia mens vltimò loco aduenit ad corpus seminatum libidinose, & organizatum ab Archeo in ordine ad animam feminalem, quam & antè aduentum mentis acquisiuit, licet non subsistentem in aliquâ certâ bruti specie. Mens igitur vltimo loco adueniens, tam corpori quam isti animæ dat esse humanum, sigillando scilicet totam massam, & determinando ad esse hominis: hinc homo tunc confurgens, est Dæo abominabilis, quia præter eius intentionem sic in spurcitie feminali suscitatus, & æternæ vitæ manet incapax. Et hæc est etiam doctrina Scholasticorum à D. Anselmo mutuata, vt iuxta cum resoluit hoc quæsitum Doct: Subtilis in 2. dist: 32. ita dicens. *Secundùm istam viam, (id est. D. Anselmi) anima contrahit peccatum originale mediante carne, non ità quòd caro per qualitatem quandam causandam in eâ causet istud peccatum; sed ex hoc, quòd caro concupiscibiliter seminatur, & ex ipsâ formatur corpus organicum, cui infunditur anima constituens personam, quæ est Filius Adæ. Sed ex dictis suprà, non est Filius Adæ nisi secundùm animalitatem antecedentem mentem; Ergò mens pro tantò contrahit peccatum originale, pro quanto hanc animalitatem determinat ad humanitatem, quæ sit Filia Adæ. Similiter & clariùs loquitur de hoc D. Th: in 2. dist: 30. Q. 1. A. 2. ad tertium, dicens. *Nascimur Filij iræ, per propagationem, non per demeritum Adæ, & traducitur peccatum in nos, non per traductionem sui subiecti, quod est anima rationalis, sed per traductionem seminis, quia ex quo anima Patris, per peccatum infecta fuit, (videlicet quia in Adam descenderat ad sigillandum semen, illi & toti naturæ exoticum, sicut & in quolibet deinceps Adamicè generante descendit, vt supra Resolutione septimâ declaratum est) sequitur inordinatio in corpore, subtracto illo ordine, quem natura prius condita acceperat, (scilicet vt immediatè viueret solâ mente) & ità etiam ex semine illo generatur corpus, tali ordine destitutum, (puta, quia in illo suscitata est anima feminalis, media inter corpus & mentem) unde & anima, quæ tali corpori infunditur, deordinationem culpæ contrahit ex hoc, quod eiusmodi corporis forma efficitur; cum oporteat perfectionem perfectibili proportionari. Vel vt dicat in responsione ad quintum. *Quia forma recipitur in materiâ, secundum conditionem.***

RESOLVTIO NONA.

131

ditionem ipsius materiae. Vel vt q. 4. de malo A. 1. Ad primum loquitur. *Quia caro causat in animâ adueniente culpam, in quantum in semine motus est, & intentio animæ generantis vt Adam.* Hoc est dictum. Ideò anima adueniens, maculatur à semine illo & corpore, quia sigillando illud, confirmat & determinat hominem Adamicum, & agit ac si in eâ esset intentio generantis vt Adam. Vel vt ibidem A. 6. ad 10. *Quia incipit anima pertinere ad naturam, ab Adam tractam, ex hoc, quòd corpori genito cum concupiscentiâ, uniat.* Ita D. Thomas.

17. Sed & ex aliâ ratione, anima inficitur peccato, quando venit ad corpus, nempè, quia non cum gratiâ venit, sicut semper cum gratiâ venisset, si homo de spiritu Sancto & Matre Virgine propagatus esset. Sicut etiam venerat ad corpus Adæ immaculatum, de terrâ virgine digito DEI formatum. Quia enim moderna generatio hominis est, præter intentionem DEI, & solum permissa, vt vel sic prædestinati nascantur mox regenerandi, ideò DEVS condens animam in corpore, satis habet in hoc succurrere defectui naturæ, non autem simul prospicere salutem eiusdem, per infusionem gratiæ; vnde anima in puris naturalibus veniens, ipso facto est non grata DEO, quia est sine gratiâ. Neque id malum est, eam sic in puris naturalibus infundi, quia vt ait D. Th. 1. 2dæ q. 83. A. 1. ad 5um. *Melius ei est sic esse, quam simpliciter non esse, cum possit per gratiam euadere damnationem.*

18. Tertiò occurrit quæsitum. An Adam ipse habuerit peccatum originale? Ad quod respondeo cum distinctione. Peccatum enim originale, aut præcisè stat in istâ conspurcatione naturæ; aut super eam addit traductionem ab aliquo parente. Primo modo Adam habuit peccatum originale, secundo modo non item: quia vt dicit Doct. Subtilis dist. 32. *Non fuit ad ipsam traductum per aliquem parentem, sed ipse in se accepit illam iustitiam, & actu suo amisit.*

19. Et per idem, resoluendam censeo illam quæstionem. An & quare aliquis conceptus ex digito, non contraheret peccatum originale? Cui respondeo, quòd si formaretur cum istâ materiali conspurcatione, verè haberet peccatum originale; vnde si deinceps generaret, verè illud in prolem transfunderet. Licet quatenus hanc conspurcationem non acciperet ex traduce, posset dici non habere peccatum originale. Quòd si formaretur non in mediâ istâ vitâ, per animam seminalem, sed in immediatâ per solam mentem, vt fuit formatus Adam, prorsus esset ab isto peccato immunis.

20. Simili modo resoluendæ sunt & illæ quæstiones, quas in materiâ de peccato originali communiter mouent Doctores, nempè: Quare Baptizati transfundunt in prolem vetustatem veteris, & non nouitatem noui Adæ? & Quare plus omnibus alijs potentijs, generatiua inficitur hoc peccato? & Quare semen sit causâ peccati originalis, cum in eo non magis videatur hæc causalitas esse, quam in sputo? Istæ enim quæstiones, & si quæ

fi quæ sunt aliæ similes, facile soluuntur, per istam conspurcationem naturæ virginæ, quæ fit per fermentum seminale, in quo stat tota ratio istius conspurcationis, quod non est in sputo; quia ergo adhuc mediante tali fermento, Baptizati generant, & generatiua mouetur ad generandum carnaliter, ideo & Baptizati transfundunt in prolem hanc conspurcationem, & generatiua tali fermento plus omnibus potentij inficitur.

21. Quarto loco occurrit dubium. Quare solus Adam dicitur naturam humanam corrupisse originaliter, cum Eua prius sibi fermentum pomi applicuerit? Ad quod dico. Quod ideo, quia solus Adam compleuit istam naturæ conspurcationem. Nullatenus enim destinatus fuit à D E O in propagationem generis humani, & tamen percipit æstro libidinis ex fermento pomi in se exortæ, aggredi præsumpsit belluino modo generationem proles, cum Eux stupro. Vnde D. Joannes Cap: 1. sui Euangelij, Filios carnales, per Anthonomastiam appellat, natos ex voluntate viri: quasi voluntas viri, anthonomastice stet pro peccato originali. Eua autem etiam si pomum non comedisset, destinata fuit à D E O in generationem proles humanæ, stante illasâ virginitate suâ, vt supra Resolutione quartâ deduximus. Vnde illâ solâ nos generante, peccato originali in naturâ, nullus relictus esset locus. Adam igitur recte censetur peccati originalis solus author; quia comesto pomo, & exortâ in se concupiscentiâ carnis, instar equi & muli nudam cepit concupiscere virginem, & fortè reluctanter adhuc in Paradyso, vt supra ex scriptura collegimus, per vim stuprauit, licet enim Eua seducta à Serpente prior pomum comedisset, tamen pomum illud tardius in eam operabatur, transplantando fermentum luxuriæ, ob obicem pudoris natiui, illi ex dono creationis vernaculi, & ob impedimentum deuotionis concreata: quo duplici decore Euam adornauerat omnipotens Creator, quas dotes natiuas, etiam modò in naturâ corruptâ, retinuerunt virgines præ viris.

22. Et fortè ideo politâ facie relictâ est mulier, eò quòd insolentij Adæ & voluntati eius diu restiterit, Adam verò vt perfractor virginitatis in naturâ humanâ omninò primus, signatus est circa genas & mentum, excrecentibus pilis, vt ita salacibus quibusdam brutis, etiam in barbâ similis fieret, quorum congressum sexualem imitando, naturam totam corrumpit. Sicut enim primum homicidam Cain signauit postea DEVS, vt dicitur Gen: 4. *Posuitque Dominus in Cain signum.* Vbi Lyranus. *Scilicet tremorem horribilem omnium membrorum, vt communiter dicitur, & quòd in faciem Cain signum impressit, quo cognoscebatur ab omnibus fratrem suum innocentem occidisse, & sic omnibus abominabilis reddebatur;* Ità decuit & primum perfractorem virginitatis in naturâ humanâ, signari in facie, per excrecentes pilos; nec
propte-

RESOLVTIO NONA.

133

propterea barba crescit viro, nisi in tempore illo ætatis, quo luxurie insultus pati incipit, nec alibi nisi circa os, guttur, & buccas, quibus Adam scilicet primas illecebrarum voces emisit. Adde; quod viri spirituales, & Theologi mystici, nunquam angelum bonum barbatus apparere testantur; vnde illa regula: si apparuerit barbatus angelus, malus esto. Horrent ergo angeli barbam, vt potè propter carnis concupiscentiam, in naturam humanam introductam, quâ ipsi omnino carent. Deniquè.

23. Quinto loco restat resoluendum. Quomodo, & per quid, in nobis dimittitur peccatum originale? Sed hæc difficultas postulat seorsuam Resolutionem. Sit igitur sequens pro hoc declarando.



RE-

LI



R E S O L V T I O D E C I M A.

Ista spurcicies originalis, tollitur à nobis verè & realissimè per Baptismum, qui nos efficit nouam creaturam, licet id non appareat.

I.

Manifestè id docet Apostolus ad Galatas 3. *Quicumq;* (inquit) *in CHRISTO baptizati estis, CHRISTVM induistis; non est Iudeus neq;* *Græcus, non seruus neq;* *liber, non est masculus neq;* *femina, omnes enim vos unum estis in CHRISTO IESV.* Quæ verba Apostoli Glossa ordinaria, citans Theophylactum, ita docet esse intelligenda, vt de reali & verà renascentiâ, procedant. *Vniuscuiusq;* (inquit) *Baptismate ablutorum natiuitas, reiecit formas & proprietates, vnâ autem figuram & formam omnes assumpserunt, non Angeli, sed ipsius Domini, in seipsis ostendentes CHRISTVM, perinde omnes sumus in CHRISTO IESV, hoc est, quatenus vnâ CHRISTI formam impositam nobis habemus, vel quatenus etiâ vnus corpus sumus, vnus caput, videlicet ipsum habentes.* Virginea enim natura CHRISTI, qui ideò propter nos & propter nostram salutem descendit de Cœlo, vt esset Filius Virginis, per Baptismi Sacramentum communicatur nobis verè & realitè; ita vt illa æthiopia natura CHRISTI, actu sit in sene, iuvene, muliere, Græco, Barbaro; Spiritualis tamen, vt potè causata per renascentiam ex aquâ & Spiritu Sancto, carne interim Adamicâ cum suâ animâ seminali remanente, sed certissimâ morti temporali destinatâ. Nam sicut ex aquoso liquore seminis, & spiritu Archeo, nostra carnalis generatio suscitata est in naturâ; ita placuit CHRISTO, regenerationem nostram in aquâ & Spiritu Sancto constituere, vt sic redigamur in spiritum Deiformem, sicut geniti fuimus in carnem animalem; & licet istud mysterium Baptismi, quo sic verè & realitè regeneramur, superet omnem intellectum creatum, etiâ Angelicum; stante tamen reuelatione nobis per scripturam factâ, illa aliqualitèr elucescit. Vnde vt istud pateat.

2. Aduertendum est primò. In Baptismo duo concurrere, scilicet abluitionem hominis Adami, & suscitationem hominis DEIFORMIS: quæ duo, quòd sint verè & realitè in Baptizatis, vt ostendamus.

3. Aduertendum est secundò. Quòd Filius DEI, non sinè ingenti mysterio Apoc: 5to. dicitur *Agnus occisus ab origine mundi.* Postquam enim homo naturam suam conspurcauit talitèr, vt explicatum est in præcedentibus, debebat

R E S O L V T I O D E C I M A,

135

debebat eâdem die mori, desistente mente ab immediato regimine corporis sic defædatis, nisi ille se vadem oppignorassæt coràm Patre, qui prædestinatus erat ut esset Filius DEI in virtute, secundùm spiritum sanctificationis, ex resurrectione mortuorum IESV CHRISTI Domini nostri; ut loquitur Apostolus ad Rom: 1. Quorum verborum satis difficilium, sensus iste est; quòd CHRISTVS iam tunc prædestinatus in caput omnium electorum, angelorum & hominum, ut esset Filius DEI in virtute, id est, ut prout ipse est Filius DEI per naturam, ità & homines (estò iam lapsos) efficeret suâ virtute, Filios DEI, idque non aliter, sed sicut additur, secundùm spiritum sanctificationis, supple, in Baptismo, non tamen ità, ut appareat hæc naturæ renascencia, quæ postmodum apparebit ex resurrectione mortuorum IESV CHRISTI Domini nostri. Ille ergò CHRISTVS iam tunc obiectus Trinitati SSmæ, ut caput prædestinatorum omnium, causa fuit, ne illius latæ in Adamum & Euam sententiæ, scilicet: *Quacunque die comederis ex eo morte morieris*; executio fieret, dùm in temporum plenitudine, se pro hominibus in carnem mortem temporalem appetiturum, & qui aliàs solùm ut glorificator venisset, etiam se ut redemptorem venturum, ad carnem conspurcatæ isti similem, in se recepisset, ut ira iustitiæ & pax oscularentur ad inuicem: statim igitur duos sinè labe Agnos, Patri æterno immolauit Filius DEI coram homine, vnum in holocaustum, suæ futuræ passionis & mortis præfiguratiuum, alterum, partim sacrificandum, partim edendum, dedit protoplastis, in hostiam & signum pacis, ostendens per hoc, se fore illum agnum ab origine mundi occisum, in temporum plenitudine iuge sacrificium, & ferculum in Eucharistiâ restauratiuum integritatis virginæ, iam in naturâ humanâ contrâ intentionem DEI pessundatæ. Quorum agnorum pellibus induti parentes primi ideò sunt, ut se tandem merito mortis & passionis CHRISTI restaurandos, & in virtute Filij DEI secundùm spiritum sanctificationis, in virgines mediante operatione Spiritus Sancti per aquam, & participatione corporis virginis CHRISTI in Eucharistiâ, verè transformandos scirent. Quod ut in reipsâ compleretur.

4. Aduertendum est tertio. Quòd in temporum plenitudine, Filius DEI descendens de coelis, non assumpsit carnem peccati ex voluntate viri genitam, sed solùm assumpsit similitudinem hominis Adamici, & formam serui, dicente Apostolo ad Philip: 2. *In similitudinem hominum factus, & habitu inuentus ut homo.* Non quòd non fuerit verus homo, (absit enim hoc à mentibus fidelium) fuit enim verus homo, sicut & Adam nouitèr creatus, sed quia non fuit homo impurus, nec de factò seruus peccati; ast solùm, quia carnem habuit similem carni peccati, repræsentabatq; eam quasi carnalem & animale, ac si esset vnus ex Adamicis, idq; non permittendo animam intellectiuam, quæ sola in eo fuit absque omni seminali animâ, immediatè irradiare, & cum omni energiâ regere corpus, idque per continuum quoad vsque vixit miraculum, ut & Theologi fatentur. Grande autem in hoc latebat mysterium. Quia enim in se assumptum Ho-

minem Adamicum, secluso tamen peccato, sepelire, & nouum hominem secundum illam primæuam intentionem DEI, in semetipso suscitare decreuerat, idè necesse fuit eum permittere se occidi, illudi, flagellari, & acerbissimâ ac ignominiosissimâ morte, (quam tamen ille propter istud regenerationis totius naturæ absconditum in eâ mysterium, exaltationem suam toties appellauit) tolli de medio, ut ita sublato in se quod erat Adamicum, licet absque peccato, redderetur rursus in ipso nobis Diuinus, Virgineus, spiritualis, & DEIFORMIS homo, qualis erat ab initio. Neque enim nouum quid resurgit, nisi destruaturs vetus, ac proindè CHRISTVS in se nostrum vetus, sine peccato tamen, assumpsit, ut illud destrueret, ac suum nouum Virgineum de Spiritu Sancto & Virgine Matre conceptum corpus, nobis conferret.

5. Hoc sonant apertissimè dicta ipsiusmet CHRISTI, quibus sibi necessitatem ponit patiendi, & moriendi, imò Petrum à se reinouentem talia, seriò obiurgat, & Sathanam vocat, eò quòd non saperet ea, quæ DEI sunt, sed quæ hominum. Matthæi enim 6. legitur. *Exindè capit IESVS ostendere discipulis suis* (nota ly Exindè, id est, ex quo in Petro fundauit Ecclesiam, ut idem Caput 16. Mathæi refert) *quid oporteret eum ire Hierosolymam, & multa pati à senioribus, & scribis, & Principibus Sacerdotum, & occidi, & tertiâ die resurgere.* Et Marci 8. *Oportet Filium hominis pati.* Lucæ quoq; 24. *Oportet Filium hominis tradi.* Et. *Nonne hæc oportuit CHRISTVM pati, &c.* Sed Ioan: 3. distinctius. *Sicut Moyses exaltauit serpentem in deserto, ita oportet exaltari Filium hominis.* Quam similitudinem serpentis ænei, alto planè mysterio adducit Saluator: sicut enim serpens ille nec viuus fuit, nec cadauer mortui, sed solum ænea serpentis imago; exaltabatur autem in furcâ, ad salutem à serpentibus demorsorum: ita exaltari oportuit Filium hominis, similitudinem tantum carnis Adamicæ habentem, viuum, amore plenum; & in cruce mori, ut homo impurus demorsus à serpente, id est, lapsus in mortem suasu serpentis infernalis, non pereat, sed habeat vitam æternam, innueretque, quod sicut ibi non est exaltatus viuus serpens, nec eius mortui cadauer, sed solum ænea imago vitæ omninò incapax; ita caro peccati, quam similitudinariè repræsentabat Filius hominis, planè vitæ æternæ & Regni DEI incapax, debuit suspendi in cruce, & destrui, eo fine, ut nobis noua virginea caro restitueretur: nisi enim caro Adamica moriatur in Baptismo, restituaturque pro eâ nobis per gratiam Spiritus Sancti immaculata caro Virginea CHRISTI, idque verè & realissimè, succisa est nobis spes omnis salutis. Et hoc est quod canit Ecclesia in præfatione Paschali de CHRISTO. *Qui mortem nostram moriendo destruxit.* Hoc asserit & Apostolus ad Rom: 6. dum inquit. *Vetus homo noster simul erucifixus est, ut destruaturs corpus peccati.* Et ad Colossen: 2. *Delens quod aduersum nos erat Chyrographum decreti, quod erat contrarium nobis, (nempè carnem Adamicam humanæ naturæ exoticam, Regni DEI incapacem) & ipsum tulit de medio, affigens illud eruci, & ex-*

polians

RESOLVTIO DECIMA.

137

polians principatus & potestates, (puta Dæmonum) traduxit confidenter, palam triumphans illos in semetipso. Hæc quoad abolitionem hominis Adamici per CHRISTVM, quæ applicando ad Baptismum.

6. Aduertendum est quartò. Quod vt loquitur D. Bernardus serm: de septem signaculis, in die Paschæ. *Decet vt quomodo præcessit caput, sequantur & membra.* Quia ergò CHRISTVS, qui est caput nostrum, carnem nostram Adamicam in similitudine assumens, eam crucifixit, cruci se spontè offerendo; hinc instituit Baptismum in aquâ & Spiritu Sancto, vt per ablutionem aquæ, vetus homo noster moriatur, & sordes illæ spurcitiesque, per generationem Adamicam belluinam contracta, tollatur, saltem inchoatiuè, complenda postea in resurrectione; & gratia regenerationis, per Spiritum Sanctum, & mortis CHRISTI meritum, conferatur. Hæc est doctrina Apostoli ad Rom: 6. dicentis. *An ignoratis fratres, quia quicumque baptizati sumus, in CHRISTO IESV in morte ipsius baptizati sumus; consepulti sumus cum illo per Baptismum in mortem, vt quomodo CHRISTVS resurrexit à mortuis per gloriam Patris, ita & nos in nouitate vitæ ambulemus: si enim complantati facti sumus similitudini mortis eius, simul & resurrectionis erimus.* Vbi D. Ambrosius Lib: 2. de Sacramentis cap: 7. quærit. *Quid est in morte? vt quomodo CHRISTVS mortuus est, sic & tu mortem degustes?* Et paucis interiectis. *Mors ergò est, (inquit) sed non in mortis corporalis veritate, sed in similitudine; cum enim mergeris, mortis & sepultura suscipis similitudinem.* Et glossa ordinaria citans Oecumenium ait. *Metaphorica dictio est, complantati ab arboribus: nam sicut planta aliquo tempore velut mortificationem patitur, deinde protinus reuiuiscit, ac reuiuiscit, ita & corpus Dominicum, ad breue tempus in Sepulchro positum, inde repente effloruit.* Et subdit de nobis. *Nos dum baptizamur, etiam sepelimur, & quodammodo veluti Planta in terrâ, ita & nos in aquâ morientes, repente viuentes, nostramque salutem pullulantes, ascendimus; nam tres Baptismi immersiones & emerfiones, mortem ac resurrectionem significant.* Et Lyranus. *Sicut CHRISTVS sepultus fuit in terrâ, sic baptizatus mergitur in aquâ.* Ex quibus testimonijs satis claris habemus, quòd ablutio aquæ in Baptismo, significat mori in nobis coram Deo hominem Adamicum, quasi inchoatiuè, vere tamen & realitèr, qui postmodum complete mori debet in fine vitæ præsentis; vel mori statim quidquid est in mente nostrâ Adamicum, licèt corpus Adamicum cum suâ animâ seminali, adhuc superstes maneat, cum omnibus suis sarcinis, & mortis necessitate, ob maius nostrum meritum. Cum autem homo vetus in mente sic moritur in Baptismo, Spiritus Sanctus in eodem instanti temporis, confert animæ immortali gratiam regenerationis, & reponit totum hominem actu in CHRISTVM, licet id nobis sit sicut imperceptibile, ita & ineffabile, facitque verè & realitèr vnumquemque Baptizatum, nouam creaturam. Quòd in resurrectione, quàm propterea CHRISTVS vocat regenerationem, manifestum erit; Licet & modò non desit signum istius realis in baptizatis regenerationis: nam Baptismus tollit à Baptizatis sectorem carnis Adamicæ, quem in Iudæis omnibus, Saracenisque, & Arrianis, quotidie cum nausæa obseruamus, etiam in mortem vsque eorum durabilem.

Mm

rabilem.

rabilem. Sufficit autem pro paruulis ista renascentia ex aquâ & Spiritu Sancto abundè, & etiam pro adultis mox post Baptismum morientibus.

7. Imò etiam votum Baptismi, & desiderium, saluat adultos, si realis ablutionis aquæ nequeant esse compotes, & moriantur, quia tales fide & desiderio commoriuntur CHRISTO: Æquum est autem bonitati Diuinæ, illos per Spiritum Sanctum in CHRISTVM & eius virginæ naturam transferri, mediante regenerationis gratiâ.

8. Martyrium quoque ob eandem causam æquiualeat Baptismo, siue sit adultorum siue paruulorum non baptizatorum, etiam in utero Matrum morientium, dummodò Mater prægnans, vel tales paruuli geniti, mox in odium CHRISTI occidantur; quia censentur commori CHRISTO, atque ita in CHRISTVM & eius carnem Virginæ inseruntur. Ast pro adultis instituit CHRISTVS Eucharistiam, quæ etiam secundum Theologos confert dignè sumentibus corpus & sanguinem CHRISTI, primam gratiam; quia ob fragilitatem, ex animalitate in nobis derelictâ, cum suis concupiscentijs & desiderijs, frequentiamque obuiam peccandi, quousque hanc vitam miseram uiuimus, opus fuit nos confortari verâ & reali, Sacramentali tamen, participatione Virginæ carnis CHRISTI, ut ita cibati & fortitudine panis istius firmati, carnis Adamicæ illecebras & farcinas, alacrius superemus, & symbolo isto cibi, corpus CHRISTI realitèr in se continentis, in CHRISTVM transcamus: Juxta illud Ioan: 6. ipsius CHRISTI. *Qui edit carnem meam, & bibit sanguinem, in me manet, & ego in eo.*

9. Sed de suscitatione reali & verâ hominis Deiformis per Baptismum, aliquid addendum est. Sciendum ergò, quòd sicut Spiritus Sanctus formare nos debuerat in corde Matris Virginis, ex eius arteriali sanguine, iuxta primænam intentionem DEI, si eam Adam non peruertisset, ita idem Spiritus Sanctus, qui & naturam humanam CHRISTI, de substantiâ Virginis Matris formauit, suâ operatione, refarcit nobis in Baptismo aquæ, illam primam Creatoris intentionem, conferendo nobis immaculatam carnem Virginæ, & nos quasi verè in CHRISTVM transferendo. Sicut enim in initio, nos Spiritus Sanctus in Matre Virgine suscitasset Virgines, & spirituales, ita & modò suscitât in nobis in aquâ immersis, naturam Virginæ, inferendo nos ceu palmites in vitem veram CHRISTVM. Sic itaq; regenerati, verè mutamur in spiritum, inchoatiuè tamen, quia iam acquirimus jus, ut corrupto in nobis quidquid est Adamicum, per mortem temporalem, resuscitemur in Virginitatis participatione; & ideo oportet interuenire mortem, ut deleatur prorsus homo Adamicus, & resurgat Spiritualis Virgineus. Et hoc est, quod dicit Apostolus I. ad Cor: 15. *Omnes quidem resurgemus, sed non omnes immutabimur.* Soli enim regenerati per Baptismum, resurgent immutati, id est, Spirituales effecti; Quia per renascentiam facti sunt spiritus, ideo in naturâ spirituali prodibunt ad gloriam. E contra verò, qui resurget non Baptizatus, consequentèr resurget non mutatus, quia non renatus in spiritum. Sic igitur sumus in CHRISTO per Baptismum & Spiritus Sancti operationem, no-

ua creatura, non iam ex sanguinibus, neq; ex voluntate carnis, neq; ex voluntate viri, sed ex DEO geniti, modo castissimo Spiritus Sancti, per quem antè natam in nobis brutalitatem, & carnis concupiscentiam, omnem hominem electum ex Matre Virgine nasci debere, decretum erat. Et hæc est Baptismi potestas vera, & realis, quam nobis CHRISTVS instituens hoc Sacramentum, dedit, vt Filij DEI fiamus, si eum, Baptismum suscipientes induamus.

10. Confirmatur ista doctrina per sententiam Doctoris Subtilis, & D. Anselmi in 2. Dist. 32. §. Quantum ad quartum, &c. Vbi docent. Quòd formale in peccato, deleri debet in se, per oppositum formalitèr, vel virtualitèr, in remissione peccati. Ex quo volunt habere, etiam peccatum originale debere deleri, vel per positium proprium oppositum, vel per aliud virtualitèr continens illud oppositum, quale est Gratia. Et hoc illi pro tantò docuerunt, pro quantò Iustitiam originalem donum fuisse naturæ superadditum putauerunt, amplius irrestituibile homini post lapsum. Sed nos ponimus Iustitiam originalem sitam fuisse in vitâ spirituali, per solam mentem, quæ modò est versa, ob peccatum & pomum applicatum illi, in carnalem; Ergò consequenter tenere debemus, eam à Spiritu Sancto in Baptismo formalitèr restitui nobis, & ita nos recuperare, & pristinam spiritualitatem, & gratiam; sicq; in nobis tolli peccatum originale. Nec in hoc apparet aliqua inconuenientia, tam ex parte naturæ, quam ex parte operationis Spiritus Sancti. Ex parte autem CHRISTI, qui nobis datus, omninò id asserendum videtur, quòd nos sibi tali modo complantet, & vniet secum, per istam renascentiam baptismalem inchoatiuè, & Eucharisticam, perfectiuè. Hæc de primâ parte istius Opusculi pertractasse, pro fundamento sequentium de Immaculatâ Conceptione VIRGINIS Matris Resolutionum, sufficiat.



M m 2

D E



DECAS II.



Osito nouo fundamento, restat vt ædificemus super illud noua Propugnacula, quatenus Immaculatè conceptam VIRGINEM pro modulo nostro tueamur. Licet enim illa in supernâ iam ciuitate Hierusalem cuius muri ex auro purissimo, triumphet secura: In militante tamen Ecclesiâ adhuc militat, suosq; qui pro illius immaculatâ conceptione strenuè decertant, notat & discernit milites, vt eis pro meritis iusta decernat & conferat præmia.

Porro vt ædificium fundamento respondeat, sicut illud in decenario Resolutionum numero positum est, ita & hanc structuram decem Resolutionibus erigere, est animus, vt decem validissima conceptionis immaculatæ propugnacula, firmitè persistant. Sit igitur.

RE.

R

Ex ra
tionis sin
STO,



tili, sed e
vt nihil d
duo, quæ
sam culpæ
fi Protopar
A. 3 & 4.
Principio V
Esseq; CH
stat; quod
CHRISTO
creaturis i
de plenitud
dent sui s
rum pro s
STVM &
turum om
ad Verbu
nostris et
aliquali
2.
uisio & p
& prædest
Virginem
ceptione p
retur vt G
semper inu

RESOLVTIO PRIMA.

Ex ratione præuisionis & prædestinationis simultaneæ, VIRGINIS MATRIS cum CHRISTO, eadem omnino debuit esse in suâ conceptione, immaculata.

1.

CHRIſTVM prædefinitum esse ab æterno, tanquam primogenitum omnis creaturæ, vt sit caput Ecclesiæ, quæ ex Angelis & Hominibus constat, nedum Scotistæ cum suo Doctore Subtili, sed etiam Thomistæ cum Doctore Angelico 3. p. Q. 8. asserunt, ita vt nihil difficilius videatur in doctrinâ Thomisticâ, quam concordare hæc duo, quæ expressè docet D. Thomas; scilicet: CHRISTVM post præuisionem culpam Protoparentum, prædestinatum esse, alias nunquam futurum, si Protoparentes non peccassent; quod ille expressissimè definit 3. p. q. 1. A. 3 & 4. Et, CHRISTO gratiæ plenitudinem constitutam, tanquam Principio Vniuersali habentium gratiam; quod docet 3. p. q. 7. A. 9. Esseq; CHRISTVM caput Ecclesiæ, quæ ex Angelis & hominibus constat; quod clarè affirmat 3. p. q. 8. A. 4; Et plenitudinem gratiæ quæ in CHRISTO est, esse causam omnium gratiarum, quæ sunt in omnibus creaturis intellectualibus: quod asserit ibidem, adducens illud Ioan: 1. *Et de plenitudine eius, nos omnes accepimus, & gratiam pro gratiâ.* Sed concordent sui sequaces Doctorem Angelicum, & seriem decretorum Diuinorum pro suo libitu adinueniant; nobis interim Scotistis certum est, CHRISTVM & prædefinitum esse ab æterno in caput omnis creaturæ, & venturum omnino fuisse per vnionem hypostaticam naturæ humanæ virginæ ad Verbum, quamuis protoparentes non peccassent. Quod, vt potè à nostris efficacissimè probatum, & stabilitum, hic suppono: cum etiam aliquantulùm id iam declarauimus Parte 1. Resolutione 1.

2. Nunc autem deducendum est pro modulo nostro, quòd hæc præuisionis & prædestinatio CHRISTI, non fuit absque simultaneâ præuisione & prædestinatione Virginis Matris eius. Indè enim habebimus; Matrem Virginem omnino immunem esse debuisse à peccato originali, in suâ Conceptione purissimâ. Hoc igitur ostendo sic. CHRISTVS, siuè consideretur vt Glorificator tantum, siuè vt Redemptor & Glorificator simul, semper inuoluit naturam humanam vnitam Verbo, eamque Virgineam, Nn & pro-

& procedentem ab intactâ VIRGINE Matre; Ergò in præuisione & prædefinitione naturæ virginæ CHRISTI, vt vniendæ Verbo, prædefiniebatur simul & VIRGO Mater, à quâ ista humanitas, quatenus ista, in esse naturæ virginæ, nos glorificantis, vel post lapsum etiam restaurantis, sumenda erat. Consequentia probatur. Quia teste Apostolo ad Eph: 1. *DEVS elegit nos in ipso*, (id est, in CHRISTO) *ante mundi constitutionem, vt essemus sancti*; Sed non in ipso nisi quatenus Filio Virginis; Ergò si DEVS elegit & prædefiniuit CHRISTVM vt nostrum glorificatorem, vel restauratorem per humanitatem Virgineam vnitam Verbo, iam præiudicium simul & prædefiniuit isti humanitati CHRISTI, hanc Matrem VIRGINEM, à quâ humanitatem virgineam sumens CHRISTVS in esse naturæ, nos omnes in se, mediante hac VIRGINE de quâ sumpsit naturam, transplantaret vt palmites in veram vitem, idq; verè & realitèr, seruatis tamen seruandis, scilicet sumptione Eucharistiæ, quæ idè etiam Adamo non peccante, in illo statu innocentie instituta fuisset, vt docet Doctor Subtilis, & cum eo omnes sui discipuli, & stante lapsu, mediante Baptismo nos regenerante, qui solus paruulis sufficit; & communionem corporis CHRISTI virginiei, in adultis requisitâ. Ità quòd (vt hanc consequentiam clariùs explicem) ab executione, quam seruauit caput nostrum CHRISTVS in nostrâ glorificatione & redemptione, liceat venari DEI primam intentionem circa nos, & ipsum CHRISTVM caput nostrum, sic CHRISTVS consideratus vt Redemptor, in eo posuit vim totam nostræ redemptionis, quod nostram naturam corruptam per fermentum concupiscentiæ, & animalizatam, seu carnalem & belluinam effectam, fecit renasci, & in seipsum transplantari, tum mediante regeneratione per Baptismum, tum mediante suæ carnis virginæ in nos, & nostræ in suam carnem transitione, per Eucharistiæ, realitèr carnem virgineam CHRISTI continentis, participationem, quod & in glorificatione nostrâ fecisset, instituendo Eucharistiæ, vt dixi; Ergò CHRISTVS consideratus vt caput nostrum, & in quo, vt loquitur Apostolus, electi sumus vt essemus Sancti, omninò debuit destinari ad carnem virgineam: non debuit autem eius caro ità fuisse producta, sicut caro Adæ de limo terræ; quia tunc nostra natura in CHRISTVM non infereretur tanquam palmes in vitem, vel oleaster in oliuam, loquendo verè & realitèr; Ergò debuit carnem sumere de Virgine, vt eâ subministrante materiam carnis, in eâ & per eam, verè & realitèr humana natura transfiret in glorificatorem, & stante lapsu, restauratorem suum CHRISTVM; atque ità si in eo sita erat totius naturæ nostræ glorificatio & reparatio, sequitur quod in illâ æternâ prædefinitione CHRISTI in caput nostrum, etiam prædefinita est simul hæc Mater CHRISTI, & etiam nostra. Et per hoc nedùm consequentia illa, sed & antecedens assumptum, ex quo illata erat hæc consequentia, manet declaratum.

3. Confirmatur iste discursus per Magistrum sententiarum in 3. dist:

4. vbi

4. vbi sic de mente Sanctorum Patrum, loquitur. *Modus iste, quo natus est CHRISTVS de MARIA sicut Filius, & de Spiritu Sancto non sicut Filius, insinuat nobis gratiam DEI, quâ homo nullis meritis præcedentibus, in ipso exordio naturæ suæ, quo esse capit, Verbo DEI copularetur, in tantam Personæ unitatem, ut idem esset Filius DEI, qui Filius hominis, & Filius hominis, qui Filius DEI.* Vbi (vt vides) Magister vult, idcirco CHRISTVM Filium Virginis factum esse, vt nostram naturam adhuc in exordio suo, quo esse cœpit, id est propagatione de Virgine, quæ erat ex primæuâ intentione Creatoris, si Adam peccando eam non peruertisset, suæ naturæ de Virgine sumptæ, infereret. Atque ita in intentione DEI, quâ CHRISTVS prædefiniebatur vt caput nostrum, etiam VIRGO Mater eius, vt eâ carnem illi ministrante, ipse fieret caput nostrum, nos glorificatiuum & restauratiuum, præuideri & prædefiniri debuit.

4. Audeo ergo dicere; quod si CHRISTVS est Saluator omnium, & maximè fidelium, (siuè de eo loquamur vt Glorificatore præcisè, siuè etiam vt Redemptore & glorificatore, stante nostro lapsu,) & saluari aliter non expedit naturæ nostræ, siuè innocenti siuè lapsæ, nisi in CHRISTVM veram vitam infereretur; & si inferi non potuit nisi sumendo carnem de Matre Virgine; iam a primo ad vltimum, non potuit præuideri CHRISTVS finè hâc Matre VIRGINE, quæ est MARIA.

5. Iam verò quomodo ex hoc sequatur VIRGINEM MATREM CHRISTI, immunem esse debuissè à peccato originali, eo ipso, quod est cum CHRISTO simul prædefinita vt mater eius, quâ mediante omnes alij prædestinati, siuè lapsi siuè innocentes, in CHRISTVM infererentur, doceant nos authoritates S. Scripturæ, Apostolorum, Summorum Pontificum, & Conciliorum; tum quoque, Reuelationes, Miracula, & Rationes. Insuper sententiæ Sanctorum Patrum, & Doctorum Scholasticorum. Et quidem quantum ad authoritates S. Scripturæ. Inter has primum teneat locum illa supremi Tonantis vox ad callidum serpentem Gen: 3. *Inimicitias ponam inter te & mulierem.* Hanc planè vnam consensus omnes Patres & Doctores à Lyrano citati hic, exponunt in sensu mystico de Virgine gloriosâ, innixi illi Regulæ S. Bernardi Ser: in 12. Apocalypseo, dicentis. *Beata Virgo, mysticis est præfigurata miraculis, & oraculis prænunciata Prophetis, quam Sacerdotalis virga, dum sinè radice floruit; quam Gedeonis vellus, dum in medio siccæ aræ maduit; quam Orientalis porta, quæ nulli vnquam patuit, præsignabat.* Conformitèr igitur ad mentem D. Bernardi, intelligendum est, inimicitias maximas factas fuisse inter capitalem naturæ humanæ hostem & Virginem Beatam, DEO sic disponente, quæ tamen venenosum caput eius conterere debuerat, ne sub potestatem eius aliquandò caderet. Iuxta illud. *Ipsa conteret caput tuum.* Sed non benè hoc quadraret Virgini, si vnquam peccato originali obnoxia fuisset, nescio enim qualiter caput serpentis contriuisse diceretur, si sub potestatem

testatem eius, æque ac aliæ mulieres caderet, & ab eo prius vel per vnicum instans, prostrata fuisset, quem tamen ex oraculo Diuino omnino debuerat prostrasse, Ergo &c. Succedat illud Psal: 36. *Cum ceciderit, non collidetur, quia Dominus supponit manum suam.* Quæ verba applicando Virgini Mariæ S. Bonauentura in 3tio, Dist: 3. Quæst: 2. ait. *Alij post casum erecti sunt, Virgo quasi in ipso casu sustentata est, ne caderet.* Tum illud Psal: 45. *Sanctificauit tabernaculum suum altissimus.* Quod sanctificium exponens S. Vincentius Ferrerensis Ordinis Prædicatorum ser: 1. de Natiu: Virg: ait. *Quando corpus Beate Virginis fuit perfecte organizatum, & anima illi coniuncta per creationem, tum altissimus sanctificauit tabernaculum suum.* Et idem exponens illud Gen: 1. *Fiat lux;* Ser: 2. de eadem Natiu: Virg: dicit. *Non credatis quia fuerit sicut in nobis, qui in peccatis concipimur, sed statim ac anima fuit creata, fuit sanctificata.* Similiter Psal: 66. dicitur. *Gloriosa dicta sunt de te ciuitas DEI;* homo natus est in eâ, & ipse fundauit eam altissimus. Quam foundationem explicans D. Anselmus Lib: de concep: Virg: Cap: 6. ait. *Si fundamentum illius, scilicet primordium conceptionis Beate Mariæ, corruptum fuit, ipsi certè structuræ non congruebat.* Similiter Proverb: 17. dicitur. *Gloria filiorum, Parentes eorum &c.* Quæ verba ipse Doctor Angelicus applicans Beate Virgini 3. p. Q. 21. A. 4. dicit. *Beata Virgo, non esset idonea Mater DEI, si peccasset aliquando, quia ignominia Matris, ad filium redundasset.* Duplicitèr autem peccamus. Imò, in personâ propriâ. Iuxta illud 2di Paralip: 6to. *Non est homo, qui non peccat.* Secundò, in Adam. Iuxta illud ad Rom: 5. *In quo omnes peccauerunt.* Tunc ego. Sed Beata Virgo ab omni peccato actuali, etiam veniali, immunis fuit, iuxta communem omnium Doctorum & Ecclesiæ sensum, & hoc ideò, quia non esset idonea Mater DEI, si peccasset aliquandò actualitèr; Et tamen non euasisset ignominiam, si peccato originali contaminata fuisset, quæ ignominia non minus vergeret ad filium, ac ignominia ex peccato actuali contracta, Ergò ne in hoc simus contrarij sententiæ Doctoris Angelici, procul repellimus à Virgine omne peccatum, tam scilicet actuale quam originale. Similiter Baruch 5to dicitur. *Circumdabit te DEVS diploide iustitiæ, & imponet mytram capiti tuo honoris æterni; DEVS enim ostendet splendorem suum in te, qui sub celo est, nominabitur enim nomen tuum à DEO in sempiternum, pax iustitiæ & honor pietatis.* Quem textum exponens noster Lyranus, ait, quod esset hyperbolicus, si intelligeretur de Synagoga, sed planus & sanus, si intelligatur de CHRISTO & Ecclesiâ, cum omnibus membris suis. Tunc ego. Sed Virgo Maria, sicut in regulis prædestinationis æternæ simultanea erat CHRISTO filio suo, ita primatum tenet inter omnia membra capitis huius, nimirum CHRISTI; Nam splendor DEI, est CHRISTVS, vt habetur ad Hebr: 1. Splendor vero CHRISTI, est Maria, à quo in eam deriuata est omnis innocentia, adeò vt nominetur immaculata, pura, & beata, in sempiternum; Iuxta illud quod ipsa de se protulit Lucæ 1. *Beatam me dicent, omnes genera-*

generationes
os explic
hunc textu
dantiâ gra
ri modo a
lomonis;
Setim, qu
per Deuto
6. S
Hæc B. A
refert se à
Cerdanus C
ti in præse
subscribit
Sancti An
puritate spl
dine, nulla
nulla matu
rutilant.
Libro Passi
ta concep
iâ terrâ fact
natus CHR
tium eiusde
manum dam
à communi or
Maria, nost
corporea; ni
Niuei cand
les, ob pecca
quam carne
/unt, non ba
Et Adæ pec
S. Mathia
à peccato on
celum & t
vno Patre,
remedio pas
passio plus
peccato non f
creature con
ita, hæc in
ample laudat

RESOLVTIO PRIMA.

145

generationes. Ergò benè de eâ textus adductus intelligitur, vti hoc clari-
us explicat Franciscus de Vellasco cum suis collegis Complutensibus, totum
hunc textum exponens luculenti stylo de carentiâ peccati originalis & abun-
dantiâ gratiæ æquivalentis Iustitiæ originali, in Virgine immaculatâ. Pa-
ri modo accommodatur puritati & excellentiæ huius Virginis Thronus Sa-
lomonis; de quo 3tij Reg: 10. Item Arca testamenti fabricata ex lignis
Setim, quæ erant imputribilia, alba, & sinè spinis. Vt docet Lyranus su-
per Deutoron: 10. Et alia huiusmodi, quæ enumerando, longus essem.

6. Succedant his testimonia Apostolorum pro immunitate Virginis.
Hæc B. Amadæus Ordinis nostri, in suâ nouâ Apocalypsi Raptu 4to & Suo,
refert se à Gabriele Archangelo didicisse. Quod etiam confirmat noster
Cerdanus Oratione de Immaculatâ Virginis conceptione, habitâ Vallissole-
ti in præsentia amplissimi auditoris, Anno 1616 die 15 Decembris. Et
subscribit Abdias Babylonicus Lib: 4. suæ historiæ. Sunt igitur hæc. Primum
Sancti Andreæ, dicentis. *Iustum & rationabile fuit, ut Mater DEI, tantâ
puritate splenderet, & tantâ pulchritudine fulgeret, ut sub DEI nostri pulchritu-
dine, nulla in terris aut in calis maior cogitari possit; Tota enim pulchra es, &
nulla macula in te est. Nihil in te horridum, nihil tetrum, omnia splendent, omnia
rutilant.* Alterum testimonium eiusdem, relatum à Presbyteris Achaiz, in
Libro Passionis S. Andreæ: quod etiam solet legi infra Octauam Immacula-
tæ conceptionis in Officio nostri Ordinis, tale est. *Quomodo de immacula-
tâ terrâ factus fuerat homo primus, necessarium erat, ut de immaculatâ Virgine
natus CHRISTVS, vitam æternam, quam omnes perdiderant, repararet.* Ter-
tium eiusdem testimonium citatur, in tenore tali. *Quando totum genus hu-
manum damnatum fuerat, totum perierat, totum priuatum erat hereditate, Tu sola
à communi omnium damnatione, præseruata fuisti.* Quartum est S. Mathæi. *Tu ô
Maria, nosti & æterna & temporalia, mortalia & immortalia, corporea & in-
corporea; nihil te latet, nihil abscondit DEVS, qui seipsum tibi aperte ostendit.
Niuei candoris es ô Maria immaculata, scirpus es nodo carens. Penas corpora-
les, ob peccatum primi parentis, in posteritatem deriuatas, pro parte & tu, tan-
quam carne corruptibili obtentâ, sustulisti; penas anime, quæ obsunt & non pro-
sunt, non habuisti.* Quintum est S. Thomæ, sic de Virgine discurrentis.
Et Adæ peccato præuiso, non fuisti eum alijs omnibus condemnata. Sextum est
S. Mathæi. *Virgo quibus meritis præcedentibus, quibus operibus præuenientibus,
à peccato omni præseruata fuit, nullis inquam; antequam esset non solum ipsa, sed
celum & terra, & ipsa natura Angelica, iam electa erat, iam si alij caderent in
vno Patre, promissum fuit remedium, alios releuandi, ipsa omnino dono DEI, &
remedio passionis filij sui, ordinata fuit, ut dono DEI, & diuinâ acceptione,
passio plus sibi præuisa proficeret, quam alijs exhibita; quibus meritis præuis, in
peccato non fuit concepta, omni gratiâ & omni scientiâ fuit impleta, nullum donum
creaturæ conueniens, fuit sibi denegatum.* Septimum est S. Marci Euangeli-
stæ, hæc in laudem Virginis pronuntiantis. *Laudatissimam Virginem, omnes
amplè laudastis, omnesq; procul dubio à laude defecistis. Si enim omnes Angelorum*
exerci-

exercitus in linguas conuerterentur, & mille annis loquerentur, quanta & qualis sit hæc Virgo quam laudamus, nunquam exprimere possent. Et idem iterum. Si omnia grana arene, si omnia arborum & herbarum folia, si omnes guttæ maris, si omnes Stelle cæli, si omnia Lilia, Rosa, & alij flores, si omnia animalia, si omnes Angelorum exercitus, & quæcunq; alia excogitari possunt, conuerterentur in linguas, & mille annis loquerentur, quanta & qualis sis, nunquam exprimere potuissent. Octauum est S. Lucæ Euangelistæ, hæc verba proferentis. Hoc non te decebat Matrem DEI, Angelorum Reginam, & à peccato originali liberam; quia ergò illo peccato, gratiâ DEI, caruisti, æquum erat, ut in viri potestatem non transmittereris. Tandem omnes Apostoli voce vnanimi, hæc ad Virginem gloriosam inducuntur locuti. Surgat arca sanctificationis tuæ, mortem non merebatur, ab omni peccato immunis, iustum saltem est, ut caro illa quæ tua est, in aliam naturam non vertatur. Testantur etiam alij permulti eximij scriptores, festum immaculati conceptus Virginæ, ab ipsis Apostolis, in Ecclesijs Patriarchalibus, institutum fuisse. Et quidem S. Iacobum minorem, Ecclesiæ Ierosolymitanæ Præsulem, hoc ibi fecisse patet, tum ex Sacra Liturgiâ illius, tum ex antiquo Breuiario, vbi habetur, Festum Conceptionis, iuxta vetustam & approbatam Ierosolymitanæ Ecclesiæ consuetudinem. Hanc eandem festiuitatem institutam à Sancto Marco Euangelistâ, per omnes Syriæ & Alexandria Ecclesias, confirmat Calendarium Alexandrinum. Denique Virginem gloriosam absque peccato originali fuisse conceptam, & ita ab Apostolis prædicatam, patet ex illo peruetustissimo Hymno Marci Maximi Episcopi Cæsaraugustani, sub annum 601. viuentis, in quo hæc posuit verba. Conceptionis hinc diem, Iacobus Hispanos docet, Et prædicat seu ceteri, Quæcunq; labe liberam. Quod etiam confirmat Lucius Dexter in fragmentis annorum CHRISTI, ad annum 300 dicens. A Iacobi prædicatione, celebratur in Hispaniâ festum immaculatae & illibatae Conceptionis DEI genitricis Mariæ. Sed ut pro hac materia concors omnium & synodalis sententia, præcipue verò D. Petri Capitis Apostolorum, habeatur, recurramus ad testimonia Summorum Pontificum.

7. Itaque inter hos principem teneat locum, primus post CHRISTVM Pontifex S. Petrus Apostolus. Hic conuocato Concilio Apostolorum Ierosolimis, Anno salutis 44. sic de Virgine ex mente omnium, fatur. Illa Virgo, illa Maria, illa Sancta, in instanti suæ conceptionis, fuit ab originali peccato præseruata. Ita refert Lezagna in Apol: pro Immaculatâ Concept. & Vellasco in defens: Tom: 1. Dist: 2. Cap: 2. Succedat huic D. Gregorius Magnus, qui in 1. Reg: Cap: 1. ait. Mons sublimis Maria, quæ ut ad conceptionem æterni Verbi pertingeret, meritorum verticem, supra omnes Angelorum choros, usq; ad solium DEI tatis, erexit. Similiter S. Leo Papa Epist: ad Pulcheriam Augustam, hæc de Virgine scribit. Sacramentum reconciliationis nostræ, ante tempora æterna dispositum, nullæ implebant figuræ, quia nondum superuenerat Spiritus Sanctus in Virginem, nec virtus Altissimi obumbrarat illi, ut intra intemerata viscera, edificante sibi Sapientiâ domum, Verbum caro fieret. Similiter Sixtus 4tus in suâ

Bullâ

Bullâ editâ Anno 1482. quæ incipit, *Graue nimis &c.* decernit, asserta illorum qui dicebant, Ecclesiam Romanam, de spiritali duntaxat conceptione & sanctificatione Virginis gloriosæ, Festum celebrare, esse falsa, erronea, & à veritate aliena; ibique vult festum huiusmodi, non tam de Conceptione spiritali quam de naturali, cum Octauâ celebrari. Idem in Bullâ alterâ, Anno 1483. editâ, quæ incipit, *Præcella &c.* hortatur fideles ad gratias Deo reddendas, pro tam mirâ Virginis Conceptione. Deinde colentibus hoc mysterium, elargitur indulgentias. Hic etiam fecit erigi Capellam Romæ ad Basilicam SS. Apostolorum, in honorem Immaculatæ Conceptionis Beatæ Virginis Mariæ. Pari fauore profecutus est sententiam nostram Innocentius Octauus, sub quo Ordo Immaculatæ Conceptionis Beatæ Virginis, initia sumpsit, in anno 1489. Huic deinde succedens Alexander sextus, Bullæ illi Sixti 4ti, *Graue nimis &c.* Constitutionem suam apposuit, & robur fecit. Idem plures Confraternitates in honorem immaculati conceptus virginiei, instituit, subdens in suâ Bullâ, Animam Virginis in conceptione, illibatam fuisse. Tandem Iulius secundus confirmauit Regulam Monialium immaculatæ Conceptionis, in cuius Cap: 1. dicitur. *Genitricis DEI, immaculatam conceptionem venerantes &c.* Et ibidem habetur. *Pallium sit hyacinthini coloris, propter mysticam significationem, quod scilicet gloriosæ Virginis anima, à creatione suâ, tota sancta fuit.* Et in Cap: 3. subditur. *Animam Beatæ Virginis, in primo conceptionis momento, insignitam fuisse gratiæ decoramento.* Et denique Cap: 4. committit idem Pontifex, easdem Moniales, regimini Fratrum Minorum, hanc ponens rationem; *Quia (inquit) prædicti Fratres, indefesso studio & vigilantia, perpetui extiterunt huius Virginis priuilegij, defensores.* Huic Pontifici successit Leo decimus, qui plura Tempia sub titulo immaculatæ conceptionis Beatæ Virginis Mariæ, extruxit. Idem Ordini S. Benedicti facultatem concessit, Festum immaculatæ conceptionis cum Octauâ solennitèr celebrari, etiam tempore Interdicti, non aliter ac festum sacratissimi Corporis CHRISTI. Quod postea extendit ad omnes Ecclesias Hispaniæ, addendo indulgentias deferentibus Icones Immaculatæ conceptæ Virginis. Subsecutus est hunc Adrianus sextus, qui Bullâ editâ anno 1522. quæ incipit, *Romanus Pontifex &c.* Regiam Confraternitatem Toletanam, in honorem immaculatæ huius conceptionis institutam, approbavit. Cuius quidem Confraternitatis, primus Confrater extitit, Carolus quintus Imperator. Idem postea instituens Festum Sanctæ Annæ, in suâ Constitutione, hæc ponit verba. *Iubemus celebrari Festum Sanctæ Annæ, ut memoria habeatur purissimæ conceptionis eius filię; in cuius ventre fuit anima Mariæ creata, in maiori gratiâ quam Adami vel Eue, quam Angeli etiam aut Archangeli, Cherubim aut Seraphim, qui cum naturâ gratiam acceperunt; hæc enim ad maius præ illis ministerium, eligebatur & creabatur.* Successit huic Clemens septimus, qui officium immaculatæ Conceptionis, à Francisco Quinnonio Cardinali compositum, approbavit, & Priuilegia Sanctimonialium huius tituli, confirmavit. Postea suc-

cessit Paulus tertius, qui eadem Priuilegia roborauit, & Concilium Tridentinum indixit, sub Iulio tertio & Pio quarto celebratum. Is quali fauore & declaratione, auxit piam nostram sententiam, mox patebit. Similiter fauit sententiæ huic Paulus quintus, qui vetuit opinionem nostræ contrariam, publicè doceri aut prædicari. Quam deindè prohibitionem Gregorius 15. ad priuata etiam colloquia extendit; Mandans vltra hæc, vt in Sacrosancto Missæ Sacrificio, ac Diuino Officio, siuè publicè siuè priuatim celebrandis, non alio quam Conceptionis nomine, vti quicumque debeat. Non minori zelo totum hoc promouit & innouauit, piæ memoriæ prædecessor moderni Clementis noni Pontificis, nunc feliciter & vtinam ad multos annos Ecclesiam gubernantis, Alexander septimus, qui in suâ Bullâ anno 1661. die 8. Septembris, editâ, quæ incipit, *Sollicitudo omnium Ecclesiarum* &c. hæc genuina ponit verba. Nos considerantes, quod Sancta Romana Ecclesia, de intemerata semperq; Virginis Mariæ Conceptione, festum solemniter celebrat, & speciale ac proprium super hoc officium olim ordinauit, iuxta piam, deuotam, & laudabilem institutionem, quæ à Sixto IV. prædecessore nostro tunc emanauit; volentesq; laudabili huic pietati, & deuotioni, & festo, ac cultui secundum illam exhibito in Ecclesiâ Romanâ, post ipsius cultus institutionem nunquam immutato, Romanorum Pontificum prædecessorum nostrorum exemplo, fauere, nec non tueri pietatem, & deuotionem hanc, colendi & celebrandi Beatissimam Virginem, præueniente scilicet Spiritus Sancti gratiâ, à peccato originali præseruatam, cupientesq; in Christi Grege unitatem spiritus in vinculo pacis, sedatis offensionibus, & iurgiis, amotisq; scandalis, conseruare, ad præfatorum Episcoporum cum Ecclesiarum suarum Capitulis, ac Philippi Regis, eiusque Regnorum, oblatam Nobis instantiam ac preces, Constitutiones, & Decreta, à Romanis Pontificibus prædecessoribus nostris, & præcipue à Sixto IV. Paulo V. & Gregorio XV. edita, in fauorem sententiæ asserentis, animam Beate Mariæ Virginis, in sui creatione, & in corpus infusione, Spiritus Sancti gratia donatam, & à peccato originali præseruatam fuisse, nec non, & in fauorem festi & cultus, Conceptioni eiusdem Virginis Deiparæ, secundum piam istam sententiam, vt præfertur, exhibiti, innouamus, & sub censuris, & penis in eisdem Constitutionibus contentis, obseruari mandamus. Et insuper omnes, & singulos, qui præfatas Constitutiones, seu Decreta, ita pergent interpretari, vt fauorem per illas dictæ sententiæ, & festo, seu cultui, secundum illam exhibito, frustrentur, vel qui hanc eandem sententiam, festum, seu cultum, in disputationem reuocare, aut contra ea, quoquo modo, directè, vel indirectè, aut sub quouis prætextu, etiam definibilitatis eius examinandæ, siue Sacram Scripturam, aut Sanctos Patres, siue Doctores, glossandi, vel interpretandi, deniq; alio quouis prætextu, seu occasione, scripto, seu voce, loqui, concionari, tractare, disputare, contra ea quicquam determinando, aut asserendo, vel argumenta contra ea asserendo, & insoluta relinquendo, aut alio quouis excogitabili modo differendo, ausi fuerint, præter penas, & censuras, in Constitutionibus Sixti IV. contentas, quibus illos subiacere volumus, & per præsentis subijcimus, etiam concionandi, publicè legendi, seu docendi, et interpretandi facultate, ac voce actiuâ, et passiuâ, in quibuscunq; electionibus, eo ipso, absq; aliâ declaratione, priuatos esse volumus, nec non

ad

RESOLVTIO PRIMA.

149

ad concionandum, publicè legendum, docendum, et interpretandum, perpetua inhabilitatis poenas, ipso facto incurrere, absq; alia declaratione, à quibus poenis nonnisi à Nobis ipsis, vel à successoribus nostris Romanis Pontificibus, absolui, aut super ijs dispensari possint: necnon eosdem alijs panis nostro et eorundem Romanorum Pontificum successorum nostrorum arbitrio infligendis, pariter subiacere volumus, prout subijcimus, per praesentes, innouantes Pauli V. Gregorij XV. superius memoratas Constitutiones, seu Decreta. Ac libros in quibus praefata sententia, festum, seu cultus, secundum illam in dubium reuocatur, aut contra ea quomodocunq; ut supra, aliquid scribitur, aut legitur, seu locutiones, conciones, tractatus, et disputationes, contra eadem continentur, post Pauli V. supra laudatum Decretum edita, aut in posterum quomodolibet edenda, prohibemus, sub panis, et censuris in Indice librorum prohibitorum contentis, et ipso facto absq; alia declaratione, pro expresse prohibitis haberi volumus, et mandamus. Ex quibus omnibus patet grauitas piaë nostrae sententiae. Sed iam procedamus ad Concilia.

8. Horum primum, nimirum Ierosolymitanum sub S. Petro Apostolo celebratum, quid senserit de Immaculatâ Virginis Conceptione, patuit modo numero 7. Innixum deinde menti illius Concilium Basileæ, sic puritatem virginei conceptus Sess: 36. encomiat. Doctrinam illam, disseminantem, Virginem DEI genitricem Mariam, praeueniens & operante Diuini numinis gratiâ singulari, nunquam actualiter subiacuisset originali peccato, sed immunitatem semper fuisse ab omni originali & actuali culpa, Sanctamq; & immaculatam, tanquam piam & consonam cultui Ecclesiastico, Fidei Catholicae, rectae rationi, & Sacrae Scripturae, ab omnibus Catholicis approbandam fore, tenendam, & amplectendam, definimus & declaramus. Similiter Concilium primum Lateranense Consult: 5. Can: 3. ait. Si quis, secundum Sanctos Patres, non confiteatur, proprie & secundum veritatem, DEI genitricem Sanctam semperq; Virginem & immaculatam Mariam, quae ipsum Verbum DEVM specialiter & veraciter, qui à DEO Patre, ante omnia saecula natus est, in ultimis saeculorum, absq; semine concepisse ex Spiritu Sancto, & incorruptibiliter eum genuisse, indissolubili permanente & post partum eiusdem virginitate. Condemnatus sit. Vbi Concilium aperte virginem dicit esse Immaculatam. Et nouissimè Concilium Tridentinum Sess: 5. in fine Decretorum de peccato Originali, hæc apponit verba. Declarat tamen hæc ipsa sancta Synodus, non esse suae intentionis, comprehendere in hoc Decreto, ubi de peccato Originali agitur, beatam & immaculatam Virginem Mariam, DEI genitricem, sed obseruandas esse constitutiones felicitis recordationis Sixti Papae quarti, sub panis in eis Constitutionibus contentis, quas secundò innouat. Quæ quidem declaratio Concilij, ita fauet nostro proposito, ut illi soli innixi, illud intrepidè euulgemus. Cum enim in corpore ipso Decreti, seriò definiuerit illa Synodus, peccatum originale, per viam propagationis, in omnes Adæ posteros transfusum esse, eumque acceptam sanctitatem & iustitiam, nedum sibi soli sed etiam omnibus nobis perdidisse, iam excipiens ab hoc Virginem, sentit eam ab Adamo nequaquam dependisse, ita quod Adam eam nec respiciat ut filiam, nec ipsa Adamum

Pp

vt Pa-

vt Patrem. Quare siue ille peccauerit siue non; non erat necesse Virginem ab eò omninò dependere, tam in esse naturæ, quam in esse gratiæ vel culpæ; & hoc maximè verum esse debet in nostrâ sententiâ, quâ tenuimus, Adamum nunquam futurum fuisse Patrem humani generis, ex intentione primæuâ DEI, si non peccasset. Hanc ego Concilij mentem, haurio ex Cornelio Musso Episcopo Bitontino Ordinis Nostri Concionatore egregio, in Concilio tunc præsentē: cuius ibi tantum valuit authoritas, vt teste Possuino in Apparatu Sacro, commissā illi fuerit à totâ Synodo, Decretorum Concilij compilatio. Hic igitur tantæ authoritatis vir, in Caput 5. Epistolæ ad Romanos, volens immunitatem Virginis, nedum à peccato Originali, sed etiam à debito illius, asserere, audacter affirmat, quod quantum ad istam de quâ ibi loquitur Concilium, transfusionem culpæ, non fuerit Virgo Adæ filia. Hæc pro Virgine immaculatâ, agunt Concilia.

9. Confirmat cælum terrena consilia, dum per reuelationes reddit indubios assertores conceptus immaculati, suæ & incolarum suorum Regi-
næ. Nam B. Birgitta Lib: 1. suarum Reuelationum, & Lib: 6. Cap: 9. refert, Purissimam Virginem, ita se allocutam fuisse. *Veritas est, quod ego concepta fui sine peccato originali, & non in peccato originali.* Et Lib: 6. Cap: 45. & 55. hæc ex ore eiusdem Virginis secretè accepisse, testatur. Scito quod conceptio mea non omnibus nota fuit, quia voluit DEVS, quod sicut ante Legem scriptam præcessit Lex naturalis, & electio voluntaria boni & mali, & postea veniret Lex scripta, quæ cohiberet omnes inordinatos motus; sic placuit DEO, quod amici sui, pie dubitarent de conceptione meâ, & quilibet ostenderet zelum suum, donec veritas claresceret, tempore ordinato. Quantæ autem authoritatis sint istæ Reuelationes, vel ex indè colligendum est, quod à Gregorio nono, præmissō examine trium Cardinalium & quatuor Doctorum, approbatæ sunt. Et iterum ab Urbano sexto, præmissō examine Sex Cardinalium & Septem Doctorum Theologorum. Et denique à Bonifacio nono, confirmatæ, ab vniuersali Ecclesia acceptantur. Similiter testatur Beata Melchitildis, se reuelatione, hæc à Virgine gloriosâ accepisse. *Reuoca mihi in memoriam, gaudium illud quod ego experior, siquidem me DEVS dignissime super omnes Angelos omnemq; aliam creaturam, honorauit, dum ab illâ borâ, quâ Animam meam corpori infudit, me Spiritu Sancto repleuit, qui me à peccato originali præseruando, ita totam mundam reddidit, vt singulari sanctificatione me in suum sacrarium elegerit, effeceritq; vt sicut Rosa absq; spinâ, et sicut lucidissima Stella, mundo illuxerim.* Similiter Sancta Elisabeth ait, se per reuelationem didicisse, Immaculatam fuisse Conceptionem Beatæ Virginis Mariæ. Pari pietate testatur miræ sanctitatis vir Elsinus Abbas Rhemensis, se hoc idem diuinitus rescivisse. Dum enim in præsentissimo naufragij periculo existeret, & pro se ac nautis, Sancti Nicolai opem inuocaret, ait se aduertisse Sanctum Nicolaum, mirâ claritate præfulgentem, & referentem, sibi à Beatâ Virgine commissum esse, vt periclitantibus portum, naufragantibus opem, inuocantibus subsidium, desuper asportaret, hac solum-

modò

modò eblatâ conditione, vt in posterum, Festum Immaculatæ Conceptionis Beatæ Virginis Mariæ, singulis annis, die Octauâ Decembris, celebrarent. Ad sunt plura huiusmodi testimonia, quæ breuitatis causâ omitto.

10. Nec defuere miracula, quibus DEVS tantum mysterium firmare voluit, prout & nunc sæpissimè, etiam damno alieno, contingunt. Nam ultra illud hætenus perseverans, quod anno 1300. Lutetiæ Parisiorum, Statua Marmorea Beatæ Virginis, caput inclinauerat venerabili seruo DEI Ioanni Duns Scoto Doctori Subtili, tunc ad certamen pro Immaculatâ Conceptione eius descensuro; accidit in Hispaniâ res magnâ admiratione digna. Mandauerat Concilium Toletanum, Sexaginta sex Episcoporum, Missale antiquum à S. Isidoro reformari. Operi ille accinctus, reformauit, inferens Officium Immaculatæ Conceptionis, sub titulo, Officium proprium Mundæ Conceptionis Mariæ. Mox tentatum à quibusdam, vtamoto illo Missali S. Isidori, aliud Gregorij Septimi, substitueretur. Sed prædominante affectu Cleri populique erga insertum Officium Immaculatæ Conceptionis, tumultus excitari cepit, ad quem sopiendum, consultum erat, vt vtrumque Missale conijceretur in ignem, quatenus DEVS, illud conseruando quod obseruari placeret, aliud flammæ committeret. Factum est. Et ecce cunctis spectantibus, Missale Sancti Isidori, illæsum penitus & intactum, supra omnes flammæ incendij prosiliit, illud verò aliud, in fauillam subito redactum est. Ita refert Baronius ad annum 663. Similiter accidit nostro Alexandro Alensi Doctori Irrefragabili, alioquin vitæ sanctimoniâ & doctrinæ excellentiâ, omnibus suis cõtemporaneis adeò præcellenti, vt Fons vitæ & Doctor Doctorum sit vocitatus. Is dum in Festo Immaculatæ Conceptionis, cæleste hoc Virginis priuilegium impugnare tentaret, mox tantis doloribus inuaditur, vt semimortuus fuerit de Cathedrâ extractus, sed paulò post sui compos factus, voto emissõ scribendi Librum pro immunitate Mariæ, ac Palinodiam cantandi contra ea quæ 3. Sent: Libro in oppositum dictauerat, protinus conualuit. Prætereo alia sexcenta, quæ tum ex probatis authoribus, tum ex viuâ experienciâ, præsto adsunt. Non solum etenim inter politiores status, sed inter rudem quoque plebeculam, permulti palam recognoscunt, se vel in semetipsis sensisse, vel in vicinis aduertisse, quemlibet ab inuocatâ Virginis Immaculatæ Conceptæ ope, Oculos, Pedes, Manus, ac nonnunquam integri corporis sanitatem, miraculosè obtinuisse. E contra verò, ipsi oppositæ sententiæ fautores, fidem dare sincerè deberent, se occasione actualis contrarietatis, non solum bonorum corporis, sed etiam fortunæ, grauem toties subijsse iacturam; cum non longè absint, qui huiusmodi assertam materiam, tacitè ventilantes, & sub sigillis huc illucque vagari facientes, vt secretè quidpiam oppositi intra zelosissimos pro parte piâ animos, inuehere possent, ex modicâ vani conatus scintillâ, ingentem flammam intra proprios parietes, facilius tamen extingubilem, forte in præcautionem maioris & difficilioris, si faciliores & acriores in agendo fuerint, sub illud ipsum tempus, quo talia

*Missale in quo
Conceptionis Officiū
est in igne con-
sumptum*

tentare præsumebant, senserunt. Sed sinamus miracula, quæ iam tot assiduitatibus vilescere videntur. Eamus ad rationes.

II. DEVS gloriosus, cum sit agens Omnipotens & optimum, Virginem gloriosam à peccato originali præseruare, & potuit & voluit, & talis præseruatio Virginem decuit, Ergò rationabiliter sustineri potest, talem præseruationem eius de facto contigisse. Antecedens, & maximè quoad posse Diuinum, patet. Nulla enim videtur implicantia, ob quam DEVS non potuerit ita præuidisse Mariam, vt nullo modo fuisset filia naturalis Adæ, nimirum creando illam, vel sinè Patre & Matre, immediate ex terrâ virgine, sicut creauerat Adamum, vel excipiendo illam in suâ Diuinâ intentione à Lege generali mortis & peccati, sicut excepit Noë à diluuiò vniuersali; vel infundendo ei Gratiâ Sanctificantem, in instanti animationis, ita vt simul fuerit grata DEO ac filia naturalis Adæ, vt communis docet sententia, vel denique faciendo eam concipi ex solâ Matre cooperante Spiritu Sancto, sinè commixtione Patris, sicut fecit incarnari CHRISTVM, vt ego intendo probare; Ergò cum hoc totum potuerit facere DEVS, non video quare non fecerit aliquod circa Conceptionem Virginis. Quantum etiam ad velle Diuinum, patet Antecedens. Nam DEVS, ex eò quod est optimum viuens & sempiternum, illud semper intendit & vult, tam in naturalibus quam in moralibus, quod melius, sanctius, & perfectius est. Et hoc fatetur præ alijs Doctor Angelicus I. par. Quæst. 41. vbi comparando quodammodo Naturam cum DEO, dicit. *Natura fecit, quod melius est, multo magis DEVS.* Et D. August. Lib. de Liber. arb. Cap. 5. ait. *Quidquid tibi verâ ratione melius occurrerit, hoc scias fecisse DEVM, tanquam bonorum omnium conditorem.* Et idem Lib. contra aduers. Legis Cap. 14. *Vsque adeo desipiendum est, vt homo videat, melius fieri debuisse, et DEVM credat facere noluisse.* Et S. Cyril. Alexan. Lib. I. Thesaur. Cap. 1. ait. *Omnia Pater potest, et meliora semper vult.* Sed multo melius, sanctius, & perfectius est, Virginem gloriosam concipi & nasci vt filiam gratiæ, gloriæ, & Diuinæ prærogatiuæ quam vt filiam iræ, vindictæ, pænæ, & gehennæ; melius enim est, concipi vt filiam DEI, ex semine gratiæ, quam vt filiam Diaboli, ex semine peccati, Ergò sicut hoc facere DEVS vt Omnipotens, potuit, ita vt optimus, voluit. Quantum denique ad decentiam facti, probatur. Tenent Legistæ, quod decet vt Mater gaudeat priuilegio filij, & per oppositum, dedecet filium purissimum concipi & habitare in corpore aliquandò subdito peccatis; Sed DEVS Pater, vnicum filium suum, quem æqualem sibi ab æterno genuit, & tanquam seipsum dilexit, ita Beatæ Virgini dare disponebat, vt naturaliter esset vnus idemque communis DEI Patris & Virginis Matris filius, Ergò quæcunque priuilegia puritatis habuit DEI filius, iisdem decuit gaudere Matrem eius. Tum quia Virgo Maria debuit supra omnes excellere, ex priuilegio Moternitatis DEI. Juxtà illud Lucæ I. *Benedicta tu inter mulieres; seu vt explicat S. Hieronymus; Plus benedicta quam omnes mulieres.*

Sed

RESOLVTIO PRIMA.

159

Sed Eux fuit concreata Iustitia Originalis, Ergò multò magis decuit eam, vel saltem gratiam æquivalentem, concreari Beatæ Virgini, alias non fuisset idonea Mater DEI, ratione cuius prærogatiuæ, debebat omnes alias præcellere, quia debebat concipere speciosum formam præ filijs hominum; ut dicitur Psal: 44. & innocentem, impollutum, ac segregatum à peccatoribus; ut dicitur ad Hebr: 7. Partus autem, ex Viro robur, ex Fæminâ verò, formam venustatemque accipit; ut volunt Aristotelici; Ergò qualis venustas competeat CHRISTO, talem poscebat Maria Mater eius, Sed datâ labe peccati qualiscunque in Virgine, iam CHRISTVS secundum carnem, non habuisset venustatem à Matre, imò dehonestaretur ab eâ, consequenter caro eius non fuisset similis carni maternæ, cum peccatum originale, sit habitus dissimilitudinis ad DEVM, homini ingenuus; iuxta D. Dyonisiū Cap: 2. de Eccl: Hierarch: Ergò &c. Tum quia Virgo gloriosa debuit esse idonea habitatio DEI: Non enim hominibus præparabatur, sed DEO; idque loquendo non de habitatione manu factâ, sed de spirituali, cuiusmodi est quævis anima sancta. Juxta illud ad Hebr: 3. *CHRISTVS tanquam filius in domo suâ, quæ domus sumus nos.* Sed datâ quacunque notâ peccati in Virgine, iam non fuisset idonea habitatio DEI in eâ; Et tamen certum est, quod habitauit in illâ duplici speciali modo præ cæteris sanctis, nam in cæteris habitauit per vnionem gratiæ partitæ ad certam mensuram tantum; ut dicitur ad Ephes: 4. idque spiritualiter solummodo, in Virgine autem habitauit per vnionem gratiæ plenæ, ad vincendum omni ex parte peccatum, & per Incarnationem, Ergò debuit sibi idoneum facere tabernaculum suum, per specialem sanctitatem; alias magis appretiarer, tabernaculum manu factum, quod prohibuit pollutis manibus, quamuis iam per poenitentiam ablutis, ædificari; ut habetur primi Paralip: Cap: 28. Tum quia D. Anselmus Lib: Cûr DEVS homo Cap: 6. ait. *An infirma aut impotens fuit DEI sapientia & virtus, ut non sibi potuerit mundum præparare habitaculum?* Sed hæc ignorantia aut impotentia, non est tenenda de DEO, ut iam deduximus supra, & constat ex secunda ad Corinth: 9. vbi dicitur; *Potens est autem DEVS, omnem gratiam abunde facere in vobis.* Ergò &c. Tum quia Beata Virgo de facto excellit maiori gloriâ, omnes Angelorum choros. Juxta illud Ecclesiæ Vniuersalis in Festo assumptionis eius, decantantis. *Exaltata est Sancta DEI genitrix, super choros Angelorum &c.* Excellit etiam omnes sanctos. Ut constat ex eius Litanijs Lauretanis à Clemente Octauo approbatis, vbi dicitur, *Regina Sanctorum omnium.* Sed nullus sanctus excellit alium in gradibus gloriæ in Patriâ, nisi plures meruerit gradus gratiæ in viâ. Ut vult Concilium Trident: Sess: 6. Can: 32. Iam autem Angeli, plures haberent gradus gratiæ, quam Virgo Beata, ex quo nullo vnquam peccato actuali vel originali inquinati fuere, ipsa autem aliquandò fuisset infecta peccato originali, Ergò &c. Tum quia D. Thomas 3. par: Quæst: 17 A. 4. probat, in Virgine nullum fuisse peccatum actuale veniale vel mortale, ex eo quod

Belial nullam habuit conuentionem cum CHRISTO in Beatâ Virgine. Iuxta illud 2. ad Corint: 6. *Quæ enim participatio Iustitiæ cum iniquitate, aut quæ societas Luci ad tenebras, aut quæ conuentio CHRISTI ad Belial?* Et etiam ex eo, quod nullæ tenebræ actualis iniquitatis, participarunt in Beatâ Virgine cum Iustitiâ & luce CHRISTI: cum inter Lucem & tenebras, Vespere & mane, ab initio creationis mundi, semper fuerit diuisio. Sed per eadem media, multò fortius probari potest, in Virgine gloriosâ, nunquam fuisse peccatum originale. Quia inter CHRISTVM & Matrem eius, fuit coniunctio sanguinis in primo gradu; fuit etiam singularis coniunctio DEI cum eius animâ, per vnionem gratiæ; fuit denique specialis coniunctio Diuinitatis cum totâ Virgine, propter Incarnationem Verbi & conceptionem ex Spiritu Sancto, Ergò sicut in CHRISTO ita in Virgine, nullum penitus fuit peccatum. Consequentia probatur. Participatio enim Animæ cum iniquitate, societas eius ad tenebras, conuentio ad Belial, primariò & principalitèr fit, propter peccatum Originale. Vt patet ex illo Gen: 3. *Serpens decepit me.* Et sap: 2. *Inuidiâ Diaboli, Mors intrauit in orbem terrarum.* Ergò si mors intrauit per peccatum originale, peccatum autem tale, per seductionem Diaboli, iam conuentio cum Belial, participatio cum iniquitate, societas cum tenebris, maximè fit propter peccatum originale, Sed CHRISTVS nunquam habuit conuentionem cum Belial, vt docet S. Paulus, Ergò in nullo habitaculo CHRISTI fuit peccatum originale, consequenter nec in Virgine. Sed diceret aliquis. Verum est quod asseritur, quia tunc quando Verbum caro factum est, iam nullum erat in Virgine peccatum, cum longè antè fuerit sanctificata. Ast hoc nihil valet. Si enim ad hoc, vt negemus conuentionem CHRISTICVM Belial, nullum vnquam admittimus in Virgine peccatum actuale, propter quod minor est conuentio, multò fortius nullum vnquam in eâ debemus admittere peccatum originale, propter quod maior est conuentio, alias si hoc non valeret de peccato originali, per idem non valeret de peccato actuali. Tum quia omne simile generat sibi simile, actione vniuocâ. Et sic de Adamo notat Lyranus super Sap: 7. quod si mansisset in iustitiâ originali, tunc generasset filios similes sibi, iustos, potentes non mori &c. Sed caro & Anima CHRISTI, nullam vnquam habuit iniquationem peccati originalis & actualis. Ergò signum est, quod & Mariæ Matris eius caro & anima, nullam habuit vnquam iniquationem peccati originalis & actualis, nisi quis voluerit dicere, illam fuisse Matrem CHRISTI æquiocam, quod est contra fidem. Tum quia Adam fuit figura CHRISTI venturi. Secundum illud ad Corint: 15. *Factus est primus homo Adam in animam viuentem, nouissimus Adam in spiritum viuificantem.* Et hoc certissimum est. Sicut enim Adam, est principium hominum in esse naturæ, ita CHRISTVS, est principium hominum in esse gratiæ: Sicut Adam, Diuinâ virtute est formatus de terrâ, ita CHRISTVS, Spiritus Sancti virtute est formatus ex Virgine: Sicut de latere Adæ formata est Eua sponsa

RESOLVTIO PRIMA.

155

sponsa sua, ita de latere CHRISTI formata est Ecclesia sponsa ipsius: Sicut denique Adam formatus est de terrâ mundâ & nunquam antea maledictâ propter aliquod peccatum, ita CHRISTVS formatus est de purissimis sanguinibus Virginis Immaculatæ, & nunquam maledictæ propter aliquod peccatum, Ergo necessum est Virginem eximere à peccato originali, ad hoc vt conceptio Christi sit benè figurata in Adam. Tum denique quia Ecclesia, quæ est firmamentum & columna veritatis, nunquam celebrat diem conceptionis aut natiuitatis vel mortis, alicuius contaminati peccato originali vel actuali. Juxta illud D. Aug: Ser. 113. vbi reddens rationem quare Ecclesia non celebrat diem natalis Sancti Cypriani, sicut celebrat diem obitus eius, dicit. *Illo enim die, traxit originale peccatum, ista autem die, vicit omne peccatum.* Et idem ser: 95. de Sancto Stephano, discurrens quare Ecclesia colit diem natalis & passionis Christi, Martyrum autem non nisi diem passionis? Respondet. *Martyres ad mala certamina perueniunt, finientes omne peccatum.* Et D. Bernardus Epist: 173 ad Lugdunenses, de natiuitate ipsius Virginis sic scribit. *Fuit procul dubio Mater Domini ante sancta quam nata, nec fallitur omnino Sancta Mater Ecclesia, sanctum reputans ipsius natiuitatis diem, & omni anno cum exultatione vniuersæ terræ, votiuâ celeb. i. ate suscipiens.* Et hanc rationem ita certam iudicauit Doctor Angelicus, vt 3. parte Q. 27. A. 2. hoc eodem medio, id ipsum probauerit. Tunc & ego sic pro Immaculatâ Virginis Conceptione. Ecclesia vniuersalis, omni anno, cum exultatione vniuersæ terræ, colit solennitèr diem Conceptionis Mariæ, Sed non coleret ipsum, si non teneret sanctam & Immaculatam Conceptionem Virginis fuisse, idè enim colit diem natiuitatis eius, quia reputat sanctam fuisse, vt iam probauimus, & nobis cum probat adhuc S. Ildephonsus Lib: de virginit: & parturit: dicens. *Virgo nisi in utero sanctificata esset, minime eius natiuitas colenda esset, nunc autem quia ex auctoritate totius Ecclesiæ veneratur, constat eam ab omni originali peccato, immunem fuisse.* Ergo sicut natiuitas Mariæ, ita Conceptio eius, sancta, pura, munda, & immaculata, sinè quouis errore vel deceptione, ab Ecclesiâ, columnâ veritatis, colitur, & à nobis non irrationabiliter prædicatur. Nec valet dicere; Ecclesiam celebrare spirituales duntaxat Conceptionem Virginis. Non valet inquam. Quia hoc reprobatur est à Sixto 4to in Bullâ *Graue nimis &c.* & ab alijs Pontificibus, vt deduximus supra. Sunt & aliæ complures nostrorum scotistarum rationes, euidentissimè & efficacissimè suum propositum probantes, quas recitare superfluum videtur. Transeundum igitur ad sententias Patrum & Doctorum Scholasticorum. Proindè.

12. Primus antè omnes propalet nobis suam sententiam Doctor Angelicus, qui insons & inuitus in oppositum trahitur à nonnullis. Hic itaque 3. p. q. 27. A. 4. ita loquitur resolutoriè & didascalicè, de Virgine Matre, electâ & prædefinitâ vt est Mater CHRISTI. *Respondeo. Dicendum, quod illos quos DEVS ad aliquid eligit, ita preparat & disponit, vt ad*

id ad quod eliguntur, inueniantur idonei, secundum illud 2. ad Cor: 3. Idoneos nos fecit ministros noui testamenti; B. autem VIRGO fuit electa diuinitus, ut esset Mater DEI, & ideo non est dubitandum, quod DEVS per suam gratiam, eam ad hoc idoneam reddiderit, secundum quod Angelus ad eam dicit; Inuenisti gratiam apud DEVM; Ecce concipies, &c. Non autem esset idonea mater, si peccasset aliquando; tum quia honor parentum redundat in prolem; secundum illud Proverb: 17. Gloria filiorum patres eorum. Vnde & per oppositum, ignominia Matris, ad Filium redundasset. Tum etiam, quia singularem affinitatem habuit ad CHRISTVM, qui ab eâ carnem accepit: dicitur autem 2. ad Cor: 6. Quæ conuentio CHRISTI ad Belial? Tum etiam, quia singulariter DEI Filius, qui est DEI sapientia, in ipsâ habitauit, non solum in animâ, sed etiam in utero; dicitur autem Sap: 1. In maleuolam animam non introibit sapientia, nec habitabit in corpore subdito peccatis. Quæ sanè resolutoria doctrina, cum loquatur de Virgine ut electâ ab æterno diuinitus, ut esset mater DEI, à fortiori remouet à virgine peccatum originale, quam actuale veniale; Licet D. Thomas expressè solum inferat negationem actualis. Vnde ansa præbita est multorum non leuis coniecturæ, hîc textum D. Thomæ esse corruptum: Si enim secundum D. Thomam hîc, Maria veniali peccato inquinata, iam non idonea esset Mater DEI, Ergo inquinata originali, de- deformiori quàm omnia actualia venialia, minùs idonea esset.

13. Sed alij præsertim doctissimi Theologi Societatis IESV, hunc textum D. Thomæ in rem nostram exposuerunt. Ideo ego supersedeo, contentus ipso fonte Angelicæ doctrinæ, quæ passim est pro Virgine, non contra. Vnde in 1. dist: 44 Q. 1. A. 3. ad tertium; & ibidem A. 1. cum hanc quæstionem proposuisset. An DEVS possit aliquid melius facere, quam fecit? Quod etiam proponit primâ parte Quæst: 25. A. 6. Occasione dictorum ibi, quærit in particulari de humanitate CHRISTI, propositâ Quæstione tertiâ sub titulo tali; An DEVS potuerit facere humanitatem CHRISTI meliorem quàm sit de facto? & ex vicinitate materiæ, in tertio argumento, sic de Virgine Matre discurrit. Videtur quod & Beatissimâ Virgine, nihil melius possit facere DEVS, quia hæc secundum D. Anselmum, debuit eâ puritate nitere, quâ sub DEO maior non potest intelligi. Quod quidem roborans in responsione ad idem Argumentum, resolutorie ait. Dicendum, quod puritas intenditur per recessum à contrario, & ideo potest aliquid inueniri creatum, quo nihil purius esse potest in rebus creatis, si nullâ contagione peccati inquinatum sit; & talis fuit puritas Beatissimæ VIRGINIS, quæ à peccato originali & actuali immunis fuit.

14. Et in eodem Imo Lib: dist: 17. q. 2. A. 4. cum sibi proposuisset difficultatem, An augmentum charitatis habeat aliquem terminum? & negasset; vltimò hoc obijcit argumentum. Beata Virgo eâ puritate nituit, quâ sub DEO maior nequit intelligi; Ergo neq. charitas eius augeri potuit. Respondet, & concessio Antecedente, negat Consequentiam. Quia (inquit) in Beatâ Virgine, fuit depuratio ab omni peccato, ideo peruenit ad summum puritatis sub DEO, in quo non est aliqua potentia deficiendi &c. Idem planè habet in secundo scripto Lib: 1.

Dist:

Dist. 44. Q. vnica A. 2. vbi ita argumentatur. Quo aliquid est purius, eo melius, Sed iuxta Sanctum Anselmum, deuit vt Beata Virgo summâ sub DEO puritate niteret; Ergo DEVS non potest facere eâ aliquid melius. Respondet. Ad secundum dicitur. Quod purius dicitur aliquid, per recessum à termino, melius per accessum ad terminum. Illud ergo quod omnino recedit ab impuritate culpæ, est ita purum, quod nihil eo potest esse purius; non tamen sequitur, quod eo nihil possit esse melius &c. Idem in Psal: 14. ait. In CHRISTO & Mariâ, nulla omnino macula fuit. Id ipsum multis alijs in locis Sanctus Doctor sensit, vt clarè deducit ex mente ipsius, zelosissimus pro puritate Marianâ R. P. Nicolaus Cichonius Societatis Jesu Theologus, in suo Libello primùm Posnanix, deindè Viennæ Austriæ, euulgato; Vbi etiam subdit, nullibi Sanctum Doctorem disertè docuisse, quod Beata Virgo non fuerit præseruata à labe originali, per gratiam æquiualentem Justitiæ Originali, in primo instanti animationis ipsi infusam. Et prouocat ibi ad monstranda huiusmodi loca, in omnibus scriptis Doctoris Angelici, si haberi possent, quæ tamen hætenus non sunt monstrata. Sed iam loquatur pro se ipse Angelicus Magister. Hic pientissimo Faustino Episcopo Paduensi, euoluenti tertiam partem suæ Summæ, visibiliter apparens, his eum allocutus est verbis. Scias Domine Episcope, quod quando talem opinionem posui, solum habui respectum ad Diuinum statutum, quo Beata Virgo, peccatum originale contrahere debuerat, nisi per filium suum fuisset præseruata; Sed DEI filius, Matrem suam ab originali maculâ, reseruauit. Ita testantur accidisse Cardinalis Baronius, Cardinalis Turrecremata, Ioannes à Fonte, Pelbartus, & alij. Hoc etiam cum suo Magistro sensit Eminentissimus Caietanus, dum tertiâ p. Q. 21. A. 2. hæc genuina profert verba. Si tenetur, Beatam Virginem non ex vi conceptionis, sed ex gratiâ singularissimâ, in ipso instanti infusionis animæ, præseruatam ab originali peccato, quod tunc incurrisset, nisi illa gratia adfuisset, nihil contra fidem tenetur, sed specialis modus redimendi ac saluandi a peccato originali, CHRISTO attribuitur, respectu suæ Matris. Subscribunt tam piæ sententiæ multi alij Doctores Scholastici; vti D. Bonauentura Doctor Seraphicus, qui Opusculo contempl: antè finem Tomi sexti, dicit. Maria fuisse mirabilem conceptionem absq. iniquatione. Et Ser: 2. de Assumpt: ait. solus filius Virginis fuit ab originali culpâ immunis, & ipsa Mater eius Virgo. Alexander etiam Alensis Lib: 5. de Immacul: Concept: Cap: 4. dicit. Maria Domina mea, rota pulchra es & formosa, & macula originalis aut actualis peccati, in te nunquam fuit. Et alij sexcenti.

14. Quod autem videantur isti Doctores in contrariam propendere sententiam, hoc ex duplici ratione processit. Primò, quia longè in alio sensu hæc materia ab eis trutinabatur, nimirum vel per respectum concubitus matrimonialis, inquirendo scilicet, An ex vi ipsius concubitus Parentum Virginis, debebat formari corpus eius naturaliter expers peccati & maculæ, omnino debitæ pro illo statu pænali, singulis per viam propagationis descendentibus ab Adam? Vel per respectum Filij, ne videlicet vndequaq;

ei assimilatur: vel per alios respectus. Vti hoc clarissimè videre est in multis locis ipsius D. Thomæ. Et præcipuè in secundo scripto, Lib: 2. Dist: 31. Quæst: Vnicâ Art: 4. vbi dicit. *Non potest contingere, quod aliquis actu naturæ ex alio propagetur, sine originali peccato, nisi ponatur natura in generante totaliter esse purgata. Et hoc erit in resurrectione; & ideo ante resurrectionem communem, nullus qui per actum naturæ generatur, potest concipi sine peccato originali.* Et in secundo Dist: 32. Q. 1. A. 2. ait. *Si baptisatus concupiscentiam fomitis non haberet, non generaret filios in peccato originali.* Id ipsum præfert multis alijs in locis. Ex quibus patet, longè in alio sensu illum de peccato originali locutum fuisse, ab eo in quo nos de peccato originali Virginis Immaculatæ disputamus. Pari modo de alijs Doctoribus illius æui, sentiendum est.

15. Secundò videntur propendere aliqui Docteres, imò & SS. Patres, in contrariam immunitati Marianæ sententiam, ex motiuo erroris tolerantis penitus peccatum originale, non ex se. Quare ad intelligenda loca illorum, seruanda est Regula à D. Bonauenturâ in secundo Dist: 32. Art: 3. Quæst: 1. & à D. Thomâ, Qu: 5. de malo Art: 2: ad quædam loca S. Augustini. & à Doctore Subtili in secundo Dist: 33. Quæst: vnicâ, proposita. *Quod quando Sancti Patres inuehuntur in suis scriptis contra certam hæresim, vel determinatum aliquem hostem, tunc plus dicunt, & minus volunt intelligi.* Et hoc fatetur ipse D. Augustinus Lib: 1. Retract: Cap: 9. dum ait. *Ipsè multa in his dixi pro libero arbitrio, quæ illius disputationis causa poscebat.* Quia verò pro illo æuo, quo SS. Patres & Doctores aliqui Scholastici, videntur asserere Virginem Beatam obnoxiam fuisse peccato originali, maxima controuersia erat in Ecclesiâ Dei cum Pelagianis, absolutè negantibus peccatum originale in paruulis antè baptismum, ideo ipsi volentes conuincere talem hæresim, neminem à peccato originali excipiebant, nam hoc disputationis illius causa poscebat. Qualitèr autem de immunitate virgineâ ex mente propriâ omnes planè sentiebant, videamus. Et primò.

16. S. Augustinus Lib: de naturâ & Gratiâ, quem contra dictos Pelagianos conscripserat, Cap: 36. ait. *Exceptâ Virgine Mariâ, de quâ, cum de peccatis agitur, propter honorem Domini, nullam prorsus habere volo Questionem; inde enim scimus quod plura gratiæ ei collatæ est, ad vincendum omni ex parte peccatum, quia eum concipere & parere meruit, quem constat, nullum habuisse peccatum.* Similitèr S. Maximus Ser: de virg: dicit. *Tabernaculum gloriæ, quo speciosus prodijt sponsus, lux gentium, condecentèr & congruè, nullâ maculâ Originali contaminatum est.* Et S. Fulgentius ser: de laud: Virg: fatur. *Cum dixit Ave, salutationem caelestem exhibuit; cum dixit Plena, ostendit ex integro iram exclusam primæ sententiæ, & plenam benedictionis gratiam restitutam.* Pari modo S. Ildephonsus Archiepiscopus Toletanus Lib: contra eos qui disputant de Virginit: & parturit: Mariæ, dicit. *Virtus Altissimi, ab omni actu peccati eam obumbravit in conceptu & in partu, sicut ab omni actu libera fuit, ita & ab omni pressurâ maledictionis, non ex sese, sed ex virtute Altissimi,*
immunis

RESOLVTIO PRIMA.

159

immunis & aliena fuit. Id ipsum D. Damascenus Orat: 1. de Natiu: Virg: M. ait. O sanctissima, quæ principatus & potestates fefellisti, atq; ignea maligna tela extinxisti, quæ in spiritus talamo versata, immaculata conseruata, in DEI sponfam electa es. Et Sanctus Idiota Lib: 1. de Contempl: Virg: Cap: 2. dicit. Tota pulchra es Virgo gloriosissima, non in parte sed in toto, & macula peccati, siue mortalis, siue venialis, siue originalis, non est in te, nec unquam fuit. Fulbertus etiam Lib: 1. de Maria Cap: 7. ait. Immaculata semper exististi ab exordio tue creationis, quia paritura eras Creatorem omnis sanctitatis. Similiter S. Anselmus in Cap: 5. secundæ ad Corint: hæc habet verba. Omnes itaq; mortui sunt in peccatis, nemine prorsus excepto, demptâ Matre DEI, siue originalibus siue voluntate additis. Similiter S. Petrus Damiani Ser: de assumpt: Virg: Caro Virginis ex Adam sumpta, maculas Adæ non admisit. Similiter S. Bernardus Ser: 13. de canâ Domini, ait. Non est in filiis hominum magnus vel parvus, qui non in peccatis conceptus fuerit, præter Matrem Immaculatam, peccatum non facientis, sed peccata mundi tollentis, de quâ cum de peccatis agitur, nullam prorsus habere volo questionem. Idem Ser: 4 supersaluet Regina, dicit. Innocens fuisti ab originalibus & actualibus, nemo ita præter te. Idem Ser: de B. Mariâ fol: 324. Licet Maria de Patrum naturâ per peccatum vitiatâ duxerit originem, præelecta tamen, per Spiritum Sanctum præseruata est. Idem Ser: de priuilegio Joan: Bapt: Neminem intra materna viscera sanctificationem legimus, præter Ioannem & Ieremiam; Quamquam de singulari Virginis, nulla sit dubietas, quin ipsa maternis circumcepta visceribus, sublimiori sanctificationis genere mundata sit, ut potè sanctuarium illud, in quo Filius DEI erat carnem suscepturus. Et denique Hom: 2. de Laudibus B. Virg: ait. Quomodo eam Angelus, gratiâ plenam pronuntiat, si quidpiam vel parum, quod ex gratiâ non esset, habebat? Insuper Ser: 2. de Assumptione Beatae Mariæ, dicit. Virginali domum, intelligi volens spiritus, siluit non incongrue poenitentiam; quæ malum vtiq; comitatur. Absit enim, ut proprii quidquam inquinamenti domus hæc aliquando habuisse dicatur, ut in eâ preinde scopa Lazari quaereretur. Et tandem Ser: 4. de eadem assumpt: æternam immunitatis eius prædefinitionem respiciens, dicit. Digna planè quam respiceret Dominus, cuius decorem concupisceret Rex, cuius odore suauissimo, ab æterno illo Paterni sinus attraheretur accubitu. Quibus sententijs eius permoti, Henricus de Hassiâ Carthusianus, & Pater Oieda, probant quatuor rationibus fortissimis, falsò ei imponi sententiam oppositam, & Epistolam ad Lugdunenses, in quâ vel maximè prolapsus in eam iudicatur, suppositoriam esse, demonstrant. Accedit S. Laurentius Justinianus, qui Lib: de gradibus perfectionis Cap: 1. sic de virginis conceptione fatur. Ab originali delicto nullus excipitur, præter illam quæ genuit mundi saluatorem. Et Lib: de casto connubio Cap: 7. idem ait. Hæc est originalis pena delicti, à quâ nemo liber extitit; quotquot enim ex ipsâ nati sunt propagine, exceptis duntaxat, Mediatore CHRISTO IESU & eius Matre, sub hac peccati lege sunt conditi. En ergò quot Sanctorum Patrum & grauissimorum in Ecclesiâ DEI Doctorum sententijs fauorabilibus, pia hæc

immunitatis Marianæ puritas, explicata & roborata est. Sed ut firmitus sanctitati eius, tam quoad animam à puncto creationis, quam quoad corpus ab instanti animationis ipsius, adhæreas, accipe placita variorum suæ præmiæ authoritatis Doctorum, pro hac materiâ.

17. De sanctitate corporis Virginei, secundum quod CHRISTO Filio ex purissimis sanguinibus eius concipiendo, vigore præordinationis æternæ, aptabatur, locutus S. Ambrosius Ser. de Natiu: Virg: his verbis discurret. *Nisi fallimur, iam terra illa benedicebatur, in cuius medio Dominus salutem operaretur, & ex quâ veritas oriretur. Superna itaq; benedictioni præparabatur terra in hominem procreata, ex quâ nascitura esset gloriosa VIRGO, quæ celesti benedictione, singulari replenda erat privilegio. En Noe à Domino benedicitur, & in filios Sem & Iaphet, paterna eius benedictio dirigitur. Sanctissimum namq; DEI genitricis MARIÆ corpus, ante secula ad generandum DEI filium prædestinatum, prope finem mundi nasciturum, iam in his quos prædiximus fratribus, sub quâdam imagine benedicebatur, ex cuius medio, salus mundi oriretur. Nunquid non tibi benedicebatur humanitatis caro, cum inde nascereris gloriosa VIRGO? Tibi profecto benedicenda erat caro humana, in tuis progenitoribus, quæ ex castissimis visceribus, illum eras paritura peccatoribus, qui est super omnia benedictus. Constantissima procul dubio Abrahæ fides audire meruit, quod in semine eius benedicerentur omnes gentes. Diuina itaq; dignationis prærogatiua, præparabatur quedam stirps Iudaica, ex quâ celestis luminis porta nasceretur, Virgo MARIA, quam æternâ DEI dispositione, Unigeniti Filij DEI Matrem futuram, certissime scimus prædestinatam. Hæc D. Ambrosius. Quæ verba eius mirifice roborant nostram Resolutionem. Si enim Beata Virgo est ab æterno in Matrem DEI futuram prædestinata, & ex vi talis suæ præordinationis, præbenedicebatur in Patriarchis, iam & CHRISTVS sine eâ non prædestinabatur, imò cum eâ, ut totam naturam humanam, mediante eâ, per subministrationem maternæ carnis, ad incarnationem requisitæ sibi vniret in athomo, sicque nos glorificaret, & stante lapsu restauraret. Atque ita, si corpus Virginis fuit prædestinatum & præbenedictum antè sæcula & per sæcula, ut ex eo generaretur in fine temporum caro Verbi incarnati, quis sanæ mentis audebit dicere, illud fuisse maculatum & foedatum originali maculâ, dum re ipsâ in utero D. Annæ conciperetur? Absit hoc à mentibus fidelium.*

18. Imò D. Bernardinus Senensis Serm: 61. de Religione Christianâ Cap: 2. docet: totum mundum, post culpam Prothoplastorum, amore tantæ Virginis, ab interitu præseruatum esse, quod sanè arguit, eam à DEO in mundi salutem ab æterno prædestinatam, ut per eam & in eâ, natura nostra, DEO infereretur. Verba sunt D. Bernardini. *MARIA sola per multa millia annorum antequam nasceretur, primò & principaliter Adam & Euam & totam eius posteritatem, præseruauit in esse. Constat nempe, quod ex propriâ transgressione, Adam & Eua, non solum mortis, sed & annihilationis exterminium, meruerunt, & Diuina ultio, quæ personarum acceptionem igno-*

rat,

RESOLVTIO PRIMA.

161

vat, sicut nec culpam Angelicam, ita nec humanam, dimisisset impunem, sed propter præcipuam reuerentiam, & singularissimam dilectionem, quam habebat DEVS ad Virginem, præseruauit eos, quia eam ab æterno super omnes creaturas quæ creandæ erant, superexcessiue dilexit. Propterea ergo præseruati sunt Protoplasti, nec ut merebantur, in nihilum sunt redacti. Et idem Tomo 1. Ser: 52. dicit. Virgo Maria, sine tyranno concupiscentiæ peccati originalis fuit, quia sine eo concepta est. Similiter Tomo 4. Ser: 49. post Pascha, Parte primâ, ait. Certum est, quod DEVS creauit Adam sine peccato originali, & similiter Euam de costâ eius. Non est ergo credendum, quod ipse Filius DEI voluerit nasci ex virgine, quæ esset maculata aliquo peccato originali, imò credendum est, quod eius Mater fuerit plus quam Eua & Adam, qui creati fuerunt sine peccato originali.

19. Sed præ alijs non languide nos moueant ad defendendam piâ hanc sententiam, Sanctissimi Patres & Patriarchæ nostri, D. Dominicus & Seraphicus Franciscus. Horum enim primus, Libello suo de Sacramento Corporis CHRISTI edito, reflectit se ab immunitate CHRISTI ad immunitatem Matris eius Mariæ, & innixus sententiæ S. Andrea Apostoli, hæc ponit verba. Sicut primus Adam fuit ex terrâ virgine & nunquam maledictâ, formatus, ita decuit in secundo Adam fieri, id est CHRISTO, cuius terra, id est Mater Virgo, nunquam fuit maledicta. Quod autem iste Libellus fuerit verum opus Sanctissimi Patriarchæ Prædicatorum, testatur Chronista insignis eiusdem Ordinis, S. Antoninus tertiæ partis Titulo 19. Cap: 1. §. 4. his formalibus verbis. Libellus verò Serui DEI Dominici, non solum ab igne non leditur, verum ab igne foris profligit in longinquum, secundoque iniectus ac tertio, æquè prodijt incombustus. Vnde cantet Ecclesia. Ter in ignem Libellus traditus, Ter exiuit illeſus penitus. Id ipsum sensisse de tanto mysterio cæteros eiusdem Patris filios, patet ex quodam Manuali eorum Hispani in Hispaniâ edito, sub anno 1524. Vbi Cap: ultimo, hæc habentur verba. Iam de hoc non est curandum, cum sit materia nullius utilitatis, & valde scandalosa; præsertim cum tota fere Ecclesia, cuius vsus & autoritas, secundum D. Thomam, præualeat dicto Hieronymi & cuiuscunque Doctoris, iam asserat, quod fuit præseruata.

20. Sanctissimus etiam Pater & Patriarcha noster Seraphicus Franciscus, adeo fauit huic nostræ piæ sententiæ, ut in primo Generali Capitulo, Assisy, in præsentia Cardinalis Hugolini, tunc Protectoris pauperculæ familiæ Minoriticæ, postea verò Papæ Gregorij Noni, primum Statutum pro toto Ordine fieri & publicari fecerit, ut per singulos Orbis vniuersæ Fratrum suorum Conuentus, qualibet die Sabbathi, Missa votiuâ de Immaculata Virginis Conceptione, solenniter decantetur. Vti hoc clarius hic in Proloquio ad Lectorem ex testimonio Chronistæ Ordinis Nostri Lucæ Vadingi, deduximus. Idem in salutatione Beatæ Virginis, dicere solebat. Ave Regina Sanctissima, in quâ est & fuit semper, omnis plenitudo gratiæ. Nec mirum, Sanctos Patriarchas tam piè de tantâ virgine sensisse. Absque dubio enim, eo sine ipsi cum suis Ordinibus, vltimâ planè mundi ætate ortum sumpserunt,

runt, vt pro immunitate purissimæ Matris, strenuè decertantes, illibatum tot sæculis honorem ipsius, suâ in integritate æternum conseruarent. Nam sub anno 1219 experat acrius ventilari materia hæc, per quosdam curiositatis magis quam veritatis amatores, ideòque placuit Altissimo, nouos excitare eo ipso tempore excubitores, qui à iacturâ integritatis omnimodæ, electam ab æterno Patris immensi sponsam, per se suosq; filios, defenderent. Innixi ergò tot Sacræ Scripturæ, Apostolorum, Summorum Pontificum, Conciliorum, Sanctorum Patrum, Reuelationum, Miraculorum, Doctorum Scholasticorum, & Rationum, nostri subtilissimi Magistri sequaces, satis sufficientibus medijs Virginem gloriosam à labe originali eximunt. Quibus & nos, quantum ad omnia & singula huiusmodi media, reuerentè subscribimus. Sed quia specialem modum promouendæ eiusdem sententiæ assumpsimus, ideò ista omnia missa pro nunc faciendo, non tamen repellendo, ad nostra redeundum duximus. Nihilominus ex his quæ hætenus pro immunitate Virgineâ allata sunt, iudicet pius lector, sitne Maria post lapsum primorum Parentum prædestinata, an verò ante omnes creaturas, vt in eâ & Filio eius, perficerentur? & an obnoxia ipsa esse potuerit ruinæ, in suâ conceptione, per incursum originalis noxæ, propter cuius amorem, totus mundus præseruatus est à ruinâ? Quod præfert Resolutio nostra. Quam quidem stabiliendo.

21. Recurramus ad literam Doctoris Subtilis. Hic in 3. dist: 7. §. Sed hic sunt duò &c. docet. Quod non fuit aliqua necessitas, vt illa anima (scilicet CHRISTI) à principio gloriosa, cui DEVS præoptauit non tantum summam gloriam, sed etiam coæuam illi animæ, quod vnita fuisset corpori passibili; sed nec redemptio fuisset faciendâ, nisi homo peccasset, sed non propter solam istam causam, videtur DEVS prædestinasse illam animam ad tantam gloriam, cum ista redemptio suæ gloria animæ redimendæ, non sit tantum bonum, quantum est ista gloria animæ Christi; nec est verisimile, tam summum bonum in entibus, esse tantum occasionatum, scilicet propter minus bonum; nec est verisimile, DEVM prius prædestinasse Adam ad tantum bonum, quàm CHRISTVM. Ex hac ergò doctrinâ habemus; CHRISTVM futurum fuisse statim à principio gloriosum, per coæuam animæ suæ gloriam, tanquam summum bonum in entibus sub DEO, etiâ si Adam nunquàm fuisset creatus, cuius gloria erat minus bonum in entibus. Tunc sic arguo. CHRISTVS in illo priori consideratus, in quo Adam, ex suppositione, non fuisset decretus ad futuritionem, fuisset (loquendo de ordine executionis) homo hypostaticè vnitus Verbo, quia vt loquitur D. S. infrâ §. Secundum dubium &c. DEVS prius ordine executionis, vniret sibi naturam humanam, quàm conferret sibi summam gratiam vel gloriam: & hoc ob rationes à Doctore Subtili datas, scilicet coæuæ gloriæ, & summi boni in entibus. Ergò & id fuisset, à quo CHRISTVS secundum veritatem naturæ humanæ, vt vnita Verbo, dependisset in esse naturali, immediatè & proximè; Sed tale etiâ tunc nequit poni aliud, nisi Mater Virgo, Spiritu Sancto fecundanda, vt de eius purissimis

riſſimis ſanguinibus Homo DEVS formaretur; Ergo etiam ſi Adam non peccaſſet cum totâ ſuâ poſteritate, Virgo Mater CHRISTI adhuc fuiſſet, propter ſui immediationem ad CHRISTVM, & eſſet ſummum bonum in entibus, ſub CHRISTO tamen. Vnde D. Thomas audacter pronunciat in doctrinâ ſuâ, quod *Dignitas Matris huius, ſicut & unio hypſtatica, & viſio beatifica, eſt quodammodo infinita.* Tunc ſubſumo. Sed priori & abſolute futuro, nihil nocet ſiue perſiſtat ſiue pereat poſterius, ſiue ſanctificetur, ſiue decurpetur; Ergo & peccatum Adæ, qui fuit poſterior Virgine Matre, non potuit obeſſe quidquam Virgini, quò minus ſancta & immaculata conciperetur, & manu DEI fabricaretur, ſicut fabricata fuiſſet, quamvis Adam nunquam creatus exiſtiſſet.

22. Confirmatur etiam iſta doctrina iuxta dicta ſuprà, vbi docuimus Reſolutione quartâ; ad Spiritum Sanctum appropriatè pertinuiſſe formationem humanitatis CHRISTI de Virgine, quod certè DEI opus fuit ſummum, & primum in rebus per tempus ortis: ita enim hoc intelligo. Quod Pater æternus eſt, vt ita dicam, diuinitatis apex, quia eſt à ſe, ab eo autem generatur Filius, qui eſt à Patre; ab vtroque tandem procedit Spiritus Sanctus, qui eſt à Patre & Filio; à tribus autem in quantum tres ſupponuntur iam originati, neceſſe etiam fuit aliquid procedere, non neceſſitate coactionis, ſed ſaltem neceſſitate congruentiæ & inuitabilitatis, quæ comparitur ſecum voluntarium; & iſtud non decuit eſſe aliud, niſi Verbum incarnatum, ad quod tota Trinitas, vt ad opus poſt DEVM præſtantiſſimum, cooperari debuit: decreuit ergo illud tota Trinitas, & prædeſtinauit DEVM hominem ab æterno, nedum ſimilitudinem & Imaginem Trinitatis in ſe exprimentem, ſed quod maius eſt, in Perſonâ Filij DEI ſubſiſtentem. Quia autem ipſa S. S. Trinitas Virgo eſt, etiam natura ad Imaginem Trinitatis condenda, virgo eſſe debuit, quam vt in executione talem Spiritus Sanctus efformaret, decreta eſt Virgo Mater hæc & non alia determinatè; ex cuius puriſſimis ſanguinibus, Spiritus Sanctus efformaret ſuâ operatione, humanitatem virgineam, Verbo vniendam. Quod opus DEI vt adumbraretur in figurâ, decretus eſt Adam de terrâ virgine formandus, CHRISTVM incarnandum ſymbolizans, quem & proinde in tempore Spiritus Sanctus, de limo formauit virgineæ terræ, & vt tandem iſta natura infereretur in CHRISTVM, decreta eſt Eua, quæ fieret organum Spiritus Sancti ad generandam prolem humanam, vt tandem ſic ſurgeret illa virgo Mater Verbi incarnati, per quam & in quâ, humana natura deſicicaretur: quia autem hæc intentio DEI, Adamo propagationem noſtram uſurpante, per Eux ſtuprum præuenta & anteuerſa eſt, hoc primæ illi intentioni DEI de Matre Virgine, & CHRISTO filio eius, qui per ſe & primò intendebatur à DEO, Adamus verò non niſi propter iſtos, nihil derogauit, quò minus & Virgo Mater, manu Domini pura & immaculata plasmaretur, & CHRISTVS ex eâ, operatione Sancti Spiritus, prodiret. Ex vi ergo ſimultaneæ prædeſtinationis Virgi-

nis Matris vnâ cum CHRISTO, sancta & Immaculata esse debuit Beatissimæ istius prolis conceptio, nec illi vt primò à DEO intentæ, potuit obesse id, quod Adam contrâ intentionem DEI, in seipsum & in totam à se descendentem posteritatem, commisit; cùm posterioris vitatio, non transeat in prius, maximè si illud prius adhuc fuisset, quamuis posterius implicasset.

23. Sed de prædestinatione Virginis DEIPARÆ antè Adamum, & eius ex hâc ratione immunitate à culpâ originali, per Adamum in ceteros omnes illius posteros, quatenus illius sunt, introductâ, luculentè antè me tractauerunt alij Scotistæ: mihi ergò pro nunc ista sufficere videntur, ad stabiliendam istam sententiam nouam, quâ teneo Virginem istam, non dependisse ab Adamo vt Filiam. Sequitur ergò declarandum, quomodo

Mater Virgo considerata vt concipit cum CHRISTO, respectu aliorum prædestinatorum, est eo ipso immunis à peccato originali? Pro quo sit.



RE.

R

VIR
tèrper
Ang
ad



Resolutio
ginem Ma
destinatam
mile Glori
pité, quasi

2. C
ginem Ma
ctor Subtil
nerationes
omnino
mus.

3.
naturâ in
nit. Fil
lectuali.
pter pro
(inquit)
uis, tunc
tellectuali
ram, in
intellectua
scilicet, &
gatione m
vera repe

RESOLVTIO S E C V N D A.

VIRGO Mater **CHRISTI**, quia speciali-
tèr pertinet ad **CHRISTVM**, quatenus caput
Angelorum & hominum, cui ipsa est facta in
adiutorium simile, & quasi concaput, ideò omnino
debit esse immunis à peccato originali.



Icet iam in proximâ Resolutione, stabilita sit hæc doctrina,
quam hic profiteamur, tamen aliqua hic subiungenda sunt, ma-
ioris roboris & claritatis gratiâ. Affines enim sunt istæ duæ
Resolutiones ad inuicem, ista tamen quia aliquid plûs dicit, nempe Vir-
ginem Matrem ab æterno vnâ cum **CHRISTO** antè omnes Creaturas præ-
destinatam & præelectam, etiam ordinatam tunc fuisse in adiutorium si-
mile Glorificatori & Redemptori **CHRISTO**, ita vt esset cum eo vt ca-
pite, quasi concaput, ideò nouis eget comprobationibus. Itaq;

2. Comprobatur id primò ex ratione Filiationis **CHRISTI** ad Vir-
ginem Matrem, quam de facto veram & realem habuit, vt probat Do-
ctor Subtilis in 3. dist: 8. ex D. Damasceno Lib: 35. dicente. *Dux ge-
nerationes CHRISTI veneramus: Vbi autem sunt dux generationes, ibi
omnino sunt & dux Filiationes. Vt autem rectè in arguendo proceda-
mus.*

3. Sciendum est ex Doctore Subtili, vbi suprâ. Filiationem solum in
naturâ intellectuâli reperiri; Itâ enim eam s. Ad Quæstionem, &c. defi-
nit. *Filiatio est habitudo producti naturaliter, similis producenti in naturâ intel-
lectuali.* Et licet postea addat, *ly, vel sensitiuâ*, id tamen non nisi pro-
pter proteruos apponit inuitus, vt ipse fateretur, dicens ibidem. *Quod s̄
(inquit) omnino contendas, brutum esse Filium bruti, & vitulum esse Filium bo-
uis, tunc Filiatio est habitudo producti naturaliter, similis producenti in naturâ in-
tellectuali, vel sensitiuâ.* Certum ergò esto de mente eius; Filiationem ve-
ram, in solâ naturâ intellectuâli inueniri. Porro sicut duplex est naturâ
intellectuali, scilicet, Increata & Creata, itâ duplex est Filiatio, Diuina
scilicet, & humana: Nam Angelos simul omnes esse creatos, nec propa-
gatione multiplicabiles, est de fide. In Diuinâ igitur & humanâ naturâ,
vera reperitur Filiatio, itâ intelligendo; quòd sicut in solo Patre æterno

T

in Diuinis

in Diuinis, est vera Paternitas, ita in solo Filio æterno in Diuinis, est vera Filiatio, respectu tanti Patris. Et quia natura humana, ad imaginem & similitudinem DEI est condita, etiam in eâ solâ debuit esse vera Filiatio, sicut & vera maternitas, loquendo de primâ illâ intentione DEI, circa propagationem naturæ humanæ, secundum quam repugnat imagini Diuinæ, habere Patrem in terris, licet oportebat eam habere Matrem Virginem, ita quod sicut in ipso Prototypo, scilicet Deitate, est generatio vnus ab vno, æterna; ita in exemplato, scilicet homine imagine DEI, esset generatio vnus ab vnâ prolis æternæ, modo Decade primâ, Resolutione quartâ, prædeclarato. Vnde.

4. Sciendum secundò. Quod modò in naturâ lapsâ, sicut inter bruta non est Filiatio vera, ita nec inter homines generantes suas proles brutalitèr. Quia verò nec bruta, nec homines more illorum modò generantes, attingunt productum actione suâ, quæ tota consistit in decisione seminum in matricem, in quibus seminibus, ex dono Creatoris, est aura vitalis, seu internum efficiens organizationis & dispositionis ad formam animalitatis, à DEO impetrandam, vt Decade primâ deduximus, ideo. Animal non generat animal, sed solum semen ad animal, propter quod vitulus, nequaquam est Filius tauri, quia taurus qui abusiue dicitur genuisse vitulum, non produxit vitulum, sed solum transfudit in matricem Vaccæ semen, & in eo latentem ex dono creationis causam efficientem internam, productiuam dispositionum ad formam vituli, accedente fomento vteri vaccini, quibus dispositionibus productis, ipse DEVS dat formam, seu animam vituli, per quam facit corpus illud organicum surgere in animam viuente bouis; ita vt bos ille productus, acceperit esse à DEO, formalitèr & efficientèr; à semine, dispositiue; à tauro semen decedente, occasionalitèr, & solum vt à conditione finè quâ non. Sicq; per omnia est & in nobis Adamicè & brutalitèr genitis; excepto, quod anima animalis non habet in nobis determinationem specificam alicuius bruti, sed est quasi languor; ob rationes Decade primâ datas, & quod DEVS vltimatè infundat toti isti massæ animam immortalem, & imaginem DEITATIS subsistentem, per quam nos determinat ad esse hominis, licet corrupti & vitiati. Benè ergò docuit Subtilis Doctor, quod Filiatio non sit nisi in naturâ intellectuali, puta Diuinâ & Humanâ. Tunc vltèrius.

5. Sciendum tertio. Quod sicut in Deitate, solus Pater generat verè & realitèr, ac immediatè de se ipso, Filium consubstantialem sibi; ita dedit & suæ imagini, quæ natura humana est, potestatem verè, realissimè, & immediatè, de seipsâ generandi Filium verum, consubstantialemque Matri soli, vt in hoc imago responderet prototypo. Non est ergò in totâ rerum creaturarum serie vera Filiatio, nisi in naturâ humanâ, & hæc de solâ Matre, sicut Diuina est de solo Patre, idq; loquendo de primâ intentione DEI. Et hæc talis maternitas, sicut & Filiatio, mox à creatione succisa est, per stuprum Eux ab Adamo illi irrogatum, ita quod

RESOLVTIO SECVNDA.

167

quod inducta in naturam humanam commixtione sexuali, non sit amplius talis maternitas, quam *DEVS* intenderat, nec consequenter Filiatio, sed loco eius, succedit decisio seminum libidinosa, ex parte coeuntium carnaliter, & illorum in vtero muliebri receptio; ubi fomentatus seminalis *Archæus*, dispositiue agens, impetrat à *DEO* animam seminalem, cui mox *DEVS* superaddit mentem; ut *Decade* primâ deductum est. Itâ quod pro statu isto pœnali, non appareat distinctio inter homines generantes & herbas; quia ita herbe generant per decisionem seminum, accedente fomento terræ, tanquam vniuersalis rerum generandarum matricis, sicut homines & bruta, decedentes semina in particulares matrices. Proinde sicut herbe non dicuntur Patres aut Matres; ita nec homo sic generans, recte dicitur Pater aut Mater. Facessant ergo illæ disputationes, quæ nimium torquent Philosophos huius doctrinæ ignaros; quando videlicet consurgit relatio Filiationis, & super quid? An scilicet in ipso actu generationis ut præsentis? an ut præteriti? Quia reuera nulla est iam in rebus creatis vera Filiatio, postquam eam *Adam* à naturâ nostrâ abstulit, in quâ solâ eam implantaueat *DEVS*.

7. Neque dicas. Quare ergo *DEVS* iubet honorari Patrem & Matrem à Filijs, si in naturâ humanâ non est vera modò paternitas, nec maternitas, nec filiatio? Respondeo. Quia istud præceptum, sicut & cætera secundæ præsertim tabulæ, supponit naturam corruptam, quam corrigit. Quia ergo in naturâ lapsâ, est propagatio belluina permixta, & cum hoc valde difficillibus circumstantijs honestata, ex quâ sequitur proles, non ut à causâ, sed ut à conditione sine quâ non, quam prolem isti sic seminantes (& consultò non dico, generantes) tenentur nutrire, educare, & in *DEI* honorem instruere; ideo æquum est, ut à tali prole sic ab eis inchoatiue saltem surgente, debitus sic propagantibus honor impendatur: sicut & medicos, & magistros, & iudices, iubemur honorare, ob similem rationem. Ex morali ergo præcepto honorandi parentes, non infertur vera paternitas vel maternitas post lapsum in naturâ humanâ; quia scriptura se vsui communi loquentium de parentibus accommodat. Hæc responsio habet pro se Apostolum ad Hebræos 12. v. 9. *Patres quidem carnis nostræ eruditores habuimus, & reuerabamur eos; num multo magis obtemperabimus patri spirituum &c.* His enim verbis, manifestè Apostolus excludit Patres carnales à verâ paternitate, quam habet respectu nostri pater spirituum, qui est *DEVS* benedictus.

8. Confirmatur etiam hæc doctrina tota per *Lactantium* lib: de opificio *DEI*, cap: 19. qui circa Annum D. 290. sub *Diocletiano* Imp: floruit. Itâ ergo ille. *Illud quoque venire in questionem potest; utrumne anima ex patre, an potius ex matre, an verò ex utroque, generetur? Sed ego id meo iure ab ancipiti vendico. Nihil enim ex his tribus verum est; quia neque ex utroque, neque ex alterutro, seruntur animæ corporibus. Corpus enim ex corporibus nasci potest, quoniam confertur aliquid ex utroque, de animis anima non potest, quia ex re*

tenui & incomprehensibili, nihil potest decedere; Itaq; ferendarum animarum ratio, vni ac soli DEO subiacet. Deniq; celesti sumus omnes semine oriundi, omnibus ille idem pater est, ut ait Lucretius. Nam de mortalibus non potest quidquam nisi mortale generari. Nec putari pater debet, qui transfudisse aut inspiasse animam de suo, nullo modo sentit. Nec si sentiat, quando aut quomodo id fiat, habet animo comprehensum. Ex quo apparet, non à parentibus dari animas, sed ab vno eodemq; omnium DEO Patre, qui legem rationemq; nascendi tenet solus, siquidem solus efficit, nam terreni parentis nihil est, nisi ut humorem corporis in quo est materia nascendi, cum sensu voluptatis emittat, vel recipiat, & circa hoc opus homo insistit, nec quidquam amplius facit.

9. Item per Gennadium lib: de Ecclesiast: dogm: cap: 22. & 14. qui habetur inter opera D. Aug: Tom: tertio. Dicimus (ait ille) creationem animæ solum creatorem omnium nosse, & corpus tantum per coniugij copulam seminari, DEI verò iudicio, coagulari in vuluâ & compingi atq; formari, ac formato iam corpore, animam creari, & infundi, ut viuat in vtero homo ex animâ constans & corpore, & egrediatur viuus ex vtero, plenus humanâ substantiâ. Itaque.

10. Sciendum quartò. Quòd in statu innocentie, vera Filiatio sicut & vera maternitas fuisset, in naturâ humanâ; quia vt Resolut: 4ta Decadis primæ docui, absque semine medio, in Eux Virginis purissimo arteriali cordis sanguine, Spiritus Sanctus inspirasset imaginem DEI substantentem, scilicet mentem intellectualem, idque Euâ consentiente; quæ mens sigillata in illo sanguine, fieret in instanti homo, immediatè & naturalitèr productus, similis producenti in naturâ intellectuali, scilicet Spiritui Sancto secundum mentem, & Eux virgini secundum corpus; sicque fuisset Matris & Filij consubstantialitas pro tantò, pro quantò in sanguine Matris purissimo arteriali, præuio consensu eius, ista mens immortalis sigillaretur, & eo ipso illud figuraret in tam excellentem membrorum symetriad, ac tandem sic figuratus homo, in vterum deferretur, penetrando dimensiones; vbi cresceret ad iustam maturitatem, donec clauso vtero prodiret, eo fermè per omnia modò, quo humanitas CHRISTI generata est.

11. Sciendum quintò. Quòd secundum Cyrillum Alexandrinum Lib: 3. de Trinitate, nos obsignamur per Filium ad Filiationem in Spiritu, & debuimus esse Filij per Filium, imagoq; simul DEI, & similitudo; vt Decade primâ Resolutione tertiâ dictum est. Quia autem hæc vera Filiatio, quæ dependebat à Spiritu Sancto & Matre virgine, cessauit in naturâ humanâ, ea restaurari debuit in CHRISTO, in quo etiam antè peccatum fuisset Filij veri, quia Filij per Filium in Spiritu Sancto, iuxta Cyrillum; non sic intelligendo, quòd Spiritus Sanctus sit Pater CHRISTI, sed quòd Spiritus Sanctus fecit Virginem Mariam esse veram Matrem CHRISTI, sicut fecisset & Euam virginem veram Matrem Abelis in statu innocentie, si Adam non peruertisset hanc intentionem. Ex quo habetur, quòd

quòd sicut variata est per Adæ peccatum, naturæ propagatio, ita & ipsorum propagatorum habitudo ad parentes; ita quòd iste quòd est genitus ab his parentibus, poterat esse ab alijs, idem numero, eò quòd etiam modò solus DEVS det esse homini, infundendo mentem, quæ est imago DEI, fortè nunc genito ab istis parentibus carnaliter, sicut infudisset eandem numero in paradyso in innocentia, vel hic ab alijs parentibus in peccatis propagato: parum enim interest coram DEO, qui parentes seminent animale periturum; iuxta illud Apostoli 1. ad Cor: 9. *Nunquid DEO cura est de bobus?* sed multum interest ei, & multam curam (si dicere liceat) in hoc sibi ipsi ex suâ bonitate ponit, vt det illud idem numero spirituale, quod ab æterno elegit, & prædestinavit æternum permanfurum. Quâ itidem bonitate infinita stimulante, dat etiam animas, quas ab æterno non elegit, & quæ nunquam fuissent, si Adam non peccasset, vt ita de malis bona faciat. Melius est enim iuxta D. Thomam 1. 2. q. 83. A. 1. ad quintum, tali animæ sic esse, quam simpliciter non esse, quia licet nunquam assumetur ad gloriam, vt potè quia non est electa, tamen si carebit peccato actuali mortali, vt in paruulis, non habebit pro pænâ sic in æternum manere sinè gloria, sed pro conditione naturæ, vt Doctor Subtilis vult in 2. dist: 33. idque ex sententiâ aliorum Magistrorum, & S. Augustini, quos & ipse sequitur. Secus in adultis peccantibus actualiter mortaliter. His ita positis.

12. Pono pro filiatione CHRISTI verâ & reali ad Mariam Virginem Matrem suam, argumentum Doctoris Subtilis in 3. dist: 8. quod est reale. Illa relatio est realis, quæ consequitur extrema ex naturâ extremorum, sinè actu intellectus; posita autem Matre (scilicet Virgine Mariâ) generante, & etiam supposito habente naturam per generationem, (scilicet CHRISTO) ex naturâ extremorum, sinè actu intellectus, sequitur hic Filiatio, sicut ibi Maternitas, Ergo CHRISTI ad Virginem Matrem est relatio realis. Tunc ego subsumo. Sed nullâ aliâ Matre posita, & etiam nullo alio supposito, habente naturam per generationem dato, ita ex naturâ extremorum confurgit relatio, sicut inter CHRISTVM & Matrem Virginem; Ergo sola ista Filiatio, & sola Maternitas, sunt verissimæ & realissimæ in serie rerum creatarum. Probatur hoc assumptum ex modò paulò suprà dictis, quia sola Virgo Mater, immediatè agit cum Spiritu Sancto, attingendo hunc terminum suæ generationis, absque præuio semine, & cæteris remen consequentibus; solus etiam iste Filius, verè & immediatè ex hac Matre accepit totam suam substantiam corpoream, de purissimo eius arteriali sanguine cordis, Ergo iste Filius, & ista Mater, soli in naturâ humanâ habent se ad se realissimè, verissimè, & immediatissimè.

13. Tunc subiungit Doctor Subtilis dubium dicens. *Sed est vnum dubium; vtrum ista Filiatio realis, sit eadem fundamento, scilicet naturæ humane CHRISTI, acceptæ per generationem?* & resoluit illud negatiuè. Sed pace illius, responsio negatiua in hoc puncto, non mihi placet: & ipse cer-

tè dignus est veniâ; quia hoc pro tantò negavit, pro quanto putavit Virginem Matrem ita genuisse CHRISTVM mediante semine, vel saltem illis motibus intercedentibus subitò & momentaneè, qui intercedunt communiter in matribus per dies quadraginta: dat proinde suæ negationis rationes duas. Primam; *Quia* (inquit) *posset eadem natura fuisse creata immediate à DEO, qui quidquid mediante causâ secundâ potest, immediate per se posset.* Secundam; *Quia* (inquit) *eadem natura posset fuisse habita per generationem temporalem alterius Matris, secundum quod dictum est 2. lib: dist: 22. q. 2. Quod idem qui est Filius unius patris, potuit fuisse Filius alterius patris.* Tunc ego his non obstantibus, sic insurgo. Pro tantò Doctor Subtilis negavit identitatem realem Filiationis istius cum naturâ humanâ CHRISTI, acceptâ de Virgine Matre per generationem, pro quanto putavit illam naturam potuisse esse per creationem immediate à DEO, & quia putavit eam potuisse esse ab aliâ matre, non verò præcisè ab istâ; Sed istæ rationes non habent locum in proposito, Ergò Filiatio CHRISTI ad Virginem Matrem, est illi identificata realiter.

14. Quod ut ostendam, præmitto secundum D. Augustinum & omnes SS. Patres, nullum inter creata esse opus præstantius, & in intentione DEI, quatenus creaturas ab æterno producendas intendebat prius, Incarnatione Verbi, in quâ & per quam & ad quam, omnia creata DEVS retulit, & maximè humanam naturam, desponsavit. Hæc autem incarnatio non debuit esse nisi in Filio Virginis; alias natura humana non fuisset unquam exhibita Virgo casta vni viro CHRISTO, iuxta phrasim Apostoli, & ita nec glorificata in innocentia, nec subleuata in lapsu. *Oportuit ergò* (ut verbis D. Bernardini Senensis serm: 6. de Relig: Christ: A. 1. cap: 4. utar) *feminam eleuari ad quandam æqualitatem diuinam, per quandam quasi infinitatem perfectionum & gratiarum; Feminam scilicet tantæ generationi ab æterno immutabiliter destinatam, & determinatam, in quâ & per quam, hoc opus perageretur in temporis plenitudine.* Et hæc, non alia esse debuit nisi hæc, ultra quam, & præter quam, DEVS aliam perfectionem producere non posset ordinariè, etiam si vellet, docente id D. Bernardino Senensi vbi sup: cap: 1. illis verbis: *Aduerte diligenter anima, quod hæc benedicta puella, tantam perfectionem attulit vniuerso, quod vltioris perfectionis non est capax, nec DEVS potest ordinariè potestate ipsum perficere vltiori perfectione, imò si in tempore Pater vel Spiritus Sanctus de feminâ nasceretur, nihil accresceret orbi, quia quidquid nobilitatis, quidquid diuitiarum, & quidquid æternitatis est, toto in orbe, diffusum est & productum per VIRGINEM, in illo æterno supposito, quod genuit Beatissima Virgo.*

15. Hoc ergò supposito; iam probo, quod non potuit hæc natura humana CHRISTI, quatenus Glorificatoris vel Redemptoris nostri, fieri immediate à DEO per creationem. Quia secundum vulgò receptam regulam D. Anselmi; Ad omne inconueniens in DEO, sequitur impossibile, & ad omne conueniens, cui maior ratio non repugnat, sequitur necessarium:

cessarium: Sed natura humana CHRISTI vt nostri capitis, determinata est, idque conuenientissimè, vt esset Virginea de Virgine Matre accepta, operatione Spiritus Sancti immediatâ, quantum est ex parte Spiritus Sancti, Ergò eam, vt fieret aliter, per Creationem à DEO produci, erat impossibile, & consequenter produci eam à Spiritu Sancto in Virgine, erat necessarium. Accedit: quòd etiam modò, dum est à Spiritu Sancto & hâc Matre Virgine, est à DEO immediatè, Ergò eam produci eandem à DEO in ratione Virgineæ naturæ, esset frustrâ, cum ita benè modò est à DEO immediatè, sicut tunc esset. Adde: quod in ratione Filij Virginis, quòd tamen requirebatur in CHRISTO, ex DEI primæ intentione, non potuit esse CHRISTVS per creationem, quia vt sic non esset iam Filius Virginis, Ergò &c. Quòd etiam multò minùs potuit esse ab aliâ Matre, patet. Quia ista variatio Matrum, de quâ locutus est D. S. in 2. dist: 22. q. 2. consequuta est in Prædestinatis post Adæ peccatum, & non fuit ex intentione DEI in statu innocentiz. Vel si eam velis admittere, etiam in statu innocentiz, ob rationes Doctoris ibi in secundo, tamen in Matre CHRISTI & Filio eius, non habet locum, quia sunt primi omninò in seriè prædestinatorum, & in quorum gloriam, alij omnes prædestinati sunt. Vndè sicut Adam non potuit esse, in ratione quâ omninò primus homo, de faminâ aliâ, sed præcisè de terra, ita & CHRISTVS quâ caput prædestinatorum, non potuit esse nisi Filius istius Matris, quæ propterea ipsi in adiutorium simile destinata erat. Rectè ergò hinc inferitur consubstantialitas CHRISTI cum hâc & non aliâ Matre Virgine; vt verum sit illud Anselmi: *In calo qualis Pater talis Filius, in terrâ qualis Mater talis Filius*. Sed in calo consubstantialis Patris, Ergò & in terra consubstantialis Matri.

16. Et hoc totum confirmatur à D. Ambrosio serm: 16. de Natiuitate Christi, sic loquente. *Videamus, (inquit) hic sol noster nouus quo fonte nascatur? Sic est verum; DEO oritur authore, Diuinitatis est Filius, Diuinitatis inquam integre, incorruptæ, illibate; Intellego planè mysterium; Ideò enim secunda Natiuitas per Immaculatam Mariam, quia prior per Diuinitatem constituerat illibata, vt cui prior natiuitas gloriosa exstitit, ei secunda contumeliosa non fieret, vt quemadmodum eum Virgo Diuinitas ediderat, ita eum & Virgo Maria generaret.* Hæc B. Ambrosius. Cui accinit & Guilelmus Abbas in illud Cant: 6. *Quam pulchræ sunt mammae tue, &c. Non potuit (ait iste) DEVS in salutem hominum corporaliter nasci, nisi partu Virgineo, nec decuit eum pasci, nisi lacte Virgineo.* Est igitur respectus Filiationis ad Mariam, identificatus realitèr naturæ humanæ Virgineæ CHRISTI vt capitis nostri, quia nunquam etiam in æternitate, Christus considerabatur solitarius absque eâ; vt hîc locum habeat D. Thomæ à Villâ nouâ notabile eloquium de Christi coniunctione cum Maria, sic loquentis, Conc: 2. de Annunt: *Dominus tecum: & quomodo tecum? non vtiq; sicut mecum, sed sicut nullibi; Tecum in corpore, tecum in mente, tecum in animo, tecum in consilio, tecum in utero, tecum in auxilio,*

tecum in ortu, tecum in exitu, tecum in fine, tecum sine fine. Et Abbatis Cellensis lib: de panibus cap: 9. *CHRISTVS* plenus veritate & gratiâ, natus est de Matre gratiâ plenâ. *O IESV* in venâ non in lagenâ, in puteo non in urceo, in ventre, non in utero, in animâ non in cisternâ, in fonte non in vase, possides gratiam. Quis igitur sic intimè coniunctam hanc Matrem homini Deo à se genito, illique consubstantiali secundum naturam humanam, non concedat esse adiutorium simile, & Concaput respectu prædestinatorum, unâ cum Christo? Et quis stante hac eius cum Filio suo consubstantialitate, eam adhuc peccato originali in suo conceptu obnoxiam fuisse, pronuntiabit? Absit ut concorporea, & consanguinea Christo, immediatissimè & intimè, quæ solo Deo excepto, cunctis superior existit, & in naturâ humanâ omnino par Filio est, tali maculâ credatur conspurcata. Maxime cum conspurcatio naturæ, non debuit esse in capite, & in eâ, quæ immediatè pertinet ad caput, Matre nostri capitis, sed præcisè in ijs, quorum se Adam fecit caput, & Patrem carnalem, qui etiam non antè Adamum, sed post eum præuidebantur; *CHRISTVS* autem, & Virgo Mater eius, antè eum, ut qualitercunq; se ille cum cæteris habuisset, siue benè, siue malè, virtute istorum, aut glorificaretur, aut subleuaretur, si peccasset.

17. Sed ulterius probandum est, Virginem Matrem pertinuisse ad caput, speciali iure quam omnes alij electi, qui tantum membra sunt sub capite *CHRISTO*. Ostendo ergo hoc sic. Aquacunque Personâ, totum genus humanum habet quod est insertum in *DEVM*, & consors effectum Divinæ naturæ, illa Personâ est concaput respectu generis humani unâ cum *CHRISTO*, qui est caput: sed à B. Virgine totum genus humanum habet, quod insertum est in *DEVM*, mediante scilicet sanguine purissimo Virginis, in incarnatione subministrato ab eâ *CHRISTO*, pro materia sacratissimi Corporis; Ergo B. Virgo est concaput nostri unâ cum *CHRISTO* capite. Hinc est quod ipse *CHRISTVS*, ob hanc consanguinitatem & concorporeitatem quam habemus ad eum, mediante carne Mariæ, vocat nos Fratres, etiam post resurrectionem, Joan: 20. dicens Mariæ Magdalene: *Vade & dic fratribus meis*, &c. Undè D. Bernardus audacter gloriatur dicens: *Puto iam me spernere non poterit DEVS, os ex ossibus meis, & caro de carne meâ.* Maxime autem hæc insertio in *DEVM* fit in communione Eucharisticâ, ubi carnem Virgineam de Virgine hac sumptam degustamus, & in *CHRISTVM DEVM* hominem, mediante hac carne transimus, quam utiq; consubstantiali esse *CHRISTO*, & Mariæ ut Matri Virgineæ, iam tradidimus. Illa ergo quæ totam naturam corruptam sic reformavit in suâ carne datâ Christo, fuit ipsamet corrupta in carne, per foeditatem originariam, quæ prius inficit carnem? Absit: Absit: Quia nec in carne nec in animâ, decuit istam maculari Virginem, cuius uterum, (ut loquitur Rupertus Abbas Lib: de Operibus Spiritus S. Cap. 15. *DEVS* non horruit, quin ad motis omnibus digitis suis, corporis humani vasculum de illâ substantiâ, studiosus figulus perficeret. Quod nobis in vitam datū est.

RESOLVTIO SECVNDA.

173

18. Imò vt egregiè probat D. Bernardinus Senensis serm: 61 de Rel: Christianâ cap: 2. A. 1. verè est ob suam carnem datam CHRISTO, Mater Virgo Concaput respectu nostri, & ideo prorsus immunis ab omni maculâ originariâ, etiam in suâ carne; Quia (inquit ille) de carne Virginis benedictæ, & in parte corporis eius excisâ, consistit, perficitur, & terminatur, totum decus & pondus Sacramentorum Ecclesiæ DEI. Cuius rationem satis efficacem subdit. Certum est enim (inquit) quòd omnis institutio Sacramentorum, & omnia alia Sacramenta, tanquam in vltimum finem, ad illud Sacramentum omnium Sacramentorum excellentissimum, quòd est Eucharistia, ordinantur, quæ quidem conficitur & consecratur, dum Panis in Corpus Christi conuertitur. Sed (ego subiungo) istud Corpus CHRISTI non est aliud, nisi illud Virgineum, sumptum de Matre Virgine; Ergò in hac carne, quâ sumptâ à Virgine, consistit omnium ratio & finis Sacramentorum, & consequenter nostræ salutis. Concaput ergò cum CHRISTO Maria, Consalutrix, Conredemptrix; Igitur par CHRISTO puritate, nedum animæ, sed etiam carnis semper immaculatæ. Repugnat enim carnem aliquando infectam in tantum euehi, vt in ipsius participatione omnium consistat emundatio, & puritas primæua, quam a principio intenderat DEVS in naturâ humanâ.

19. Præterea. Iam puto ex dictis in primâ Decade, nullus mihi negabit hanc Propositionem: quòd CHRISTVS pro tantò est caput naturæ humanæ, pro quantò illa debuit esse Virginea, siuè perseuerando in Virginitate intentâ à Creatore, in illo statu felici innocentie, siuè post lapsum redeundo ad Virginitatem per CHRISTVM Saluatorem, & restauratorem suum; siuè enim sic, siuè sic accipitur Virginitas naturæ, omnino debuit inferi in DEVM hominem; Sed hoc fieri non potuit, nisi Virgo hæc conciperet filium, qui esset caput, in quod tota natura infereretur, Ergò Virgo hæc specialiter pertinuit ad caput. Minor probatur. Quia ad communicari Virgineum, præsupponitur esse Virgineum; nihil enim alteri datur, nisi sit prius; Sed non potuit esse aliq̃r caro Virginea nobis communicanda, nisi per fecunditatem Virginis, Christus mediante operatione Spiritus Sancti, fuisset constitutus in esse Virginei, Ergò &c.

20. Et hoc sanè est mysterium, quod nullus SS. Patrum appellauit vnquam Christum hoc nomine ly Virgo virginum; quia licet Christus par sit in naturâ virgineâ Matri, vel estò etiam concedamus, quòd Matrem præcellat in virginitate, quòd tamen non videtur, tamen non potest aptè dici Virgo Virginum, quia non descendit à Christo per propagationem immaculatam virginitas in naturam humanam, sed solum alijs medijs, scilicet per Sacramenta, & maxime per Baptismum, & Eucharisti-
am. A solâ autem Beatâ Matre Virgine, & in Christum, & in nos omnes, per propagationem veram & realem descendit virginitas, totam virginans Ecclesiam, propter quod sola Mater Virgo, rectè dicitur & est Virgo Virginum. Quo spectat Guillelmi Abbatis in Cap: 7. Canticor: discursus. Pa-

riebar (ait ille) nobis Virgo MATER salutem, atq; eo ipso pariebat nos ad salutem. Sacro lacte suo nutrebat nobis vitam, atque eo ipso nutrebat nos ad vitam. Pius caput nostrum brachiis suspendebat ad ubera sua, & nos ad eadem in illo suspendebat. Nec ille sibi nascebatur, nec pascabatur, sed nobis: Atque ideo nos in illo nascebamur, nos in illo pascabamur. Est igitur Virgo ex hac ratione concaput cum Christo, & consequenter fons & origo totius puritatis naturæ humanæ, sicque in se Sancta semper & immaculata, & quoad animam, per infusionem gratiæ in conceptionis instanti, & quoad carnem purissimam Virgineam.

21. Præterea, ex ratione meriti Christi, quatenus est caput nostrum, probō Virginem Matrem fuisse concaput. Dicit enim Doctor Subtilis Dist. 19. tertij sententiarum hæc verba de Christo, disputans cum ijs, qui negauerunt eum nobis meruisse primam gratiam, quos ille sic adoritur. *Quæro (inquit) à te. Virum CHRISTVS tantum meruit, quod habentes gratiam, quomodocunq; & undecunq; hoc esset, haberent gloriam ex merito Christi? Et si hoc solum; igitur non meruit nobis primam gratiam baptismalem in nouo testamento, nec gratiam datam in sacrificijs, & Circumcisione, in veteri testamento, quod est falsum; Quia, unde veniret nobis gratia illa prima? Oportet igitur dicere, quod meruit nobis gratiam primam, quâ coniuncti essemus sibi, igitur meruit, ut non coniuncti coniungerentur sibi, & in hoc potissime consistebat meritum eius. Igitur non solum meruit, ut coniuncti sibi, ulterius cooperarentur ei, & sic tandem glorificarentur, sed meruit, ut non uniti unirentur, etiam qui nunquam se disposuerunt. Unde magis meruit gratiam baptismalem & primam, quàm quodcunq; opus postea ex gratiâ. Ex quo sic ad propositum arguo. Isti non coniuncti, seu disiuncti, qui & carentes gratiâ primâ, utique tunc sunt prorsus disiuncti à suo Capite Christo, quando tota natura humana à Virgineâ propagatione recessit, quæ erat ex intentione DEI, per stuprum Eux ab Adamo patratum, diuidens ipso facto inter Christum, & Virgineam eius à DEO intentam propagationem de Matre Virgine, in quâ consistebat ratio capitis respectu totius naturæ humanæ, ex parte vnâ; & inter Adamum, & totam posteritatem eius carnaliter propagatam, ex alterâ parte; Ergo tota & principalissima ratio meriti Christi, consistit in hoc, ut illi qui sic recesserunt, reducerentur ad suum caput virgineum; Sed hoc aliter fieri non potuit, nisi per propagationem ipsius capitis virgineam de Matre Virgine, quam solam aspiciebat DEVS, ut tandem actu complendam, in veterique Testamento, eius intuitu, conferebat primam gratiam in sacrificijs, & in Circumcisione, & iam factam intuetur in nouo testamento, eoque efficacius dat istam primam gratiam, maximè in Baptismo, & realem communionem talis virginitatis exhibet fidelibus in Eucharistiâ, Ergo ad hanc nostram coniunctionem cum suo capite Virgineo, ita facit Virgo Mater Christi, sicut & ipse Christus; Imò credo me non offensurum in hoc Christum, si dixerò; Virginem hanc suo conceptu, suo partu Virgineo, naturam totam restaurasse, quâ natura est; Christum verò iam naturam sic in*

R E S O L V T I O S E C V N D A. 175

in Virgine & per Virginem restauratam, solum Individuis applicuisse per Sacramenta à se instituta. Ecce quale adiutorium, & quam simile Christo Mater Virgo. Hanc ergò tu adhuc ad Adamum secundum carnem pertinere dices, quæ Adamum cum totâ eius carnaliter satâ posteritate, mediante suâ virgineâ propagatione Capitis Christi, in caput reduxit, & illi coniunxit? Absit hæc dementia.

22. Confirmatur hæc doctrina à Magistro sententiarum lib: 3. dist: 18. ubi sic de Christo merente nobis, ex mente SS. Patrum, resoluit. *Nec solum meruit CHRISTVS, quando Patri obediens, crucem subiit, sed etiam ab ipsâ conceptione, ex quâ homo factus est.* Et adducit pro se D. Gregorium, dicentem. *Non habuit omnino Christus, iuxta animæ meritum, quo potuisset proficere, in membris autem quæ nos sumus, quotidie proficit.* Et subdit Magister. *Non ergò plus meruit sibi per crucis patibulum, quàm à Conceptione meruit per gratiam virtutum.* Non ergò profecit secundum animæ meritum, quantum ad virtutem meriti, profecit tamen, quantum ad numerum meritorum. Plura enim habuit merita in passione, quàm in conceptione, sed maioris virtutis non extiterunt in merendo plura, quàm antè fuerunt pauciora. Tunc ego quæro. Quid ita? Et facile respondeo. Quia tota ratio & principalis meriti Christi, constitit in eo, quòd Homo purissimus virgineus, qualis erat semper in intentione DEI propagandus, de Virgine conciperetur, ut sic homo vetus innouaretur; cætera autem merita, solum ad applicationem faciendam Individuis talis innouatæ naturæ, spectabant, in quibus DEVS homo quotidie proficiebat, ut dicit D. Gregorius. Hæc obiter attulisse sufficiat pro modulo nostro, de Virgine Matre Christi, quomodo fuit Concaput cum CHRISTO, & adiutorium simile ei, per comparisonem ad humanam naturam. Quòd autem etiam fuerit Concaput eidem CHRISTO capiti, per comparisonem ad Angelicam naturam, iam declarandum est seriò; licet hoc nimis sit difficile.

23. Præmitto ergò doctrinam Doctoris subtilis in 3. dist. 18. §. In istâ quæstione, &c. de merito. Quid videlicet sit meritum? Dico (verba sunt eius) quòd meritum est aliquid acceptatum in alio, pro quo ab acceptante est aliquid retribuentum illi, in quo est quasi debitum illi pro illo merito, vel alteri pro quo meruit: non enim meritum dicitur semper actum, qui sit in potestate eius cui fit retributio, sed hoc solum est quando aliquis meretur sibiipso; quando autem unus meretur alteri per orationes, vel alias afflictiones acceptas DEO, quamvis illa sint in potestate merentis, non tamen sunt in potestate eius pro quo facit: & tunc meritum formaliter, dicitur ordinem alicuius laudabilis in merente ad acceptantem, quòd acceptans acceptat, ut retribuatur ei pro quo acceptatur, & ex hoc sequitur, quòd unus potest mereri pro alio: DEVS igitur, acceptans bonum factum vel bonum velle alicuius, retribuit sibi si indiget; si tamen sit ita perfectus, quòd non indigeat perfectione, sicut CHRISTVS, retribuit alijs pro quibus meretur. Hæc Doctor Subtilis. Ex quâ doctrinâ habemus primò. Quòd tota ratio formalis meriti, quâ meritum est, constitit in acceptance: si enim intensissimos & maximè energicos actus facies Regi, eo fine, ut tibi

pro eis retribuatur honorum vel pecuniam, & Rex non acceptet illos actus, nec iudicet deberi tibi retributionem pro talibus, non est tibi meritum respectu Regis, quia deest in Rege acceptatio. Habemus secundò. Quod meritum respectu cui ut termini, bifariam consideratur: aut ut retribuatur sibi, aut ut retribuatur alteri. Habemus tertio. Quod meritum sibi, semper est in potestate eius cui sit retributio; aliter verò meritum alteri, non est in potestate eius cui sit retributio, sed in potestate alterius, qui pro isto elicit actum hunc vel illum. Habemus quartò. Quod meritum potest esse ita acceptum, quod valeat ad præmium, & sibi qui meretur, & alijs, & si contingat eum qui meretur non indigere præmio, sed illud aliunde præhabere, iam in tali casu, tota retributio cedit alijs, pro quibus ille qui meretur intendit.

24. Ad propositum ista applicandò, reminisci nos oportet dictorum hinc in Decade primâ, Resolutione primâ, quod cum DEVS ab æterno proposuerit creare res alias à DEO, propter communicandam bonitatem suam ad extrâ, primum inter omnes voluit CHRISTVM, seu primogenitum omnis creaturæ, & caput, ut ita Deitas mediante vnione hypostaticâ Verbi, ad naturam intellectualem creatam, toti creaturæ communicaretur, & in DEVM reduceretur vicissim tota creatura. Et quia naturæ intellectuali quâ tali, non potuit esse alius modus melior communicandi Deitatem, nisi per visionem beatificam essentia diuinæ, & fruitionem eius, decretum est in primis, ut iste primogenitus omnis creaturæ & caput, habeat gloriam, id est, visionem & fruitionem beatificam essentia Diuinæ, sibi coæquam, sine villo merito præcedente, sed solum ex mera DEI dantis liberalitate. Et hoc est, quod docet Doctor subtilis in 3. dist. 7. CHRISTVM scilicet esse primò antè omnia prædestinatum ad gloriam, non qualitercunque habendam, sed coæquam animæ suæ, qui Christus sic iam prædestinatus ad gloriam, decretus est in secundo signo ad vnionem cum naturâ intellectuali, in Supposito Verbi, & simul decreta est ad hoc natura intellectualis humana, non Angelica, in Christo à Verbo suppositanda. Cuius ratio à priori nulla est, nisi voluntas Dei; ex ratione tamen Christi, quatenus primogenitus & caput est, potest dari ratio: quia ad Christum ut caput totius creaturæ, pertinebat reducere ad Deum vtramque creaturam intellectualem, tam scilicet Angelicam, quam Humanam, illas beatificando; Ergò debuit destinari ad talem naturam, quæ esset compar Angelis secundum animam, & dispar eisdem secundum corpus, quæ est natura humana. Vtque appareret manifestè, DEVM ex mera liberalitate, communicare se suæ creaturæ, non verò ex dignitate naturarum; prout aduertit subtile acumen Doctor subtilis supra dist. 7. S. Secundum dubium &c. dùm hæc protulit verba. DEVS primò voluit aliquam naturam non summam, habere summam gloriam; ostendens quod non oportet eum conferre gloriam, secundum ordinem naturarum. Nec tamen in hoc iniuriauit Angelicam naturam; quia eam noluit subesse puro homini, sed homini in personâ Verbi subsistenti. Jam ergò est primum Ens nobilissimum, prædestinatum à totâ sanctissimâ Trinitate ut caput cæterorum fiendorum,

R E S O L V T I O S E C V N D A.

177

dorum, DEVS homo. Ad quid autem? cū DEVS nihil intēdat, aut prædefiniat frustra? Jam tibi dixi; quōd ad gloriam Dei; vt videlicet creatura intellectualis, in eo & per eum, degustaret ineffabilem gloriam vniōnis beatificæ ad DEVM. Ad quid adhuc? Dico tibi rursus, quōd ad hoc, vt iste primogenitus omnis creaturæ, diffundat & dispenset ineffabiles gratias, in omnes creaturas rationales, sicut ipse præ omnibus & pro omnibus suscepit eas summas, sinē vllō merito, ex eo solū, quod natura humana vnita est personæ Verbi: Quia, vt loquitur Doctor, vbi suprà, §. Respondeo &c. *Tanta gloria non fuisset sibi conferenda, si non esset vnita, sicut modo collata est.* Ad quid insuper? Dico tibi resolutoriē. Quōd ad hoc, vt ipsa natura assumpta, supplendo defectum omnium creaturarum producibilium, & præsertim intellectualium, quæ DEVM de condigno glorificare non possunt, operationes Diuinas in se excellentē percipiat, DEO fidelissimē deseruiat, & eum honore condigno glorificet, ita quod etiamsi deficeret & in nihilum abiret vtraque natura intellectualis, tam scilicet Angelica, quā Humana, adhuc DEVS à naturā assumptā à Verbo, simpliciter honoraretur, & magis quā ab istis ambabus. Hæc igitur omnia, in primogenito omnis Creaturæ Deo homine prædefinito, complenda, destinauit & definiuit Deus.

25. Porro. Quia Christus, in caput creaturarum omnium & præsertim intellectualium, à Deo destinatus, Homo verus futurus prædefinitus est, ex animā videlicet rationali, secundū D. Athanasium in symbolo, & humanā carne subsistens; & ratio capitis ab eo, vt Christus est, est omnino inseparabilis; quæ in eo consistit, vt in eo & per eum, tota creatura intellectualis inseratur in Deum, mediante conceptu eius virgineo de Matre Virgine, à quā carnem accipere, & esse Filij hominis acquirere, eum oportuit, quod, si immediatē à Deo produceretur per Creationem absq; Matre, habere non poterat, idē in eodem omnino signo, quo Christus prædefinitus est esse homo, etiam prædefinitus est esse filius hominis, atque ita prædefinita est statim & hæc Virgo Mater eius ad futuritionem, tanquam ens intrinsecē concernens humanam naturam Christi, primogenitam omnis creaturæ; quod etiam Ens, scilicet Virgo Mater, propterea dicitur in Sacra Scripturā, primogenita antē omnem creaturam, sic intelligen- te ipsamet Ecclesiā hæc verba de Maria.

26. Et quōd pertinebat ad Christum, quatenus erat caput totius creaturæ, vt esset Filius hominis, ipse manifestauit Christus, qui actus suos à se vt à capite in Ecclesiam procedentes, sapius contestatus est procedere ab eo, idē, quia Filius hominis est; Tales autem actus sunt, dare cibum Eucharisticum producentem ad vitam aternam: Iudicium facere finale: Pretium pro toto genere humano captiuo soluere: & multi similes. Quos actus se peragere, testatur Christus, non quā Deum, sed quā hominis Filium, vt Matth. 25. *Cum venerit Filius hominis in sede Maiestatis sue.* Et Matth. 25. *Tunc videbitis Filium hominis venientem in nube.* Et Joan 5. ex- pressius:

pressius. *Sicut Pater habet vitam in semetipso, sic dedit & Filio habere vitam in semetipso, & potestatem dedit ei iudicium facere, quia Filius hominis est.* Et Cap: 6. *Nisi manducaueritis carnem Filij hominis, non habebitis vitam in vobis.* Et. *Oportet exaltari Filium hominis, ut omnis qui credit in ipsum, non pereat, &c.* Ergo si Christus quæ mediator & caput creaturæ intellectualis, Filius hominis est, sequitur quod ille homo cuius Filius futurus erat, immediatè & simul cum eo definitus est, antè omnem aliam creaturam, in adiutorium capiti creaturarum; iuxta illud Gregorij Nysseni Hom: de Natiuitate Christi. *Decebat, ut qui in vitam humanam introibat, ut homines integros incorruptosq; seruaret, ab incorruptâ sibi deseruiente integritate, initium duceret.* Ista autem incorrupta integritas deseruiens Christo, est Virgo Maria ipsi identificata, & consubstantialis. Identificata inquam, quia secundum Petrum Damianum serm: 1. de Natiuitate Mariæ: *Isti Virgini Matri, inest DEVS identitate, quia idem est quod illa, & cum illâ vnus natura habet identitatem, quia tali modo DEVS Virginem induit, & in Virgine indutus est, ut meliori non posses.* Consubstantialis verò; quia secundum Ammonium in Cathenâ Græcâ, ad Cap: 3. Joan: *Si Mariæ, caro animata, fructus quoq; eius ipsi quousq; consubstantialis, neq; phantasma, aut aliud quidquam à Genitricis carne diuersum, carnem Verbi putes.* Habemus ergo, in prædefinitione Dei, iam primogenitum omnis Creaturæ Filium Hominis, cum suo immediato sibi, imò secum in eadem Dei præuisione simultaneo adiutorio simili, Virgine Matre, itidem primogenitâ antè omnem creaturam.

27. Jam sequitur in tertio præuisionis Diuinæ signo, tantæ Maiestati congrua familia. Decuit enim gloriosum istum Regem Christum, & gloriosam Reginam Matrem eius, habere suæ gloriæ competentem familiam, & decentem comitatum ex creatis naturis intellectualibus; hinc in isto tertio signo prædefiniti sunt Angeli, prædefiniti homines, & in horum gratiam, cælum, terra, aquæ, plantæ, herbæ, animalia, paradysus &c. ita quod in isto summo angulari lapide Christo, omnis ædificatio construenda in Templum Sanctum Domino, in Spiritu Sancto, ut loquitur D. Paulus, de creta est. Hæc est ergo causa prædefinitionis æternæ omnium creaturarum producibilium; scilicet gloria sanctissimæ Trinitatis, & Gloria Christi; iuxta illud Apostoli 1. ad Cor: 3. *Omnia vestra sunt, vos autem Christi, Christus autem DEI.*

28. Cum igitur venit illud tempus beneplaciti Dei, quo Deus hæc quæ ab æterno prædefiniuerat, in re ipsâ fienda voluit, subito apparuit cælum, terra, aqua, refulsitque lux, ac cælum repletum est Angelis, aqua piscibus, terra animalibus, iuxta quod dietim describit Moyses Gen: 1. Angelos autem creatos esse primo die, omnium fermè SS. Patrum conuincit autoritas.

29. Enimverò cum Deus non possit voluntatem creaturæ intellectualis facere impeccabilem per naturam, ut docent vnanimiter Theologi; & Angeli ex dono creationis acceperint intellectum & voluntatem, quibus

R E S O L V T I O S E C V N D A.

179

bus possent uti ad meritum vel demeritum suum, oportuit eis dare obiectum, circa quod mereri possent, & consequenter glorificari, vel etiam peccare, & ita damnari: quod obiectum non aliud eis datum est, nisi Christus, caput & origo salutis, in quo oportet omnes saluos fieri. Itaque ab initio statim creationis Angelorum, reuelauit eis Deus futuram incarnationem Filij sui, illuminando scilicet eorum intellectum per fidem de hoc, quod velit esse Christum vnicum & vniuersalem mediatorem inter se & intellectualem creaturam, quæ nullo modo per se valet deificari, & consors diuinæ naturæ fieri, nisi in isto Christo mediatore. Cuius ratio est. Quia nec Angelica nec humana natura, aliquod pondus æqualitatis iustitiæ habere possunt, ad illud præmium infinitum, quod est Deus, nisi fulciantur merito JESU CHRISTI, quod solum habet in se coram Deo rationem condigni, ut acceptetur pro alijs, Deo sic ordinante, ut sicut Christus secundum diuinitatem habet in se rationem vniuersalem præmij, ita secundum humanitatem, habeat in acceptatione diuinâ rationem vniuersalis meriti, ita ut quicumque credat, & speret in eum, eius merito saluus fiat, siue ille sit Angelus, siue homo. Ex hac igitur illuminatione, aliqui Angeli fideliter perceperunt, dignum esse subijci Filio DEI, & vero homini Christo; Aliqui verò ex vi suæ naturæ tam perfectæ creatæ, existimarunt se posse consequi beatitudinem; & sic peccauerunt, inordinate volendo sibi bonum, amore concupiscentiæ; iuxta Doctorem Subtilem in 2. dist. 6. q. 2. Illi verò qui boni permanserunt, per prædictam illuminationem cognoscentes voluntatem diuinam de Incarnatione Christi, & quod ista assumptio humanæ naturæ, iustitiæ & misericordiæ plena esset, essentientes Deo & Christo eius, meruerunt participare merita Christi venturi, per quæ assumpti sunt statim ad fruitionem gloriæ, hac certitudine pleni, quod naturam, gratiam, & gloriam adepti sunt per Christum, quem statim adorauerunt. Verissimè ergo pronunciauit Doctor noster in 3. dist. 7. q. vnicâ, quod maior est gloria animæ Christi, quàm omnium animarum redimendarum, gloriæ, imò etiam Angelorum, licet id expressè non dixerit ipse. Quia in gloriâ animæ Christi coxua illi, omnes aliarum creaturarum intellectualium gloriæ, sunt inclusæ, & in vi meritorum eius, à DEO ab æterno acceptatorum pro nobis, (ipse enim Christus sibi nihil mereri potuit, respectu gloriæ essentialis) tota creatura intellectualis glorificatur.

30. Si autem quæras. Quomodo profit CHRISTI meritum, Angelis & hominibus, & quam rationem habeat acceptabilitatis à DEO? Respondeo. Quod ex ratione intensissimæ charitatis: Sicut enim DEVS, charitas est, teste D. Joanne, ita contulit summam charitatem CHRISTO, seu Animæ eius; ita quod omnes beati simul iuncti, non possent ex tantâ intensiōe charitatis, velle salutem animæ, sicut vult CHRISTVS omnium Electorum salutem, nec potest esse tanta dilectio Angelorum & Hominum simul sumptorum ad se inuicem, quanta est dilectio CHRISTI, quâ diligit minimum glorificandum. Quia in CHRISTO est cha-

ritas vt in ipso fonte, in cæteris verò electis, vt in riuulis, de plenitudine istius fontis procedentibus.

31. Si inites. Quomodo meritum Christi, Angelis tunc valebat, quando nondum erat Christus, nec meruerat? Respondeo, quod ita, sicut & Patribus in lege veteri antè incarnationem; scilicet, quatenus fuit à DEO præuisum. Humanitas enim Christi, secundum quam omnibus mereri debebat, præuisa est vt vnienda DEO infinito, cui non tantum omnia loca, sed etiam omnia tempora præsentia sunt; propterea merita Christi in sic vnitâ naturâ fienda, coëxistebant nunc æternitatis coram DEO, & per hoc ad omnia tempora dilatata sunt.

32. Sed iam redeamus ad Virginem Matrem CHRISTI, per quam vt adiutorium simile, etiam decreuit DEVS distribuere gratias tam Angelis quam Hominibus, vi meritorum Christi illis debitas. Vndè B. Virgo à SS. Patribus dicta est, Collum in corpore, respectu capitis; Quia vt dicit D. Bernardus: *Nulla gratia venit de calo ad terram, nisi transeat per manus Mariæ.* Sed accommodatiùs ad rem D. Hieronymus in serm: de Assumpti B. M. V. in Christo (inquit) fuit plenitudo gratiæ sicut in capite influente, in Mariâ verò sicut in collo transfundente. Quod explicans S. Bernardinus Senensis, hæc aurea verba protulit, serm: 81. de Relig: Christianâ art: 1. cap: 4. *Sicut per collum, vitales spiritus à capite descendunt in corpus, sic per Virginem, à capite Christo vitales gratiæ in eius corpus mysticum transfunduntur.* Vndè iste est ordo influxus Diuinarum gratiarum; vt prius à DEO defluant in Christi animam benedictam, deinde in Animam Virginis Matris, inde in Seraphim, & in alios sanctos ordines Angelorum, demum in Ecclesiam militante-m; Cum enim tota natura Diuina, totum esse & posse, scire & velle Diuinum, intra Virginis uterum existerit clausum, non timeo dicere, quod omnium gratiarum effluxus, quandam iurisdictionem habuerit hæc Virgo, de cuius utero, quasi de quodam Diuinitatis Oceano, riuus & flumina emanabant omnium gratiarum. Hæc D. Bernardinus. Tunc ego. Sed si ita est cum Virgine in executione, non est dubitandum, quod ita decretum fuerat fore in diuinâ intentione; Ergo à Virgine Matre non est sarcenda ratio adiutorij similis Christo; atque ita, sicut Christus quæ caput totius creaturæ, à casu in Adamo immunis, ita & hæc Virgo Mater, quæ est adiutorium simile illi, omnino expers istius noxæ, censenda est. Maxime, cum post hæc omnia, peccatum Adæ præuisum sit in quarto demum signo, quod vt posterius, sicut Christo filio Virginis, ita nec ipsi Matri Virgini, nocere potuit. Vndè vt hoc clarè elucescat, ostendendum est, Virginem Matrem, nullo modo pertinuisse ad Adamum, in ratione Filii eius. Pro quo fit.



RESOLVTIO
TERTIA.

DEIPARA VIRGO non fuit Filia Adæ in
Conceptione suâ, nec Adam respectu eius fuit
Pater; proinde expers est peccati Adæ.

Sicut duobus modis contingit loqui de Conceptione Virginis DEIPARÆ, ut aduertit Doctor Subtilis in 3. dist. 3. q. 1. sub ipsam finem: Vel ut dicit commixtionem seminum; Vel ut dicit compositionem naturarum, quæ fit in ipsâ animatione; ita & duplex oritur difficultas, de immunitate eiusdem Virginis ab originali peccato, in suâ conceptione. Prima. An B. Virgo ex vi in naturâ suâ propagationis, per commixtionem ordinariam seminum factæ, concepta sit sine peccato originali? Secunda. An B. Virgo in primâ illâ sui animatione, per gratiam Christi tunc acceptam, sit præseruata à peccato originali, in quod alias omnino incidisset ex vi propagationis suæ, si non fuisset præuenta gratiâ Christi?

2. Et quidem hanc secundam iam Doctor noster & eius discipuli, multique alii doctissimi viri, in rem Deiparæ Virginis resolverunt, nec de hoc videtur esse iam controuersia in Ecclesiâ, cum omnes fermè vnanimiter fateantur, præseruatam esse Virginem gloriosam, ne inquinaretur peccato originali, per infusionem gratiæ gratum facientis, æquivalentis iustitiæ originali in animam eius, tunc dum condebatur, & corpori vniebatur: & in hoc etiam D. Thomas Doctor Angelicus absque dubio consensit, ut multi ipsius discipuli ex varijs ipsique apertissimis locis suæ doctrinæ probant, & nos Resolutione primâ huius Decadis deduximus.

3. At in priori difficultate, omnes antiqui Doctores, & etiam D. Thomas, imò & ipse Doctor Subtilis, sunt Virgini Matri contrarij, qui etiam nec ipsum Christum volunt à peccato originali excipere, si fuisset conceptus de viro & muliere, seminantibus cum libidine, & multò minus Virginem, quam supponunt sic seminatam; hinc ortum duxerunt illæ questiones, quas ipsi negatiuè resoluebant: An videlicet B. Virgo fuerit sanctificata ante conceptionem carnis, seu in Parentibus? Et hanc proponit A. lensis 3. p. q. 9. Memb. 2. a. 1. An B. Virgo sanctificata fuerit in conceptione actiuâ, antequam conceptio actiua carnis eius finiretur, id est, in ipso concubitu matrimoniali? Et hanc dedit D. Thomas in 3. dist. 3. An caro

B: Virginis fuerit sanctificata, antè animationem? Quam attulit D. Bona- uentura in 3tio dist. 3. & affirmatiuè in rem VIRGINIS resoluit. Et multæ similes, quas videre est apud Authores, Alensi & D. Thomæ coæuos, vt apud Argentinatem in 3. dist. 3. q. 1. & alios. Quid autem in nostrâ sententiâ de his quæstionibus sit sentiendum, necesse est aperire, vt simul appareat, VIRGINEM, etsi sit seminata à Parentibus, non fuisse tamen maculatam, etiam secundum carnem, nedum secundum animam, ab Adæ peccato, nec fuisse illius Filiam; de quo per sequentia dicta sermo erit. Igitur.

4. Dico primò. In actu conceptionis Virginis Matris, quatenus dicit commixtionem seminum, vterus D. Annæ sterilis, digito DEI apertus, semeri decifum à Ioachim marito, vnâ cum suo semine, ratione vacui attraxit, quæ semina in concauo vteri D. Annæ, exactè sunt commixta. Nec in hoc est disparitas conceptionis VIRGINIS, à conceptione aliorum Adamicorum. Ostenditur hoc: Quia Ecclesia & SS. Patres, vnanimitè docent, Beatam Virginem ex copulâ maritali Ioachim & Annæ conceptam esse. Vndè D. Damascenus Orat: de Nat. B. M. inquit. *O beatum par Ioachim & Anna, vt DEO gratum erat, & dignum eâ, quæ à vobis orta est, vite vestre rationes institutis, castè enim & sanctè munere vestro functi, Virginitatis thesaurum produxistis.* Sanctus quoque Epiphanius Orat. de laud. Virg. ait. *De radice Iesse, ortus est Rex David, & de tribu Regis David, sancta Virgo, sancta inquam, & SS. Parentum Filia, cuius Parentes fuerant Ioachim & Anna.* Ecclesia etiam tota, Festa D. Ioachim & D. Annæ Parentum VIRGINIS, solennitè colit, quod faciens protesta- tur ipso facto, se istos duos agnoscere pro progenitoribus DEIPARÆ, saltem semina sua ad eius conceptionem passiuam conferentibus. Ergò &c.

5. Imò hoc omninò oportet dicere. Cùm enim CHRISTVS venerit restaurare quod erat in nobis corruptum; restaurare autem non potuit, nisi vetus nostrum in se saltem quoad similitudinem assumendo, & illud per crucem & mortem destruendo, ac novum per resurrectionem restituendo; oportuit VIRGINEM MATREM, de quâ carnem sumere volebat, de antiquo aliquatè participare semine, vt ita nostrum vetus, mediante eâ in CHRISTVM infereretur, & in nouitatem reduceretur. Ita docet Tertullianus lib. de carne Christi cap. 17. dicens. *Nouè nasci debebat, nouæ natiuitatis dedicator; hæc est natiuitas noua, dum homo nascitur in DEO, in quo homine DEVS natus est; carne antiqui seminis susceptâ, sine semine antiquo, vt illam nouo semine, id est, spiritua- liter reformaret, exclusis antiquitatis sordibus expiatam.* Hæc Tertullianus. De- buit ergò caro Virginis Matris Christi esse ex semine antiquo, saltem inchoatiuè, idque stante lapsu Adæ, quia vt idem Tertullianus ibidem insert; *Indè prodeundum fuit CHRISTO ad salutem hominum, quò homo iam damnatus intraue- rat.* Et meritò sanè. Sicut enim Christus Dominus, qui Adamo non pec- cante venisset impassibilis in carne spiritali, stante Adæ lapsu, iam venire de- buit in carne passibili, & quasi Adamicâ, ita & Virgo Mater eius, quæ aliàs fuisset non de semine antiquo, debuit habere carnem ex semine antiquo, li- cet sine peccato, & omni maculâ, vt ipsam Christussumeret passibilem, & poenali-

poenalaribus obnoxiam, eâ saltem ratione, quòd sit ex semine antiquo inchoatiuè.

6. Præterea. Apostolus ad Rom. 1. dicit. Christum factum esse ex semine Dauid secundum carnem; Sed hoc non posset dici, nisi Virgo Mater eius, de quâ sumpsit carnem, fuisset saltem inchoatiuè ex semine Parentum à Dauide, per lineam generationis, nedum inchoatiuè sed & completiuè descendendum. Ergo &c. Porro ne aliquis indè inferat, VIRGINEM eo ipso esse Filiam Adæ, & obnoxiam peccato ex vi suæ propagationis, quòd scilicet caro eius, ex commixtione seminum surrexerit inchoatiuè, modo omnibus Adamicis communi. Ad excludendum istam illationem.

7. Dico secundò. Actus ille coniugalis Parentum B. Virginis, quo cooperabantur ad conceptionem tantæ prolis, fuit ita & talibus circumstantiis circumstantionatus, vt nullus fœditati alicui relictus fuerit locus. Et ex hoc est summa disparitas conceptionis Virginis, à conceptione aliorum Adamicorum, etiam in vtero sanctificatorum. Hic iam ipsa B. Virgo pro se loquitur: ita enim in reuelationibus S. Birgittæ lib. 1. cap. 9. informat de hoc præfatam S. Birgittam. *Pro certo dico tibi, quòd ex charitate diuinâ, & ex verbo Angelis nunciatis, conuenerunt carne Parentes mei, non ex concupiscentiâ aliquâ voluptatis, sed contrâ voluntatem suam, ex Diuinâ dilectione, & sic ex semine eorum, per diuinam dilectionem, caro mea compaginata est.* Hæc quantæ circumstantiæ illius actus, quas postea in rem immaculatæ conceptionis expendemus.

8. Modò sanctos Patres pro Virgine loquentes audiamus, quorum primus Nicephorus lib. 1. cap. 7. *Virgo (inquit) ex membris senilibus, & longè à nature feruore alienis, tanquam quidam diuinitus datus fructus, producta est.* Secundus D. Damascenus Orat. 1. de Natiu: B. M. *O Beatos Ioachim lumbos, ex quibus prorsus immaculatum semen fluxit.* Tertius S. Ildephonsus serm. in Nat: B. V. *Maria Virgo non sic est nata, sicut solent pueri vel puellæ nasci, sed de Annâ sterili, & Patre iam sene; extrâ consuetudinem mulierum post refrigescens iam calorem, & sanguinem iam tepidum, & omnem amorem libidinis discessum, mundo corde & corpore, ab omni pollutione carnali, orta est.* Non loquitur autem D. Ildephonsus de pollutione pro decissione seminum sumptâ, hanc enim fuisse concessimus in illo actu, sed de pollutione pro libidinosâ seminatione acceptâ, quæ ab illo actu prorsus exulauit. Quartus est Petrus Galatinus lib. 7. cap. 8. *Fateor, Sanctum Ioachim & Sanctam Annam sese coniugalitèr copulasse, ob ardentem tamen deuotionem, vehementemq; contemplationem, quâ unanimiter in generationem B. Virginis intenti ambo tenebantur, fomes in illo actu penitus extinctus fuit.* Et rursus idem. *Tanta (inquit) deuotione se coniunxerunt, vt absq; libidine & corporis voluptate, Virginem gloriosam Matrem DEI futuram, genuerint: vehementissima enim deuotio, atq; animi delectatio, omnem corporis voluptatem, concupiscentiam, atq; libidinem, extinxit.* Quintus D. Hieronymus, in lib. de Nat: B. M. qui inter eius opera extat, & ab eo D. Mathæo Euangelistæ tribuitur, quasi ipse hanc historiam de ortu Virginis hebraicis literis scripserit. Vbi Angelum sic loquen-

loquentem ad Parentes Virginis introducit. Cum *DEVS* alicuius *utrum* claudit, ad hoc facit, ut mirabilius denuo aperiat, & non libidinis esse quod nascitur, sed Divini muneris cognoscatur. Sextus sit D. Petrus Chrysologus, de Parentibus D. Joannis Baptistæ sic loquens; serm. 91. *Elisabeth sanctæ par- tus non ablatas est, sed dilatas, donec transiret tempus carnis, passio corporis, con- iugij necessitas, voluptatis causa, cupiditatis sensus, & totum quod humanam con- fundit, gravat, onerat, conscientiam.* Et paulò infra. Denique ubi tota cor- poris sedata quærellæ est, & in totam facti sunt sine quærellæ, mox sterilitas fugit, reuiuiscit senectus, fides concipit, parit castitas, nascitur maior homine, par Angelis, tuba celi, præco Christi, arcum Patris, Filij nuntius, signifer supremi Regis, peccatorum ve- nia, Iudeorum correctio, vocatio gentium, & ut proprie dicam, legis & gratiæ fibula. Tunc liceat mihi subinferre. Si hæc omnia circumstantionauerunt concep- tionem Præcursoris Christi, cur non potius conceptionem Matris? Si ita na- scebatur Joannes ex sterilibus, quid Mater ipsa & Virgo, quæ stante Virgini- tate, concipere & parere debebat Christum? Quâ putatis puritate, actus ille, quo parentes cooperabantur ad Conceptionem tantæ Virginis, nituit, si tantâ splenduit actus parentum Præcursoris? Si par Angelis sic natus est? quid Regina Angelorum?

9. Hinc rectè addidi in hoc secundo dicto, quod Conceptio Virginis actiua, seu ex parte Parentum, superauit conceptionem quorumcunque sanctificatorum in utero, etiam conceptionem D. Joannis Baptistæ, puritatē. Quia in conceptione actiua D. Joannis, notat D. Ambrosius interuenisse libi- dinem, dum ponderat illa verba Luc. 1. de Elisabeth prolata. *Post hos autem dies, concepit Elisabeth uxor eius, & oculabat se mensibus quinque.* Neque enim (verba sunt D. Ambrosij) *quæ senilem non erubescere coitum, erubescere partum.* Si igitur erubuit partum, signum est quod erubescere ob libidinem in senili coitu. Scriptura etiam palam testatur, ibi ex parte utriusque parentis, fuisse incredulitatem de tam serotino conceptu. Vbi autem fuit incredulitas, ibi non potuit esse coniunctio ex charitate, & ex verbo Angeli, qualis fuit coniun- ctio Parentum Virginis. Et si coniunctio actiua D. Præcursoris, non ex- quat puritatem conceptionis actiua Matris Virginis, certè multò minùs ex- quat conceptio actiua Ieremiæ Prophetæ, qui multò fuit inferior Ioanne. Ergo Conceptio Virginis actiua, scilicet quoad actum conjugalem parentum sumpta, superauit excellentiâ & perfectione, ac circumstantijs fidei, cha- ritaris, deuotionis &c. actum conjugalem Parentum D. Joannis, Ieremiæ, & si qui sunt alij in utero sanctificati. Hinc rectè Fulbertus Carnotensis, serm. de ortu Virginis ait, de S. Annâ. *Verè beata, & omni veneratione ha- benda Mater Anna, quæ omnium antecessit Matres, in concipiendo & generando Ma- riam.* Et de utroque Parente Virginis, D. Joannis Damascenus Orat. 1. de Nat. B. V. *O beatum par Ioachim & Anna, profecto ex ventris vestri fru- ctu, immaculati agnoscimini, quemadmodum Christus quodam loco dixit: Ex fru- ctibus eorum, agnosceitis eos.*

10. Dico tertio, Nec decisso seminum, nec eorum in utero D. Annæ commix-

commixtio
stans, esse E
sic concepta
uicertum su
lis humanæ
ne, sine co
rem Subtile
ad Petrum,
culam non t
quid iste es
est Filius A
si fuisset p
& tunc fui
Nunc autem
culosa est,
diem inter
rationem pr
ginalis in p
lis. Vbi
maculam i
tionis, hab
ginale, qua
quia est Fili
bidinosæ, m
ponentis.
ginis Deipar
gatio comm
quenter m
rentes ad
& Eva in
Virgo Ma
gationis A
11.
argumenta
quod si A
nale, non
potuerunt
culatâ hâc
culâ origina
xisset Virgo
fuit tunc Fil
center & iur
12. C
cap. 13, &

commixtio, arguunt Virginem, quâ Persona est in naturâ humanâ subsistens, esse Filiam Adæ, vel obnoxiam maculæ originali, etiam ex parte carnis sic conceptæ. Probatur imprimis ex fundamentis illorum Theologorum, qui ut certum supponunt, in statu innocentie futuram fuisse propagationem proles humanæ, per commixtionem sexualem viri & mulieris, mediante semine, sine concupiscentiâ tamen. Et imprimis, cû Scotista, produco Doctorem Subtilem in 2. dist. 3. 2. vbi ait. *Sed hic facit dubium, auctoritas Augustini de fide ad Petrum, quam adducit Magister distinctione hac; Quæ sonat, quod istam maculam non transfundit propagatio, sed libido; Ergò videtur, quod non ex hoc solo, quod iste est filius naturalis Adæ, est sic tali peccato obnoxius, sed ex hoc, quod est Filius Adæ libidinose propagatus, iste contrahit peccatum originale. Respondeo. Si fuisset propagatio in statu innocentie, non fuisset peccatum originale contractum, & tunc fuisset omnino sine libidine, quia propagantes habuissent iustitiam originalem. Nunc autem quæcunq; propagatio communis, libidinosa est; & ista igitur, quia maculosa est, maculat prolem, non autem quia propagatio; quia propagatio non est medium inter parentem & filium, per quod filius maculetur secundum illam absolutam rationem propagationis, quæ fuisset in statu innocentie, sed ex carentiâ iustitiæ originalis in propagantibus, quam carentiam consequitur libido. Hæc Doctor Subtilis. Vbi apertè docet, non ex ratione propagationis, contrahi originalem maculam in carne, vel culpam in animâ, nec ex eadem ratione propagationis, haberi Filiationem Adæ, in ordine ad contrahendum peccatum originale, quatenus illud debeat resultare in omni personâ propagatâ, eo ipso, quia est Filia Adæ; sed id haberi, ex ratione propagationis communis, libidinose, maculose, carentiam iustitiæ originalis in propagantibus præsupponentis. Tunc ad propositum. Sed decisio seminum à parentibus Virginis Deiparæ, & eorum in utero D. Annæ commixtio, non fuit propagatio communis, sed valdè specialis, nec etiam fuit libidinosa, nec consequenter maculosa, ut ex Patribus deduxi: imò probabile est, illos SS. Parentes ad generandam prolem hanc ita per omnia concurrisse, ac Adam & Eva in statu innocentie, si fuisset ibi propagatio, Ergò ex hac parte, Virgo Mater non est Adæ filia, in ordine ad hoc, ut ab eo ex vi propagationis Adamicæ contrahat maculam originalem.*

11. Confirmatur. Quia Doctor Subtilis citatâ distinctione §. Ad argumenta tertiæ quæst. &c. ibi. Ad aliud de proximo &c. docet: quod si Adam non peccasset sed Cain, tunc filij Cain contraxissent originale, non ab Adam, sed à Cain, Ergò cû bonum sit potentius malo, potuerunt Parentes Virginis, quoad actum decisionis seminum pro immaculatâ hâc prole, accepisse iustitiam originalem, & ita sine peccato & maculâ originali, Virginis carnem produxisse; Sed in hoc casu, non respexisset Virgo Adamum pro Patre, sed solum proximos parentes, Ergò non fuit tunc Filia Adæ, cû Adamicè cum libidine genita non sit, sed innocentè & iustè, quomodo nunquam genuit Adam.

12. Confirmatur iterum per D. Anselmum lib: de concept: Virg: cap: 13, & sequentibus, ita de Christo resoluente. *CHRISTVS* (inquit)

vis de massa peccatrice carnem assumpserit, non potuit tamen contrahere peccatum originale, quia de iusto Patre secundum diuinam, & de iusta Matre secundum humanam naturam, natus est. Sed etiam B. Virgo de iusto Patre & de iusta Matre nata esse supponitur, qui eam sic genuerunt, quomodo generarentur Filij & Filia in statu innocentiae, Ergo absque macula originaria, tam quoad carnem, quam quoad animam & personam, haec Virgo generata est; nec illi obest commixtio aut decisio seminum praefata, ut potest quae non fuit Adamica communis.

13. Succedat Doctori Subtili Doctor Angelicus, qui in 2. dist: 31. q. 1. A. 2. sic docet. Si defectus peccati originalis non traduceretur in aliquem, non posset id contingere, nisi per hoc, quod natura generantis, perfecte redintegrata esset: non enim potest contingere, ut virtute deficientis natura, aliquid in naturam non deficientem, generetur. Haec ille. Tunc ego subsumo. Sed natura generantium proximè Virginem Matrem, perfecte redintegrata est quoad actum generationis, cum ita genuerint Virginem, sicut genita fuisset in statu innocentiae, ut potest non Adamicè cum libidine, sed castè ex pia Charitatis affectu, & singulari dilectione DEI. Ut ipse D. Thomas fatetur in 3. Dist: 3. Quaest: 1. A. 1. ad tertium; ubi haec ponit verba. Dicendum. Quod concubitus quo Beata Virgo concepta fuit, meritorius creditur, non per gratiam purgantem naturam, sed per gratiam perficientem personas Parentum. Ergo &c.

14. Confirmatur. Quia secundum D. Thomam q. 4. de malo A. 7. ad 4. tum. Originale peccatum contrahitur, per virtutem mouentem ad naturam humanam, quae est in semine maris, secundum Philosophum. Sed nullus negabit, potuisse hanc virtutem mouentem ad naturam humanam, inclusam in semine maris, ita à DEO fuisse dispositam ad mouendum, ut per eam non resultaret peccatum originale in naturam genitam. Ergo &c.

15. Confirmatur iterum. Quia idem in 3. dist: 3. q. 1. A. 2. ql. 3. in fine, ita resoluit. Dicendum, quod si per impossibile ponatur, B. Virginem alium Filium ex carnali copula concepisse, ille filius peccatum originale habuisset, non ex Parte Matris, sed ex parte Patris: Si verò ponatur, Patrem pari modo sanctificatum fuisse ut B. Virgo, ille Filius, peccatum originale non habuisset. Tunc ego. Sed hoc in parentibus Virginem generantibus esse potuit, quae dicitur à SS. Patribus sancta, & sanctorum parentum filia. Ergo &c. Sed clariùs loquitur in 2. dist: 31. q. 1. A. 2. in fine. Si DEVS (inquit) concupiscentiam habitualement vel radicalem ab aliquo parente tolles, quod facere potest, tum redintegraret penitus naturam, & ita geniti, sine originali nascerentur. Sed in parentibus Virginis, omnes SS. Patres docent, sublatam fuisse concupiscentiam, etiam radicalem, dum hanc Virginem genuerunt, Ergo per hoc redintegrata fuit in eis natura; & ita Virgo ab eis genita est sine originali, nec agnoscit Adamum pro Patre, qui sic nunquam prolem genuit.

16. Aduoco & Doctorem Seraphicum in 3. dist: 12. a. 2. q. 2. cuius haec est doctrina. Sicut Christus purificauit operatione Spiritus Sancti vterum Virginales, sic & purificare & sanctificare potuisset, si voluisset, vim generatiuam in viro pariter

RESOLVTIO TERTIA:

187

pariter & muliere, ut ex eis, sanctus & immaculatus nasceretur, absq; aliquâ fœdita-
re. Sed DEVS respectu genitricis suæ id fecisse præsumendus est, quod sibi
voluisset facere, iuxta illud, quod postea ipse docuit Matthæi 7. *Omnia que*
vultis ut faciant vobis homines, & vos facite illis; Ergò de facto vim generati-
uam in parentibus suæ Matris ita sanctificauit, quod estò ibi fuerit copula ma-
ritalis, seminumque decisio & commixtio, tamen Virgo indè prodijt sancta
& immaculata; atque ita non Filia Adæ, nec peccato obnoxia.

17. Verùm quia hæ rationes falsò innituntur fundamento, scilicet pro-
pagationi per copulam maritalem, sinè libidine tamen, in statu innocentie;
quam nos Decade Primâ omninò exclusimus ab illo statu; ideò aliter & qui-
dem solidius probandum est, Virginem Matrem, estò inchoatiue sit concepta
per copulam maris & fæminæ maritalem, decisionemque & commixtionem
seminum, tamen non esse Filiam Adæ, nec obnoxiam peccato, etiam in carne
sic seminatâ. Pro quo.

18. Supponendum est ex dictis Decade primâ, Resolutione 3. & 4.
nec non 7mâ. Et Decade 2dâ. Resol: 2. Parentes per decisionem &
commixtionem seminum, non attingere immediatè prolem in ratione termi-
ni generationis, sed solùm producere semen prolificum, dispositiue agens ad
id, quod ipsi deindè vocant suam prolem, licèt reuerâ non sit iam vera & rigo-
rosa proles humana, in naturâ, quæ possit in rigore dici nomine Filij, vel Fi-
liæ, vt Resolut: 2. Decade hæc 2dâ, resoluius. Quidquid enim in naturâ
fit, aut nascitur, (& loquor de naturâ iam corruptâ) fit & nascitur ex ne-
cessitate seminum efficientium, semina autem ipsa, nullatenus operantur, ob-
scopum similitudinis, sed duntaxat quia sic sunt iussa operari à rerum Domi-
no, qui solus scientias & fines Archeis seminalibus dedit, sibi soli cognitos à
priori. Aliòqui semina vadunt, & quorsùm nesciunt, seseque dirigunt qui-
dem, tanquam scientiâ pollerent, sed tamen tendunt per media sibi con-
cessa, ad fines sibi penitus ignotos; proindè improprie sanè tribuuntur na-
turæ intentiones, & præfiguntur scopi: quia ista quæ videntur in naturâ
ex intentione agere ad certum scopum, non sibi ab initio præfixerunt scopum,
tanquam si mente & præscientiâ pollerent, sed solùm ex dono Creatoris, nata
sunt se spontè dirigere, & naturalitèr defluere ad fines DEO cognitos. Ni-
hil enim DEO reluctari potest, in quo omnia viuunt, mouentur, & agunt,
excepto eo solo, quod voluit liberum facere; rerum autem semina, cum
agentibus intrinsecis in ipsis inclusis, non sunt dotata à DEO libertate vo-
lendi, Ergò DEO reluctari nequeunt, imò iuxta beneplacitum DEI agunt,
in vnitono amoris, bonitatis, & pacis. Hoc supposito.

19. Ad propositum sic arguo. Ibi non confurgit in genito medi-
ante semine, filiatio Adæ, (prout communiter modò loquimur de Filiati-
one in naturâ corruptâ) vbi semina non agunt dispositiue ad id, quod in
naturâ humanâ vt seminatâ Adamicè producitur, ex vi talis suæ semina-
tionis Adamicæ; Sed in Conceptione Virginis Matris, semina decisa non
egerunt dispositiue ad id, quod ex Adamicâ seminatione in naturam hu-
manam

manam introducit, scilicet ad animalitatem seu ad animam feminalem; Ergò ibi, estò fuerit seminatio, non tamen surrexit Adæ Filiatio. Maior patet ex Resol: 7mâ. Decadis Primæ. Minor probatur. Quia semina decisa à Parentibus Virginis, in ordine ad procreandam hanc benedictam prolem, debuerunt habere modum agendi cum dependentiâ à DEO, sic videlicet operando, sicut iussa sunt à DEO operari; Sed DEVS non iussit, imò prohibuit illa semina operari dispositiue, ad animalitatem inducendam in hanc prolem, quæ solum ex Adamicâ seminatione in naturâ humanâ confurgit, Ergò in Conceptione Virginis, semina decisa, non egerunt dispositiue ad id, quòd ex Adamicâ seminatione confurgit in naturâ humanâ. Minor ista probatur authoritatibus SS. Patrum docentium, Virginem Matrem à manu DEI solius esse formatam, licet iidem SS. Patres indubitanter asserant, Virginem hanc esse seminatam à Parentibus. Diuus enim Augustinus, relatus in officio Immaculatæ Conceptionis, quo vtuntur Fratres minores, ait. *Hanc quam tu despicias Manichæe, Mater mea est, & de manu mea fabricata est.* Idem lib: 5. contra Hæreses, in personâ Christi de Virgine sic loquitur. *Si potuit Mater mea inquinari cum eam facerem, potui ex eâ inquinari cum ex eâ nascerer.* S. etiam Petrus Chrysologus inquit. *Quam, id est, Mariam, nasci & vocari Dominam, ipsa sui germinis fecit & imperauit authoritas.* Serm 142. Ecclesia quoque in hymno O gloriosa, &c. canit. *Qui te creauit, paruulum lactente nutris ubere.* Et in responsorio. *Genuisti, qui te fecit.* Et Arator lib: 1. in Acta Apost: *Anato (inquit) formata suo, mala criminis Eux, Virgo secunda fugat.* Et aliæ authoritates ad hoc sunt sexcentæ; Ergò vt hoc vtrumque concordetur, scilicet seminatio Virginis passiuâ, & eiusdem à manu DEI productio passiuâ, oportet dicere, quòd Deus fabricans & formans corpus Virginis de decisis seminibus, sine libidine tamen, eleuauit auram seminum, formatricem organorum corporis, vt statim organizationem talem produceret, qualis congruebat præcisè animæ intellectiuæ, & qualis erat primæ Eux, antè pomum comestum.

20. Declaratur istud consequens. Quia cum dicant SS. Patres; Manu Omnipotentis Dei constructam esse Virginem hanc, & tamen de præuio semine Parentum, eo ipso innuunt, quòd manus Omnipotentis Creatoris, sic disposuit illa semina, siue in ipsâ decisione illorum absque libidine, siue iam post decisionem in illorum commixtione, dum se per mutuam syngamiam complecterentur in vtero D. Annæ, ne actiones suas more brutalium seminum explicarent, in ordine ad animam feminalem seu animalem, à Deo vltimò completæ organizationis impetrandam instanti, castrando scilicet illorum actionem quoad hoc, & eleuando auram illorum seminum, formatricem organorum corporis Virginei, vt statim procederet ad perficiendam organizationem, in ordine ad animationem, per solam animam intellectiuam, qualem organizationem corporis humani, ipsa dextera Dei fecerat in paradyso. Ergò iam Conceptio Virginis, fuit & de seminibus, & de manu Dei, illis scilicet seminibus sic agentibus,

bus, à DEO iussa sunt agere.

21. Confirmatur hoc, congerendo multa, quæ iubente DEO cursum naturæ anteuenterunt, retrouenterunt, & aliquando perfectiori termino, subito coronarunt, producendo scilicet terminum actionis suæ perfectiorem, quam produxissent, si sibi præcisè relictæ fuissent. Nam Josue 10. DEVS solem, quem ordinauerat vt nunquam quiesceret à motu suo vsq; ad diem iudicij, prout censuit Magister sent: in 4. dist: 48. fecit quiescere per spacium vnus diei. Imò Isa. 37. eum retrocedere fecit decem lineis, vi ipsius quàm se mouebat antrorsum, conuersâ retrò, vt se moueret retrorsum. Si enim tutius est sentire cum D. Augustino Enchiridij cap: 42. vel 43. & lib: 2. super Gen: cap: vlt: quem sequitur Doctor Subtilis in 2. dist: 14. q. 1. in fine, qui ponit cælum animatum, quàm cum D. Damasceno & Græcis Philosophis, ponentibus cælos per assistentes spiritus motores extrinsecos, impelli; iam vis cæli motiua antrorsum, subito coagente sibi DEO conuersa est, ad mouendum se retrorsum, DEO ita iubente. Esaia etiam 37. DEVS vitales vires Ezechia Regis Iuda in tantum iuuuit, vt facultates rectrices vitæ ipsius, quæ iam iam deficiebant, adhuc suauiter possent regere vitam eius, & sanitatem, per continuos quindecim annos. Imò idem censendus est DEVS facere, coagendo per tot sæcula facultatibus ipsdem vitalibus in Eliâ & Enoch, adhuc in vitâ mortali perseverantibus, & vsque ad tempora Antichristi perseveraturis. 4. etiam Reg: 6. grauitatem ferri suspendit, faciendo illud in flumine fluere super aquas. Num: 17. fecit virgam Aaron subito efflorescere, & germinare fructum pulcherrimum, atque maturum. Jos: 3. Cursum aquarum Jordanis retinuit, imò fluuium retrocedere coëgit. Sap: 19 in fundo maris rubri diuisi, germinare terram varios flores voluit; iuxta illud: *In mari rubro via sine impedimento, & campus germinans de profundo nimio, per quem omnis natio transiit, quæ tegebatur tuâ manu.* Et licet non desint plurima exempla, tamen cæteris omisiss, hoc quod est maximè ad propositum, non filebo, id est, ipsiusmet B. Virginis potentiam generatiuam, quam DEVS iuxta doctrinam Theologorum, & nostri Doctoris in 3. dist: 4. q. 1. ita eleuauit, vt in instanti, vel saltem in tempore vix perceptibili, naturaliter tamen quoad rem, & solum supernaturaliter quoad modum, Filium conciperet perfectè organizatum. Quis igitur negabit, idem seminibus Joachimi & Annæ, cum aurâ formatrice corporis Virginei in eis latente, datum esse, vt in tempore satis modico, organizationem perfectam soli animæ intellectiue proportionatam, in corpore B. Virginis producerent, absque interuentu dispositionum ad animam feminalem sensitiuam? Certè cum id SS. Patres absolutè doceant, videlicet B. Virginem DEI manu, ex seminibus tamen parentum, fabricatam, & iste modus explicandi hanc fabricationem, nec potentia, nec sapientia, nec bonitati DEI, repugnet, maximè exigente talem modum Conceptionis, Virgine Matre CHRISTI; non video, cùm ei aliquis Theologorum eat inficias. Atqui prohibito fundamento respectus Filiationis Adæ, scilicet animalita-

te in Virgine, ne operantibus dispositiue seminibus confurgeret, iam ipso facto prohibitus est & respectus Filiationis; Ergo Virgo in sua conceptione non fuit Adæ Filia.

22. Pro hac explicatione Conceptionis Virginis, est mecum omnis schola medica, quæ cum suo Principe Hyppocrate docet: *Semina abduci quo nolunt*. Et ut experiëntiâ constet, ut plurimum abducuntur in deterius, & vix aliquandò in melius. V. G. Licet agricolæ seminent triticum, tamen ob agri sterilitatem, vel aliquam aliam prauam dispositionem, infelix lolium, & steriles dominantur auenæ, ut ait Poëta, quæ illis loco tritici, metenda & colligenda succrescunt. Idea etiam fortis fæminæ prægnantis, percussæ inopinato terrore ab aliquo bruto, improvisè irruente, abducit femina in utero conclusa, ne perficiant organizationem corporis humani, quam intendebant ut scopum & terminum suæ actionis, sed eam abruptendo, conuertit ad formandum deinceps organa corporis illius bruti, quod terrorem subitum & magnum intulit matri: Hinc semiuinales, & monstrosi, conceptus, & partus. Mola quoque secundum Physicos fit, propter externas incidentias, formatorem spiritum seminis ab actione præcipitantes vel soporantes. Et multa sunt talia experimenta, quæ adstruunt hanc veritatem medicam, quæ asserunt, semina abduci quo nolunt, prout & nos in supponendo docuimus, semina ire, & quorsum nescire. Si igitur idea matris percussæ tantum potest, in abducendâ vi formatrice seminis à scopo sibi destinato; cùm id idæ intensæ charitatis, & contemplationis, (quæ secundum ipsius B. Virginis reuelationem, in utroque parente eius cum deciderent semina, & maximè in D. Annâ, quæ in hoc deuoto foemineo sexu, exceptâ solum vnicâ suâ Filiâ, absque dubio erat deuotissima, DEO etiam tum potissimum, cùm generationi tantæ Filiæ ex mandato DEI per Angelum facto incumbere, ideas has promouente, fuit) degenerare debeamus? Quasi scilicet tales idæ, spiritum formatorem organizationis corporis, in ordine ad animam seminalem, non potuerint abducere, & conuertere ad efformandum corpus innocens, animæ intellectiue immediatè proportionatum; DEO præsertim ita actionem illorum seminum moderante, & eleuante, ut tale corpus efformarent suæ futuræ Matri, quale ipsa manus DEI formauerat ex limo, cùm creabat Adamum, vel ædificauerat ex costâ, cùm producebat Euam.

23. Sed ut clariùs hæ rationes appareant, & instantiæ contrà ipsas emergentes, soluantur, sic ad propositum argumentor. Illa persona constituitur in esse Filiæ vel Filij Adæ, quæ prodit ex propagatione Adamicâ, mediante semine concupiscibilitèr seminato, & vi seminis dispositiue agentis, acquirit animam seminalem, animalem, & sensitiuam; ex dictis Resol. 7mâ. Decadis primæ: solum enim in tali generatione Adam censetur esse Pater, prout potest esse Pater in naturâ humanâ corruptâ. Sed B. Virgo non sic prodijt; exceptâ enim seminum castâ & absque omni sensu libidinis decisione, & in utrum D. Annæ attractione, atque commix-

tione,

RESOLVTIO TERTIA.

191

tionem, quæ est conceptio materialis tantum, seu potius conceptionis materia, nihil cæterorum ibi fuit, quia nec concupiscentia in Parentibus, nec organizatio respectu animæ feminæ, nec ipsa animalis anima, seu feminæ, ut postea solidè demonstrabo. Ergo B. Virgo non fuit filia Adæ in sua conceptione. Minor declaratur. Quia si aliquid Virgo accepit ab Adamo per proximos parentes, hoc non videtur esse aliud nisi semen, de quo ut de materiâ, ab aurâ eiusdem feminis vitali, corpus eius formaretur naturaliter; Sed neque ratione seminum à Parentibus seminorum potest dici talis Persona, quæ sit Filia Adæ, Ergo &c. Minor ista probatur. Quia non sufficit ad hoc ut parentes prolificent mediante semine, corpus & animam feminæ, quod decidant semina, sed requiritur, ut semina decisa in eam, sua sponte deueniant ad maturitatem, ut possint perficere organizationem, imò perficiant, corporis Adamici, dispositi & proportionati, ad receptionem animæ sensitivæ, à Deo in ultimo instanti talis ultimæ dispositionis, conferendæ: Sed hoc in B. Virgine non habuit locum; quia decisæ feminibus absque omni libidine, omnis sequens operatio, non à naturâ sed à gratiâ seu à manu Creatoris auxiliatrice & cooperatrice, dependit, modo iam declarato, ita ut omnimoda organizatio corporis virginis purissimi, in utero D. Annæ perficeretur, naturaliter quidem quoad rem, sed supernaturaliter quoad modum, quia in tempore brevissimo; (puto enim eodem die quo decisa sunt semina, Virginem fuisse perfectè organizatam, & animatam animâ intellectivâ solâ, & fortè eadem horâ, prout Deo cooperanti & eleuanti actionem seminum, placuit) & ad hoc me mouet autoritas Ecclesiæ, festum conceptionis 8. Decembris, & Festum Natiuitatis B. V. 8. Septembris celebrantis, tali enim ordine quem in istis festis obseruat, protestatur, se diem hanc celebrare, quâ semina parentum decisa & commixta, & Virgo ex eis concepta est, quâ die etiam Ecclesia triumphans festum conceptionis primò celebrauit, dicente S. Vincentio Ferrerio Serm: 1. de Nat: B. V. *Non credatis, quod fuerit sicut in nobis, qui in peccatis concipimur, sed statim ac anima fuit creata, fuit sanctificata, & statim Angeli in celo celebrarunt festum conceptionis.* Et per eleuationem actionis seminum, mediante potentiâ obedientiali, eo fermè modo, quo docet Doctor Subtilis in 3. dist: 4. q. 1. perfectam fuisse organizationem corporis CHRISTI in utero Matris suæ: eleuata quoque fuit aura seminum purgatorum, ut statim ita disponeretur corpus, quatenus capax esset immediate animæ intellectivæ, absque nullo animæ sensitivæ præuiæ; Ergo licet in conceptione B. V. à senili & effato corpore Parentum, decisa fuerit semen, non effecit semen in Virgine filiationem Adæ.

24. Dices. Sufficit ad esse Filiam Adæ, ut semen prolificum decidatur in locum conuenientem generationi; quod utique fuit in conceptione Virginis. Respondeo, negando assumptum; non enim semen decisa in matricem dicitur nostra proles, nisi suâ actiuitate producat organizationem per omnia nobis similem; tunc enim solum id, quod mediante semine deci-

ne deciso sic genitum est, dicitur & est nostra proles; proinde mola, monstrum, quod non est homo, estò ex deciso à nobis semine fiant, tamen non dicuntur nec sunt nostra proles, quia semen nostrum aliò per externa & exotica sibi irraentia, vt V. G. per ideas fortes Matris, deuiauit. Quare & B. Virgo, licet ex semine deciso sit secundum corpus, non tamen ex hac solâ ratione est Filia Adæ, quia deciso seminis, non est causa præcisa istius Filiationis.

25. Instabis. Fuit B. Virgo Filia Joachimi, & Annæ, ratione talis decisionis seminum, Ergò fuit & Filia Adæ; quia Joachim & Anna parentes eius, verè fuerunt Filij Adæ; iuxta illud axioma: Quod est causa causæ, est causa causati. Respondeo; quod Joachim & Anna, vt pote prædestinati ambo, fuerunt Filij Adæ per accidens, iuxta suprâ dicta de Prædestinatis comparatis ad Adamum, Resol: 3. Decadis Primæ; cum hoc tamen fuerunt Filij Adæ completiue, quia in eorum conceptione omnia concurrébant, quæ producunt hominem Adamicum. Beata autem Virgo, fuit solum Filia Joachimi merè per accidens, & Annæ; per accidens quidem, ratione status poenalis, quia de semine eius; licet absolutè, per se, loquendo absque respectu ad statum; quia adhuc fuisset Annæ filia, quamuis Adam non peccasset, non tamen tunc de eius semine, sed de Spiritus Sancti operatione, in Annam vt Virginem; prout dictum est Decade Primâ Resol: 4. Cum igitur instans. Virgo fuit filia Joachimi & Annæ, distingo; inchoatiue, concedo; completiue, nego; quia sic à manu DEI fuit fabricata, quatenus Persona. Et cum infer. Ergò fuit Filia Adæ; nego consequentiam, quia ex filiatiōe inchoatiuâ, non sequitur filiatio vera, sed ex filiatiōe tam inchoatiuâ quam completiuâ, quæ sicut in Virgine non fuit respectu Joachimi proximi Patris, ita nec fuit respectu Adæ Patris remoti. Accipiendo enim conceptionem Virginis completiuam, quâ scilicet Persona subsistens fuit in humanâ naturâ, hæc solum DEVM respicit, se complementem & perficientem.

26. Inferes. Ergò deciso seminum fuit ibi frustra, quia caro Virginis potuit formari manu DEI, ex solius Annæ Matris sanguine, vel aliundè. Respondeo, negando illatum: quia B. Virginis erat priuilegium, Gen. 3. promissum illi, quod ipsa contereret caput serpentis; quod certè caput non intelligo, nisi generationem Adamicam belluinam, quam ille tanquam caput in generis humani propagatione, euexit per stuprum Eux; Ergò debuit concipi per decisionem seminum, quæ fit in conceptu Adamico, idque inchoatiue tantum, vt ita confusibilius contereret hoc caput, sic fallendo Diabolum, sicut & CHRISTVS cum confudit & fefellit eò ipso, quod de desponsatâ natus fuit, teste D. Ignatio Martyre. Ad hoc ergò oportuit D. Annam, semina decisa, sinè libidine tamen, in vterum suum recipere, vt saltem Mater Virginis fieret inchoatiue, more aliarum matrum, licet absque peccato: quamuis in rei veritate, natura se solâ in Virginis Conceptione nihil sit operata, sed semper habuit nedum comitem sed & præuntem se gratiam, id est, gratuitam & liberalem manus Diuinæ auxiliatricis, assistentiam.


27. Hanc de Conceptione Virginis sententiam, videtur tenuisse D. Damascenus, Orat: 1. de Natiuitate B. V. dùm B. Virginem appellauit fatum gratiæ. Quærit enim ibi sic. *Cūr Virgo ex sterili Matre orta?* Et respondet. *Quoniam scilicet oportebat, ut ad id quod solum sub sole nouum erat, ac miraculorum omnium caput, id est, ad incarnationem, via per miracula sterneretur, ac paulatim ab humilioribus ad sublimiora, progressus fieret.* Et describens hunc sublimem progressum, quem D E V s miraculosè peregit in Conceptione Virginis immaculatæ, subdit. *Natura gratiæ cedit, ac tremula stat, progredi non sustinens, & quoniam futurum erat, ut D E I Genitrix ex Annâ oriretur, natura gratiæ fatum antevertere minimè ausa est, verùm tantisper expectauit, dùm gratiæ fructum suum produxisset.* Atqui ex hoc assertò clarè sequitur, quòd gratiâ D E I producta sit Virgo in suâ conceptione, cooperante scilicet D E o cum feminibus ad organizationem perfectam corporis Virginei, in ordine ad animam intellectuam præcisè: ex tali autem processu gratiæ, persona concepta, potius est Filia gratiæ, quam naturæ, Ergò non Adami, sed D E I. Vnde eo fortè respectu dicitur B. Virgo in sacrâ scripturâ, Filia D E I, ut Psal. 44. *Audi filia, & vide, & inclina aurem tuam, &c.* & Cant: 7. *Quam pulchra es filia Principis?* Quâ etiam nomenclaturâ eam dignam censuerunt SS. Patres, & præsertim D. Anselmus sic exclamans. *O DEO digna Filia, primigenia Matris Eue correctio!* Angelus quoque ad B. Birgitam Serm: de excellentiâ Virginis cap: 11. hoc confirmat, sic exclamans de Deiparâ. *O virgam ineffabilem, quæ dum in Annæ utero crescebat, medulla eius in cælo gloriosius permanebat! hæc medulla, persona erat Filij D E I.* Quibus sanè verbis innuit Angelus, quòd medulla istius Virgæ, id est, tota essentia Mariæ, in utero D. Annæ concepta, hausta est à filio suo de cælo, non verò ab Adamo de terrâ. Et D. Cyprianus Orat: de Nat: accinit dicens. *Non sustinebat iustitia, ut illud vas electionis, communibus lassaretur iniurijs, quoniam plurimum à ceteris differens, naturâ communicabat, non culpâ.*

28. Præterea. Pulchrè hanc nostram Resolutionem venantur SS. Patres, ex silentio Sacræ Scripturæ, quo texit Parentes Virginis. Hugo enim Carensis, adducens illud Psal. 44. *Audi filia, & vide, & inclina aurem tuam, & obliuiscere populum tuum, & domum Patris tui, & concupiuit Rex speciem tuam, &c.* ait. *Ad literam, ubi texitur genealogia Mariæ, Matth: 1. non nominatur Pater eius.* Et Ambrosius Catharinus in 3. cap: Gen. *Ecce (inquit) de Beatissimâ Virgine nihil ferè habemus in Scripturâ, nec ex quo Patre, nec ex quâ Matre descenderit, solum accepimus eam esse CHRISTI Matrem; Id verò multi mirantur; sed magnâ D E I prouidentia factum esse, non est dubitandum: ostendere enim voluit Spiritus Sanctus, secundum quam partem consideranda esset in Genealogiâ Sacratissima Virgo, & non quidem ut habens Patrem & Matrem peccatores, per quos fuerit in eam vllum peccatum transfusum, sed ut existens D E I Mater, ut ab eâ notâ, fuisse præseruatam facile persuaderemur, & ita profuisset ei DEVM genuisse, ut quòd attinet ad contractionem peccati originalis, non obfuerit ipsi ab hominibus progeneratam fuisse.* Quibus verbis, & immuni-

tas Virginis à peccato originali, & parvus vel nullus ad Adamum, qui originaliter vitiauit naturam, respectus, significatur.

29. Neque hic opponas D. Damascenum lib: 4 cap: 15. ubi vult; ideo non poni in Scripturis genealogiam Mariæ, quia non est consuetudo Scripturæ, ponere genealogiam fæminarum. Quia pace tanti Doctoris, hæc ratio non videtur esse congruens. Si enim Jud: 8. ipsiusmet Judith genealogia legitur in Scripturâ exactè tradita; cùm non texuisset similem genealogiam Mariæ D. Matthæus vel D. Lucas, nisi hoc mysterium suo silentio indigitassent?

30. Si instes. Etiam Melchisedech in Scripturâ ponitur sinè Patre, sinè Matre, sinè genealogiâ, vt aduertit D. Paulus ad Hebræos 7. Et tamen dependet ab Adam vt à Patre, Ergò similiter & Virgo. Respondeo, quod istud silentium de genealogiâ Melchisedech Regis & Sacerdotis, ideo factum est in Scripturâ, quia fuit figura CHRISTI, veri Regis & Sacerdotis nouæ legis, & ita voluit Spiritus Sanctus isto silentio ostendere in figurâ, quod futurum erat in figurato, scilicet CHRISTO, qui nequaquam processit ab Adamo, vt à Patre. At B: Virgo non fuit figura, sed ipsa CHRISTI Mater: proinde negatur paritas. Hæc pro nunc de hoc sufficiant.



RE.

R E S O L V T I O

Q V A R T A.

DEIPARA VIRGO, quia inter omnes homines, quā præcisè homines, sola fuit talis homo, quoad corpus, qualem intenderat & creauerat ab initio DEVS, secundum corpus; ideò expers est noxæ originalis, & fomitis.

I.

Videtur ipse CHRISTVS hanc Matri suæ VIRGINI toties tribuisse gloriam, quòd ipsa sit inter omnes homines puros, homo ille & talis, quem & qualem DEITAS ab æterno se creaturam ordinauerat, & de facto creauerat in paradyso, quoties se dixit Filium hominis; eo enim ipso palam annunciauit mundo, solam Virginem Matrem suam, esse hominem per anthonomasiam, cui soli competat absolute nomen dignitatis humanæ naturæ integræ, & incorruptæ, tam quoad corpus, quàm quoad animam, & totam naturam.

2. Hinc SS. Patres B. Virginem solam hominem esse fatentur. Sanctus enim Ildephonsus de Virg: Mariæ cap: 11. sic ait. *Propter duarum naturarum proprietatem, in unitate Personæ connexam, DEI & Hominis, unus CHRISTI, hæc sola Homo Mater est & Virgo.* Nota ly hæc sola homo. Anselmus quoque in Epist: ad Hebræos Cap: 2. *Omnes (inquit) alij sunt Filij hominum, quia originem habent ex coniunctione duorum, sed CHRISTVS filius est solius hominis, quia sine carnali Patre natus est de Virgine; & ideò magnum quid & incomparabile est apud DEVM; supple, hæc Mater CHRISTI.* Expressius Ioannes Cantacuzenus Apolog: 3. *Credimus (inquit) & confitemur, quòd Mariæ similis homo natus non sit, nec posthac ex Viro & muliere nasciturus, usq; ad consummationem sæculi.* Idiota etiam in contempl: Virg: cap: 4. ait. *Inter omnia opera æterni opificis, post operationem illam, quâ naturæ nostræ unitus est filius tuus, speciale opus fuisti Beatissima Virgo, qui ad hoc te fecit, ut quod de primo opificio fuerat deformatum, per te reformaretur.* Ex quibus & alijs sexcentis SS. Patrum testimonijs habetur, quòd si post deformatum hominem, B. Virgo producta est in naturâ non deformata, sed potius vt natura in eâ reformaretur, iam Virgo est ille talis homo, qui secundum primæuam intentionem DEI, in omni integritate & perfectione naturæ, conditus est, tam quoad corpus, quàm quoad animam. Sed differamus

mus considerationem animæ Virginis ad Resolutionem sequentem, & aliquid hîc de corpore eius immaculato atque purissimo, in medium proferamus. Et

3. Inprimis certum esse debet apud Catholicos, quod pars illa purissimi sanguinis arterialis B. Virginis, in quâ primò à Spiritu Sancto sigillata fuit anima CHRISTI, & de quâ caro CHRISTI formata est, ob quam & per quam CHRISTVS cum hâc Matre, & hâc Mater cum CHRISTO, habent consubstantialitatem, & identitatem ad inuicem, & ratione cuius CHRISTVS est Virginis filius, iuxta dicta suprâ, est indissolubilitèr diuinitati copulata in CHRISTO: & quidem ita indissolubilitèr, quòd DEVS humanitatem dimiserit in triduo mortis CHRISTI, carnem autem quam de Virgine hâc sumpsit, nunquam; quod pius ille venerator Virginis D. Bernardinus Senensis aduertit, ferm: 61. de Relig: Christ: a. 1. ita fatus. *Et ut expressius magnificem illam dignissimam & beatissimam carnem de Virgine gloriosâ decisam, dico: quòd tantâ infinitate nobilitatis eam dignificauit Altissimus, quòd cum esset veri hominis caro, dùm viuebat IESVS, formam hominis posset perdere, DEI autem nequaquam; non enim erat verum dicere de corpore ex animi CHRISTI; hoc corpus est homo: & tamen verum erat dicere, hoc corpus est DEVS.*

4. Quod ille videtur hausisse à D. Augustino; qui ferm: 4. de Assumpt: B. V. sic argumentatus est. *Si igitur naturâ matris est Filius, conueniens est ut ipsa sit & Filij Mater, quantum pertinet ad eandem reciprocâ substantiam, ut homo de homine, caro de carne, Mater à Filio, filius à Matre, non ad unitatem personæ, sed ad unitatem corporalis naturæ, & substantiæ: Si enim unitatem potest facere gratia sinè proprietate specialis naturæ; quanto magis ubi gratiæ unitas, & corporis est specialis natiuitas? Vbi (ut vides) D. Augustinus concarneitatem CHRISTI cum MARIA agnoscit, prout ibidem clarè concludit, dicens. Caro IESV, caro Mariæ est. - Tunc pro Resolutione nostrâ liceat sic vrgere. Si caro Virginis in suâ origine infecta fomite, & maculata carnalitate Adamicâ, cum huius carnis portio, CHRISTI carnem constituerit in esse, sequeretur vnum inconueniens, scilicet aliquid maculatum & infectum, & propter hoc DEO abominabile, esse DEVM. Atqui hoc aures abhorrent fidelium, Ergò ne hoc fateri cogamur, potius Virginis caro in suâ conceptione, talis fuisse censenda est, qualis fuit in Euâ Virgine, antè peccatum.*

5. Nec iuuat euadere, dicendo illam carnem priùs fuisse emundatam à foeditate, quam assumptam à Verbo. Quia sic dicendo, admittis aliquandò fuisse in hâc carne foeditatem Adamicæ carnalitatæ, quæ modò est in Verbo, quod sanè habet magnæ indignitatis rationem ad assumptibilitatem à Verbo, quod adhuc fuisset homo mundissimus, absque isto respectu ad præteritam maculam carnis à se assumptæ, si Adam non peccasset; cùm igitur modò, stante Adæ lapsu, absque hoc respectu ad præteritam maculam, caro eius esse non debuit?

6. Porro quia Decade 1mâ Resol. 5tâ: Homines primos in carne
spiri-

RESOLVTIO QVARTA

197

spirituali conditos fuisse docuimus, eadem spiritualitas in carne Virginis fuisse, comprobanda est. Pro quo adstruendo, præmitto verba D. Dionysij Arcopagitz de Diuinis Nom: cap: 9. de DEI operibus in creaturis, sic loquentis. *Hæc diuina iustitia, ut omnium salus laudatur, quod suam cuiusq; & ab alijs solutam & liberam essentiam atq; ordinem conseruet, atque tuetur, causaque sit suæ cuiusque rei actionis: si quis verò salutem etiam laudet, quod omnia à deterioribus conseruando liberet, & eripiat; hunc etiam nos laudatorem multiplicis varietate salutis probabimus, petemusque, ut hanc & primam omnium salutem statuatur eam, quæ ita omnia tuetur, ut nec in se mutantur, nec secum discordent, nec in deterius periusque vertantur; & omnia sine inimicitijs & bello, suisque quidq; rationibus descripta custodit; omnemque inæqualitatem & alienam actionem, ex omnium finibus exterminat, & suum cuiusque modum ita instituit, ut in contraria neque mutari possint, neque transferri. Nec verò hanc salutem extrà institutum Sacra Theologie laudauerit, quod ea quæ sunt, omnia pro sua conseruatrice, omnium benignitate à bonorum suorum amissione redimat, quatenus vniuscuiusq; eorum quæ seruantur, natura ferit. Itaque redemptionem eam Theologi appellant, quatenus ea quæ verè sunt, in nihilum recidere non patitur; & quatenus si quid in errorem lapsum sit, & ab ordine reflexerit, diminutionemque cumuli bonorum suorum senserit, id etiam à detrimento, ab imbecillitate, à priuatione, redimit, id quod deest supplens, paternoque studio imbecillitatem firmans, & à modo excitans, aut potius in bono constituens, quodque bonum effluxerat, resarciens, quod in eo inordinatum erat & deforme, disponens, & ornans, ita ut integrum absoluat, & ab omni labe liberum dimittat.* Hæc D. Dionysius. Quæ ideo ad longum descripsi, quia valde mysteriosa sunt, & nostro proposito accommodatissima, ut iam ponderando singula patebit. Dicit ergò D. Dionysius. Diuinam iustitiam, pro tantò esse omnium salutem, pro quantò suam eiusque, & ab alijs solutam & liberam essentiam, atque ordinem, conseruat atque tuetur. Imò subdit infra, hanc esse primam omnium salutem. Diximus autem supra loco citato, ita perfectam esse creatam naturam humanam à principio, quòd cum ab hoc pœnali statu, in quo corpus animale suo vitio haberet, transmigrabit in statum gloriæ, in quo habebit deinceps corpus spirituale, iuxta Apostolum 1. ad Cor: 15. *Seminatur corpus animale, surget spiritale; nihil illi nouum, neque ex parte animæ, neque ex parte corporis, addetur, sed solum impedimenta ex scientiâ pomi orta, naturam humanam modò aggrauantia, auferentur; Atqui decebat hanc Diuinam iustitiam, quæ ut omnium salus laudatur, ut stante lapsu naturæ, saltem in vnico indiuiduo naturæ humanæ, talem salutem faceret, quòd illud indiuiduum, suam & ab alijs solutam ac liberam haberet humanam essentiam, illumque ordinem retineret, quem natura humana primitus acceperat ex dono creationis, Ergò saltem ab æterno in Matrem suam electæ Personæ, id hæc Diuina iustitia conferre tenebatur, si primam hanc & perfectissimam salutem erga aliquem, eam operari oportebat; Sed hoc stante, iam sequitur, Virginem gloriosam debuisse gaudere corpore immuni ab omni carnalitate,*

Ddd

quæ

quæ surrexit ex pomo vetito in naturâ, præter eius essentiam; Ergò de facto habuit corpus spirituale, ab omni fomite & concupiscentiâ ac foeditate, immune.

7. Confirmatur. Quia secundum D. Dionysium, hæc est omnium prima salus, à Diuina iustitiâ procedens, ita scilicet omnia tueri, vt nec in se mutantur, nec secum discordent, nec in deterius peiusque vertantur, ac omnia sinè inimicitijs, & bello, suis rationibus descripta, custodiantur, omnemque inæqualitatem & alienam actionem, ex suis finibus exterminent, & suum quodque modum ita instituat, vt in contraria neque mutari possit, neque transferri; Sed si Virgo gloriosa habuisset corpus carnale, quale ab Adamo in nos transfunditur, iam natura humana in eâ esset in se mutata, & in deterius ac peius versa, discordijs internis & inimicitijs, ac bellis repleta, inæqualitate & alienis actionibus importunis, turbata, contrarijsque scatens, saltem quoad actum primum, estò istæ discordiæ & inæqualitates non exirent in actum secundum, ob frenum & ligamen quasi superadditum. Decebat autem diuinam iustitiam, vt primam hanc salutem largiretur suæ Matri, quam largita erat ex dono creationis, suo seruo, scilicet Adamo, Ergò &c.

8. Confirmatur secundò. Quia nos modò, iuxta Apostolum ad Rom: 8. *Expectamus redemptionem corporis nostri*, vt scilicet de hac seruitute carnalitatis, quæ nos præmit, in resurrectione liberemur totalitèr; Atqui Mariam oportebat id ex vi suæ conceptionis habere statim, quod nos expectamus, Ergò habuit. Minor probatur. Quia CHRISTVS gloriatur se messuisse myrrham suam cum aromatibus suis, Cant: 6 iuxta autem Guillelmum Abb. in Cant: *tunc Myrrham hanc CHRISTVS messuit, quando carnem in quâ pro nobis mereretur, assumpsit, messuit autem cum aromatibus, quia metendo myrrham illam, & aromata simul messuit, quia in hac carne erant aromata eius, scilicet Vita, Salus, & Pax.* Et subdit. *In carne illâ prædestinata ad opus redemptoris, causalitèr vt sic dicam, latebat omnis efficacia redemptionis.* Si igitur nostræ redemptionis ab istâ carnalitate, tota efficacia latebat in carne Virginis; Ergò hanc carnem oportebat ex vi suæ conceptionis id non habere, à quo nos redimi debuimus, & totalem redemptionem expectamus. Adde. Quòd si in carne Virginis, Vita, Salus, & Pax, Ergò ibi nulla habuit locum carnalitas, ex quâ infirmitas, mors, & pugna continua. Accedit. Quòd si nos redimimur redemptione corporis nostri subleuatiuâ, vt potè in errorem lapsi, & ab ordine deflexi, totique inordinati, & deformes effecti; decebat esse aliquem in naturâ primum hominem, respectu cuius, diuina iustitia exercere debuit redemptionem præseruatiuam corporis illius. Et hæc ex consensu omnium Scotistarum, D. Virgini reservata fuit, si CHRISTVS est Redemptor perfectissimus. Ita hoc declarat Doctor Subtilis in 3. dist: 3. Quæst: 1. §. Contra primam rationem &c. Num: 4. vbi dicit. *Perfectissimus mediator, habet perfectissimum actum mediandi, respectu alicuius Personæ, pro quâ mediat; Sed Christi*

RESOLVTIO QVARTA.

199

flus est perfectissimus mediator; Igitur CHRISTVS habuit perfectissimum gradum mediandi possibilem respectu alicuius creature, siue persone, respectu cuius erat mediator; sed respectu nullius persone habuit excellentiorem gradum, quam respectu Mariæ, Ergo &c. Et hoc probat ibi per longum, vt videre est in litterâ eius. Quæ quidem rationes eius, ita benè de redemptione corporis Mariæ, sicut de redemptione animæ eiusdem, procedunt.

9. Præterea. Doctores supponunt cum D. Anselmo lib: de conceptu Virg: Peccatum originale, ordine generationis & temporis, prius esse in carne, quam in animâ, ideoque carnem infici, quia carnaliter, scilicet per concupiscentiam, generatur, vt habet D. Th. 3. p. q. 31. a. 7. Et q. 4. de malo. a. 3. Et iidem Doctores cum eodem D. Thoma 3. p. q. 39. a. 6. ad primum, pronunciant, ideò carnem CHRISTI fuisse liberam à maculâ originali, quia conceptio carnis CHRISTI, non carnalis sed spiritualis fuit. Tunc ex his ad propositum. Non sufficit ad veram immunitatem à peccato originali, vt anima alicuius per infusionem gratiæ præuenientis præseruetur, ne maculetur à carne, sed etiam ad hoc requiritur, vt & ipsa caro non permittatur maculari, quatenus fabricatur propter hanc animam. Sed B. Virgini, tenemur, si est id possibile, tribuere tantam immunitatem, Ergo &c. Sed tanta immunitas tunc consurgit in aliquo, cuius caro concipitur non carnaliter sed spiritualiter: & talem carnis conceptionem, iam ostendimus concessam fuisse B. Virgini, per cooperantem manum DEI, Ergo B. Virgo etiam in carne, semper fuit immunis à maculâ originali, & consequenter caro eius mundissima, nihil carnalitatis habuit, sed tota spiritualis fuit.

10. Præterea. 1. ad Cor. 15. de CHRISTO Apostolus ait. *Factus est secundus Adam in spiritum viuificantem.* Vbi glossa ordinaria. *Verè surget corpus nostrum spirituale, quia si modò est, animale est, quandoque autem erit spiritale; sicut enim animales sumus, quia Pater noster carnalis, factus est in animam viuentem, sic erimus in resurrectione spirituales, quia Pater noster spiritalis, factus est in suâ resurrectione, in spiritum viuificantem.* Sed clariùs Tertullianus lib: de carne CHRISTI Cap: 8. *Terrene (inquit) retrò substantiæ carnis primi hominis, id est, Adæ, celestem de spiritu substantiam opponit secundi hominis, id est, CHRISTI, & adeò ad spiritum non ad carnem refert, vt quos sic comparat, constat in hac carne terrenâ caelestes fieri, spiritus scilicet; quòd si secundum carnem celestis CHRISTVS, non comparentur illi non secundum carnem caelestes.* Si ergo qui sunt caelestes, qualis est CHRISTVS, terrenam carnis substantiam gestant, hinc quoque confirmatur ipsum etiam Christum in carne terrenâ fuisse caelestem, sicut sunt qui ei adequantur. Tunc sic pro nostrâ Resolutione. Si CHRISTVS, ideò assumpsit carnem, vt nostram carnem ex Adamo carnaliter ortam, & ideò nedum mortalem, sed etiam mortuam, viuificaret, Ergo caro eius nos viuificans, omninò debuit esse spiritualis; quia ipse Christus, de istâ carne nos viuificante, Joan. 6. dicit: *Spiritus est qui viuificat, caro autem non prodest quidquam.* Sed non assumpsit hanc carnem

nem viuificantem de terrâ vel de Cælo, sed de carne Mariæ, quæ omnino talis in eo semper perseueravit, & modò in æternum perseuerat, qualis assumpta est de Virgine; Ergò eadem caro, si in Christo spiritus est, qui viuificat, certè & in Virgine Matre, spiritus fuit.

11. Præterea. Si iuxta Tertullianum, comparati ad CHRISTVM in carne terrenâ, verè sunt cælestes & spirituales, licet id in mysterio ob fidei meritum, non appareat; Virgo Mater, quæ ei nedùm comparatur vt cæteri, sed etiam æquatur per omnia, carebit spiritualitate in carne suâ? Absit hoc: verè enim caro Virginis spiritualis fuit, sicut & Christi; quod vterius probo.

12. Ex ratione penetrationis. Sicut enim in Christo agnoscimus spirituales carnem, quòd clauso vtero Virginis prodijt in mundum; ita in Virgine à pari, spiritualitatem carnis venerari debemus, quæ aperta non est, sed clausa permansit, quandò Princeps Christus transiuit per eam. Sola enim penetratiuitas & penetrabilitas sufficit, ad conuincendam Entis sic penetrantis spiritualitatem, iuxta supra dicta Decade Primâ Resolutione qui ita.

13. Vterius probo. Ex ratione seminis præuij ad corpus. Ea enim est seminis natura, quòd vi suâ actiuâ, etiam in simplicibus elementis, producat grossitiem, & soliditatem; Vnde Entia seminalia, id est, vi seminum orta, licet ex solâ aquâ simplici sint, tamen durâ, grossâ, & solida, euadunt, ita iubente vi seminali; Hinc lapides, metalla, arbores crassæ & densæ, quæ tamen nonnisi aqua sunt, quam eodem pondere exhibent de se, detractis solum per artem seminalibus fermentis. Idcirco natura humana quoad corpus, in Paradyso non de semine formata, erat tota spiritualis, spiritu sydereo & astrali constans; quando autem acquisiuit semen per fermentum pomi, vt diximus, tota in molem corpoream grauantiem se, qualem modò habet, abiit. Atqui B. Virgo iuxta dicta supra, licet inchoatiue secundum carnem orta sit à semine, tanquam à termino à quo, non tamen completiue, sed potius tota manu DEI est fabricata, castratis seminibus illis, ne secundum sibi proprium fermentum seminale, quidquam in carnem Virginis inducerent; Ergò B. Virgo merè spiritualis prodijt secundum carnem, & talis qualis Eua de Adæ costâ prodijt, absque omni fermento seminali, in Paradyso. Hinc Gilbertus Abbas serm: 16. in Cant: ad illud Psalmi 62. *In terrâ desertâ, & inuia, & inaquosâ, sic in sancto apparui tibi; dicit. Caro Virginis terra deserta, & inuia, & inaquosa, in quâ Christus apparuit. Quare? quia in eâ semen Adamicum, suam carnalitatem non produxit.* Et D. Bernardus serm: 20. in Cant: felicitatem carni Virginis tribuit, in illud Cant: 3. *Egredimini, & videte Regem Salomonem in diademate, quo coronauit eam Mater sua; sic fatus. Felix caro, quam sibi Christus non quasi carcerem, sed quasi coronam assumpsit, quæ fuit ornamento non oneri; veritas enim carnis in Christo, peccato victricem palmam aduexit; bene ergò quasi diadema accipitur corpus immaculatum, corpus triumphii, corpus honoris & glorie.* Sed hæc in CHRISTO caro, est caro Mariæ, Ergò &c. Quòd si obtrudas illud CHRISTI, Luc: 24.

Spiri-

Spiritus carnem & ossa non habet, sicut me videtis habere; per quæ verba videtur CHRISTVS Dominus negare à carne suâ spiritualitatem, etiam post resurrectionem suam. Ad hoc respondeo. Carnem quantumcunque spirituales, vel spiritualizatam, adhuc habere ossa & carnem in suis quidditatibus veris, quæ possunt exhiberi etiam ad palpandum & videndum, si sic homini talia ossa & carnem habenti, placuerit. Sicut enim (vt exemplo ex arte & naturâ petito, id declarem) aurum, quo nihil est constantius in naturâ, etiam si nescio in quantum subtilietur, & spiritualizetur, adhuc aurum est, constans sibi, & solidum; ita caro & ossa, demptâ carnalitate Adamicâ ab eis, stante spiritualitate suâ, adhuc sunt verè ossa, & caro, quia per spiritualitatem non amittunt naturalia, sed aduentitia. Et si vis experiri, contunde aurum in laminas, deinde in tenuissimas bracteas, tandem in aurum pictorum, denique in marmore illud leuiga, demùm addito cinnabari & sale in alcool, impalpabile idem aurum effinge; tum distilla, & cinnabarim ab eo per ignem separa, & sale per aquam, ablucendo si vis millies, separa: Rursus cum sale armeniaco, stybio, & Mercurio sublimato, per retortam pelle, idque septies repete, sic aurum illud quod antè fuit durum, solidum, malleabile, ac fixissimum corpus, iam in formam olei puniceo volatilis redigetur, & tamen pristinum auri pondus, & naturam, per tot lanienas, non amisit, & facillimè in formam pristinam redigitur. Sic de carne nostrâ spirituali, & tamen ossèâ atque carneâ sentias, quæ maiorem constantiam & stabilitatem, spirituales tamen, ex dono creationis acceperat, loquendo de primitiâ eius puritate, in Paradyso, quàm aurum, aut aliquod corpus vniuersi indestructibile. CHRISTVS ergo ibi loquitur, secundum quod curaturus incredulitatem discipulorum illuc intrauerat, & tamen carnem & ossa, quæ illis ostendit palpabilia, ianuis clausis intulit, vt spiritualitatem carnis, quæ iam resurrexit, venerarentur. Caro enim CHRISTI, & spiritualis erat, & caro erat, quia spiritus carnis, & caro spiritualis in naturâ non repugnant, licet in ethnicâ philosophiâ repugnent.

14. Docent enim Theologi, occultationem & manifestationem dotium corporis gloriosi, subiacerè voluntati beatorum, ita vt in potestate beati sit, manifestare vel occultare pro libitu suam claritatem, vel subtilitatem alicui, iuxta illud D. Augustini 19. de Ciuitate DEI Cap. 27. *Imperabit DEVS animo, & animus corpori, tanquam obedienti.* Et ratio pro hoc esse potest. Quia si visibile videtur, ait in visum, si non videtur, non agit, Ergo ex hoc quod agat vel non agat in aliquod extrinsecum, non fit aliqua mutatio in eo. Vnde sine mutatione alicuius proprietatis, quæ sit de perfectione corporis gloriosi, contingere potest, quod videatur, vel non videatur, vel in variâ specie videatur; & hoc ad perfectionem gloriæ pertinere videtur. De spiritualitate autem istâ corporis nostri, dicit D. Gregorius 14. moralium propè finem, *quod in illâ resurrectionis gloriâ, est corpus nostrum subtile, per effectum spiritualis potentie, sed tamen cum hoc erit palpabile*

Ecc

natu.

natura: hoc est, per virtutem animæ beatæ, corpus illi subiectum, multò efficacius poterit penetrare lapidem, V. G. quàm penetrat modò Ignis, qui tamen à scholis inter corpora recensetur. Cum autem Virginis gloriosæ anima, etiam in hac vitâ, plenum dominium in corpus suum habuerit, quis negabit, suæ virtutis magnitudine, ita corpus suum ab instanti animationis affectu esse cam, ut esset instar gloriosæ? Vndè D. Augustinus ad Dioscorum. *Tam potentem fecit DEVS animam, ut ex eius plenâ felicitate, redundet in corpus sanitas perpetua.* Et 22. de Ciuit. DEI, Cap: 30. *Vbi volet spiritus, ibi protinus erit & corpus.* Et hoc tantò fortius tribuendum Virgini, quantò clariùs constat per Doctores & Patres, eam in viâ cum beatis participasse in perfectione naturæ humanæ. Vndè illud Alberti magni super Missus est; *Concedimus, quod B. Virgo habuit medium statum, inter statum simplicis viatoris, & statum simplicis comprehensoris, scilicet statum secundum quem fuit simplex viatrix, & simplex comprehensens.* Et ita habuit virtutes & facultates animæ medio modo dispositas, quia accepit meliorem partem, ab utroque extremorum. Fuit ergò in B. Virgine caro tota spiritalis, & nequaquam carnalis, licet carnea, ut hic locum habeat dictum S. Thomæ à Villâ nouâ, qui Conc: 3. de Nat: B. V. premens illud Psal: 71. de carne Virginis pronunciatum, scilicet: *Descendet sicut pluuia in vellus. sic loquitur. Vellus de carne ortum, non habet vitia carnis, & sic Virgo licet carnea sit, sic tamen carnea, quasi argentea, sine omni maculâ, & concupiscentiâ.* Et ibidem. *Eius caro sic imaginanda est, ac si esset argentea, vel vitrea, vel crystallina, sine carnis vitis, sed tota Angelica in carne; quod optime tangit de eâ sponsus in Cant: dicens: Equitatu meo in curribus Pharaonis assimilauit te &c. Currus Pharaonis caro mortalis, in carne itaque mortali, equitatu Angelico similis est in puritate.*

15. Præterea. Quantò aliquid DEO est propinquius, & vnibilius, tantò est, vel saltem esse debet, spiritualius: quia DEVS spiritus est, Ioan: 4. Sed Beatæ Virginis caro, ideò producebatur in utero D. Annæ, ut propinquissimè & vnitissimè DEO coniungeretur, in Verbi æterni temporali humanatione; Ergò debuit esse pura ab omni carnalitate, & merè spiritalis, ut potè promouenda in DEVM, teste D. Petro Chrysologo serm: 117. *Vbi Adamum & CHRISTVM confert sic. Ille, id est, Adam, vilissimo plasmatur ex limo; ex utero pretioso virginis, hic, id est CHRISTVS, procedit; In illa terra mutatur in carnem; in isto caro promouetur in DEVM.*

16. Ad extremum. Conceptio carnis Marianæ, per omnia similis fuit conceptioni carnis humanæ in statu innocentie, vbi Eua Virgo de Spiritu Sancto concepisset imaginem DEI, absque vllâ intermediâ animalitate & sensualitate. Probatur hoc. Quia exceptâ decisione seminum, quæ potius ad conceptionem actiuam spectat, quam ad passiuam, & potius est via ad conceptionem, quàm conceptio; tota sequens actio, requisita ad conceptionem passiuam Virginis, à manu Domini processit, producentis ibi ex suâ liberalitate animam intellectiuam, & non permittentis suboriri vi seminis, animam seminalem, nec dispositiones ad ipsam, in massâ corporis


RESOLVTIO QVARTA.

203

poris Virginis, ita vt Virgini Matri nihil obfuerit concipi de semine, quò minus adhuc talis producta sit, sicut fuisset producta sine semine, in innocentia statu; Sed in illo statu nulla fuisset animalitas, nulla carnalitas, nullus fomes in corporibus electorum, idque ex vi suæ productionis, Ergo & modò in Virgine, ita per omnia passiuè concepta, sicut si fuisset concepta in statu innocentia, ista non habent locum.

17. Enimverò, quæ Decade I mâ Resolutione 51â, de Spiritu astrali seu sydereo corporis humani diximus, & de eius extasibus, derivatâque ab animâ in eum, & eo mediante, in corpus, virtute animæ, quæ etiam in nobis extra corpus interdum se propagare cernitur, vt ibi deduximus; non videtur necessarium hic repetere: nullus enim negare potest hanc perfectionem carni & sanguini DEIPARÆ, cum hæc sit in seruis DEI, & à fortiori fuerit in VIRGINE MATRE DEI.

18. Concludendum ergò absolutè, quòd quidquid in Adamo antè peccatum fuit spiritualizans carnem & sanguinem, totum id accepit ex vi conceptionis suæ passiuæ, manu DEI fabricatæ quoad carnem, Virgo Maria, idque in esse perfectiori. Quare caro eius, verè spiritualis fuit, & ab omni carnalitate & fomite immunis. Quod ulterius ex parte animæ eius ostendendum venit. Pro quo sit.



RE



RESOLVTIO

QVINTA.

Ex parte animæ intellectiuae, quam so-
lam ex vi suæ conceptionis passiuæ, habuit VIR-
GO, expers fuit fomitis, & originalis maculæ in
carne.

1.



Quæ fermento veteri, quod prima Mulier Eua abscondit in fa-
inæ, id est naturæ humanæ satis tribus, id est animâ, spiritu,
& carne, donec fermentatum est totum, id est, donec tota
natura infecta est concupiscentiâ, & eam consequente animâ seminali,
quæ inquam tali fermento opposuit azyma nouum, veteris fermenti destructi-
uum, & totius humanæ naturæ in primæuam virginitatem restauratiuum,
commiscendo videlicet tria sata similæ, id est, diuinitatem, animam, & cor-
pus, mediante fide azymâ, & consensu purissimo in incarnationem Verbi;
absit vt veteri fermento infecta credatur, animæ seminalis dispositiue intro-
ductiuo; Imò potius corde deuoto & ore facundo confitendum est, longè
hinc exulasse animalitatem cum suis concupiscentijs & desiderijs, vbi quidquid
gestum est, (vt verbis D. Hieronymi vtat) totum puritas & simplicitas, to-
tum veritas & gratia fuit, totum misericordia & iustitia, quæ de Cælo prospe-
xit, quæquæ idcirco est immaculata, quia in nullo corrupta.

2. Nos nos, (vt lamentabundus conqueritur Doct. Mellissus in Orat:
ad B. Virginem) tunica istâ pelliceâ, quâ nos circumdedit Eua Mater nostra,
animaliter nos concipiens, induti sumus, non prius enim dum concipimur est
in nobis spiritale, sed prius animale, deinde spiritale, iuxta Apostolum 1. ad
Cor: 18. Surgit enim in nobis, ex vi fermenti veteris, animalis anima, &
quidem tempore prius, quam misertus sic animalizata naturæ nostræ DEVS,
infundat desuper mentem immortalem. *Et hæc tunica Eue parentis nostræ est,
quam ad nos olim misera illa transmisit, (verba sunt D. Bernardi) & superuēstiuit
carnem filiorum suorum, sicut diptero confusione suâ.* Ast Virgo DEIPARA, tuni-
câ istâ obuoluta non est, in cuius conceptione, sola manus Creatoris, fabrica-
uit sibi vas spirituale, vas honorabile, vas insigne deuotionis. In quo vase
purissimi corpusculi, eadem manus Creatoris, cooperans auræ seminum à Pa-
rentibus decisorum, immediatè fecit surgere mentem immortalem, vas hoc
irradiantem, & immediatè possidentem, non secus ac in primis parentibus
ex vi primæ intentionis DEI, factum fuit.

3. Et

3. Et ne noua alicui hæc videatur doctrina, produco pro eâ Origenis vetustissimi & doctissimi authoris testimonium, qui Hom: 3. in diuersis materijs ad Cap: 2. Matthæi, sic pro istâ nostrâ Resolutione, decernit. *Ecce (inquit) Dominus sedet in nube pusillâ, & veniet in Ægyptum, ecce sedet in nube pusillâ, carnalem animam non habente, nec aliquam peccati grauedinem.* Loquitur autem de Virgine Matre. Imò D. Augustinus lib: 1. de Nup: ijs & Concup: Cap: 33. nobiscum est, dum ita discurret. *Non erit (inquit) omnino aliquid vel in carnali semine vitiosum, cum eadem regeneratione quæ nunc fit per sacrum lauacrum, usque in finem cuncta mala hominis purgante, atque lanante, eadem caro, per quam facta est anima carnalis, fiat etiam ipsa spiritalis, nullam legi mentis resistentem contumaciam carnis habitura, nihil carnalis seminis emissura.* In his enim verbis supponit D. Augustinus, tanquàm dogma certissimum, etiam in carnali semine, nihil omnino vitiosum posse esse, si mediante auxilio DEI, caro producat spiritalis, per quam vt carnalem, ordinariè fit in homine anima carnalis; Atqui omnes SS. Patres fatentur, corpusculum Virginis de semine parentum formatum esse manu Domini; Ergò illud corpusculum, nequaquam tale fuit, vt per illudurgeret in Virgine anima carnalis, sicque Virgo producta est tota spiritalis cum solâ mente, absque præuiâ animâ seminali; quod est propositum.

4. Idem sensit deuotissimus Virginis, Bernardinus Senensis serm: 61. de Relig: Christi A 3. Cap: 3. sic fatus. *Refulsit B. Virgo candore Diuinitatis sapientie, cum ipsa fuerit candor lucis æternæ & speculum sine maculâ, & speciosior sole; tanto enim lumine illustrata fuit, cum etiam esset in ventre Matris, quod non tantum plena fuit lumine rationis, sed etiam altissimæ contemplationis.* Et mox infra subdit: *Ad tantam contemplationem sublimata est, vt perfectius etiam in ventre matris contempleretur DEVM, quàm vnquàm fuit contemplatus aliquis in perfectâ ætate, magisq; contemplatione DEI excessit dormiendo, quàm aliquis alius vigilando.* Atqui hæc arguunt in Virgine gloriosâ solam fuisse mentem, nullâ caligine rationis discursum, quæ cum animâ caducâ, seminali, & animali, in naturam subintrat, obuolutam; Ergò B. Virgo concepta est cum solâ mente, immediate corpus regente, & irradiante. Minor probatur autoritate D. Augustini lib: 12. super Gen: ad 1. iteram, ita loquentis. *Nemo DEVM vidit, viuens vitâ istâ, nisi ab hac vitâ aliquomodo moriatur, siue omnino exiens à corpore, siue ita auerfus & alienatus à sensibus, vt merito nesciat, utrum in corpore vel extra corpus sit; vt dicit Apostolus 1. ad Cor: 12. hanc enim visionem, mens ab omni corpore & ab omni labie mundata, & à similitudine corporis alienata, & abrepta à corpore, habere potest.* Sed B. Virgo, iuxta S. Bernardinum citatum, in ventre Matris existens, DEVM plus est contemplata, quàm aliquis sanctorum in ætate perfectâ. Imò secundum Albertum magnum super Missus est, ita fuit occupata per totam vitam in contemplatione Deitatis, quod iste actus fuit in eius possessione semper, per quem (verba sunt magni Alberti) sine abstractione, cum omnimodâ mentis quiete, DEVM cognoscebat, sicut fit in raptu, in quo illa fuit quasi continuò, & perfectiori modo quàm Paulus, & alij Sancti: Quia ista continuatio debebatur ei, ratione perfectionis maioris,

vis, quia hūc vite super omnes viatores funditus mortua fuit, propter quod vita eius cum CHRISTO in DEO abscondita semper fuit, & curia Angelicæ præsens, intra sanctuarium DEI habitavit; Modus etiam cognoscendi respectu DEI, non fuit in illâ per modum abstractionis, vel stuporis, vel extasis, vel etiam soporis, quæ contingunt ordinariè in sanctis, propter improportionabilitatem potentie ad lumen, ut in Paulo, qui stupefactus in raptu, nesciuit an in corpore an extrâ corpus fuerit: Beata autem Virgo hunc stuporem non habuit, cuius intellectus DEI formior, & illi luci proportionabilior fuit. Hæc Albertus magnus. Ergo B. Virgo adhuc in vtero Matris, omninò ex vi suæ conceptionis manu DEI facta, fabricata est, absquè nubilo animæ sensitivæ, sed solum cum plenâ luce animæ intellectivæ. Dederunt ergo parentes Mariæ materiam pro corpore, quando deciderunt, sinè libidine tamen, semina, sed longè plus ibi operata est gratia, quæ cavuit, ne vitalium seminum, animâ ibi seminalis, cum suis animalibus desiderijs & concupiscentijs surgeret, quæ etiam fecit hoc opus suum, scilicet Virginem terminari in vitam Angelicam, quæ tunc verè est in carne, quando caro immediatè regitur à solâ mente, absquè vllò consortio animæ seminalis.

5. Sed si pro exclusione fomitis à corpore Virginis immaculatæ, specialiora ambis documenta, ea libentè tibi do. Et primò D. August: Lib: 2. de nupt: & concupisc: dicit. *In Mariâ, nullum peccatum, nec fomes extitit*. Idem serm: 2. de Assumpt: Cap: 5. ait. *Caro Virginis, est caro CHRISTI, & caro Christi, est caro Mariæ*. Tunc sic. Sed caro Christi nullum vnquam habuit fomitem, ut apud omnes est in confesso, Ergo nec caro Mariæ. Id ipsum docet Richardus Victorinus Lib: 2. de Emman: Par: 1. Cap: 29. trutinans illa verba Psal: *Auferens bella, usq; ad finem terræ*. ubi ait. *Quæ est ista obsecro terra, de quâ bella omnia finetenus auferuntur, nisi illa, de quâ idem Prophetâ alibi protellatur; veritas de terrâ orta est*. De hac terrâ omnis pugna tollitur, in hac pax plena reparatur, ita ut sublato fomite, bellum nullum exurgere potuerit. Et rursus Cap: 31. subdit. *In reliquis Sanctis, magnificum habetur, quod à vitijs nequeant expugnari, in Virgine, mirificum videtur, quod à vitijs non possit ipsa vel in modico impugnari*. Idem sentit Hesychius Hom: 2. de Deiparâ, dicens. *Nunquam Mariam concupiscentie fumus attigit, nec vermis voluptatis eam lesit*. Ad idem Innocentius tertius Ser: 2. de assumpt: Virg: fatur. *In Virgine fuit non solum sopitus stimulus carnis, sed prorsus extinctus*. Sed nouissimum teneat locum, deuotus in Virginem gloriosam S. Thomas à villâ nouâ. Hic Conc: 3. de Natiu: eius, talibus eam ab omni fomite peccati, vindicat verbis. *Antequam anima illa sanctissima infunderetur, plenè fuit caro illa mundata ab omni fece & labe; & anima, cum infusa est, nullam habuit ex carne neque contraxit labem peccati, sicut scriptum est; Factus est in pace locus eius, id est, Domus Diuinæ sapientiæ, sinè omni fomite peccati formata est*. Idem sentiunt plures SS. Patres & Doctores Scholastici. Ergo in Virgine gloriosâ, non fuit fomes peccati ligatus vel extinctus, sed absolute nullus.

6. Et sanè omnes illi Doctores, qui negant in Virgine Deipara fu-

isse

esse fomitem, asseruntque eum nedum extinctum, aut ligatum fuisse, ex vi conceptionis Marianæ, sed prorsus non admissum in eam, tenentur idem mecum sentire, quòd scilicet in Virgine nulla surrexerit ex vi seminum anima seminalis. Fomes enim ex sententiâ D. Thomæ 3. p. q. 27. A. 3. imò omnium scholasticorum, *est inordinata concupiscentia sensibilis appetitus, habitualis tamen.* Et dicitur concupiscentia sensualitatis inordinata, in quantum repugnat rationi, id est, intellectui. Ergò ubi est fomes, ibi est appetitus sensibilis, & ubi non est fomes, etiam non est appetitus sensibilis; atque ita qui non admittit in Virgine fomitem habitualement, tenetur quoque non admittere sensualitatem, & ita nec animam sensitivam, cuius ista sensualitas repugnans legi mentis, est genuinus effectus.

7. Proinde ipse D. Thomas, qui aliòquin in eadem questione A. 1. agnoscit in Virgine prius animale, quam spiritale, in quo tamen communiter iam non tenetur; concedit tamen, hic posse intelligi, quòd totaliter fuerit sublatus fomes à B. Virgine, hoc modo. *Quòd prestitum fuerit* (verba sunt D. Thomæ) *B. Virgini ex abundantia gratiæ descendenti in ipsam, ut talis esset dispositio virium animæ in ipsa, quòd inferiores vires nunquam mouerentur sine arbitrio rationis, sicut dictum est fuisse in CHRISTO, quem constat peccati fomitem non habuisse, & sicut fuit in Adam ante peccatum, per originalem iustitiam.* Hæc D. Thomas. Tunc ego. Sed ista dispositio virium animæ B. Virginis, propter quam inferiores vires nunquam mouerentur in eâ absque arbitrio mentis, non potuit esse nisi solius mentis plenum in corpus dominium, absque intermediâ seminali animâ, qualis etiam dispositio fuit in Adam ante peccatum, & de facto fuit in CHRISTO; Ergò talis fuit, idque ex gratuitâ DEI cooperatione, ad conceptionem purissimam suæ Matris.

8. Confirmatur. Quia in causis præcis, sicut affirmatio est causa affirmationis, ita negatio negationis; Sed anima seminalis, est causa præcisa sensualitatis animalis in homine, Ergò negatio talis animæ, est etiam causa negationis sensualitatis istius, & consequenter fomitis.

9. Neque dicas. Tunc B. Virginem futuram fuisse insensibilem, ablatâ ab eâ animâ sensitivâ. Non dicas inquam; quia teste Aristotele: *Quidquid potest virtus inferior, potest & superior.* Et secundum D. Dionysium de cælesti Hierarchiâ: *Ordines excellentes, habent inferiorum dispositionum virtutes.* Mens igitur humana, eo ipso quia à Creatore regendo corpori destinata est, habet in se virtutes sensitivas eminentè, ut scilicet videat, audiat, odoretur, gustet, sentiat, idque in organis corporis, non tamen habet ut carnaliter & animaliter concupiscat, quia hoc est extra sphaeram mentis, & soli animæ seminali proprium.

10. Præterea. Quidquid est animale, non est capax beatitudinis, imò impedit spirituale, quousque est cum illo, ne sit capax beatitudinis, nisi animale intereat: & hæc est causa mortis nostræ temporalis, ante adiutum æternum permanfuræ beatitudinis; Sed B. Virgo fuit beata beatitu-

dine

dine transeunte, dum vixit hanc vitam, vidit enim DEVM, & quidem multò perfectius quàm Paulus in raptu, vel Moyſes, vt concedunt Sancti Patres, imò aliqui etiam in instanti conceptionis ei tribuunt visionem beatificam, cum id non repugnet, & dignitati Matris DEI conueniat, Ergò B. Virgo in instanti conceptionis, caruit animâ animali, & consequenter in totâ vitâ caruit illâ.

11. Confirmatur. Quia posita animâ seminali, statim sequitur eius effectus, scilicet, obnubilatio mentis; Ergò si Virgo in instanti conceptionis vidit DEVM, & non potuit in illo instanti amouere nubilum sensitivæ; sequitur quod illâ caruit. Dicit enim B. Gregorius. *Quibuslibet in hac carne viventibus, sed cum inestimabili virtute crescentibus activæ contemplationis, potest claritas DEI videri, si tamen huic vitæ funditus moriantur.* Atqui B. Virgo, in instanti suæ conceptionis, nequidit crescere in contemplatione activâ, nec potuit vitæ animali, posito quod eâ vivere inceperit, mori in primo suæ vitæ instanti, & tamen ei tunc claritas DEI apparuit, Ergò in eâ, vita animalis prorsus non fuit.

12. Præterea. Consentiunt in hoc unanimiter Theologi, quod Adam in statu innocentie, habuit intellectum independentem à phantasmatis, ita quod poterat intuitivè videre essentias creaturarum, absque interuentu phantasie, nec poterat in tali cognitione errare; quia teste D. Augustino: *Approbare falsa pro veris, non est nature instituta, sed lapsæ.* lib. 3. de lib. arbitrio. Atqui talis rerum cognitio, arguit in Adamo carentiam phantasie, & consequenter animæ sensitivæ, cuius est, phantasiari; Ergò tunc Adam caruit tali animâ. Sed B. Virgo superavit Adamum in cognitione & visione, ita quod secundum SS. Patres, visio Virginis in viâ, perfectior fuerit visione Adæ in paradyſo, ergò mens B. Virginis, magis fuit soluta ab animâ seminali, & eius phantasijs, quàm ipsius Adæ mens; quod est propositum.

13. Præterea. Ecclesia, omnia illa quæcunque dicuntur de sapientiâ increatâ, in illis libris Sacræ Scripturæ, qui intitantur de sapientiâ, tribuit B. Virgini, exponendo dicta talia specialiter de illâ, quam & appellat nomine Virginis prudentissimæ; Ergò Virgo hæc, nunquàm non fuit prudens, loquendo etiam de primo instanti conceptionis suæ; Atqui prudentia in illo instanti, arguit usum intellectus liberum & exercitium, independentem à phantasmate, Ergò B. Virgo cum solâ mente, absque nullo animæ seminalis, & phantasie eius, à manu DEI tunc condita est.

14. Confirmatur hoc traditione D. Hieronymi, & aliorum Historiographorum Ecclesiasticorum, qui scribunt; quod cum parentes B. Virginis eam trimam ad templum adduxissent, & in nouissimo gradu, (qui quindecim offerebantur ascendentes in templum Salomonis) constituerent, ipsa sine adiutorio, cunctos gradus citissime conscendendo, ita percurreret, ac si esset perfectæ ætatis, ibique absque ulteriori parentum directione, ita se maturè & prudentissimè in DEI laudibus exercuerit, vt

omnes

omnes mirarentur. Ergo si tunc declarauit, cum primum per statem licuit, se esse Virginem prudentissimam, & ipsa per se tantum in sapientia profecerit, signum est, quod à phantasmatibus & nubilo animæ seminalis, obscurantis aciem mentis, fuit immunis.

15. Præterea. Philosophus docet, quod intellectus semper est rectus, nisi quando se miscet phantasij, & deducitur ab illis; Sed D. Virginis intellectus, semper supponitur fuisse rectus, Ergo nunquam se immiscebat phantasij, nec ducebatur ab eis; Atqui si esset in Virgine anima sensitiua, essent & phantasie eius, & consequenter debuisset intellectus Virginis aliquando se miscere phantasij, & deduci ab illis, alias si nunquam id fieret, frustra in Virgine esset phantasia, Ergo potius tenendum est, nunquam fuisse in Virgine phantasiam, cum suâ animâ sensitiuâ.

16. Præterea. Vbicunque in discernendo, Intellectus errare, & Voluntas in eligendo, deuiare nequit, ibi est intellectus & voluntas absque nubilo discursus rationis, & phantasie; Sed in B. Virgine nequiuisset intellectus errare, nec voluntas deuiare, alias potuisset peccare, quod omnes negant; Ergo in B. Virgine ista fuerunt sine nubilo animæ caducæ, cum eius discursibus & phantasij.

17. Præterea. Angeli in primo instanti suæ creationis, cognouerunt se per essentiam suam, & statim se in DEVM retulerunt, referendo scilicet eam essentiam, quam cognouerunt in genere proprio, cognitione scilicet vespertinâ, DEO acceptam, propter quod meruerunt eam cognoscere in Verbo, cognitione scilicet matutinâ, prout D. Augustinus lib: 4. super Gen: ad literam, deducit sex dies, ex vespere & manè constantes, vsque ad septimū, qui manè solum habuit & non vespere. Ergo & Virgo beata, in primo instanti suæ conceptionis, se cognouit similiter per essentiam suam, alias daretur aliqua perfectio in creaturâ, cuius Virgo non esset particeps nec capax.

18. Si dicas; quod non potuit se Virgo cognoscere per essentiam suam, sed solum per speciem. Contrâ. Quia tota illa perfectio intellectus creati, debet poni in Matre CHRISTI, quæ ponitur fuisse in intellectu creato CHRISTI, Atqui secundum Doctorem Subtilem in 3. dist: 14 q. 3. s. Ad quæstionem &c. *Videtur probabile, attribuere Christi intellectui perfectionem, respectu omnis intelligibilis, qualis attribuitur Angelis, cum nec illa repugnet intellectui creato, nec sit imperfectio in eo.* Ergo si Angeli se cognouerunt per essentiam suam, etiam anima CHRISTI se cognouit, & à pari, etiam anima Virginis.

19. Tunc ultra. Aut se tunc Virgo cognoscens, retulit in DEVM, sicut fecerunt Angeli; aut non retulit? Si retulit? Ergo ita meruit, sicut & boni Angeli. Si non retulit? Ergo in illo instanti, peccauit per omissionem, vel ad minus fuit imperfecta in bonitate, quam tunc posset habere; quod non cadit in Matrem DEI. Si dicas, quod non potuit. Contrâ. Istud non posse, pro tanto haberet locum in instanti illo Virginis, pro quanto vinceretur tunc Virgo ab aliquo contrario; Illud igitur contrarium, vincens & impediens in illo instanti Virginem, ne suam essentiam ferret DEO acceptam, prout

fecerunt Angeli, aut esset ab ipsâ Virgine? aut à Deo creante animam Virginis, cum tali impedimento? Si ab ipsâ Virgine? Ergo Virgo in primo instanti peccasset, quod est inconueniens. Si à Deo? Ergo Deus esset magis affectus Angelis, quàm Matri suæ, quæ est Regina Angelorum. Et præterea, istud contrarium vincens & impediens Virginem, esset utique fomes, inclinans in oppositum. Atque ita fomes esset à Deo concreatus animæ Virginis, quod etiam est inconueniens; Ergo ex his omnibus patet, Virginem in primo instanti suæ conceptionis, solâ animâ intellectuâ fuisse animatam, absque interuentu seminalis animæ, sicque deinceps totâ vitâ permanisse.

20. Præterea, à posteriori idem sic deducitur. CHRISTVS & B. Virgo nunquam riserunt, nunquam deliquium, aut syncopen, vel morbum aliquem, passi sunt, potestatem ponendi animam suam, & iterum sumendi eam, habuerunt; Ergo Christus & B. Virgo, solâ animâ intellectuâ vixerunt semper, totâ vitæ præsentis spatio. Antecedens quoad singula probatur. Et primò quòd non riserunt; de Christo omnes SS. Patres id fatentur: de Beata autem Virgine, id cum alijs historiographis Ecclesiasticis, tradidit Epiphanius, dicens post multa alia, per quæ membratim, quoad exteriorem symmetriam corporis, descripsit Virginem, hæc sequentia. *Silentium semper amabat, raro loquebatur, erat miræ patientiæ, nunquam visa est irasci, nunquam risit, nunquam otiosum verbum protulit.* Probatur etiam quòd non sunt passi deliquia, syncopes, & morbos; quia morbi omnes procedunt ex ideis morbofis, quas sibi ens seminale occasionalitèr cudit, & vitam hanc per eas afficit, ut melioris notæ Medici fatentur: In CHRISTO autem, tale Ens seminale locum non habuit: & est hoc de fide, aliàs Christus fuisset Adamicè de semine conceptus. Et iuxta dicta suprâ; in B. Virgine manu DEI fabricatâ, tale Ens seminale præuentum est, ne ageret dispositiue ad animam seminalem, Ergo &c.

21. Probatur denique, quòd habuerint in potestate animas. Et quidem Christus id expresse dixit de se, & fecit; quia quando voluit, inclinavit caput & tradidit spiritum, & iterum cum voluit, accepit eundem, & propriâ vi resurrexit, solum cum generali DEI concursu, illâ animâ benedictâ se carni suæ vniente, ut prius vnita erat. Propter quod, mors Christi non erat eiusdem rationis & speciei, cum morte nostrâ; in nostrâ enim morte, fit totalis animæ seminalis extinctio, non secus ac in brutis, quâ animâ seminali extinctâ in carne peccati, iam mens subsistere nequit, eò quòd tamdiu ibi subsistit, quamdiu istud lumen animæ seminalis lucet, quo nihil habet proportionalius in corpore mortis huius; quo extincto abire cogitur, utpotè subtrahito sibi illo, in quo ut domicilio, obuoluta tenebatur; ut suprâ Decade I mâ: insinuauimus. Ast verò in morte Christi, fuit voluntaria mentis à corpore separatio, id summâ ipsius charitate, quæ etiam effecit, ut spontè acceptata sint vulnera in illo innocentissimo corpore, in se tamen mortali, quale fuit & corpus Adæ antè peccatum, etsi quatenus ab animâ immortali plenè possessum,

sum, nunquam fuisset mortuum. Vndè & Doctor Subtilis in 3. dist. 16. q. 2. dicit. *Passum esse Christum secundum corpus & animam sensitivam*, (quam ille, vt potè innixus Aristotelicæ doctrinæ, agnoscit in Christo) *miraculose, scilicet ex illo antiquo miraculo, quo gloria animæ eius non redundabat in corpus*. Quòd certe multò vrgentiùs asseruisset, si in Christo solam mentem immediatè regentem corpus, posuisset; quamuis etiam mens Christi, tunc non fuisset actus beata, sed talis, qualis fuit in Adamo antè peccatum. De Christo ergò non est dubium. Quidquid autem fuit in Christo vt puro homine, etiam tribuendum est B. Virgini, quæ etiam spontè posuit animam, & assumpsit pænalitates, ne Christo maior esse videretur, & vt cooperaretur ad nostram redemptionem, faciendo nobis immensum thesaurum, de talibus suis meritis. Proindè S. Damascenus de dormit: Virg: exclamat. *Sacra tua obdormitio, à nullo est appellanda mors, quia nec te absorbit, nec dolorem intulit*. Vndè de eius morte SS. Patres ita scribunt; quòd mens eius in ipsâ horâ mortis, fuit in altissimâ & suauissimâ contemplatione, absque vllâ interruptione, & sic se spontè in manus Christi ibi tunc præsentis, effudit, & deindè die tertiâ accessit eius anima, & se nexu perpetuo purissimo illi corpori reuniuit, illud suâ Beatitudine replendo, modo illi possibili. Vel si malis dicere, quod aliqui piè sentiunt; Angelos corpus illud die tertiâ in cælum detulisse, & ibi animam se illi indissolubiliter vniuisse, per me licet; nihil enim eorum quæ ad dignitatem maiorem DEI Matris pertinent abnuo, si authoritati Ecclesiæ & SS. Patrum non repugnet. Ita probato Antecedente, Consequentia probatur.

22. Et inprimis ostendo, quòd negatio risibilitatis, infert negationem animæ sensitivæ. Risus enim non est ex rationalitate; aliàs bruta riderent, quæ sanè sunt rationalia, vt suprà Decade 1. m. deduxi, non tamen intellectualia, quorum tamen nullum ridet; nec item risus est ex admiratione præsentium aut præteritorum, vt aliquibus placuit; nam infantes etiam in cunis dormiendo, rident. Solùm igitur fit risus, ex nexu duplicis animæ, scilicet sensitivæ & intellectivæ, qui nexus in solo est homine, & ideò solus homo ridet. Dum enim anima sensitiva aut subito format sibi conceptum placitum, aut eius vt præteriti reminiscitur, utique id facit cum gaudio, & in gaudio, sicut & bruta in gaudio formant similes conceptus sibi placitorum, & sistunt in hoc, nec ulterius progrediuntur, vt rideant. Quia verò in homine est præter sensitivam, mens, quæ & penetrat suo lumine sensitivam, & vicissim ab eius lumine afficitur, ideò hoc iucundo conceptu animæ sensitivæ perculsa, etiam illum iudicat esse gaudio dignum, & animæ sensitivæ condescendendo, subsilit præ gaudio, atque hinc est risus soli homini proprius, falsò hætenus rationi vt causæ attributus. Patet ergò; quòd vbi nullus esse potest risus actualis, nec aptitudo ad eum, ibi nec est anima sensitiva.

23 Ostendo etiam, quòd vbi nullum deliquium, syncope, ac morbi, esse possunt, ibi nulla est anima sensitiva. Quia fide credimus, sicut mortem, ita & omnem infirmitatem, à peccato intrasse in hominem, & per concupiscentiam

scientiam carnis propagatam esse in posteros omnes, ut iam Decade I. m. d. duxi; Atqui hoc non à Deo immittente mortem, sed à pomo producente in homine fermentum luxuriæ, disponens hominem ad animam sensitivam mortalem, & suis exorbitationibus proprijs sibi, varias idæas ægritudinum eudentem, Ergò cum morbi sint ab animâ mortali sensitivâ, sequitur, quod vivens carens aptitudine ad morbos, caret ipsâmet animâ sensitivâ.

24. Quod denique potestas ponendi animam, & iterum sumendi eam, arguat carentiam animæ seminalis & sensitivæ, in sic potentibus, probò. Quia anima humana, eò ipso quod anima est, est apta nata esse actus corporis humani organici, & non nisi violentè ab eo separabilis est, & per miraculum, quousque corpus illi est proportionatum; at cessante istâ proportionalitate, intrante scilicet in carnem carnalitate cum animâ seminali, iam anima humana est naturaliter separabilis, ob disproportionalitatem carnis peccati ad se; Ergò potestas ponendi animam & iterum sumendi eam, supponit in sic potentibus, carnem immunem ab animâ seminali, & semper animæ intellectuâli proportionatam, nisi aliundè permittatur, per extrinsecas poenalitates lacerari, iste nexus indissolubilis, quod profectò solum in duobus istis fuit hominibus, scilicet Christo, & eius Matre.

25. Vnde credo; quod in resurrectione generali, non reuniet Deus animas ad sua corpora actione suâ speciali, sed solum Deus producet corpora iam à carnalitate depurata per incinerationem, vel alio aliquo modo, & tunc positis talibus corporibus, unaquæque anima beata, se suâ virtute, cum generali tamen concursu Dei, reuniet corpori suo, non secus ac se reuniuit anima Christi, & anima B. Virginis.

26. Præterea. Titulus augustissimus, Matris Dei naturalis, Virginem Matrem convinçit fuisse talem hominem, qualem ab initio creaverat Deus, scilicet cum solâ mente immediatè regente corpus spiritale. Sicut enim decuit naturam humanam, quam sibi hypostaticè Deus uniebat, esse purissimam, & absque omni fermento peccati, & illius comite animâ seminali, omniumque naturalium perfectionum plenitudine excellentem produci, ita quoque decuit, ut illa quam in Matrem Virginem elegit, omnibus naturæ humanæ ex primâ intentione Dei debitis dotibus, esset cumulata, secluis omnibus Adæ imperfectionibus, & consequenter & animâ sensitivâ. Consequentia patet. Quia qualis Mater, talis filius, loquendo tam de esse naturæ, quam de esse gratiæ; Ergò si filius homo perfectissimus, absque carnali animâ, cur non & Virgo Mater eius? Alias si Virgo Mater, esset carnali istâ animâ prædita, debuisset etiam in Christo prius genuisse saltem ordine naturæ animale, quam spiritale; aut si non, tunc non fuit talis Mater Christi, quales Matres sunt, quæ mediante animâ seminali generant modò nos: quorum utrumque esset inconueniens, stante hoc, quod Virgo ita habuit animam sensitivam, sicut & nostræ Matres, & tamen non eâ mediante generaret, sicut nostræ Matres.

27. Possent multa in rem Resolutionis præsentis afferri. Sed hæc sufficiant, pro meâ tenuitate. Quia ex his abundè patet, in Virgine nedum fo-


mitem

RESOLVTIO QVINTA

213

mitem non fuisse peccati, sed nec animam seminalem, seu animale, à quâ iste fomes habitualis posset procedere.

28. Concludo ergo hanc Resolutionem verbis Eccl: 40. *Ædificatio ciuitatis confirmabit nomen, & super hanc mulier immaculata computabitur.* In his enim verbis S. Bernardinus Senensis, de glorioso nomine Mariæ Scrm: 1. Cap: 2: in Ciuitate, Ecclesiam, in nomine, Christum, in muliere immaculatâ, Virginem Matrem, agnoscit, quæ vt sacer textus manifestè loquitur, cunctæ præfertur Ecclesiæ, vt potè sola post Christum, tam secundum carnem, quam secundum animam, etiam loquendo de istis in esse naturæ, est verè immaculata. Quia licet ex sanguinibus inchoatiue sit concepta, non tamen ex voluntate viri, sed ex Diuinâ charitate, neque ex voluntate carnis, sed manu DEI, est quoad corpus fabricata. Et sanè omnis Ecclesia, qualis modo est accepta, prout procedit in esse naturæ, corruptâ iam per Adamum nostrâ generatione, non est immaculata coram Deo, quia tam per passiuam, quam per actiuam generationem filiorum carnalem & animale, sordescit: sola Beatissima Virgo, non intra hanc Ecclesiam, sed suprâ hanc, quatenus hæc computatur, cò quòd sola inter omnes tanquam lilium inter spinas, exorta est, tam quoad corpus, quâ quoad animam, ab omni animalitate immunis. Libera ergo, nedum à fomite habituali, sed & ab ipsâ radice fomitis, quæ est anima seminalis, quæ à comesto pomo in naturam Adamicè propagatam, intrauit; vnde nec filia Adæ est, sed filia DEI summi Principis.



Hhh

RE



R E S O L V T I O

S E X T A.

Beata Virgo quâ Persona, nunquam fuit non grata DEO, sed in instanti suæ conceptionis, superavit magnitudine gratiæ gratum facientis, Angelos, & Homines quosuis, etiam sanctissimos.

1.



Quod de Sanctis Angelis, cum formidine tamen oppositi, asserunt Doctores, statim eos conditos fuisse in gratiâ gratum faciente; iuxta illud D. Augustini lib: 12. de Ciuit: DEI Cap: 9. *Simul condens naturam, & largiens gratiam*: Hoc absque dubio, de Angelorum Reginâ Virgine Matre, dici debet, quod DEVS non satis habuit condere corpus & animam Virginis suâ manu, in omni perfectione ad esse naturale requisitâ, & ab omni impuritate, quæ ex peccato suborta est, semotâ, sed etiam, quod in eodem instanti, quo condebatur naturam, simul largitus sit & gratiam gratum facientem, idque in tantâ plenitudine, ut Virgo hæc, in instanti suæ conceptionis, Angelos & homines quosuis sanctissimos, etiam in patriâ iam beatos, magnitudine gratiæ tunc vinceret, solo CHRISTO excepto. Itâ scholæ subtilium eximium lumen, actus forbonici fundator, & illuminatus Doctor, Franciscus Mayronius, Nostri Doctoris Discipulus, decernit, quod sanè dubio procul, à Præceptore in Virginem pientissimo, hausit, dum in 3. dist: 3. itâ protestatur dicens. *Credimus citrà Christum, Beatam Virginem maxime fuisse perfectam, ut plus haberet de gratiâ in Matris utero, quam habeant sancti in calo.*

2. Hoc idem cum S. Hieronymo, Augustino, & alijs SS. Patribus, ab ipsis suis incunabulis profiteretur Ecclesia. D. enim Hieronymus Serm: de assumpt: B. V. sic ait. *In Mariam, totius gratiæ quæ in CHRISTO est, plenitudo venit.* De fide autem est, Christum ab instanti conceptionis, plenum fuisse gratiâ, Ergo & B. Virgo similiter fuit plena in illo instanti conceptionis suæ; alias si in illo non habuit gratiam, non fuit plena gratiâ absolute loquendo, licet postea in conceptione Filij DEI, nescio quanto cumulo gratiarum, fuisset cumulata. Probo hoc, ex doctrinâ Seraphici Doctoris Ecclesiæ, S. Bonauenturæ, qui in 1. dist: 33. A. 3. docet; *Perfectum illud dici, cui nihil deest.* Atqui plenum esse gratiâ, dicit esse perfectum in esse gratiæ, Ergo plenum esse gratiâ est esse tale, cui nihil gratiæ

gratiæ deest; Sed si Virgini non fuisset data gratia in instanti conceptionis, iam tunc illi aliquid deesset, Ergo non posset dici plena deinceps, si in illo instanti non habuisset gratiam.

3. Probo & ex sententiâ Alberti Magni super Missus est, sic de istâ plenitudine gratiæ Marianæ loquentis. *Plenitudo* (inquit) *B. Virginis*, *privat vacuitatem, quâ diu enim vas potest recipere aliquid, tamdiu habet aliquid de vacuitate; unde omnis creatura alia, habet aliquid de vacuitate, quia maiorem gratiam est ei possibile recipere; Ipsa autem sola, gratiâ plena, quia gratiam maiorem non potuit habere, nisi diuinitati uniretur.* Tunc sic. Sed si Virgo in instanti conceptionis caruisset gratiâ, iam tunc anima eius fuisset vacua, non habens in illo instanti gratiam, cuius tamen tunc erat capax, Ergo ex hac parte vacuitatis, nequiret postea absolutè dici plena gratiâ: Atqui secundum eundem Albertum Magnum ibidem, *ly gratiâ plena, est ita proprium Mariæ, quod per Anthonomasiâ stet pro ipsâ: Verba eius sunt. Angelus MARIAM dignissimè salutando, nouo nomine dignitatis eam salutauit, hoc enim quod dixit, gratiâ plena, ista circumlocutio tantum est proprii nominis B. Virginis, & persone ipsius, quod nulli alijs propriè conuenit, neque DEO, neque creaturis, secundum quod plenitudo gratiæ intelligitur superlatiue: DEVS enim, gratiæ nihil susceptiue habet, & nulla alia creatura plena est gratiâ susceptiue, præter B. Virginem, quæ sola tantum recepit, quod pura creatura plus recipere non potuit.* Ergo omninò in instanti conceptionis, habere debuit gratiam, ut hoc nomen plena gratiâ, ipsi proprium esset, & absolutè de eâ verificaretur.

4. Diuus quoque Augustinus lib: de naturâ & gratiâ contra Pelagianos, hæc de gratiâ Virgini datâ pronunciauit, videlicet. *Plus ei gratiæ collatum esse ad vincendum omni ex parte peccatum, quæ concipere & parere meruit eum, quem constat nullum habuisse peccatum.* Atqui si in instanti conceptionis, non fuisset Virgini data gratia, iam non fuisset ei collatum plus gratiæ, ad vincendum omni ex parte peccatum, quia non in illo instanti, in quo maximè indiguit ad vincendum originale peccatum, & sic daretur aliquod momentum, & pars licet indiuisibilis vitæ Virginis, ex quâ parte non ipsi adfuisset gratiâ; Ergo ex sententiâ D. Augustini, etiam tunc, in primo scilicet instanti suæ conceptionis, plus ei gratiæ collatum fuit, quàm alteri creaturæ intellectuâli. Prout ex hac D. Augustini sententiâ D. Thomas Doct: Angelicus varijs in locis intulit, videlicet 3. p. q. 27. a. 1. *Rationabiliter* (inquit) *creditur, quod illa quæ genuit unigenitum à Patre, plenum gratiæ, & veritatis, præ omnibus alijs maiora gratiæ privilegia acceperit.* Et in 3. dist: 3. q. 1. a. 1. q. 13. *Plus gratiæ B. Virgini collatum est, quàm alicui Sanctorum.* Et ibidem q. 12. ad 3tium. *Sub puritate, quæ soli homini DEO debetur, maximam Virgo Mater debuit habere puritatem.*

5. Præterea. Theologi in hoc consentiunt, quod DEVS insuit sua dona creaturis intellectuâlibus, secundum virtutem & capacitatem illarum. Vndè S. Thomas 3. p. q. 1. ad 3tium, dicit. *Quod capacitas humane nature, secundum ordinem potentie naturalis, semper impletur.* Atqui anima B.

Virgi-

Virginis, ad corpus immaculatum & Diuinâ manu fabricatum veniens, habuit summam capacitatem & virtutem respectu gratiæ, à DEO in instanti sue animationis in ordine ad corpus recipiendæ; Ergo DEVS eam tunc impleuit.

6. Confirmatur. Quia Mater DEI capacior fuit respectu gratiæ, quàm Angeli & primi parentes in instanti creationis, quibus in instanti primo creationis supponitur esse gratia gratum faciens collata à DEO; Ergo à potiori, debuit dari in instanti conceptionis, gratia talis Virgini; Sed necesse fuit, tantò maiorem gratiam dari Virgini, quantò maior est dignitas Matris DEI, dignitate naturæ Angelicæ, secundum quam omnes sunt ministri DEI tantum; luxta illud Apostoli ad Hebr. 1. *Omnes sunt administratorij Spiritus, in ministerium facti*; Ergo de facto maior illi data est, quàm Cherubim & Seraphim.

7. Quòd autem Virgo capacior fuerit gratiæ præ Angelis, etiam supremis, videntur dicere Sancti Patres, qui illi in instanti conceptionis, maiorem gratiam collatam asserunt, quàm supremo Angelo; ab esse autem ad posse, optima est consequentia. Hinc S. Dionysius Areopagita in epist. ad S. Paulum ait de ipsâ. *DEI forma est, ac supra calicolos Spiritus, sanctissima Mater IESV CHRISTI*. Andreas etiam Hierosolymitanus ser. 2. de Annunt. ait. *Mulier quæ calorum superauit naturam puritate, Virgo ipsorum Seraphim ipsam vincens naturam, prima natura proximè accedens ad DEVM opificem omnium generationum*. S. Bonaventura serm. 2. de B. V. *Hæc in tantum DEO proxima fuit, tantæque sanctitatis resplenduit, & sic in summa bonorum omnium culmen obtinuit, ut creatura aliqua non unita Verbo, nec perfectior nec maioris boni capacior sit*. Theodoretus lib. 3. in Cant. *Inter tot hominum qui saluantur animas, Maria veluti electa columba, non solum pulchra penitus & immaculata, sed etiam quæ puritate Cherubim ac Seraphim antecellit*. Fulbertus Carnotensis in salut. ad Deiparam. *VIRGO (inquit) electa, & insignis inter filias, quæ ab exordio sue creationis, immaculata semper extitit, quandoquidem Creatorem totius sanctitatis erat paritura*. Petrus Damiani sic ad eam exclamat. *O sancta, & Sanctis sanctior, & totius sanctitatis sanctissime thesaure!* Abbas Cellensis lib. de paradyso cap. 12. *Ab exordio (ait) sue conceptionis, asperione Spiritus Sancti, totâ Deitatis gratiâ est superfusa*. S. Ignatius Martyr in Epist. ad Joannem. *In Maria Matre IESV, naturæ humanæ sanctitas, naturæ Angelicæ sociatur*. Et multa talia videre est apud sanctos Patres, ex quibus habetur, capaciorem fuisse animam Virginis gratiæ gratum facientis, in instanti primo conceptionis, quàm Angelos, in instanti creationis eorum. Ergo &c.

8. Huc facit ratio D. Thomæ, quam facit 3. p. q. 27. a. 5. pro plenitudine gratiæ Marianæ, in eius sanctificatione, ut ipse vocat, nos autem iam communiter dicimus, in eius sanctissimâ conceptione. Quæ talis est. *Quantò aliquid magis appropinquat principio in quolibet genere, tantò magis participat effectum illius principij*. Vnde Dionysius dicit 4. cap. celestis Hierarchie,

archie, quod Angeli qui sunt DEO propinquiore, magis participant de bonitatibus diuinis, quam homines: CHRISTVS autem est principium gratie, secundum Diuinitatem quidem, authoritatiue, secundum humanitatem vero, instrumentaliter. Vnde & Ioannis 1. dicitur: Gratia & veritas, per IESVM CHRISTVM facta est. B. autem Virgo Maria, propinquissima CHRISTO fuit secundum humanitatem, quia ex ea accepit humanam naturam, & ideo pre ceteris maiorem debuit a CHRISTO gratia plenitudinem obtinere. Sed ista plenitudo non esset maior ceteris, si in instanti conceptionis non accepisset a CHRISTO gratiam gratum facientem, quam tamen secundum D. Thomam, acceperunt Angeli in primo instanti creationis suae; Ergo B. Virgo nedum tunc accepit gratiam, sed & maiorem Angelorum gratia, propter quod & vocatur non simpliciter gratia, sed plenitudo gratiae.

9. Præterea. Albertus Magnus super Missus est, ait. *Dum B. Virgini ab Angelo dicitur, gratia plena, annuntiatur ei plenitudo gratie, quæ est origo, & medium, & causa omnis gratie, in humanum genus transferende, & secundum statum viæ, & secundum statum patriæ: iuxta illud, quod Virgo de se loquitur Eccl: 24. Ego Mater pulchræ dilectionis, &c. Et. In me omnis gratia viæ & veritatis, in me omnis spes vitæ, & virtutis. Sed inconueniens est, ut illa quæ transfert omnem gratiam in alios, etiam in patriam celesti constitutos, careat ipsa in suâ origine gratiâ, cum nemo det, quod ipse non habet, Ergo ista gratia omnino fuit in Virgine, ut in fonte, idque omni vitæ eius instanti; quod est propositum.*

10. Adduco & Doctorem Subtilem, antesignanum eorum, qui censent Virginem præseruatam à peccato originali, per infusionem gratiæ gratum facientis in animam eius, in ipso instanti animationis. Ita ergo ille in 3tio q. 3. S. Ad quæstionem &c. loquitur. *Dico, quod DEVS potuit facere, quod ipsa nunquam fuisset in peccato originali. Quod declaro. Quia gratia æquualet iustitiæ originali, quantum ad acceptationem diuinam, ut propter hanc, anime habenti gratiam, non inest peccatum originale; potuit enim DEVS in primo instanti creationis vel infusionis illius anime, infundere sibi gratiam tantam, &c. Et in responsione ad authoritates s. si autem teneatur &c. hæc habet. Si alicui in primo instanti creationis anime, detur gratia, ille licet careat iustitiâ originali, nunquam tamen est debitor eius, quia merito alterius præuenientis peccatum, datur sibi gratia, quæ æquualet illi iustitiæ, quantum ad acceptationem Diuinam, imò excedit. In quibus locis manifestè loquitur Doctor Subtilis, quod potuit in instanti conceptionis dari Virgini gratia. Ex quo iam omnes sui discipuli intulerunt, quod de facto data est, quia hoc verâ ratione occurrit à DEO esse factum, ut potè futuræ Matri suæ congruentissimum. Adde, quod rationes Doctoris Subtilis, quibus probat, CHRISTO in instanti conceptionis, datam esse summam gratiam, æquæ procedunt de B. Virgine, sumendo ly summa gratia negatiue, id est, per non excedentiam ab aliquâ gratiâ. Dicit enim D. S. in 3. dist: 13. q. 1. quod DEVS non potuit animæ CHRISTI conferre gratiam summam positiue, quæ scilicet*

ita excedat omnia alia, vt DEVS non possit creare ei æqualem: quia vt ibi inquit, potuit & potest aliam naturam æqualem assumere, & æqualem gratiam sibi dare; potest tamen dare & de facto dedit, gratiam summam negatiuè, id est, quæ ita est summa, vt ei possit esse æqualis creabilis; Ergò ipso facto, non est contra mentem Doctoris Subtilis, tribuere Virgini Matri tantam gratiam, quantam habuit CHRISTVS, etiam in instanti conceptionis; maximè cum D. Hieronymus id expressè asserat, dicens. *In Mariam totius gratiæ, quæ in CHRISTO est plenitudo, venit: quanquam aliter.*

11. Prima ergò ratio Doctor Subtilis vbi suprâ, pro summâ gratiâ CHRISTI, est talis. Subiectum receptiuum accidentis conuenientis, habentis gradus, quod non determinatur ex se ad aliquem illorum graduum, potest quantum est ex se, recipere illud accidens, secundum quemcunque istorum graduum. Sed anima CHRISTI & anima Virginis, sunt talia subiecta respectu gratiæ, & sunt sibi pares istæ animæ, quia ex eodem Doctore in eodem 3. dist: 4. sunt in naturâ humanâ æquales inter se, CHRISTVS scilicet & Maria Mater eius, Ergò possunt quantum est ex se, recipere quemcunque gradum gratiæ, etiam summum, vnicâ actione DEI creabilem.

12. Secunda ratio. Susceptiuum formæ habentis gradus, cui nullus repugnat, potest quemlibet recipere; Sed animæ istæ sunt talia susceptiua respectu gratiæ; Ergò &c.

13. Tertia ratio. Angelus & anima, comparantur ad gratiam, secundum eandem rationem receptiui, quia scilicet gratia vt recipitur, est forma eiusdem rationis, & ita recipientia in quantum recipiunt eam, sunt eiusdem rationis, esse enim illa subiecta alterius rationis accidunt eis, vt recipiunt hoc accidens. Ergò quantam gratiam potest recipere anima, tantam potest recipere & Angelus; Sed summam creabilem potest recipere anima CHRISTI, Ergò & Angelus. Tunc vtrâ. Sed anima B. Virginis, est nobilior Angelis in ratione receptiui gratiæ, Ergò si Angelus est capax summæ gratiæ, multò magis anima Mariæ.

14. Quarta ratio. Quando inter aliqua extrema communia, est proportio, vt inter prima extrema illius proportionis, eadem proportio est inter quæcunque contenta sub altero extremorum, Sed prima extrema huius proportionis, scilicet perfectio supernaturalis, & perfectibile supernaturalis, sunt gratia, quæ est perfectio, & natura intellectualis, quæ est perfectibile, Ergò in quibuscunque contentis sub altero extremo, est ratio istius proportionis; & ita quæcunque gratia etiam summa, potest esse perfectio cuiuscunque naturæ intellectualis, vt perfectibilis. Atque ita anima CHRISTI, anima Virginis, & Angeli, æquè sunt proportionati ad summam gratiam habendam. Ex his igitur quatuor rationibus habetur, ita summæ gratiæ fuisse capacem animam Virginis, sicut animam CHRISTI, quia

scilicet

scilicet sunt susceptiua eiusdem rationis, & æquè proportionata in ratione perfectibilis, ad gratiam suscipiendam.

15. Tunc vitâ infero Minorem. Sed quod DEVS potuit facere CHRISTO, de facto fecit; prout Doctor Subtilis ibidem q. 2. infert, sic arguens. *Probabile est dicere, secundum Magistrum, quòd DEVS tantam gratiam CHRISTO contulerit, quantam potuit: potuit autem conferre summam creatibilem, Ergò contulit summam.* Et roborat hanc suam illationem, dicto D. Augustini 3. de lib: arbitrio cap: 5. *Quidquid tibi verâ ratione melius occurrat, scias hoc DEVM magis fecisse, quam non fecisse; videtur autem simpliciter melius secundum rectam rationem, summam gratiam esse alicui collatam, quam non esse collatam, quia in hoc manifestatur summa misericordia DEI, in dando summum bonum gratiæ sine meritis, Ergò probabile est, hoc esse factum, & non in alio quam in animâ CHRISTI.* Ergò &c. Igitur (ego addo) si etiam idem potuit facere VIRGINI MATRI CHRISTI, de facto fecit, quia & hoc rectâ ratione melius occurrit, & magis manifestatur summa misericordia DEI. Quod & probo.

16. Quia si non, tunc maximè propter has rationes, quas ponit Doctor Subtilis ibidem. Quia scilicet non possunt esse duo capita, sicut nec duo suprema in eodem ordine; iam autem posito, quòd DEVS B. Virgini dedisset tantam gratiam, quantam CHRISTO dedit, iam essent duo capita nostræ salutis, & duo suprema in eodem genere. Et quia si posset dari alicui tanta gratia, quanta data est CHRISTO, iam ille qui accepisset tantam gratiam, posset tantum proficere in meritis, quantum CHRISTVS meruit, quod videtur absurdum. Quæ certè rationes non obsunt B. Virgini, licet omni alteri obsint. Prima non. Quia B. Virgo, est adiutorium simile CHRISTO capiti, & quasi concaput respectu nostri, vt iam deduximus in præcedentibus; Ergò posita in eâ summâ gratiâ, non sequitur quòd sit aliud caput disparatum à CHRISTO, quia adhuc pertinet ad idem caput. Duo etiam suprema in eodem ordine non ponuntur, ponendo duas summam gratias, vnâ in CHRISTO, & alteram in Matre eius; quia licet utrobique sit gratia æqualis, tamen ratione concreatorum, variat: quia in CHRISTO est summa vt in capite, in Matre eius est summa vt in adiutorio & concapite, seu quòd idem est, in CHRISTO est independentè & immediatè, in Virgine dependentè à Christo, & eius meritis, & mediatè, quia mediante eius passione, utrobique tamen summa. Secunda etiam non. Quia secundum ipsummet Doctorem Subtilem hîc in 3. dist: 20. Meriti ratio formalis, consistit in acceptatione diuinâ; licet ergò in B. Virgine de facto est summa gratia, non tamen actus Virginis elicit ex motiuo eius, tantum acceptantur à DEO, quantum acceptantur merita Christi; quia merita Christi à DEO acceptantur de condigno, & quasi ex se, & propter se, Virginis autem, ad summum de digno, vt loquitur S. Bonauentura, qui inter meritum condigni, & congrui, agnoscit medium, videlicet meritum digni in 1. dist: 41. a. 1. q. 1. propter Christum.

sum. Patet ergo, quod de mente Doctoris Subtilis, à summâ gratiâ non est exclusâ B. Virgo, quia resoluendo se finalitèr, hæc verba subtexit ibi. *Hic (inquit) posset dici, quod licet DEVS de potentiâ absolutâ posset tantam gratiam conferre alij naturæ, siue assumptæ, siue forte non assumptæ, non tamen de potentiâ ordinatâ; quia secundum leges iam positas à sapientiâ Diuinâ, non erit nisi unum caput in Ecclesiâ, à quo sit influentia gratiarum in membris: Ergo censuit dabilem esse alicui gratiam summam, etiam de potentiâ ordinatâ DEI, dum modò per hoc non ponatur duplex caput in Ecclesiâ; Atqui tribuendo B. Virgini summam gratiam, non ponitur duplex caput in Ecclesiâ, sed unicum, cum adiutorio per omnia simili, Ergo verè data est talis gratia isti Virgini, de potentiâ DEI ordinariâ.*

17. Præterea. In solutione secundi Principalis q. 2. dist. 13. Doctor Subtilis dicit. *Licet anima Christi, posset quietari per quamcunque gratiam, sicut & quæcunque anima, non tamen summè quietatur sine summâ gratiâ, quia nec summè coniungeretur obiecto, in quo est perfectâ quies, nisi haberet summam gratiam.* Tunc ex hoc sic arguo. Pertinebat ad manifestandam misericordiam DEI, vt esset aliqua anima non vnita Verbo, quæ summè coniungeretur obiecto beatifico, & summè quietaretur in eo; & hoc non congruit nisi animæ Matris DEI: Sed hoc fieri non potuit, nisi haberet summam gratiam, Ergo habuit summam.

18. Si dicas, quod hoc derogaret dignitati Christi, quod aliqua anima non vnita, summè DEO coniungeretur. Respondeo, quod non: quia adhuc Christo maneret sua dignitas ex duplici ratione; videlicet, & ex ratione hypostaticæ vnionis, & ex ratione summæ gratiæ ex DEI liberalitate ipsi collatæ; isti verò animæ Matris illius, ista dignitas accederet, non ex DEI liberalitate purâ, per quam sibi conferretur summa gratia, sed ex merito passionis Christi ab æterno præuisæ.

19. Confirmatur ratio per Doct. Subtilem ibidem in sol. 3 tij Principalis q. 2dæ: sic docentem, sub ipsum finem quæstionis. *Misericordia & iustitia, quæ pertinent ad Hierarchiam naturarum intellectualium, quantum ad esse morale, non summè manifestantur in quocunq. opere gratiæ: Imò videtur, quod summa misericordia non manifestatur, nisi sine meritis, summa gratia & gloria daretur.* Ergo pertinebat ad manifestationem summam misericordiæ DEI, vt alicui puræ creaturæ intellectuali, daretur sine meritis proprijs, in instanti conceptionis, cõuua eaque summa gratia; non tamen gloria, vt ita Christus excelleret, vt potè qui in instanti conceptionis, nedum summam gratiam, sed etiam summam gloriâ cõuam, ex DEI liberalitate accepit.

20. Vel si contendas, Virgini in instanti conceptionis, etiam gloriam datam, secundum illam pientissimam SS. Patrum sententiâ, quæ tenet Mariam in instanti conceptionis, vidisse diuinam essentiam, plus quam Moyse & Paulum in raptu; tamen negare non potes, illam vñionem fuisse viæ, & per modum transeuntis, in Christo autem fuisse visionem patriæ, & permanentem; atque ita etiam ex hac parte, non esse æqualitatem illius animæ, ad animam Christi, agnosces.

21. Præterea. D. Thomas 3. p. q. 34. a. 3. sic arguit pro Christo.

Christi.

CHRISTVS perfectè sanctificatus est, vt esset aliorum Sanctificator, Ergò habuit gratiam, in primo instanti suæ conceptionis. Tunc à pari. Virgo Beata, gratiæ plenitudinem idcò accepit, vt pariendo *DEVM* hominem, authorem omnis gratiæ, deriuaret ad omnes gratiam, Ergò ipsa omninò debuit habere gratiam, in instanti suæ conceptionis.

22. Præterea. B. Virgo ex consensu omnium SS. Patrum, fuit Ens creatum perfectissimum sub Christo; Sed *DEVS*, dum creaturam intellectualem facit perfectissimam in esse naturæ, simul eandem facit perfectissimam in esse gratiæ, idcòque quos sanabat in corpore, eosdem sanabat simul & in animâ, vt patet in Euangelio; Ergò si *VIRGINEM* Matrem in instanti conceptionis, fecit perfectissimam in esse naturæ humanæ, redintegrando in eâ naturam nostram, vt iam supra Resolutione 3^{ti}â hic ostendimus, sequitur, quòd eam simul fecit perfectissimam in esse gratiæ.

23. Denique omnes piè sentientes de Immaculatâ Virginis conceptione, quamuis asserant, eam modo per omnia ordinario, seminaliter & cum contagio carnis, & cum obnoxietate contrahendi in animâ peccati originalis, conceptam esse; quòd tamen nos diffitemur, & oppositum clare iam vt puto ostendimus supra; tamen eam docent, in primo instanti suæ animationis, gratiâ Christi sanctificante ita præuentam esse, vt macula peccati originalis, nunquam animam & personam eius infecerit; in quo dogmate etiam aduersarij consenserunt, cum Caietano, Opusculo de Conceptu B. V. Leoni X. dicato. Ergò iam videtur esse vniuersale dogma in Ecclesiâ, quòd Virgo in primo instanti suæ animationis, habuerit gratiam gratum facientem. Merito ergò pronuntianda venit sancta & immaculata, in suâ purissimâ conceptione.

Sicque patet nostra Resolutio 6^{ta}, pro quâ possemus asserre plura, sed hæc sufficiant.





R E S O L V T I O

S E P T I M A.

Beata VIRGO, est perfectissima Imago DEI, proinde à peccato originali, quod in nobis conspurcavit imaginem DEI, est immunis.



Ominem ad imaginem DEI esse creatum, quia disertis verbis perhibet sacer textus, Gen: 1. ideo nullus est ex Catholicis, qui negare audeat; esto omnes quotquot id declarare aggressi sunt, in magnas inciderint difficultates. Et licet omnibus in hoc puncto placuit acumen D. Augustini, relati à Magistro sententiarum in 1. dist: 3. qui imaginem SS. Trinitatis, in animâ nostrâ duobus modis declarat; primò quidem per memoriam, intelligentiam, & voluntatem; secundò verò, per mentem, notitiam, & amorem, ut videre est in Magistro loco citato; adhuc tamen ingenuè fatentur, quòd sic assignata imago SS. Trinitatis in nobis, maximè distat à prototypo: ut subtilitèr deducit Doctor Subtilis in 1. dist. 3. q. 9. §. Sed hic occurrunt duo dubia &c. Ibi, Ad secundum dico &c.

2. Addo ego. Quòd vtraque ista imaginis Diuinæ in nobis assignatio, solum concernit animam humanam; cum tamen sacra scriptura totum hominem ad imaginem DEI conditum esse, clarissimè testetur, dicen. do Gen: 1. *Creavit DEVS hominem, ad imaginem & similitudinem suam.* Et 1. ad Cor: 11. *Vir quidem est imago & gloria DEI.* Et Psal: 4. *Signatum est super nos lumen vultus tui Domine.* In quibus sanè, & alijs pluribus locis, non est sermo de solâ mente vel animâ intellectiuâ, sed de toto homine. Videtur ergo sic assignanda imago DEI in nobis, quæ toti homini conueniat, & non soli præcisè animæ. De quo postea.

3. Nunc autem, tenendo communem sententiam, auctoritate D. Augustini firmatam, quòd scilicet imago SS. Trinitatis, in nobis resplendet, ex parte solius animæ, scilicet in actibus eius primis & secundis simul, ut docet Doctor Subtilis in 1. dist: 3. q. 9. & in 2. dist: 16. q. vnicâ, ad propositum nostræ Resolutionis. Dico. Quòd anima Beatissimæ Virginis, in primo instanti suæ creationis, fuit perfectissima imago DEI.

4. Quod

RESOLVTIO SEPTIMA. 223

4. Quod ut probem; præmitto verba Doctoris Subtilis in 1. dist: 3. q. 9. post solutionem secundi dubij §. Vtteriùs in speciali &c. vbi sic habet. *Notandum est, quod perfectissima & ultima ratio imaginis est, quando ista (puta, memoria, intelligentia, & voluntas, secundum vnum modum loquendi D. Augustini; vel mens, notitia, amor, secundum alium modum loquendi eiusdem) concurrunt in mente, respectu D E I ut obiecti; quia tunc anima non habet tantam similitudinem expressiuam, quantum ad prædicta, ex ratione eorum in se, sed cā etiam ratione, quā actus ipsi conformantur obiecto: est enim actus verē similitudo obiecti: & ideo quando isti actus sic sunt in mente, quod non tantum habent consubstantialitatem, similitudinem, distinctionem, & originem, sed etiam habent ulteriorem assimilationem ad D E V M, ex ratione obiecti, circa quod sunt, est perfectior similitudo: minus autem perfecta, quando anima habet se pro obiecto. Quia licet tunc non habeatur similitudo ab ipso D E O immediate, tanquam ab ipso obiecto proximo, habetur tamen aliquantulū, in quantum in mente ut in imagine, cognoscitur D E V S. Et adducit pro se D. Augustinum lib: 12. de Trinit: cap: 4. sic inquentem. In eo solo quod ad contemplationem pertinet æternorum, non solum Trinitas est, sed etiam imago D E I: in hoc autem quod derivatum est in actionem temporalium; etiam si Trinitas posset, non tamen imago D E I inueniri potest. Quæ verba docet ille, esse intelligenda de summā expressione imaginis, dicens. Hoc intelligendum est de expressiuā imagine, quantum ad summam expressionem suæ similitudinē. Et l. 15. de Trin: c. 21. Vnde (inquit) potest natura sempiterna atq; immutabilis reuolui, conspici, dum reminiscitur per memoriam, intuetur per intelligentiam, amplectitur per dilectionem; profectō mens reperit illius summæ Trinitatis imaginem, ad quam reminiscendam, videndam, diligendam, totum debet referri quod viuūt. Et subdit quasi concludendo Doctor Subtilis. Et tunc patet, quomodo respectu omnium obiectorum inferiorum à mente, non ponit (supple D. Augustinus) imaginem in mente, quia nullo aliud obiectum est imago D E I, respectu eius potissimē; & respectu imaginis eius, secundario est imago in mente, quantum ad illam similitudinem, quæ habetur ab obiecto. Hæc Doctor noster.*

5. Cuius totius discursus, est iste sensus. Illa mens seu anima, maxime repræsentat imaginem D E I, in quā memoria, intelligentia, & voluntas, seu in quā, mens, notitia, & amor, perpetuò versantur circa D E V M ut obiectum. Patet hoc: quia tunc istæ potentie, ut stant sub suis actibus secundis, nedum exprimunt Trinitatem, per consubstantialitatem, similitudinem, distinctionem, & originem, quod faciunt circa quodcunque obiectum, sed etiam habent assimilationem ad D E V M, circa quem tunc operantur immediate, quam non habent, dum operantur circa alia obiecta, & etiam circa ipsammet animam, nisi mediatē; ut deducit ille. Tunc infero Minorem. Sed anima Beatissimæ V I R G I N I S, in primo instanti suæ creationis, suam memoriam, intelligentiam, & voluntatem, totamq; mentem, notitiam, & amorem, in D E V M retulit, ut in obiectum, eum recolendo, conspiciendo, & amando; nec deinceps se vnquam ab eo auertit, ita ut etiam dormiendo, plus contemplaretur D E V M, quam Angeli in cœlo, vti iam Decade istā Resol: 5. rā ex SS. Patribus deduximus, Ergo anima Beatissimæ Virginis, fuit in instanti primo suæ creationis & deinceps, perfectissima imago D E I.

6. Si

6. Si inſtes; quod B. Virgo etiam alia cogitauit, & dilexit, nedum DE VM, Ergò ſaltem tunc, non exprimebat eius anima imaginem DEI. Reſpon-
deo. Negando illatū. Quia quidquid Virgo cogitauit & dilexit, hoc totum
ſemper retulit in DE VM, vt ſuprà docuimus; & ita Deum in omnibus recole-
bat, & diligebat, ſicque adhuc ſemper exprimebat in ſe imaginem Dei.

7. Huius ſententiæ de imagine Dei perfectiſſimā in Virgine relucente,
fuit vetuſtiſſimus author Origenes; dum in illa verba Cantici MARIANI, Luc:
2. poſiti; *Magnificat anima mea Dominum*, ſcribens, ſic quærit. *Quomodo ani-
ma Maria magnificauit Dominum, cum DEVS nec augmentum nec decrementum reci-
pere poteſt? Et reſpondet. Quod poteſt in ſui imagine, quam nobis impreſſit.
De verba Origenis. *Vnuſquiſq; noſtrum, ad imaginem DEI formans animam ſu-
am, aut maiorem ei aut minorem ponit imaginem; quando igitur grandem fecero imagi-
nem, & magnificauero eam opere, cogitatione, & ſermone, tunc imago DEI grandis ef-
ficetur, & ipſe Dominus, cuius imago eſt anima noſtra, magnificatur: & quomodo cre-
ſcit Dominus in noſtrā imagine, cum iuſti ſumus, ſic ſi peccatores fuerimus, minuitur, &
decreſcit.* Hæc Origenes. Atqui B. Virgo conſitetur veraciter, quod anima
eius magnificauerit Dominum, & hoc non aliter niſi in imagine, ſcilicet gran-
dem in ſe faciendo Dei imaginem, ſemper circa Deum vt obiectum, ſe occu-
pando opere, cogitatione, ſermone, memoriā, intelligentia, voluntate, men-
te, notiā, amore; ipſa etiam fuit iuſtiſſima, & purior Angelis, nec vnquam
vel venialiter peccauit, Ergò Beata Virgo fuit excellentiſſima Dei imago ſem-
per, quod eſt propoſitum.*

8. Poſſem & plura talia huc congerere, quæ probant animam B. Virgi-
nis expreſſiſſe ſemper Iconem diuinitatis clariùs & maniſeſtiùs, quàm animas
aliorum hominum; ſuppetit enim talium copia ſufficiens apud SS. Patres,
quæ id de animā Virginis conuincunt. Sed quia nunquam mihi placuit iſta
imaginis diuinæ in nobis aſſignatio, & explicatio, per potentias & actus animæ;
ideò ſpontè ſuperſedeo, & aliter imaginem Dei, in homine relucentem, decla-
rare aggredior. Sub humili tamen correctione Sanctæ Romanæ Eccle-
ſiæ.

9. Prænoto ergò primò. Quod Sacra Scriptura, loquens de imagine
Dei relucente in nobis, loquitur de eā vt permanente, non verò vt tranſeunte:
ſupponitur enim iſta imago eſſe in nobis, per modum indelēbilis characteris, &
ſigilli, quo naturam humanam obſignauit Creator omnipotens, ex dono crea-
tionis; ita vt ſiue homo ſit iuſtus, ſiue peccator, ſemper tamen imago Dei eſſe
debeat. Jam verò per potentias & actus earum explicata imago Dei in ani-
mā, nequit eſſe quid permanens & perpetuum, vt & ipſe Doctor Subtilis in 2.
diſt: 16. q. vnicā in ſol: I mi Principaliſ fatetur, dicens: *Imago vero eſt perpetua,
ſolum eſt virtualiter in animā, & formaliter vero eſt ſub actibus.* Ergò aliter ratio
imaginis Diuinæ in nobis aſſignari debet, quæ ſcilicet ſit formaliter in nobis, &
tamen perpetua.

10. Prænoto ſecundò. Quod potiùs anima cenſenda eſt repræſentare
Deum in ſui ſubſtantiā, quàm in ijs quæ circumſtant eius eſſentiam, vt ſunt
memo-

memoria, intelligentia, voluntas; nec enim iuuat dicere, quòd anima in se vt in radice, repræsentat imaginem virtualitèr; quia Sancti Patres & Scriptura, dum loquuntur de imagine DEI in animâ, loquuntur de imagine formalitèr in animâ relucente, & non virtualitèr solum, vt iam dixi. Tùm quia, imago ex ratione sui nominis, dicit similitudinem essentia; atque figuræ, non autem solam numeri paritatem. Tùm quia ista tria, etsi repræsentent Trinitatem, non tamen imaginem DEI, quia hæc D. Augustinus lib. 12. de Trinit. cap. 4. distinxit. Ergò si anima refert imaginem DEI, eam debet repræsentare in suâ essentiâ simplicissimâ, indiuisibili, homogeneâ, ita vt illa imago sit ita intima animæ, sicut ipsamet anima est intima sibi.

II. Prænoto tertio. Quòd illa diuisio animæ, quâ illam aliqui partiuntur in portionem superiorem & inferiorem, non est consona imagini DEI in animâ, quia tollit simplicem homogeneitatem animæ, secundum quam tamen anima DEI, imaginem potissimum exprimere debet. Vnde & illi qui in solâ portione superiori, ponunt imaginem DEI, iam tenentur negare, DEI imaginem esse per totam animam hominis propagatam, quod quam deroget nobilitati animæ, facile est iudicare.

12. Prænoto quarto. Quòd licet Doctor Subtilis in 1. dist. 3. q. 9. §. De secundo sciendum &c. assignet nobis regulam, per quam cognoscere valeamus, quæ creatura sit imago DEI, dum dicit: *Ille creatura, quæ ducit nos in cognitionem Trinitatis, per modum imitationis, repræsentabit Trinitatem, quantum ad illum totalem conceptum, quem intellectus noster potest habere de eâ: quæ repræsentabit distinctionem trium personarum, unitatem essentia;, & ordinem originis, & habebit imitationem essentialem ad ipsam Trinitatem, quam repræsentat.* Tamen videtur non esse ad hoc necessarius tantus rigor. Sicut enim DEVS est trinus & vnus, vnicam scilicet habens essentiam, & in eâ tres personas distinctas subsistentes, ita sufficere videtur ad ostendendum, quòd ista creatura sit exacta imago DEI, quæ est vnica in essentiâ & trina in suppositionalitatibus, inter se realitèr distinctis, non tamen ab essentiâ, in qua subsistunt; licet ordo originis, non appareat euidentèr inter istas suppositionalitates, quia reuerâ & ipse ille ordo originis, qui est in Diuinis, nescitur à nobis exactè; Juxta illud Isaia 53. *Generationem eius quis enarrabit?* & multò minùs licet nobis, eius ideam vel iconem in imagine creatâ, deprehendere.

13. Si itaque declarauero, animam nostram esse creaturam talem, quæ per se ipsam, non verò per ea quæ ipsius essentiam circumstant, repræsentat unitatem essentia;, Trinitatem personarum, & earum cum essentiâ identitatem essentialem, inter se verò distinctionem realem: quæq; habet imitationem essentialem ad DEVM, quem repræsentat, ita vt talis sit per omnia, qualis est DEVS, licet dependentèr & participatiuè; credo me satisfacturum propositæ difficultati: quamuis ordinem originis non ita vt oportet explicauero, quem & ipsi sic assignantes imaginem DEI in animâ,

exactè nequeunt exprimere; vt patet ex Doctore Subtili in 3. dist: 3. q. 9. s. Ad secundum &c.

14. Dum autem promitto, me ostensurum in animâ imaginem DEI, nolo vt intelligas, me in solâ tantum animâ agnoscere DEI imaginem, quia iam suprâ docui, totum hominem esse imaginem DEI, ex vi suæ creationis, sed pono imaginem DEI, in animâ principalitè & primariò, in corpore verò, vt procedentem ab animâ & secundariò, vt ita totus homo sit vera DEI imago, non iam transiens, sed permanens, & perennans.

15. Prænoto quinto. Quòd sicut, (iuxta D. Joannem Epist: 1. cap: 1. *DEVS lux est,*) *tenebra in eo non sunt ullæ*; ita anima nostra, est lux substantialis, seu substantia luminosa, spiritualis, vitalis, stans in simplicissimâ vnitæte, & indiuisibili homogeneitate spiritus, ideòque immortalitatis & indissolubilitatis symbolum habens; sicut autem nihil est immaterialius, nihil spiritualius luce, quæ tamen cernitur à nobis sub certis figuris, & concipitur esse in loco definitiuè, ita quod nequaquam in aère, sed præcisè in loco (quòd patet, quia diffuso aere, non diffunditur lux cum suo radio, sed manet in loco in quo est determinatè) ita per omnia est & in animâ nostrâ; quàm quia DEVS sicut & alia creata, fecit in numero, pondere, & mensurâ, ideo determinata manet secundum figuram & locum, dum quidem separata est, ad instar Angeli, dum verò est coniuncta, retinet certum locum in corpore; modò quidem post peccatum Adæ, in animâ sensiuâ, cui est alligata, quæ quia thorum sibi centalem elegit in medullis membranæ orificij stomachi, vt sagaciores medici obseruarunt, ibi etiam mentem esse certum esto. Ast antè peccatum, mens immediatè fuit in spiritu sydereo, seu Archeo corporis, ideòque totum corpus spiritualizabat, illi configurata per totum. Vltèrius.

16. Prænoto sexto. Quòd in doctrinâ Doctoris subtilis, figura quæ res figurantur, & determinantur, alia est extrinseca, quæ dicit ordinem & coextensionem ad locum Physicum, alia intrinseca, quæ caret tali coextensione ad locum, sed solùm stat præcisè in se: qualem figuram habet corpus CHRISTI organicum in Eucharistiâ. Et hanc figuram intrinsecam, à substantiis creatis viucentibus, siuè spiritualibus, siuè corporalibus, esse inseparabilem, vel inde conijcio, quòd nihil vnquam ex Entibus substantialibus creatis concipere possumus, quòd non aliquam sui repræsentet figuram, sub qua stet in consideratione: hinc est, quòd estò animam nostram concipimus incorpoream, cum tamen eam vt indiuiduam in athomo existentem cogitamus, non possumus eam omni figurâ orbatam cernere, sed semper respondentem figuræ humanæ.

17. Sed nè cui falsâ meâ imaginatione videar illudere, iam ratione probò, animam humanam esse figurâ humanâ figuratam in se,figuratione intrinsecâ. Est autem ratio à posteriori (nam à priori id pro statu isto ostendere, est impossibile) talis. Corpus humanum vt tale, nequit sibi dare figuram humanam,

manam;
scilicet di
per corpus
mauit Co
rò modò
in semine
tis semini
iste sculpi
randi cor
dè; Atq
cheum s
spectu ta
& non vi
diatus ad
sum labitu
tius figura
tam super
rata figura
depingen
unt. In
nerationi
quia licet n
supra natur
lumine ani
naturæ aus
progressu
na immor
num, per
seminis a
in spiritu
tatem, a
tudinem,
similitud
docuimus
figurata f
mani, in
18.
itè quòd f
V. G. aut a
quòd gener
non habet
mini.
19.

manam; ideo enim plasmatore opus habuit, dum formabatur ex limo terræ, scilicet digito DEI, qui digitus DEI, si perseverasset status innocentia, sentiper corpus ita formasset in sanguine arteriali Matris VIRGINIS, sicut formavit Corpus CHRISTI in sanguine B. VIRGINIS MARIÆ. Jam verò modò post peccatum Adæ, adhuc opus habet sculptore interno, seu Archeo in semine latente, qui intrà materiā feminis inclusus, vnica esset fecunditatis seminum causa, & tam superbæ staturæ fætus adumbrator & factor. Atqui iste sculptor internus seu Archeus, nec ex se, neque ex massâ seminis, figurandi corporis, virtutem potest habere. Ergò oportet vt eam hauriat aliundè; Atqui hoc à quo hauriat hanc virtutem, debet esse aliquid præcedens Archeum seminale, & quidem immateriale, reale, & effectuum initium, respectu talis virtutis, figuratiuæ corporis humani, Archeo communicandæ; & non viderur esse aliud, (ne in rebus naturalibus fiat statim recursus immediatus ad DEVM) nisi anima patrantium; dum enim patrantis anima deorsum labitur, lustratque corpus seminis per libidinem, sigilli sui figuram seu potius figuræ suæ sigillum, ibidem adumbrat, iuxta quòd Archeus organizationem tam superbæ staturæ fætus dirigat. Ergò anima ipsamet in se, debet esse figurata figurâ humanâ. Non enim dat aliam nisi quam habet, sui ipsius scilicet depingendo in aurâ seminis vmbra; prout & ceteræ animæ brutorum faciunt. In hoc enim, jam confusâ nostra generatione, & assimilata belluinæ generationi, est paritas inter animam humanam & animas aliarum bestiarum, quia licet nostra anima, ex vi suæ originis, quàm habet immediatè à DEO, est supra naturæ leges, tamen ex quo semel suum lumen substantiale junxit cum lumine animæ sensitivæ, & se naturæ incorporauit, deinceps quoque legibus naturæ auscultat, quæ in omnibus generationibus vitalibus vniuocum habet progressum, atq; finem. Ergò sicut aliæ animæ caducæ, ita & anima humana immortalis, dat semini fecunditatem, & virtutem figurandi corpus humanum, per figuræ suæ aliarumque vitalium determinationum, sigillarem in aurâ seminis adumbrationem; siquidem vnaquæque anima, ad hoc sui imaginem in spiritu seminis sigillat, vt materia iuxta illam imaginem deducta ad maturitatem, adumbratam pulchritudinem repræsentet, & simul patrantium similitudinem, cui tandem à Creatore formalis lux, finè animâ illius speciei, cuius similitudo in figurâ exprimitur, accedat, vi jam supra Decade primâ abundè docuimus. Patet ergò quòd anima humana quâ talis, debet ipsa esse in se figurata figurâ internâ humanâ, si dat Archeo vim figuratiuam corporis humani, in talem & tam egregiam figuram.

18. Confirmatur. Nam si anima ipsamet in se, non esset figurata, ita quòd figura corporis velut spontè oriretur, sequeretur quod truncus pede V. G. aut aliquo alio membro, non posset generare nisi similiter truncum, eo quòd generantis corpus non integrum, non posset dare genito corpori id, quòd non habet, Ergò non à corpore, sed ab animâ patrantium, figura inscribitur semini.

19. Et si istes. Aliquando corpus geniti prodire defectuosum, & monstrosum

strosū, cū tamen animæ patrantium sint perfectæ in suis entitatibus. Respondeo. Hoc non prouenire à subtractione sigillationis descendētis ab animabus, sed ab irruentibus aliundē causis, impredientibus vel aliō auertentibus operationem Archei, vt supra Decade primā, dictum est. Tunc ultra

20. Adnoto septimò. Quod iam sequitur ad propositum. Si corpus humanum est figuratum tali figurā, datā sibi ab Archeo, & Archeus eam accepit in se impressam ab animā, sui sigillum in auram eius imprimente per libidinem, & ipsa anima nihil dat quod non habet, atq; ita quam habet figuram, hanc communicat Archeo, & demū ipsa anima, cum tali suā figurā, sit immediatē à D E o per creationem, adoptante & producente animam in sui imaginem subsistentem, sequitur à primo ad vltimum, idque argumento à posteriori; immensum & ineffabilem D E V M, cuius anima refert imaginem, esse figuræ humanæ, iuxta quod se in suā imagine repræsentare, complacuit eius diuinitati. Et pro hoc stat tota scriptura, quæ D E V M in figurā humanā semper apparuisse docet Patribus & Prophetis. Legatur de hoc D. Augustinus lib: secundo de Trinit: vbi congerit diuersa scripturæ testimonia, pro istis D E i apparitionibus.

21. Ast hæc D E i imago, quæ relucet in homine figuratenus, in animā quidem proximē & primariò, in corpore verò remotē, & secundariò, & nonnisi deriuato charactere ab animā, mediante sculptore corporis Archeo, non est tanti census; vnde & variatur per causas aliundē irruentes, & impediētes ne corpus figurā humanā exatē & per omnia membra figuretur. Quærenda est ergo alia ratio imaginis, permanentis in animā primariò, & in toto homine per animam, & secundariò. Pro quo.

22. Sciendum est primò. Quod mens seu anima intellectiua, (nam hæc sunt synonyma) est tria; nempe intellectus, voluntas, & desiderium; quæ tria sunt ita cōqualia, & substantialitèr colliquata, & identificata, quod nihil sint nisi ipsum lumen intellectuale, substantia spiritalis, vnica, simplex, & indiuisa, ita quod sub vnica animæ & indiuisibili essentiā, vnum omninò sint, nec vnquam ab animā separentur. Non enim sunt actus, aut passionēs, seu potentia animæ, sed sunt tituli essentialēs, ita quod dum V. G. intellectus D E V M intelligit, idemet ipse intellectus, D E V M intendit, & idemet intellectus, D E V M amat, seu desiderat. Differunt tamen ista tria inter se, solā suppositiualitate; quia anima, aliquandò tota est intellectus, aliquandò tota voluntas, aliquandò tota amor; non quod tunc desinat esse alterum, quandò est quasi vnum: non enim vnum ex his separatur à reliquis; aliās anima jam simplicitatem & homogeneitatem amitteret, si vnum istorum trium, esset extrā vel præter alia duo; sed adhuc dum est vnum ex his, est simul alia duo, ita quod illa duo, in vnico hoc sunt absorpta, & quasi colliquata. Patet hoc in extasi, vbi solus perstat igneus amor, absque intellectu & voluntate, non tamen est tunc omninò separatus ab intellectu & voluntate, quia ista sunt menti essentialia & adæquata: certum est autem, quod tunc amor non perstat sine mente; Ergo nec sine istis, quæ sunt menti essentialitèr cōiuncta.

23. Dixi autem, ista tria esse mentem, & è conuerso, mentem esse ista tria; quia ista tria sunt adhuc vna lux mentis, & vnus actus purus, simplex, formalis, homogeneus, indiuisus, & immortalis, in quo proximè DEI imago incomprehensibilis, incomprehensibiliter essentialiterque consistit, & mentem format, adeò vt in istâ imagine, intellectus, voluntas, amor, suas suppositio-
nalitates colligant in vnitatem indistinctam: cum enim anima sit lux substan-
tialis, seu quod idem est, sit substantia ita lucida, vt non sit distincta suppositis
ab ipsamet luce; eiusque etiam intellectus, ita sit lux animæ, vt ipsa anima, quæ
nihil nisi lux est, sit tantum merus intellectus; quod idem dic & de voluntate,
& de desiderio; iam sequitur, quod ista tria, sunt ipsamet lux, quæ est anima,
& ipsa anima est lux, quæ est intellectus, vel voluntas, vel amor, seu desideri-
um. Vtcrius.

24. Sciendum secundo. Quod in animâ, vt est in se considerata, abs-
que vnione actuali ad corpus, qualis est v. g. anima beata, ista tria, scilicet in-
tellectus, voluntas, & desiderium, sunt omninò vnum, & vnus actus purissi-
mus in essentiâ animæ: Ibi enim intellectus, est lumen formale, & ipsum-
met hoc lumen, est ipsissima animæ substantia, quâ intuitiue omnia cogno-
scit, absque adminiculo alterius, vultque & amat, quidquid se ipsâ compre-
hendit: nec tunc amplius recordatur per repetitionem specierum, rei semel
scite per speciem intelligibilem, nec inducitur amplius ad cognoscendum ali-
quid per species; iste enim modus intelligendi est miser & caliginosus, & soli
statui præsentis peccaminoso, ex scientiâ pomi, quæ in nobis surrexit in præ-
nam peccati, datus, sed anima beata, omnium intellectuum habet vnicam
simul intellectionem, & aspectum intuitiuum, & quidquid ad noscendum,
aut volendum, aut amandum, siue pro semel, siue pro sæpius, requirit, id to-
tum à seipso eius intellectus habet, & non ab alio. Similiter voluntas ani-
mæ beatæ, est substantialis actus bonitatis, per quâ anima beata substantialiter,
vniocè, & homogenealiter, est bona, sicut & DEVS, cuius est imago, est ex
se bonus: amor etiam seu desiderium, quod est quasi tertia suppositalitas in
animæ essentia, est consubstantialis menti, imò est ipsamet mens. Et sic ista
tria, in animâ referunt exactissimè imaginem DEITATIS. Ast verò, cum ea-
dem anima consideratur vt est vnita corpori, esto in se sit indistincta, & actus
purissimus, tamen videtur partiri in operationes distinctas. Experimur enim
nos intelligere, quæ non desideramus; desideramus etiam, quæ vel non planè
noscimus, vel quæ nolumus; volumus tandem, quæ non desideramus, vt dùm
quis volens vadit ad supplicium; & denique desideramus quæ nolumus; vt
dùm quis sibi crus amputari iubet. Videmus etiam quòd in hac vitâ,
desiderium quandoque superat voluntatem, & voluntas desiderium non
raro cogit, & è contra voluntatem desiderium sub suum mittit imperi-
um: quæ omnia conuincunt istorum diuersas suppositio-
nalitates, in vnicâ
essentiâ animæ; cum necesse sit, tres, quarum operationes sunt discretæ,
esse saltem suppositio-
naliter inter se discretas. Ergo secundum ista tria,
scilicet intellectum, voluntatem, & amorem, quatenus sunt vnica lux &

substantia mentis, prout patet in beatis, stat ratio imaginis DEI, trini in personis, & vnus in essentiâ, quæ imago signata, est perpetuò permansura in animâ hominis, & per animam in toto homine, quasi secundariò; ita intelligendo, quòd anima immortalis, secundum suam essentiam, ista tria in se colliquans, est ipsissima DEI imago; corpus verò, intellige beatum in patriâ, vel innocens, quale fuit in paradyso, & in CHRISTO, & in Matre Virgine, solum est figura, tali imagini proportionata. Sed

25. Sciendum tertio. Quòd modò ista imago DEITATIS in nobis, per mediam vitam sensitivam viventibus, est obnubilata: postquam enim suborta est in nobis ex esu pomo concupiscentia, & semen, eiusque comes, anima seminalis sensitiva, statim omnia sunt perturbata in corpore mortis huius: intellectus enim admisit phantasias, & rationes, ac species intelligibiles, hincque memoria subintravit per corruptionem naturæ, voluntas etiam essentialis, pessundata est per voluntatem viri, & amor per desideria diuersa diffuxit, sicque iam ista tria in naturâ corruptâ, degenerauerunt in qualitativam, & quasi accidentariam naturam. Hinc à quibusdam Doctoribus, vocantur potentia animæ, vt à Doctore Subtili; à quibusdam accidentia animæ, vt à D. Thoma: Et nequeunt ostendere imaginem SS. Trinitatis, nisi deturpatam & valde diminutam. Hinc cum per mortem cessauerit anima sensitiva, etiam cum eâ cessabit memoria, & voluntas viri, & amor iste qualitativus, vt vel hinc appareat, non bene per ista tria, assignatam esse imaginem DEI in nobis. Ex his ergò

26. DICO. VIRGINEM Beatam, tam secundum animam, quam secundum corpus, fuisse perfectissimam DEI imaginem. Probatur. Quia in ea non habuit locum scientia pomi, quæ in nobis imaginem DEI ob tenebrauit, quæ cum solâ animâ intellectuâ, & corpore innocente, quale habuit Adâ antè peccatum, formata est manu DEI. Istos etiam tres actus essentialis, habuit VIRGO ita consubstantiales animæ, ac habent modò Beati in cælo, & confurgebant, imò semper perstabant in ea, tanquam substantia animæ; intellectus quidem, semper immersus stetit DEO, nec vnico momento ab eo auersus; voluntas etiam semper intendit DEVM, & alia in ordine ad ipsum: desiderium quoque, semper ferebatur amore substantiali in eum. Ergò &c.

27. Præterea. Nulli hominum, nec ipsi CHRISTO contigit sic exprimere SS. Trinitatem, quoad purissimam & præstantissimam propagationem, seu originationem personarum, sicut B. VIRGINI, quæ sola in hoc mirificè illam expressit, dum illasâ virginitate, Filium DEVM genuit; Sed sic generare, est exprimere DEI imaginem modo singulari; iuxta sententiam D. Ambrosij, lib: 10. de Virgin: cap: 82. Vbi de fonte signato, vt est symbolum virginitatis B. MARIÆ, sic loquitur. *Fons signatus, eò quòd Virginitas sit fons, & origo pudicitie, in quo fonte imago DEI lucet.* Ergò B. VIRGO, suâ Virginitate fecundâ, hanc perfectionem imaginis DEI, in se expressit, quam nullus homo antè & post eam: vt hic habeat locum illud Andreæ Hierosolymitani; serm: 2. de ipsâ dictum. *Mulier quæ calorū superauit naturam puritate, VIRGO*

ipforum

ipforum Seraphin ipsam vincens naturam, miraculo DEI generationis, prima natura proximè accedens ad DEVM, opificem omnium generationum.

28. Præterea. Si CHRISTVS est perfectissima imago DEI, iam cum D. Anastasio sinaita. Lib: 6. Exameron, securè licebit sic exclamare. *Et quis mihi, dic quæso, aut ex hominibus, aut ex demonibus, audebit dicere, quod ea que est eiusdem simul cum DEO essentiæ, quoad carnem attinet, non sit ad imaginem & similitudinem eius, qui est ex ipsâ natus: quomodo est enim mater eiusmodi Filij, non ferens in se integram & illam fætus sui imaginem?* Quibus verbis roborat, D. Anastasius nostram superius præmissam doctrinam, de sigillatione figuræ humanæ in carne prolis, ab animâ parentum. Certum est enim, quòd anima VIRGINIS, resplendens perfectissimâ & minimè obnubilatâ DEI imagine, dum consensit in conceptum Filij DEI, egit idem quod aliarum matrum animæ agunt in conceptu prolium, seclusâ solum imperfectione libidinis Adamicæ. Atque ita sigillauit figuram humanam in carne CHRISTI, quæ mox à Spiritu Sancto, conformitèr ad illud sigillum impressum, compaginata & organizata est. Ergò si filius perfectissima extitit DEI imago, certum esto, quòd & Mater eius, itidem perfectissima imago esse debuit.

29. Præterea. Beata VIRGO ad hoc ab æterno electa & præuisa est, vt in eâ & per eam, natura nostra corrupta reformaretur; saltem in sententiâ illorum, qui tenent CHRISTVM non fuisse futurum, si Adam non peccasset: Sed corruptio nostræ naturæ, in eo tota sita est, quòd degenerauimus ab imagine cœlesti in imaginem terrenam; juxta illud Apostoli ad Cor: 15. *Si portauimus imaginem terreni, portemus & imaginem cœlesti.* Ergò B. VIRGO à tali degeneratione in imaginem terrenam, immunis esse debuit, si nostræ imaginis reformatrix fuit.

30. Accedit. Quòd vnus modus & quidem perfectissimus, quo in DEI imaginem ab imagine terrenâ reformamur, est communio corporis & sanguinis Filij hominis CHRISTI; vt SS. Patres testantur, & præsertim D. Chrysostomus, Hom: 55. in Joannem, dicens. *Hic sanguis facit, vt imago Regis in nobis floreat.* Et Hom: 61. ad Pop: Antioch. *Hic sanguis, floridam nobis reddit regiam imaginem, hic decus indelebile, hic animæ generositatem tabescere non permittit, eam irrigans iugiter atq; nutriens.* Ergò B. VIRGO, quæ concipiens hanc carnem, sigillauit in eâ DEI imaginem, vt per eius communionem, & nos in DEI imaginem reformaremur, debuit ipsa esse exactissima DEI imago.

31. Præterea à contrario. Ideò in nobis Adamicis, est modò pessunda imago DEI, quia ille splendor intellectus nostri, qui in se est actus purissimus, & simplicissimus, est iam in nobis partitus in facultates varias, quasi in potentias, & in organa per quæ operari in poenam peccati cogitur, degenerauit; idque eò magis, quò phantasie animæ sensitivæ sociatus est, & in profundum corruptæ naturæ demersus, vbi vim qualitatiuam repræsentat, & organorum indolem, atque vitæ sensitivæ modum imitatur,

tur, in quâ jam est, & consequenter se ibi habet per modum recipientis. Atqui in VIRGINE quæ immunis fuit ab omni animalitate, sed fuit purus homo secundum primæuam intentionem Dei, non potuit ita intellectus degenerare, quia ibi non fuit tale receptium, in quo mens eius teneretur sequi modum recipientis; solum enim in Virgine fuit corpus cum spiritu suo Archeali, absque nubilo intermediæ animæ seminalis: talis autem corporis dominium plenum, habuit anima VIRGINIS, Ergo VIRGO fuit imago Dei, tam in animâ quam in corpore exactissima, & perfectissima; quia fuit purissimus & simplicissimus actus, intelligens, intendens, & amans Deum, ita sicut vnusquisque Beatus in Patriâ est.

32. Et ne me aliquis putet nimis noua afferre, roboro hanc totam de imagine DEI in MARIA doctrinam, desumpto ex D. Augustino, discursu Alberti Magni super Missus est, vbi ad obiecta contrâ charitatem B. VIRGINIS vt respondeat, sic se firmat. *Prænotamus* (inquit) quod tria exiguntur ad hoc, quod charitas viatoris perficiatur, vt transeat in charitatem comprehensoris in subiecto charitatis. Primum est, depuratio. Secundum est, sui in se collectio. Tertium est, alienatio. Primum ergo oportet, quod fiat separatio à contrarijs dispositionibus in subiecto, quæ impediunt per contrarias dispositiones, charitatis perfectionem; sunt autem tria; videlicet, culpa, pena, corpulentia: Per culpam peccatores, per penam Patres in Lymbo, per corpulentiam Adam in Paradyso impediabantur. Secundum verò oportet, vt fiat subiecti in se collectio. Anima enim secundum quod quedam natura est, & forma corporis naturalis (notentur ista verba) ligatur ad corporalium imagines, & species, obligatur ad diuersas corporis passiones, & diuiditur in diuersas imagines. Vnde Augustinus in lib: de Trinitate. Tanta vis est amoris, vt quæ anima cum amore diu cogitauerit, eis cum glutino inheret, & attrahit secum, cum ad cogitandum in se redit. Et infra. Errat igitur mens, cum se istis imaginibus tanto amore coniungit, vt etiam se esse aliquid eiusmodi existimet. Et post hoc subiungit ibi D. August: quod fuerunt ex hoc diuersi errores Philosophorū, aliquorū ponentū eā esse ignē, aliquorū athomos &c. Et subdit. Hinc enim oboritur erroris dedecus, dum rerum sensitiuarum imagines, secernere à se non potest, vt se solam videat; coheret enim ei mirabiliter, glutino amoris. & hæc est eius immunditia, quoniam dum se solam nititur cogitare, hoc se putat esse, sine quo se non potest cogitare; cum igitur ei præcipitur, vt se ipsam cognoscat, non se sibi tanquam detracta sit, addere præcipitur, sed vt sibi id quod addit detrahat: &c. Tertium oportet, vt fiat alienatio; scilicet quoad operationes. De quâ D. August: in lib: de spiritu &c. Anima (inquit) secundum sui corporis effectus, varijs nuncupatur nominibus; dicitur enim anima, dum vegetat, spiritus dum contemplatur, sensus dum sentit, animus dum sapit, mens dum intelligit, ratio dum discurret, memoria dum recordatur, voluntas dum consentit. Ab istis ergo alienatur & eleuatur anima, &c. Recurratur ad textum Alberti Magni.

33. Tunc ex his, ad propositum determinans, videatur de B. Virgine Albertus Magnus. Vbi ostendit, quomodo B. Virgo fuerit depurata, in

RESOLVTIO SEPTIMA. 233

ra, in se collecta, & alienata. Sed nos breuiter ita concludimus pro nunc: quod B. Virgo fuit absque culpâ, non tamen sinè poenâ, & corpulentia. Et quia fuit absque culpâ, jam ex hac ratione imago DEI in eâ conspurcari non potuit. Poena verò & corpulentia, non obfuerunt in eâ imagini DEI, quia hæc ambo fuerunt in CHRISTO, & tamen ne in minino eius imaginem ad DEVM vitiarunt; quia non fuerunt in eo poenæ consequentes corruptionem naturæ, quæ à Doctoribus vocantur inutiles; sed meritoria & vtilis. Corpulentia etiam in eo non fuit carnalis, & Adamica, sed spiritualis, & solam formam carnis peccati referens, non autem rem; quæ duo sic etiam fuerunt in Matre Virgine. Collectio etiam mentis in se, fuit summa in eâ, ita vt indefessa in contemplatione DEI totâ vitâ steterit; alienatio demum ibi fuit; quia hæc sola talis fuit viatrix, quæ ex toto corde, ex omni mente, ex omnibus viribus, charitati DEI incubuit; Ergò B. Virgo fuit talis imago DEI, qualem hic descripsimus. Hæc de istâ Resolutione dixisse sufficiat.



Non

RE



R E S O L V T I O

O C T A V A.

Beata VIRGO, in primo instanti suæ conceptionis, tam perfectè est illuminata illâ luce, quæ illuminat omnem hominem venientem in hunc mundum, quod statim in tam luminosam euasit, ac euasisset Adam, in puncto suæ in Cœlum de Paradyso translationis.

II.



Vx quæ anima nostra est, pertinet ad essentiam imaginis Dei in nobis, quæ vel maximè attenditur in animâ penes lucem subsistentem, simplicissimam, actualissimam, & indiuisam. Hinc iure meritissimo hæc Resolutio substituitur Resolutioni præcedenti, quæ fuit de imagine DEI, relucente perfectissimè in VIRGINE Matre. Itaque pro hac Resolutione.

2. Suppono ex dictis Decade imâ Resol: Suâ; omnem formam, & præsertim vitalem, id est, omnem animam seu vitam (hæc enim sunt synonyma, si pressè & propriè sumantur) esse lumen, descendens à Patre luminū, ita quod res naturales, & præsertim viuentes, ex parte formæ dantis illis vitam, lumina sunt, ex parte autem materiæ, tenebræ. Quod fortè subolfecit Aristoteles 1. Physic: dum rebus naturalibus, pro fundamento, basi, & materiâ, tale Ens substituit, quod nec est quid, nec quale, nec quantum, inest tamen rei. Proindè & Adam in paradysum tenebrosus translatus est, quoad filiquam corporis sui, quia etiam talis in campo Damasceno formatus erat; ideoque non otiari, sed operari iussus est eum; dicente sacro textu Gen: 2. *Posuit eum in paradysum voluptatis, ut operaretur & custodiret illum*; scilicet subigendo has in se tenebras, luce sibi à Deo datâ ex dono creationis, siquidem quoad spiritum Astralem, totus erat factus lucidus, & quoad formam dantem sibi esse hominis, scilicet quoad animam intellectiuam, erat ipsissima lux, cui par post illam essentialem lucem, quæ Deus est, in rebus creatis nulla inuenitur.

3. Nam quod de Angelis plerique sentiunt, eos esse lucem, accommodantque illis hoc, quod dixit Deus Gen: 1. *Fiat lux, & facta est lux*. Quasi eos tunc Deus in lucem excellentissimam creatam creauerit; hoc prorsus incertum est; & potius id aliqui ex Sanctis Patribus, opinando quàm asserendo dixerunt.

dixerunt. Accomodatius enim literali sensui, illa verba intelligi debent de luce visibili, quam DEVS vt præludium cæterorum operum suorum, luce constantium, & velut medium in quo symbolizarent, fecit, quam deinde & in solem, lunam, aliæque astra, quartâ die collegit, vt radios per Vniuersum dispergens, rerum seminibus apta fomenta daret, excitando & promouendo illa, non tamen vitam aut essentiam illis conferendo, quod Ethnica cœcitas censuit, asserens illud falsissimum pro verissimo axioma, homo hominem generat & sol. Adde. Quod nullus ex SS. Patribus seriò asseruerit, Angelum esse imaginem DEI. Imò habetur expressè in Sacrà Scripturâ *Omnes Angelos esse administratores spiritus, in ministerium eorum factos, qui hereditatem capiunt salutis.* ad Heb: I. Quòd ibi seriò aliquoties inculcat Apostolus. Vix verò legitur amicus aut Filius DEI, & fermè nunquam, quod sciam, appellatur in sacro textu, Filius Patris, delicia Filij DEI, & templum Spiritus sancti, nec ter gloriosa Trinitas, aliquandò dicitur in eo suam fecisse mansionem: quia ista prærogatiuæ, imagini DEI soli quæ homo est, competunt, propter quam ipse homo est sol, in quo posuit DEVS tabernaculum suum. Adeoque non ausim veræ imaginis DEI perfectionem, ita ponere in Angelo, ac eam agnosco & veneror in homine. Licet enim absque dubio natura Angelica sit intellectualis, adhuc tamen, secundum Theologos, est species distincta ab animâ humanâ; & fortè non in alio sita est ista differentia specifica, nisi in eo, quòd anima sit imago DEI, Angelus non item. Vnde & de ratione animæ, vt potè imaginis DEI est, quòd sit lux vitalis & substantia luminosa, viuæ & subsistens: Angelus autem non videtur esse sic lux, ita vt habeat lumen geniale sibi intrinsecum, cum à SS. Patribus potius censeatur esse speculum lucis increatæ, quàm ipsa lux subsistens, vt iam alibi insinuauim.

4. Sed de his inquirere seriò, non est huius propositi, & loci. Modò pro intento Resolutionis propositæ, quòd scilicet ad constructionem B. VIRGINIS in utero D. Annæ, præsertim quoad corpusculum, (nam anima est in hac parte extra controuersiam,) nullæ concurrerunt tenebræ, sed quòd fuerit in primo instanti tota lux, etiam quoad corpus. Vt autem id & credam, & profitear; Moueor primò. Quia licet teneatur, corpusculum B. VIRGINIS, quoad siliquam exteriorē, fuisse tenebrosū, vt potè materiale, & ex materiâ seminum vtriusque parentis ortum, adueniente tamen luce essentiali mentis, & simul cum eâ luce supernaturali gratiæ summæ, tenebræ illæ ita subactæ sunt, vt transferint sub plenum dominium lucis; ita vt primo instanti, quo verum erat dicere, VIRGO est persona, etiam verum erat dicere, VIRGO est tota lucida, nempe à luce absorptis ita tenebris, vt penitus non essent; ad eum modum, quo absorbentur de facto in resurrectione corporum gloriosorum, tenebræ per claritatem, & hoc ita, quòd in resurrectione non præcedit tempore tenebræ in corporibus gloriosis, sed solum naturâ. Non enim videtur ratio disparitatis corporis B. VIRGINIS, in primâ eius animatione, & corporum gloriosorum, in secundâ animatione ipsorum, maximè cum anima VIRGINIS, ita non inuenerit in corpore suo obicem animalitatis, quo minùs plene corpus

corpus VIRGINIS tunc possideret, sicut non inuenient animæ Sanctorum in suis corporibus, dum iterum incipient animare illa in resurrectione; Atqui tunc, nullæ erunt tenebræ actu; Ergo nec nunc in corpusculo B. Virginis fuerunt, loquendo, de instanti primo animationis. Et quomodo in resurrectione, manus Omnipotentis illa corpora beatorum suscitabit, ita & hic corpus Gloriosæ Virginis, eadem manus DEI construxit; Juxta illud Gersonis Tom: 1. serm: de Nat: B. M. *Totum gratia magis erat, quam natura.* Et Tom: 3. *Inuenimus MARIÆ corpus miraculose compositum, quoniam ex utero sterili formatum est ab illo, cuius perfecta sunt opera.* Quod iam supra Resol: 3. tiâ huius Decadis, probauimus.

5. Confirmatur hoc motiuum ex doctrinâ Subtilis Magistri in 3. dist: 3. q. 1. Vbi concedit, iuxta quod communiter tunc tenebatur, B. VIRGINEM fuisse Filiam Adæ in primo instanti conceptionis, & tamen non iniustam, sicut omnes alij, quia præuentam à gratiâ. Verba sunt eius vbi supra 5. Per illud patet ad rationes &c. Ibi. *Reuo dico, &c. Quando opposita comparantur ad idem, secundum ordinem nature, non simul ambo insunt, sed tantum alterum inest, reliquum autem quod dicitur prius naturâ, non inest, quia in eodem instanti oppositum inest, sed dicitur prius naturâ, quia tunc inesset quantum est ex parte subiecti, nisi aliquid extrinsecum impediret.* Ita ego teneo in proposito de VIRGINE, comparatâ ad corpus proprium, respectu tenebrositatis & luciditatis eius.

6. Moueor secundo, ratione perfectionis, in Entia creata à DEO descendentis. Quia DEVS lux est, & tenebræ in eo non sunt vllæ; Ergo æquū est, vt ab eo per creationem procedat aliquod Ens totaliter luminosum, in quo nullæ sint tenebræ actu saltem; Sed tale Ens inter puras creaturas, non videtur esse aliud, nisi B. VIRGO Mater DEI hominis, Ergo &c.

7. Confirmatur per iam citatam, nimirum huius 2dæ Decadis Resolut: 1. auctoritatem D. Thomæ in 1. dist: 44. q. 1. A. 3. ad 3. tium. Vbi habet hæc verba. *Dicendum, quod puritas intenditur per recessum à contrario; & ideo potest aliquod creatum inueniri, quo nihil purius esse potest in rebus creatis: & talis fuit puritas B. VIRGINIS.* Et licet ibi loquatur D. Thomas de puritate ab omni culpâ, tamen eadem verba valent, & in proposito de recessu B. VIRGINIS à tenebris materialibus, ob quem illa recessum, eâ puritate & splendore nituit, quo maior sub DEO nequit intelligi; vt vult S. Anselmus, à D. Thomâ ibi citatus.

8. Moueor tertio. Quia B. VIRGO, ab æterno est ad hoc ordinata, vt ex illâ procederet per generationem temporalem, sol iustitiæ CHRISTVS DEVS noster, qui lux est mundi, in ipsius tenebris lucens, & tenebræ eam non comprehenderunt. Ergo in eâ nulla actu debuit esse tenebra. Consequentia probatur. Quia effectus, semper sequitur debiliorem partem suæ causæ, Ergo si in B. VIRGINE MATRE CHRISTI actu fuissent tenebræ, etiam & in eius vteri fructum, redundassent, cum talis caro sit accepta à CHRISTO de Virgine, qualis fuit in eâ.

9. Confirmatur. Quia ex lucido nonnisi lucidum, ex tenebroso non nisi

nisi tenebrosum fit. Vnde cum *DEVS* Adamum creasset, impropotionalitèr lucidum, respectu tenebrarum in eo inclusarum, ita vt totas ferme tenebras lux eius in se absorberet; & in eo posuisset vim meriti pro illo statu, vt tenebras tam ipse quàm alij tunc ex *Evâ* (quam fabricare ad hoc disponebat) gignendi, subigerent totalitèr, debuit deindè in eum soporem immittere, vt sic costam de ejus latere sumeret, pro ædificandâ muliere, quam secundùm corpus oportebat esse tenebrosam, vt ex eâ filij etiam secundùm corpus tenebrofi prodirent, similiter cum tenebris pugnaturi. Quia autem Adam vigilans & persistens in essentiâ suâ insomnis, irradiabat omnes suas partes intrinsecus & extrinsecus luce sui spiritus astralis, & mentis, ita vt & costa illa eximenda pro *Evâ*, illuminaretur ab eo vigilante, & consequentèr quidquid ex eâ sic illuminatâ fieret, etiam luminosum fieret; placuit ideò *DEO*, immittere soporem in Adamum, nè Adam altum dormiens, structioni *Evæ* quidpiam lucis conferret, sicque *Eva* secundùm corpus tenebrosa produceretur ex Adamo, etiam nubilo somni obtenebrato. Ergò similiter in proposito, si *B. VIRGO* fuisset aliquantisper actu tenebrosa, etiam Filius eius, non sinè tenebris ex eâ prodiret per generationem. Quod est inconueniens.

10. Moueor quartò. Quia omnes sex dies creationis, iuxtâ quod eos describit Moyses Gen 1. constabant vespere & mane, vt denotaretur quidquid creatum est, constare tenebris & luce. Vbi verò venit Moyses ad descriptionem diei septimæ, in quâ requieuit *DEVS* ab omni opere, quod creauit *DEVS*, vt faceret, scilicet *Euam VIRGINEM & MATREM* generis humani, pro solis prædestinatis accepti, vt Decade 1^{mâ} Resol. 4^{tâ} deduxi, solum absolutè illum diem vocat nomine diei, nec meminit vespere in eo. Quo sanè datur intelligi, veram Matrem Virginem omnium viuientium *MARIAM*, purum diem ab omni vespere & tenebrâ futuram fuisse, quæ nos regeneraret in lucem æternam, & cuius *Eua* illa, figura fuit.

11. Moueor quintò. Quia talis pugna cum tenebris, debebat esse in Adamo successiue, ita quòd cum continuâ luctâ debuit fieri perfectè lucidus, & hoc erat in eo imperfectionis. Ergò decuit *B. VIRGINEM* fieri lucidam totam simul, absque omni imperfectione. Consequentia patet. Quia tale esse perfectæ luciditatis, est Ens absolutum, & permanens, cuius totum esse, in vnico instanti haberi potest in aliquo, Ergò ita fuit in *B. VIRGINE* in primo instanti conceptionis, ac fuisset in Adamo, per multas & repetitas luctas cum tenebris. Quia perfectius est & nobilius, habere perfectionem totam simul, si id non repugnat, quàm successiue & quasi per gradus.

12. Moueor sextò. Quia secundùm *D. Dionysium Areopagitam*, tres sunt actus Hierarchici, ad inuicem subordinati, scilicet purgari, illuminari, perfici, ita quòd maiorem purgationem sequitur maior illuminatio, & maiorem illuminationem maior perfectio: Sed *B. VIRGO* inter omnes puras creaturas fuit in summo purgata, quia purgatione præseruatiuâ, id est non permessa coinquinari à corpore, sed ad illud immaculatum, sua anima benedicta infusa est. Ergò etiam tunc fuit in summo illuminata, & luminosa tota,

ac consequenter in summo perfecta, etiam in primo instanti suæ conceptionis.

13. Moueor septimò, autoritate SS. Patrum id manifestè docentium. Quarum prima sit Dionysij Areopagitæ, testis oculati claritatis Virginis etiam in eius corpore. Sic enim in Epistolâ ad D. Paulum Apostolum scribit, postquam DEiformem vultum Virginis intuitus est. *Tantus (inquit) me splendor circumfulsit exterius, & plenius irradiavit interius, tanta etiam in me odoramentorum omnium superabundauit fragrantia, ut nec corpus infelix, neque spiritus, posset tanta felicitatis insignia sustinere; defecit cor meum, defecit & spiritus, tantâ gloriâ maiestatis oppressus; testor qui aderat in VIRGINE DEVM, si tua diuina concepta non me docuissent, hanc ego vnum DEVM esse credidissem.* Secunda sit D. Hieronymi super Psalmos. *Pulchrè (inquit) Propheta appellat VIRGINEM nubem diei, nubes enim illa non fuit in tenebris, sed semper in luce.* Tertia sit D. Petri Chrysologi, serm: 146. sic de Moyse loquentis. *Ità humano defecatus est & exinanitus à corpore, ut totus diuinitatis mutaretur in gloriam, & adhuc in nostri corporis obscuro, toto luceret lumine Deitatis, neque intueri eum mortalium visus posset.* Si ità Chrysologus de Moyse, quantò id veriùs dixisset de B. Virgine? quæ à D. Efrem in Encomijs Virginis appellatur splendor Moyse, quasi Moyse in comparatione Virginis splendentis, tenebra sit. Quarta est D. Bernardi Serm: 1. de Nat: B. V. *Iure igitur MARIA sole perhibetur amicta, quæ profundissimam diuinæ sapientiæ, ultra quam credi valeat, penetrauit abyssum: candidissimus sanè huius mulieris amictus, cuius omnia tam excellentè irradiata noscuntur, ut nihil in eâ, non dico tenebrosum, sed nec obscurum saltè, vel minùs lucidum, ut quantum sinè Personali vniione creature conditio patitur, luci illi inaccessibili videatur immersa.* Quinta est S. Epiphaniij, serm: de laud: MARIÆ. *Virgo (inquit) multocula effecta est Seraphim incomprehensæ visionis; illa enim auertuntur, cum nequeant spiritalem ignem diuinitatis fixis oculis intueri; hæc autem apertis oculis intuens incomprehensibilem & somni expertem oculum CHRISTI, cum desiderio & osculo salutabat.* Quæ sanè arguunt, in D. Virgine fuisse summam & illi inaccessibili luci proportionatam lucem. Sexta est illorum SS. Patrum, qui illa verba dicta de Joseph. Mathæi 1. *Et non cognoscebat eam donec peperit &c.* ita explicant, quasi Joseph præ nimio fulgore vultus Mariani, non posset in eam aciem oculorum intendere. Septima est Galfridi serm: de Epiph. *Quæ sola (inquit) solem iustitiæ genuit, non humanas tantum, sed Angelicas stellas, supergressa est vniuersas.* Sed consultius cenfeo à producendis hîc dictis SS. Patrum abstinere, cum sint fermè innumera circà hanc materiam, & in authoribus obuia. Sufficiant ergò hæc, quæ allata sunt pio Lectori.

14. Ex his igitur motiuis, existimo iam planum esse, quòd lux illa vera increata, quæ illuminat omnem hominem venientem in hunc mundum, infundendo scilicet illi animam intellectiuam, quæ lux est, ita perfectè illuminauerit B. VIRGINEM, in DEI maternitatem ab æterno destinata, ut statim euaserit, in puncto infusionis animæ in suum corpus, sol lucidissimus, in quo Gloriosa sancta Trinitas, statim in eodem primo instanti vitæ Virginis, posuit tabernaculum suum, & mansionem fecit immobilem, quod Adamo in statu

statu innocentiae, si perseverasset, longâ & multoties repetitâ luctâ cum tenebris, acquirendum fuit, idque adhuc non in tam perfecto gradu lucis. Vndè de B. Virgine in suâ conceptione, æquius dici debet, quàm de materiali sole, illud D. Dionysij Areopagitæ 4. de diuinis nom: pronunciatum. *Clara expressaque diuinitatis imago est, magnus hic sol, quia totus lucens, ac semper splendens.* Et

15. Pro coronide istius Resolutionis, addo. Quòd quia animæ nostræ, sunt lucēs subsistentes ex intrinsecâ suâ ratione, lucēs inquam descendentes à Patre luminum per creationem, ideo non requirunt omnes æqualitatem lucis, sed vna potest esse lucidior alterâ in essentiâ suâ, iuxta mensuram & pondus creantis DEI, qui dat ista lumina hominibus venientibus in hunc mundum, secundum placitum suæ voluntatis. Vndè anima CHRISTI est summa & suprema lux creata, quæ illuminat totam illam ciuitatem Hierusalem supernam, Apoc: 21. *Et lucerna eius est Agnus.* Post hanc proxima lux ibi est, anima B. Virginis. Tùm demum animæ aliorum sanctorum; de quibus Apostolus 1. ad Cor: 15. *Stella à stella differt in claritate, sic & resurrectio mortuorum.* Non enim aliâ luce clarescent tunc corpora in resurrectione, nisi luce animarum se irradiantium; vt Decade 1mâ Resolut: 5 tâ insinuauit. Tantum ergò ibi vnaquæque anima irradiabit corpus suum, quantum de eius tenebris suâ luce hîc subegit; sicut è contra in damnatis, quia tenebræ carnis, quas adauxit Adam vt dixi, quando seminalem animam per fermentum pomi dispositiuè in se superinduxit, totalitèr comprehendunt animas eorum, lux victa à tenebris minimè lucebit; quia deuoluta in extremas tenebras, quas scriptura exteriores vocat, eò quòd (vt periti Hebraicæ linguæ asserunt) Hebraismus superlatiuo caret, natiuum lumen sibi à creatione geniale, ita obscurum exhibebit, vt non appareat. Hinc est, quod damnati resurgent non mutati; iuxta Apostolum, 1. ad Cor: 15. *Omnes quidem resurgemus, sed non omnes immutabimur.* Quia corpus damnatorum in resurrectione, licet recipiet determinationes figurales ab animâ, non tamen lumen, solumque corporeo modo, & figuratenus, tunc anima damnata, imaginem DEI in se exhibebit.

16. Hæc ideo obiter attuli, vt vnusquisque cognoscat, animam Beatæ Virginis fuisse ex dono creationis maximam & summam lucem, ad instar solis, imò clariorem; iuxta illud Isaia 30. *Erit lux luna sicut lux solis, & lux solis septemplex.* Vndè Doctor illuminatus Franciscus Mayronius in serm: de concept: B. M. V. dicit. *Virgo fuit æqualis lucis cum sole iustitiæ CHRISTO, per gratiam præseruationis.* Et si gloriatus est Salomon sap: 8. quod fuerit sortitus animam bonam, certè ista gloria magis cadit in Beatam Virginem, quia plus quam Salomon hæc.

17. Non sit ergò iam cuiquam mirum, quod B. Virgo in instanti suæ conceptionis ita lucida fuerit, sicut fuisset Adam in puncto suæ in cælum translationis; quia anima eius, in suâ essentiâ maior lux fuit, quàm anima Adæ improporcionabilitèr, vt iam tunc luci illi inaccessibili, penitus immersa esse videretur. Proindè tunc prorsus immunis fuit à tenebris originalis peccati. Sed hic oritur.

18. Dubium. Quarè ista claritas corporis Virginei, non omnibus apparebat? Respondeo juxta dicta suprâ. Quòd sicut CHRISTVS, habuit in potestate suâ corpus suum, ità quod si voluit vt appareret claritas corporis eius, tunc apparebat; sicut patuit in monte Thabor, dum transfiguratus est coram discipulis suis; si verò noluit, non apparebat, vt quando ianuis clasis intrauit ad discipulos post resurrectionem: ita anima Virginis, quoad hoc plenè possedit corpus suum, ità quòd cui voluit manifestare claritatem suam, ei clara apparebat, cui non, non. Ordinariè tamen & quasi semper sic clara & lucida apparebat Josepho sponso suo, qui propterea quantò amplius loquebatur & conuersabatur cum eâ, tantò magis confirmabatur in proposito virginitalis. Addo. Quòd ipsa B. Virgo in quantum poterat, in tantum celabat suam pulchritudinem. DEVS ergò in hoc sibi complacens, & hoc eius studium acceptans, potuit miraculosè eam celare cui volebat, & patefacere cui eam videre expediebat: & sic ista claritas Virginis, licet fuerit maxima, tamen non erat in hoc mundo visibilis.



R E S O L V T I O N O N A.

**Ipſa ratio originalis peccati, conuincit
immunitatem VIRGINIS MATRIS
ab eo.**

II.

Communis quidem ſententia eſt, planè omnium Scholaſticorum, præcipuè tamen Doctōris Noſtri cum ſuis ſequacibus; Rationem peccati Originalis, conſiſtere in carentiâ iuſtitie debitæ in eſſe naturæ humanæ, ex dono Creatoris, ita vt Peccatum Originale formalitèr ſit, carentiâ iuſtitie Originalis in poſteris Adæ, vitio ipſius Adæ in poſteritatem totam tranſfuſa, atq; adeò eſt ipſummet peccatum Adæ, manens in poſteris moralitèr, ex eo quod moralitèr peccauerunt in Adam, tunc ſcilicet quando ipſe Phyſicè & realitèr deſcendit pomum vetitum, & per hoc tranſgreſſus eſt Præceptum D. E. I. Quò ſpectans D. Anſelmus Lib: I. de concep: Virg: Cap: 27. ait. *Per peccatum, quod Originale dico, aliud intelligere nequeo in ipſis infantibus, niſi factam per inobedientiam Adæ, iuſtitie debitæ nuditatem, per quam omnes, filij i. e. naſcimur.* Duo ergò damna intulit peccatum originale, cui libet propagato ab Adam. Primum. Quod omnes naſcantur ſpoliati Iuſtitia Originali. Alterum. Quod omnes neceſſariò naſcantur in peccato originali. Et hoc innuunt varia teſtimonia tum Scripturæ, tum SS. Patrum. Nam ad Rom: 5. dicit Apoſtolus. *Per unum hominem, peccatum intrauit in mundum.* Diuſ etiam Anſelmus ubi ſupra, ait. *Accuſat omnes ſpontanea Iuſtitie deſertio, quam facit, nec perſonas excuſat recuperandi impotentia.* Et idem ibidem Cap: 2. inquit. *Quoniam ipſe ſibi impotentiam fecit, deſerendo Iuſtitiam in primis parentibus, in quibus tota natura erat, & ſemper debitori eſt habere poteſtatem, quam ad obſeruandam ſemper iuſtitiam accepit.* Et rursus Cap: 7. clarè præſentem explicat difficultatem, dicens. *Adam peccato personali, nudauit naturam Iuſtitie debitæ, ideò in quocunq; facit per propagationem nudam naturam, ſtatim eam facit & talem debitricem.* Ad ipſum tenet D. Auguſt: Lib: de Fide ad Petrum, & alij SS. Patres.

2. Hoc ergò peccatum Originale, contrahit quælibet Anima, non à D. E. O, quia ipſe nullius peccati eſt author, neq; à carne, per infectionem alicuius qualitatis morbidæ, vt aliqui putant, ſed à carne concupiſcibiliter ſemina; ita quod cum illo corpore cui infunditur Anima, conſtituit Perſonam debitricem iuſtitie originalis, quæ erat data à D. E. O, primo Parenti ex pacto, pro

P p p

omni.

omnibus & singulis posteris eius, proindèq; dum illam amisit Adam, soluit pactum pro se & pro totâ posteritate simul, ita vt amplius DEVS non teneatur restituere talem Iustitiam alicui posterorum Adæ. Atq; sic, Anima quocunque instanti constituit Personam in ratione Filij vel Filiæ Adæ, eodem instanti fit debitor Iustitiæ originalis, & contrahit peccatum originale. Et hoc conforme est menti D. Anselmi, loco citato, sic ad rem nostram proloquentis. *Nihil aliud est, Animam contrahere peccatum originale mediante carne, nisi quia ex carne concupiscibiliter seminata, formatur corpus organicum, cui infunditur Anima constituens personam, quæ est Filia aut Filius Adæ, quæ persona sic constituta, quia est naturalis Adæ proles, ideo debitor est Iustitiæ originalis, data à DEO pro omnibus Filijs Adæ.* Hæc est communis mens Theologorum & SS. Patrum de peccato originali. Nunc igitur.

3. Ex vicinitate materiæ, descendendo à peccato ad Iustitiam originale, in communi sententiâ, dico, eam fuisse donum supernaturale superadditum à Creatore voluntati Adæ, faciens in eo perfectam tranquillitatem virium inferiorum & superiorum, muniensq; voluntatem ipsius ab omni rebellionē sensuum. Quia enim voluntas creata, iuncta appetitui sensitivo, nata est condelectari delectationi eius, & contristari tristitiâ ipsius, æquē ac Intellectus coniunctus sensibus, natus est intelligere sensibilia, idē voluntas suis relictā viribus, nedum non potest appetitum sensitivum retrahere à suo delectabili, sinē difficultate, sed etiam seipsam nequit sinē graui molestiâ retrahere à condelectando illi appetitui sensitivo. Vt igitur facilius se & appetitus, suo gubernio subiectos, potuisset in illo felici statu retrahere ab illicitis, & in tranquillitate regere, data ipsi erat à DEO Iustitia originalis, quæ ipsam iucundē reduceret à minus delectabilibus, & coniungeret Obiecto summē delectabili, ita quod pro minori incommodo æstimaret tunc voluntas, retrahere se à condelectando appetitibus sensitivis, quā recedere vel pro minutissimâ morulâ, ab Obiecto summē delectabili & sine suo ultimo, scilicet à DEO. Hoc ergo dono suffulta voluntas in statu innocentie, quasdam delectationes appetituum sensitivorum præuenisset, ne vnquam inessent, quasdam ordinasset, vt eis benē vteretur homo, à quibusdam verò auertisset se & appetitus illos, hæc tamen omnia delectabiliter executā fuisset, quia Iustitia Originalis fecisset eam delectabilius inhærere fini ultimo & medijs ad illum ordinatis, quam alijs obiectis minus delectabilibus. Atque hæc est ratio Peccati & Iustitiæ Originalis, in communi sensu.

4. Sed quia aliò nos ducit nostra intentio, iuxta illa quæ diximus Decadis primæ Resol: 9nâ. nimirum, Peccatum originale esse, conspurationem virginæ propagationis naturæ humanæ, per commutationem eius in belluinam; idē intrepidē nunc quoq; ibi dictis inhærēdo, ostendendum assumimus, quomodo hoc ipsum repugnet Virgini Matri, vel ex ipsâ ratione peccati originalis, in sensu nostro descripti. Quod vt declarem.

5. Suppono primò. Virginitatem, in quâ & ad quam condita est humana natura ab initio, fuisse essentialē naturæ humanæ; ita quod sicut ipse

DEVS

DEVS in
Rematē
quæ est ipsa
VIRGO f
fuit, virgin
naturam,
sicut hom
propagati
teri inter c
tialē, vt
virginitatē
lūm secun
Doctores,
nem vener
6. S
corrupta pe
remotissim
Hom: 12.
antur, carne
in naturam
rijs suis, pe
carnales &
ginalē na
nequeunt e
primum, e
quid, cum
sentiali, sc
vi pomi v
7. S
humanam
am gratia
tū infusam
undo in a
dendo & i
bus, prodi
orta ex sen
illa essenti
qui per cur
cundo, fuer
8. N
istis tribus
terior, siue
DEVS, sup

DEVS in suis originationibus, est essentialitèr Virgo, juxtà illud Nazianzeni Poëmatè de Laud: virginitatis. *Prima trias, virgo est*; ità & natura humana, quæ est ipsissima DEI imago, & in se virgo facta est, & in sui propagatione, VIRGO futura esse debuit. Perfectiorquè hæc virginitas naturæ humanæ fuit, virginitate naturæ Angelicæ. Quia licèt Angelus quilibet, est virgo per naturam, quia tamen non est Angelus creatus, in exactam imaginem DEI, sicut homo, ideò caret hæc naturæ perfectione, vt se communicare possit per propagationem, quòd soli homini concessum est, saluà virginitate, & nulli alteri inter creatura. Illam ergò naturæ humanæ Virginitatem, voco ipse essentialem, vt potè quæ est de ratione Imaginis DEI, quæ est homo. Porro istam virginitatem, quæ modò est in naturâ, non voco virginitatem absolutè, sed solum secundum quid, vt potè in solâ negatione consistentem; quia secundum Doctores, nihil aliud dicit formalitèr, nisi negationem consensus in delectationem veneream, & experientiam eius in corpore mortis huius.

6. Suppono secundò. Quòd in naturâ nostrâ, virginitas essentialis est corrupta per peccatum originale. Licèt enim plurimi in Ecclesiâ Sanctâ DEI, remotissimi sint etiam à cogitationibus carnalibus, & vt loquitur D. Gregorius Hom: 12. in Euang. *Ab appetitu se exteriori custodiunt, & spe ad interiora rapiuntur, carnem macerant, & toto desiderio ad supernam patriam anhelant*; tamen quia in naturam illorum, anima seminalis cum semine, concupiscentijs, & desiderijs suis, per peccatum originale intrauit, quæ continuò eos inclinât ad actus carnales & belluinos, quantum est ex se, ideò propter hanc corruptionem originalem naturæ, quæ ineuitalitèr adest vnique in corpore mortis huius, nequeunt esse virgines quoad actum primum, estò non permittant hunc actum primum, exire in actum secundum, sicque solum gaudent virginitate secundum quid, cum tamen in naturâ iam corruptâ, habeant oppositum virginitati essentiali, scilicet illud ipsum Ens seminale, per quod introductum in naturam, vi pomi vetiti comesti, natura in se, desijt esse virgo.

7. Suppono tertio. Quòd propter hunc actum primum, in naturam humanam vi pomi comesti introductum, nullus, estò sit sanctissimus, & gratiam gratum facientem, etiam in intensissimo gradu habeat, animæ suæ diuinitus infusam, potest generare prolem, siuè sit masculus, siuè foemina, nisi exundo in actum secundum copulæ venereæ, more belluino, per libidinem decidendo & sigillando semina, ex quibus mistis in vtero, & mutuò sibi coagentibus, prodit caro peccati, contaminans animam proles, ità, vt tota proles, sic orta ex seminibus, coram DEO fiat abominabilis in suâ essentiâ, eo ipso, quòd illa essentia genita, sit non virgo, vt potè sequens conditionem generantium, qui per cursum naturæ corruptæ generando, nec in actu primo, nec in actu secundo, fuerunt virgines.

8. Nec obstat isti doctrinæ, quòd docet noster Doctor in 3. dist: 4. §. Ex istis tribus &c. Et §. Ad argumenta &c. in solut: 1. princ. Quòd si causa superior, siuè illa sit causa naturalis, scilicet Pater, siuè supernaturalis, scilicet DEVS, supplens defectum actionis Patris, potentiam remotam generandi, quæ

quæ est in foeminâ, reducat ad potentiam propinquam, jam ipso facto, fami-
na illa generabit ita prolem, si DEVS suppleat actionem, ac generaret ipso Pa-
tre, vt causâ superiori naturali, agente. Ex quo habetur, quod etiam in natu-
râ corruptâ per originale peccatum, potest esse conceptio actiua in foeminâ,
saluâ virginitate, DEO scilicet supplente actionem Patris; eò quod, vt in sol:
I. Principalis habet Doctor, Virginitas & Maternitas, seu Virgo & Mater,
non opponuntur aliquâ oppositione formali, nec vt priuatiuâ, nec vt contra-
riâ, sed virginitas priuat tantum actionem causæ superioris naturalis, quam
maternitas non necessariò ponit; ita quod, si alius suppleat illam actionem,
jam potest esse maternitas secundum suam rationem, & tamen cum priuatio-
ne actionis causæ naturalis superioris, & ita cum virginitate. Hæc inquam
non obstant: quia Doctor ibi egregiè tutatur virginitatem Beatissimæ Matris
Virginis, juxta mentem Ethnicorum, qui nesciebant, faminam ex primæuâ
sux creationis destinatione, non esse ordinatam ad concipiendum de viro, sed
solum de Spiritu Sancto, ideòque firmitè tenebant, eam non posse concipere
nisi de viro. Doctor igitur noster, benè contrâ illos arguit, ostendens, quod
si DEVS suppleat causalitatem viri, potest foemina esse mater & virgo; & hu-
ic fundamento innixæ rationes eius, optimè concludunt contrâ Ethnicos. Sed
apud me hoc fundamentum Ethnicorum est nullum: quia nec foemina, quâ
virgo creata est, ad talem conceptum est destinata, vt probaui Resol: 3. & 4.
Decadis primæ; nec vir est causa prolis humanæ quâ talis, sed solum ani-
malitatis in prole humanâ, vt ibidem Resol: 7mâ dixi. Vbi igitur nulla est
causa superior naturalis, ex primæuâ destinatione DEI, ibi nequit DEVS sup-
plere actionem eius.

9. Si verò vrgeatur. Quod etiam hanc causalitatem quæ modò est,
potest supplere DEVS. Contra est. Quod si suppleret, deberet esse idem
terminus istius actionis, qui esset, si pater carnalis ageret, scilicet animalitas in
prole, quam solam parentes carnales, cognoscentes se carnaliter, mediante se-
mine producant; & ita sequeretur, (quod aures fidelium horrent) quod DE-
VS posset supplere vicem tauri, vel equi, ad hoc vt vacca vel equa, saluâ virgi-
nitate generet pullum; par etenim esset ratio de his famellis, ac de foeminâ
virgine, in naturâ humana.

10. Addo. Quod vbi nullus est actus primus, ibi nec actus secundus
esse potest; seu, vt verbis Doctoris Subt: vtar, vbi nulla est potentia remota,
ibi nec potest esse potentia propinqua quæ reducat ad actum; Sed in Virgi-
neâ naturâ humanâ, ex dono creationis, nullus fuit actus primus, nec vlla apti-
tudo, nec vlla potentia ad concipiendum de viro, quæ tùm demum in natu-
ram introiuit, quandò pomum incentiuum luxuriæ, est illi contra DEI prohi-
bitionem applicatum; Ergò nec potuit ibi esse actus secundus, aut propinqua
potentia ad eum.

11. Vnde audacter in Virginis Gloriosæ honorem pronuntio, quod
ipsam, genitâ ista virginea prole, CHRISTO, impossibile fuit concipere de viro
aliam prolem, quia in eâ nullus talis actus primus fuit, qui posset exire in istum
actum

RESOLVTIO NONA.

245

actum secundum; nisi teneamus, eam post genitum CHRISTVM, in naturæ degenerationem recidisse: frustra enim B. Virgo cum alijs matribus comparatur, quæ sola in naturâ humanâ vera est Mater, secundum primæuam intentionem DEI, habens fecundam integritatem, quomodo iam naturâ corruptâ, nulla potest esse Mater, vt ostendi Resol: secundâ istius Decadis.

12. In formâ ergo ad oppositionem respondendo, nego assumptum; quia supponit esse causalitatem naturalem, vbi nulla est causalitas: nam modò Pater in naturâ humanâ, solum est causa seminis maledicti ab initio, & similiter mater, eo per omnia modo, quo fit generatio brutorum, in quam per peccatum originale degenerauimus; ex feminibus autem commixtis, confurgit dispositiue, non iam proles humana, sed aliquid medium inter corpus & mentem, conspurcans & degenerans naturam prolis, scilicet animalitas, licet absque determinatione specificâ, quam nequit habere in naturâ humanâ, ob rationes Resol: septimâ Decadis primæ datas.

13. Nec illud est verum, quod virginitas tantum priuet actionem causæ superioris, loquendo de virginitate comparatâ ad maternitatem secum cõpossibilem; quia virginitas simpliciter & essentialis, nedum priuat actionem talis causæ, sed etiam possibilitatem Logicam talis actionis, quamdiu est natura humana Virgo. His igitur sic suppositis.

14. Declaro Resolutionem nostram sic primò. Ratio peccati originalis, consistit in introductione animalitatis homini exoticæ, & virginæ propagationi naturæ humanæ, è diametro oppositæ; seu vt Concilium Tridentinum sess: 5: Decreto de peccato originali, loquitur, est totius Adæ, id est totius naturæ humanæ, secundum corpus & animam, in deterius commutatio, consequente eam irâ & indignatione DEI, morte, ac captiuitate diaboli. Et hanc commutationem in deterius naturæ, ostendi Resol: 9nâ Decadis 1mæ, esse virginæ propagationis naturæ conspurcationem, & degenerationem. Sed hâc degeneratione positâ in naturâ humanâ, impossibile est vt virgo sit mater; Ergo si Beata VIRGO est Virgo Mater, iam in eâ non est ratio peccati originalis. Minor probatur. Quia vbi est actus primus, directè oppositus virginitati naturæ, ibi impossibile est haberi in aliquâ personâ, habente talem naturam, actum secundum, qui etiam non sit oppositus virginitati secundum quid, id est, in negatione experientie delectationis venereæ consistenti; Sed animalitas introducta per comestum pomum vetitum, in naturam, est talis actus primus, qui est oppositus virginitati essentiali naturæ; Ergo hâc animalitate habitâ ab aliquâ personâ, impossibile est eam actu exire in actum secundum maternitatis actualis, sinè eo, quin impingat in experientiam delectationis venereæ; si igitur aliqua persona de facto fuit Virgo Mater, sequitur quod fuit immunis ab illo actu primo, opposito virginitati essentiali naturæ; & ita à peccato originali, quod est propositum.

15. Vel sic dispono rationem. Si B. Virgo contraxit peccatum originale, Ergo non est simpliciter & essentialiter Virgo, & multò minùs Virgo Mater. Probo sequellam. Quia illa persona est simpliciter virgo, in qua est

natura talis, quæ nullam in se habet dispositionem, & nullam possibilitatem ad concipiendum de viro, etiam per potentiam DEI absolutam; Sed si B. Virgo contraxit peccatum originale, jam B. VIRGO acquisiuit dispositionem, & possibilitatem ad concipiendum de viro; quia peccatum originale in naturâ humanâ nihil est aliud, nisi conspurcatio propagationis naturæ virginæ, ita quod quæ fieret de Spiritu Sancto & Matre Virgine, deinceps fiat de Viro & Matre non Virgine; Ergo si B. VIRGO contraxit peccatum originale, iam non est simpliciter Virgo, & ita nec Mater Virgo; Sed hoc est absurdum, & contra fidem, Ergo &c.

16. Præterea. Videtur mihi valde inconueniens, quod Mater DEI & hominis, quæ est Virgo Virginum, solum fuerit virgo quoad corpus, & extrinsecum virginitatis signaculum, habuerit tamen in conceptione tanti Filij, omnes illos motus vel mutationes, siue in tempore breuissimo, siue in instanti, quos ordinariè habent, & in se sentiunt matres, inter generandum seminaliter, quod tamen ij qui assimilant B. VIRGINEM alijs matribus, fatentur. Et quod hoc sit inconueniens, probò. Quia tales motus siue mutationes, arguunt in matribus maternitatem Adamicam, seu animalem, directè oppositam virginitati naturæ; vnde & Doctor Subr. concedit in 3. dist. 4. §. Sed hic est vnum dubium &c. quod in B. VIRGINE, nulla fuit actio per rationem feminalem, & ita nec per aliquam vim in materiâ ministratam, Ergo B. VIRGO in suâ maternitate, procul fuit à talibus moribus, sicque ex vi maternitatis & virginitatis simul, concluditur esse immunis à degeneratione naturæ humanæ, per peccatum originale. Vnde longo interuallo, alias matres sepeperat à B. VIRGINE, Hugo de S. Victore, exponens illud Matth. 1. *Quod in eâ natum est, de Spiritu Sancto est.* dum inquit. *Quia in corde VIRGINIS, amor Spiritus Sancti singulariter ardebat, ideo Spiritus Sanctus in eius carne mirabilia faciebat, & cuius dilectio in eius corde non suscepit socium, eius operatio in illius carne non habuit exemplum.*

17. Præterea. Peccatum originale in nobis, sœdauit imaginem DEI, & maximè in hoc, quod conspurcauit in nobis, imò pessundedit virginitatem naturæ nostræ genialem, ex dono creationis; Sed in B. VIRGINE MATRE hæc conspurcatio non habuit locum, quæ, vt verbis D. Ambrosij serm. 15. de Nat. CHRISTI, vtar, cum quem VIRGO Diuinitas ediderat, etiam Virgo genuit. *Ideo enim (inquit ille) secunda natiuitas, per immaculatam MARIAM, quia prior, per Diuinitatem consisterat illibata, vt cui prior natiuitas gloriosa exiit, ei secunda contumeliosa non fieret.* Ergo B. VIRGO ex vi sui partus Virginæ, est immunis à peccato originali, quod conceptum & partum Virginæ, à naturâ humanâ perpetuò abstulit.

18. Præterea quæro. Cùm omnes illi, quicunque intuebantur B. VIRGINEM, quæ fuit omnium Virginum speciosissima, non incitabantur concupiscentialiter in eam? Non videtur enim istius esse ratio à priori, ex parte ipsius VIRGINIS, nisi quia in eâ natura humana fuit ita innocens, ac fuit in Euâ antè peccatum; non enim ad hoc sufficit concipi in gratiâ gratum faciente, sed

sed requiritur
innocentia.
Mariæ p.
ad hunc dux
corrupta, n
pta, quam
vim inficie
Naturæ qu
to primor
pta; fit ita
in integrâ
ralis, non
cit. Cum
in personâ su
nem unquam
tissime virgi
inducebat.
ginale, stet
quam quia
suâ pulchri
dendo han
19.
ret votum
amittere vi
litem & a
ginis ad Ar
non cognosco
trâ votum
concipien
cùm di
tib

sed requiritur penitus tanta immunitas à peccato originali, quanta fuit in Euâ innocentē. Vnde Sapientes & experti, apud Bernardinum de Busto in suo Mariali p. 2. serm. 5. in 7mâ conditione Sponsæ celestis, dicunt. Quod si adsint duæ mulieres æquæ pulchræ, quarum vna sit Virgo pudica, altera verò corrupta, maiorem dabit tentationem aspicienti sinè DEI timore, illa corrupta, quam pudica. Cuius ibi hanc rationem assignat, quia corrupta habet vim inficiendi & tentandi, ex duplici corruptione, scilicet naturæ, & personæ. Naturæ quidem; quia corrupta est generalitèr tota natura humana, ex peccato primorum parentum. Personæ verò; quia iterum particularitèr est corrupta; fit itaque, vt duo vincula magis ligent aspicientem, quam vnum solum: in integrâ autem, est solum vnicum vinculum, scilicet corruptio naturæ generalis, non verò personalis. Tunc ad propositum ista B. Virgini applicando, dicit. *Cum igitur B. Virgo fuerit præseruata à communi corruptione naturæ humanæ, & in personâ suâ nullam penitus habuerit corruptionem, non est mirum, si aspectus eius neminem unquam infecit, imò ratione suæ inuiolabilitatis, & illibatissimæ atq; incontaminatissimæ virginitatis, & integerrimæ puritatis, ad castitatis & honestatis amorem, omnes inducebat.* Hæc Bernardinus de Busto. Ex quo habetur, quod peccatum originale, stet in istâ generali corruptione virginitatis essentialis naturæ humanæ, quam quia non contraxit virgo in suâ conceptione, ideò neminem incitauit suâ pulchritudine ad libidinem, sicut nec Euâ antè peccatum. Hinc concludendo hanc Resolutionem, infero vnum.

19. Corollarium. Quod non fuit necessarium B. Virgini, vt emitteret votum virginitatis; quia ipsa fuit per naturam Virgo, cui impossibile fuit amittere virginitatem, sicut & Euæ antè esum pomi vetiti, id est, antè carnalitatem & animalitatem introductam in naturam. Proinde illa verba B. Virginis ad Archangelum Gabrielem prolata; *Quomodo fiet istud, quoniam virum non cognosco?* nedum processerunt ab eâ, vt refugiente actum conjugalem contrà votum, sed etiam vt iudicante & cognoscente in se, impossibilitatem ad concipiendum de viro. Et ad hunc sensum videtur ei respondisse Angelus, cum dixit. *Spiritus Sanctus superueniet in te, & virtus altissimi obumbrabit tibi, ideòq; quod nascetur ex te sanctum, vocabitur Filius DEI.*

Luci. 1. Vbi nota hanc causalem, ideòque, quia fauet huic expositioni.





RESOLVTIO DECIMA.

Quantò B. VIRGO purior fuisse asseritur in suâ Conceptione, tantò verius dicitur esse præseruata à CHRISTO Filio suo, per mortem eius à DEO præuisam à labe originariâ.

II.



Anta puritas & innocentia VIRGINIS Matris, quâ nedum Protoplastos, sed & ipsos Seraphim, in instanti suæ Conceptionis immaculatæ, præcessit, prout decebat Matrem CHRISTI capitis, in adiutorium simile ipsi respectu salutis prædestinatorum datam, videbitur fortè alicui excludere ab hac VIRGINE, necessitatem & indigentiam Redemptoris & Mediatoris CHRISTI, quasi tanta puritas sibi sufficiat, & meritis ex morte CHRISTI præuisâ prouenientibus, ad sui esse non indigeat, contenta tanto & tali esse suo, ex merâ & solâ liberalitate DEI habito; ad eum modum quo Theologi docent, animam CHRISTI, non ex meritis, sed ex merâ DEI liberalitate, gratiam & gloriam sibi coram accepisse. Ast hoc aliter se habere, & Beatam VIRGINEM ex morte CHRISTI Filij sui præuisâ, tantam puritatem & redemptionem sibi conuenientem hausisse, seriò declarandum est. Quod iam aggredior. Et

2. Præmitto doctrinam Doctoris Subtilis in 3. dist: 20 q. vnicâ s. Tunc ad quæstionem &c. Vbi hæc verba leguntur. Dico, quòd omnia huiusmodi, quæ facta sunt à CHRISTO circa redemptionem nostram, non fuerunt necessaria, nisi præsuppositâ ordinatione Diuinâ, quæ sic ordinauit fieri: & tunc tantum necessitate consequentiæ necessarium fuit, CHRISTVM pati, sed totum fuit contingens simpliciter, & antecedens, (scilicet illa ordinatio Diuinâ) & consequens, (scilicet passio & mors CHRISTI.) Et sub finem s. Idem docet pro D. Anselmo. Si (inquit) volumus saluare Anselmum, dicamus, quòd omnes rationes suæ, procedunt suppositâ ordinatione Diuinâ, quæ sic ordinauit hominem redimi. Et sic videtur ita procedere, quòd DEVS ex præordinatione æternâ, quæ sic præordinauit, non voluit acceptare aliquid pro redemptione hominum, nisi mortem filij sui: nulla tamen necessitas fuit absoluta. Unde in Psalmo. Copiosa apud eum redemptio. Hæc Doctor.

3. Jam verò causam tam arduam ordinationis, quâ DEVS ab æterno ordinauit, prædestinatos non fore saluandos, siue illi sint Angeli, siue homines, nisi in sanguine & morte CHRISTI, venari à priori, nimis est difficile. Innu-

it cam

Itam tamen Apostolus ad Heb. cap: 2. dum inquit. *Videmus IESVM, propter passionem mortis, gloriâ & honore coronatum, ut gratiâ DEI, pro omnibus gustaret mortem: Dicebat enim eum, propter quem omnia, & per quem omnia, qui multos filios in gloriam adduxerat, authorem salutis eorum per passionem consumari.* Quibus verbis datur duplex causa istius ordinationis. Prima innuitur, cum dicitur; *Ut gratiâ DEI, pro omnibus gustaret mortem.* Estque summa DEI bonitas. Secunda insinuat, cum additur; *Decebat enim &c.* Estque decentia, & congruitas, respectu summæ bonitatis.

4. Quæ causæ ut intelligantur, reuocandum est in memoriam, quod CHRISTVS ex summâ DEI bonitate, constitutus est mediator inter DEVM & intellectualem creaturam, in quo oporteat illam saluam fieri, prout Decade istâ secundâ Resol: 2dâ: docuimus. Ex se enim talis creatura, nullum pondus habet respectu gloriæ essentialis, suo merito acquirendæ, nisi DEVS prouidisset ei de tali mediatore, qui sibi coxiam habens gloriam, non sibi sed alijs mereretur, quidquid mereretur, loquendo de gloriâ essentiali, idque DEO de condigno eius meritum acceptante pro alijs; decebat autem, ut summæ bonitati Diuinæ, sic CHRISTVM in mediatorem totius creaturæ intellectualis, ex merâ liberalitate suâ determinanti, responderet in CHRISTO summa charitas, tam respectu Patris æterni, & totius SS. Trinitatis, quam respectu creaturæ intellectualis; ex quâ summâ charitate, tenebatur CHRISTVS summè diligere gloriam & honorem Patris, & SS. Trinitatis, & summè odisse inhonorationem, offensionem, & confusionem eius, etiam minimam, etiam si in gloriæ talis promotionem, & inhonorationis auersionem, mors esset subeunda. Juxta illud Psalmi 68. *Zelus domus tuæ comedit me, & opprobria exprobrantium tibi ceciderunt super me.* Ex eadem etiam summâ charitate, tenebatur CHRISTVS ut mediator à DEO prædestinatus, summè nos diligere, in ordine ad pacem & coniunctionem cum DEO, & summè odisse inimicitiam, ac separationem nostram à DEO, idque loquendo tam de Angelis, quam de hominibus: ita quod hæc pax promouenda erat, & separatio tollenda, etiam cum positione animæ CHRISTI per mortem: Juxta illud ipsius CHRISTI Joan: 15. *Maiorem charitatem nemo habet, quam ut animam suam ponat quis pro amicis suis.* Igitur ex hac duplici causâ, scilicet ex summâ DEI bonitate, & ex correspondente ei summâ CHRISTI mediatoris charitate, ordinatus est istâ arduâ ordinatione, CHRISTVS mediator DEI & creaturæ intellectualis, tam Angelicæ, quam humanæ, ad mortem, non quacunque, sed dirissimam, crudelissimam, probrosissimam; imò si aliquid esset istâ morte acerbius, & crudelius, cum dignitate tamen & excellentiâ tanti mediatoris compossibile, (quod addo, ad excludendas à CHRISTO mediatore pœnas inferni, quas CHRISTVM sustinuisse impius blaterat Calvinus) ad hoc etiam ordinatus fuisset, ut ita perfectissimum illius meritum, ex ratione personæ operantis illud pro nobis, etiam perfectissimum esset ex ratione vehementiæ intentionis, patiendi difficillima, & intolerabilissima; Juxta illud Christi Luc: 12. *Baptismo habeo baptizari, & quomodo eoractor donec perficiatur.*

5. Habemus ergò iam mediatorem passibilem, & in sanguine crucis ab æterno pacificantem, siue quæ in terris, siue quæ in cælis sunt. Idque præscindendo à variationibus creaturæ intellectualis per persistentiam in bono, vel per lapsum: quia siue creatura intellectualis Angelica & humana peccaret, siue non peccaret, adhuc ab æterno mediator DEI & noster homo CHRISTVS IESVS, agnus est occisus, & nedum ab origine mundi: esto actualis effectuator mortis, nonnisi ab origine mundi, scilicet à peccato primi hominis, decreta sit. Quod fortè & ideò est permissum, vt tanta bonitas, & tanta charitas effectuetur re ipsâ, quæ aliàs si homo non peccasset, effectuatâ non fuisset, licet pro effectuatâ à DEO æstimaretur, ob efficacem moriendi voluntatem, in Christo mediatore; Juxtâ illud Glossæ, super Epistolæ ad Rom: cap: 4. tum. *Ei qui habet voluntatem & facultatem, non sufficit bona voluntas; ei autem qui habet voluntatem & non facultatem, sufficit voluntas.*

6. CHRISTO igitur in præuisione DEI tunc cum tali voluntate & resignatione stanti, vi tantæ charitatis, quam ab æterno vt præsentem intuebatur DEVS, dati sunt omnes prædestinati Angeli & homines, vnicâ hâc conditione adiectâ, vt in eum fide viuâ crederent, quæ fides vnâ cum gratiâ fidem viuificantem, adhuc merito Christi illis, est destinata, prout & postea cum creabantur collata, idque tam Angelis, quam Protoplastis.

7. Superadditum tamen vtrisque liberum arbitrium, quo fidei illi, & gratiæ datæ sibi, pro posse cooperarentur, vniendo se cum pietissimo mediatore arctius & intensius. Qui autem impugnaret hunc mediatorem, abiicendo fidem in eum, & nihili æstimando gratiam per eum sibi datam, ille esset radix omnis malitiæ, & peccati, vel eo ipso perpetuo & irremediabiliter atque inuariabiliter malus, quod caput salutis Christum impugnauerit, cui tamen vel inuitus, in poenam tantæ superbix subiiciendus erat, vt contemptor gratiæ; qui ceu primus Pelagianista, totum suæ naturæ, nihil gratiæ, tribuebat, capiti gratiæ Christo, & nomini illius ter glorioso genu inclinaret, in quo oportebat eum saluum fieri, si voluisset.

8. Sic ego, cum humili tamen correctione Sanctæ Romanæ Ecclesiæ, pro tenuitate intelligentiæ meæ, existimo sanguinem & mortem agni, scilicet Christi, pertinuisse ad redemptionem Angelorum & hominum; ita intelligendo: quod inter DEVM & Angelos, mediauit Christus in sanguine suo affectione, sicut mediaisset & pro toto genere humano, in statu innocentix, si perseuerasset: iam verò inter DEVM & homines post lapsum, nedum affectione, sed executione mediauit, & strictè loquendo, hominum post lapsum verè est Redemptor per sanguinem crucis, quia eos verè à peccato, cuius serui facti erant, soluto pretio sanguinis sui, redemit; Juxtâ illud Apost: 1. ad Cor: 6. *Empti estis pretio magno.* Angelorum verò non ita propriè est Redemptor, sed potius deberet dici Præredemptor, quia in suo sanguine meruit eis ne laberentur. Quod vt intelligas.

9. Aduerte ex S. Bernardino Senensi, ferm: 60. de Relig: Christianâ a. 2. cap: 3. vbi illa verba Apoc: 12. de dracone, scilicet Lucifero de cælo proieceto,

RESOLVTIO DECIMA.

258

fecto, in Apocalypsi; *Et proiectus est accusator fratrum nostrorum*, ita interpreta-
tur. *Mirantur* (inquit) *quidam, quomodo Angelus primus, accusator actu fuerit ce-*
terorum? sed aduertant diligenter; quod sicut Dominus IESVS CHRISTVS, me-
diator erat totius creature rationalis ad DEVM, eò quod gratia eius toti rationali crea-
turae sufficeret ad salutem; licet aliqui mediatoris gratiam impugnantes, gratiã eius face-
rent se immunes: sic & ille superbiens Angelus, totius rationalis creature accusator erat;
cuius demeritum toti rationali creature ad damnationem sufficiebat, nisi CHRISTI
meritum pro datis sibi à DEO Patre, interuenisset. Quæ verba satis difficilia, ego
ita intelligo: quod sicut summa erat gratia, filium DEI incarnari, & ex sum-
mâ charitate, morti si opus foret etiam acerbissimæ destinari, ita summa mali-
tia erat, quâ maior esse non poterat, hanc DEI bonitatem impugnare, & Chri-
sti charitatem tantam spernere; adeò vt meritò pro hoc solo delicto, quod in
creaturâ rationali inuentum est, tota creatura deleteretur & damneretur. Et
hoc erat accusari fratres per draconem. Sed quia juxta D. Dionysium 4. de
Diu: Nom. *Bonum est potentius malo*; præuenerat iam Christus in Dei prædesti-
natione elucens, hanc malitiam, immensâ & summâ illâ charitate, quâ se pro
Dei honore, & prædestinatorû salute, ad mortem obtulerat, cuius charitatis intu-
itu, tam illi omnes electi dati sunt, sicut postea gloriatus est in carne viuens, dñ
dixit, Joan: 17. & 18. *Ecce quos dedisti mihi, non perdidisti ex eis quemquam*; ideo
eiusdē met charitatis respectu, isti qui dati sunt Christo, qui videlicet actualiter
Christum non sunt aspersi, à damnatione quæ eis certissimè obuenisset, sunt
præseruati, & in peccato illo Luciferi, non sunt inuoluti. Et pro tanto Christus
in sanguine suo dicitur redemisse à peccato etiam Angelos, qui etiam ratione
tantæ malitiæ inter ipsos exorta, non erant mundi antè DEVM; juxta illud
Job cap: 4. & 25. *Ecce stelle celi non sunt munda in conspectu eius, & in Angelis*
suis reperit prauitatem. Potest ergo Christus etiam rectè dici Angelorum redem-
ptor à peccato, hanc ratione, licet magis propriè dicitur Præredemptor.

10. Ex his iam manifestè apparet veritas doctrinæ nostri Doctoris su-
prà positæ, quâ docet; DEVM suâ præordinatione æternâ, estò illi non defue-
rint alij modi saluandi creaturas intellectuales, constituisse omnium salutem in
sanguine & morte filij sui incarnati, idque tam Angelorum, quam hominum:
licet hic sanguis Christi, aliter reconciliauerit DEO Angelos, & aliter homines;
Angelos scilicet præueniendo & præseruando, ne in peccato Luciferi & affec-
tum eius inuoluerentur; homines verò iam lapsos, à seruitute peccati redi-
mendo, per pretium liquidò solutum, de vitâ & sanguine vnigeniti filij DEI:
ita vt iam habeatur in sanguine Christi duplex redemptio, seu reconciliatio,
vna præseruatiua, & altera subleuatiua.

11. Tunc ad propositum de B. Virgine inuestigandum est, an illa ad re-
demptionem vel reconciliationem pertineat, in sanguine mediatoris Christi
Filij sui? Et iam palam est in Ecclesiâ DEI, Virginem Matrem non esse re-
demptam redemptione aut reconciliatione subleuatiuâ, quâ sunt de facto re-
dempti per sanguinem Christi homines, post lapsum Adæ. Quia Ecclesia in
Spiritu Sancto legitimè congregata ad Concilium Tridentinum, excepit à De-
creto

creto de peccato originali, Beatam & immaculatam hanc Virginem, ut potest eam, quæ non peccauit in Adam, ac proinde eò ipso contestata est Ecclesia, ipsam non indiguissse redemptione subleuatiuâ à peccato, in quo nunquam fuit. Et iam hanc veritatem persuasit Subtilissimus Doctor cum totâ suâ Scholâ & multis sequacibus, Ecclesiæ Sanctæ. Quare ei declarandæ amplius, non video cûr debeam insudare, nisi velim Soli meridiano lumen lucernæ addere, conatu planè ridendo.

12. Omnes ergò ad alteram redemptionem, scilicet præseruatiam, tanquam ad munitissimum Asyllum, Beatissimam DEI genitricem reclinarunt; pientissimo sanè studio, sed ut mea quidem fert sententia, puritati Virginis Matris non parùm obnoxio: cûm omnis qui agnoscit Virginem præuentam & præseruatam in sanguine Christi à peccato, teneatur eam agnoscere fuisse debitricem peccati Adæ, saltem debito remoto. Quòd debitum quam longè sit à Matre Virgine, vel hoc ipsum, quòd non sit Filia Adæ, declarat, prout in præcedentibus liquidò est declaratum.

13. Et sanè cûm hæc redemptio seu reconciliatio præseruatia, propria sit Angelorum, & fortè hominum in statu innocentia, si perseuerassent; Et Virgo Mater Regina sit Angelorum; non videtur æquum, eam eadem ratione cum seruis redimi. Si enim illa in Gloriâ, vltra tres hierarchias Angelicas, constituit quartam distinctam, cûr non & specialior redemptio, (si tamen redemptionis & reconciliationis nomine censeretur debet aut potest) ei tribuenda veniat de sanguine Christi, quem ipsamet Christo dedit? Maximè cûm scriptum sit, ut adducit de Psalmo 129. Doctor Subt: *Copiosa apud eum redemptio?* Si igitur triplex est naturæ intellectuales saluabilis coordinatio; vna eorum qui peccauerunt & egent gratiâ DEI; Altera eorum, qui non quidem actu peccauerunt, sed omninò peccassent, si Christo dati non fuissent; tertia eorum, qui nec actu peccauerunt, nec omninò peccabilitati obnoxij sunt, eò modò quo nunc beati in cœlo sunt impeccabiles, cûr non & triplex redemptio?

14. Hæc tertia classis solam Virginem Matrem complectitur, quæ & quartam Hierarchiam sola complet, & efficit in cœlo: huic ergò soli, quomodò aliud genus redemptionis à subleuatiuo & præseruatiuo competat, iugiter meditandum est.

15. Porro licet hætenus non agnouerint Scholæ hoc tertium genus redemptionis, seu potius salutis per Christi sanguinem, tamen SS. Patres agnouerunt, qui præstantiori genere redemptionis, Mariam redemptam pronunciarunt, quam Angelos. De ipsorum clara & disertâ testimonia. Primum est S. Hieronymi Orat: de Assumpt: B. V. *Angelorum quamuis celsior natura sit, non tamen gratia maior, quoniam & ipsi gratuitâ gratiâ ne corruerent sunt saluati. Vnde David. Verbo (inquit) Domini celi firmati sunt, & spiritu oris eius omnis virtus eorum. Quod si spiritu oris eius, omnis virtus eorum subsistit? constat Beatam & gloriosissimam VIRGINEM MARIAM, in quam superuenit Spiritus Sanctus, & DEVS totus illapsus, portatus nouem mensibus in utero, ut credendum est, ampliora promeruisse virtutum priuilegia. Secundum est D. Epiphaniij Orat: de Laud: B. V.*

B. VIRGO sublimior Angelis facta est, superior ipsis Cherubin & Seraphin, placens **CHRISTO** Regi, & à **DEO** in honore habita. Et mox. Quid dico, & quid proloquar? quo pacto beatam predicabo gloriæ radicem? solo enim **DEO** excepto, cunctis superior existis, naturâ formosior es ipsis Cherubin, Seraphin, & omni exercitu Angelorum. Tertium est D. Ambrosij, serm: 12. de Christo. Erat (inquit) lux vera, quæ illuminat omnem hominem; cû non illuminaret mundum? atq; ideo dies, quæ lucem humano generi peperit, prius ipsa eiusdem lucis fulgore resplenduit. Et serm: 16. Oriente saluatore, non solum humani generis salus, sed etiam solis ipsius claritas innouatur: sic ait Apostolus, ut per ipsum restauret omnia, siue quæ in cælis, siue quæ in terrâ sunt: si enim obsecratur Sol, cû **CHRISTVS** patitur, necesse est illum splendidius solito lucere, cum nascitur; & si Iudeis mortem operantibus, effundit tenebras, cû non **MARIÆ** parturienti vitam, exhibeat claritatem? Et in Comm: super Luc: cap: 1. Nec mirum, si Dominus redempturus mundum, operationem suam inchoauit à Matre, ut per quam salus omnibus parabatur, eadem primâ fructum salutis hauriret ex pignore. Quartum est, D. Bernardi serm: 22. in Cantica. Qui erexit hominem lapsum, dedit stanti Angelo ne laberetur, sic illum de captiuitate eruens, sicut hunc à captiuitate defendens: & hæc ratione fuit utriusque redemptio, soluens illum, & seruans istum. Ecce redemptio subleuatua, & præseruatua, illi homini, hæc Angelo facta. Ast de B. Virgine neutra potest verificari. Licet igitur hoc loco non adducat D. Bernardus tertium genus salutis per Christum, quia fuit dum vixit immaculatæ conceptioni B. Virginis contrarius, tamen alibi eam prædicat omnibus Angelis sublimiorem, & ita perfectiori ab Angelis salute beatam. Quintum est D. Dionysij Carth: A. 5. Hæc vniuersis Angelicis spiritibus facta est dignior, meritis maior, mercede felicior: quæ & omnium aerearum malitiam potestatum, prorsus in se ipsâ deuicit. Talia & his similia multa obuia sunt in SS. Patribus, ex quibus clarissimè colligitur, Mariam nobiliore genere redemptionis, per sanguinem Christi esse redemptam, quam Angelos.

16. Cû igitur constet de re, parum curandum est de nomine huius redemptionis, quæ soli Matri **DEI** est peculiaris, & ab eius nomine dici potest non tam redemptio, aut reconciliatio, hæc enim improprie spectant ad Virginem, sed sanctitas Mariana, descendens in Mariam à sanguine Christi. Tu voca ut vis, per me licet; dummodò in nomine exprimas sanctitatem Virginis, merito sanguinis Christi in eam deriuatam, nobiliori modò, quàm in Angelos, ut potè in non obnoxiam peccato, sicut fuerunt Angeli, sed ut in gloriæ & sanctitatis radicem, prout loquitur D. Epiphanius citatus suprâ.

17. Enimuerò ut declarem hoc genus sanctitatis Marianæ, quod illi soli & nulli alteri datum est in instanti suæ conceptionis. Suppono ex dictis tum Decade 1mâ Resol: 1. & 2. tum hic Decade hæc 2dâ sparsim, quòd stante hac ordinatione **DEI** ab æterno, quâ Christus ordinatus est in sanguine suo, in caput omnium saluandorum, non potuit ordinari nisi ut filius in naturâ humanâ Virgineâ, & consequenter ut à Matre Virgine generandus. Hinc S. Bernardinus Senensis serm: 61. de relig: Christianâ a. 2. cap: 6 ita determinat. Dignitas maternitatis **DEI**, sic operi incarnationis connexa est, quòd omnino aliter

non potuit dari. Quòd sanè S. Bernardinus profert, suppositâ hâc æternâ DEI ordinatione, in quâ nec Christum sinè Virgine Matre, nec Matrem Virginem sinè Christo, fas est considerari. Quia maternitas ista DEI, itâ intrinsecè respicit filium hunc, qui est homo DEVS, vt omninò repugnet esse hominem DEVM Virginis filium, & non esse hanc Virginem Matrem. Ob hoc igitur diximus in antecedentibus, Virginem Matrem pertinere ad caput, & esse quasi concaput cum Christo, respectu salutis omnium aliorum prædestinatorum: quia scilicet in prædestinatione DEI, simultanea est cum Christo, par illi in naturâ humanâ, & consubstantialis secundum carnem & sanguinem: ac proindè cum sic sit intima Christo, sequitur, quòd totum id quidquid Christus de eâ accepit, in ordine ad hoc, vt pro salute prædestinatorum exponeret per mortem, immediatè in Matrem effuderit ab æterno, vt itâ sicut ipsa Mater Virgo, dedit de suo carnem & sanguinem filio DEI, etiam ipsa prima esset, quæ de omni illo merito participaret, quod processit ex oblatione in mortem istius carnis & sanguinis, ab eâ filio dati; sicquæ secundum D. Ambrosium, ipsa Mater prima, fructum salutis hauriret ex pignore; & secundum D. Epiphanium, esset penes ipsam, sicut in fieri, gloriæ radix, itâ & in esse, habeaturque benedicta, nedum in mulieribus, sed & præ cunctis creaturis intellectualibus illâ, quæ vt loquitur S. Eusebius Gallicanus homil. 2. de Nat. Domini: *Mater est salutis humane, habitaculum immense Maiestatis, quæq; spem terrarum, decus seculorum, commune omnium gaudium, peculiari munere, nouem mensibus sola possedit, initiatorum omnium verum ex se innotuit, & profundendum pro mundi vitâ sanguinem, de corpore suo accipendum illi obtulit, vt de eâ sumeret, quod pro eâ solueret.*

18. Et sanè hoc genus salutis perfectissimæ, debuit descendere in Mariam, si CHRISTVS est perfectissimus Saluator in sanguine suo. Non sufficit enim adesse perfectissimum Salvatorem, saluare creaturas intellectuales lapsas per restaurationem, & quæ non sunt lapsæ, lapsui tamen obnoxia, eas reconciliare per præseruationem; nisi accedat tertius saluandi modus alicuius creaturæ, quæ non sit lapsa, nec lapsui obnoxia vnquam, & tamen esse naturæ, esse gratiæ, & esse gloriæ, sortiatur ab influxu in se summæ illius charitatis mediatoris, quâ se obtulit DEO Patri in mortem, pro salute omnium saluandorum. Sicut enim sanguis CHRISTI, præscindendo à præuisione peccati, ex summâ & solâ charitate mediatoris, oblatum est SS. Trinitati, effundendus pro eius gloriâ si opus foret; itâ necesse fuit, effectum tantæ charitatis, & istius oblationis sanguinis mediatoris, in aliquâ creaturâ intellectuali effectuari, dando tali creaturæ per istum sanguinem salutem, absque omni respectu ad peccatum præsens vel futurum.

19. Hanc ego salutem propriam Virgini Matri tribuo, quæ nec est subleuatiua, nec præseruatiua, sed vocabitur deinceps *Vnitiva*: quia in alijs creaturis intellectualibus, præcessit aliquomodo salutem disiunctio; quia iniquitas aut quæ insuit, aut quæ insuisset, diuiserat inter eas, & fontem salutis CHRISTVM: ast verò in VIRGINE gloriosâ, nulla talis præcessit salutem disiunctio, quia ex vi lux maternitatis virginæ, semper fuit CHRISTO itâ coniuncta

RESOLVTIO DECIMA.

255

ita, quòd exceptâ solâ vnione naturæ humanæ ad Verbum, nihil post DEVM ita erat fonti salutis CHRISTO vnitum, ac Virgo Mater.

20. Hinc est ergò, quòd SS. Patres supra citati, nobiliorem redemptionem, si tamen nomine redemptionis censenda est, agnoscunt in B. VIRGINE, quam in Angelis, quia quantò maior dignitas est esse Matrem DEI, quàm esse supremum ministrum DEI, tantò nobilior salus à sanguine CHRISTI descendere debuit in Mariam, quæ est Mater CHRISTI, quam in supremum Seraphim, qui solùm est supremus ex Ministris Christi.

21. Accedit. Quòd distincta Hierarchia data est B. Virgini in gloriâ cœlesti, superans in immensum omnem etiam supremam Hierarchiam Seraphinorum; Ergò eidem hîc data est summa gratia, & summa salus, ex merito IESV CHRISTI; quia gloria est, gratia consummata.

22. Sed dices. Si B. Virgo est concaput redemptionis & salutis cum filio suo Christo, quomodò potest esse particeps eius redemptionis, cuius est caput? alias sicut Christus, qui est caput salutis, à nullo potest dici haurire suam salutem vt à capite, sed solùm à Deo liberalitèr, ita & Virgo quæ est concaput. Atque ita, non habebit B. Virgo salutem ex sanguine IESV CHRISTI, quod est contra Ecclesiam & SS. Patres. Respondeo. Quòd B. Virgo consideratur duplicitèr, aut quâ persona nobilissima in naturâ purâ intellectuâli creatâ: aut vt Mater realis & vera nostri capitis Christi. Primo modo considerata, est vna creatura, estò nobilissima, tamen adhuc non habens pondus æqualitatis, imò nec proportionis ad gloriam essentialem, nisi in sanguine mediatoris, sicut & Angeli, & homines in statu innocentia. Et pro tanto non est concaput cum Christo, respectu salutis aliorum, sed & ipsa haurit salutem à Christo mediatore in sanguine eius. Secundo modo considerata, est iam concaput respectu nostri, vt potè Mater nostri capitis, nec vt sic accepit salutem à Christo, quia supponitur iam accepisse, quâ persona ad hanc maternitatem ordinata: implicat tamen ex hoc, quia sic ordinata ad maternitatem, maiorem gradum salutis obtinuit, quam aliæ personæ in naturis intellectuâlibus; quia scilicet non fuisset sibi data tanta gratia, si non fuisset sic ordinata ad hanc maternitatem, sicut data est ex hoc, quòd est sic ordinata.

23. Nec est paritas de eâ & Christo; quia à Christo vt capite, non est separabilis ratio personæ Diuinæ, subsistentis in naturâ humanâ; à Beatâ verò Virgine, est separabilis ratio personæ, à maternitate capitis nostri, quia prius est persona hæc, quam Mater. Ast Christus nunquam præcessit vt persona, esse capitis nostri, sed simul ac subsistit in naturâ humanâ, datus est in caput nostrum à Deo, in quo oporteat nos saluos fieri; Ergò quamuis Christus

non possit dici sui ipsius redemptor, potest tamen dici redemptor

ptor Virginis Matris, modo prædeclarato. Hæc de

istâ secundâ Decade, dicta sufficiant.



DECAS III.

AD complementum ædificij, spectare tectum, quo superimposito, ab inclementijs extrinsecis tutum & immune permaneat totum ædificiũ, nemo diffitebitur. Hinc & nobis, postquàm in fundamento primæuæ Virginitatis & Spiritualitatis naturæ humanæ, ædificauimus domum aureã Immaculatæ Conceptionis DEIPARÆ, superinducendum est tectum, quod illam tueatur ab externis iniurijs. Has porrò iniurias extrinsecas, quæ possent irruere in hoc ædificium, existimo posse erumpere ex his, quæ contrà tantam conceptionis Virgineæ puritatem possunt adduci, vt sunt infirmitates, & pænalitates naturæ lapsæ, quæ fuerunt in B. Virgine. Ab his ergò muniendam Virginem duximus, per subsequentes decem Resolutiones. Quorum quidem sit

RE.

R

B. VI
Abrah
eius co
cin

V

petuolili
& irruerint
stat, omnes
cũ sit fun
mum hanc
quia tales in
naturam in
VIRGINE
gratiæ, quæ
his & cor

2. A
pomouetur
VIRGO fu
ortum duc
conception
ne seminis
tum? Obl
catum orig
tũr examin

3. Su
matio pote
alicuius cer
Vel vt fuit
dine ad cura
riur: Vel v
rationem cur

RESOLV T I O

P R I M A.

B. VIRGO non est decimata in lumbis Abrahæ, sicut Leui, sumendo conceptionem eius completiue; etsi aliquomodo dici possit decimata, sumendo conceptionem eius inchoatiue.

II.

VT manifestè appareat, quod domum hanc suam, non iam vir sapiens, sed ipsa DEI Sapiencia, sic ædificauerit, supra petram virginis naturæ humanæ, quod licet super eam descenderint impetuosiissima aduersantium flumina, & flauerint validissimi iniuriarum venti, & irruerint fortissimi procellarum spiritus, ipsa nihilominus intrepida subsistat, omnesq; propulset incommodorum conatus, ne vnquam cadere possit, cum sit fundata supra firmam petram; assumimus negotium protegendæ domum hanc, singulis huiusmodi iniurijs, viam ad eam præcludendo. Et quia tales iniuriæ præcipuum ducunt ortum ex infirmitatibus & pœnalitatibus, naturam inquinatam peccato originali, consequentibus, quæ fuerunt in VIRGINE, item ex decimatione in lumbis Abrahæ, tum ex incremento gratiæ, quæ videbatur augeri in ipsâ, & ex alijs similibus fontibus, ideo ab his & eorum impetibus, VIRGO omnino vindicari debet.

2. A decimatione igitur VIRGINIS in lumbis Abrahæ, incipiendo, pomouetur Resolutio præsens. Cuius quidem tituli, sensus est iste. An B. VIRGO fuerit obligata, ex vi propagationis, quâ ab Adam per Abrahamum ortum ducens, ad soluendas decimas pro se, quatenus in primo instanti suæ conceptionis, subsistit vt persona completa in esse naturæ humanæ, idq; ratione seminis decisi à parentibus, ex quo corpus eius, vt de materiâ, est formatum? Obligatio enim ad talem decimam exoluendam, videtur insinuare peccatum originale inesse vel inuisse aliquando, personæ sic obligatæ. Hoc igitur examinando

3. Suppono ex D. Bonauenturâ in 3. distin. 3. a. 2. q. 1. Quod decimatio potest considerari tripliciter; vel vt fuit actus moralis, scilicet donatio alicuius certæ partis, facta ijs qui sunt deputati specialiter cultui Diuino: Vel vt fuit actus Sacramentalis, scilicet donatio alicuius certæ partis, in ordine ad curationem morbi originalis, qui sic in lege naturæ curatus supponitur: Vel vt fuit actus figuræ, scilicet donatio decimæ partis, ad præfigurationem curationis vniuersalis, quæ futura erat per oblationem CHRISTI.

T t t

Hic

Hic non est sermo de decimatione morali, quia hæc etiam modò est in Ecclesiâ, & pertinet non ad eos qui sunt in lumbis parentum, sed ad præsentēs nunc viuentes. Nec est sermo de decimatione Sacramentali, quia & hæc in lege naturæ supposebat præsentēs viuentes, in peccato originali natos ex utero, non verò vt in lumbis existentes: solum igitur loquitur Resolutio de decimatione figurali, quæ ex ratione suâ, quatenus signatio est, nedum respicit præsens, sed etiam futurum. Et hoc modo dicuntur filij Abrahæ decimati in lumbis Abrahæ, quia per illam decimationem, quam Abraham obtulit Melchisedech Regi & Sacerdoti, præfigurati sunt omnes filij Abrahæ, fore curandi per eum, qui figurabatur per Melchisedech, id est, per verum Sacerdotem Christum. Hoc supposito.

4. Videtur immaculatæ conceptioni DEIPARÆ VIRGINIS, obesse hæc Abrahæ decimatio figuralis, quâ à Melchisedech decimatus legitur Gen: 14. Cum enim B. VIRGO tunc fuerit in lumbis Abrahæ, sicut & Leui, quem Apostolus ad Hebr: 7. dicit esse decimatum, tanquam curandum postea à morbo originali per CHRISTVM; sequitur, quòd & B. VIRGO sit tunc decimata; & si decimata, Ergò obnoxia peccato originali; quia quicumque de lumbis paternis procedit, reus est peccati originalis, cum concipiatur & nascatur ex voluntate viri, & concupiscentiâ seu voluntate carnis.

5. At hæc Abrahæ decimatio, non obest immaculatè conceptæ VIRGINI, licet obsit omnibus alijs, quicumque tunc fuerunt in lumbis Abrahæ. Quòd ostendo primò sic. MARIA ex eadem tribu Leuiticâ processit, ex quâ & CHRISTVS, Sed CHRISTVS non fuit decimatus in lumbis Abrahæ, quia non per propagationem libidinofam vt cæteri, sed castè & ex operatione Spiritus Sancti, processit. Vti hoc asserit D. August: Lib. 10 super Gen: dicens. *Non autem ille decimatus est, cuius caro inde non feruorem libidinis sed materiam medicaminis traxit. Nam cum ipsa decimatio, ad figurandam medicinam pertinuerit, illud in Abrahamo decimabatur, quod curabatur, non illud undè curabatur.* Ergò etiam VIRGO Beata non fuit decimata in lumbis Abrahæ. Consequentia patet. Quia ita VIRGO MARIA sicut CHRISTVS, non per feruorem libidinis, sed castè & mundè, de lumbis parentum processit, ex quo materia seminalis parentum eius, ab omni libidine amota, & ab omni infectione defæcata fuit, vt iam supra probatum est. Ergò &c.

6. Secundò ostendo id ipsum sic. Beata VIRGO non curabatur à CHRISTO, medicinâ subleuatiuâ, quali omnes filij Abrahæ curati sunt, & vsq; modò curantur: nec etiam curabatur propriè loquendo, medicinâ præferuatiuâ, vt Resol: 10 Decadis 2dæ, ostensum est. Imò absolutè non curabatur, sed solum vniebatur sanctitate vnitiuâ cum CHRISTO, soli VIRGINI MATRI eius propriâ, esto tamen hæc vnitiua sanctitas, daretur Virgini intuitu CHRISTI, Ergò Beata Virgo non decimabatur in lumbis Abrahæ, nec consequenter fuit peccato originali obnoxia vt Leui. Confirmatur. Quia decimatio illa, idem erat quod præfiguratio curatio-

nis, vt

nis, vt explicauimus supra, Ergò si Virgo non indiguit curatione, certè nec præfigurabatur vt curanda, nec decimabatur.

7. Tertiò sic. Ad hoc vt posteri Abrahæ dicerentur decimati in lumbis eius, necessaria fuit institutio & ordinatio DEI, seu pactum: nisi enim actiones Abrahæ, ex Diuinâ ordinatione instituerentur ad significandum aliquid, quod postea à posteris Abrahæ omninò obseruandum esset, certè posterii illius non tenerentur obseruare illud: Sicut & posteri Adæ, non contraherent peccatum originale, nisi pactum DEI circa hoc cum Adamo præcessisset, Sed potuit DEVS eximere Virginem gloriosam, à pacto cum Adam inito, respectu Iustitiæ Originalis, vel debiti contrahendi peccatum, Ergò etiam potuit illam eximere ab ordinatione decimationis in Abraham, ita quod quamuis ortum duxerit ab illo, cum totâ tribu Leui, tamen ad onera Leui non teneretur, ex speciali priuilegio exemptionis.

8. Quartò sic. Magister sententiarum Dist: 3. lib: 3^{ti} ex D. Augustino dat rationem, quare CHRISTVS non sit decimatus in lumbis Abrahæ? *Quia decimatio præfigurabat futuram curationem: quia autem CHRISTVS in lumbis Abrahæ, non erat sicut curatione indigens, sed potius sicut medicina, hinc est, quod decimatio ad ipsum non pertinebat.* Tunc ego infero. Sed etiam Beata VIRGO non erat ibi vt curatione indigens, quia ex æternâ sui prædefinitione, ad maternitatem DEI VIRGINEAM, semper futura erat homo purissimus, & caro eius, vt ad assumendum Verbo ministranda, erat medicina; vt iam Decade secundâ probaui: Ergò sicut non ad CHRISTVM, ita nec ad MATREM eius VIRGINEM, illa decimatio pertinebat.

9. Quintò sic. Eâ ratione Abraham dicitur decimatus à Melchisedech, quâ fuit minor Melchisedech, Sed Beata VIRGO non fuit minor Melchisedech; Ergò non est decimata in Abraham. Maior est, tum Apostoli ad Hæbreos cap: 7. *Sine ullâ (inquit) contradictione, quod minus est, à meliore benedicitur.* tum Magistri Sententiarum in 2. dist: 3. vbi sic loquitur. *Eâ decimatione, sicut Abraham minor Melchisedech ostenditur, cui personaliter decimas soluit; ita & Leuiticus ordo, qui in Abraham secundum rationem seminalem erat, & ex eo per concupiscentiam carnis descendit.* Minor probatur. Quia siue Melchisedech sumatur in se, siue vt erat figura CHRISTI, Virgo non est minor illo; quia est indiuiduum naturæ humanæ nobilissimum, & tam ratione corporis, quàm ratione animæ, homo talis, qualem ab initio creationis intenderat DEVS, proinde Melchisedech in se sumpto, maior, & eidem vt figuram gessit CHRISTI, par; quia ipsi CHRISTO in naturâ humanâ æqualis.

10. Sextò sic. Eâ ratione Leui decimatus est in Abraham, quâ ratione per concubitus venturus erat in Matrem, mediante decisione feminis paterni, Sed B. Virgo non sic per omnia ventura erat in Matrem suam, sicut Leui: quia licet antecesserit concubitus parentum, conceptionem B. Virginis, tamen non ex concupiscentiâ, sed ex diuinâ charitate, contrâ

contrà voluntatem carnis, vt suprà dictum est. Licet etiam deciderint semina parentes Virginis, tamen ex illis seminibus non ita prodijt Beata Virgo, sicut solent prodire alij Adamici; quia in organizatione corporis Virginis, magis operabatur; imò totum fecit gratia, non natura, vt Decade 2dâ deduximus; Ergò Beata Virgo non est ita decimata sicut Leui. Confirmatur. Quia Beata Virgo de semine parentum orta est, potius ratione mysterij insertionis naturæ nostræ corruptæ in CHRISTVM, quam ratione legis carnis, Ergò non sic est decimata in Abraham, sicut omnes alij, qui secundum legem carnis venerunt.

11. Septimò sic. Eâ ratione homo decimatur in lumbis paternis, quâ ratione postea ex lumbis paternis egreditur, Sed non egreditur ex lumbis paternis, nisi secundum animale: nihil enim aliud generat Pater in prole, nisi id quod est animale; vt Decade 1mâ docuimus; Ergo qui sic non egreditur ex lumbis paternis, ille non decimatur: Sed Beata Virgo non est sic egressa ex lumbis paternis; quia in eâ non est productum animale vi seminum, sed statim fuit homo purissimus, & incorruptus, & ab omni animalitate, & animâ seminali, & eam consequentibus, immunis, in instanti suæ conceptionis, Ergò Beata Virgo non est decimata, strictè loquendo, in suâ conceptione completâ,

12. Octauò sic. Quia caro CHRISTI & caro Mariæ, sunt vna caro, Ergò si caro CHRISTI, non est decimata in Abraham, sequitur, quòd nec caro Mariæ. Respondebis negando paritatem: quia caro CHRISTI non erat ibi secundum rationem feminalem, sed benè caro Mariæ; prout expressè vult D. Augustinus, relatus à Magistro in 3. dist. 3. dicens. *Secundum rationem feminalem ibi fuit Leui, quâ ratione per concubitus venturus erat in Matrem, secundum quam rationem non erat ibi CHRISTI caro, quamvis secundum ipsam ibi fuerit Mariæ caro.* Sed hæc responsio non obstat. Quia licet caro Virginis, venerit per concubitus in Matrem, hoc tamen solum inchoatiuè, scilicet ratione mysterij insertionis naturæ nostræ corruptæ, in naturam Virgineam Christi, non verò completiue, cum carnalitate & animalitate, sicut venerat caro Leui, quare dictum S. Augustini solum inchoatiuè procedit, non completiue, de carne B. Virginis.

13. Nonò sic. Doctor Subtilis in 3. dist. 3. q. 2. sub ipsi finem, citans D. Anselmum lib: de conceptu Virg: cap: 10. & 19. dicit. Quod D. Anselmus vult, quòd innocentie CHRISTI, potest poni duplex ratio; scilicet: sanctificatio VIRGINIS MATRIS, & miraculosa formatio corporis, non per propagationem communem; & vtrique per se sufficeret, vt CHRISTVS innocens nasceretur: inde patet ratio decimationis Leui, & non CHRISTI. Hæc ille. Sed in Beatâ Virgine hoc secundum fuit, scilicet, quia vis seminalis sic est miraculosè eleuata, vt produceret statim organicum corpus, in ordine ad solam animam intellectiuam, non verò ad animale, quæ vi seminum suscitatur dispositiue in nobis; & hæc causa sufficit ad hoc,


RESOLVTIO PRIM A.

262

Hoc, quod caro sic miraculosè formata, non sit decimata in Abraham, sicut caro Leui, secundum Doctorem Subtilem ubi supra, Ergò B. VIRGO sicut & CHRISTVS, ex ratione miraculosæ formationis corporis, decimata non est.

14. Dices. Saltè ratione seminationis, quod scilicet B. Virgo est seminata à parentibus, quomodo CHRISTVS seminatus non est, videtur esse decimata, & ita peccato originali obnoxia, saltè remotè. Respondeo distinguendo assumptum. Si ista seminatio sortita fuisset effectum in B. Virgine, causando in eâ corruptionem & degenerationem naturæ, concedo; sed quia non est sortita talem effectum, præueniente digito DEI, ne vi seminum, consurgeret in B. Virgine quidquam seminale, naturæ eius Virgineæ corruptiuum, iam nego.

15. Et per idem soluaturs ratio in contrarium, posita paulò post principium Resolutionis. Decimatio enim, non tantum respicit esse in lumbis, sed etiam modum essendi secundum traductionem originalis peccati, quod non est natum traduci, nisi per animalizationem & carnalizationem naturæ prolis; quibus B. Virgo caruit.





R E S O L V T I O S E C V N D A.

Necessarium fuit, stante lapsu naturæ humanæ, corpusculum VIRGINIS MATRIS inchoatiuè seminari: ita tamen, vt per hoc non traduceretur in VIRGINEM, peccatum originale; id exigente mysterio nostræ reparationis.



1. Quoniam resoluius, B. VIRGINEM, estò fuerit seminata à parentibus, non tamen decimatam fuisse in lumbis Abrahæ, eò quòd non secundum legem carnis præcisè & completè, sed secundum mysterium nostræ reparationis, sit seminata solum inchoatiuè; sicque euitauerit obnoxietatem respectu peccati originalis: consequens igitur est, vt hoc mysterium amplius explicemus, quatenus luculentè appareat, non posse inferri obnoxietatem peccati originalis in B. Virgine ex eo, quod per mysterium in eà gestum est, & non per legem corruptæ naturæ.

2. Porro hoc mysterium consistebat in eo, vt caro CHRISTI aliquo modo esset de massâ peccatrice, vt ita in eà esset ratio veræ passibilitatis, & supportatio nostræ infirmitatis, ac eius per mortem destructio, nouique hominis, qui secundum DEVM creatus erat ab initio, per resurrectionem reproductio: ad quod mysterium complendum, oportuit carnem B. Virginis Matris Christi, esse saltè inchoatiuè de semine maledicto ab initio, vt scilicet tota natura de semine maledicto, ab Adamo vsque ad Virginem propagatâ, vel eo medio infereretur, quod B. Virgini non obesset, & toti massæ corruptæ naturæ, prodesset. Et hoc medium non aliud inuenit Diuina sapientia, nisi seminationem corpusculi Virginis, Matris Redemptoris & Reparatoris nostri, absque libidine tamen, & ex Diuinâ charitate, contra voluntatem viri & carnis, procedentem, & ex præuentione seu potius speciali directione & assistentiâ Diuinâ, nihil carnalitatis & animalitatis, per quam fit caro peccati, in carnem Virginis introducentem. Hoc enim medio, sapientia Diuina, & honori Matris suæ consuluit, & massam peccatricem (mediate carne Virginis, de semine vt de materiâ formatâ, manu DEI, non vi seminum: ac propterea immaculatâ & à peccato segregatâ) in se suscepit.

3. Hanc ego doctrinam haurio ex Doct. Seraphi: in 3. dist: 3. a. 3. q. 1. Vbi respondens illi argumento. *In Christo debuit esse maxima puritas, Sed magis*

purum

purum est, quod nunquam fuit inquinatum, quàm illud, quòd aliquandò inquinatum fuit, Ergò videtur, quòd caro *CHRISTI*, nec in se, nec in parentibus, subiacerit feditati corruptionis vel carnis. Ita docet. Ad illud quod opponitur, quod maxima puritas debet esse in carne *CHRISTI*; dicendum, quod verum est, secundum quod competit ad reparationem humani generis: sic autem intelligendo, non potest maior puritas cogitari, quàm cum de massa peccatrice formatur caro, omninò immunis à peccato: quòd si intelligatur caro illa, nunquam in se vel in parentibus fuisse obnoxia, (supple peccato) non sic cogitatur, qualis nostræ redemptioni fuerit apta, & ideo non cogitatur qualiter & sicut debet, sed potius signatur qualiter non debet. Hæc S. Bonaventura.

4. Jam verò, quòd formari secundum corpus manu *DEI* de semine, quod est seminari inchoatiuè, ratione mysterij prædicti, non obsit B. Virginis purissimæ conceptioni, ostendendum est. Proinde suppono. Duplicitèr nos posse loqui de carne B. Virginis: aut quantum ad materiam, vnde sumpta est, aut quantum ad formam, secundum quam animæ coniuncta est. Iterum quantum ad materiam vnde sumpta est, duplicitèr; prout & materia de quâ in præsentī est sermo, scilicet semen, duplicitèr consideratur: vel purè materialitèr, quales sunt in semine partes grossæ, pertinentes ad filiquam seminis: vel non purè materialitèr, sed cum aurâ & spiritu formatore simul, latente in filiquâ. Hoc supposito

5. *DICO 1.* Si loquamur de carne Mariæ, secundum materiam purè materialitèr acceptam, de quâ caro illa facta est digito *DEI*, sic caro illa pertinet ad massam peccatricem purè materialitèr, & sic potest dici propagata ab Adam, seminata à parentibus, decimata in Abraham. Et hoc sufficit ad implendum mysterium præfatum, non tamen obest puritati conceptionis B. Virginis. Quod sufficiat; patet ex se: quia talis caro, assumpta est à Verbo materialitèr, qualis fuit purè materialitèr in B. Virgine. Quòd verò non obsit puritati carnis B. Virginis, vt pateat: pro hoc.

6. *DICO 2.* Si loquamur de carne Mariæ, secundum materiam non purè materialitèr, sed cum aurâ seminis & spiritu formatore organorum & dispositionum ad animam seminalem acceptam, prout scilicet sunt corpora omnium Adamicorum de semine; sic caro illa non est formata de semine, nec pertinet ad massam peccatricem, nec potest dici propagata ab Adam, nec seminata à parentibus, nec decimata in Abraham. Probat. Quia illa sola & omnis caro dicitur esse de massa peccatrice, quæ formatur vi seminum, & aurâ formatrice illorum agente, ad introducendas in carnem de semine ortam, dispositiones naturæ corruptæ & animalizatæ; Sed caro B. Virginis; Juxta dicta Decade 2dâ, non est formata vi seminum, cum dispositionibus ad carnalitatem, & animalitatem, sed præcisè ad recipiendam immediatè animam intellectiuam, est organizata, & disposita, eleuante manu *DEI* actionem seminum, Ergò &c.

7. *DICO 3.* Si loquamur de carne Mariæ secundum formam, sic caro illa, nullo modo pertinet ad massam peccatricem, nec ad Adamum, aut Abrahamum, aut ad parentes proximos; sed est talis, qualis fuisset in statu innocen-

nocen-

nocentia, de Spiritu Sancto & Virgine Matre formata, si ille status perfectiorasset. Probatum & declaratur hoc. Quia caro sic accepta, est caro in facto esse, habens iam esse completum, & ex vi nominis, non nominat materiam ipsam, sed formam perfectissimam carnis; Sed hæc forma carnis, non habetur in B. Virgine ex vi propagationis Adamicæ, sed à manu Creatoris; Ergo talis caro, non pertinet ad massam peccatricem.

8. Confirmatur. Quia illud dicitur procedere secundum rationem seminalem, quod exit in esse secundum virtutem & operationem naturæ corruptæ, vi seminis disponentis ad animalitatem, qualiter illa omnia procedunt, in quorum productione, natura non solum se habet per modum obedientis & suscipientis, sed etiam per modum agentis & dantis completionem. Hoc enim importat, hoc quod dico seminalis ratio, propriè loquendo. Verba sunt S. Bonaventuræ in 3. dist: 3. a. 3. q. 2. Sed corpus B. Virginis, secundum formam, & esse suum completum, non sic processit, ut Decade 2dâ Resol: 3. tiâ ostendimus, Ergo non secundum rationem seminalem processit completivè, & ita non pertinet ad massam peccatricem, nec ad Adamum, nec ad Abrahamum, nec ad parentes proprios. Hinc ut exactè percipiatur hæc doctrina, infero quasi.

9. Corollarium. Quod Adam temerante virginitatem Eux, ex æstro concupiscentiæ, de pomo comesto in vitroque illorum exorta, statim secuta est generatio belluina, quâ generatus est V. G. Seth in carne peccati: & quia hæc generatio attentata ab Adamo, naturam totam degeneravit, hinc rursus à Seth ad eius Filios, & ita consequenter ad omnes alios, per propagationem naturæ vitiatæ producendos, mediante semine pertransiit; respectu quorum omnium, semen decisum à lumbis, habuit virtutem sufficientem, & non præventam de super ad inducendam carnalitatem, & animalitatem in carnem, cum omni dispositione ad animam seminalem. Vbi verò ventum est ad illam Personam, de quâ definitum erat ab æterno, ut Christus nasceretur secundum carnem, qui hanc corruptionem naturæ restauraret, tum conceptu suo de Virgine & Spiritu Sancto, tum applicatione sui ipsius unicuique sic Adamicè genito, in Baptismo quidem inchoativè, in communionem verò Eucharistiæ completivè; iam decisus seminibus, idque sine omni libidine à sterilibus parentibus, stetit omnis sequens hanc decisionem actio corruptæ naturæ, & loco eius successit actio supernaturalis manus DEI, quæ de semine deciso, ut de purâ materiâ, efformavit tale corpus Matri Dei futuræ, quale fuit Eux in paradyso; eò quod in suo esse completo tale esset, de quo ita Spiritus Sanctus formaret humanitatem Christi, sicut formasset in statu innocentia, de corpore Eux, humanitatem cuiuslibet prædestinati. & hoc est quod dico, B. Virginem in esse completo corporis sui, non respicere massam peccatricem, nec Adamum pro parente.

10. Confirmatur hæc doctrina ex D. Bonaventurâ in 3. Dist: 3. A. 3. q. 2. Vbi habet hæc verba. *Quamvis in aliquo semine sit ratio seminalis, secundum quamlibet eius partem, saltem formalem, (ecce S. Doctor distinguit semen in duo, in purè materiale, & in formale, sicut & nos in Supponendo hic distinguimus)*

R E S O L V T I O S E C V N D A.

265

mus) ut ex eo aliquid posset fieri, tamen si DEVS aliquid faciat ex illo semine, ad quod non habebat ordinationem secundum naturam, dicitur id fuisse in illo semine solum secundum corpulentam substantiam, non verò, secundum rationem seminalem; quia semen illud, respectu illius quod DEVS educit, non habet vim sufficienter actiuam, sed passiuam, secundum quam subministrat corporalem substantiam. Quæ doctrina S. Doctoris, si ad CHRISTI corpus applicaretur, prout ille ipse vult, nulla est: quia supponit, in B. Virgine fuisse semen respectu corporis CHRISTI, ita sicut est & in alijs matribus generantibus suas proles in peccato; quod tamen est plus quam falsum. Nam Mater ista, non esset Virgo formaliter, sed solum materialiter, si in matricem suam decidisset aliquomodo semen respectu proles, estò sine consortio viri; Virgo autem mater CHRISTI, caruit semper ita semine prolifico, ac infans, imò plus quam infans recentèr natus. Et quod dicitur de ipsa Gen: 3. *Inimicitias ponam inter semen tuum, & semen mulieris*: hoc sicut non procedit de ouis serpentum, quæ sunt semina illorum, ita nec de semine prolifico in B. Virgine, sed procedit de filijs Diaboli, & tenebrarum, quorum Diabolus seducta Euà, Pater effectus erat, & de filijs lucis & DEI, quorum Virgo Dei-para iam tunc destinabatur futura mater, in pariendo vnicum Filium DEI incarnatum, & nos restaurantem in Filios Dei. Tota igitur seraphica ista doctrina, procedit de semine deciso à Parentibus Virginis, de quo Virgo solum vt de materiâ processit, non verò vt de agente. Hæc de seminatione corporis Virginei. De mysterio verò nostræ reparationis.

11. Supponendum est primò. Triplicem fuisse obligationem in Christo vt mediatore & redemptore. Prima fuit ad redimendum ab originali peccato principalius quam à cæteris peccatis. Et hoc colligitur ex illo ad Rom: 5. *Sicut per inobedientiam vnius hominis, peccatores constituti sunt multi, ita & per vnius obedientiam, iusti constituentur multi.* Quod de Adam inobediente & de Christo obediente vsq; ad mortem, communiter intelligunt Sancti Patres. Idem colligitur ex Concilio Toletano 6. Vbi dicitur. *Solum filium fatemur ad redemptionem generis humani, propter culpam debitam, quæ per inobedientiam originaliter contraxeramus, resoluenda, venisse.* Eiusdem sententiæ est D. Greg: in 4ti Reg: Cap: 1. dicens. *Si Adam non peccaret, Redemptorem nostrum carnem suscipere nostram (supple, passibilem) non oporteret.* Id ipsum quoq; colligitur ex mente vniuersalis Ecclesiæ, quæ in benedictione Cerei Paschalis canit. *O certè necessarium Adæ peccatum, quod morte Christi deletum est!* Ex quibus habetur, quod Christus principalius obligabatur ad redimendum genus humanum à peccato originali, quam ab actualibus. Et hæc erat prima obligatio eius.

12. Secunda obligatio Christi mediatoris & reparatoris erat, ad placandum offensam DEI generi humano, non qualitercunq; sed summè. Et hoc colligitur ex illo Jsa: 49. Vbi Deus appellatur, *Redemptor fortis.* Et Psal: 130. *Apud Dominum misericordia, & copiosa apud eum redemptio.* Et ad Ephes: Cap: 1. *In quo habemus redemptionem per sanguinem eius, secundum diuitias gratiæ eius, quæ superabundauit in nobis.* Ex quibus & alijs permultis patet, Christum fuisse redemptorem nostrum summo modo.

x

13. Ter-

13. Tertia deniq; obligatio fuit in CHRISTO, ad redimendum plus Beatam Virginem Matrem suam, quam ceteros homines. Et hoc colligitur ex eo, quod de semetipso CHRISTVS dicebat Math: 5. *Non veni solvere legem, sed adimplere.* Et Joan: 14. *Diligo Patrem, & sicut mandatum dedit mihi Pater, sic facio.* Et Ibid: Cap: 15. *Ego Patris mei praecepta servavi, & maneo in eius dilectione.* Et alijs multis ex locis. Praeceptum autem Diuinum satis clarum est, de honorandis Parentibus supra ceteros Proximos; Juxta illud Exod: 20. *Honora Patrem tuum & Matrem tuam, &c.* Supra quæ reflexus D. Ambrosius ait. *Sic multorum charitas inordinata est, quod in primo ponunt tertium & quartum; primo enim DEVS diligendus est, secundo parentes &c.* Et D. Hieron: Lib: 13. sup: Cap: 44. Ezech: dicit. *Post omnium Patrem DEVM, carnis quoque Pater diligatur & Mater.* Et Magister Sent: in tertio Dist: 29. ait. *Obuiat illud praeceptum Legis de diligendis parentibus, ex Deutoron: 5. Honora Patrem tuum & Matrem tuam, ut sis longeuus super terram. Ut quid enim specialiter illud praeceperetur de Parentibus, nisi maiori dilectione forent diligendi?* Id ipsum stringit quemlibet in lege naturæ; Juxta illud Ioannis Gerson. *Ius naturale omnibus commune est, ut filius debeat honorare Matrem.* Ex quibus patet, quod plus obligatus fuit CHRISTVS ad redimendum à peccato originali Matrem suam, quam ceteros hominum; iam enim non benè honorata fuisset, si eam non præsauerasset CHRISTVS filius suus à peccato tali. Juxta illud præfati Gersonis Ser: de Concept: B. V. *Nulla ratione sufficienter honoraretur Mater DEI, si inhonestum peccatum in eâ aliquo tempore dominaretur.*

14. Supponendum est secundo. De præseruatione Virginis à peccato originali, nos hic loqui, non solum quoad substantiam, sed etiam quoad modum. Quoad substantiam quidem, id est absolutè respiciendo immunitatem & puritatem Virginis, quâ excelluit supra omnem creaturam. Quoad modum verò, id est, includendo respectum ad peccatum à quo est præseruata redemptione; quarum posterior, hanc formalitatem superaddit ad priorem, quod hæc sit respectiua, illa verò absoluta; nam præseruatio Virginis quoad substantiam, fuit ad gratiam coruam animæ Virginis sanctificatiuam illius; præseruatio autem eius quoad modum, fuit ad eandem gratiam ut vnitiuam Animæ eius cum puritate Filij. Triplicem enim esse redemptionem in vniuersum, docuimus supra, scilicet, Subleuatiuam, Præseruatiuam, & Vnitiuam, quæ est propria Virginis gloriosæ. Ex his ergò ad propositum descendendo.

15. DICO. Mysterium reparationis nostræ hoc exigebat, ut non traderetur peccatum originale in Virginem, sed corpusculum eius purissimè seminaretur, ita quod Mater CHRISTI fuerit præseruata ab omni maculâ peccati, in carne & in Animâ, tam quoad substantiam, quam quoad modum, & tam in intentione æternâ, quam in executione temporali, idque per merita CHRISTI filij sui. Probat. Sinè dubio Virgo præseruata fuit per merita CHRISTI à peccatis actualibus, quæ sunt minora peccato originali, & non ita exigitiua redemptionis, sicut originale, Ergò multò fortius præseruauit illam à

pecca-

peccato originali, quod est maius. Antecedens definitum est per Concil: Trident: Sess: 6. Can: 23. Vbi dicitur. *Si quis dixerit, hominem semel iustificatum, posse totâ vitâ peccata omnia etiam venialia vitare, nisi ex speciali DEI priuilegio, quâ admodum de Beatâ Virgine tenet Ecclesia. Anathema sit.* Id ipsum definiuit Concilium Claramontanum, & habetur ex communi Sanctorum Patrum sensu, Ergo &c. Consequens patet. Quia Christus principalius debuit redimere à peccato originali quam ab actualibus, vt deductum est modò. Ergo &c. Tum quia Christus visitauit nos ex alto per viscera misericordiz suæ. Vt dicitur Lucæ 1. Sed si Christus non fuisset redemptor Virginis gloriosæ, iam redemptio eius non fuisset per viscera misericordiz; Nam D. August: Lib: 9. de Ciuit: Dei Cap: 5. ait *Misericordia est, miseria alienæ quædam in nostro corde compassio, quâ utiq; si possimus, subuenire compellimur.* Ergo principalius eam debuit præseruare ab omni labe peccati, quam quoscunq; alios, maximè cum hoc subfit potentiz eius, Ergo vel fecit quod potuit circa immunitatem Matris suæ, vel si non fecit, iam non secundum misericordiam subuenit ipsi, quod absit dicere de Christo piensissimo & potentissimo redemptore. Tum quia sicut Christus singularius obligabatur ad subueniendum Matri suæ, ita Mater eius singularius præ cæteris obligata est Christo Deo, ratione maioris glorificationis in cælis, & ratione incarnationis in terris, & ratione exemptionis à punitione dolorosâ in partu, & ratione abundantiz gratiarum ac sanctitatis coruæ sibi. Vt notat Lyranus super illud Lucæ 1. *Fecit mihi magna qui potens est* Ergo etiam debet ipsi esse obligata specialius ratione maioris redemptionis; alias magis ipsi obligarentur Angeli, qui ab omni peccato sunt præseruati; Sed non potuit esse maior redemptio quam vnitiua, Ergo &c. Tum deniq; quia ad Ephes: 1 mo dicitur. *Benedixit nos omni benedictione spiritali in cælestibus in Christo, sicut elegit nos in ipso, ante mundi constitutionem.* Et paulò post. *Prædestinauit nos per Iesum Christum in ipso &c.* Quæ verba ex communi Sanctorum Patrum sensu, significant, Christum fuisse non solum causam finalem, sed etiam efficientem meritariam prædestinationis omnium nostrum ad quodcunq; bonum, & multò magis Virginis Matris suæ. Vnde sic arguo. Christus antecedenter ad constitutionem mundi, & ad collationem Iustitiæ Originalis ex pacto, & ad contractionem peccati, & ad omnem prorsus legem, præuisus fuit cum omnibus suis meritis, quibus ab æterno merebatur per ipsum electio & prædestinatio nostra ad gratiam & gloriam, ita vt non subsequente lapsu primorum parentum, illi soli & omnes tunc fuissent nati, qui nunc sunt electi, Ergo secluso omni respectu gratiæ vt redemptiua à peccato, adhuc habuissimus perfectam sanctitatem per merita Christi, Sed à tali sanctitate non esset decens excludere Virginem Matrem Christi, Ergo mysterium reparationis nostræ omninò hoc exigebat, vt nulla macula peccati alicuius traduceretur in Virginem, sed potius decens erat, vt corpusculum eius purissimè seminaretur, & vt semper maneret Sanctissima. Ex quibus inferitur

16. Corollarium. Quod Virgo Maria, in capite Libri vitæ collocari omninò debebat, siue Liber vitæ accipiat pro æternâ prædestinatione & electione,

ctione, siue pro præsentia iustitiâ. Et ratio huius est. Quia prædestinatio Beata Virginis fuit simultanea Christo & excellentissima, vt supra docuimus: Iustitia etiam ipsius erat summa, vt nullus negare potest. Quamuis igitur cum prædestinatione aliorum post Christum & se, conueniat, ex eo vel maximè, quod ita Virginis Beata sicut aliorum Sanctorum prædestinatio est æterna, & consequenter æquè hæc ac illa exposcit præuisionem propriorum meritorum, tamen prioritate ordinis & dignitatis, longè alios superat. Sicut enim stante vniformi diuisione annorum & commensuratione dierum, Diuinâ sapientiâ separatorum & circumscriptorum, dicitur dies diem superare; juxta illud Eccl: 33. *Quare dies diem superat, & iterum lux lucem, & annus annum à sole &c.* ita stante vniformitate electionis & prædestinationis Beatorum ad gloriam, & stante vniformitate naturæ in omnibus, adhuc sortes illæ prædestinationis & reprobationis, meritorum & demeritorum varietate perplexæ, impares prorsus & inæquales reddunt homines. Quia verò Virgo Beata, omnes electos, meritorum & excellentiæ maioriâ longè excelluit, vt potè quæ ad prærogatiuam maternitatis Christi disponebatur, ideò primum locum, sicut in ordine prædestinationis sanctorum hominum, ita in capite Libri vitæ, iure merito obtinuisse censetur. Apparet ergò puritas & sanctimonia Virginis gloriose in puncto ortus sui, nimirum quam longè antè suum conceptum, emundabatur per merita Christi filij sui futuri, & quam castè corpusculum eius seminabatur, Deo sic disponente, intuitu eorundem meritorum Christi. Hæc de præsentia Resolutio.

onc. Nunc sequatur



RE-

RESOLVTIO TERTIA.

Pænalitates consequentes naturā corruptam, licet in B. VIRGINE fuerunt, non tamen ex vi naturæ corruptæ, quasi hæc vt talis, fuisset in VIRGINE; sed ex alio capite.

I.



Vandòquidem inter **CHRISTI** & **VIRGINIS** naturam, est omnimoda æqualitas, ita quod sint sibi in perfectione essentiali æquales, loquendo de completis naturis; (nam vt istæ naturæ considerantur cum respectu ad suum fieri, natura **CHRISTI** habuit fieri nobilius, quia non de semine vt de materiâ, sed de sanguine purissimo arteriali immaculatæ **MATRIS VIRGINIS**, operatione Spiritus Sancti, producta est; Natura verò **B. VIRGINIS**, de semine Parentum sumpsit initium & fieri suum) hinc est, quòd vniformitèr nobis de istis duabus naturis & sentiendum & loquendum est, siuè consideremus eas secundum perfectiones & dignitates, siuè ipsas spectemus secundum infirmitates & pænalitates. Esto non nihil intercedat discriminis, inter istas naturas, ex respectu ad fieri illarum: quia enim caro **VIRGINIS MATRIS**, proximè respicit massam peccatricem, caro autem **CHRISTI**, remotè, & nonnisi per carnem **VIRGINIS MATRIS**, idèò est quasi maior obnoxietas in carne Beatæ **VIRGINIS** ad pœnas, quàm in carne **CHRISTI**; & benè sequitur. Si **CHRISTVS** sustinuit pænalitates, in naturâ suâ sumptâ de **VIRGINE MATRE**, operatione Spiritus Sancti, eò quòd aliquomodo, licet valdè remotè, respiceret massam peccatricem, à fortiori ipsa **VIRGO MATER**, debuit sustinere similes pænalitates in naturâ suâ, licet **VIRGINEA** per essentiam, eò quòd quasi propius accessit ad massam peccatricem, vt potè initiatiuè formata de semine, vt de materiâ.

2. Porro quia in istis duobus indiuiduis, scilicet **CHRISTO** & **VIRGINE** Matre eius, natura humana, secundum esse suum completum considerata, est incorrupta, & talis, qualis à **DEO** in Paradyso instituta erat, scilicet **VIRGINEA** per essentiam, immunis ab animalitate & carnalitate, etiam in actu primo; idèò non omnes pœnalitates, quæ consequuntur naturam animalizatam, sustinuerunt isti duo homines, sed solum illas, quæ erant compossi-
bles cum perfectione tantâ naturæ, & per quas destrueretur omnis respectus ad massam peccatricem in illis naturis: & vno verbo, nullam isti duo pœnalita-

Yyy

tem

RE.

tem habuerunt, quæ irruit in naturam humanam ex appulsu animæ seminalis. Hinc de pœnalitatibus CHRISTI & MARIÆ, vt aperiã meam sententiã.

3. Dico. saluã tamen correctione Sanctæ Matris Ecclesiæ Romanæ, quam subire me paratum esse Protestor. Quod pœnæ consonæ dignitati CHRISTI & VIRGINIS Matris eius, inflictæ sunt illis à DEO ob hoc, quod natura humana in eis respiceret, licet non includeret in se, massam peccatricem DEO exosam; non quod de nouo voluntas diuina infligeret has pœnas istis naturis, sed quod illis ex massâ corruptâ aliquomodo desumptis, congruebat derelinqui à DEO in pœnis massæ corruptæ vernaculis, in ordine ad hoc, vt per mortem & alias pœnalitates, etiam respectum ad massam corruptam, eluerent.

4. Hoc ita sonare videntur plurimæ autoritates Sacræ Scripturæ, quæ dicunt. CHRISTVM propter scelus populi à DEO punitum, vt *Isaia 53. Propter scelus populi mei, percussus eum.* Et ibidem. *Vidimus eum quasi leprosum, & percussus à DEO, & humiliatus.* Et *Psalm: 81. In me transferunt iræ tuæ, & terrores tui conturbauerunt me.* Et Apostolus ad Rom: 8. *Proprio filio suo non pepercit DEVS.* & multa similia. Ex quibus habetur, CHRISTVM pœnalitatibus subiectum, in odium massæ peccatricis, cuius similitudinem præseferabat. Et quia magis è vicino B. Virgo hanc massam peccatricem contigit secundum carnem, ideo & ipsa iisdem pœnalitatibus obnoxia fuit, quibus & Christus; imò magis.

5. Jam verò, cum hi soli duo homines, post Adæ lapsum, in primo statim conceptionis suæ instanti, fuerint actu intelligentes & volentes; teneo, quod conspicientes acie mentis suæ, hanc in se obnoxietatem ad pœnas, ex similitudine carnis Adamicæ, eas liberè acceptauerunt, vt potè sibi & toti Ecclesiæ vtilis, præsertim ad hoc eos inclinante summâ gratiã, quam in primo illo instanti animationis acceperunt sibi infusam, & per eam constituta voluntas eorum in actu primo perfecto, respectu operationis meritoria, non potuit non exire in actum secundum meriti, per conformationem sui ad Diuinam voluntatem, volentem eos pati, & ita exutâ etiam similitudine carnis peccati, venire in gloriam, vtque ex his passionibus & pœnis istorum; thesaurus Ecclesiæ fu-meret initium.

6. Accedit congruitas triplex, quam S. Bonauentura in 3. dist: 15. a. 1. q. 1. ex parte CHRISTI assignat, quæ etiam ex parte Virginis procedit, ob paritatem hinc indè, ob quam decuit istos duos homines pati in carne passibili, estò virgineâ & incorruptâ. Prima est, propter pretium nostræ salutis. Quæ congruitas, licet videatur propriè spectare ad Christum, quatenus ille ex nimia charitate, proposuerat nos redimere, non corruptibilibus auro & argento, sed preciosissimo sanguine suo, & positione animæ per mortem pro animabus nostris; ad quod non fuisset idoneus, si naturam deficientem & passibilem non assumpsisset. Et hoc totum verum est de personâ Christi solâ, & non habet locum in Virgine. Tamen loquendo de animâ Christi, in primo instanti suæ conceptionis, has pœnalitates præsciente, & acceptante, in ordine ad nostram redem-

redemptionem, videtur esse paritas in hoc & de animâ Virginis, quæ etiam in primo instanti suæ conceptionis, summâ charitate flagrauit, & videns se in corpore simili carni peccati, absque peccato tamen, omnes pœnalitates sibi possibiles acceptauit, conformando se voluntati Diuinæ, cum hâc resolutione & resignatione, vt **DEVS** merita indè confurgentia, applicaret ad finem sibi cognitum. Et ita indirectè per talem resignationem sui, concurrebat **B. Virgo** in illo instanti primo, etiam vt adiutorium simile, ad nostram redemptionem.

7. Sed si hoc tibi non placet, quod tamen non videtur aliquam continere repugnantiam, ex parte illius tam perfectæ & minimè tunc impeditæ animæ, saltèm aliæ duæ congruentiæ, optimè procedunt ita de animâ **B. Virginis**, sicut & de animâ Christi; scilicet: quòd in primo instanti, istæ animæ acceptauerunt pœnalitates, ob exemplum virtutum, & humilitatis, patientiæ, pietatis, &c. Et propter fulcimentum nostræ fragilitatis; ad quæ duo, tolerantia pœnarum in corpore simili carni peccatrici, exigebatur.

8. Patet igitur, quòd pœnalitates consequentes naturam corruptam, non fuerunt in **B. Virgine** ex vi naturæ corruptæ, & obnoxia peccato originali, sed solum ex similitudine carnis peccati, ob quam solam **DEVS** has duas naturas, Christi scilicet & **B. Virginis**, dereliquit in pœnis naturæ corruptæ vernaculis, estò non omnibus, vt iam dixi, quia non in his quæ surrexerunt ex animâ seminali, introductâ in naturam, quæ in Christo & **B. Virgine** nequam fuit: & etiam ex summâ charitate, quâ istæ animæ, pœnas istas acceptauerunt.

9. Dices. Istæ pœnalitates, ratione respectus massæ corruptæ, arguunt in patientibus fuisse peccatum. Respondeo, negando assumptum: quia ibi non fuit res massæ corruptæ, sed tantum similitudo & respectus, ideòque Christus vt hanc similitudinē, quam portauit, Adami terrestri & hominis veteris, exueret, tantum debuit sustinere: & quia etiam Virgo Mater erat adiutorium simile sibi, similiter portans imaginem Eux veteris, ideò & ipsa tantum debuit sustinere, vt veteris Eux etiam similitudine exutâ, fieret noua Eua.

10. Si dicas. Sancti Patres & cum illis Magister, docent Christum sustinuisse istas pœnalitates, ex solâ voluntate miserationis, transferendo in se nostras infirmitates cum carne passibili voluntariè, Ergò non ob respectum similitudinis carnis peccati. Respondeo negando consequentiam; quia vtrumque est voluntarium in Christo, nam & voluntariè pœnalitates suscepit cum carne passibili, & tamen ob respectum similitudinis carnis peccati, quia istud est voluntarium ex se, & illud ex isto: ille enim qui voluntariè assumpsit similitudinem carnis peccati, consequens est, quod & pœnalitates hanc consequentes similitudinem, assumeret: sed quia non erat ibi res ipsa carnis peccati, sed tantum similitudo, ideò etiam non omnes carnis peccati infirmitates suscepit Christus, sed solum illas, (vt iam dixi,) quæ cum dignitate naturæ, in se incorruptæ & purissimæ, erant compossibiles, & cum hoc, ipsi ad tollendam etiam
fimi-

similitudinem carnis peccati, & nobis ad redemptionem à carne peccati, vtilis. Non sic tamen istæ poenæ fuerunt voluntariè in B. Virgine, sed solum ex acceptatione consequente, vt iam dixi.

11. Sed adhuc instabis. Si istæ poenalitates ex similitudine carnis peccati inerant Christo, Ergò necessariò, non voluntariè; quia quasi ex causâ. Respondeo negando illarum: quia in Christo, ipsa assumptio similitudinis carnis peccati, fuit libera, idcò & poenæ eam consequentes, etiam liberæ fuerunt; quia vbi acceptatur liberè causa, ibi & effectus procedens necessariò à causâ, liberè acceptatur. In B. tamen Virgine non est tanta voluntarietas; quia in eâ non præcessit electio, & assumptio spontanea, sed solum post formationem sui corporis, in similitudinem carnis peccati, libera acceptatio, & in Diuinam voluntatem resignatio, vt iam dictum est, concomitata est.

12. Sed iam de istis poenis in speciali aliquid determinandum est. Et quidem de morte Christi & B. Virginis, quòd fuerit specie distincta à morte nostrâ, quia fuit per voluntariam animæ positionem, non verò per feminalis & caducæ animæ extinctionem, vt contingit mors nostra, & Brutorum. Restat tamen pro nunc declarandum, quomodò mors corporalis Virginis glorio- sâ, non aduersetur immaculatæ conceptioni eius, ita quòd licet de factò mortem subierit, quæ mors videtur esse poena peccati originalis, tamen ex hoc non potest argui fuisse obnoxia tali peccato vel debito eius. Pro resolutione ergò huius difficultatis

13. Supponendum est primò. Infallibiliter teneri debere, quòd mors corporalis in nobis, est peccati supplicium. Hoc enim habetur ex illo Gen: 2. *In quacumq; die comederis, morte morieris.* Tum ex illo ad Rom. 5. *Per unum hominem, peccatum in hunc mundum intrauit, & per peccatum mors, & ita in omnes homines mors pertransiit, in quo omnes peccauerunt.* Et paulò inferius. *Vnius delicto, mors regnavit, & regnavit peccatum in mortem.* Et ad Rom: 6. *Stipendia peccati, mors.* Et ibid: Cap: 8. & 10. *Corpus propter peccatum mortuum est.* Et alibi sæpè. Quæ omnia ad literam esse intelligenda, docet D. August: Lib: 1. de peccat: & remiss: Cap: 2. dicens. *Puto quòd non expositor sed tantum lector opus habet, tam clara & aperta sententia.* Corpus, inquit Apostolus, mortuum est, non propter fragilitatem terrenam, quia de terræ pulvere factum est, sed propter peccatum. Quid amplius querimus? Et idem Cap: 6. ibidem ait. *Mirum, si aliquid queritur hac manifestatione liquidius.* Cum dixit Apostolus, *Corpus mortuum propter peccatum, quid aliud quam merito peccati, intelligere debemus aut possumus, si apertissimum Scripturæ sensum, non pro arbitrio pervertere ac detorquere conamur?*

14. Sed & ipsum vocabulum mortis, perpendens idem D. August: Ser: 101. de Temp: dicit. *Mors à Morfu, nomen accepit, quia generi humano, morfu antiqui serpentis acciderat.* Quandò autem mors transfusa est ab Adam in omnes posteros eius, innuit idem Doctor 13. de Ciuit: DE I Cap: 14. dicens. *In quo vno fuimus omnes, quandò omnes fuimus ille vnus.* id est. Quia in Adam, tanquam in vno omnium nostrum capite naturali & morali, inclusi fuimus, idcò omnes mortem ab illo vno traximus. Id ipsum docent multi SS. Patres, vti

Cyril-

Cyrillus Alex: Lib: 1. in Joan: Theodoretus Dialog: 3. ad principium Tom: 2. Chrysostomus Hom: 17. in Gen: Beda in Cap: 5. ad Rom: Bernardus Ser: ad milit: templ: & planè omnes Doctores Scholastici. Hoc etiam confirmat Concil: Mileuitanum, condemnans oppositam sententiam Pelagianorum, Canone 1. cuius tenor est. *Quicumq; dicit, Adam primum hominem, mortalem factum, ita ut siue peccaret, siue non peccaret, moreretur in corpore, hoc est, de corpore exiret, non peccati merito, sed necessitate naturæ. Anathema sit.* Vndè hoc ita certum est in Ecclesiâ nostrâ, vt D. Athanasius Lib: 3. contra Arian: Mortem, peccati affecclam, vocauerit; quasi mors, transgressionis sit sequella, nec præuaricationem primi parentis antecesserit, sed sequatur. Tamen in re tam certâ, illud est incertum, quomodò peccatum sit causa mortis, & an homines potuerint fuisse mortales aliundè quam à peccato. Pro quo

15. Supponendum est secundo. Quod licet peccatum primi parentis, absq; dubio induxerit mortem in Adam & totam posteritatem eius, tamen non fuit per se causarium mortis, sed solum erat remotiuum illius quo defunderemur à morte. Quia enim tota structura hominis, ex limo terræ & spiraculo vitæ compacta erat, quæ sunt partes naturalitè contrariæ; imò & ipsum corpus, ex contrarijs coaluerat, nimirum ex calore naturali & humido radicali, mutuò se depascentibus: & ex principijs Elementaribus, sibi inuicem aduersantibus, vt communis fert sententiâ, idè ex congenitâ talium partium pugnâ, & ex modicâ conuentione Spiritus cum terrenâ substantiâ, debuerat homo tendere ad terram, tanquam fragilis suæ structuræ originem. Verùm hanc litem, prudentissimè voluit dirimere optimus Opifex, pro illo statu innocentie. Tribuerat enim homini, virtutes & superexcellentes qualitates, per quas partes inferiores, in debitâ subiectione continerentur ad partes superiores, & præparauerat contra naturales corporis defectiones, ex actione & repassione contrariarum qualitatum sequendas, Lignum vitæ, per quod homo à mortis necessitate prohiberetur, atq; in iuuentutis flore teneretur. Vt dicit D. August: 13. de Ciuit: D E I Cap: 23. & Beda in Cap: 2. Gen: Vbi ait. *Lignum hoc, homo diuinitus acceperat, ut qui ex eo manducaret, corpus eius stabili sanitate firmaretur, ne vel etate in deterius, vel infirmitate in occasum, dilaberetur.*

16. Contra pericula etiam ab extrinseco oriunda, optimè illos homines primos muniuerat D E V S, nam dederat illis plenum dominium supra quauis Animalia, ita vt illa quæ modò nobis aduersantur, tunc fuissent mitissima & obsequentia nutibus nostris. Nec hostilitas inter ipsos homines reperta fuisset, quia status innocens, nullum compatiebatur nocentem. Similiter contra Dæmonum insidias, habuerunt, vel Angelorum custodiam, vt dicit D. Thomas, vel peculiarem D E I protectionem & præcautionem, vt vult Doctor Subtilis. Juxtâ illud D. Bernardi Ser: 2. de Annunc: B. V. *Summam eis addidit pacem, manus benignissima Creatoris, pacem utiq; duplicem; vt nec intus pugna, nec foris timores, id est, nec caro concupisceret aduersus spiritum, nec esset eis creatura vlla formidini.*

17. Cùm ergò primus homo, pro statu Innocentie, tam ab intrinseco,

quam ab extrinseco, præseruaretur à morte; ex se verò erat defectibilis, vt deductum est hic, sequitur, quod erat mortalis à conditione naturæ, sed immortalis à gratiâ conditoris, quam dum amisit per peccatum, statim amouit se à defensionibus gratuitis, & præbuit accessum facilem morti ad se, factusq; est mortalis ex se. Iuxta illud D. Aug: Lib: 6. in Gen: ad litteram Cap: 25. dicentis. *Quodammodo creatus est homo immortalis, quod erat ei de ligno vitæ, non de conditione naturæ. Mortalis erat, de conditione corporis animalis: immortalis, beneficio conditoris. Non enim immortale erat, quod omnino mori non posset, quod non erit, nisi cum fuerit spirituale.* Et Hugo victorinus clarius id ipsum exprimit Lib: 1. Erudit: Theolog: Par: 7. Cap: 18. dicens. *Factus est homo in animam viuentem, id est, vitam corpori dantem, tamen per sustentamenta ciborum; & tunc erat corpus mortale, quia poterat mori, & poterat non mori.*

18. Ex his ergò patet, quod totam immortalitatem, habebat homo in statu innocentia, ex arbore vitæ; quæ (secundum Cornelium à Lapide, in Gen: Cap: 2.) ideò dicebatur Arbor vitæ, quia vitam seruabat, prorogabat, reddebaturq; perpetuam, donec corpus animale fieret spirituale, & quod ex intrinsicis principiis erat mortale, transiret in spiritualem immortalēq; statum, nisi mortem corporis animalis, peccando meruisset. Vt docet Fulgentius Lib: 1. de Incarn: & Gratiâ Christi Cap: 12. Et hoc facile colligi potest ex illo Gen: 3. Vbi DEVS post peccatum Adæ, spolians protoparentes donis gratuitis, & de Paradyso eiciens, statuit Cherubim ad custodiendam viam ligni vitæ; *Ne forte mitteres manum tuam & sumeres de ligno vitæ, & comederet, & viueret in æternum.* Hunc enim locum sensui nostro accommodant SS. Patres & Doctores. Quamuis autem Caietanus, in oppositum trahat Diuum Thomam, quasi ille putauerit hominem pro statu innocentia fuisse immortalem ab intrinseco, innixus authoritati D. Augustini Lib: Quæst: veteris & noui testamenti Cap: 29. dicentis. *Ipsè homo sibi esset author vitæ.* Tamen hoc in vanum assumit. Nam primò compertum est, authoritatem citatam, non esse D. Augustini, sed incogniti authoris. Secundò, mens D. Thomæ clarè nobis constat 1. par: Q 97. Art: 1. Vbi ex professò voluens hanc Quæstionem. An Adam corpus immortale habuit, an verò mortale? Dicit. *DEVS hominem fecit, qui quamdiu non peccaret, immortalitate vigeret, vt ipse sibi esset author ad vitam aut ad mortem; vt custodiens se à peccato, labore suo gauderet, & esse se immortalem: negligens verò factus, ipse sibi imputaret, quia cæperat esse mortalis.* Ex quibus verbis apertè constat, quod Adam debuerat sibi fuisse author vitæ, non quia in se habebat principium indefectibilitatis, sed quia tamdiu erat dignus edere de arbore vitæ, quamdiu mansisset sub lege Creatoris, quâ transgressâ, impediuit sibi accessum ad lignum vitæ, & factus est mortalis. A primo ergò ad vltimum patet, quod peccatum primorum parentum, non fuit per se causatiuum mortis, sed solum remotiuum illius gratiæ, à quâ tunc homo habuit, posse non mori. Nunc ad propositum redeundo

19. Dico. Mors corporalis Virginis gloriosæ, non aduersatur immaculatæ conceptioni ipsius, nec inuoluit debitum peccati originalis in ipsam, sed accidit

accidit illi, non in poenam Adamici aut personalis peccati, verum ex conditio-
 ne mortalis & destitutæ naturæ. Probatur primò Bullis Pontificijs, præcipuè
 Pij 5^{ti} & Gregorij 13. qui condemnantes Propositiones in illis Bullis recitatas,
 ex mente quorundam, hanc etiam in ordine Septuagesimam ponunt, & da-
 mnant. Cuius tenor est. *Nemo præter Christum est absq; peccato Originali: hinc*
Beata Virgo mortua est propter peccatum ex Adam contractum, omnesq; eius afflictio-
nes in hac vitâ, sicut & aliorum iustorum, fuerunt ultiones peccati actualis vel origina-
lis. Quam Propositionem vnâ cum alijs ibi positis, erroneam, suspectam, te-
 merariam, scandalosam, & piarum aurium offensiuam, vocant ibi Pontifices
 maximi. Quamuis autem non desint qui hanc Propositionem emundare vel
 eximere à condemnatione satagant, tamen nullâ ratione id efficere valent,
 cum aperta sit damnatio, includens omnes Propositiones ibi enumeratas, vt
 videre est in Bullario. Probatur secundò authoritate vniuersalis Ecclesiæ,
 quæ in Oratione Vigilæ Assumptionis B. V. Mariæ, hæc ponit verba. *Quam*
et si pro conditione carnis, migrasse cognouimus &c. Quibus verbis satis clarè innui-
 tur, Mortem Virgini contigisse, non in poenam peccati, sed ex conditione fra-
 gilis & destitutæ naturæ, Ergo &c. Probatur tertio, authoritatibus SS. Patrum.
 Nam D. August: Tract. de Assumpt: Virg: in Appendice Tomi 9. Cap: 2. ait.
*Memores conditionis humane, mortem illam subisse temporalem, dicere non metui-
 mus, quam idem certè eius filius, qui & DEVS & homo est, lege sortis humane sustinuit.*
 Et ibidem Cap: 4. subdit. *Quid ergo, si in tantâ diuersitate, eam dicimus humane*
sortis mortem subisse, nec tamen eius vinculis retineri, per quam DEVS voluit nasci,
& carnis substantiam communicare? Idem dicit D. Damasc: Orat: 1. de dormit:
 Mariæ. *O quonam pacto fons vitæ ad vitam interiectâ morte migravit! O quemad-*
modum ea, quæ in partu nature leges excesserat, nunc ipsius legibus subest, atq; immacula-
tum corpus morti subijcitur! Oportebat enim illud exutâ mortalitate, incorruptionem in-
duere, præsertim ne cum ipse quidem nature Dominus, mortis periculum facere recusarit.
 Id ipsum sentit Andreas Cretensis Ser: 1. de dormit: Mariæ Cap: 2. dicens.
Nature seruiens legibus, vitæ finem accepit. Et idem Ser: 2. Cap: 3. *Quod us-*
que ad nostram quidem processerit mensuram, quæ fuit habita in tantâ admiratione, &
commune exoluerit debitum, est proprium nature. Idem habet noster Bernardinus
 Senensis Tom: 3. Ser: 11. de Assumpt: Virg: Art: 1. Cap: 1. Vbi dicit. *A*
generali sententiâ mortis, Christus Dei filius non exemit Matrem, quia ab illâ nullus,
nec ipse voluit esse alienus, ac per hoc mortuus est filius, mortua est & Mater. Id
 ipsum sustinet B. Amadæus Lib: Reuelat: Raptu 4. dicens. *Nihil mirum, si*
culpâ inherente Beata Virgini, mors & passio ei inhererit, quia in eâ conditiones sunt na-
ture. Idem asserit Guericus Abbas Discipulus S. Bernardi, qui Ser: 2. de
 Assumpt: inducens Angelos discurrentes cum ipsâ Virgine Beatâ de morte
 eius, hæc in personâ Virginis fatur. *Non sum ita delicata aut superba, vt quod*
Filius dignatus est pati, ego quantulacumq; ex parte pati non possim aut nolim; & ille
quidem misericordi voluntate, ego autem naturali necessitate. Idem sentiunt, Epipha-
 nius, Cyprianus, Gerson, Petrus Canisius, Michael Glycas, Constantius Sar-
 nanus, Joannes Baptista de Lezenâ, Fulgentius, & alij multi, qui passim do-
 cent,

cent, ita Mariam sicut Christum obijisse, quamuis Christus acerbissimè & ut caput, Maria iucundè & ut concaput, Ergò sicut mors Christi, non in pœnam peccati actualis aut Originalis facta est, ita mors Mariæ, non in pœnam peccati contigit. Probatur deniq; Conclusio quartò rationibus. Non alio fine mors permissa est in homines, ac partus dolorosus: quia utrobq; acerbitas grauis dominatur, maximè dum ambo in pœnam peccati exoluuntur, Ergò qualiter se habuerunt in Primis parentibus & in posteris eius tales pœnæ, ita debebant se habere in Virgine gloriosâ, si in pœnam peccati ipsi accidissent, Sed neutrum horum intulit aliquam vel leuissimam molestiam aut acerbitem Virgini; Nam ex communi Ecclesiæ & SS. Patrum sententiâ, partus Virginis fuit absq; omni dolore, Mors etiam fuit leuissima, ad instar soporis cuiusdam; Ut docent Patres Græci, & Laurentius Iustinianus Ser: de Assumpt: Albertus Magnus Lib: de laud: Virg: Cap: 171. Hugo de S. Victore in miscellaneis eruditionibus Lib: 2. Tit: 125. Guerricus Abbas, & alij multi. Imò ipsa Virgo reuelauit hoc B. Birgittæ Lib: 6. Reuelat: eius Cap: 62. dicens. *Cum quadam die animus meus suspensus esset, in admiratione diuine charitatis, tunc Anima mea, in ipsâ contemplatione, repleta fuit tantâ exultatione, quod vix se capere poterat, & in ipsâ consideratione, Anima mea à corpore fuit soluta.* Ergò sicut partus Virginis gloriosæ, nullam intulit ipsi acerbitem, ita nec mors eius corporalis, consequenter neutrum horum contigit ipsi in pœnam peccati, sed potius ex conditione destitutæ naturæ. Tum quia, pœna dicitur à pendendo, quia per illam, supplicium delicto debitum, penditur: Et est vindicta noxæ. Ut docent Legistæ. Sed B. Virgo nullum contraxit delictum actuale; Ut firmiter tenet Concil: Trident: supra citatum; Igitur deberet tale supplicium pati ab originali peccato, Sed etiam per aduersos, Virgo statim post instans conceptionis suæ, fuit emundata à peccato originali, per sanctificationem, Ergò nullum supplicium ei restabat soluendum per mortem, consequenter mors ipsi accidit non in pœnam peccati. Tum quia mors, quæ pœnæ causâ infertur, est purgatio peccati ipsius pro quo infertur. Ut docet Origenes Hom: 14. in Caput 25. Leuitic: Sed Virgo Beata nullum peccatum antè mortem habuit, Ergò &c. Tum deniq; quia pœna generatur per respectum iræ & vindictæ, Ut docet D. Ambr: in Cap: 4. ad Rom: Sed horrent aures dicere, Deum fuisse aliquandò iratum Virgini gloriosæ, & appetisse vindictam ex eâ, aut ipsam aliquid habuisse, per quod iram Dei & vindictam mereretur in vitâ, hoc enim nec ipsi aduersi dicere possunt, Ergò à primo ad vltimum patet, quod mors corporalis Virginis gloriosæ, non aduersatur immaculatæ conceptioni eius, nec inuoluit debitum peccati originalis in ipsam, sed accidit illi, non in pœnam Adamici aut personalis peccati, verum ex conditione mortalis & destitutæ naturæ in statu pœnali.

20. Dices. D. August: Lib: de Prædestin: & Gratiâ Cap: 3. ait. *Quia in omnes homines mors pertransiit, in omnes necesse est pertransisse peccatum.* Et Prosper Discipulus eius Lib: contra Pelagianos docet, ex peccato originali emanasse mortem. Verba sunt eius. *Patet culpa, ubi non latet pœna, & societas peccati*

*est conuincitur de communione supplicij, ut quod est humana miseria, non de institutio-
ne Creatoris, sed de retributione sit Iudicij.* Idem sentiunt multi Sancti Patres,
iudicantes repugnare Diuinæ iustitiæ, ut tam acerbam inferat poenam, ubi ni-
hil est culpæ; Ergo secundum Sanctos Patres, hæc infallibilis est sequella;
Vbi aliquid est poenæ, ibi præcessit aliquid culpæ, idcirco; in Virgine debuerat
omninò præcessisse peccatum originale, vel saltem debitum actuale, contrahen-
di illud, ex quo de facto mortua est. Respondeo. Sanctos Patres loqui de paru-
ulis propagatis ab Adam ut à capite naturali & morali, ad hos enim ordina-
riè deriuatur poena peccati à primo Parente commissi, & consequenter mors
est poena peccati in eis. Nobis autem negantibus Virginem fuisse aliquomo-
do filiam Adæ, hoc non contrariatur, proinde negatur Consequentia.

21. Instabis. Sancti Patres ordinariè ex hoc fonte argumentantur con-
tra Pelagianos, negantes peccatum originale dari in paruulis, quia (inquiunt)
necessaria est connexio poenæ cum culpâ, Ergo ubi est poena, ibi omninò culpa
præcessisse debuit. Respondeo concedendo totum. Aliud est enim loqui de
poenâ & culpâ paruulorum & propagatorum ab Adam, & aliud de morte Vir-
ginis gloriosæ, quam negamus esse propagatam ab Adam concupiscibilitè, &
ex consequenti dicimus, mortem ei contigisse non in poenam peccati. Sed &
in alijs Sanctis facile videre est, eos appetiisse mortem, non quâ poenalitatem
significatiuam, sed quâ illarum amotiuiam. Vnde Sancti Patres sæpè faten-
tur, Martyres subiisse mortem, vel in testimonium fidei, vel ob exercendam
patientiam, vel ad augendum iustitiæ meritum, vel ad examen virtutis, vel ad
assequendum præmium, vel deniq; propter firmitatem fidei, ne infideles iudi-
carent, ex eo Christianos esse feliciores se, quod per Baptismum fiant immor-
tales, & sic delicatius crederent in Christum, propter amouendam mortis poe-
nam, culpæ originali debitam. Atq; sic mors in Virgine Beatâ, non fuit poe-
na peccati, sed conditio deprauatæ naturæ. Per eandem rationem remouen-
tur à Christo & Mariâ, morbi & languores, quia in eis non fuit radix & causa
morborum, scilicet Anima seminalis cum suis phantasijis & idæis.

22. Porro fames, sitis, lassitudo, dolor, fuerunt in istis pro eo, quod ha-
buerunt corpus simile carni peccati; & quia corpus ex vi creationis suæ, factum
est potens mori, & deficere, (propterea enim creata erat in paradyso arbor vi-
tæ, ut eius fructu comesto, à defectu præseruaretur,) ideo ex ratione corporis
sibi dimissi, ista eis toleranda erant. Imò colligo ex Joannis 8. ubi Iudæi Chri-
sto trigesimum tertium annum agenti, obijciunt, quod sit quasi quinquagena-
rius, dicentes. *Quinquaginta annos nondum habes, & Abrahamum vidisti.* Quod
Christus quoad corpus, ita fuerit incommodis varijs conquassatus, & confra-
ctus, quod speciem propè quinquagenarij in anno trigesimo tertio ætatis, intui-
tibus se exhibuerit. Quod idem & de Beatissimâ eius Matre, tot semper æ-
rumnis pressâ dum vixit, sentiendum est.


23. At verò ignorantia, cum præcisè in naturam humanam irruerit,
ob appulsum in eam animæ rationalis, & discursiue, quæ in nobis Adamicè ge-
nitis intellectum obscurauit, remouetur procul à Christo & Matre eius; sicut

& ab Adamo in statu innocentia, de consensu omnium Theologorum; Juxta illud D. Aug. 3. de lib. arb. *Approbare falsa pro veris, non est natura instituta, sed destituta.* Jam verò in Christo & B. Virgine, fuit talis natura, qualis erat à Deo instituta, Ergò non fuit in eis ignorantia, quæ posset ducere in errorem.

24. De tristitiâ etiam concordant Theologi, quòd fuerit verè in Christo, & apertè id in varijs locis clamat Euangelium; tamen nunquam contrà aut præter imperium intellectus & mentis, prout sunt in nobis mania, melancholia, & tristitia absorptia; sed iuxta dictamen mentis, ita quòd de nullo unquam contristatus fuerit Christus inuoluntariè, & quasi inuitus, sed ipse sibi imperabat tristitiâ de obiectis nolitis, & tamen accidentibus siue ipsi siue nobis; quale obiectum ipsi semper præsens & nolitum fuit, naturæ nostræ corruptio, & mortalitas, ærumnaq; multiplices, ob quæ frequentissimè tristabatur, & fleuit; vt super ciuitatem Ierusalem, super Lazarum mortuum &c. in horto etiam de futurâ & imminente passionè, & in cruce de iam præsentè; quæ omnia in Christo fuerunt conditionatè nolita, & tamen præsentia ipsi, quòd sufficit ad prouocandam tristitiâ; vt docet D. S. in 3. diuit. 15. q. vnicâ. Et similiter dicendam de Matre Virgine.

25. Deniq; de irâ, fueritnè in istis, dubium est: sed potest dici, quòd ira, quædam est in parte sensitiuâ, ex quâ confurgunt ita in nobis sicut & in brutis, pugna, rixa, contentiones, dissensiones, æmulationes &c. Et talis ira nec in Christo nec in B. Virgine fuit; quædam autem est ira in parte intellectiua, quæ potius dicitur zelus bonus cum scientiâ coniunctus, per quem insurgimus in peccata, & ea quæ dedecent, vel contrà honestatem Dei, vel proximi

honorem, militant; & talis fuit in istis. Jam igitur conitat, quomodò in B. Virgine poenalitates & ipsa mors, non arguunt naturam fuisse corruptam, & consequenter nec exindè potest inferri, quòd B. Virgo fuerit originali peccato obnoxia.



RESOLVATIO QUARTA:

Nihil accessit B. VIRGINI in puritate
& perfectione, tùm naturæ tùm gratiæ, per to-
tam vitam hanc, quod non præfuerit in eâ, in primo instan-
ti conceptionis, exceptâ maternitate DE I actuali.

I.



Non defuerunt, imò nec defunt viri magni nominis & doctrinæ,
qui B. VIRGINEM in suâ conceptione, nedum in esse gratiæ,
sed etiam in esse naturæ, imperfectam fuisse putauerunt; adeptam
autem esse perfectissimum complementum, in conceptione CHRISTI filij
fui. De talium numero sunt, qui censent, in conceptione ipsius VIRGINIS,
non fuisse totaliter sublatum fomitem secundum essentiam in eâ, sed solum re-
mansisse ligatum: postmodum verò in ipsâ conceptione filij DEI, ex prole
tantâ, redundasse in eam omnimodam perfectionem; ita quòd & fomes to-
taliter sit subtractus. Qui etiam tenent, per abundantiam gratiæ, quam in
sanctificatione B. VIRGO recepit, & etiam perfectius per Diuinam proui-
dentiam, sensualitatem eius ab omni inordinato motu fuisse prohibitam. Iam
verò qui sic de B. VIRGINE sentit, cogitur fateri, ipsam in suâ conceptione
non fuisse summè puram, nec complementum perfectionis tam in esse naturæ
quàm in esse gratiæ habuisse, donec in conceptione filij DEI perficeretur quo-
ad utrumque. Videatur D. Thomas 3. p. q. 27. a. 3. sic de B. VIRGI-
NE sentiens.

2. Sed quantum ad esse naturæ attinet; isti satis videntur confutati per
hoc, quod docuimus tùm Decade 1mâ quasi per totam Decadem, & maximè
Resolutione 3. 4. 5. 6. tùm Decade 2dâ Resol: 4. & 5. de naturâ à DEO in-
stitutâ, qualis fuerit, & quàm perfecta ac virginea, sinè admixtâ animalitate,
& sensualitate, ex semine & animâ seminali procedente, quam ut talem B.
Virgini in primo instanti conceptionis collatam, ne ab Adamo & Euâ perfe-
ctione naturæ vinceretur, docuimus Resol: 3tiâ Decadis 2dæ; ita quòd B. Vir-
go, talis manu DEI fabricata sit in esse naturæ completæ & perfectæ, in in-
stanti primo suæ conceptionis, qualis fuit Eua in instanti primo suæ creationis
de costâ Adæ. Proindè in conceptione filij DEI, nihil ei potuit accedere in
puritate & perfectione naturæ humanæ, sed solum actus ille primus naturæ
VIRGINEÆ, exiuit in actum secundum communicandi eandem naturam

VIR-

VIRGINEAM CHRISTO, eâ sanè ratione, quâ Eua VIRGO existit in actum secundum generationis Abelis iusti, illâ virginitate suâ, si Adam propagationem humanam in ipso fonte & origine suâ non peruertisset.

3. Hinc & Theologi docent, cum quibus & Doctor Subtilis in 3. dist: 4. q. 1. Beatæ VIRGINI nihil supernaturale esse superadditum diuinitus ad hoc, vt conciperet de Spiritu Sancto prolem hanc, sed fuisse veram & naturalem Matrem tantæ prolis, quoad rem ipsam maternitatis.

4. Nec ille scrupulus D. Thomæ, huic piæ sententiæ potest obesse, quasi inconueniens esset dicere, quod antè CHRISTI carnem, in quâ nullum fuit peccatum, caro VIRGINIS Matris eius, vel cuiuscunque alterius, fuerit absque fomite, qui dicitur lex carnis, siuè membrorum. Quia (quid sit de alio quocunque) in VIRGINE MATRE CHRISTI, quid hoc fuit nedum congruum, sed & necessarium, vt sinè omni fomite, id est, sinè omni imperfectione, quæ accessit naturæ humanæ ex peccato, formaretur ipsius caro, vt deindè talis prodiret in actum secundum, generando VIRGINEAM humanitatem CHRISTI, qualis ipsa natura VIRGINIS facta est in actu primo, in instanti suæ conceptionis completæ. Quod iam declarauit Resolutio 9na Decadis 2dæ hic. Ad nihilum ergo valet, dicere, B. VIRGINEM cum sensualitate fuisse conditam, loquendo de sensualitate vt est effectus animæ seminalis in naturâ corruptâ, & per DEI prouidentiam vel gratiæ abundantiam, positum fuisse impedimentum, ne hæc sensualitas in eâ in actum vel motum inordinatum profiliaret. Cum melius & perfectioni naturæ VIRGINIS conformius sit asserere, nullam in eâ talem sensualitatem, & consequenter nullum fomitem fuisse. Sed ne in æquiuoco laboremus, circa hunc fomitem

5. Supponendum est. Fomitem, quantum ad quid nominis, dici à fomentando seu à fouendo, quia nimirum fomentat, fouet, & nutrit ignem in materiâ siccâ. Quantum autem ad quid rei, Fomes, iuxta D. Anselmum Lib: 1. de concep: Virgin: Cap: 27. est pronitas, propensio, & proeliuitas quædam in appetitu rationali, scilicet in voluntate, ad concupiscendum immoderate delectabilia sensuum inferiorum, & ad condelectandum appetitui sensitui, cui coniungitur. Iste autem Fomes, nihil posituum ponit in voluntate, sed est sola nuditas illius, ex carentiâ Iustitiæ originalis, inducta. Si enim homo Iustitiam originalem haberet, tunc nunquam effrænate delectaretur Obiectis minus delectabilibus, nec condelectaretur appetitui sensitui, sed semper dirigeretur in DEVM, tanquam in obiectum summè delectabile, & Ens perfectissimè quietatiuum; quia Iustitia Originalis esset ipsi pro fræno, respectu minus delectabilium, & pro stimulo, respectu summè delectabilis.

6. In homine igitur lapso, Fomes carnis, est languor naturæ & nutrimentum malorum. Vocaturq; Lex carnis, seu Lex membrorum, quia per eum caro nostra incitatur ad malum. Vocatur etiam Tyrannus, quia per illum pars sensitua dominatur despoticè potentiæ Intellectuæ. Et deniq; vocatur Pondus in carne, quia mouet sensus ad delectandum Obiectis minus delectabilibus, & stimulat voluntatem ad condelectandum illis, retrahendo il-

lam

nam ab Obiecto summè delectabili. Et tandem Fomes peccati, vocatur Concupiscentia, quia plerumq; hæc duo pro synonymis reputantur. Quamuis autem Calvinus putet, Fomitem seu Concupiscentiam esse peccatum mortale, & remanere in renatis per Baptismum, ita quod Gratia baptismalis nihil illis adferat, nisi non imputationem peccati. tamen hoc falsum est: quia rebellio carnis ad spiritum, quam inuiti patimur, est nobis connaturalis, ita sicut Brutis, nec subest voluntati nostræ; fuisset enim etiam in statu Innocentiæ, nisi per Iustitiam Originalem fuisset impedita.

7. Dum autem adducit Calvinus pro se, locum illum D. Pauli ad Rom: *7. Concupiscentiam nescirem, nisi mihi Lex diceret, non concupisces.* Et ibidem. *Si autem quod nolo malum, hoc facio, iam non ego operor illud, sed quod habitat in me, peccatum.* Tunc ista loca, non debent intelligi de rebellione connaturali, sed potius de rebellione liberâ & voluntariâ, quæ tunc fit, dum opera carnis spontaneè exercemus, hæc enim est prohibita & peccaminosa, illa verò non. Juxta illud D. Jacobi in suâ Canonica Cap: 1. dicentis: *Vnusquisq; tentatur à Concupiscentiâ suâ abstractus & illectus; deinde Concupiscentia cum conceperit, parit peccatum &c.* Vnde patet, quod Concupiscentiâ vt concupiscentia, non est peccatum, sed solum vt concipit deformitatem actus illiciti, parit peccatum, ita quod ipsa sit quasi Mater, partus verò eius, ex consensu pleno & deliberato ortus, est peccatum. Atq; sic non solum homo peccator, sed etiam homo in puris naturalibus constitutus, haberet fomitem. Nunc igitur ad Virginem gloriosam descendendo

8. Dico. In Virgine Beatâ, non fuit fomes peccati, ita quod nec ligatus, nec extinctus, sed absolutè nullus. Probatur. Maiori abundabat gratiâ Virgo Beata, quam Adam Iustitiâ Originali: in illâ enim erat plenitudo gratiæ, in Adam non, Sed Iustitia originalis in Adam, tollebat omnem fomitem ab eo, vt communis fert sententia, Ergo &c. Tum etiam quia gratia finalitèr consummata in patriâ, auferet totalitèr fomitem à Beatis, vt nemo sanæ mentis negare potest, Sed multi Beati habebunt minorem gratiam in Patriâ, quam Beata Virgo habuit in viâ: illa enim habuit plenitudinem gratiæ ab instanti conceptionis suæ, Beati verò tot gradus habebunt in patriâ, quot meruerunt in viâ, Ergo si minor gratia præstat hoc Beatis, vt nullum habeant fomitem, à fortiori præstitit hoc Virgini gloriosæ, plenitudo gratiæ. Videantur pro hoc authoritates SS. Patrum, adductæ hic Decadis Secundæ Resolutione quintâ. Hæc quantum ad esse naturæ Virginis.

9. Quantum autem ad esse gratiæ pertinet; etiam in hoc puncto, Doctores videntur esse Beatæ VIRGINI contrarij, dum docent; ipsam per gradus ascendisse ad summam puritatem; ita quod eam non simul sed successiuè acquisierit, donec in ipsâ filij DEI conceptione, summam gratiæ plenitudinem obtinuerit. Sed hos meminisse oportebat, VIRGINEM iam fuisse gratiâ plenam, quando Angelus annuntians ei conceptionem filij DEI futuram, eam salutauit, dicens; Ave gratiâ plena.

10. Itaque teneo resolutionem meam; quod videlicet B. VIRGINE

nihil gratiæ gratum facientis accessit, in totâ vitâ eius, & etiam in ipsâ actuali conceptione filij DEI, quod non præhabuerit quoad rem gratiæ, in primo instanti suæ conceptionis. Moueor vt hoc sentiam, doctrinâ Magistri sententiarum in 3. dist: 18. de plenitudine gratiæ CHRISTI sic concludentis. Christus etiam ab ipsâ conceptione, ex quo homo factus est, per charitatem & iustitiam & alias virtutes, in quarum plenitudinem fuit secundum hominem conditus, sibi tantum meruit, quantum post martyrii tolerantiam: tanta enim plenitudo spiritualium charismatum in eo fuit, quod in eo proficere non potuit, & ideo melior ipsius anima fieri non potuit, quam ab initio suæ conceptionis exstitit, quia proficere in meritis non valuit. Hæc Magister. Et quia posset quis fortè inire, per illud Luc: 2. IESVS proficiebat ætate & sapientiâ, coram DEO & hominibus. Ideo huic tacitæ instantiæ respondet Magister, allegans pro se D. Gregorium, dicentem; Non profecit CHRISTVS secundum animæ meritum, quantum ad virtutem meriti, profecit tamen, quantum ad numerum meritorum; plura enim merita habuit in passione, quam in conceptione, sed maioris virtutis non existerunt in merendo plura, quam ante fuerunt pauciora.

11. Hanc porrò doctrinam Magistri, acceptauerunt omnes Theologi, & declarans eam Doctor Seraphicus Sanctus Bonauentura in 3. dist: 18. a. 1. q. 2. distinguit triplex mereri, sic inquit: & loquitur de merito de condigno, tale enim solum habet locum in CHRISTO. Verba eius sunt. Mereri (inquit) de condigno, contigit tribus modis. Vno modo, ex indebito facere debitum; vt cum quis meretur sibi gratiam infundi, quæ ipsi non erat debita. Alio modo, de debito facere magis debitum; vt cum quis meretur augmentum gratiæ, & profectum de virtute in virtutem. Tertio modo, de debito vno modo, facere debitum alio modo; vt cum quis habens summam gratiam sibi debitam, ratione alicuius dignitatis & excellentiæ, ad quam assumitur, adhuc operatur cum eâ actus heroicos, & supererogatorios. Et hoc solum tertio modo (inquit ille) meruit CHRISTVS sibi post conceptionem: Ipse enim non potuit facere sibi de indebito debitum, cum omni bono esset dignus: nec potuit facere de debito magis debitum, cum omni gratiâ ab ipsâ conceptione esset plenus; sed quod erat debitum vno modo, fecit debitum pluribus modis; & ita solum meruit secundum tertium modum dicendi meritum, non propter imperfectionem à parte meriti, sed propter perfectionem à parte merentis: & hoc est quod dicitur in literâ Magistri: non profecit Christus secundum meritum, quantum ad virtutem meriti, profecit tamen quantum ad numerum meritorum.

12. Sed etiam tota hæc doctrina procedit de Beatâ VIRGINE, quatenus ad dignitatem & excellentiam Matris DEI ab æterno destinata, & in tempore manu DEI ita formata est, vt esset tanti filij idonea Mater: accepit enim & ipsa, non ex merito suo, sed ex merito CHRISTI, & DEI liberalitate, plenitudinem totius gratiæ, quæ in CHRISTO fuit, adhuc in instanti conceptionis suæ, vt Decade secundâ Resolut: sextâ conclusimus: & statim tunc meruit, ex summo & possibili suæ voluntatis conatu, adeo vt tunc anima eius tam bona statim euaserit, vt deinceps melior esse non posset, esto proficeret quoad numerum meritorum, seu extensiuè,

non

non verò intensiue: debebaturque illi gratia summa & æqualis cum CHRISTI gratiâ, ex vi maternitatis DEI, ad quam erat præuisa, & ad quam in utero, digito DEI formabatur, & præparabatur; iuxta phrasim Ecclesiæ dicentis ad DEVM de eâ; *Omnipotens sempiterne DEVS, qui gloriose VIRGINIS MATRIS MARIE corpus & animam, ut dignum filij tui habitaculum effici mereretur, Spiritus Sancto cooperante præparasti.* Et propterea, non potuit sibi facere de indebitâ gratiâ debitam; quia ex hoc respectu Maternitatis DEI futuræ, omni bono erat digna. Nec potuit facere de debitâ magis debitam; quia etiam ex eodem respectu, debuit habere in instanti conceptionis, gratiæ plenitudinem: solum igitur & ipsa, prout & CHRISTVS, debitam sibi gratiam, ex eò quòd esset futura Mater DEI, & iam datam, faciebat debitam pluribus modis alijs, eliciendo actus virtutum variarum, & tolerando infirmitates, in quibus à DEO derelicta erat, cum omni patientiâ. Atque sic, non profecit in totâ vitâ quantum ad virtutem meriti, sed solum quantum ad numerum: nec gratia ipsius augmentum potuit accipere, cum summo nihil possit addi, sicut nec infinito. Ergò nihil ei accessit in puritate & perfectione, tum in conceptione CHRISTI, tum in reliquâ totâ vitâ, quod non præhabuerit intensiue in conceptione suâ, istò loquendo extensiue, plura merita habuerit in progressu vitæ suæ, quam in ipsius conceptionis instanti.

13. Confirmatur hoc auctoritate S. Anselmi, lib: de conceptu Virg: sic de VIRGINE loquentis. *Decens erat, ut eâ puritate, quâ sub DEO maior nequit intelligi, VIRGO illa niteretur, cui DEV'S Pater unicum filium suum, quem de corde suo, æqualem sibi genitum, tanquam seipsum diligebat, ita dare disponebat, ut naturaliter esset unus idemque communis DEI Patris & VIRGINIS filius, & quam filius specialiter sibi in Matrem eligebat, & de quâ Spiritus Sanctus volebat & operaturus erat, ut conciperetur & nasceretur ille, de quo ipse procedebat.* Vbi talibus verbis S. Anselmus fatetur, B. VIRGINI datam esse summam puritatem sub DEO, intuitu maternitatis DEI præuisæ & futuræ, non verò in actuali filij DEI conceptione; atque ita sentit ille, in ipsâ conceptione, de quâ in illo libro ex professo loquitur, Virginem ita à tribus personis sanctissimæ Trinitatis esse dotatam, ut postea absq; vilo superaddito, fieret Mater DEI, descensu solum sancti Spiritus in eam interveniente, non ad ampliùs eam gratificandum, sed ad opus conceptionis filij DEI, illasâ Virginitate, perficiendum in eâ, ad quâ, nouæ gratiæ gratū facientis infusio, in animâ Virginis iam gratiâ plenam, non requirebatur, ut de se patet.

14. Huc facit & Alberti magni, tractatu super Missus est, resolutio. Vbi propositâ illâ quæstione: an B. Virgo puritatem in summo successiue vel simul acceperit? responderet sic. *Dicimus, quòd hæc puritas, scilicet in summo, est ab originali, non dico distantia, sed segregatio, & ad primam lucem, quantum possibile est, pure creaturæ Deiformis, approximatior; unde secundum rem, nihil aliud est hæc puritas, nisi peccati originalis deletio, fomitis extinctio, gratuitarum perfectionum ultimatio.* Hæc ille. Vbi palam est, eum de instanti conceptionis loqui, in quo solo à peccato originali fuit segregatio, atq; ita & ad primam lucem summa proximatio, & gratuitarum perfectionum ultimatio, ne ultra possent crescere intensiue, licet benè extensiue, ut iam dictum est.

RESO-



R E S O L V T I O Q V I N T A.

Ità DEVS in primo instanti concepti-
onis, firmavit se in VIRGINE, vt nunquàm
VIRGO ab eo auerti, & ità nec peccare posset.

I.



Hoc manifestè docuit Psalmus 45. dicens. *Sanctificauit tabernacu-
lum suum Altissimus, DEVS in medio eius non commouebitur, adiuuabit
eam DEVS manè diluculo.* Omnes enim fermè Doctores, & san-
cti Patres, hæc verba de B. VIRGINE, in suâ conceptione ab altissimo sancti-
ficatâ, & in tabernaculum, in cuius medio DEVS residens, non commouea-
tur etiam per veniale peccatum, efformatâ, intelligunt. Vndè S. Thomas 3.
p. q. 27. a. 4. piensimè docet; quòd B. VIRGO, per sanctificationem su-
am, id est, per immaculatam conceptionem, consecuta est, vt nunquàm etiam
venialitèr peccaret. Quomodò autem hoc priuilegium in suâ conceptione B.
VIRGO obtinuerit, docet Spiritus Sanctus per os Davidis, dicens. *DEVS
in medio eius non commouebitur, adiuuabit eam DEVS &c.* Quod vt intelligatur.

2. Supponendum est primò, ex Doctore Subtili in 4. dist: 49. q. 6. §.
Dico ergò quòd causa &c. Quòd impeccabilitas quæ est in Beatis, quatenus
v. g. Michaël manens beatus, non habeat potentiam & possibilitatem ad pec-
candum; potest intelligi duplicitèr. Vel per aliquid sibi intrinsicum, quod ex-
cludit potentiam talem. Vel per causam extrinsecam, quæ excludit potentiam
propinquam ad peccandum à Michaële v. g. Loquendo primo modo, nulla
est causa intrinseca in voluntate Beati, per quam excludatur ab eo potentia ad
peccandum: sed loquendo secundo modo, iam per causam extrinsecam fit
potentia Beati impossibilis ad peccandum, videlicet per voluntatem DEI præ-
uenientem voluntatem Beati, vt semper continuet actum fruendi, nec potesta-
tem peccandi reducere posset ad actum; siquidem nunquàm causa secunda,
præuenta à causâ superiore, agente ad vnum oppositum, potest potentiâ pro-
pinquâ exire in aliud oppositum.

3. Non procedit ergò Resolutio præsens, de impeccabilitate Virginis
gloriosæ ab intrinseco, quia contrarium huius docent omnes planè Theologi,
præcipuè D. Subt: vbi supra & in 2do Dist: 23. Quæst: vnicâ. Vbi ex pro-
fesso concludit. DEVM non posse facere, voluntatem creaturæ rationalis im-
peccabilem per naturam, alias illa Creatura esset DEVS, cum hoc solius DEI
sit

fit priuilegium; sed procedit de impeccabilitate ipsius ab extrinseco, nimirum ex Gratiâ præueniente, excitante, & cooperante ad omne bonum, ac præseruante ab omni malo, vel etiam ex alijs præsidijs contra peccatum.

4. Supponendum est secundò. Impeccabilitatem illam dici, per quam homo peccare non potest. Ista autem impotentia peccandi, promanat ex quadruplici fonte. Primò. Ex ratione naturæ inobliquabilis de se. Et hoc modo, solus DEVS est impeccabilis, qui cum omnia possit, peccare non potest, quia est intrinsecè bonus, nec datur in eo aliqua potentia deficiendi. Secundò. Ex ratione vnionis hypostaticæ Verbi Diuini, cum naturâ obliquabili. Et hoc modo, CHRIS TVS non potuit peccare, quia in ipso erat vnio naturæ Diuinæ cum humanâ, proindeque hæc facta est impeccabilis propter illam. Tertiò. Ex ratione medij ita coniuncti cum naturâ obliquabili, vt ex naturâ sui non possit separari ab illâ, absque inuersione status illius in quo est. Et hoc modo Beati in patriâ, non possunt peccare, propter lumen gloriæ, quo adiuti, continuò & clarè vident summum bonum: & propter habitum charitatis, quo continuò amant illud summum bonum. Quartò denique prouenit im potentia peccandi, ex ratione medij coniuncti cum naturâ obliquabili, ita quod etsi de naturâ sui sit separabile ab illâ naturâ cui coniungitur, tamen cum non habeat contrarium repugnans, vel resistens, aut impediens, redditur à tali naturâ inseparabile saltem ab extrinseco. Et hoc modo Virgo gloriosa erat impeccabilis, ob plenitudinem gratiæ, collatam sibi in instanti conceptionis.

5. Rursus impotentia peccandi hoc vltimo modo, ex multiplici ratione prouenire potest in vitâ mortali. Vel enim prouenit ex gratiâ sanctificantē. Vel ex illuminatione Intellectus, ad cognoscendum quid agere, quid uè cauere debeat homo. Vel ex carentiâ aut ligamine fomitis. Prout fuit in Virgine sanctissimâ. Vel ex Diuinâ manutenentiâ, quâ DEVS potest non concurrere cum homine ad substratum peccati, sed cooperatur ipsi suauiter ad operandum bona, saluâ tamen libertate arbitrij eius. Sicut fuit in Ieremiâ & Joanne Baptistâ. Vel denique ex collatione præsidiorum contra lapsum, & auxiliorum ad vincendas tentationes in habentibus fomitem. Vti fuit in Apostolis post confirmationem per Spiritum sanctum. Vel ex alio quouis beneficio extraneo. Ex quibus, aliqua videntur præuenire libertatem arbitrij, vt vnio hypostatica, visio beata, ablatio concursus generalis, & alia huiusmodi; aliqua verò non.

6. Nos igitur, volentes conseruare libertatem arbitrij in Virgine gloriosâ, & tamen illam impeccabilem fuisse, demonstrare, illa omnia quæ ipsi vim inferre viderentur, procul ab eâ repellimus, ita vt non propter aliquid horum, scilicet non propter vnionem hypostaticam, nec propter aliquid intrinsecum sibi, ponamus impeccabilitatem in eâ, sed solùm ab extrinseco, nimirum propter plenitudinem gratiæ, carentiam fomitis, præsidia diuina, & propinquitatem ad naturam per se inuertibilem, scilicet ad naturam Diuinam; adeò vt Virgo non fuerit impeccabilis per impossibilitatem peccandi antecedentem,

tem, videlicet per aliquam coactionem liberi arbitrij, ita illud determinando ad vnum, vt voluntas nequeat operari oppositum, sed per impossibilitatem peccandi consequentem, nimirum per illa quæ libertatem voluntatis non lædunt, sed integram intactamque relinqvunt. Ex his ergo ad propositum.

7. Dico. Virgo Beata, quamvis non fuerit impeccabilis ab intrinseco, fuit tamen impeccabilis ab extrinseco; idq; à primo instanti conceptionis suæ. Et quod non fuerit impeccabilis ab intrinseco, facile probatur. Quia non erat vnita Deo per vnionem hypostaticam. Tum quia erat viatrix. Impeccabilitas autē simpliciter, non conuenit etiā Beatis in patriâ, vbi vident Deum facie ad faciem, & sunt Comprehensores. Tum denique quia erat in plenâ libertate arbitrij, consequenter in statu merendi vel demerendi, Ergo non fuit impeccabilis ab intrinseco. Quod autem fuerit impeccabilis ab extrinseco, probatur primò authoritatibus SS, Patrum. Nam D. Augustinus relatus à S. Bonaventurâ in speculo Cap. 14. ait. *Quis dubitare potest, omnino in charitatis affectionem transisse viscera MARIÆ, in quibus ipsa quæ Deus est charitas, nouem menses corporaliter requieuit?* S. etiam Ildephonus Orat. 1. de Assumpt. Virg. dicit. *MARIAM, velut ignis ferrum, Spiritus sanctus totam decoxit, incanduit, & igniuit, ita vt in eâ Spiritus sancti flamma tantum videatur, nec sentiatur nisi tantum ignis amoris DEI.* Id ipsum sentiunt alij permulti. Tunc ego. Sed vbi est tantus feruor charitatis in Deo, ibi sunt maxima præsidia contra peccatum, Ergo Beata Virgo fuit maximè custodita à peccato, & sic impeccabilis extrinsece.

8. Probatur id ipsum secundò rationibus. Virgo Beata erat plenè immunis ab omni peccato actuali, tam mortali quam veniali, vt vult Concil. Trident: Sed vbi nullum vnquam infuit peccatum, ibi signum est fuisse maxima præsidia contra peccatum, Ergo ibi fuit impeccabilitas saltim ab extrinseco. Tum quia talis impeccabilitas non minùs decuit Virginem, quam carentia peccati originalis: Sicut enim peccatum originale amouemus ab illâ, ex ratione prærogatiuæ Maternitatis CHRISTI, ita potentiam peccandi extrinsecam, debemus amouere ab illâ, ex eadem ratione prærogatiuæ Maternitatis CHRISTI. Nam quod conuenit CHRISTO filio eius, ex naturâ vnionis hypostaticæ, hoc conuenire dicimus MARIÆ, ex priuilegio, Ergo, &c. Tum denique quia in Virgine gloriosâ, fuit carentia fomitis, & vsus rationis perfectissimus, & continua contemplatio DEI, & gubernatio Spiritus sancti, quâ dirigebatur in cunctis agendis vel cauendis, vt iam deduximus suprâ, Ergo in Virgine gloriosa, fuit impeccabilitas ab extrinseco.

9. Huc spectat, quod Deipara Virgo, statim in primo instanti completæ conceptionis suæ, fuit adyuta à Deo, manè diluculo, id est in ipso suo conceptu, per infusionem plenitudinis gratiæ, elicuit intensissimum actum charitatis DEI, illi se acceptam referendo: & Deus ab hoc tempore, semper ita præueniebat illam voluntatem, suo concursu speciali, sicut præuenit in Beatis, vt semper continuaret actum amandi Deum intensissimè, & nunquam se à Deo auerteret, & ita neque venialiter peccare posset. Ergo &c.

RESOLVTIO QVINTA.

297

10. Accedit. Quod ex sententia Alberti magni super Missus est; B. Virgo in totâ vita hac, habuit medium statum inter statum simplicis viatoris, & statum simplicis comprehensoris, ita quod cum beatis peccare non potuit, & tamen cum viatoribus potuit mereri; Ergo non fuit inconueniens, DEVM ita procedere cum eius voluntate, quoad excludendam potentiam ad peccandum etiam venialiter, sicut procedit cum voluntate Beatorum in patriâ, & sicut processit cum voluntate creatâ CHRISTI.

11. Addo ex S. Bonauenturâ in 3. dist. 12. a. 2. q. 1. Quod sicut Christus habuit aliquid suprâ hominem, & ideo decuit, quod sibi fieret aliquod speciale priuilegium, vt scilicet esset in eo liberalitas obsequij, sinè vertibilitate arbitrij, ad contrarium obsequio DEI; ita cum & B. Virgo habuerit aliquid, nedum suprâ hominem, sed & suprâ Angelos, scilicet ordinabilitatem sui passiuam in DEI Matrem, oportebat vt etiam sibi tale fieret priuilegium, vt liberaliter & inauertibiliter DEO semper deseruiret.

12. Præterea. Non posse peccare, est proprium naturæ per se inuertibili, qualis natura est sola Diuina, Ergo quanto aliquid magis accedit ad naturam inuertibilem, tantò dicitur minùs potens peccare. Tunc ultra. Sed Christus maximè inter creaturas intellectuales accessit ad naturam inuertibilem; tùm quia summè illi est coniunctus coniunctione beatifica, ex DEI liberalitate, in instanti conceptionis; tùm quia natura humana in eo vnita est personaliter naturæ inuertibili: post Christum autem B. Virgo, itidem naturæ inuertibili proximè vnita est, quia etiam in instanti conceptionis habuit visionem beatificam, licet transeuntem, & fruitionem viatoris permanentem, & perfectissimam; tùm quia isti naturæ humanæ, quæ in Christo est coniuncta Verbo, ipsa est concorporea & consanguinea; tùm quia per plenitudinem gratiæ, adhuc in ipso conceptionis instanti, ab omni impuritate est elongata, & quasi cum Beatis æquiparata, Ergo in medio eius sic sibi coniunctæ, Deus non potuit commoueri, etiam per veniale peccatum. Quod est propositum. Contra hæc tamen

13. Obijcies. Gloriosius est, posse peccare & non peccare, quam non posse peccare. Iuxta illud Apostoli. *Non coronabitur, nisi qui legitime certauerit.* Ergo potius concedenda est Virgini gloriosæ potentia peccandi, quam impotentia. Respondeo negando Antecedens. Nam peccare, non dicit potentiam sed impotentiam, ac proinde imperfectionem. Secundùm illud D. Augustini Lib. de Symbolo dicentis. *Posse peccare, non est aliquid posse, imò aliquid non posse.* Sicut igitur gloriosius est, habere potentiam ad resistendum hosti corporali, quam esse impotentem, & facile succumbere, ita gloriosius est esse impeccabilem, quam peccabilem. Proinde negatur Consequentia.

14. Dices. A quo Christus non eximitur, ab illo non est fas Virginem eximi; Sed Christus non eximitur à potentiâ peccandi; Quia omnia assumpsit, quæ ipse in naturâ nostrâ plantauit, & sic debuerat assumpsisse Liberum arbitrium, quo possumus eligere malum æquè ac bonum, & prosequi illud respuendo hoc. Vt docet D. Damascenus. Ergo, &c. Respondeo negando Mino-

do Minorem. Quamuis enim Christus assumpserit omnia contenta in naturâ humanâ, & consequenter Liberum arbitrium, non tamen deprauatum, quale sibi ipse homo fecit. Et sic licet Christus habuerit in carne potentiam, quâ ordinariè peccatur in statu hoc pœnali, non tamen habuit potentiam peccandi; quia Liberum arbitrium, non est potentia peccandi formalitèr, alias causa peccati esset *Deus*, à quo Liberum arbitrium habetur, quod non est dicendum. Similitèr de Virgine gloriosâ discurrendum est.

15. Instabis. Virgo Beata fuit aliquoties reprehensa à Christo, maxime in templo Ierosolymitano, dum inter Doctores federet, & in medio illorum inuentus esset; ac etiam in Cana Galilææ, Sed non fuisset reprehensa frustra & absque omni peccato, aliàs fieret ipsi injuria à Filio, Ergo propter aliquod peccatum, consequenter Virgo fuit peccabilis saltem venialitèr. Respondeo negando assumptum. Quia reprehensio illa, non erat vera reprehensio, non enim dirigebatur à Christo in peccatum aliquod Virginis Matris, sed potius ordinabatur ad demonstrandam gloriam suam. Ut patet ex verbis Christi Lucæ 2. dicentis. *Ne sciebatis quod in his, quæ Patris mei sunt, oportet me esse. &c.* Ad manifestandum ergo gloriam suam videbatur Christus reprehendisse Matrem suam, non ob peccatum eius, alias dato opposito huius, iam deberet poni in Virgine de facto aliquod peccatum actuale saltem veniale, quod est contra decretum Concilij Trident: Cum igitur nullum unquam fuerit peccatum actuale in Virgine commissum, sequitur nunquam eam fuisse reprehensione dignam, nec verba asperiora Christi, dici posse veram reprehensionem, sed potius mysterij communis sibi cum Patre æterno, manifestationem. Ex quibus quasi pro coronide Resolutionis.

16. Inferitur. Virginem gloriosam, longè maioribus præsidiiis fuisse munitam à Deo, contra omne peccatum, quam ceteros Sanctos. Nam licet aliqui illorum fuerint in utero Matrum suarum sanctificati; sicut Joannes Baptista, & Jeremias, aliqui verò postea confirmati; ut Apostoli per receptionem Spiritus Sancti; tamen à peccato originali non fuerunt immunes. Imò etiam venialitèr peccare poterant. Juxta illud Joan. 1. *Si dixerimus quoniam peccatum non habemus, ipsi nos seducimus, & veritas in nobis non est.* In

Virgine autem, nullum unquam infuit vel inesse potuit peccatum, ob plenitudinem gratiæ & alia præsidia, proinde intrepidè eam dicimus fuisse impeccabilem ab extrinseco.

Hæc de istâ Resolutione.



RESO.

RESOLVITO

SEXTA.

Sanctitas B. VIRGINIS in conceptione, incomparabiliter est maior, & perfectior, Sanctificatione Diui Ioannis Baptistæ, S. Ieremiæ, & S. Ioseph.



lect primâ facie, videar esse superfluous, dùm hanc Resolutionem propono, de quâ ob vnanimem Authorum, qui de Conceptione Virginis scripserunt, consensum, nulla amplius videtur esse controuersia: tamen quia novum volo aliquid afferre, pro disparitate sanctitatis Marianæ in vtero, & sanctitatis D. Ioannis, S. Ieremiæ, ac S. Ioseph, putabor veniâ dignus. Non igitur hic loquor de maiori gradu gratiæ, quo Virgo in suâ conceptione superauit Joannē si & Jeremiam. Nec de anticipatione tēporis, quod scilicet Virgo, multo citius præuenta à gratiâ, quam illi. Non item de modo sanctificationis, quod scilicet B. Virgo sanctificata sit præseruatiue, illi subleuatiue: ipsa in puncto suæ animationis, illi post animationem, estò vnus altero citius, videlicet D. Joannes, Jeremiâ: in his enim omnibus, superauit B. Virgo alios omnes sanctificatos in vtero, vt Theologi, tum ex dignitate Matris DEI, tum ex Authoritate SS. Patrum, iam concluderunt. Et esset verè superfluum, his immorari.

2. Est igitur aliquid aliud, cujus ostendendi gratiâ, hanc Resolutionem proposui. Nempè redintegratio naturæ humanæ Virgineæ, quæ in solâ B. Virgine, manu Dei facta est, dùm conciperetur, quæ nulli sanctificatorum in vtero matrum, contigit. Quod vt intelligatur.

3. Sciendum est primò. Quod omnes, quos diuinæ Maiestati placuit sanctificare in vtero matrum suarum, ordinabantur ad Christum totius sanctitatis fontem, vt eum aut patientem exprimerent, aut præsentem ostenderent, aut parvulum nutrent. Proindè, quantò aliquis propius accessurus erat in vitâ suâ ad Christum, veraciter sanctum, tantò perfectiore sanctificatione, adhuc in vtero matris suæ dignabatur. Jeremias igitur, quia Christi innocentis passionem & horrendam persecutionem ac contradictionem, quam à Judæis pro veritate & iustitiâ, & maxime à Principibus eorum & Scribis, sustinere debebat, in se figurauit, multa ob veritatem à Judæorum Principibus & Scribis passus, & tandem occisus, ideò fuit sanctificatus in vtero, paulò

D d d d

antè

antè ortum ex utero, ut perhibet scriptura, Jeremiæ 10. *Antequam exires de ventre sanctificavi te, & Prophetam in gentibus dedi te.* Jam verò Joannes Baptista, quia Christum præsentem ostensurus erat incredulis Judæis, & antè eum in spiritu & virtute Eliæ præcursum, & corda Israël ad eum agnoscendum & recipiendum præparaturus, quod officium utique proximius ad Christum ordinabatur, quàm officium & persecutio Jeremiæ, quæ solum in figurâ contingeat illi. Et quod maius est. Quia Christum tangere, & verticem capitis eius aquâ abluere, per Baptismum debebat, idè nobiliorem & celeriorè sanctificationem in utero accepit, quæ multiplici capite præcellit supra sanctificationem Jeremiæ; tùm anticipatione temporis, quia hic sexto mense, ille nono: tùm ex parte se sanctificantis, scilicet ipsiusmet Saluatoris, jam in utero Virginis incarnati, & cum Virgine Matre eum visitantis, adhuc in utero Elisabethæ reclusum: tùm maiori abundantia gratiæ, quæ etiam & in matrem Elisabetham redundavit, imò in utrumque Parentem, ut canit Ecclesia: *Hinc Parens nati meritis, uterq; abdita pandit.* His duobus in utero sanctificatis, de quibus expressè id tradit Sacra Scriptura, adnumerant Sancti Patres aliqui, & iam communiter omnes recentiores Theologi, S. Josephum, Sponsum B. Virginis, qui quia adhuc magis videtur approximasse Christo, ita ut eius Parens & Pater in Euangelio pronuncietur, quia ita communiter putabatur, ut adnotavit S. Lucas cap. 3. dicens; *IESVS ut putabatur filius Ioseph.* Idè ob tantam ad Christum vicinitatem, rectè censetur esse in utero sanctificatus, & quis scit, si non æquali cum Ioanne Baptista, vel adhuc ampliori sanctificatione.

4. Sciendum secundò. Quod isti omnes sanctificati in utero matrum, erant verè concepti in peccato originali, ita quòd & parentes Adamicè generantes, deciderunt semina cum libidine, & semina decisa, secundum naturam suam agere sunt dimissa, ut producerent in eis carnem peccati, & quidquid est Adamicum, scilicet dispositiones ad animam seminalem, in quarum ultimò instanti, DEVSEAM concedit, & tandem animam intellectiuam, dando ipsam, ad esse hominis Adamici determinavit. Et cum illos deindè sanctificavit, tunc nihil aliud fecit circa illos DEVS, nisi quòd gratiam gratum facientem, ex opere operato, seu sacramentalem, in illorum animam infudit, ac infudisset post natiuitatem ipsorum ex utero, in circumcisione vel Baptismo. Sicq; isti, verè concepti in peccato originali, & carne peccati, mundati sunt.

5. Estò non improbabilitè dici possit, eos longè maiorem gradum gratiæ sanctificantis accepisse, quàm illos, qui circumcidebantur, vel modò baptizantur: cum deceat DEVM anticipatiuè sanantem, etiam abundantius & perfectius sanare.

6. Ratio autem, quare isti dimissi sunt naturæ seminum, agenti ad productionem animalitatis in eis dispositiuè, hæc potest esse. Quia ad ista munia exequenda, per quæ ordinabantur aliquomodo ad CHRISTVM, poterant esse idonei, etiam cum carne peccati, dummodò semper essent in gratiâ gratum

RESOLVTIO SEXTA.


291

tum faciente, & castè in virginitate tali, qualis est possibilis homini Adamico, totam vitam ducerent, vt sic saltem per accidens, ad virgineam CHRISTI naturam, accederent aliqualitèr. Hinc est ergò, quòd eis adhuc in vtero matrù existentibus, collata est gratia sanctificans eos, & à peccato originali emundans, idque secundùm magis & minus, iuxta illorum propiorem ad Christum ordinabilitatem, derelinquebantur tamen in carne verà peccati, estò per abundantiam gratiæ, minueretur fomes & concupiscentia in eis, vel etiam ita tolleretur, vt nunquàm posset exire in actum.

7. Et in hac refrenatione fomitis, ego credo potissimam rationem sanctificationis in vtero istorum sanctorum, sitam fuisse. Quod ex eo colligo; quòd nullus ex ipsis, generationi Adamicæ vacauit, totà vitâ suâ. Cùm enim sancti Patres doceant; fidelibus in baptismo minui concupiscentiam, ita vt maior sit concupiscentia non baptizatorum quàm baptizatorum; videtur, quòd DEVS ab istis quos anticipatiuè adhuc in vtero matrum sanctificauit, totalitèr concupiscentiam abstulit; ita eos magnitudine gratiæ munerando, adhuc in vtero, ac aliquem Sanctum, qui in se iam concupiscentiam subegit, & carnem subiecit Spiritui. Sicut legitur de S. Thomâ Doctore Angelico, cui dum Angelus in somnis constrinxit lumbos, ita deinceps castus vixit, quòd nullos concupiscentiæ motus, in totâ vitâ reliquâ senserit. Proinde de Sancto Iohanne Baptistâ, in Reuelationibus S. Birgittæ, legitur dixisse Christus, cum sibi esse præ cæteris sanctis specialitèr dilectum, ideò quòd ex ipso seminarius humor nunquam exiuerit. De Jeremiâ etiam constat ex Sacrà Scripturâ, Jerem: 16. quòd prohibitus sit à DEO ne duceret vxorem, illis verbis. *Factum est verbum Domini ad me dicens: non accipies vxorem, & non erunt tibi Filij. & Filia in loco isto.* Denique de sancto Iosepho Sponso B. Virginis, habet traditio SS. Patrum, eum fuisse alienum à coniugio: propterea enim, iam in adultâ, imò vt aliquibus videtur, prouectâ ætate, cælebs vixit, donec iussus fuit in templum virgam suam cum cæteris de domo David adolescentibus afferre, idque ex DEI reuelatione, in ordine ad hoc, vt eius solius virgâ florente, in signum sanè virginitatis illibatæ, quam hætenùs seruauerat, Beatissima Virgo illi in sponsam, vt Virgo Virgini, traderetur. Legatur de hoc D. Hieronymus in vitâ S. MARIE, & in Epistolâ ad Chromatium & Helindium.

8. Nunc iam ad B. Virginem transeamus. quæ sicut proximè & immediatissimè ordinabatur ad CHRISTVM, tanquam ea, quæ eum saluâ virginitate paritura erat; ita præ omnibus sanctificatis in vtero, maiorem sanctitatem accipere debuit, per quam tanto muneri exequendo, digna & idonea redderetur. Non poterat autem esse idonea, nisi in eâ redintegraretur natura, & sortiretur virginitatem per essentiam, in quâ creata erat Eua in Paradiso, ad hoc, vt de Spiritu sancto, saluâ virginitate conciperet, & pareret prolem humanam. Quòd probò. Quia effectus, semper sequitur debiliorem partem suæ causæ, Ergò si B. VIRGO non fuisset reducta in suâ conceptione, ad statum integræ naturæ, qui fuit illa virginitas per essentiam, iam

iam eius proles CHRISTVS, debuisset prodire non integer, nec totaliter Virgineus, sed aliquid de animalitate Adamicâ, ex matre participans. Quia actus secundus, impossibile est ut exeat, absque influxu actus primi, cui conformetur; Ergo B. VIRGO in sua conceptione, prodijt in naturâ redintegratâ, quoad actum primum, ut ita esset idonea Mater CHRISTI. Atque ita sanctitas conceptionis MARIANÆ, excelluit præ sanctificatione aliorum sanctificatorum in utero, nedum gratiæ magnitudine, sed etiam redintegratione naturæ humanæ Virgineæ, si saluâ virginitate, paritura erat florem virginitatis CHRISTVM, ita ut ex hoc solo capite, videatur mihi ponenda in virgine, naturæ humanæ redintegratio, & ita, absque Adamicâ animalitate, purissima conceptio.



293

RESOLUTIO
SEPTIMA.

Non requirebatur ad redintegrationem carnis B. VIRGINIS, vt CHRISTI caro, prius tempore prodiret integra.

II.

HÆc Resolutio ponitur, propter D. Thomam 3. p. q. 27. A. 3. ponentem in B. VIRGINE fomitem, licet ligatum, eò quòd putauerit, derogari dignitati CHRISTI, si aliqua caro, prius quam caro ipsius, sinè fomite prodijisset. In quo sanè D. Thomas suis principijs, quibus asseruit, non venturum fuisse CHRISTVM nisi Adam peccasset, valde conformitèr loquitur: si enim CHRISTVS solùm venisset vt restaurator naturæ humanæ lapsæ, consequens erat, vt nullus antè eum, appareret in carne immuni à fomite.

2. Ast mihi cum Doctore meo oppositum sentienti, in hoc puncto doctrinæ, D. Thomas deferendus venit. Quare vt efficacior sim in adstruendâ meâ Resolutione, contrà D. Thomam. Pono eius verba, vbi suprâ scripta, quæ sunt ista. *Quamuis hæc positio, (scilicet, quæ aufert totalitèr fomitem à VIRGINE in eius conceptione, seu vt ipse loquitur, in eius primâ sanctificatione) ad dignitatem VIRGINIS Matris pertinere videatur, derogat tamen in aliquo, dignitati CHRISTI, absq; cuius virtute, nullus à primâ damnatione liberatur: Quamuis per fidem CHRISTI, aliqui antè CHRISTI incarnationem, sint secundum spiritum ab illâ damnatione liberati, tamen quòd secundum carnem, aliqui ab illâ damnatione liberetur, non videtur fieri debuisse, nisi post incarnationem eius, in quâ primò debuit immunitas damnationis apparere. Et ideo sicut antè immortalitatem carnis CHRISTI resurgentis, nullus adeptus fuit carnis immortalitatem; ita inconueniens esse videtur dicere, quòd antè CHRISTI carnem, in quâ nullum fuit peccatum, caro VIRGINIS Matris eius, vel cuiusq; alterius, fuerit absq; fomite, qui dicitur lex carnis, siue membrorum. Ita D. Thomas.*

3. Sed quàm ista nihil penitus officiant puritati & redintegrationi, etiam secundum carnem, naturæ humanæ in B. VIRGINE, ex ipsismet istis S. Thomæ rationibus, volo ostendere. Et iam sic arguo. Ipsemet S. Thomas hic fatetur, digniorem futuram fuisse DEIPARAM, si in eius conceptione, seu vt ille vocat, primâ sanctificatione, penitus sublatus fuisset fomes, quàm si tantum esset ligatus; Ergò ipsemet S. Thomas docet, in B. VIRGINE, ex
Eccc
digni-

dignitate maternitatis DEI, debere poni redintegrationem naturæ, etiam secundum carnem. Antecedens probatur. Nam qui asserit, positionem auferentem totaliter fomitem à carne Virginis in eius conceptione, ad dignitatem Virginis Matris pertinere, ille docet, digniorem futuram fuisse DEIPARAM, si in eius conceptione sublatus fuisset ab eâ fomes, quam dum tantum est ligatus. Consequentia patet. Quia sublatio totalis fomitis in carne, nihil aliud est, nisi positio in aliquo talis carnis, qualis fuit antè peccatum in statu innocentia; Atqui ista est carnis redintegratio; Ergò, &c.

4. Sed opponit sibi sic sentienti, D. Thomas illis verbis. *Derogat tamen hæc positio in aliquo, dignitati CHRISTI, absq̃ cuius virtute, nullus à primâ damnatione liberatur.* Ast hæc oppositio, nedum nihil obtinet, sed potius subministrat mihi materiam, ad promouendam integritatem carnis Virginis, antecedentè ad apparitionem carnis CHRISTI integræ.

5. Suppono enim: quòd D. Thomas nominans hîc primam damnationem, intelligit illam, quâ natura humana, per Adæ peccatum damnata est, in carne ad fomitem, & concupiscentiam, quam damnationem innuit Concilium Tridentinum sess. 5^{tâ} in Decreto de peccato originali, dum determinat, *totum Adam, etiam secundum corpus, esse in deterius commutatum.* De hac enim præcisè damnatione primâ carnis, est ibi sermo. Tunc hoc supposito, pro Resolutione meâ.

6. Arguo sic. Quod fiebat eo fine præcisè, vt in CHRISTVM realissimè & consubstantialitèr atque identicè transferretur in eius incarnatione, illud si fiebat purissimum & à primâ damnatione remotissimum, nedum non derogabat dignitati CHRISTI, sed omninò promouebat eius dignitatem, si purissimum producebatur; Sed caro B. Virginis, in conceptione suâ, eo fine fiebat manu & digito DEI, vt non iam mysticè sed verè, & realissimè, & consubstantialitèr, ac identicè, (istæ enim sunt phrasæ SS. Patrum, loquentium de vnitæte carnis MARIANÆ cum CHRISTI carne, vt iam Decade 2^{dâ} hic patuit) transferretur in CHRISTVM, in ipsius incarnatione; Ergò si fiebat purissima & ab omni fomite aliena, nedum non derogabat dignitati CHRISTI, sed omninò auxit eam.

7. Accedit. Quòd non absq̃ue CHRISTI virtute (vt supponit S. Thomas) caro Virginis in conceptione, à primâ damnatione est liberata; (si tamen ita fas est loqui de carne Virginis, quæ nunquam fuit damnata, vt potè nec in intentione DEI, nec in ipsâ executione suæ passiuæ formationis, ab Adamo dependens, in ratione patrationis, vt abundè iam declaratum suppono) imò dico absolutè: CHRISTI, (vt ab æterno præuisi & ordinati à DEO, in illud nomen, præter quod non est aliud nomen datum naturis intellectualibus, in quo oporteat eas saluas fieri, vt suprà iam stabiliui) virtute & merito, carnem Virginis euitasse hanc communem totius carnis Adamicæ damnationem, eò quòd vnitiuè ad ipsam carnem CHRISTI pertinebat: quomodò nulla alius cuius hominis caro, spectauit ad CHRISTVM. Vnitiua autem salus, quam stabiliuimus virtute sanguinis & mortis CHRISTI, respectu solius Virginis Ma-

Matris, R
bilitatem

8.

quòd pri
tione, qu
talitas ca
gentis, it
immun
uiduo, in
GINE M
est cum
dactèr d

9.

nis ab A
munis, q
Thomæ,
conception
inuitus cor
mnatione
buit ante
actiua fil
gatus, seq
cum fom
naturæ, d
& dicend
GINIS, q
instanti te
reali appa
prioritas
verò rea
conceda
emunda
Thoma
nis, sed
filij & M
ceptione
ceptioni

10.

vt ex pr
aur simi
tem & a
mauâ in
spiritualis
gine, in h

Matris, Resolut: 10. Decad. 2dæ, excludit nedum damnationem, sed & possibilitatem damnationis.

8. Et si vim ponit D. Thomas in eo, (vt obseruauit Caietanus hic) quod prius omnino debuit apparere CHRISTVS in carne immuni à damnatione, quàm aliqua alicuius alterius caro, etiam Matris, eò quod, sicut immortalitas carnis, nulli contigit antè immortalitatem carnis CHRISTI resurgentis, ità nec immunitas à fomite, debuerit alicui, etiam Matri, concedi antè immunitatem carnis CHRISTI. Ista doctrina, estò fortè de omni alio Individuo, in naturâ humanâ Adamicè genito, procedat, sed nequaquam de VIRGINE MATRE, quæ vt talis, ab æterno præuisa, Adamicâ generatione non est cum alijs comprehensa. Imò potius est iste discursus pro nobis; quia audacter dico

9. Quod nisi caro VIRGINIS in eius conceptione apparuisset immunis ab Adamico fomite, caro CHRISTI ex eâ sumpta, non apparuisset immunis, quantum est ex parte Matris. Quod probo ex mente ipsiusmet S. Thomæ, qui hic tenet, à B. VIRGINE sublatum esse totalitèr fomitem, in conceptione filij DEI, & non antè. Hoc enim docens D. Thomas, iam vel inuitus concedit, prius apparuisse carnem VIRGINIS immunem à primâ damnatione, quam carnem CHRISTI: quia ista ablatio fomitis, omnino debuit antecessisse actum conceptionis CHRISTI; aliàs si in ipsâ conceptione actiuâ filij DEI, vel simul cum ipsâ, in eodem instanti, fuisset fomes, licèt ligatus, sequeretur, carnem VIRGINIS, translata esse in carnem CHRISTI cum fomite, qui in eâ fuit, licèt ligatus. Nec licèt hic fugere ad prioritatem naturæ, distinguendo illud vnicum instans temporis, in duo instantia naturæ, & dicendo, quod prius naturâ Spiritus sanctus purgauit à fomite carnem VIRGINIS, quam illam transtulit in carnem filij DEI; licèt vtrumque in vnico instanti temporis fuerit. Non licet inquam. Tùm quia hic loquimur de reali apparitione carnis CHRISTI, mundæ antè carnem VIRGINIS Matris; prioritas autem naturæ, solum notat præintellectionem vnus antè aliud, non verò realem antecessionem veram. Tùm quia mihi abundè sufficit, quod concedat sic respondens, saltèm prius naturâ, carnem in B. VIRGINE esse emundatam à fomite, quam carnem Christi. Ex hoc enim habetur contra D. Thomam, quod non à carne Christi, descenderit puritas in carnem B. Virginis, sed potius è contrà, à carne Virginis Matris, in Christi carnem, cœu veri filij & Matri consubstantialis. Et si hoc necesse est concedere in Christi conceptione, cùm antea caro Virginis, imò statim in primo instanti completæ conceptionis suæ, pura & immaculata esse non debuerit? prorsus ignoro.

10. Accedit. Quod loquendo realitèr, præposterus est ordo in naturâ, vt ex prole conceptâ in vtero, redundet in Matrem puritas carnis, aut sanitas, aut similia aliqua naturæ bona; Ast iam ostendi Decade 1mâ, hanc puritatem & à fomite immunitatem, esse & fuisse in statu innocentix, ex DEI primariâ intentione, donum naturæ, homini, quatenus homo à Deo creatus erat spiritualis & perfectus, proprium & vernaculum; Ergo illud potius à Matre Virgine, in hanc prolem deriuari oportebat, non è contra.

11. Porro, quod adducit D. Thomas de immortalitate carnis; hoc cum hic non iuuat, ob disparitatem. Licet enim verum sit, neminem in carne apparuisse immortalem, antequam Christus apparuerit post resurrectionem immortalis; hoc ideo est; quia carnis immortalitas, strictè & propriè accepta, qualis est in patriâ, propriè & præcisè pertinet ad terminum, ad quem decebat primogenitum ex mortuis, antè omnes ingredi: nec tamen ipse propterea Christus apparuit statim in incarnatione suâ, immortalis secundum carnem, sed solum in resurrectione, quando iam factus fuit omnino extrâ viam, & absolute in termino. Ast verò immunitas à fomite pertinuit ad viam, si Adam peccando non corrupisset naturam. Vnde sicut si Adam non peccasset, fuisset in omnibus electis viatoribus: ita ipso peccante, remansit in ijs ex DEI ordinatione, qui præuisi sunt Adamicam naturam lapsam restauraturi, etiam viatoribus, idque eo ordine, quo transisset à matribus in proles, si status innocentiae perseverasset, non è contrâ.

12. Præterea. Ex hoc quod dicit D. Thomas; quamvis per fidem Christi, aliqui antè Christi incarnationem, sint secundum spiritum ab illâ damnatione liberati; tamen quod secundum carnem, aliquis ab illâ damnatione liberetur, non videtur fieri debuisse, nisi post incarnationem eius, in quâ primò debuit immunitas damnationis apparere: ita arguo à maiori ad minus affirmatiue. Nihil derogatum est dignitati animæ Christi per hoc, quod milles millenas animæ, sanctificatæ sunt meritis eius præuisis, antequam ipsa anima Christi existeret: imò id ad gloriam eius magnoperè conducit; Ergo multò minus derogatum est carnis Christi dignitati per hoc, quod vnica Mariana caro, de quâ carnem ipse Christus assumpturus erat, sit antè ipsam, intuitu tamen meritorum Christi, emundata à fomite. Consequentia patet. Quia dignior est anima sanctificante gratiâ mundata, quam caro à fomite libera; quia & dignior pars hominis, & nobiliori qualitate, vt potè supernaturali gratiâ ornata; Ergo si non erat inconueniens, animas Patrum antè aduentum Christi sanctificari, nec à fortiori erit inconueniens, carnem Mariæ, de quâ caro Christi procedere omnino ex DEI ordinatione debuit, antè incarnationem, à fomite immunem fieri; maximè cum B. Virgo nullam habuerit obnoxietatem contrahendi in carne fomitis, quâ prior Adamo, & absolute futura independentèr ab illo.

13. Accedit. Quod honor Matris, in Filium redundat; Ergo non derogatur Christi personæ per id, quod in personâ matris præhonoratur. Confirmatur hoc per Caietanū hic, licet inuitum, qui sic ad hunc locum D. Thomæ, dicit. *Consentaneum rationi est, vt sicut salus spiritus, per spiritalem modum fit, per fidem scilicet, quæ est etiam futurorum; ita salus carnis, carnaliter quoque fiat, ac per hoc à carne sanctâ, suâ ipsâ naturâ, qualis est absque dubio secundum omnes, sola CHRISTI caro.* Hæc Caietanus. Tunc ego infero. Si sic est, quod salus carnis carnaliter debuit fieri, & non aliter decuit naturam per carnalem propagationem vitiatam restaurari, nisi carnaliter, scilicet propagando eandem

RESOLVTIO SEPTIMA.

298

eandem carnem spiritualiter; vt vnde surrexerat carnalis & animalis, indè surgeret spiritualis & integra; Ergò Mater CHRISTI, à quâ CHRISTVS propagari debuit secundum carnem spiritualiter, debuit esse in carne spiritualis, & ita absque omni carnalitate seu fomite, vt ita restauraretur natura in CHRISTO, & sic restaurata, nobis applicaretur per Sacramenta Ecclesiæ. Patet igitur veritas Resolutionis nostræ, quâ conclusimus, quod non requirebatur ad redintegrationem carnis B. VIRGINIS, vt CHRISTI caro prius tempore prodiret integra. Ex hac Resolutione sequitur.





R E S O L V T I O

O C T A V A.

B. VIRGO, etsi fuerit sic integra, in esse Virgineæ naturæ humanæ; tamen si antè **CHRISTVM** mortua fuisset, ianuam coeli non intrasset.

1.



Via dictum est Resolutione præcedenti, antè resurrectionem **CHRISTI**, nemini concessam fuisse immortalitatem carnis, loquendo rigorosè de immortalitate, eo quòd talis immortalitas sit præcisè patriæ; neminem autem antè primogenitum decuit ingredi patriam; hinc meritò sequitur, neminem ex hominibus, esto redintegratum in naturâ, potuisse in cœlum ad illam immortalitatem ingredi, nisi priùs ipse primogenitus ingrederetur, & ita nec ipsam Beatissimam Virginem. Cuius ratio à priori non est alia, nisi voluntas **DEI**, nobis per illud verbum **CHRISTI** Joh 3. manifestata. *Nemo ascendit in cœlum, nisi qui descendit de cœlo, filius hominis qui est in cœlo.* Ille enim solus debuit multos filios ad gloriam adducere, per quem & in quo, omnes electi facti sunt filij **DEI**; juxta illud Cyrilli Hierosolymitani Decade primâ Resolut: 3 tiâ. *Quia filij per filium, imago **DEI**, & similitudo.*

2. Teneo igitur. Quòd non præcisè ratione peccati originalis, clausa erat ianua coeli, & introitus regni cœlestis vetitus hominibus, quia & in statu innocentia si perseverasset, nullus fuisset ingressus gloriam, antè **CHRISTI** incarnationem. Imò si **DEVS** modò de nouo crearet hominem aliquem de terrâ, hic utique esset absque peccato originali, & tamen si antè **CHRISTI** in cœlum ascensionem mortuus fuisset, ianuam coeli intrare nequiuisset. Sicut igitur non sequitur necessariò; quòd quicumque absque peccato originali conceptus est in naturâ integrâ, ille mortuus antè passionem **CHRISTI**, debet omninò introire in Regnum **DEI**, quia talis innocentia à peccato isto, non est præcisa ratio apertionis ianua regni **DEI**; ita etiam non sequitur, quod quicumque non potuit antè **CHRISTI** mortem mortuus, ingredi ianuam regni, fuerit ab eâ exclusus ob peccatum originale; quia peccatum originale, non est causa præcisa clausionis ianua coeli.

3. Erat igitur alia causa præcisa istius, scilicet ordinatio diuina, quâ **DEVS** Pater, ob reuerentiam singularem filij sui, per quem omnes homines electos, in filios adoptabat, & hoc tam in statu innocentia, quam post lapsum

lapsum intercedente redemptione, noluit quenquam, etiam sanctissimum & innocentissimum, ad regnum admittere, nisi prius ille, quem constituit heredem vniuersorum, intraret. Erità, & in statu innocentiae, debuit Adam & tota electorum corona, expectare CHRISTVM glorificatorem, cum quo & per quem fuissent omnes simul translati in gloriam. Patet igitur, quod stante integritate naturae humanae in Virgine, si mortua fuisset, adhuc antè filium in regnū non introisset, & tamen non obcontractum originale peccatum.

4. Hæc est etiam mens Doct: Subtilis in 3. dist: 3. q. 1. sub finem s. Si queratur &c. Vbi ita hanc difficultatem resoluit. *Si queratur, utrum si B. Virgo fuisset mortua antè passionem filij, fuisset beata? dici potest: quod sancti Patres in Lympo, purgati fuerunt à peccato originali, & tamen clausa fuit ianua, vsq; ad solutionē penæ debitæ: ita enim determinauerat DEVS, quod licet acceptaret passionem Christi præuisam, ad remittendum culpam originalem omni credenti, & credituro illam passionem; non tamen remittebat pœnam illi peccato debitam, scilicet carentiam visionis diuinæ, propter passionem præuisam, sed propter ipsam exhibitam; & idè sicut illis patribus non patuit ianua, quousq; passio Christi fuit exhibitæ, ita probabile est, quod nec B. Virgini. Ita Doct: Subt: Quæ verba, licet videantur sonare causam clausionis ianuarum regni, fuisse peccatum originale, quoad pœnam se consequentem, quousq; satisfieret DEO per passionem Christi exhibitam; tamen non verificantur, nisi de sanctis patribus in Lympo detentis, quibus sicut peccatum originale causa fuit mortis corporalis, antè aduentum Christi glorificatoris in carnem, ita & illius detentionis in lympo, vsq; ad Christi resurrectionem: sed hoc fuit per accidens, quia non fuisset sic in statu innocentiae. Ast verò per se loquendo, talis occlusionis ianuarum, causa præcisa fuit, diuina ordinatio, quam Christus manifestauit Joannis 3tio. Propter quam & Patres illi, per se loquendo, & ipsa DEI genitrix, si mortua fuisset antè resurrectionem vel ascensionem Christi, debuit expectare ingressum primogeniti.*

5. Dicunt tamen aliqui, quos allegat & approbare videtur Bernardinus de Busto sui Marialis p. 1. ser. 2do. Quod sicut Deus præseruauit specialitèr B. Virginem ab originali peccato; ita si mortua fuisset antè Passionem filij, specialem ei deputasset locum, in quo glorificata esset, etiam antè ingressum cæli Empyræ: sicq; esset Beata, licet cum hoc expectasset triumphum Christi resurgentis, & in cælum ascendentis. Quod est valdè probabile: quia cum B. Virgo fuerit beata in viâ, etiam in instanti conceptionis completæ, vt suprâ ostendimus, indignum videretur, eam in tali casu, post mortem retardari à visione & fruitione DEI beatificâ.

6. Sed Resolutioni isti non est cur debeam immorari; videtur enim esse vana & nulli vsui: quia illa æterna sapientia DEI, quæ suauitèr omnia disponit, etiam circa hanc matrem filij DEI, ab æterno præelectam, ita disposuit, & ordinauit, vt nihil ipsi indecens, & incongruum, in eam cadere posset. Quarè & vitam eius mortalem, quam summoperè, vt potè excellentem diligebat, decreuit tamdiu continuandâ, donec filius eius in regnum ipsi præiuisset, eam in solū gloriæ introducturus, & in regni misericordiæ, totiusq; creaturæ, Monarchiæ excellentiam, & distinctam à cæteris omnibus hierarchiam, euecturus. RE-

R E S O L V T I O N O N A,

Beata VIRGO, inter filios DEI adoptiuos prima, & adoptionis cæterorum metrum, idea, ac forma.

.I.



Quoniam adoptio est quædam filiatio, imitans vel supplens filiati-
nem naturalem in aliquo; ideo sicut filiatio naturalis, fundatur
in naturâ simili naturæ generantis naturaliter; ita & (transfe-
rendo huc nomen adoptionis à Juristis) adoptio, seu filiatio nostra adoptiua
ad DEVM, fundatur quoque in naturâ simili creanti, quatenus illa natura, est
imago creantis, similitudine naturali, & cum hoc similitudine gratiæ, quâ ipsa
vt natura intellectualis, potest attingere ad hæreditatem adoptantis DEI.

2. Ex quâ descriptione adoptionis, habetur. Quod sicut in adoptione le-
gali, quâ homo carens naturaliter genito filio, acceptat extraneum aliquem,
in naturâ sibi similem, ex gratiâ in hæreditatem, concurrunt tria; scilicet ex-
traneitas, gratia seu gratuita voluntas adoptantis, & bonum ad quod præordi-
natur ex istâ gratiâ, scilicet, hæreditas, ad quam incipit habere ius succedendi
ex adoptione; ita & in adoptione hâc supernaturali, quâ creatura intellectu-
alis, similis aliquantulum creanti, vt imago eius, assumitur ex gratiâ ad æternam
Regni cœlestis hæreditatem, eadem tria concurrere debent, vt quis verè dica-
tur Dei filius adoptiuus. Hæc est doctrina tam Doctoris Subtilis in 3. dist:
10. q. vnicâ, quam Doctoris Seraphici in 3. dist: 10. a. 2. q. 1.

3. Porro Doctor Subtilis vbi supra, rigidè trutinat hanc extraneitatem.
Vel enim extraneitas est, à generatione naturali. Vel à gratiâ. Rursus ex-
traneitas à gratiâ; vel est extraneitas contraria, quæ attenditur penes peccatū
habitum siue in se siue in parentibus, ob quod inest carentia gratiæ: vel est ex-
traneitas negatiua, quæ est sola carentia gratiæ mera, & consequenter iuris in
hæreditate naturali, absq; vllò tamen peccato suo vel parentum. Sic enim
extraneus vt plurimum adoptatur; sed extraneus contrariè seu inimicus, siue
in se siue in parentibus, communiter non adoptatur. Adhuc extraneitas ista
negatiua, quæ consistit in carentiâ merâ iuris ad hæreditatem, consideratur &
conspicitur dupliciter. Aut ex hoc, quod in instanti generationis naturalis, nō
habeatur ius in hæreditatem, ita quod sic extraneus, prius saltèm naturâ, ha-
beat solum esse naturale, secundum quod sit extraneus, esto in secundo instan-
ti na.

ti naturæ habeat gratiam, per quam adoptatur. Aut ex hoc, quòd etiam in illo primo instanti naturæ, quo generatur vel creatur, habeat necessariò aliquid concomitans, quod sit dispositio de congruo, conferens illi necessariò ius ad hæreditatem; ita quòd etiam si ex vi generationis, videatur esse quasi extraneus, tamen præuenitur in eodem instanti naturæ omninò primo, ne sit verè extraneus; non iam per gratiam, quia sic non posset in primo instanti naturæ præueniri, cum in illo abstrahat seu præscindat à grato & non grato, sed per conditionem finè quâ non gigneretur naturalitèr; qualis conditio est in solâ naturâ humanâ Christi, scilicet, vnio hypostatica ad Verbum, ita quod propter hanc conditionem vnibilitatis ad Verbum, quæ in doctrinâ Doctoris Subtilis, præcedit infusionem gratiæ, natura humana Christi, etiam in omninò primo instanti suæ generationis temporalis vel creationis, accepta, nequit dici extranea negatiuè; atque ita nequit dici adoptata, nec Christus secundum eam, filius Dei adoptiuus.

4. Jam verò omnes Electi alij à Christo, verè sunt filij Dei adoptiui: & hoc ob multiplicem extraneitatem, ex quâ per gratiam Dei in filios Dei assumuntur. Inprimis enim habent extraneitatem à generatione naturali: homines quidem; quia vel per creationem, vt Adam, vel per generationem humanæ propagationis, vt cæteri omnes, producti sunt & producuntur in naturâ humanâ: Angeli verò, per creationem in naturâ Angelicâ; quæ naturæ sunt vtique extraneæ naturæ Diuinæ, vt de se patet. Deindè habent extraneitatem à gratiâ, & consequenter à iure ad hæreditatem. Alij quidem negatiuè, in primo saltè in instanti naturæ, cum creabantur, vt Angeli & Protoparentes, supposito quòd in gratiâ creati sint; alij autem etiam positiuè, nedum in instanti primo & secundo naturæ, in quo generantur, sed etiam in tempore; vt nos omnes filij Adæ, qui tam in parentibus, quam in se, habemus peccatum, & sumus inimici; licet ex Dei liberalitate & summâ misericordiâ, adhuc adoptemur in filios; aliqui quidem citius, & adhuc ex utero materno, vt Jeremias, Ioannes Baptista, & S. Ioseph; aliqui verò, imò omnes præter istos, tardius, scilicet post natiuitatem ex utero per Sacramenta: ita ergo est de nobis.

5. Ast verò B. Virgo, de quâ hic potissimùm nobis est sermo, sola inter omnes Angelos & homines, minimam habet extraneitatem, videlicet à generatione naturali solum. Quæ extraneitas est ei communis cum Christo; ita tamen, quòd Christus propter eam nec est, nec potest dici filius Dei adoptiuus; Beata autem Virgo, propter hanc solam extraneitatem, est verè filia Dei adoptiua. Cuius ratio est. Quia natura humana Christi, statim in primo instanti naturæ, dum generabatur à Virgine, implicabat conditionem seu dispositionem de congruo ad gratiam gratum facientem, scilicet vnibilitatem immediatam ad Verbum, quæ dispositio exclusit à naturâ humanâ Christi, etiam in illo omninò primo instanti naturæ, extraneitatem. Ast verò natura humana B. Virginis, in illo primo instanti naturæ, caruit hac dispositione vnibilitatis immediatæ ad Verbum, & propter hoc fuit verè extranea, cum hoc

Gggg

tamen,

tamen, non ita valde sicut Angeli vel protoparentes, sed minus. Et hoc ideo: quia Angeli, in primo instanti naturæ quo creabantur, nullum respectum vnibilitatis futuræ ad Verbum habuerunt. Protoparentes verò, etsi habuerunt talem respectum, sed valde remotum. At verò natura humana B. Virginis, statim in omnino primò instanti naturæ quo fiebat, habuit respectum vnibilitatis proximæ, licet mediata, ad Verbum: quia B. Virgo etiam in omnino primo instanti naturæ, producebatur manu DEI, vt Mater DEI futura, & per hanc maternitatem, suam naturam CHRISTO communicatura, vt in CHRISTO Verbo vniretur. Hinc igitur factum est, quòd dum B. Virgo conciperetur, habuit statim ex vi istius maternitatis futuræ, ius ad gratiam gratum facientem, sibi in secundo instanti naturæ infundendam, quo iure caruerunt Angeli & protoparentes.

6. Dices. Ergò tunc fuit grata, & ita non extranea. Respondeo. Quod in illo instanti naturæ omnino primo, nec erat grata nec non grata, sed erat tantum hæc natura, & ita adhuc negatiuè extranea a generatione naturali; quod sufficit. Et ratio est. Quia sicut nec ipsa, vnio actualis ad Verbum, necessariò ponit gratiam in naturâ sic vnitâ, vt subtilitè docet noster Doctor in 3. dist: 2. ita multò minus ordinabilitas mediata ad talem vnionem futuram, ponit in illo instanti, gratiam in naturâ B. Virginis; estò benè implicet ius ad gratiam, in secundo instanti naturæ infundendam.

7. Itaque ob hanc tam modicam extraneitatem, B. Virgo est verè filia DEI adoptiua: & quia minus inter omnes extranea, imò quasi domestica filio DEI naturali, vt potè Mater eius, ideo prima inter omnes adoptiuos, & præstantissima, gaudens meliori iure ad hæreditatem, quam omnes alij, nedum ex gratiâ, vt omnes alij præcisè, sed etiam ex respectu maternitatis Diuinæ, ad quam etiam in primo instanti naturæ, quo concipiebatur, disponebatur, vt esset Virgo per essentiam. Sicque est metrum cæterorum omnium adoptiuorum, vt potè primum & præstantissimum, in hoc adoptabilem genere.

8. Est etiam idea & forma adoptionis aliorum. Quia certum est, quòd omnes electi, sunt filij DEI adoptiuo per CHRISTVM, siuè ly per, dicat causam efficientem, siuè causam meritoriam; vt deducit S. Bonaventura in 3. dist: 10. a. 2. q. 2. Sed B. Virgo, inter omnes electos sola immediatè attingit CHRISTVM, naturam suam humanam ei communicando per maternitatem, & hæc ipsa B. Virgo, dependit in fieri saltè inchoatiuè, a massâ perditionis; Ergò adoptio facta per CHRISTVM, siuè vt causam efficientem, siuè vt meritoriam, si primò cecidit in B. Virginem, etiam concomitantèr cadere debuit & in eos, à quibus processit B. VIRGO per lineam generationis, saltè inchoatiuè.

9. Confirmatur hoc primò. Quia B. VIRGO, in primo illo instanti naturæ, quo concipiebatur, implicabat hanc conditionem de congruo, scilicet vnibilitatis suæ naturæ ad Verbum, mediante communicatione eiusdem naturæ Verbo: per quam communicationem etiam tota massa perditionis, vt potè in eadem naturâ humanâ symbolizans, transibat de hac extraneitate, in ius

in ius adoptionis, loquendo de prædestinatis: Ergò dùm B. VIRGO, ex hoc respectu, ab extraneitate vindicabatur, etiã omnes electi, quos illa respiciebat in suo fieri, saltẽ inchoatiuẽ, transibant ab extraneitate, & ita adoptatã primo B. VIRGINE, adoptati sunt concomitanter & alij electi.

10. Confirmatur secundo. Quia CHRISTVS, ideò de Matre VIRGINE accipiebat naturam vniendam Verbo, vt totam massam corruptam, de quã VIRGO inchoatiuẽ processit, in se transferret, & ita restauraret, cæteris tamen paribus: Ergò in illã naturã acceptã de VIRGINE, etiã totam naturam in ius hæreditatis transtulit. Consequentia patet. Quia quæ sunt itã connexa ad inuicem, vt vnum in fieri dependeat ab altero, si vltimum illius coordinationis necessariæ, attingit immediatẽ perfectionem aliquam, iam & reliquum, à quo hoc vltimum necessariò dependet, attingit mediante illo, eandem perfectionem; Sed tale vltimum, dependens à massã peccatrice, est in naturã humanã B. VIRGO, quæ ex adnexã sibi indiuisibiliter conditione maternitatis DEI, attingit hanc perfectionem adoptionis in filiam DEI, inter omnes primam; Ergò ipsã transeunte in adoptionem DEI primò & immediatẽ, etiã tota massa perditionis, pro solis tamen prædestinatis sumpta, à quã VIRGO hæc necessariò dependit inchoatiuẽ, transiuit in adoptionem filiorum DEI. Sicquẽ B. VIRGO est idea, & forma, ac norma, adoptionis in naturã humanã, quod est propositum.

11. Et quia adoptio nostra, nedũ est per filium DEI vt incarnatum, sed etiã per Spiritum sanctum eos glorificantem; docente id Apostolo ad Rom: 8. *Accepistis spiritum adoptionis filiorum, in quo clamamus Abba Pater.* Et S. Bonauenturã in 3. dist: 10. a. 2 q. 2. *Ad nostram (inquit) adoptionem duo concurrunt: scilicet redemptio, quæ facta est per filij missionem, & gratificatio, quæ facta est per missionem spiritus sancti.* Etiã B. VIRGO ex hãc ratione, scilicet per comparisonem ad Spiritum sanctum nos gratificantem, est metrum, & idea, ac forma nostræ adoptionis. Cũ enim in eam in instanti conceptionis effuderit Spiritus sanctus plenitudinem gratiæ, ipsam in summo glorificando, eo ipso fecit ab eã in nos descendere gratiam; Juxta illud D. Bernardi. *De plenitudine eius, accipiunt vniuersi, iustus gratiam, peccator veniam, &c.* Et sic fecit Spiritus sanctus, replens gratiã VIRGINEM, vt in totam massam naturæ humanæ, ab eã descenderet gratia adoptionis.


12. Accedit. Quòd dùm postea idem Spiritus sanctus, superueniens rursus in eam, eam fecundauit, vt nobis proferret redemptionis pretium, scilicet CHRISTVM de vtero Virgineo, iam hoc ipso eam fecit promotricem nostræ adoptionis, quia adiutricem redemptionis. Vndẽ Apostolus ad Galat: 3. *Misit DEVS filium suum factum ex muliere, vt adoptionem filiorum reciperemus.*

13. Addo etiã quasi pro Corollario. Quod adoptio, præsupponit filiationem veram in eãdem naturã, in similitudinem naturæ, aut saltẽ, si adoptans sit naturæ superexcellẽtis & super substantialis, vt in proposito est

DEVS

DEVS respectu nostri, in eius imaginem; Atqui antè B. VIRGINIS im-
maculatam conceptionem, non fuit vera filiatio in naturâ humanâ; non
enim generabamur in similitudinem & imaginem DEI, sed in similitudinem
& imaginem bestiarum; sola autem VIRGO MATER, in suâ conceptione,
prodijt vera filia in naturâ humanâ, manu DEI sic fabricata, vt verum fili-
um deindè conciperet & pareret CHRISTVM, & in ipsâ primò apparuit ve-
ra imago DEI, non conspurcata, nec obnubilata animalitate. Iam verò
adoptio, præsupponit, vt dixi, filiationem veram; Ergò conceptâ B. VIR-
GINE in ratione veræ filiæ, tunc primum secuta est vera adoptio, quasi
initiatiuè; quæ deindè in CHRISTO, ab hac VIRGINE, in
veritate filiationis passiuæ progenito, est completa.

Hæc de istâ Resolutione. Sequitur eam, & iam
totum Opus hoc occludit



R E.

RESOLVTIO DECIMA.

Canonizatio, quâ Ecclesia canoniza-
uit festum conceptionis B. MARIE VIRGI-
NIS, conuincit sanctam & immaculatam fuisse
eius conceptionem, ita vt hæc sententia possit esse de Fide,
& inter Martyres connumerandus sit, qui pro eâ se
morti exposuerit.

1.



Anonizationem in Ecclesiâ, nedum de Sanctis, sed etiam de fe-
stis fieri, nemo sanæ mentis diffitebitur. Sicut enim canonizare
Sanctum, nihil est aliud, nisi Ecclesiam decernere, personam il-
lam tuisse sanctam, & animam illius esse in gloriâ; ita canonizare festum,
nihil est aliud, nisi Ecclesiam definire, illius mysterij, cuius commemoratio
eo die recolitur, sanctitatem, quam & proponit ita fidelibus celebrandam,
sicut & sanctitatem Sancti regnantis in gloriâ: ita quod hæc canonizationes,
non differant in re, nisi penes connotata; quod scilicet ibi, connotatur perso-
na, hic mysterium factum circa personam. Declaratur hoc inductione.
Quia enim natiuitas D. Joannis Baptistæ, ex utero sancta fuit & mysteriosa,
ideò eam Ecclesia canonizauit pro tali, & celebrandam fidelibus proposuit.
Quia vinculatio S. Petri, primò ab Herode Ierosolymis, deindè Romæ à
Nerone, fuit sancta, & mysteriosa apparuit in Ecclesiâ, cum duæ distinctæ
catenæ, ad inuicem se indissolubiliter vnierunt; ideò Ecclesia, canonizauit
hoc mysterium, festo S. Petri ad vincula. Quia amicitia SS. Apostolorum
Petri & Pauli, fuit in se sancta, & toti Ecclesiæ proficua; ideò commemo-
rationem S. Pauli, post festum S. Petri instituens Ecclesia, eam canonizauit.
Quia conuersio S. Pauli, & miraculosa, & mysteriosa, & toti Ecclesiæ uti-
lissima, extitit; ideò eam Ecclesia canonizauit, & à fidelibus speciali festo &
cultu, venerandam voluit. Idem dicendum de natiuitate B. MARIE VIR-
GINIS. Idem de præsentatione in templo. Idem de annunciatione. Idem de
visitatione. Idem de purificatione. Idem de assumptione. quæ festa Beatæ
VIRGINIS, ideò Ecclesia canonizauit, & celebranda solennitèr à fidelibus vo-
luit, quia hæc omnia in B. VIRGINE, & circa ipsam, dum fiebant, erant
sancta, & mysterijs plena. Si itaque (vt ad propositum iam descendam)
ideò

H h h h

ideo ista festa B. VIRGINIS, Ecclesia instituit, & canonizauit, quia ista quæ fiebant circa B. VIRGINEM, quorum in istis festis recolit memoriam, fuerunt sancta; sancta videlicet natiuitas, sancta præsentatio, sancta annunciatio, sancta imò & sanctificans Joannem visitatio, purissima & mysteriosa purificatio, triumphalis & gloriosissima assumptio, & si quæ sunt aliæ in Ecclesiâ DEI, B. VIRGINIS solemnitates, vt est festum expectationis partus, festum traditionis Scapularis Generali Carmelitarum, festum Rosarij approbati à B. VIRGINE, approbatione tali factâ ipsi S. Dominico; omnia inquam ista sunt sancta, & vt talia ab Ecclesia canonizata. Cû & festum conceptionis, quod Ecclesia instituit & canonizauit, indulgentijs cumulauit, confraternitatibus firmavit & stabiliiuit, non debeat sicut supponere, ita & inferre sanctitatem conceptionis B. VIRGINIS, non video?

2. At solent vim istius lucis declinare nycticoracum oculi, & opponere (si DEO placet) vmbram istam, dicendo: quòd Ecclesia colens festum conceptionis Deiparæ, solum gratias agit DEO pro conceptâ personâ B. VIRGINIS, vt potè iam immediatè ordinatâ ad incarnationem Verbi, ex ratione futuræ maternitatis Verbi incarnati, non autem intendit per hoc determinare, sitnè concepta in originali, vel absq; eo? O stulta responsio! ex quâ sequitur, quòd festum conceptionis non est festum conceptionis, sed dies gratiarum actionis. At audi qui sic respondes. Si dies conceptionis est solum dies gratiarum actionis, cû Ecclesia non præcipit, vt votiuâ de SS. Trinitate eo die canetur, sicut solet cantari in alijs diebus, quibus solum agit DEO gratias pro aliquo beneficio? aut cû per omnia simile officium concinnauit, & omnibus fidelibus dicendum proposuit, in festo conceptionis, ac in festo natiuitatis B. MARIÆ, mutato solum nomine natiuitatis in nomen conceptionis, vt patet intuenti Breuiarium Romanum? per quod sanè declarauit, nedum se colere diem gratiarum actionis DEO, pro conceptâ personâ Deiparæ, sed etiam ipsam conceptionis tantæ personæ sanctitatem.

3. Accedit. Quòd intentio S. Matris Ecclesiæ est, per tale festum honorandi ipsam VIRGINEM; in eius enim honorem hoc festum instituit, vt ipsa in suâ conceptione à fidelibus honoretur, ita sicut honoratur & in natiuitate, visitatione, assumptione, & alijs suis festiuitatibus adeò vt S. Bernardus Epist: 174. resolutè hæc pronunciauerit. *Ego quod ab Ecclesiâ accepi, securus tenet & trado. Accepi sanè ab Ecclesiâ, illum diem cum summâ veneratione colendum, quo assumpta est de sæculo nequâ; sed & ortum Virginis didici in Ecclesiâ, & ab Ecclesiâ, indubitanter haberi festiuum &c.* Sed etiam hoc sælici sæculo nostro, Ecclesia solentitèr celebrat Festum immaculatæ Conceptionis B. V. Mariæ, & nobis eundem diem cum Octauâ celebrandum tradidit; Ergò contra mentem Ecclesiæ esset, dicere, quòd tali festo, solum gratiæ agantur DEO, de hac personâ conceptâ, cû etiam eo festo, ipsa VIRGO in suâ conceptione sancta, honoretur. Cû autem temerarium sit asserere, Ecclesiam in hoc errare, cû Ecclesia errare non possit, & sit columna veritatis; Ergò tunc fuit B. Virgo omninò sancta; licet nondum sit de fide.

4. Præterea. D. Thomas 3. p. q. 27. A. 1. Volens probare, B. VIRGINEM fuisse sanctificatam in vtero, robustissimum assumit argumentum ab auctoritate Ecclesiæ, colentis solemniter festum Natiuitatis eius. Verba sunt S. Thomæ vbi suprâ. *Ecclesiâ celebrat Natiuitatem B. Mariæ Virginis, non autem celebratur Festum in Ecclesiâ, nisi pro aliquo sancto, Ergo B. VIRGO, in ipsâ suâ natiuitate fuit sancta, fuit ergo in vtero sanctificata.* Itâ ille. Ex quibus verbis, sic ad propositum arguo. Ex Festo Natiuitatis ab Ecclesiâ instituto, infert S. Doctor sanctificationem B. VIRGINIS in vtero; Ergo ex festo conceptionis, si ipsius tempore itâ fuisset institutum in Ecclesiâ, sicut modò est, absque vllâ hæsitacione, intulisset sanctitatem eiusdem B. VIRGINIS in suâ conceptione. Consequentiam probo. Quia apud D. Thomam, nedum instituta Ecclesiæ formalia, sed etiam consuetudines, ingentem & maximam habent auctoritatem, ad conuincendum aliquid; ita vt 2. 2. q. 110. A. 12. in hæc proruperit verba. *Dicendum est, quod maximam habet auctoritatem Ecclesiæ consuetudo, quæ est in omnibus emulanda; quia & ipsa doctrina Catholicorum Doctorum, ab Ecclesiâ auctoritatem habet; unde magis standum est auctoritati Ecclesiæ, quàm Augustini, vel Hieronymi, vel cuiuscunq; Doctoris.* Ergo si S. Doctor sanctitatem Natiuitatis B. VIRGINIS supponit ex eo, quod eius Natiuitas ab Ecclesiâ colatur; à fortiori, si modò viueret, ex tantâ solemnitate, cum quantâ colit Ecclesiâ Conceptionem B. VIRGINIS, conclusisset eiusdem conceptionis sanctitatem. Cùm autem nos hæc felicia tempora attigerimus, in quibus per totum orbem, ista Conceptio ab Ecclesiâ canonizata, indulgentiis cumulata, & maximis fauoribus exornata, vbique gentium à fidelibus colitur: quid aliud indè inferre & possumus & debemus, nisi quod sancta & immaculata sit, conceptio B. Mariæ Virginis.

5. Audiatur etiam Seraphicus Doctor, de hoc ita loquens in 3. dist. 3. A. 1. q. 1. *Statuta vniuersalis Ecclesiæ, de sanctorum celebritatibus, omnia fundata sunt super sanctitatem, vt nullo die pro aliquo sancto solemnizet, in quo vel pro quo, persona Sancta non fuerit, cui honor ille deferretur.* Tunc ego subsumo Minorem. Sed iam à ducentis ferme annis, ex statuto vniuersalis Ecclesiæ, celebratur sollemniter dies conceptionis B. Virginis; Ergo B. Virgo in suâ conceptione fuit Persona sancta, & ipsi vt tunc Sanctæ, iste honor deferretur. Quod est propositum. Et subdit ibidem S. Bonauentura. *Quidam dicunt, quod hæc sollemnitas, celebrari non cepit humanâ inuentione, sed diuinâ reuelatione: quod si verum est; sine dubio bonum est, solemnizare in eius conceptione; sed quia hoc authenticum non est, non compellimur credere: quia etiam contra fidem rectam non est, non compellimur negare.* Aurea profectò verba tam sancti Doctoris. Ex quibus sic ad propositum procedo. Tempore S. Bonauenturæ, solùm iactabatur inter aliquos deuotos, reuelatio facta de celebrando festo conceptionis Virginis, cui tamen pice adhuc non authenticæ, tantùm tribuit S. Doctor, vt resolutoriè conluserit; sine dubio bonum esse, solemnizare in eius conceptione; Ergo cùm emodò tam sollemniter hæc Reuelatio authenticata sit per vniuersalem Ecclesiâ; institutione festi conceptionis pro omnibus fidelibus; iam non solùm bonum,

bonum, sed & necessarium est, solemnizare in istâ conceptione; & si necessarium ex obedientiâ respectu Ecclesiæ præcipientis, ergo necessario venit iam credenda sanctitas conceptionis B. Virginis, estò adhuc non sit id de fide. Plura pro hoc attulimus hic Decadis 2dæ Resol: primâ.

6. Sed hoc punctum Canonizationis festi B. Mariæ immaculatè conceptæ, iam exactè trutinauerunt alij Doctissimi Viri, inferentes indè sanctitatem conceptionis Marianæ. Legatur fusè de hoc scribens, noster Carthagena hom: 19. primi libri, de arcanis B. Mariæ, in eius conceptione latentibus. Et Ægidius lib: 3. de concept: q. 6. a. 1. §. 9. Mihi hæc quæ attuli ex D. Thomâ & Bonauenturâ, duobus præcipuis luminaribus militantis Ecclesiæ, pro Canonizatione festi conceptionis, abundè pro nunc sufficiunt. Restat tamen videre, an sententia nostra, quâ eximimus Virginem Beatam ex omni parte, à peccato originali, possit esse de fide? Pro quo

7. Supponendum est. Non esse intentionis nostræ, factum declarare, vel temeritate vitiosâ, bilem oppositæ sententiæ mouere; sed solum volumus exploratum habere statum, in quo modò subsistit sententia nostra, in ordine ad definitionem eius sub Articulo fidei. Certum enim est, hætenus indecisam esse materiam hanc, nec alterutram Opinionem hæresi vel censurâ aliquâ innodatam esse, prout ipsi Pontifices protestantur in Bullis suis in fauorem huius vel alterius partis, editis; sed quid fieri possit, ex communi planè tot sæculorum, Doctorum, Pontificum, & Conciliorum mente, inuestigare proponimus. Itaq;

8. Dico. Beatam Virginem Mariam, in ipso conceptionis seu animationis suæ instanti, fuisse præseruatam à peccato originali, per infusionem gratiæ sanctificantis, potest esse de fide. Probatur hoc primò autoritate S. Scripturæ. Nam Cant: 4. dicitur. *Tota pulchra es amica mea, & macula non est in te.* Quæ verba, grauiores Interpretes, ad originalem Virginis innocentiam accommodando, robur ponunt in illâ particulâ Ecclesiæ autoritate additâ; *Et macula originalis non est in te.* Constat enim apud Doctores, quod quidquid Ecclesia circa Scripturæ loca disponit, applicando ea alicui sancto, per additionem, detractionem, vel immutationem, illud firmitè est tenendum, quia Spiritu Sancto dictante hoc factum esse creditur. Juxta illud D. Bernar: Ser: 3. de Vigil: Natiui: Domini, dicentis. *Quando Ecclesia, in Scripturis Diuinis verba alterat vel alternat, fortior est illa compositio, quam positio prima verborum, & fortassis tantò fortior, quantum distat inter figuram & veritatem, inter lucem & umbram, inter Dominam & ancillam.* Et D. August: Lib: cont: Epist: fundam: Cap: 5. ait. *Ego Euangelio non crederem, nisi me Catholica Ecclesiæ autoritas commoueret.* Sed vbi est tam apertus Ecclesiæ sensus, illud potest ab eâ determinari, vt sit de fide, Ergò Virginem gloriosam, totam fuisse pulchram, immaculatam, & à noxâ originali præseruatam, ac proindè semper amicam DEI, potest esse de fide.

9. Probatur secundò assertio nostra rationibus. Quarum prima sit hæc. Vbi adest proxima dispositio, & conditiones requisitæ, ad definiendum Articulum

culum de fide
mnia, & r
primò de d
difficultat
Ecclesia, p
turiis, pr
cumulat, i
derendent
lenni cole
re, Officia
approbare
rò sentent
Sed hæc o
vt iam sa
bus etiam
quinque.
cunda. V
at erudito
piam cre
lationes in
fundam:
credulitas
Pontificum
vincula, re
tarditatem
mnes, non
latim.
10.
definiend
ratur &
sanctifica
sed suo n
bus pia h
prædicar
implicit
propterea
alia illis p
stra sent
11.
cum.
explicite
Bullis, D
tes, defen
Decadis

culum de fide, ibi potest esse definitio talis Articuli, sed in casu ad sunt hæc omnia, Ergo &c. Maior est absque controuersia. Minor probatur. Et primò de dispositione sic. Dispositio proxima ad determinandam aliquam difficultatem, sub articulo fidei ab Ecclesia, ex eo vel maxime patet; quando Ecclesia, præuio diligenti examine, & ex controuersijs partium serijs ac diuturnis, præfert vnā partem alteri, illi adhæret, piā deprædicat, fauoribus cumulat, indulgentias pro decertantibus contra oppositam sententiam, & pro deridentibus suam, ac etiam pro deuotis in eam populis, erogat, festo solenni colere, Ecclesias, Sacella, Altaria, sub titulo sententiæ sibi placitæ, erigere, Officia componere, Confraternitates, & Religiones eo nomine fundatas, approbare, augere, & per omnia promouere, non dedignatur: oppositæ verò sententiæ, nihil huiusmodi impertitur, imò perpetuum silentium imponit. Sed hæc omnia præstitit semper, & hætenus præstat Ecclesia, sententiæ nostræ, vt iam satis probauimus Decadis 2dæ Resol. 1. Ergo, &c. De conditionibus etiam sic. Conditiones ad hoc ipsum requisitæ, numerantur potissimum quinque. Prima. Vt sententia definienda, habeat Ecclesiæ auctoritatem. Secunda. Vt habeat consensum Summorum Pontificum. Tertia. Vt habeat eruditorum & sapientium virorum iudicium. Quarta. Vt habeat populi piā credulitatem. Quinta denique Vt sit diuinitus per miracula vel reuelationes insinuada aut inspirata. Juxta illud D. August: Lib. contra Epist: fundam: Cap. 4. dicentis. *Eruditorum & sapientium iudicium, ceteræ turbæ piæ credulitas & vniuersi consensus, Ecclesiæ auctoritas, & in eadem fide & sententiâ, tot Pontificum continuata successio. Hæc omnia tot ac tanta Christiani nominis clarissima vincula, recte tenent hominem in Ecclesiâ Catholicâ, etiam si propter nostræ intelligentiæ tarditatem, vel vitæ meritum, veritas nondum se apertissime ostendat.* Sed hæc omnes, non desunt piæ nostræ sententiæ. Ergo &c. Probo per singulas sigillatim.

10. Et primò non deesse sententiæ nostræ primam conditionem, ad definiendum eam de fide, patet ex cultu quo vniuersalis planè Ecclesia, veneratur & celebrat Immacularam Conceptionem Virginis; non sub nomine sanctificationis, quod totaliter abrogat, nec sub titulo conceptionis spiritualis sed sub nomine veræ & realis conceptionis eius. Tum ex eo quod assertoribus piæ huius sententiæ, amplissimum concedit campum, scripto & voce de prædicandæ eam, oppositam verò opinionem, intra priuatos parietes recludit, implicite ingerens illud Tertulliani Lib. 1. ad Vxo: Cap. 3. dicentis. *Non propterea appetenda sunt quædam, quia non vetantur, etsi quodammodo vetantur, dum alia illis preferuntur: prælatio enim superior, dissuasio est infirmiorum.* Ergo piæ nostræ sententiæ, habet Ecclesiæ auctoritatem.

11. Non deest etiam sententiæ nostræ, consensus Summorum Pontificum. Nam à temporibus Apostolorum, vsque ad moderna tempora, plurimi explicitè, vix non omnes implicite, in hanc partem inclinarunt, tot Bullis, Diplomatis, Extrauagantibus, & Decretis, illam firmantes, colentes, defendentes, & promouentes Vti hoc iam satis superq; deduximus hic Decadis 2dæ. Resol. primâ.

12. Stat quoque pro nobis, eruditorum & sapientium virorum iudicium. Etenim præter grauissimos Doctores, tum antè, tum post tempora Doctoris subtilis florentes, adsunt integræ Vniuersitates, quæ iurant in defensionem immaculatæ Conceptionis B. Virginis Mariæ, nec quempiam Laureâ Doctorali insigniri, vel ad aliquam dignitatem scholasticam euehi permittunt, nisi spondeat, se usq; ad mortem, piam hanc sententiam defensurum. Adsunt tot Imperatores, Reges, Duces, Barones, qui solennibus votis se stringunt, ad tenendam & defendendam hanc sententiam; vt videbimus mox. Ergò habemus pro nobis, eruditorum & sapientium virorum iudicium.

13. Habemus & piam populi credulitatem. Nam omnes planè omnium Regnorum Catholicorum populi, non fallacijs seducti, non priuatis commodis allecti, non cognationis vi adacti, non metu perculsi, non potentia humanæ viribus, aut quibusuis artibus impulsæ, sed DEI instinctu permoti, acerrimè defendunt immunitatem Mariæ à peccato originali: in oppositam autem sententiam, quomodò rudes etiam & impoliti homines inuehantur, experiantur illi qui eam sustinent. Iam verò tanta est vis communis consensus in partem aliquam, vt D. Bernardus, ex vnanimi populorum consensu, probauerit Innocentium Secundum, verum ac legitimum esse Ecclesiæ Vniuersalis Pastorem, sic rem decidens Epist. 126. *Iam DEVS iudicauit, iudicauit autem operis euentia, non decreti sententiâ: Velociter currit sermo eius, in conueniendo populos in vnum, & vt Domino Pape Innocentio seruiant & obediant, DEI esse iudicium senserunt & consenserunt.* Pari modo, ex communi Summorum Pontificum, Cardinalium, Patriarcharum, Archiepiscoporum, Episcoporum, Imperatorum, Regum, Principum, ac vniuersi Cleri populiq; in sententiam nostram consensu, argumentandum est. Ergò habemus pro Virginis innocentia, piam populi credulitatem.

14. Non desunt deniq; ad roborandam sententiam nostram, tot miracula & reuelationes, quas videre est hic Decadis 2dæ Resolut. 1. proinde alia huiusmodi congerere, vel illa huc transferre, superfluum videtur, cum etiam assiduitas illorum, per vniuersum pateat orbem. Ergò dispositio præuia, & conditiones enumeratæ, stringunt nos, vt intrepidè asseramus, sententiam nostram posse esse de fide. Vtèrius tamen id ipsum probandum est.

15. Hæc Propositio. Virgo Beata est immaculatè & sinè peccato originali concepta; ita solidis nititur fundamentis, sicut aliæ Propositiones nitentur tunc, dum non erant definitæ, Ergò sicut illæ iam modò sunt de fide, ita hæc potest esse. Antecedens patet. Quia multis temporibus agitabatur in Ecclesiâ DEI, An mendacium sit licitum ex fine bono? An Angeli antè hunc mundum visibilem fuerint conditi? An Anima, ex semine parentum ortum ducat? An animæ iustorum, visuræ sint essentiam Diuinam antè diem iudicii? Et multæ aliæ propositiones. Et tamen post modum definitum est ab Innocentio tertio; Mendacium ob quamcunq; causam, esse illicitum. Sic etiam Angelos creatos esse post creationem mundi, definiuit Concilium Lateranense. Pari modo, Animam à DEO immediatè creari ex nihilo, definitum

nitum est à Leone nono. Similiter, Animas iustorum, antè diem iudicij beari clarâ DEI visione & perfectâ eius fruitione, diffiniuit Benedictus duodecimus. Sic cum multis Propositionibus Origenis, Tertulliani, & aliorum Classicorum Doctorum, factum est. Sed & assumptio Virginis diutius ventilata, tandem definita. Quia Ecclesia sensim illuminatur. juxtâ illud Gregor: Nazianz: Orat: 5. de Theologiâ, dicentis. *Vides illuminationes paulatim nobis affulgentes, Theologiâq; ordinem, quem nobis quoq; tenere præstiterit Christus Dominus; ut non repente atq; confestim omnia in lucem offeramus.* Et S. Epiphanius Hæresi 75. ait. *Singulæ res, non ab initio omnia habuerunt, sed progressu temporis, ea quæ ad necessariorum perfectionem referantur, parabantur.* Ergo etiam Immaculata Virginis conceptio, diutius iam ventilata, tandem definiri potest sub articulo fidei.

16. Probatur id ipsum vltimò. Illud aliquandò definiri sub Articulo fidei, congruum est, cuius oppositum sensim debilitatur, ita vt vix aliqua nota ipsius maneat, opposito altero maius ac maius robur continuo sumente, Sed ita est in proposito, Ergo &c. Minor patet. Quia Opinio maculans conceptum DEIPARÆ, nullum hætenus promeruit in Ecclesiâ DEI cultum. Nec enim Officium de contaminatione Virginis Beatæ, à quodam compositum, Ecclesia absolui permisit. Vt refert Bernardinus de Buis Ser: 9, de Concept: Virg: Nec sanctificationi Mariæ aliquandò erecta sunt Tempia, vel Altaria fundata, vel Aræ dicatæ, vel Sacella fabricata, cum nec intra priuatos parietes, id facere quispiam præsumat. Nec indulgentiæ & fauores aliquorum Pontificum, pro parte illâ emanarunt. Nec in Academijs publicis, huiusmodi opinio acceptatur vel doceri permittitur. Nec deniq; securum est, talem sententiam inter rudiores spargere populos, insurgente cæco impetu, vili etiam plebeculâ, in contrarium, & sinè graui scandalo, doctrinam talem non recipiente. Vti ipsæ Bullæ Pontificiæ testantur. Ex quibus constat, quomodo dicta sententia debilitatur. Sed inter partes oppositas, quò magis vna debilitatur, eò maius robur sumit altera, Ergo stante tali debilitate oppositæ sententiæ, sequitur roboratio nostræ, consequenter eam aliquandò sub articulo fidei definiri ab Ecclesiâ DEI, congruum & possibile est, In oppositum tamen

17. Obijcies. Cuius oppositum sentiunt Sancti Patres, illud non potest determinari de fide, Sed in casu, multæ habentur sententiæ Sanctorum Patrum, maculantes conceptionem Virginis Beatæ, Ergo &c. Respondeo negando maiorem. Nam etiam multi Sancti Patres putabant, Virginem gloriosam, aliquâ maculâ peccati venialis actualis, contaminatam fuisse. Sic Origenes Hom: 1. in Gen: afferebat, Virginem incredulam voci Angelicæ extitisse. Sic Tertull: Lib: de carne Christi Cap: 7. putabat, ipsam non adhæsisse Filio patienti. Sic S. Athanasius Ser: 4. contra Arianos, induit eam aliquâ notâ curiositatis in Canâ Galileæ, proindè reprehensam fuisse à Filio dicit. Sic D. Chrysost: in Psal: 13. ait, Mariæ animam, gladium dubitationis pertransiisse, tempore passionis Christi. Quæ omnia aliquam notam

peccati

peccati venialis actualis, ponunt in Virgine. Et tamen hoc non obstant, definiuit Concil: Trident: Sess: 6. Can: 23. Virginem Mariam, nullo unquam tempore, etiam leuissimo peccato veniali, fuisse contaminatam. Ergo similiter modò, cum de peccato originali eiusdem agitur, potest Ecclesia determinare, immaculatam conceptionem ipsius de fide, quamuis aliqui Sancti Patres, oppositum aliquandò videantur sentisse. Ex eo vel maxime, quod sententiæ illorum, minimè pugnabant contra communem Ecclesiæ sensum, quia tunc conceptio immaculata Virginis, non erat in tantâ dispositione ad decernendum, sicut modò.

18. Dices. Quod non est definitum per Concilia, illud non potest definiri à Summo Pontificè, Sed nullum Concilium definiuit, Beam Virginem fuisse immunem à peccato originali, Ergò &c. Respondeo negando maiorem. Quia Patres in Concilijs nihil aliud suis suffragijs præstare conantur, quam proprias sententias in re dubiâ aperire, & communem Ecclesiæ sensum patefacere, desudando vel maxime contra prauitatem hæreticam. Sed potestatem discernendi veram doctrinam à falsâ, omnes planè Patres concedunt Summo Pontifici. Juxta illud D. Gregorij Epist: 52. ad Episc: Galliæ, scribentis. *Si quam contentionem, quod longe faciat Diuina potentia, de fidei causâ, euenire contigerit, aut negotium emerit, cuius vehemens fortasse sit dubietas, & iudicio Sedis Apostolicæ indigeat, pro sui magnitudine, examinata diligentius veritate, relatione suâ studeant ad nostram perducere rationem, quatenus à nobis valeat congruâ sine dubio sententiâ terminari.* Id ipsum tenet D. Thomas 2dâ 2dæ Quæst: 1. & Quæst: 11. Art: 3. Caietanus Opusc: de potestate Papæ Cap: 9. Petrus Soto. Et alij permulti, firmiter tenentes, posse Papam absq; Concilio definire circa bonos mores & res fidei, dummodò nihil falsitatis talibus rebus subfit. Et sic multæ materiæ de factò sunt definitæ à Summis Pontificibus sine Concilijs, vt videre est in Decretalibus, Clementinis, Extrauagantibus, & Bullis. Sed & in propositâ materiâ, ipsi Summi Pontifices declarant, suæ potestati subesse definitionem sententiæ nostræ sub articulo fidei. Subdunt enim vbiq; *Donec huiusmodi difficultas à sede Romanâ definiatur.* Vt patet legenti Bullam Greg. 15. quæ incipit. *Eximij ac singulares fructus &c.* Et Bullam nouissimam felicitis recollectionis Alexandri 7. quæ incipit. *Sollicitudo omnium Ecclesiarum &c.* Vbi expressè habetur. *Cum à Romanâ Ecclesiâ & ab Apostolicâ sede, nondum fuerit hoc decisum.* Ergò speratur aliquandò decidendum, consequenter resolutâ mente & sine formidine de opposito tenemus, plenam esse potestatem penes Romanos Pontifices, determinandi quamlibet difficultatem dubiâ, sub Articulo fidei, seruatis seruandis; sic etiam propositam materiam potest Summus Pontifex definire, quatenus vniuersalis Ecclesia, tandem de fide teneat, Virginem Mariam fuisse immaculatè & absq; peccato originali conceptam. An autem inter Martyres connumerandus sit ille, qui pro immaculatâ Virginis conceptione, morti se exposuerit? Pro hoc

19. Supponendum est. Martyrium, in communi sententiâ, esse testimonium, quo morte ipsâ testificatur quis, aliquam fidei veritatem, in seipsâ, vel

vel in aliquo
Martyrio;
docens;
fidei prote
opera dep
aliquis, r
Sanctus
Frates M
deberent
legibus,
nullo arti
facile dep
pro Artic
habentur
20.
lati Virgi
Aluarus d
tat: Lib:
Cap: 31.
qui refer
Sanctæ
blicitas act
probo Co
veritate
Sed imm
edocere,
subiret,
immacu
vota &
gna &
ad mort
re, sed
Academ
gisterij
prius in
rum,
fecit,
argum
petijt,
bavit,
adeo v
erit pr
21

vel in aliquo virtutis opere, relucemtem. Et hæc definitio, ita benè quadrat Martyrio, vt ipse D. Thomas 2dâ 2dæ Quæst: 124. Art: 5. ei subscripserit, docens; Omnium virtutum opera, quatenus refunduntur in DEVM, esse fidei protestationes, per quas innotescit nobis, DEVM à nobis huiusmodi opera deponere, ac pro eis nobis præmia dilargiri. Falsò ergò supponeret aliquis, martyrij palmam pro solis articulis fidei se consecuturum, alias nec Sanctus Thomas Cantuariensis, nec noster S. Stanislaus, nec Sancti quinque; Fratres Martyres Poloni ad Casimiriam in Maiori Poloniâ, veri Martyres dici deberent, cum primus eorum, pro immunitate Ecclesiæ, alter pro patrijs legibus, reliqui pro elemosynis sibi à pio Rege oblati, trucidati sint, pro nullo articulo fidei decertantes. Sed de hoc legatur Martyrologium, ibi enim facillè deprehendetur, vix non plures, pro bonis iustitiæ & virtutis, quam pro Articulis fidei, occubuisse, & tamen pro veris martyribus ab Ecclesiâ DEI habentur & prædicantur. Hoc supposito

20. Dico. Ille qui mortem subiret pro immunitate conceptus immaculati Virginis purissimæ, verè inter martyres connumerari deberet. Ita sentit Aluarus de Palacios Discut: 2. de immac: concept: Virg: Ægidius de Præsentat: Lib: 3. de præseruat: Virg: Quæst: 8. Granado de Concept: Disput: 3. Cap: 31. Ludouicus de Torres in selectis Disput: Par: 2. Disput: 31. Dubio 1. qui refert Conclusionem hanc, aliquoties ventilatam esse in supremo Senatu Sanctæ Inquisitionis, & concessam esse facultatem promouendi illam in publicis actibus. Id ipsum planè omnes nostrates sentiunt. Cum quibus iam probo Conclusionem meam. Ille verus martyr censendus est, qui pro aliquâ veritate fidei, vel pro quopiam virtutis actu, mortem subire non dedignatur; Sed immaculatam Virginis conceptionem, ex Cathedris & Pulpitis publicè edocere, est actus virtutis, Ergò ille qui pro hac veritate & doctrinâ, mortem subiret, verè martyr censendus esset. Minor in quâ est vis, probatur. Quia immaculati conceptus virginæ assertio & propugnatio, est apta materia ad vota & iuramenta emittenda, cum tot Doctores & Vniuersitates, imò Regna & Imperia, continuis planè iuramentis se obligent ad defendendam vsq; ad mortem, immaculatam conceptionem Virginis gloriosæ, idq; non temerè, sed cum plenâ notitiâ & assensu Summorum Pontificum. Vti hoc fecit Academia Parisiensis, quæ sub annum 1330 legem condidit, ne vllus ad Magisterij, Doctoratus, vel alios dignitatis literariæ gradus, conscenderet, quin prius in publico theatro votum emitteret, se nullo vnquam tempore edocturum, Beatam Virginem Mariam, peccato originali subiucuisse. Hoc autem fecit, mota grauissimis rationibus Doctoris Subtilis, qui paulò antè, ducenta argumenta contra immunitatem Virginis proposita, tam felici memoriâ repetijt, tantâ soliditate soluit, tantâq; vbertate ingenii, suam sententiam probauit, vt omnes ad suam partem mirabiliter aut potius miraculosè traxerit, adeo vt à grauissimis Theologis, in facie Ecclesiæ, Victor antonomastice, fuerit proclamatus.

21. Exemplo Academiæ Parisiensis edocta Vniuersitas Colonienfis, si-

Kkkk

mile

mile confecit Statutum sub anno 1494. Idem vouit Academia Valentina & Barchinonensis, ad annum 1618. Idem Moguntina, ad annum 1501. Idem Hispalensis, Complutensis, Salmanticensis, & Eborensis, ad annum 1617. ac planè omnes imperio Hispanico subiectæ. Sed nouissimè Vniuersitas Viennensis, votum solenne ad hunc finem fecit anno 1649. ex speciali Summi Pontificis consensu, præsentè Ferdinando tertio Romanorum Imperatore, totoq; Senatu, Clero, & Populo; quo etiam tempore, Virgo immaculatè concepta, in Patronam Austriæ electa est. Pari zelo promouent talem cultum Prouinciæ Italicæ, & aliæ collaterales. Nec languidè tractat hoc idem, inclyta patria nostra Polonia, quæ in dies auget in se deuotionem maiorem, in immaculatum Virginis purissimæ conceptum, vota votis accumulando, ut tandem hoc mysterium, per Ecclesiam definiatur. Tunc ex his omnibus, hanc formo minorem. Sed vota & iuramenta, non solum in rebus fidei, verum etiam in quocunq; bono communi, in ordine ad honorem DEI facta, sunt actus virtutis, & refunduntur in DEVM, ut nullus negare potest, Ergò qui pro eis mortem subiret, verè martyr dici deberet. Hoc probo vltèrius

22. Actus affirmans exemptionem Virginis Beatæ à peccato originali, siue concipiatur ex parte Obiecti materialis, siue ex parte Obiecti formalis, siue etiam ex parte Intellectus, semper continet bonitatem virtutis, Ergò nihil ipsi deest, quo minus non sit vera materia martyrij. Antecedens probatur quoad singula. Nam inprimis ex parte Obiecti materialis, talis actus retinet bonitatem virtutis. Quia non posset esse materia festi instituendi & indicendi per vniuersalem Ecclesiam, nec esset capax fauorum & indulgentiarum, cuius tamen oppositum habemus. Ex parte etiam obiecti formalis, idem actus est bonus. Quia refunditur in DEI honorem & Deiparæ cultum, actus autem in DEI cultum elicitus, non potest esse indifferens nec malus, alias Ecclesia permitteret proponi fidelibus rem colendam, quæ superstitioni subiaceret, quod nefas est dicere. Ex parte deniq; Intellectus, nihil deest actui huic quin sit sufficiens ad bonitatem. Quia actus virtutis, non deposcit ex parte Intellectus actum fidei Diuinæ circa materiam singularem quam attingit: non enim postulat actum quo credatur illud quod sentit, esse reuelatum à DEO, sed sufficit ipsi iudicium prudens, dictans veritatem & bonitatem rei, idq; non temerè, sed conformitèr ad iudicium multorum grauissimorum Doctorum; Sed actus depredicandi immaculatam Virginis conceptionem publicè, continet hæc omnia, ut iam sufficientè probatum est in corpore Libri huius, Ergò est actus virtutis, Ergò est materia sufficiens ad martyrium, consequenter ille qui pro immaculatâ Virginis conceptione mortem subiret, absq; dubio inter martyres connumerari deberet. Pro cuius maiori robore

23. Instabis. Defensio conceptus immaculati Beatæ Virginis, non est defensio Articuli fidei Diuinæ crediti, quia hæc materia nondum est decisa sub articulo fidei; nec est defensio alicuius veritatis infallibilis, ad fidem in se vel in aliquo virtutis opere, spectantis; sed solum est defensio Opinionis; Sed profundens vitam pro defensione alicuius Opinionis, non solum inter martyres connu-

connumerandus non est, verum etiam imprudentiæ & temeritatis arguendus, Ergo &c. Respondeo negando maiorem. Satis enim deductum est, defensionem materiæ præsentis esse verè actum virtutis, ad honorem DEI & cultum Deiparæ spectantem. Accedit, quod nos tot reuelationibus & miraculis firmati, non iam opinatiuè sed scientificè & absq; formidine de opposito, tenemus cum Ecclesiâ, Virginem Beatam immunem esse à peccato originali; proinde talis sententia est sufficiens materia ad martyrium.

24. Dices. Homo hæresi infectus, si vnum mysterium fidei negans, pro alio mortem subiret, nequaquam martyr esset dicendus, quia non pro Christi doctrinâ moreretur, sed pro suâ. Sed etiam defendens Immaculatam Virginis conceptionem, non pro Christi doctrinâ, sed pro suâ sententiâ exponeret se morti; quia materia ista, nec à Deo reuelata, nec ab Ecclesiâ definita est, Ergo &c. Respondeo negando minorem. Primò enim actu talis esset actus virtutis, reducibilis in DEVM; deindè non est inuentum vnus hominis, sed vix non vniuersalis Ecclesiæ iudicio assertum: tandem miraculis & reuelationibus confirmatum, vt Resolutione primâ Decadis secundæ deduximus. Deniq; in proximâ est dispositione ad definiendum, quia tot fauoribus & indulgentijs cumulatam, per quod videtur iam quasi implicite definitum. Ex quibus omnibus

25. Infero corollarie. Immaculatam Virginem Mariam, multis priuilegijs exornatam fuisse à DEO, præ cæteris hominibus. Primum enim priuilegium e ius fuit. Quod super alios homines, ab omni prorsus peccato erat aliena, quia supra omnes, immediatè post Christum fuit gratiâ plena, idq; tam gratum faciente quam gratis datâ; juxta mentem D. Hieron: Secundum. Quod ipsa sola fuit Mater & Virgo integerrima, & iuxta primæuam intentionem DEI. Tertium. Quod ipsa sola illius Filij Mater est, cuius solus DEVS Pater est. Quartum. Quod Deo corporaliter familiarissima fuit. Quintum. Quod in vitâ mortali Essentiam DEI clarè videre meruit. Juxta illud D. Hieron: Ser: de Natiu: Mariæ. *Quotidiè ab Angelis frequentabatur, quotidie Diuinâ visione fruebatur.* Sextum. Summa innocentia. Septimum. Intensissima erga DEVM & homines charitas. Octauum. Adæquata merita in ordine ad concredendum genus humanum. Nonum. Influxus omnium gratiarum à Christo capite in nos membra eius, per Mariam tanquam per Concaput. Decimum. Impeccabilitas. Et alia permulta, quibus Virgo Beata excelluit.

26. Jam igitur totum hunc tractatum, quo nouum modum probandæ immaculatæ conceptionis Deiparæ, ex Virginitate primæuâ naturæ humanæ, pro modulo tenuissimi ingenij mei, exposui, concludo verbis D. Anselmi, lib: 6. de concept: B. Virginis cap: 1. vbi sic ait. *Qui diem B. Mariæ conceptionis tollit, Ecclesiæ DEI, aut non attendit bene, aut attendere negligit, vel nescit bonum, quod inde procedit creaturæ DEI.* Et apostrophe faciens ad ipsam immaculatè conceptam Virginem, reddit causam disti sui, subdens. *Et primò; quia tanti meritè apud DEVM creaturæ es, vt Mater eius dignissima fieri meruisses, sicut & ipse non tantum supercastus & mundus, sed & ipsa castitas, ipsaq; munditia est: ita tu quoq; illam ipsam munditiam, de tuâ carne, verum hominem paritura eras, & munda præ omnibus*

esse debueras. Primordia itaq; creationis tuæ, meritò filij sanctæ Ecclesiæ debent venerari, si castam, si sanctam, si à peccati rugâ illam credunt esse discretam. Quod cum aliter credere nulli fas sit, erubescant insensati, qui tantum diem tantaq; mysteria & Sacramenta, tenebris ignorantie excæcati, respuunt celebrare. Hæc S. Anselmus. In quibus verbis, dùm de castissimâ Matre, supercastissimum filium Christum, nasci oportuisse innuit; quid aliud, nisi nouum hunc modum declarandi immaculatam conceptionem B. Virginis, quem hic prosecuti sumus, fundatum in primæuâ Virginitate naturæ humanæ, approbat; ac si diceret: quòd oportuit hanc Virginem fuisse Virginem per essentiam, quæ florem omnis Virginitatis, virginantem totam, Ecclesiam de se produxit. Virgæ ergò isti Virgineæ, de radice Jesse procedenti, sinè maculâ; & Flori de eâ ascendenti CHRISTO, Virgineæ integritatis apici, sit laus, honor, & gloria, in sæcula sæculorum. Amen.

Totum hoc Opus, iudicio & correctioni Sacræ Romanæ Ecclesiæ, eiusq; visibili Capiti, Sanctissimo Domino Nostro CLEMENTI PAPÆ Nono, nunc feliciter ipsam gubernanti, lubens subijcio, innixus verbis S. Cyrilli in Lib: Thesaur: dicentis. *A Romano Pontifice, nostrum est querere, quid credere, & quid tenere debeamus, ipsum rogantes, ipsum venerantes præ omnibus, quoniam ipse solus, reprehendere, corrigere, statuere, disponere, soluere, & ligare, loco illius qui ipsum adificauit & elegit.*



T A B U L A

LOCORVM S. SCRIPTVRÆ,

QVORVM VSVS IN HOC OPERE CERNITVR.
Prior numerus, Capita, Secundus, Versus Scripturæ, Tertius, Paginas
Libri, indigitat.

Cap: Ver:	Pag.	Cap: Ver:	Pag.
LIBER GENESIS.			
1 1 In principio creauit DEVS ca- lum & terram.	8	vite, & factus est homo in ani- mam viuentem.	42
1 2 Tenebræ erant super faciem abyssi	119	2 15 Posuit eum in Paradysum volu- ptatis, ut operaretur & custodi- ret illum.	234
1 3 Spiritus Domini ferebatur super aquas.	45	2 17 In quacungq; die comederis, ex eo morte morieris.	272
1 4 Dixit DEVS. Fiat lux. Et facta est lux.	116	2 20 Adæ verò non inueniebatur adiu- tor similis eius. Immisit ergò Do- minus Deus soporem in Adam, tulit vnā de costis eius, & re- pleuit carnem pro eâ, & ædifica- uit Dominus Deus costam, quam tulerat de Adam, in Mulierē	34
1 5 Diuisit lucem à tenebris.	119	2 23 Hoc nunc os ex ossibus meis, & caro de carne meâ. Hæc vocabi- tur Virago, quia de viro sumpta est.	30
1 11 Germinet terra herbam viren- tem etc. Producant aquæ &c.	83	2 25 Erat autem vterq; nudus, Adam scilicet & uxor eius, & non eru- bescebant.	113
1 26 Faciamus hominem ad imaginem & similitudinem nostram.	27	3 7 Et aperti sunt oculi amborum. Cumq; cognouissent se esse nudos &c.	114
1 27 Masculum & Feminam creauit eos. Benedixitq; illis Deus, & ait. Crescite & multiplicamini, & replete terram.	48	3 13 Serpens decepit me.	154
1 37 Creauit Deus hominem ad imagi- nem et similitudinem suam.	222	3 15 Inimicitias ponam inter te et Mu- lierem; Ipsa conteret caput tu- um.	143
2 2 Compleuitq; Deus die septimo opus suum quod fecerat, & requieuit die septimo ab vniuerso opere quod patrarat, benedixitq; diei septi- mo, & sanctificauit illum, quia in ipso cessauerat ab omni opere suo, quod creauit Deus, ut faceret	33	3 17 Multiplicabo erumnas tuas, & conceptus tuos, in dolore paries fi- lios.	
2 7 Formauit igitur Dominus Deus hominem de limo terræ, & inspi- rauit in faciem eius spiraculum vitæ,	LIII		

T A B V L A

Cap: Ver:	Pag.	Cap: Ver:	Pag.
	lios, & sub viri potestate eris, et ipse dominabitur tui. 47		tam dense, ut palpari queant. 119
3 22	Ecce Adam quasi unus ex nobis factus est, sciens bonum & malum. 77	10 22	Et factæ sunt tenebræ horribiles in uniuersâ terrâ Egypti, tribus diebus. 119
3 22	Ne fortè mittat manum suam, et sumat de ligno vite, & comedat, et uiuat in æternum. 274	20 12	Honora Patrem tuum & Matrem tuam. 266
4 1	Quæ concepit et peperit Cain. 32		LIBER DEVTORONOMII.
4 1	Possedi hominem per Deum. 111	32 4	DEI perfecta sunt opera. 42
4 15	Posuitq; Dominus in Cain signum. 132		LIBER I. REGVM.
5 1	Hic est Liber generationis Adæ 28	1 5	Dominus concluderat vuluâ eius. 108
5 1	In die quâ creauit Deus hominem, ad similitudinem Dei fecit illum. 106		LIBER III. REGVM.
5 3	Vixit autem Adam Centum triginta annis, & genuit filium ad imaginem & similitudinem suam, et vocauit nomen eius Seth 28	4 33	Disputauit à Cedro Lybani, usq; ad Hyssopum, quæ egreditur de pariete. 101
6 10	Noe vir iustus atq; perfectus fuit in generationibus suis, cum Deo ambulauit. Et genuit tres filios, Sem, Cham, & Iaphet. 112		LIBER II. PARALIPOMENON.
6 11	Corrupta est autem terra coram Deo, et repleta est iniquitate 112	6 36	Non est homo, qui non peccet 144
6 12	Omnis quippè caro corruerat viam suam super terram. 112		LIBER JOB.
14 20	Dedit ei decimas ex omnib; 258	4 18	In Angelis suis reperit prauitatem. 251
17 14	Masculus, cuius praputij caro circumcisa non fuerit, delebitur anima illa de populo suo. 30	26 13	Spiritus eius ornauit celos. 44
17 15	Quia pactum meum irritum fecit. 30	38 9	Cum ponerem nubem vestimentum eius, & caligine illud, quasi pannis infantia, abuoluerem. 119
21 1	Visitauit autem Dominus Saram, sicut promiserat: concepitq; & peperit filiū in senectute sua. 108		LIBER PSALMORVM.
	LIBER EXODI.	4 7	Signatum est super nos lumen vultus tui Domine. 222
10 21	Dixit Dominus ad Moysen Extende manum tuam in calum, & sint tenebræ super terram Egypti, tam	8 8	Omnia subiecisti sub pedibus ei; 65
		32 6	Spiritu oris eius, omnis virtus eorum. 44
		36 24	Cum ceciderit, non collidetur, quia Dominus subponit manum suam. 144
		44 3	Speciosus formâ præ filiis hominum. 153
		44 11	Audi filia & vide, & inclina aurem tuam. 193
		44 14	Omnis gloria eius filius Regis ab intus. 10
		45 5	Sanctificauit tabernaculum suum Altissi-

T A B V L A.

Cap. Ver:	Pag.	Cap. Ver:	Pag.
Altissimus.	144	6 8 Vna est Columba mea.	14
50 7 Ecce enim in iniquitatibus conce- ptus sum, & in peccatis concepit me Mater mea.	128	7 6 Quam pulchra es, et decora!	193
50 12 Cor mundum crea in me DEVS, & Spiritum rectum innoua in vi- sceribus meis. Ne projicias me à facie tuâ, & Spiritum Sanctum tuum ne auferas à me. Redde mibi lætitiā salutaris tui, & Spiritu principali confirma me.	129	LIBER SAPIENTIÆ.	
62 3 In terrâ desertâ, & inuiâ, & in- aquosâ, sic in sancto apparui tibi.	200	1 7 Spiritus Domini, repleuit orbem terrarum.	44
66 3 Gloriosa dicta sunt de te, Ciuitas DEI.	144	1 13 DEVS mortem non fecit &c. Non est illis medicamentum ex- terminij, nec inferorum regnum in terrâ.	93
68 10 Zelus domus tuæ comedit me, et opprobria exprobrantium tibi, ce- ciderunt super me.	249	2 24 Inuidiâ Diaboli, Mors intrauit in Orbem terrarum.	91
71 6 Descendet sicut pluuia in velus.	202	6 20 Incorruptio, facit esse proximum DEO.	41
86 5 Homo & homo natus est in eâ, et ipse fundauit eâ Altissimus.	144	12 10 Dabas locum penitentiae, non igno- rans quoniam nequam est natio il- lorum, & naturalis malitia ipso- rum; & quoniam non poterat mutari cogitatio illorum in perpe- tuum. Semen enim illorum erat maledictum ab initio.	21
87 17 In me transierunt iræ tuæ, & terrores tui conturbauerunt me.	270	19 8 In mari rubro, via sine impedi- mento, & campus germinans de profundo nimio, per quem omnis natio transiit, quæ tegebatur tuâ manu.	189
129 7 Copiosa apud eum redemptio.	252	LIBER ECCLESIASTICI.	
LIBER PROVERBIORVM.		1 4 Prior omnium creata est Sapien- tia.	8
8 22 Dominus possedit me in initio via- rum suarum.	10	18 1 Qui uiuit in æternum, creauit omnia simul.	42
17 6 Gloria filiorum, Parentes eorum.	144	24 6 Primogenita ante omnem creatu- ram.	8
CANTICA CANTICORVM.		24 14 Ab initio & ante sæcula creata sum.	8
3 11 Egredimini & uidete filiæ Syon Regem Salomonem in Diademate, quo coronauit illum Mater sua.	200	24 24 Ego mater pulchræ dilectionis.	217
4 7 Tota pulchra es amica mea, & macula non est in te.	309	33 7 Quare dies diem superat, & ite- rum lux lucem, & annus annum à Sole?	263
5 1 Messui Myrrham meam, cum aro- matibus meis.	198	40 19 Ædificatio Ciuitatis, confirma- bit nomen, & super hanc Mulier immaculata computabitur.	213
Vna		JSA-	

T A B V L A.		Cap. Ver:	Pag.	Cap. Ver:	Pag.
ISAIAH PROPHETA.				16 1 Factum est verbum Domini ad me dicens. Non accipies uxorem, et non erunt tibi filij et filiae in loco isto.	
30 26	Erut Lux Luna sicut lux Solis, & lux Solis septemplexiter &c.		239		291
49 26	Redemptor fortis.		265	BARUCH PROPHETA.	
53 2	Vidimus eum, & non erat aspectus &c. Putauimus eum quasi leprosum, & percussum a DEO, & humiliatum.		270	5 2	Circumdabit te DEVS diptide iustitie, et imponet myrram capiti tuo honoris aterni. DEVS enim ostendet splendorem suum in te, qui sub celo est. Nominabitur enim nomen tuum a DEO in sempiternum, Pax iustitie et honor pietatis.
53 8	Generationem eius, quis enarrabit?		225		144
53 8	Propter scelus populi mei, percussus eum.		270	ZACHARIAS PROPHETA.	
56 4	Non dicat Eunuchus: Ecce ego lignum aridum. Quia hac dicit Dominus Eunuchis. Qui custodierint Sabbatha mea, & elegerint que ego volui, & tenuerint fedus meum; dabo eis in domo mea & in muris meis locum, & nomen melius a filiis & filiabus, nomen sempiternum dabo eis, quod non peribit.		46	9 16	Et saluabit eos Dominus DEVS eorum in die illa, ut gregem populi sui, quasi lapides sancti eleuabuntur super terram eius.
61 6	Vos autem Sacerdotes Domini, vocabimini Ministri DEI nostri.		54	9 17	Quid enim bonum eius est, et quid pulchrum eius, nisi frumentum electorum, & vinum germinans Virgines?
66 10	Ego qui generationem cateris tribuo, sterilis ero?		61		37
66 20	Et adducent omnes fratres vestros de cunctis gentibus, donum Domino, in Equis, & in Quadrigis, & in Lecticis, & in Mulis, & in Carrucis, ad montem Sanctum meum Ierusalem, dicit Dominus. Et assumam ex eis in Sacerdotes & Leuitas, dicit Dominus. Sic stabit semen vestrum, & nomen vestrum.		54	EVANGELIUM S. MATHÆI.	
JEREMIAS PROPHETA.				1 18	Christi autem generatio sic erat.
1 5	Antequam exires de ventre, sanctificauit te, & Prophetam in gentibus dedi te.		290	1 20	Quod in ea natum est, de Spiritu Sancto est.
			290	1 25	Et non cognoscebat eam, donec peperit.
			290	5 17	Non veni soluere legem, sed adimplere.
			290	6 21	Vbi est thesaurus tuus, ibi est & cor tuum.
			290	6 24	Nemo potest duobus dominis seruire.
			290	7 12	Omnia quaecumque vultis ut faciant vobis homines, et vos facite illis.
			290		187
			290	13 33	Simile est regnum celorum fermento, quod accipiens Mulier abscondit in farinae satis tribus, donec fermentatum est totum.
			290	16 17	Caro et Sanguis non reuelauit tibi,

T A B V L A.

Cap. Ver.	Pag.	Cap. Ver.	Pag.
	bi, sed Pater meus. 67		tris mei sunt, oportet me esse 288
16 21	Exinde capit Iesus ostendere discipulis suis, quia oportet eum ire Ierosolymam, et multa pati a Senioribus, et Scribis, et Principibus Sacerdotum, et occidi, et tertiam die resurgere. 136	3 23	Iesus, ut putabatur, Filius Ioseph. 290
18 1	Quis maior est in regno calorum? 114	12 50	Baptismo habeo baptizari, et quomodo coarctor, donec perficiatur. 249
18 3	Amen dico vobis. Nisi conuersi fueritis, et efficiamini sicut paruuli, non intrabitis in regnum calorum. 114	24 39	Spiritus carnem et ossa non habet, sicut me videtis habere 201
19 4	Non legistis, quia qui fecit hominem ab initio, Masculum et Feminam fecit eos, et dixit. Propter hoc dimittet homo Patrem et Matrem, et adhaerebit uxori suae, et erunt duo in carne una. Itaque iam non sunt duo sed una caro. Quod ergo DEVS coniunxit, homo non separet 48	EVANGELIVM S. IOANNIS.	
24 30	Tunc videbitis filium hominis venientem in nubibus &c. 177	1 9	Erat lux vera, quae illuminat omnem hominem venientem in hunc mundum. 116
25 31	Cum venerit filius hominis in sede Maiestatis suae. 177	1 13	Qui non ex sanguinibus, neque ex voluntate carnis, neque ex voluntate viri, sed ex DEO nati sunt 66
EVANGELIVM S. MARCI.		1 16	Ei de plenitudine eius, nos omnes accepimus, & gratiam pro gratia. 141
8 31	Oportet filium hominis pati. 136	3 4	Nisi quis renatus fuerit denuo, non potest videre regnum DEI 25
EVANGELIVM S. LVCÆ.		3 6	Amen amen dico tibi. Nisi quis renatus fuerit ex Aqua & Spiritu Sancto, non potest introire in regnum DEI. 25
1 24	Post hos autem dies, concepit Elizabeth uxor eius, et occultabat se mensibus quinque. 184	3 6	Quod natum est ex carne, caro est, quod natum est de spiritu, spiritus est. 25
1 27	Benedicta tu in Mulieribus. 152	3 7	Non mireris, quia dixi tibi; Oportet vos nasci denuo. 25
1 34	Quomodo fiet istud, quoniam virum non cognosco? 247	3 3	Nemo ascendit in caelum, nisi qui descendit de caelo, filius hominis qui est in caelo. 299
1 46	Magnificat anima mea Dominum. 224	3 14	Sicut Moyses exaltauit Serpentem in deserto, ita oportet exaltari filium hominis. 136
1 48	Beatam me dicent omnes generationes. 144	5 26	Sicut Pater habet vitam in semetipso, sic dedit & filio habere vitam in semetipso, & potestatem dedit ei, iudicium facere, quia filius hominis est. 178
1 49	Fecit mihi magna qui potens est. 267	6 52	Caro mea est pro mundi vita. 36
2 49	Nesciebatis quod in his quae Patris	6 53	Nisi manducaueritis carnem filij hominis,

T A B V L A

Cap: Ver:	Pag.	Cap: Ver:	Pag.
		5 12	Sicut per unum hominem, peccatum in hunc mundum intrauit, et per peccatum, Mors; & ita in omnes homines Mors pertransiit, in quo omnes peccauerunt. 125
6 56	Qui manducat meam carnem, & bibit meum sanguinem, in me manet, & ego in eo. 138	5 19	Sicut per inobedientiam unius hominis, peccatores constituti sunt multi, ita & per unius obedientiam, iusti constituentur multi. 265
6 63	Spiritus est qui uiuificat, caro autem non prodest quidquam. 199	5 21	Vnius delicto, Mors regnauit, et regnauit peccatum in morte. 272
8 44	Homicida ab initio. 91	6 3	An ignoratis Fratres, quia quicumque baptizati sumus in Christo Iesu, in morte ipsius baptizati sumus. Consepulti enim sumus cum illo per baptismum in morte, ut quomodo Christus resurrexerit a mortuis per gloriam Patris, ita & nos in nouitate uitae ambulemus. Si enim complantati facti sumus similitudini mortis eius, simul & resurrectionis erimus. 137
8 58	Quinquaginta annos nondum habes, et Abraham uidisti? 277	6 6	Verus homo noster, simul crucifixus est, ut destrueretur corpus peccati, & ultra non seruamus peccato. 125
12 24	Nisi granum frumenti cadens in terram, mortuum fuerit, ipsum solum manet. 70	6 12	Non regnet peccatum in uestro mortali corpore, ut obediat concupiscentiis eius; sed neque exhibeatis membra uestra arma iniquitatis peccato. 125
14 31	Diligo Patrem, et sicut mandatum dedit mihi Pater, sic facio. 266	6 23	Stipendia peccati, Mors. 272
15 10	Ego Patris mei praecepta seruaui, et maneo in eius dilectione. 266	7 7	Concupiscentiam nescirem, nisi mihi lex diceret. Non concupisces. 281
15 13	Maiorem charitatem nemo habet, quam ut animam suam ponat quis pro amicis suis 249	7 14	Scimus quod lex spiritualis est, ego autem carnalis sum, uenundatus sub peccato. 125
17 4	Ego te clarificaui, opus consummaui, quod dedisti mihi ut faciam. 4	7 17	Nunc autem, iam non ego operor illud, sed quod habitat in me, peccatum. Scio enim, quod non habitat in me, hoc est, in carne mea, bonum.
17 6	Manifestaui nomen tuum hominibus, quos dedisti mihi de mundo 4		
17 12	Ecce quos dedisti mihi, non perdididi ex eis quenquam. 251		
19 25	Stabant iuxta crucem Iesu &c. 14		
20 17	Vade, et dic fratribus meis 172		
ACTA APOSTOLORVM.			
17 28	Non longe est ab unoquoque nostro, in ipso enim uiuimus, mouemur, et sumus. 82		
EPISTOLA AD ROMANOS.			
1 3	Christus factus est ex semine David. 183		
1 4	Prædestinatus est filius DEI, in uirtute, secundum spiritum sanctificationis, ex resurrectione mortuorum, Iesu Christi Domini nostri. 135		
	Sicut		

T A B V L A.

Cap. Ver:	Pag.
7 19 Si quod nolo, illud facio, iam non ego operor illud, sed quod habitat in me, peccatum.	125
8 2 Lex spiritus vite in Christo Iesu, liberavit me à lege peccati & mortis. Nam quod impossibile erat legi, in quo infirmabatur per carnem, DEVS filium suum mittens in similitudinem carnis peccati, de peccato damnauit peccatum in carne, ut iustificatio legis impleretur in nobis, qui non secundum carnem ambulamus, sed secundum spiritum.	125
8 10 Corpus, propter peccatum mortuum est.	272
8 15 Accepistis spiritum adoptionis filiorum, in quo clamamus, Abba, Pater.	304
8 23 Expectamus redemptionem corporis nostri.	198
8 30 Vi sit ipse primogenitus in multis fratribus.	5
8 32 Proprio filio suo, non pepercit DEVS.	270
EPISTOLA I. AD CORINTHIOS.	
1 30 Ex ipso autem vos estis in Christo Iesu, qui factus est nobis sapientia à DEO, & iustitia, & sanctificatio, & redemptio.	4
2 7 Loquimur DEI sapientiam in mysterio, quæ abscondita est, quam prædestinavit DEVS antè secula, in gloriam nostram.	4
2 12 Nemo cognouit quæ DEI sunt, nisi spiritus DEI.	27
3 10 Nunquid DEO cura est de Bobus?	169
3 23 Omnia vestra sunt, Vos autem Christi, Christus autem DEI.	8
5 6 Non est bona gloriatio vestra.	81
	Ne-

Cap. Ver:	Pag.
5 7 Nescitis, quia modicum fermentum, totam massam corrumpit. Expurgate vetus fermentum, ut sitis noua conspersio, sicut estis azymi. Etenim Pascha nostrum immolatus est Christus. Itaque epulemur, non in fermento veteri, neque in fermento malitiæ & nequitiae, sed in azymis sinceritatis & veritatis.	81
6 20 Empti enim estis pretio magno.	14
11 7 Vir quidem est imago & gloria DEI.	222
12 27 Vos estis corpus Christi.	20
15 41 Stella à Stellâ differt in claritate, sic et resurrectio mortuorum.	239
15 44 Seminatur corpus animale, surget spirituale.	57
15 45 Factus est primus homo Adam, in animam viuentem, nouissimus Adam, in spiritum viuificantem.	154
15 49 Si portauimus imaginem terreni, portemus & imaginem celestis.	231
15 50 Caro & sanguis, Regnum DEI possidere non possunt.	26
15 51 Omnes quidem resurgemus, sed non omnes immutabimur.	138
EPISTOLA II. AD CORINTHIOS.	
3 5 Non quod sufficientes simus, cogitare aliquid à nobis, quasi ex nobis, sed sufficientia nostra, ex DEO est.	110
6 14 Quæ enim participatio iustitiæ cum iniquitate, aut quæ societas luci ad tenebras, aut quæ conuentio Christi ad Belial?	154
9 8 Potens est autem DEVS omnem gratiam abundare facere in vobis.	153
	EPI-

T A B V L A.

Cap. Ver:	Pag.	Cap. Ver:	Pag.
EPISTOLA AD GALATAS.		I 13	Translulit nos in Regnum filij di-
3 27	Quicumq; in Christo baptizati estis, Christum induistis. Non est Iudeus, neq; Græcus, non ser- uus, neq; liber, non est masculus; neq; femina, omnes enim vos u- num estis in Christo Iesu. 134		lectionis sue, in quo habemus re- demptionem & remissionem pec- catorum. Qui est imago DEI inuisibilis, primogenitus omnis creature, quoniam in ipso condita sunt vniuersa, in calis & in ter- ra, visibilia & inuisibilia, siue Throni, siue Dominationes, siue Principatus, siue Potestates, omnia per ipsum & in ipso creata sunt, & ipse est ante omnes, & omnia in ipso constant; & ipse est caput corporis Ecclesiæ, qui est principi- um, primogenitus ex mortuis, ut sit in omnibus ipse primarum te- nens: Quia in ipso complacuit omnem plenitudinem Diuinitatis inhabitare, & per eum reconci- liari omnia: in ipso pacificans per sanguinem crucis eius, siue quæ in calis, siue quæ in terris sunt. 2
4 5	Misit DEVS filium suum, fa- ctum ex Muliere, ut adoptionem filiorum reciperemus. 304	2 14	Delens quod aduersum nos erat Chyrogaphum decreti, quod erat contrarium nobis, & ipsum tulit de medio, affigens illud cruci, & expolians Principatus & Pote- states, traduxit confidenter, pa- lam triumphans illos in semetipso. 136
5 17	Caro concupiscit aduersus Spiri- tum, Spiritus autem, aduersus carnem. 95	EPISTOLA II. AD TIMOTHEVM.	
6 8	Qui seminat in carne suâ, de carne & metet corruptionem, qui autem seminat in spiritu, de spiri- tu metet vitam æternam. 25	2 5	Non coronatur, nisi qui legitime certauerit. 287
EPISTOLA AD EPHESIOS.		EPISTOLA AD HEBRÆOS.	
I 3	Benedixit nos omni benedictione spirituali in celestibus in Christo, sicut elegit nos in ipso, ante mun- di constitutionem. 267	I 3	Splendor gloriæ Christus. 144
II 4	Elegit nos in ipso, ante mundi constitutionem, ut essemus san- cti. 7	I 4	Tanto melior Angelis effectus, quanto differentius præ illis na- men hereditauit. 6
I 5	Prædestinavit nos in adoptionem filiorum, per Iesum Christum in ipso. 267	I 14	Omnes sunt administratorij Spiri- tus, in ministerium missi propter eos qui hereditatem capiunt sa- lutaris. 216
I 7	In quo habemus redemptionem, per sanguinem eius, secundum di- uitias gratiæ eius, quæ supera- bundauit in nobis. 265		Chri-
2 4	Eramus naturâ filij iræ, sicut & ceteri. 112		
5 32	Sacramentum hoc magnum est, ego autem dico, in Christo & in Ec- clesiâ. 48		
EPISTOLA AD PHILIPPENSES.			
2 7	In similitudinem hominum fa- ctus, & habitu inuentus ut ho- mo. 135		
EPISTOLA AD COLOSSENSIS.			
Trans-			

T A B V L A

Cap: Ver:

Pag.

Cap: Ver:

Pag.

3 6 Christus tanquam filius in domo
sua, qua domus sumus nos. 153

7 7 Sine ulla contradictione, quod
minus est, a meliori benedicitur. 259

7 16 Secundum similitudinem Mel-
chisedech, exurgat alius Sacerdos,
qui non secundum legem mandati
carnalis factus est, sed secundum
virtutem via insolubilis. Conte-
statur enim: Quoniam tu es Sa-
cerdos in aeternum secundum or-
dinem Melchisedech. 55

7 18 Reprobatio quidem fit praece-
dentis mandati, propter infirmitatem
eius & inutilitatem: nihil enim
ad perfectum adduxit lex: intro-
ductio vero melioris spei, per qua
proximamus ad Deum. Et quan-
tum est, non sine iureiurando, in
tantum melioris testamenti spon-
sor factus est Iesus. 55

7 26 Innocens, impollutus, segregatus
a peccatoribus. 153

12 9 Patres quidem carnis nostrae eru-
ditores habuimus, & reuereba-
mur eos; num multo magis obtem-
perabimus Patri spirituum? 167

EPISTOLA S. IACOBI.

11 14 Unusquisque tentatur a concupi-
scentia sua abstractus et illectus;
deinde concupiscentia cum conce-
perit, parit peccatum. 281

11 17 Omne datum optimum, & omne
donum perfectum, de sursum est,
descendens a Patre luminum. 117

EPISTOLA I. S. PETRI.

2 5 Et ipsi tanquam lapides vivi, su-
per

F I N I S.

Nnnn

peredificamini domos spirituales,
Sacerdotium Sanctum. 55

2 9 Vos autem genus electum, regale
sacerdotium, gens sancta, populus
acquisitionis; ut virtutes annun-
tietis eius, qui de tenebris vos vo-
cavit in admirabile lumen suum 55

EPISTOLA I. S. IOANNIS.

1 5 Deus lux est, & tenebrae in eo
non sunt ulla. 226

1 8 Si dixerimus, quoniam peccatum
non habemus, ipsi nos seducimus,
& veritas in nobis non est. 288

4 9 DEVS charitas est. 179

5 8 Tres sunt qui testimonium dant
in terra, Spiritus, Aqua, et San-
guis; & hi tres, unum sunt. 66

LIBER APOCALYPSIS.

5 10 Redemisti nos Deo in sanguine tuo,
ex omni tribu, & lingua, & po-
pulo, & natione, & fecisti nos
Deo nostro regnum & sacerdotes,
& regnabimus super terram. 55

5 12 Agnus qui occisus est 134

12 10 Et proiectus est accusator fratrum
nostrorum. 251

14 4 Hi sunt qui cum mulieribus non
sunt coinquinati 46

18 7 Quantum glorificavit se, et in de-
liciis fuit, tantum detur illi tor-
mentorum et luctus. 46

20 6 Hac est resurrectio prima, bea-
tus & Sanctus qui habet partem
in resurrectione prima: in his se-
cunda mors non habet potestatem,
sed erunt Sacerdotes Dei & Chri-
sti. 55

21 23 Et lucerna eius est Agnus. 139



TABVLA

RERVM ET VERBORVM NOTA.

BILIVM, QVÆ IN HOC OPERE CONTINENTVR.

Prior Numerus, Paginam, posterior, Numerum Marginalem, indicat.

A

ADAM. Si non peccasset, non
esset Pater carnalis respectu ge-
neris humani propagandi. 21. 1
Post lapsum, est caput Prædestinato-
rum per accidens, reproborum est ca-
put per se. 27. 18
Genuit filios ad imaginem suam,
non ad imaginem Dei. 28. 21
Quarè translatus ad paradysū? 30
26
Quarè mutauit nomen coniugis
sux: & quarè consuentes folia ficus,
fecerunt sibi perizomata? 32. 34
Quarè non erubescibat dum esset
nudus? 113. 2
Quarè non pænuit post pecca-
tum? 114. 8
Habuit gratiam gratum facientē.
122. 19
Quomodo habuit peccatum origi-
nale? 131. 18
Quarè dicitur solus corrupisse ori-
ginaliter naturam, cum prius Eua co-
mederit pomum? 132. 21
Quarè non est mortuus eadem
die, quā comedit pomum vetitum?
134. 3
Vidit intuitiue essentias rerum.
208. 12
Quarè iussus operari in parady-
so? 234. 2
Quarè

Quarè soporatus dum eximeretur
illi costa? 236. 9

Quomodo transfudit mortem in
omnes? 272. 14

ADOPTIO. Quid sit? 301. 1
In adoptione tria concurrunt. ibidem
n. 2:

Adoptatur extraneus, & qualis?
ibidem. 3

Omnes electi sunt filij adoptiui.
302. 4

Adoptatâ Virgine Matre, ado-
ptati sunt concomitanter & alij electi
303. 9

B. Virgo est norma & idea ado-
ptionis. ibidem. 10

Adoptio nostra est per filium, &
Spiritus sanctum. ibidem. n. 11

AGILITAS. Quid sit? 58. 5

ANGELVS. Non est imago
DEI sed signaculum similitudinis.
77. 4

Nunquam visus barbatus. 132.
22

Non habet injuriā indè, quia ma-
ior gloria data est naturæ humanæ.
176. 24

Ab initio creationis suæ habuit re-
uelationem de incarnatione. 178.
29

Quarè distinctus specie ab anima
separata? 234. 3

ANIMA. Quomodo inficitur pec-
cato

T A B V L A

cato originali? 130. 16. & 17

Sensitiua, est media inter substan-
tiam & accidens. 89. 13

Sensitiua rationalis surrexit in ho-
mine vi pomi comesti. 92. 18. 98.

29

Intellectiua vnde patitur? 109. 8

Vbi residet in homine? ibidem. 9

Incarceratur ab aliâ animâ. ibidē

10

Creat DEVS animas, quæ nun-
quam fuissent, si Adam non peccasset.

168. 11

Est lux substantialis. 226. 15.

234. 1. 239. 15

Vbi habet thorum centalem in
homine? 226. 15

Quomodo se reunit in resurre-
ctione? 212. 25

Anima Virginis Matris est rece-
ptiua tantæ gratiæ, quantæ anima
Christi. 218. 11

Christi Domini, non ex meritis sed
ex merâ liberalitate, habet gratiam
conuam, Mariæ Virginis, ex meritis.

248. 1

Anima humana, est figurata figu-
râ humanâ. 226. 17

Intellectiua, est tria & vnum. 228.

22. & 23

Animæ trinitas. 229. 24

Corpori coniuncta, videtur partiri
in operationes. ibidem.

Sigillat, & dat figuram corpori
humano. 226. 17. 231. 28

Animæ nomina. 232. 32

ANNA. Quomodo Mater Vir-
ginis Matris? 192. 26

AQVA. Effectus aquæ Regis.

76 35.

ARBOR vitæ, quare sic di-
cta? 274. 18 (14

In eâ fuit verè & realitèr vitâ. 90.

AV-

AVRVM. Quare est ponde-
rosus? 76. 37

Quomodo vertitur in oleum? 200.

13

B

BAPTISMVS. Quid facit in
baptismo? 134. 1. 2. 5

Baptisati quare non transfundunt
in prolem nouitatem noui Adæ? 131.

20

Ablutio aquæ in baptismo, quid si-
gnificet? 137. 6

Baptismus facit nouam creatu-
ram. ibidem.

Baptismi potestas realis. 138. 9

Baptismi votum saluat adultos.

ibidem. 7

BARBA. Vnde habet ortum
in viris? 132. 22

BEATITVDO. In quo consi-
steret translatio in beatitudinem ex
statu innocentie? 120. 14

Beati impeccabiles ab extrinseco.

384. 2

BENEDICTIO. Quod minus
est, à meliori benedicatur. 259. 9

BONVM. Est potentius malo.

250. 9

BOS. Non generat bouem, sed
solum semen ad bouem. 166. 4

BRVTA. Habent rationem &
discursum. 103. 46

C

CANIS. Rabidus mordens ho-
minem, quid efficiat? 90. 15. &

129 14

CANONIZATIO. Quid sit?

306. 1

Non tantum sancti, sed & iusta ca-
nonizantur, ibidem.

Cano-

T A B V L A.

Canonizatum Festum Conceptio-
nis. B. M. V. 307. 2

C A R O. Christi & Mariæ est
vna. 260. 12

Mariæ quomodo pertinet ad mas-
sam peccatricem, & quomodo non
pertinet? 263. 5. 6. 7

V. Mariæ dupliciter consideratur.
ibidem.

Quod sit seminata Mariæ caro, my-
sterium est. 262. 1. 2

Similitudo carnis peccati, non ca-
ro peccati fuit in Christo. 271. 10

Ad redintegrationem carnis, non
requiritur, vt integra caro Christi pro-
deat prius tempore. 293. 3. 294. 6

A carne Virginis, descendit puritas
in carnem Christi, non è contra. 295.

C Æ L V M. Januæ cæli clausio-
nis, quæ causa? 299. 3

C H A R I T A S. Viatoris vt tran-
seat in charitatem compræhensoris,
tria requiruntur. 232. 32

C H R I S T V S. Venisset in carne,
quamuis homo non peccasset. 3. 3

Venisset ad manifestandam tri-
nitatem. ibidem.

Saluator Angelorum. 5. 4

Est causa prædestinationis nostræ,
exemplaris, finalis, & efficiens. 6. 6

Qualia eius merita fuerunt causa
prædestinationis nostræ? ibidem.

Fuisset prædestinandus, si non fu-
issent creandi alij. 10. 8

Quomodo in eodem instanti cum
Mariâ prædestinatus? 11. 10

Prædestinatus filius huius Matris
determinatæ. ibidem.

Necesse fuit illum nasci de mulie-
re tantum, & non de viro. 24. 10

Quare suam carnem dedit nobis
manducandam. 36. 4

Stante

Stante innocentie statu conce-
ptus, haberet aliundè specialitatem,
non quia de Virgine nasceretur. 38. 6

Virginea eius natura, communica-
tur nobis per baptismum verè & rea-
liter. 134. 1

Per quid complantat nos sibi? 139

Non potuit prævideri sinè hac Ma-
tre Mariâ. 143. 4

Habitauit in Virgine duplici spe-
cialiori modo. 152. 11

Eius coniunctio sanguinis cum
Matre suâ, in primo gradu. ibidem.

Quomodo conceptus de Spiritu
sancto? 168. 11

Habuit gloriam cœtuam animæ
suæ. 176. 24

Pertinebat ad illū vt Redemptorē,
vt esset si ius hominis. 177. 26

In triduo mortis dimisit humani-
tatem, corpus non dimisit. 196. 3

Quos sanat in corpore, sanat & in
animâ. 221. 22

Quomodo profecit in meritis? 261

Tenebatur diligere DEVM & homi-
nes. 249. 4

Quare non sibi sed alijs meruit?
ibidem.

In illo vt mediatore & redempto-
re, triplex obligatio. 265. 11. 12

Matri Virgini plus obligatus, quā
alijs. 166. 15

Quod conuenit Christo ex naturâ
vnionis hypostaticæ, hoc conuenit
Mariæ ex priuilegio. 286. 8

Quod videbatur Matrem repræ-
hendisse suam, mysterium est. 288.

Non est Filius DEI adoptiuus. 301. 3

C I R C V M C I S I O. Quare
oçtauo

T A B V L A.

Octauo die fieri debuit? 30. 29
CONCEPTIO. Dicitur manè diluculò. 286. 9

Conceptus ex digito, an haberet originale? 131. 19

Quarè non determinatur hucusq; sententia de Conceptione, ad vnā partem? 150. 9

Quarè die octauā Decembris, celebratur festum Conceptionis B. M. V? ibidem.

Statua marmorea, caput inclinauit tutori Conceptionis. 151. 10

De Conceptione Deiparæ, dupliciter loqui contingit. 161. 1

Post decisionem seminum in Conceptione Virginis, stetit omnis actio naturæ corruptæ. 264. 9

Quid accessit Virgini Matri, in Conceptione filij? 279. 2

Immaculata Virginis Conceptio, potest esse de fide. 309. 8

CONCVPISCENTIA. Vnde est orta? 129. 14

Maior non baptifatorum, quam baptifatorum. ibidem.

Quando non est peccatum? 281. 7

CONVIGIVM. Quarè dicitur turpitudine? 45. 23

Coniux, quarè potest separari ab adulterā? 52. 36

CORPVVS. Virginis fuit prius naturā tenebrosū quam lucidum. 235. 4. 5

Corporis beati dotes, non erunt quid superadditum ipsi. 72. 29

Corporum penetrabilitas est naturalis. 73. 33. 34

Spirituale habet ossa. 200. 13

In corpore sumpto de Matre Virgine, consistit omnium Sacramentorum ratio & finis. 173. 18

CREATIO. Quarè DEVS creauit

uit omnia? 45. 21. 178. 27

Quarè creauit masculum & feminam? 50. 33

Si crearetur homo in inferno, infernus non esset illi pœna formalitèr. 122. 20

D

DAMNATI. Resurgent non immutati. 239. 15

DECIMATIO. Quid sit? 257. 2. 6

Est ex ordinatione & pacto DEI. 259. 7

Decimatio figuralis, formalis, sacramentalis. 257. 3

Leui decimatus in lumbis Abrahæ. 258. 4

Christus quarè non fuit decimatus in lumbis Abrahæ? 259. 8

DEVS. Nulla est in Deo cognitio indeterminata. 19. 10

Quid sit operatus die octauo? 34. 1

In Diuinis processio ad intra ostenditur, & adstruitur ad extra. 163. 22

Quomodo magnificatur, crescit, & decrescit? 234. 7

DIABOLVS. Quomodo genus humanum annihilare nitebatur? 111. 13

DIES. Sex creationis constant vespere & mane, septimus minimè. 237. 10

DILVVIVM. Ob quam causam fuit? 112. 14

E

ECCLESIA fuisset, etiamsi Adam non peccasset. 8. 7. 48. 31. 53. 37

Quarè celebrat diem obitus & non natiuitatis sanctorum? 152. 11

ELECTI. In statu innocentie, si non fuissent nati de Matribus Virgibus

Oooo nibus

T A B V L A.

nibus, fuissent nocentes. 41. 16

ENS. Dantur entia neutra, quæ minus sunt quam substantia, plus quam accidentia. 97. 27

EVA, in statu innocentia, pareret virgo. 33. 1

Est mulier, quæ abscondit fermentum in farinae satis tribus. 81. 1. 2

EVCHARISTIA institueretur in statu innocentia, 141. 2

F

FÆMINA. perfectior beatâ Virgine, non potest creari. 170. 14

Fæmellæ multò plures nascuntur, quam masculi. 55. 41

In statu innocentia, impetraret à Deo precibus prolem. 49. 32

Fæmineus sexus, quare dicitur deuotus? 35. 2. 47. 28

FÆTOR. Vnde est in Judæis & alijs non baptisatis? 137. 6

FERMENTVM. Quid sit, & quotuplex? 83. 4. 84. 6

FIDES. Vt de fide sit aliquis articulus, quid requiritur? 309. 9

FIGVRA. alia intrinseca rebus, alia extrinseca. 226. 16

FILIVS. Quare iubentur filij honorare parentes? 167. 6

Filiatio quid sit? in quibus? & quotuplex? 165. 3

Inchoatiua & completiua. 192. 25

Quandò confurgit? 166. 5

Vera filiatio, in solo Christo. 169. 12

FOMES. Quid sit fomes? 205. 6. 280. 5. 6

Vnde sit dictus? ibidem.

Non fuit in Virgine Matre. ibid.

Si fuisset in carne Matris, fuisset in carne Christi. 295. 9

Non est peccatum, & fuisset in statu

tu innocentia. 280. 6

Non est incoueniens, prius Virginem Matrem esse sinè fomite, quam Christum. 280. 4. 296. 12

FORMÆ rerum, sunt lumina, distincta inter se specie. 116. 9

FRUMENTVM. Granum eius, quare debet mori vt prolificet? 70. 26

G

GENERATIO. Nobilior est vnus de vno, quam vnus de duobus, præstantior de Virgine quam corruptâ. 39. 11

Quare in vnâ regione melior est rerum, non in alijs? 83. 4

Processus & ordo generationis in plantis & herbis. 86. 10

Ordinaria generatio, aliquid aliud producit, quam id quod creando hominem produxit Deus. 106. 2

Passiua hominis, tota à Deo. 110. 12

Omne simile, generat sibi simile. 152. 11

GLORIA Quomodo est data Virgini Matri, in instanti Conceptionis? 220. 20

GRATIA. æquiualeat iustitiæ originali. 217. 10

Maiorem Beata Virgo non potuit recipere. 215. 3

Mediatè in Mariâ summa gratia, vt in concapite. 219. 16

Diuersitas illius, in Christo & Mariâ. 220. 18

Sūma debebatur Virgini 282. 12

GVLO. animal in Succia, voracissimum. 70. 25

H

HIERARCHIA. quartam in cælis, sola Virgo Maria constituit. 252. 13. 14. 255. 21

Tres

T A B V L A.

Tres actus Hierarchici. 237. 12
H O M O. Qualitèr nasceretur, si
 non esset peccatum primum? 22. 4
 Antè lapsum, nasceretur de Matre
 Virgine. 24. 7. 8. 9
 Potest generari ex solâ Matre, non
 ex solo Patre. 39. 9

Potest nasci sinè notis sexualibus.
 55. 42
 Totus esset spiritualis in statu in-
 nocentiæ, superuestitus donis gratiæ.
 57. 1

Antè lapsum, habuit corpus spiri-
 tuale, & spiritum corporeum. 57. 58.
 & sequentibus. 3. 4. 5. &c.
 Quare non est agilis pro hoc statu?

60. 5
 Internus & externus. 61. 6
 De quali limo terræ factus? 62. 8
 Quare rythmum cæli & planeta-
 rum sequitur? ibidem. 9

Dormiens, quare & qualitèr am-
 bulat per àera? 64. 11. 68. 21
 Duæ in illo voluntates. 66. 16
 Naturalitèr potest ad multa milli-
 aria transferre se in momento. 68.

20
 Si esset nesciens, melius esset. 76.
 38

De intelligente, factus sciens & ra-
 tionalis. 77. 42
 Ex vi creationis, non est animal,
 nec rationalis. 79. 46

Quare fortior, dum insanit? 92.
 17
 Potest simul velle & nolle, & qua-
 re? 99. 33

Producendo filium, producit ima-
 ginem sui, non DEI. 107. 3

Quomodo concipitur & vegeta-
 tur in vtero matris? 108. 7

In statu innocentie, intelligeret in
 vtero. 118. 12
 Natus

Natus statim posset moueri motu
 progressiuo. ibidem.

Morbi & mortis opifex. 120. 15
 Vndè frater Christi? 172. 17.

Est sol. 234. 3

Antè lapsum, qualis illius conser-
 uatio? 273. 15

Quomodo mortalis, & immorta-
 lis? ibidem. 17

Non fuit antè lapsum immortalis
 ab intrinseco. 274. 18

I

I G N I S. Nec est substantia nec ac-
 cidens. 97. 28

I G N O R A N T I A. Non fuit in Chri-
 sto, nec in Virgine Matre, nec in A-
 damo antè lapsum. 277. 23

I M A G O. Terrena & coelestis in
 homine. 231. 29

In quo est imago DEI in homine?
 222. 1. 2. &c.

Transiens & permanens in homi-
 ne. 224. 9

Dicit similitudinem essentiae & fi-
 guræ. ibidem. 9

In animâ hominis primariò, in
 corpore secundariò, est imago DEI.
 226. 14

I M M O R T A L I T A S carnis per-
 tinet ad terminum. 296. 11

I M P E C C A B I L I T A S. Quid sit?
 285. 4

Intrinseca & extrinseca. 274. 2

Ex multiplici ratione oritur. 285.
 4. 5. 6

Non conuenit simpliciter Beatis.
 286. 7

I N C A R N A T I O est omnium ope-
 rum creatorû præstantissimum. 170.
 14

Summa est gratia & bonitas, &
 hanc bonitatem impugnare, summa
 est

T A B V L A.

est malitia. 250. 9

INNOCENTIA. Duplex eius ratio in Christo. 260. 13

INTELLECTVS. Patiens tantum: & quomodo intelligit? 78. 43

Intellectus & ratio, sunt diuersissima. 102. 45

Semper est rectus 209. 15

Non intelliget in Patriâ per species. 229. 24

IOANNES S. quare singulariter à Deo dilectus? 291. 7

IOSEPH S. quare iam adultus accepit in coniugem V. SSM? 291. 7

IRA, rixa, inuidia, quare sunt opera carni? 99. 34

Qua is fuit ira in Christo & in Virgine SSMâ? 578. 25

IVRAMENTVM præstant Academicæ, defensoræ sententiam immaculatæ Conceptionis. 314. 20. 21

IUSTITIA originalis quid sit? 114. 3. 242. 2

Non fuit superaddita homini. ibid. 4. 5

Diuina, quomodo salus omnium? 196. 6

L

LIBER ter in ignem coniectus, non fuit combustus. 161. 19

Quid est, esse scriptum in capite libri? 267. 16

Liberum **A**RBITRIVM, non est potentia peccandi formaliter. 287. 14

LVMEN, specifiçi luminis accessio in individuo. 118. 11

Specificum quid, & vnde? 116. 9. 10

LVX solis transiens per vitrum, in medio est lumen, in cono ultimo est ignis. 97. 27

Lux & tenebræ sunt in omni re
sublunari.

sublunari.

118. 8

M

MAGIA. Virtus magica naturalis est in animâ nostrâ 63. 11

MAGNES nouit, & amat. 68. 22

Varij eius effectus. ibidem.

MARIA. Prædestinatio eius, præcessit prædestinationem hominum & Angelorum. 8. 8

Non tantum æqualis Christo sed & idem. 12. 10. 177. 26

Magis Virgo quam Eua in statu innocentia. 11. 10

Est collum, iungens caput cum membris, & est concaput. 12. 11. & 12

165. 1. 174. 21

Quomodo Mater & Filia Christi? 13. 11

Redemptrix nostra, & passa pro nobis. 14. 12

Quare præuisa est immunis à casu in Adam? 19. 10

Nullatenus dependet ab Adam. 149. 8. 19. 10

Naturalis Mater Christi. 45. 22

Prædefinita simul cum Christo. 141. 2

Conceptio eius deducitur. 145. 5 &c. in longum.

Maternitas eius infinita quodammodo. 162. 2

Consubstantialis Christo. 171. 16

Concepta ex copulâ maritali. 182. 4

Necesse fuit illam sic concipi. ib. 5

Sola restaurauit totam naturam, quâ natura est. 174. 21

Primogenitâ antè omnem creaturam. 177. 25

In actu coniugali Parentum illius, nullus fuit sæditati locus. 183. 7

Sic est genita, sicut generarentur in statu

T A B V L A

statu innocentie. 185. 12. 13. &c.

Si concepisset alium filium ex copula, ille haberet originale. 186. 15

Digito DEI formata, quamvis ex femine Parentum. 188. 19

Quare ex sterili nata? 193. 27

Filia DEI & gratie, non Adami. ibidem.

Sola homo. 195. 1. 2.

Caro eius spiritualis. 196. 6. & sequen.

Fuit viatrix & comprehendens. 201. 14

Non fuit in ea anima carnalis. 205. 3

Qualis in illa contemplatio DEI tatis? ibidem, 4

Est de femine ut de materia, non ut de agente. 264. 10

Prima fructum salutis hausit ex pignore. 253. 17

Potuit ne peccare? 209. 16

Cognovit se per essentiam suam. ibidem. 17

Non fuit decimata in lumbis Abraham. 258. 5. & sequi:

Nunquam risit, nullum morbum passa. 210. 20

Habuit plus gratie in conceptione sua, & in Matris utero, quam sancti in coelo. 214. 1. & sequen:

Est perfectissima imago DEI 223.

4. 230. 26

Vnde in ea fames & sitis? 277. 22

Plus quam Christus. 230. 27

In instanti conceptionis sue luminosa, sicut esset Adam in puncto sue translationis in celum. 234. 1. & seq:

Non fuit illi possibile concipere prolem de viro, post genitum Christum. 244. 11

Intuentes Virginem SSm. quare non incitabantur concupiscentialiter? 246. 18

Non fuit illi necessarium ut emitteret votum virginittis. 247. 19

Nil illi accessit in tota vita eius, quod non habuerit in primo instanti conceptionis sue. 281. 10. & sequi:

Nil illi additum supernaturale, ut conciperet de Spiritu Sancto. 280. 3

Vnde & quomodo impeccabilis? 285. 6. 7

Habuit statum medium inter statum simplicis viatoris, & statum simplicis comprehensoris. 287. 10

Si fuisset mortua ante passionem Filij, non ingrederetur Regnum DEI.

300. 4

Possit glorificari in alio loco convenienti. ibidem. 5

Qualis in illa extraneitas & adoptatio? 302. 5

Quomodo aliquando fuit nec grata nec non grata? 303. 6

Prima inter adoptiuos. ibidem. 7

MARTYRIVM. Quid sit? 313.

19

Quid sufficit ut sit quis martyr?

315. 22

Martyrium aequialet baptismo.

138. 8

Inferit martyres carni virginis Christi. ibidem.

Sunt veri martyres, quamvis non pro fide mortui. 313. 19

Martyr esset, qui mortem subiret pro immunitate Conceptionis B. M. Virginis. 314. 20. 315. 22

MATRIMONIUM. In statu innocentie, copula matrimonialis esset illicita. 47. 27

In paradyso esset ratum, nunquam tamen consummatum. 49. 32

Difficilis contractus matrimonialis. 51. 35

Quare duo in carne una, & non sunt

Pppp

T A B V L A

sunt duo, sed vna caro? 52. 35
 Ratum & non consummatum,
 quare potest dirimi? 52. 36
 Vnde Sacramentum? 53. 37
 Copula matrimonialis quare me-
 ritoria? 54. 40
MEMORIA. Vnde orta est in
 homine? 230. 25
MENS humana, vnde videt &
 audit? 207. 9
MERITVM. Quid sit? 175. 23
 Christi meritum quomodo prodest
 Angelis & hominibus. 179. 30 31
 Ratio eius formalis, in quo confi-
 sit? 219. 16
 Triplex mereri. 282. 11
MISERICORDIA. Quid sit? 166.
 15
MISSALE. In ignem proie-
 ctum, non comburitur. 151. 10
MONSTRVM. Vnde nascan-
 tur in hominibus? 190. 22. 227. 19
 Quare non dicuntur proles nostra?
 191. 24
MORBVS. Vnde habet or-
 tum? 211. 23
 Quare in Christo & Matre eius
 non fuit? 277. 21
MORS. Est purgatio peccati.
 275. 19
 Mors Christi, fuit alia à morte no-
 stra. 72. 31
 Quid sit? 85. 9
 Vnde sic dicta? 272. 14
 Quomodo intrauit inuidiâ diaboli?
 91. 16
 Quis fecit mortem? 93. 20
 Mors in brutis est ens positivum:
 ibidem. 21
 Christi mors, quare dicitur exal-
 tatio? 135. 4
 Quæ causa mortis nostræ tempo-
 ralis? 207. 10
 Non

Non erat eiusdem speciei, mors
 Christi cum morte nostrâ. 210. 21.
 272. 12
 In nobis est supplicium, mors cor-
 poralis. 272. 13
 In Virgine SSmâ non pæna sed con-
 ditio. 274. 19
 Quomodo & quare appetierunt
 mortem sancti? 277. 21
MOTVS. compositorum ani-
 matorum duplex. 58. 5
 Eadem virtus animæ, mouet cor-
 pus organicè & inorganicè. ibidem.
MVLIER. Quæ est illa quæ
 abscondit fermentum in farinæ satis
 tribus? 204. 1

N

NATVRA. Christi humana,
 non potuit esse per creationem,
 nec ab aliâ Matre. 170. 15
 Gloria naturis non datur secun-
 dum ordinem naturarum. 176. 24
 Deficiente naturâ Angelicâ & hu-
 manâ, adhuc D E V S honoraretur à
 naturâ. ibidem.
 Numerantur anteuertentia & re-
 trouertentia naturam. 189. 21
 De naturis Christi & Matris eius,
 vniformitèr sentiendum & loquen-
 dum. 269. 1
 Christi natura quomodo nobilior
 naturâ suæ Matris? ibidem.
NIMPHA. Vnde ortum ha-
 bet? 111. 13
NOBILIS. Vnde habet gene-
 rositatem auium & parentum? 70.
 25
NVPTIÆ quales essent ante
 lapsum, & quales sunt post lapsum?
 23. 5

O

O**DOR.** quæ sit ei⁹ actiuitas? 85. 8
 OPINIO

OPIN
 late Conce
 opinionis.

PENNA
 Alia in

Quare
 & Virgini
 Accept
 Congru
 Quæ p
 sto & Mat
 Quomo

PARE
 quare Scrip

Cûr no
 dech?
 Generan

PAXH
 PECC
 ducit morte
 Origina

Origina
 animâ.

Quid sit
 Est prin
 ptionis non
 Quare
 SSmam eff

Origina
 propagati
 Quæ rat
 Quare
 Peccare

Original

T A B V L A

OPINIO. Defensio immacu-
latae Conceptionis, non est defensio
opinionis. 315. 23

P

PÆNA. Vnde sic dicta? 275. 19
Alia inutilis, alia meritoria. 232. 33

Quare sunt inflicta à Deo, Christo
& Virgini? 270. 3. 4

Acceptauerunt eas vt vtilis. ibid: 5

Congruebat eos pati. ibidem. 6

Quæ pænalitates fuerunt in Chri-
sto & Matre eius? 269. 2

Quomodo voluntariè eas suscepit?
271. 10

PARENTES Virginis SSmæ.
quare Scriptura non memorat? 193. 28

Cur non memorantur Melchise-
dech? 194. 30

Generant tantum ens seminale.
108. 7

PAX hominis duplex. 273. 16

PECCATVM. Quomodo in-
ducit mortem? 273. 15. 274. 18

Originale maius est omni actuali.
266. 15

Originale prius in carne quam in
animâ. 199. 9

Quid sit originale? 124. 1. 241. 1

Est principium motuum redem-
ptionis non incarnationis. 4. 3

Quare aliqui tenent, Virginem
SSmam esse conceptam in originali?
157. 14. 15

Originale in prole, non est ex vi
propagationis. 184. 10

Quæ ratio originalis? 245. 14

Quare permissum est? 250. 5

Peccare dicit impotentiam. 287. 13

Originale non est causa præcisa
clau-

clausioneis ianua cæli. 299. 2

PERFECTIO. Illud est per-
fectum, cui nihil deest. 214. 2

PHANTASIA. data est vni-
cuique rei ex vi suæ creationis. 90. 15

PINGVEDO. Vnde est in
homine? 118. 11

POMVM. comestum, in primis
parentibus quid effecit? 92. 17

Post esum eius, alia subintrauit
anima. ibidem.

Non quâ prohibitum, fuit nociuū
Virginæ naturæ, sed quâ continens
necessariam causam seminis. 129. 13

PONTIFEX. Potest sine Con-
cilio definire res fidei. 313. 18

Bullæ & sancita Pontificum de im-
maculatâ Conceptione. 146. 7

Sub quibus Pontificibus Concilium
Tridentinum celebratum est? ibidem.

PRÆDESTINATIO. Quid, &
ordo eius. 2. 2

Est antè omne meritum. ibidem.

Est prior & præstantior Christi hu-
manitatis, quam omnium hominum
& Angelorum. 5. 5

Omnium quidè æterna, sed Chri-
sti & Matris eius prior dignitate &
ordine. 267. 16

PRÆGNANS. quare nociua ap-
petit ad comedendum? 70. 24

Quare fatum mutat repentino per-
cussa pauore? 95. 26

PRÆSERVATIO. Virginis
SSmæ. ab originali, quo ad substanti-
am, & quo ad modum. 266. 14

PRINCIPIA. rerum, quæ, & quot?
82. 3

PRIVILEGIUM, singulare Chri-
sti & Matris eius. 287. 13

Privilegia Virginis Matris neme-
rantur. 316. 25

Pro-

T A B V L A

PROLES seminalitèr procreata,
est tabula rasa. 110. 11

PROIOPLASTES. Quibus pec-
catis peccauit? 127. 7

Si edisset de pomo scientiæ, & il-
lud non esset vetitum, adhuc nascere-
mur in peccatis. 129. 13

Quarè indutus pellibus agnorum?
135. 3

Quarè non sunt mortui aut anni-
hilati eâ die, quâ comederunt po-
mum vetitum? 160. 18

PVLVS. Vndè est in homine?
118. 11

PVRITAS quid sit? 283. 14

Maiores est, per maiorem recessum
à contrario. 156. 13

PYGMÆI. Sunt simulachra ho-
minum. 77. 41

R

REDEMPTIO. Quid sit illud,
quod Theologi vocant Redem-
ptionem? 196. 6

Nostri non fuit necessaria, nisi
præsuppositâ ordinatione Diuinâ.
248. 2

Hominum est subleuatua, Ange-
lorum est præredemptio. 250. 8

Triplex est. 252. 15

Genus redemptionis Mariæ, dici-
tur sanctitas, & redemptio Vnitua.
252. 15. 16

Vnitua, excludit possibilitatem da-
mnationis 294. 7

REGNUM DEI. Quid sit, Adueni-
at regnum tuum? 78. 45

Nullus ingredi potuit, nisi prius
primogenitus ingrederetur. 299. 1

RISVS. Vndè est in homine, &
quæ causa eius? 211. 22

S

SACERDOS. Prohibuit Ecclesia
Sacer-

Sacerdotes nubere. 50. 32

SAGA. Quomodo occidit iumen-
ta? 64. 12

Quomodo absens torqueri potest?
ibidem.

SALVS. Spiritualis fit per mo-
dum spiritualem, corporalis per cor-
poralem 296. 13

SANCTIFICATIO quid sit? 290
4

Quarè aliqui sunt in vtero Ma-
trum sanctificati, & vnus citius alio?
289. 3. 290. 6

In vtero sanctificati, nunquam va-
carunt generationi Adamicæ. 291. 7

Maiorem gratiam acceperunt,
quam alij in circumcisione vel bap-
tismo. 290. 5

SANGVIS. habet animam & vo-
cem. 67. 17

Leporis, est medicus. ibidem.

Quarè è cadauere hominis occisi
erumpit? ibidem.

Datur per sanguinem salus, absque
omni respectu ad peccatum præsens
vel futurum. 254. 18

SCIENTIA per discursum ha-
bet ortum in naturâ humanâ, ab esu po-
mi vetiti. 98. 30. & sequi:

SEMEN nunquam fuit in Virgi-
ne SSmâ. 264. 10

Abducitur quò non vult. 190. 22

Decisum à parentibus, non facit fi-
liationem Adæ. 190. 23

Dupliciter consideratur. 263. 4

Quid propriè importat ratio semi-
nalis? 264. 8

Decisum à lumbis, habet virtutem
sufficientem ad inducendam carnali-
tatem & animalitatem. 264. 9

Si aliquid ex semine Deus faceret,
illud non fuisset in semine secundum
rationem seminalem. 264. 10

Quo-

T A B V L A

Quomodò intelligendum. Inter
femen tuum & semen mulieris, inimi-
citas ponam? ibidem.

SEXVS. Multa finè commixtio-
ne sexuali nascuntur. 51. 34

Notæ sexuales, quare sunt effor-
matæ? 56. 42

SOL. quomodo generat homi-
nem? 234. 3

SOPOR. Vigilans seu catochus. 64. 12

SPIRITVS S. non est Pater Chri-
sti, quamuis de Spiritu S. sit conceptus. 36. 4

Solus ex vi suæ productionis, debu-
it hominem producere appropriatè. 43. 19. 20

Fæcunditas eius. 45. 21

SPIRITVS per se primò patitur
morbos, caro verò per spiritum. 65. 13

Inter spiritus, sunt pugnae & ami-
citiae. ibidem.

Latet in toto vniuerso vn°. 69. 23

STATVS. In statu innocentiae,
non essent Doctores, nec Martyres,
nec tanta merita. 121. 17. 18

Siperseuerasset status innocentiae,
nullus esset ingressus gloriam, antè
Christi incarnationem. 299. 2

SVCCINVM. Effectus ei°. 69. 22

T

TENEBRÆ sunt ens, & non tan-
tum pura priuatio. 119. 13

THEOLOGVS. Suprà Theolo-
gos, 284. 3

gos, illiterati quare aliquandò sapi-
unt? 100. 35

THESA VRVS Ecclesiae, vnde
sumpsit initium? 270. 5

TRISTITIA fuit in Christo, ad
imperium voluntatis, non fuit in eo
mania, nec melancholia. 278. 24

V

VERBVM Diuinum, non tam
propter nostram redemptionem,
quam propter suam gloriam, incarna-
tum est. 5. 3

VIR. In statu innocentiae essent
omnes Sacerdotes. 54. 41

VIRGO, minorem dat tentatio-
nem, quam corrupta. 246. 18

Quare sola Mater dicitur virgo
virginum, & non Christus. 173. 20

Qui est essentialiter Virgo non ha-
bet peccatum originale. 245. 14

Quid sit Virginitas? 242. 5

Fructus centesimus. 46. 24

Virginitas naturæ humanæ, perfe-
ctior fuit Virginitate naturæ Ange-
licæ. 242. 5

Virginitas nunc in hominibus, est
tantum secundum quid. 243. 6

Virginitas, non opponitur Mater-
nitati. ibidem. 8

VITA spiritualis quid sit, & qui
gradus eius? 121. 16

VOLVNTAS. Creaturæ ratio-
nalis voluntatem, non potest DEVS
facere impeccabilitatem per natu-
ram. 284. 3

F I N I S.

Qqqq

ERRATA

ERRATA CORRIGENDA.

Paginâ	18.	Versu	36.	Quis.	Lege.	Qui.
p.	20.	ver:	19.	Ille.	l.	Ille.
p.	22.	v.	7.	In obedientia.	l.	Inobedientia.
p.	24.	v.	11.	Coniuncta.	l.	Coniuncta.
p.	27.	v.	2.	imò	l.	Primò.
p.	30.	v.	2.	Bulluinam.	l.	Belluinam.
p.	31.	v.	13.	Canone.	l.	Canone.
p.	50.	v.	22.	Queres.	l.	Queras.
p.	51.	v.	34.	Sic.	l.	Si.
p.	55.	v.	22.	De est.	l.	Deest.
p.	72.	v.	34.	Exultauit.	l.	Exulauit.
p.	74.	v.	6.	Obdomen.	l.	Abdomen.
p.	79.	v.	2.	Quando.	l.	Quando.
Ibidem		v.	14.	Parte.	l.	Parte.
p.	84.	v.	20.	Infectant.	l.	Infectant.
p.	93.	v.	11.	Neg ^o oppona	D. Amb: l.	Neg ^o opponas
				Diuo Ambrosio.		
p.	97.	v.	34.	Scipios.	l.	Se ipso.
p.	99.	v.	40.	Bruto.	l.	bruto.
p.	125.	v.	22.	Vti.	l.	Vi.
p.	128.	v.	23.	Est carne.	l.	Est ex carne.
p.	139.	v.	5.	Samentum.	l.	Sacramentum.
p.	149.	v.	7.	Sentenita.	l.	Sententia.
p.	153.	v.	28.	Sib.	l.	Sibi.
p.	156.	v.	19.	Dedeformiori.	l.	Deformiori.
p.	177.	v.	39.	Producentem.	l.	Perducentem.
Ibidem				Aternam.	l.	Æternam.
p.	179.	v.	24.	Essentientes.	l.	Affentientes.
p.	180.	v.	30.	Sarcenda.	l.	Arcenda.
Ibidem		v.	31.	Totiu.	l.	Totius.
p.	183.	v.	18.	Nunciatis.	l.	Nuntiantis.
Ibidem		v.	29.	Amoum.	l.	Amorum.
p.	184.	v.	39.	Ioannis.	l.	Ioannes.
p.	190.	v.	28.	Degenerare.	l.	Denegare.
p.	192.	v.	21.	Instans.	l.	Instas.
p.	193.	v.	9.	Nutura.	l.	Natura.
p.	204.	v.	7.	Faine.	l.	Farina.
p.	218.	v.	10.	Doctor.	l.	Doctoris.

ERRATA

p.	226.	v.	11. Et DEVS Lux est) tenebrae &c.	
			l. DEVS lux est, & tenebrae in eo non sunt ullae.	
Ibidem		v.	19. Sicut.	l. Sicut.
Ibidem		v.	22. Sensiva.	l. Sensitiva.
p.	227.	v.	32. Sine animâ.	l. Sive anima.
Ibidem		v.	33. Vi.	l. Vi.
p.	132.	v.	30. Deducus.	l. Dedecus.
p.	248.	v.	3. Dicebat.	l. Decebat.
p.	261.	v.	1. Formota.	l. Formata.
p.	266.	v.	18. Filius.	l. Filius.
p.	268.	v.	17. Ni.	l. In.
p.	272.	v.	16. Ad ilud. Mors nostra, &	
			Brutorum. Adde. Iam satis abunde docuimus supra.	
Ibid.		v.	3. Illarum.	l. Illatum.
p.	275.	v.	36. Culpâ inhaerente.	l. Culpâ non inhaerente.
p.	280.	v.	11. Quid.	l. Quidquid.
p.	285.	v.	17. Im potentia.	l. Impotentia.
p.	288.	v.	22. Christi.	l. Christi.
p.	300.	v.	7. Obcontractum.	l. Ob contractum.
Ibidem		v.	32. Beuta.	l. Beata.
p.	308.	v.	40. icet.	l. licet.
Ibid.		v.	41. cluserit.	l. cluserit.
Ibid.		v.	42. (Modò.	l. Modò.
p.	311.	v.	24. egum.	l. Regum.
p.	312.	v.	8. offeramus.	l. efferamus.
p.	316.	v.	13. Actu.	l. Actus.





V O T V M
AD IMMACULATE CONCE-
PTAM DEIGENITRICEM
M A R I A M.

Nomen DEI Matris, ore, & corde, & animâ totâ, complector: Quod vtinam in ore habere tunc possim, cùm Mors, ad vltimum reddendum spiritum, me compellet. Mihi enim omninò persua-
deo futurum, vt crudeles aeris exacto-
res, hominumq; hostes, illud timeant, &
meum exitum à tributo immunem esse,
patiantur. Idem DEI Matris nomen, sit
mihi vltimus linguæ loquentis motus,
vt illud veluti Oliuæ ramum, in ore fe-
rens, auolem & requiescam, quemad-
modum Columba, in salutari arcâ Pa-
radysi. *S. German: Patriarcha Constantinop: Orat: de
Annuntiat: B. Virg: Maria.*



E.
&
m
rs,
ne
a-
o-
&
e,
fit
is,
fe-
d-
a-
de



312

